







Ex Bibliotheca
majori Coll. Rom.
Societ. Jesu

IV. 6. 6.


30.1.10.

5-10-13. 1/4 -

























DIVI EVCHERII
EPISCOPI LVGDVNENSIS
COMMENTARII

in Genesim, & in libros Regum.

Reliquos eiusdem libros uersa pagina indicabit.



R O M A E,

Apud Paulum Manutium, Aldi F.

M. D. LXIII.

Cum priuilegio Pii III. Pont. Max.

**Enumeratio librorum Diui Eucherii, &
quos hoc uolumine complexi
sumus.**

Commentariorum in Genesim libri III.

In libros Regum libri IV

Formularum Spiritualium liber.

Quæstiones in uetus, & nouum testamentum

**Nominum Hebraicorum, & aliorum, quæ
in sacris litteris sunt, interpretatio.**

**Epistola ad Valerianum, de contemptione
rerum humanarum.**

Eiusdem libri, qui desiderantur.

**De laudibus heremi liber ad D. Hilarium,
Episcopum Arelatensem.**

Epistolarum uolumen ad diuersos.

Epitome librorum Diui Cassiani.

PETRVS GALEBINVS

LECTORI S.



DIVVS Eucherius, Lugdunensium Episcopus, ut ex eius libris, quos habemus, perspicitur, homo is fuit, qui Latine, Græce, & Hebraice ita nouit, ut præclaram hanc cognitionem cum theologiæ scientia, sanctissimaque uitæ exercitatione summopere coniunxerit. Commentarios in Genesim, & Regum libros conscripsit: in quibus tanta uirtutum ornamenta clucent, ut multarum rerum, quæ in

illis libris obscuræ uidentur, ratio nobis explorata, & plane explicata esse possit. nam rerum nostrarum mysteria, quæ inulta sane quidem ex faceris illis libris animaduerti possunt, enucleate perscripsit: & ut is, cui ueritas, ac religio cordi admodum fuit, ea, quæ cum ratione fidei, & ueritatis coniuncta sunt, ita explicauit diligenter, ut, quod ad illud interpretationis genus pertineat, nihil temporibus illis desiderari potuerit aut clarius, aut locupletius. Et quoniam in sacrosanctis illis sacrarum litterarum monimentis Hebræi, ut est genus hominum, quibus, quemadmodum de municipibus suis dixit Lucilius, plus sapientia, quam cerebrum, abscondita Dei mysteria, confectis fabulis, ad ea traducunt, quæ popularia sunt, sæpeque uix digna lucubratione anicularum; et si talia ipsi confingendo produnt infantiam suam; tamen ex huius uiri & religiosi, & docti commentariis, in quibus res magnæ, magnisque mysteriis inuolutæ explicantur, facilius homines, qui integro sunt, puroque animi sensu, animaduertent, quam uehementer illi a uero Dei cultu alieni, quamue infano quodam mentis errore obæcari, incredibili sua deliratione diuinæ legis dignitatem imminuere studeant; cæci, cæci, inquam, homines & plane rudes, qui maiorum suorum cohortationibus, & prophetarum uocibus sæpe adinoniti, ea diuinæ legis mysteria parum uiderunt, quæ nostræ fidei interpretes, Spiritus sancti lumine illustrati, cum accurate perspexerint, ea tum ceteris, tum ipsis maxime patefecerunt. at illi, quoniam homines sunt, id quod de iis testatur Moses reliquit, קטני ערך, aliorum hortatu facti nihilo meliores, in ea sacrarum rerum cognitione, quam uelut hereditariâ se a maioribus accepisse gloriantur, ita ualde desipere uoluerunt, ut, dum rerum, quæ cælestes sunt, & diuinæ, scientiam se tenere profitentur, incidant in

omnium scelestissimum facinus impietatis. Sed hoc eorum crimen usque adeo manifestum est, ut quæstione non egeat. Ego uero illud equidem miror, quid causæ sit, cur ipsi, cum tam uehementer affirmant in sacris libris ne litteram quidem esse, in qua non magnum aliquod mysterium lateat, ita obstinate operamident; ut ea tantum quærant; quæ corporata sunt, & plane popularia. in hanc quidem rem ea quadrat apud eos peruagata sententia: אין כבודו אין חזקתו אין חזקתו אין חזקתו. grauis est hæc quidē uox, & plena sapientiæ. sed tamen, neque hac, neque adeo aliis eorum, quos ipsi sapientes opinantur, uocibus excitati, ita iam pridem se instituerunt, ut a ueri inuestigatione semet sponte abducant, & in apertissimis rebus, locupletissimisq. de Christiana religione testimoniis ad ea fabularum commenta confugiant, in quibus nulla inest nec pictatis, nec ueritatis nota. Quare cum ad impia quæque ipsi tam obstinato animo obduruerint, factum omnino est, ut cum neque maiores suos exaudiant, quorum gloriæ & laudis quasi hereditatem ad se pertinere putant, tum nostros, quibus טובה עולה, uel si quid grauius animo conceperint, obicere audent, maxime cōtemnant. unde si quæ horum, atque adeo illorum, quorū laudi fauent, salutare uoces de sacrosanctis euangelicæ doctrinæ mysteriis iam multis ante sæculis intonuerunt, ad earū tantum, tamq. suauem concentum ita ipsorū aures obsurdescunt, ut, cū tale sermonis genus audire compelluntur, quoniam id inuiti plane faciunt, onus se Aethna grauius tū sustinere uideantur. Sed nolo contra pertinaces hos homines disputationem hoc tempore suscipere, quā alias a me inchoatam, magno quodam uolumine perficiam, quod contra hæreticos, Hebræos, Mahumetanos, & alios, qui aliquo pacto a Romana Ecclesia dissident, iam pridē institui. illud uero iam breuiter ostendisse sat est, nullum aut in Genesi, aut in Regum libris locum esse, qui hebraicis fabulis obscuratus, non huius uiri commentariis illustratus sit. nā perfectis Euangelicæ legis mysteriis, ut is, qui in theologia, & sanctissimæ uitæ ratione se exercuit, ita obscura quæque demonstrat, ut, cum contra illos in primis, ceterosq. de fide Catholica male sentientes, eruditè copioseq. differat; tum iis etiam, qui in hac Rep. Christiana uiuere uolunt, omnes autem uelle debent, præcepta atque instituta tradit, in quibus non adumbrata aliqua apparet, sed solida inest, expressaq. Christianæ uitæ disciplina. Quare in ceteris commoditanibus, quas ex ueterum Patrum scriptis & plurimas, & maximas percipi licet, hæc dux sunt non minimæ; una quidem, in qua cum satis præsidii sit ad infringendam illorum audaciā, qui malis doctrinæ opinionibus pacem atque otium Reip. Catholicæ perturbare conati sunt, tanti illa certe est, ut eam maxime hoc tempore sequi debeamus. siquidem

dem illis editis, nemo ita rudis est, aut tam male sentit, qui plane non animaduertet, quam noua sit, quam ualde a Patrum opinione abhorrens, quam digna, cui ab omnibus reclametur, ea doctrina, quam paucis ante annis illi seditionum auctores, non ullo docendæ ueritatis studio, sed partim inuidia, partim odio incensi, ut in aliquod discrimen res nostras adducerent, in apertum protulerunt. altera autem commoditatis, atque utilitatis ratio, & illa quidem maxima, in eo posita est, quod, cum ueterum scripta eius generis sint, ut optimis uirtutum exemplis illustrata sint maxime; unusquisque profecto, qui illa uel legerit, uel audierit, nisi a naturæ gradu, aut rationis dignitate discessit, plane intelliget, quid in suo officio agere debeat. nam Patrum hortatu, præceptisq. conformati hominum animi, cognoscent non graue modo esse, in luce omnium offendere, uerum etiam ualde periculosum, peccatum uel minimum admittere. qui uero Clerici sunt, cum ex eorundem litteris perspexerint, se quasi interpretes hominum apud Deum esse, id ad se omnino pertinere putabunt, ut in ipsis aliqua præ ceteris significatio uirtutis eluceat. illi autem, quibus animarum cura commissa est, eorum ite exemplis admoniti, ac præceptis, quasi uocibus excitati, numquam ab ea ecclesia deiciunt oculos, quæ aut curæ, aut fidei, aut patrocínio suo concedita est; immo cum id maxime in officio suo positum esse animaduuerint, in eius statione manendum sibi putabunt, quasi in uigilia quâdam optimorum sacerdotum. hoc igitur pacto ereptis morum erroribus, & introducta illa sanctissima uiuendi disciplina, quam ex ueterum scriptis quisque percipere potest, huius rei præsidio cum res omnis fulciatur, tum illud, iuuante Deo, sperare licebit fore, ut qui de populo Catholico male sentiunt, ii præclaris atque egregiis uitæ nostræ institutis inuitati, de sententia statim decedant, atque eo reuertantur, unde, si sana mente fuissent, illos numquam discedere oportuit. Quare cum tam magnus, atque adeo salutis fructus e ueteribus illis, qui homines & eruditi, & religiosi fuere, existere possit; illud summo hoc Reip. tempore impense curatur, ut non solum eorum Patrum monumenta, quæ occulta latent, in apertum proferantur; uerum etiam quæ semel edita sunt, & prolata, iterum in lucem reuocentur: cum enim ea sit malorum hominum peruersitas, ut rebus optimis interitum parcat, & temporis uocultas omnia ite conficiat; uerendum sano est, ne aut hæc hominum fraude, aut tempore, aut aliquo casu huiusmodi uirtutum seminaria cum auctoribus conciderent. Itaque cum Dñs Eucherius fuerit, ut proxime dixi, & uir doctus, & homo plane religiosus, cuius scripta nobis multa adiumenta subministrare possint, tum ad doctrinam, tum ad uitæ institutum; optimū factū uisum est, ut eius commentarii, quorum hoc

tempore mira paucitas erat, semel iam editi, iterum in uulgus darentur; ne, cum alias ante quam scilicet primū ederentur, diuino consilio conseruati sint, nostra negligentia postea perūsse uideantur. nam superioribus proximis annis, quo tempore Vienna, quod opidum in Austria est, a Turcis, qui intestinis & ciuilibus Christianorum bellis ad Europæ reliquias sæpe inuitati sunt, acerrime obsidebatur; illi nomini populoq. Christiano infensissimi hostes cum omnē eius opidi agrum & uicos uastassent, ac diripuissent, templum etiam quoddam religiosissimum, D. Leopoldo consecratum, inflammassent; bibliotheca, in qua huius Patris Eucherii uolumina adseruabantur, neque incendio combusta, neque sceleratis hostium manibus uiolata est. id quod diuina prouidentia consilioq. euenisse credendum est. Ne igitur quos huius sanctissimi patris libros, Dei beneficio conseruatos habemus, eos aliqua culpa nostra amittamus: quoniā qui semel editi sunt, ex iis perpauca extant; cumq. maxime uerendum sit, ut aliquo temporis spatio nulli inueniantur; illud curatum est, ut ii sincere emendati, iterum in lucem emitterentur. In extremo autē horum commentariorum uolumine adscripta est eiusdem ad Valerianum epistola, grauis illa quidem, neque popularibus referta sententiis. tota est de contemptione, & despicientia rerum humanarum. in cuius quidem rei disciplina cum perpetuus sit Euangelii cursus, in ea ipsa maiores nostri, homines & pii, & religiosi, qui ad placida illa euangelicæ uitæ præcepta sese instituerunt, omnē uim bene beateq. uiuendi inesse uoluerunt. Et quoniā quibusdam eloquentiæ quasi luminibus elucere ea epistola uidetur, nonnulli propterea hanc sibi licentiam sumpsere, ut Eucherii, quem ipsi opinantur hominem parum disertum, illam esse præcise negarint. Leue est istorum argumentum, parumq. momenti habet ad id, quod maxime uolunt. nam etsi uerborum delectus in hoc eruditissimo uiro non multus apparet; tamen sententiarum conformationes, propter quas eloquentia ascendit in tantum honorem, in eius scriptis adeo insignes sunt ad eloquentiæ laudem, ut illis temporibus satis eloquens fuisse uideatur; idq. cum in promptu sit, non plane eget disputatione. Deinde si maior in ea epistola dicendi uis cernitur, id euenit, quoniam diuersum est, quod suscepit, scribendi genus, in ceteris autem, quæ solum explicare uoluit, tenui usus est oratione, quæ per se satis est ad docendum: sed in eo cohortationis genere, quo potissimum tota illa epistola refertur, maiore opus erat ornatu, & splendore; cum ad cohortandi rationem hoc multum interfit, ut si quæ cohortere, id belle splendideq. facias. quæ enim copiose, grauius, ornateq. dicta sunt, in iis maxima uis est & ad delectandum, & ad mouendum,

præterea

præterea si hæc, quæ attuli, parū mouent, frangere eos debet auctoritas cum multorum aliorum, tum maxime Gennadii Massiliensium Episcopi, uiri grauissimi, qui in librorum Eucherii numerum illam adscribit. Certe si ex aliis scriptis illius uiri ingenium animaduertemus, hanc maxime epistolam comperimus, quæ ipsius ingenii rationem ostendat. etenim ut is uir fuit doctus, ac grauis, quiq. hominis Christiani felicitatē euangelicis actionibus statuit; talem in ea se ostendit, monendo, & cohortando Valerianum suum, ut, contemptis iis rebus, ac neglectis, quæ in hac uita amplissimæ habentur, ad ueræ pietatis, doctrinæq. euangelicæ studium is animum ac mentem adiungat. Quoniam igitur ea epistola non commenticia est, sed digna illo uiro & docto, & religioso; nos, ceteris eius scriptis in lucē editis, illam quoque diuulgari curauimus, ut huius nos uiri adhortationibus id quoque perficiamus, quod ille à propinquo suo Valeriano sancte pieq. fieri maxime uoluit. Sed ne quæ de hoc sanctissimo Patre in medium attuli, a me ficta putentur, eorum omnium religiosissimos auctores habeo, Gennadiū, Isidorum, Adonem, Trithemium, quorum de eo testimonia adscribere uolui.

Gennadius de Eucherio

Eucherius, Lugdunensis ecclesiæ Episcopus, scripsit ad Valerianum propinquum suum de contemptu mundi, & secularis philosophiæ epistolam unam scholastico, et rationabili sermone, disseruit etiam ad personam filiorum Salonii, & Verannii, postea Episcoporum, obscura quædam sanctarum capitula scripturarum. Sed & Cassiani quædam opuscula lato tenso eloquio, angusto reuoluens uerbi tramite, in uno coegit uolumine. aliaq. tam Ecclesiasticis studiis necessaria, quam monasticis. Moritur Valentiniano, & Martiano regnantibus.

Isidorus, Episcopus Hispalensis, de eodem

Eucherius, Episcopus Lugdunensis in Gallia, elegans in sententiis, nec minus ornatus in uerbis, edidit ad Hilariū Arclatensem Episcopū, solitudinis deserta petentem, opusculum unum de laude heremi luculentissimum, & dulci sermone compositum: in quo opere laudamus oratorem, etsi pauca, pulchre tamen dicentem. Scripsit alia in multos sacros libros commentaria, non minus necessaria, quam utilia, præcipue uero in Genesim, ac libros Regum ad Salonium, Verrannium, fratres Episcopos, opus prolixum, & doctissimum.

Ado, Archiepiscopus Viennensis, de eodem.

Eucherius, Lugdunensis Episcopus, satis in scripturis diuinis
eruditus, Martiano, & Valentiniano Imperantibus, mo-
ritur. Hic etiam inter alia opera, Cassiani quædam opuscu-
la, lato tenfa eloquio, angusto tramite in unum coegit vo-
lumen.

Trithemius de eodem.

Monacho.
Eucherius, Episcopus Lugdunensis, in Gallia, uir doctus, et mo-
nachorum disciplina a iuuentute imbutus, ingenio promptus,
& sermone compositus, uita, & conuersatione Deo, & ho-
minibus gratus, quippe qui multos, & uerbo, & exemplo,
ab iniquitate auertit: scripsit plura egregia uolumina, sed
ad noticiam meam adhuc pauca peruenerunt. reperi enim
tantum ista.

De contemptu mundi.

Expositiones diuinorum nominum.

Ad filios Salonii, & Veranii. lib. I.

Epitomen Cassiani.

Epistolas quasdam ad diuersos.

Initium commentariorum in Genesim.

Instructionum lib. II

Claruit sub Theodosio iuniore, anno Domini CCCXXI.

D. EVCHERII,
 VGDVNENSIS EPISCOPI,
 COMMENTARIORVM IN GENESIM,
 ad Verannium & Salonium fratres,
 episcopos,



10

LIBER PRIMVS.



30

ERENTES multiplicia congerere, ne stomachus legentium saturatus non solum oblata renuat, sed & ingesta reiciat; priusquam de mundi principio sit loquendum, dicendum est contra eos, qui ore sacrilego, de Deo disputare nituntur, dicentes, Quare fecit Deus cælum, & terram? Quid faciebat Deus antequam cælum, & terram faceret? Cur noua uoluntas in Deo, ut conderet mundum, exorta est? Sed respondendum est illis: Noua uoluntas in Deo exorta non est: quia etsi in re/mundus non erat, in æterna tamen uoluntate semper erat: ergo

frustra dicitur, cur, per tanta retro tempora Deo uacante, noua mundum faciendi orta fuisset cogitatio, quando in suo æterno semper manet consilio mundi constructio. nec tempus ante principium, sed æternitas fuit. tempus enim a substitutione creaturæ, non creatura cœpit a tempore. IN principio fecit Deus. Hic sensus duobus modis sine offensione accipitur: idest, aut primum omnium fecit: aut in principio, quod est sapientia, idest, in uerbo suo fecit. ipse est enim filius, per quem facta sunt omnia; ipse principium, in quo facta sunt omnia.

*C. A. P. I
 De creatione
 cæli & terræ.
 Ioan. 1*

30

Cælum & terram.) Si primo omnium factum est cælum, & terra, angeli postmodum facti sunt: si angeli ante facti sunt, non primo omnium fecit Deus cælum, & terram. Cæli nomine, quidam cælestem, idest, angelicam creaturam creatam æstimant. ad cuius comparisonem, cælum hoc corporeum, terra nuncupatur. Terræ autem nomine materiam illam informem insinuat, ex qua hoc uisibile cælum & terra, & uniuersa moles huius mundi formata est, de qua scribitur, Qui fecisti mundum de informi materia. Sed materia facta est ex nihilo, mundi autem species de informi materia, quæ cæli & terræ nomine appellata est: non quia iam hoc erat, sed quia iam hoc inde esse poterat. Primo igitur uoluit cælum & terram, uelut quandam spiritalem corporalemq. materiam dicere, & sic, quemadmodum si-

40

gillatim facta sunt, ordinem texere. Creatura cæli & terræ quo modo historialiter ab exordio principii condita sit, legimus: sed qualiter in ecclesia spiritualiter a doctoribus accipiat, intelligamus. In principio fecit Deus cælum & terram. Principium Christus est, sicut ipse ait in euangelio, Ego principium, qui & loquor uobis. In hoc igitur principio fecit Deus cælum, idest, spirituales, qui cælestia meditantur, & quærent. In ipso fecit & carnales, qui terrenum hominem nec dum deposuerunt. Terra autem erat inanis & uacua. Idest, adhuc informis erat ipsa materia: quia nec dum ex ea cælum & terra, nec dum omnia formata erant, quæ formari restabant. hæc enim materia, ex nihilo facta, præcessit tamen res ex se factas; non quidem æternitate, uel tempore, sicut præcedit lignum arca; sed sola

Idem 8.

A origine,

origine, sicut præcedit uox uerbum, uel sonus cantum. nam qui uiuit in æternum, creauit omnia simul: Terra carnis nostræ inanis erat & uacua, prius quam doctrinæ acciperet formam. Et tenebræ erant super faciem abyssi. Hæc tenebrosa abyssus ipsam adhuc informis materiæ obscuritatem designat, quia nondum illa species uideri aut tractari poterat. Abyssus namque immensa aquarum profunditas appellatur, quia delictorum cæcitas & ignorantia, profunda obscuritas corda nostra tegebat. Et spiritus Dei ferebatur super aquas. Etiam aquarum nomine ipsam illam informem materiam demonstrat, quæ subiacebat ad uoluntatem creatoris ad conformanda in suis generibus omnia. nam siue terram inanem dicas, siue abyssum tenebrosam, siue aquam, diuersa quidem nomina, sed una eademque materia. idcirco terra inanis & uacua, quia nondum erat uniuersitate creaturarum completa. Pro eo abyssus tenebrosa, quia speciem luminis nondum habebat. Pro eo aqua uocata, quia siue caro, siue omnia, quæ gignuntur, humida sunt, & ex humore concreta sunt. Nam & hoc cælum corporeum, quod firmamentum uocatur, secunda die post conditionem lucis factum est: & hæc terra tunc accepit formam, quando abyssus distincta est. Ipsæ quoque aquæ tunc speciem sumpserunt, quando in unum sub firmamento collectæ sunt: ac per hoc non illud cælum hoc corporeum cælum, sed spiritalis intelligenda est creatio angelorum: nec illa terra uel abyssus, hæc uisibilia elementa: sed illud intelligendum est, informis & obscura mundi materia. Et tenebræ erant super faciem abyssi. Quidam dicere solent, Unde erant tenebræ antequam fieret lux? Quis eas fecerat? Aut si nemo fecerat, æternæ sunt. Quibus responderetur, Non quia aliquid sunt tenebræ, sed ipsa lucis absentia hoc nomen accepit: sicut enim silentium nihil est, sed ubi uox non est, silentium dicitur: sic tenebræ nihil sunt, sed ubi lux non est, tenebræ dicuntur. Et spiritus Dei ferebatur super aquas. Spiritus sanctus, Deus est, qui non loco continetur, aut distenditur, nec temporum mutationibus subiaceret, sed est ubique præsens, ac totus. Superferri autem domini spiritus aquis dicitur: non per uagationem, sed potestate: non localiter, sed potentialiter: non per spatia locorum sicut terræ sol superfertur, sed per potentiam sublimitatis suæ. Deus enim non ex indigentia fecit opera sua, sed ex beneficentia atque omnipotentia: qui nihil indigens omnia creat, & misericors cuncta uiuificat, & in plenitudine sancta permanet: non nostris ampliandus laudibus, sed suis innotescendus collaudatur operibus. neque enim horum, indiget quæ facit. indignus quippe, atque egenus amor, subiicitur rebus quas diligit. quamobrem non indignus amor superfertur rebus, quas diligit. Ideo dictum est, superferri creaturæ, spiritum sanctum: quia non ex indigentia operatus est ipsam creaturam. Pro eo autem quod in nostris codicibus scriptum est, ferebatur: in Hebræo habetur, *parro*, quod nos appellare possumus, incubabat, siue consuebat, in similitudinem uolucris, oua calore animantis. Ex quo intelligimus, non de spiritu mundi dici, ut nonnulli arbitrantur, sed de spiritu sancto, qui & ipse uiuificator omnium a principio dicitur. Sic autem uiuificator, quasi conditor & Deus. Emitte enim (ait scriptura) spiritum tuum, & creabuntur. Notandum quod in ipso exordio cæli & terræ, tota trinitas insinuat creatoris. nam pater, in Dei intelligitur nomine: filius, in principii: spiritus uero sanctus, qui superferebatur aquis. Spiritus autem Dei, super cor nostrum tenebrosam & fluidum, quasi super aquas iam superferebatur, in quo subsistentes requiesceremus, cuiusque uiuificaremur statu, & cuius unda ablueremur. Dixit Deus, Fiat lux. Et facta est lux. Si in die dixit, temporaliter dixit: si temporaliter dixit, per aliquam creaturam dixit. ergo non est prima creatura lux: quia iam erat, per quam diceret, Fiat lux. Vere enim nec in die dixit, nec temporaliter dixit: quia ante

nota.

firmamento.

Psal. 103

Trinitas.

De conditione
lucis. II

ante omnem creaturam, uerbum suum genuit. Dicitur itaque Dei, uerbum Dei est : sed diuina scriptura paruulis congruens, & quodam modo eos lactans, ut proficiant, & cibum spiritalem capiant, uoluit semper per omnem creaturæ formationem/ dictionem Dei nuncupare. ut, uerbi causa, si requiras, quo modo facta est lux? audias. In uerbo Dei erat, ut fieret. Quo modo factum est calum? In uerbo Dei erat, ut fieret. Et cetera per ordinem, si requiras quo modo facta sunt? In uerbo Dei erant, ut fierent. Hoc enim est: Dixit Deus, fiat lux, dixit, pro fecit, posuit scriptor: ut ce-
 leritatem, uel facilitatem operis Dei ostenderet. neque enim corporalibus modis loquitur diuina natura: nec quoties dixit, toties uerba formauit. unum enim uer-
 10 bum genuit coeternum, & consubstantium sibi, in quo omnia ineffabiliter & in-
 temporaliter dixit. talis enim Dei locutio, non temporaliter præteriens sonus, sed sola dictio est rationis. Dixit Deus, fiat lux. In hac luce historialiter recapitula-
 tur creatio angelorum, qui pro participatione æternæ lucis, lux & dies nuncupati sunt. quorum unitas ut ostenderetur, non est dictum, dies primus: sed, dies unus. Exoritur autem questio de angelis, quo modo in creatione sex dierum prætermittantur, tamquam non sint in operibus Dei? Opus autem Dei esse angelos, hym-
 nus trium puerorum testatur. nam cum prædictum esset, Benedicite omnia ope-
 ra domini domino: in executione eorundem operum, etiam angelos nominauit. Et in psalmis, cum diceret inter cetera, Laudate dominum omnes angeli eius: sub-
 10 iccit, Quoniā ipse dixit, & facta sunt. His ergo exemplis, a Deo angeli facti demon-
 strantur: sed quo die creati sint, nusquam infert. Sed quia in scriptura sancta legi-
 tur dixisse Deum, Quando facta sunt sidera, laudauerunt me omnes angeli mei: iam erant angeli quarto die, quando sidera condita sunt. Ergo nec die tertia facti sunt. In promptu est enim, quod die illa terra, ab aquis discerpta, pabuli her-
 bam produxit. Ergo nec secundo die facti sunt. tunc enim factum firmamento, di-
 uisio fuit superiorum atque inferiorum aquarum. nil mirum enim si in operibus sex dierum angeli/ lucis significatione/ creati intelliguntur: ante omnem enim crea-
 turam facti sunt, quia prior omnium creata est sapientia: qui propterea dicuntur sapientia, inherendo scilicet æternæ sapientiæ. Verumtamen numquid & ante tem-
 30 pora facti sunt, quia prior omnium facta est sapientia, prior scilicet omnium, etiam & tempore? Oportebat enim ut creatura inconculsa adhærens, etsi non suo creatori æqualis, omni saltem creatura prior esset & melior: qui quidem dum sint mutabiles natura, facit tamen eos immutabiles atque incorruptos/ gratia semper-
 ternæ. nam si natura incommutabiles essent, diabolus non utique cecidisset. com-
 mutabilitati namque naturæ in eis suffragatur contemplatio creatoris. Inde priua-
 tus est apostata angelus, dum fortitudinem suam non a Deo, sed a se uoluit con-
 stare. Tante enim gratia sunt angeli, ut nec ipsorum accessio decessione fuerit tem-
 40 porum. Duas enim esse res in creaturis constat, quarum uicissitudo temporum comprehendi non ualet: primum enim angeli, propter quod incommutabiles inherant creatori: secundum materia illa informis, quia nec eius comprehenditur tempus, prius quam ex ea omnia ista formarentur, quæ temporaliter uoluntur.
 Dixit quoque Deus, Fiat lux. Id est, illuminatio credulitatis appareat. Prima enim die lucem fidei dedit, quia prima est in conuersione fides. Vnde & istud primum in Dei præceptis mandatum est, Dominus Deus tuus, Deus tuus est. Propter quam fidem, ipse dominus etiam uisibiliter in mundo apparere uoluit.
 Et uidit Deus lucem, quia bona est.) Non quod subito uiderit Deus lucem, quod esset bona, & uisio ei contulerit scientiam, eum in nobis omne opus præcedat uoluntas nostra, dum cogitamus, quid operari debeamus. non enim igno-
 tans aliquis facit aliquid, dum cogitat qualiter fiant, quæ facienda cogitando di-

*Angelus creatio.**Psal. 103**Psal. 116**Angeli s. die creati.**in 2.ª parte.**Deuter. 6*

spofuit: & cum hoc in hominem cadere non poffit, ut aliquid ignorans faciat, quanto magis in Deum, qui omnia æterno & ftabili confilio fuo facit? Ergo nec difcit, fed docet factum in arte faciendum: & nec aliter facta, nec aliter facienda uidit. Eo itaque modo uidit facta, quo uiderat facienda. Inde eft quod dicit, Vidit Deus quod effer bonum: id eft, in ea bonitate placuit, ut maneret: in qua placuit, ut fieret, quod fecit. Et diuifit lucem a tenebris.) Diuifio lucis a tenebris, boni angeli feperati a malis. Et quia ex his quofdam præfciētiæ fuæ diuifit inter bonos & malos. Malos igitur appellans tenebras, bonos appellans lucem, in his dicens, Vidit Deus, quia boni funt. in illis nullatenus dicens, ficut in omnibus operibus Dei, Vidit Deus, quia bonum eft: ne malum præuaricatorum uideretur approbare angelorum. Et diuifit lucem a tenebris. tunc iam Deus iuxta præfciētiæ fuæ gratiam diuifit inter lucem & tenebras, id eft, filios Dei & lucēs a peccatoribus, tamquam a tenebris, iuftos uocans diem, & illos noctem. nam quia in ecclefia lucis nomine iufti appellantur, audi apoftolum, Fuiſtis, inquit, aliquando tenebræ, nunc autem lux in domino. Sequitur, Factum eſt ueſpere & mane.) Veſpere, conditæ creaturæ terminus: mane, initium condendæ creaturæ alterius. Quæ-
 runt aliqui, cum primum ueſperum, poſtea mane, ſcriptura commemorauerit: ne forte noctem prius, quam diem ſignificare uideatur. nec aduertunt primum, quod præmiſerit diem, dicendo, Et uocauit Deus diem, lucem: & tenebras, noctem. Inde eſt quod ueſpera finis diei ſit, & mane finis noctis. Ergo ut beneficium ante oblatum prærogauit, & primatus natiuitatis diei daret, prius finem diei ſignificauit, poſt quem ſecutura nox eſſet. Deinde poſtea diem noctis adiunxit, dicendo, Factumq. eſt ueſpere, & mane dies unus.) Dieſiſte unus prior factus, propter concordiam reſidnorum angelorum ſic appellatus eſt. quorum propter unitatem inſinuandam non dies primus, ſed dies diſtus eſt unus, & idcirco ipſe repetitur ſemper in executione creaturarum: quia ipſe dies, hoc eſt, natura angelorum, quando creaturam ipſam, quam Deus faciebat, contemplantur, quodam modo ueſperaleſcebat. uerum tamen, quia non permanebat in eius creaturæ intuitu, ſed laudem eius ad Deum referens, ipſam melius in diuina ratione conſpicebat, tunc continuo quali mane fiebat. nam ſi permaneret neglecto creatore in aſpectu creaturæ, iam non ueſpera, ſed nox utique fieret. Sequitur, Dixit quoque Deus, Fiat firmamentum.) Firmamenti nomine, cælum ſignificauit: pro eo quod fortiter, & firme compoſitum eſt. maximeq. propterea uocatum eſt firmamentum, propter firmitatem, ſiue ſuſtentationem, & intransgreſſibilem terminum ſuperiorum aquarum. Et fecit Deus firmamentum, diuiſitq. aquas ab aquis, quæ erant ſub firmamento.) Iam quia addidit, Et diuiſit aquas ab aquis: quærendum eſt, utrum hunc aerem nebulofum nominet firmamentum, qui diuidit aquas ſuperiores nubium ab inferioribus, quæ in terris fluunt. nam & ipſe aer cælum uocatur, ſicut legimus, Volucres cæli: dum non de illo ſuperiore dicatur, ſed de iſto in quo aues uolitant. Vnde quæri poſteſt, quo modo elementum aquæ poſſit eſſe ſupra cælos. aqua enim cedit terræ, & aer cedit aquæ, & ignis cedit aeri. unde impoſſibile uidetur, ut ſecundum elementum, quod eſt aqua, ſit ſupra quartum, quod eſt ignis. Quo modo, & quales ſint aquæ illæ, quas ſcriptura dicit ſupra cælos, eſſe eas ibidem minime dubitamus, quæ non locorum ſedibus, ſed dignitate nature, uidentur ſupra cælos. ſicut enim nubes iſtæ, quæ ubique ſunt, feruntur ſuper aerem, quod eſt tertium elementum: ita fieri poſſe arbitror, ut aquæ tenues atque ſuauiter ferantur ſuper cælum. nam ex hoc pondere elementorum, multi philoſophorum reſurrectionem

Ephe. 5

De firmamen-
to. 111

pſal. 8

resurrectionem carnis illudentes, non posse fieri inquit, ut homo, qui utique ex terra factus est, sit in celo. Sed hos ueritas conuincit, qui facit multa animalia terrena uolitare in aere, & aquam esse supra aerem, & ignem, quod est utique quantum elementum, esse in terra. Ergo Dei potentia, quæ hæc facere approbatur, facit ut & homo, & aqua sit supra celum. Aquas uero istas uisibiles quidam impie negant factas esse a Deo: pro eo quod in Genesi non commemorantur ubi sint factæ: pro eo quod scriptum non est, Dixit Deus fiant aquæ. Quibus ita respondendum est: Quia dum dictum est, In principio fecit Deus celum & terram: illic & aquæ intelligendæ sunt. uno enim nomine utrumque comprehensum

est, tropo metonymico: quasi per ea, quæ continent, id, quod continetur. nam ipse est mare, & ipse fecit illud. Sequitur, Vocauitque Deus firmamentum, *Psal. 99* celum.) Quid est quod celum factum dicit: & hoc, firmamentum postmodum uocatur: nisi quia natura angelica, quæ prius mirabiliter est condita, ne cadere unquam possit, postmodum est mirabilius confirmata. Firmamentum, idest, solidamentum sanctorum scripturarum. Firmamentum, in ecclesia scripturæ diuinæ intelliguntur: sicut scriptum est, Celum plicabitur sicut liber. Dilcreuitque super hoc firmamentum aquas: idest, cælestes populos angelorum, qui non opus habent hoc suscipere firmamentum, ut legentes audiant uerbum Dei: uident enim eum semper, & diligunt. Sed superposuit ipsum firmamentum legis suæ

super infirmitatem inferiorum populorum, ut ibi suspicientes, cognoscant qualiter discernant inter carnalia & spiritalia, quasi super aquas superiores, & inferiores. Sequitur, Dixit quoque Deus, Congregentur aquæ, quæ sub celo sunt, in locum unum.) Si totum aquis plenum erat, quo modo poterant aquæ congregari in unum? Sed iam superius dictum est, quod super aquam ferebatur spiritus Dei, unde erat Deus omnia formaturus. nunc uero cum dicitur, Congregentur in locum unum: hoc dicitur, ut illa materia incorporalis formaretur in ea specie, quam habent istæ aquæ uisibiles. ipsæ enim congregatæ in unum, ipsa est aquarum formatio harum, quas uidemus, & tangimus. *Appareat arida.*) Quid hic aliud intelligendum est, nisi ut illa materia accipiat uisibilem formam,

De congregatione aquarum in locum unum.
IIII

quam nunc terram istam uidemus habere? Superius enim quando cognominabatur terra, Inanis & uacua, ipsa rerum materia nominabatur, nondum generibus creaturarum completa corporalium: & quod nominabatur aqua, supra quam ferebatur spiritus Dei, eadem rursus materia nominabatur. nunc uero aqua ista, & terra formatur ex illa materia, quæ ipsis nominibus appellabatur, antequam formam aquæ istæ, quas nunc uidemus, acciperent. Et uocauit aridam, terram.)

Terra ideo uocatur arida, quia sicut ignis calorem, & aqua humorem: ita terra naturaliter habet siccitatem. Congregationes quoque aquarum appellauit maria.) Notandum quod omnis aquarum congregatio, in Hebræa locutione, maria nuncupentur. Et uidit Deus, quia bona est.) Docet bonum esse quod fecit, non dicitur. Germinet terra herbam uiuentem, & facientem

semen, lignum pomiferum faciens fructum.) Bene dixit, Herbam uiuentem, & lignum pomiferum. Terra arida & fructuosa, per peccatum hominis maledicta, produxit tribulos & spinas. Vnde questio nascitur, Cum Deus septima die requieuerit ab omni opere suo, quo modo hæc postmodum condidit nota? quamuis enim propter peccatum hominis hæc condita dicantur, nihil tamen postmodum creatum est nouum: quia non post peccatum hominis, quasi ad poenam eius creatum sit aliquid nouum: maxime dum in eundem locum non dicitur, Spinæ & tribulos pariat terra: sed, Pariet tibi terra: quasi diceret, Incipiet tibi nasci ad laboris exitium, quod olim creatum est, ad pabulum iumen-

torum. Herbarum autem uenenosarum, quamquam ad poenam, uel exitium mortalium sint creatæ, habent tamen ipsæ quidam remedia salubritatum: & quæ non præstant escam, medicinam ministrant: & quæ noxia sunt usibus hominum, innoxium præbent feris, & auiibus pabulum. Iuxta genus suum.) Vt esset nascentibus singulis uirtus seminaria, & secundum genus eorum similia nascerentur, distincta similitudine, sicut origine. Post hæc, die tertio collegit in unum aquas inferiores falsas: hoc est, homines infideles, qui cupiditatem tempestate, & tentationum carnalium fluctibus quatuntur, & in se ipsis, quasi amaritudo, includuntur. Segregauitque ab eis aridam. Populum scilicet fontem fidei sitientem. Fixitque dehinc superborum limites, & coercuit eos: ne turbulentis iniquitatum suarum fluctibus, aridam, idest, animam sitientem Deum concutiant: liceatque ei germinare bonorum operum fructus, secundum genus suum. Diligens proximum, in subsidio necessitatum carnalium, habens in se semen, secundum similitudinem, ut ex sua infirmitate compatiatur, ad subueniendum indigentibus. Producing, & lignum forte robore, & fructiferum, idest, beneficium, ad eripiendum eum, qui iniuriam patitur, de manu potentis, & præbendo protectionis speciem umbraculo ualido, robore iusti iudicii. Sequitur, Dixit autem Deus, Fiant luminaria in firmamento caeli.) Si quarto die facta sunt luminaria, quo modo tres dies iam ante fuerunt? Nisi ut intelligamus in ipsa hora temporis, ipsas operum distinctiones ita appellatas: uesperum, propter transactionem consummati operis: mane, propter inchoationem futuri diei: in similitudinem humanorum operum, quod plerique mane incipiunt, & in uesperum desinunt. Et diuidant diem ac noctem.) Quasi diceret, Sic diuidant inter diem & noctem, ut Soli dies detur, nox uero Lunæ & ætheribus ceteris. Et sint in signa & tempora, in dies & annos.) In signa, scilicet quemadmodum ex Sole & Luna, aliqua signa colliguntur: iuxta quod & dominus ait, Erunt signa in Sole, & Luna & in stellis. per quod significaretur tempus future consummationis. Signa, pro eo quod aliquid significant futurum. uel quod articuli temporum per siderum cursus notantur. non autem ea signa, quibus nonnulli tentauerunt naturas exprimere hominum, & qualitates. Et addidit, Vt sint in signa & tempora, scilicet ut tempora distinguantur in uicibus mutationum, hyemis, uerni, æstatis, autumnus. In istis igitur temporibus aut uelocior est transitus Solis, aut tardior, aut æqualis. alia enim præstringit radiis suis, alia inflammat caloribus, alia temperie fouet. In signa, & in dies. Vt Sol in eo habeat diel principatum. In annos. Quia Luna per tricenos dies duodecies currens, annum conficit. Sol autem expleto per omnia signa circuitu, ad idem principium cursus sui recurrit. Signa autem & tempora, pertinent ad omnia sidera. Dies uero, ad Solem tantummodo. Annus autem, ad cursum Solis & Lunæ. Luminare maius, ut præesset diei.) Vtique, quia per diem Sol principatum tenet. Luminare minus, ut præesset nocti & stellis.) Quia Luna per noctem principatum tenet, quamuis cetera sidera cum ea pariter fulgeant. Quarto die emicuerunt luminaria, firmamento legis infixæ: idest, euangelistæ, doctores scripturæ sanctæ coherentes disputando, & omnibus inferioribus lumen sapientiæ demonstrantes. Protulit etiam simul & ceteram micantium siderum turbam: idest, diuersarum uirtutum in ecclesia numerositatem, quæ in huius uitæ obscuritate, tamquam in nocte resurgentes, diuidant in hoc firmamento scripturæ, sensibilia, & intelligibilia: quasi inter lucem perfectorum, & tenebras prætorum. Et sunt in signis, uirtutum & miraculorum: quia prædicatores propriis temporibus uiuunt: uerbum autem domini manet in æternum. Quare autem primo terra germinauit, deinde facta

De creatione
solis & lune
& stellarum.

V

de facta

defacta sunt luminaria? nisi quia post opera bona uenit illuminatio lucis ad contemplandam speciem supernæ uirtutis. Sequitur, Dixit etiam Deus, Producant aquæ reptile animæ uiuentis, & uolatile super terram.) Quod uolatilia ab aquis producta scribuntur, aer, in quo aues uolitant, a sapientibus cum aquis deputatur: pro eo quod aquarum humida ex solutione pinguescit, ut uolarum auium sustinere possit. Ob hoc non immerito pisces, & uolucres de aquis nata, esse commemorantur: quia una est aeris aquarumue natura. Sed quidquid aquarum undosum & fluidum est, reptilibus deputatum est: quidquid uero uaporali-ter suspensum est, aui- bus distributum est. In species suas, secundum genus

De eo quod scriptum est, Producant aquæ reptile anima uiuentis.

V I

10 suum.) Quia ita creata sunt, ut ex eis alia generentur, quæ & formam seruent posteritatis, & specie distinguerentur a ceteris. Inter hæc die quinta, facta sunt in aquis reptilia animarum uiuarum: homines scilicet renouati in uitam per baptismi sacramentum. Facta sunt & uolatilia, id est, sanctæ animæ ad superna uolantes. Sequitur, Dixit quoque Deus, Producat terra animam uiuentem in genere suo, iumenta, & reptilia, & bestias terræ.) Hæc tria generaliter distinguit. In iumentis enim, animalia quæ in usus hominum sunt. In reptilibus, serpentes. In bestiis, leones, pardos, tygrides, uel quidquid ore unguibus sœuit. Cum omnia legantur bona a Deo creata, quare quædam noxia inueniuntur? An forte in primordio innocua facta sunt, & post peccatum nocere cœperunt? bona enim

Item de productione anima uiuentis in genere suo.

V II

10 condita sunt, sed male agentibus data sunt in flagellum. Hinc per prophetam dicitur, Ego dominus faciens pacem, & creans malum. Creare se dominus mala insinuat, dum bona condita, peccatoribus in flagellum format: ut ea ipsa & per dolorem, quo feriunt, delinquentibus mala sint; & per naturam, qua existunt, bona. Quæritur adhuc, & si nobis pro peccato nocent, quare sibi inuicem nocent? nisi quia aliæ in cibum sunt aliarum datæ. Omnia in suo genere pulchra sunt, quamuis nobis pro peccatis uideantur aduersa. De minutissimis animalibus credendum est, quæcunque ex aquis uel terris nunc nascuntur, in prima rerum conditione fuisse creata. cetera uero, quæ de uitis corporum, uel lignorum uel cadaverum nascuntur putredine, non tunc creata sunt in specie,

Isa. 45

30 sed iterat in eorum corporibus præsens seminis origo, ut consequenter de eorum corruptionibus pro suo quoque genere exorirentur. Post hæc sexta die, producit terra animam uiuam, quando caro nostra abstinens ab operibus mortuis, uiua uirtutum germina parurit, secundum genus scilicet suum, id est, uitam imitando sanctorum, sicut apostolus ait, Imitatores mei estote. Secundum nostrum quippe genus uiuimus, quando in opere bono sanctos uiros quasi proximos imitatur. Deinde produxit terra bestias, homines in potentia rerum siue ferocitate superbiæ: similiter & pecora, fideles in simplicitate uitæ uiuentes: serpentes quoque innoxios, sanctos uidelicet uiros sicut uiuacitate, bonum a malo discernentes, & in quantum fas est, reptando scrutantes terræ,

1. Cor. 11

40 na, per quæ intelligant sempiterna, non illos uenenosos, qui se in huius mundi cupiditatibus terrenis collocant. Sequitur, Faciamus hominem ad imaginem, & similitudinem nostram.) Quare de solo homine dictum est, Faciamus hominem: de aliis autem creaturis legitur, Dixit Deus ut fierent, & facta sunt? Videlicet, quia rationalis creatura condebatur, ut cum consilio facta nideretur, & ut nobilitas eius ostenderetur. Nunquid angelis dictum est, Faciamus hominem? Sed quia sequitur, Ad imaginem nostram: nefas est credere ad imaginem angelorum hominem fuisse creatum, sed ad imaginem Dei. Recte ergo intelligitur pluralitas trinitatis: quæ tamen trinitas, quia unus est Deus, etiam cum dixisset, Faciamus; addidit, Et fecit Deus, inquit, hominem ad

De eo quod scriptum est, Faciamus hominem ad imaginem & similitudinem nostram.

V III

minem ad imaginem suam: ad imaginem Dei creauit illum. non dixit, fecerunt. Ergo quia fiebat ad imaginem Dei, idest, trinitatis: propterea dictum est: Ad imaginem & similitudinem nostram. Sed in interiore homine est conditoris sui imago: imago in immortalitate, similitudo in moribus. Rursus autem, ne in trinitate credentes, arbitrentur tres Deos, cum sit eadem trinitas unus Deus. Et fecit, inquit, Deus hominem ad imaginem suam. Ac si diceret, ad imaginem Dei. Inter similitudinem & imaginem hoc interest: Imago Dei omnium, similitudo paucorum. hæc namque imago Dei, ab excellentia diuinæ similitudinis distat, quod imago Dei, anima peccatrix esse desinit. ad Dei autem similitudinem, nisi anima sancta fuerit, non peruenit: quia illa anima creata est per naturam, hæc dabitur consummari per gratiam. quoniam si nihil est aliud imago Dei, quam mens naturaliter animæ humanæ collata, quid aliud erit similitudo, nisi feliciter beatitudo conferenda? Et ideo quidem est magnum, quod hominis mens facta ad imaginem Dei data sit in natura, cuius privilegio carent animalia cetera: sed illud est multo præstantius, quod ei similitudo danda sit sui creatoris in gloria, ut ibi sit suo creatori similis, ubi erit angelis sanctis æqualis. Quæri etiam potest, cur homo sexto die creatus est, dum constat, quod propter intelligentiam nobilior est ceteris creaturis, quæ in sex diebus factæ sunt: nisi ut primo creator mundum quasi domum præpararet: & sic post introduceret habitatorem; idest, dominum domus. Fecit Deus hominem ad imaginem, & similitudinem suam. Non enim secundum formam corporis, homo factus est ad imaginem Dei, sed secundum rationabilem mentem: iuxta quod ait apostolus, Retrouamini spiritus mentis uestræ. & induite nouum hominem, qui secundum Deum creatus est. Et alibi, Exuentes uos, inquit, ueterem hominem, induite nouum, qui renouatur in agnitionem Dei, secundum imaginem eius, qui creauit eum. Hinc apparet quod non secundum corpus, sed secundum intellectum mentis, ad imaginem Dei factus est homo: quamuis & ipsum corpus nostrum ita sit fabricatum, ut ostendat nos meliores esse, quam bestias, & propterea dissimiles, illarum omnia inclinata sunt ad terram: hominis autem corpus erectum est: quod significat animam nostram in supernis, idest, ad spiritalia debere semper esse erectam. Ad imaginem Dei creauit illum.) Hic homo secundum animam, causali ratione creatur: nam adhuc sequitur, ut de limo formetur. Masculum & feminam fecit eos.) Nec dum enim Eua facta describitur; quo modo hic masculus & femina perhibetur? sed quia de eodem latere erat femina processura, in illo iam computatur per substantiam; a quo erat producenda per formam. Ergo secundum originem, Adam & Eua simul facti sunt, secundum speciem uero formæ, postea femina de latere uiri formata est. Benedixitq. illis Deus, & ait, Crescite & multiplicamini, & replete terram.) Quidam nostri, non secundum carnalem fecunditatem uolunt intelligi, sed animæ: ut est illud, Multiplicabis in anima mea uirtutem. ut hic quod sequitur, Et implere terram. Terram intelligunt carnem, quam implet anima, & dominatur, cum in uirtute multiplicatur: carnalem autem ferum non tunc nasci potuisse in paradiso; sed foris gignere, sicut factum est. Nos autem non dubitamus, secundum benedictionem Dei, corporaliter potuisse illos in paradiso multiplicari, & si non peccassent, coituros, sine ulla libidinis perturbatione, ut membra sola uoluntas, non libido moueret. Illud tamen credendum est, quod tanta multitudo nasci potuit hominum, quoad usque prædestinatorum sanctorum numerus completeretur, quanti & nunc per Dei gratiam colliguntur. Et dominamini piscibus maris, & uolatilibus cæli, & uniuersis animalibus.) Saluo intellectu, quo omnibus animalibus

mantibus homo dominatur spiritales uero omnes affectiones, & motus animæ, quos habemus istis animalibus similes, subditos haberent, & dominarentur eorum per temperantiam. Quo modo accepit potestatem bestiarum, dum uideamus ab eis multos occidi? Post peccatum enim primus homo damnatus anisit perfectionem illam, qua ad imaginem Dei fuerat factus, ut omnibus dominaretur. merito enim peccatorum actum est, ut naturaliter prospera efficerentur homini aduersa. Vidit Deus omnia, quæ fecit, & erant ualde bona. Attende uniuersalem creaturam ualde bonam uocari, singulariter uero tantum bonam. Quare ita, nisi quia omnis pulchritudo, quæ in partibus constat, minus est laudabilis in parte, quam in toto: sicut & membra corporis, cum sint singula bona, maius tamen faciunt bonum, dum unum ualde bonum corpus efficiunt, & pulchritudinem suam uniuersaliter conferunt. Ante erant singula bona, propter hominem, omnia ualde bona, quia omnia in decorem hominis creata sunt. Homo uero in gloriam, & laudem conditoris sui factus est. Sequitur,

I G I T V R perfecti sunt cæli & terra. Bene pluraliter cælos posuit, siue illud cælum spiritale, quod non uidemus, per quod angeli significati sunt: siue hoc corporeum, quod uidemus, quod firmamentum est uocatum. Et omnis ornatus cotum. Ornatus spiritualis cæli, angeli sunt, & principatus: huius corporei cæli ornatus, sidera, sol, & luna. ornatus autem terræ, maria, erecta montium, subduta uallium, densa camporum, lapsus amnium, fontium iugitates, pratorum gemmæ, frugum uarietates, umbræ arborum, genera seminum, diuersitas animalium specie, atque genere inuicem differentium. Quod autem creatura hominis sexta die perfecta est, senario numero conuenit: & senarius numerus mundi est perfectio, quia in ipso die totius generis, atque operis summa completa est. unde & speciale quandam tenet huius numeri perfectio dignitatem. unum enim & duo & tria, sex faciunt. habet enim tres partes tales, sextam, tertiam, & dimidiam. Sexta eius unus est, tertia duo, dimidia tres. Hæ trium partes in summa ducta, idest, unum, duo, & tria, simul eundem consummant, perficiuntq. senarium numerum, quæ est ratio in reliquarum partium numero. Igitur diuisio duorum, in unum est: diuisio trium, in unum est. Quid aliud hic numerus ostendit, nisi trinitatem, quæ Deus est? quæ quamuis tres sint personæ, in una tamen creduntur unitate naturæ. Vnum ergo, & duo & tria, sex faciunt. ideoq. propter eius numeri perfectionem, sex diebus operatus est omnem creaturam. Tres istæ partes senarii numeri, demonstrant nobis, trinitatem domini in trinitate numeri, mensuræ, & ponderis fecisse omnem creaturam. omnia in numero & mensura, & pondere disposuit, idem quia omnia in se disposuit: quia omnia quæ fecit, numeros, & mensuram, & pondus habent. Post hæc fecit Deus hominem ad imaginem suam, perfectum scilicet uirum, qui non quemlibet sanctorum uirorum imitando, sed ipsam ueritatem contemplabiliter intuendo, operatur iustitiam, ut ipsam intelligat, & sequatur, ad cuius imaginem factus est, ueritatem. Iste etiam accipit potestatem piscium maris, & uolatilium cæli, pecorum quoque atque serpentium: quia spiritualis quisque effectus, & Deo similis factus, secundum apostolum iudicat omnia, ipse autem iudicatur a nemine. Quod uero sequitur, Masculum & feminam fecit eos: in ecclesia spiritales, & obediens ostendit: quia sicut uiro subdita est mulier, sic & spiritali, & perfecto uiro obediens est is, qui minus perfectus est, sicut apostolus ait, Rogamus uos fratres, ut cognoscatis eos, qui in uobis laborant, & præsent uobis in domino. Dicitur enim eis, Crescite & multiplicamini: sive in linguis, siue in spiritalibus intelligentiæ gradibus, ut dominentur per rationis intellectum, omnium carnalium perturbationum, quasi insensibili-

*C. AP. II
De perfectione
cæli & terræ.
IX*

1. Cor. 3

Rom. 16

lium animantium. Omnis autem herba seminalis, & omne lignum fructuosum, quod datum est hominibus in escam, fideles sunt, de oblationibus sanctorum com in unicantes. unde & apostolus ait, Nam si in spiritualibus participes facti sunt gentiles, debent & in carnalibus ministrare eis. Hæc sunt ligna fructifera. In istis ergo gradibus tamquam in quibusdam diebus uespera est, ipsa perfectio singulorum operum: & mane, inchoatio sequentium. Sequitur, Compleuitq. Deus die se primo opus suum quod fecerat.) Arguuntur Iudæi, qui de otio sabbati gloriantur, cum & tunc in principio sabbatum dissolutum est, dum Deus operatur in sabbato complens in eo opera sua. Requieuitq. Deus ab uniuerso opere.) Siue translato genere locutionis, ipse requiescere creditur, quando nos in se facit requiescere: siue quod ipse, per quem omnia facta sunt, ipsa die in sepulcro quieuit: siue quia omnium creaturarum ita in ipsis sex diebus expleuit originem, ut nouam deinceps non conderet creaturam. Sed quo modo conueniat illud, quod dominus in euangelio ait, Pater meus usque modo operatur, & ego operor: cum hoc quod ait, requieuit Deus ab operibus suis. Requieuit scilicet, quia deinceps nullam nouam condidit creaturam, operatur autem usque nunc, quia omnia ex eis facit, quæ in illis sex diebus mysticis fecit. Ergo requieuit a condendis generibus creaturæ, non autem cessauit ab opere regendi, uel administrandi omnia quæ creauit. Et benedixit diei septimo, & sanctificauit eum.) Cur dominus sanctificauit diem quietis suæ, nisi quia se creaturæ, quam fecit, diligendum proposuit, non sanctificans diem, quo ea facienda inchoauit, nec illum in quo ea perfecit, ne illis aut faciendis, uel factis augmento eius gaudere uideretur, sed tunc sanctificauit, quando ab ipsis in se ipso requieuit. Post istorum itaque quasi sex dierum opera bona ualde spectat homo quietem mentis, constitutus in paradiso spiritali, quo significatur uita beata: ubi fons est sapientiæ diuisus in quattuor partes uirtutum, ubi edat ligni uitæ gratiam, ubi utiles disciplinas morum, quasi fructus lignorum carpat. Est namque paradysus uita beatorum, quattuor flumina, quattuor uirtutes, ligna eius omnes utiles disciplinae, lignorum fructus mores piorum: lignum uitæ ipsa bonorum omnium mater sapientia est, de qua scriptum est Salomone dicente, Lignum uitæ est iis, qui apprehendunt eam, & qui tenuerit eam beatus. Lignū scientiæ boni & mali, transgressio est mandati. Expleta hæc usque sex dierum opera, qualiter in ecclesia spiritaliter intelligantur, exposita sunt. deinde quid in figura sæculi significant, subiiciendum est. Sex diebus consummauit Deus omnia opera sua, & septimo requieuit. Sex ætatibus humanum genus in hoc sæculo, per successiones temporum Dei opera insinuant: quarum prima est ab Adam usque ad Noe, secunda a Noe usque ad Abraham, tertia ab Abraham usque ad Dauid, quarta a Dauid usque ad transmigrationem Babylonis, quinta deinde usque ad humilem aduentum domini nostri Iesu Christi, sexta, quæ nunc agitur, usque quo mundus finiatur, donec excelsus ueniat ad iudicium: septima uero intelligitur in requie sanctorum, quæ scilicet uespera non habet, quia eam iam nullus terminus claudit. Pergamus ergo breuiter per has mundi omnes ætates, replicantes ordinem temporum earum, & mystice eius differentias distinguamus. Primo enim sæculo, factus est tamquam lux homo in paradiso. In qua ætate filios Dei in lucis nomine, diuisit Deus a filiis hominum, quasi a tenebris, sitq. huius diei uespera diluuium. Secundum sæculum est factum, quasi firmamentum inter aquam & aquam. Arca utique illa quæ natiuit inter pluuiam maria, & anterioribus populis propter immanitatem scelerum finem imposuit, & posterioribus post Noe, ac filius eius principium dedit. huius uespera, fuit confusio linguarum. Tertium sæculum factum est, quando separauit populum suum a gentibus per Abraham, uelut a salis & amarissimis aquis, quasi aridam ab aquis,

aquis, ut proferret germen herbarum atque lignorum, idest, sanctos, & fructus sanctarum scripturarum. Huius uespera, fuit peccatum atque malitia pessimi regis Saul. Inde quartum coepit seculum a David, quando constituit Deus luminaria in firmamento cæli, idest, splendorem regni tamquam solis excellentiam, & in specie lunæ obtemperantem, tamquam lunam synagogam, & stellas principes eius. cuius ætatis fuit uespera in peccatis regum, quibus gens illa meruit captiuari. Porro quinto seculo, idest, in transmigratione Babyloniz, facta sunt quasi luminaria in aquis & uolatilibus cæli: quia tunc Iudæi inter gentes, tamquam in mari, uiuere cœperunt, nec habebant stabilem locum tamquam uolantes aues. Huius diei quasi uespera est multiplicatio peccatorum in populo Iudæorum, quando sic excæcati sunt, ut etiam dominum Iesum non possent agnoscere. Iam seculum sextum fit, in aduentu domini nostri Iesu Christi. Nam sicut in illa sexta die primus homo Adam de limo terræ, ad imaginem Dei formatus est: sic in ista sexta sæculi ætate secundus Adam, idest, Christus, in carne de Maria uirgine natus est. ille in animam uiuentem, hic in spiritum uiuificantem. Et sicut in illa die fit anima uiua, sic & in isto seculo uitam desiderantes æternam. Et sicut in illa sexta die serpentium, & ferarum genera terra produxit, ita & in hac sexta ætate sæculi, gentes uitam appetentes æternam, ecclesia generauit: quem etiam sensum uas Petro ostensum manifestauit. Et quemadmodum die sexta creatur masculus & femina, sic in ista sæculi ætate manifestatur Christus & ecclesia. Et sicuti præponitur homo in die illa pecoribus, serpentibus, & cæli uolatilibus: ita & Christus in hac ætate sæculi gentibus, populis, & nationibus ut ab eo regantur, uel carnali concupiscentiæ dediti sicuti pecora; uel terrena curiositate obscurati, quasi serpentes; uel elati superbia, quasi aues. Et sicut in illa die pascitur homo, & animalia, quæ cum illo sunt, herbis feminalibus, & lignis fructiferis, & herbis uiridibus: sic & ista sexta sæculi ætate, spiritalis homo, qui bonus minister est Iesu Christi, cum ipso populo spiritaliter pascitur sanctarum scripturarum alimentis, & lege diuina ad concupiscendam fecunditatem rationum atque sermonum, tamquam herbis feminalibus: partim ad utilitatem morum cōuersationis humanæ, tamquam lignis fructiferis: partim ad uigorem fidei, spei, & caritatis in uitam æternam, tamquam herbis uiridibus, quæ nullo æstu tribulationum arefcunt: sic in istis spiritalibus cibis alimentisq. pascitur, ut multa intelligat. Carnales autem, idest, paruuli in Christo, tamquam pecus Dei, ut multa credat, quæ nec dum intelligere ualet, uel potest: tamen eosdem cibos omnes habent. Huius ætatis autem quasi uespera utinam nos non inueniat. Illa est enim de qua dominus dicit, Putas ne ueniens filius hominis inueniet fidem super terram? Post illam uesperam fiet mane, quando ipse dominus in claritate uenturus est. Tunc requiescent cum Christo ab omnibus operibus suis ii, quibus dictum est, Estote perfecti, sicut & pater uester qui in cælis est. Tales enim faciunt opera bona ualde. post talia enim opera, speranda est requies in die septimo, qui uesperam non habet. Sequitur. Istæ generationes cæli & terræ, quædo creatæ sunt in die, qua fecit Deus cælum & terram. Qui enim superius per dies singulos, distincte omnia condita retulit, qualiter nunc simul omnia uno die creata sint, subiunxit: ut aliquando ostenderet, quod creatura omnis simul per substantiam extitit, sed nō simul per speciem processit. Rerum quippe simul creata est, sed simul specie formata non est: & quod simul extitit per substantiam materiz, nō simul apparuit per speciem formæ, cum enim simul factum cælum & terra scribitur, simul & spiritalia & corporalia, simul quidquid de cælo oritur, simul factum, quidquid de terra producitur, indicatur. Sidera quippe quarta die in cælo facta perhibetur. Sed quod quarto die processit in specie, primo die in cælis extitit per substantiæ conditionem. Sic & cetera,

Scriptum

Lucæ 18

Matth. 3

De generatione
cæli & terræ,
XI

Ecd. 18 Scriptum est enim, Qui uiuit in æternum, creauit omnia simul. In die quo fecit omne uirgultum agri, antequam oriretur in terra, omnemq. herbam regionis, prius quam germinaret. Quo modo herba & uiridia agri antequam exorirentur condita sunt? & si non erant exorta, quo modo erant facta? nisi quia causally in illo die quando dictum est, Producat terra herbam uirentem: tunc ea producendi accepit uirtutem? & in ea tamquam in radicibus, ut ita dixerim, temporum facta erant, quæ per tempora futura erant. Non enim pluerat dominus Deus super terram, & homo non erat, qui operaretur eam. Cur quod iam sexta die factum fuerat, hoc recapitulando commemorat? nisi quia quando fecit Deus uiridia agri, nondum pluerat, nondum homo factus fuerat. Sed fons ascendebat de terra, irrigans uniuersam superficiem terræ. Fontem, singularem numerum pro plurali posuit: quasi diceret, nondum pluuia erat, sed fontes per uniuersam terram suis quibusque locis erumpentes, regiones proprias irrigabant. Noluit hic fontes appellare, sed fontem, propter naturæ unitatem: uel certe, ut intelligeremus quantum prima terræ generatio a posteriore distet, quæ morulis ad pluuiarum irrogationem uix tandem, & tarde perficitur: illa uero ad iubentis imperium mox exorta apparuit. Istæ generationes cæli & terræ, quando creatæ sunt, in die quo fecit Deus cælum & terram, & omne uirgultum agri, omnemq. herbam regionis, antequam esset super terram. Superius septem dies numerati sunt: nunc unus dies dicitur, quo fecit cælum & terram, & omne uirgultum agri, omnemq. herbam regionis. Huius diei nomine secundum prophetam, omne tempus huius uitæ significatur, in quo cælum & terra factum, idest, in quo creaturæ uisibiles disponuntur. Sed quid sibi uult, quod nunc, nominato cælo & terra, adiecit, Virgultum agri, & herbam regionis? & tacuit cetera, quæ sunt in cælo & terra, uel etiam in mari? Nisi quia per uirgultum agri, inuisibilem creaturam demonstrat intelligi, sicut est anima: dicta autem uirgultum, propter uigorem uitæ: herba, propter eandem uitam numquam marcescentem. Deinde quod addidit, Antequam esset super terram: intelligitur antequam anima peccaret: terrenis enim cupiditatibus sordidata, tamquam super terram nata, uel super terram esse, recte dicitur. Unde & adiecit, Nondum enim pluerat dominus Deus super terram. Quasi aperte diceret, antequam peccaret anima, nondum nubibus scripturarum pluuiam doctrinæ dominus ad animam irrigandam concesserat. nondum propter hominem, qui est terra, dominus noster nubem carnis assumpserat: per quam imbrem sancti euangelii largissimum infudit. Quod uero subiunxit, Et homo non erat, qui operaretur terram: quia nullus homo operatus est in uirgine, unde natus est Christus. Ipse enim est lapis de monte sine manibus absclusus: idest, absque coitu, & humano semine, de uirginali utero, quasi de monte humanæ naturæ, & substantia carnis absclusus. Sed fons ascendeat de terra, irrigans uniuersam superficiem terræ. Terra, mater uirgo domini Maria rectissime accipitur, de qua scriptum est, Aperiat terra & germinet saluatorem. Quam terram irrigauit spiritus sanctus, qui fontis & aquæ nomine in euangelio significatur. Sequitur, Formauit igitur dominus hominem de limo terræ. Secundum causalem rationem in sex dierum operibus factus est, secundum originem uero temporum nunc formatus est. nam quando dictum est, quod factus est homo, ipsam causam fecerat Deus, de qua erat suo tempore homo futurus: causa autem, de qua in futurum formaretur, idest, terra, hæc præcesserat. Item nonnulli intelligunt ita, ut postquam dictum est, Formauit Deus hominem de limo terræ: non est additum, ad imaginem suam: quoniam de corporis formatione dicitur. Tunc autem interior homo significabatur, quando dictum est, Ad imaginem & similitudinem suam. Queritur autem, utrum uirili ætate formatus esset homo?

*De formatione
hominis e limo
terra.*

XII

est homo? an per spatia temporum creuisset? & utrum fecisset eum Deus suæ uoluntatis seruatore? Veruntamen si hoc hominum futurorum causa, unde erant insiri atque præconditi in die, quo factum est cælum & terra, quando creauit Deus omnia simul: non aliter Adam de limo factum intelligimus, nisi perfectæ ætatis. non enim eum tam paruum, quam infantes nostri sunt, factum fuisse credibile est; qui erat in illis causis iam conditus, ubi Deus hominem in operibus sex dierum fecit. Et fecit Deus hominem de limo terræ. Non uero tale erat corpus mortale istud factum, quale primo homini creatum uidetur ante peccatum: si hoc, in quo nunc sumus, tale est, quale aut fuit, aut erit: quia primi hominis corpus & si habuit in natura posse non mori, hoc etiam habuit, ut si peccasset, posset morte dissolui. Istud autem, cuius corruptio de peccato facta, & ad mortem mortalitas ducit, postquæ cecidit in hanc moriendi necessitatem, ita est ab illius primi hominis creatione corporis immutatum, ut ad immortalitatem transire non possit, nisi per mortem. Illud uero corpus, quod in resurrectione credimus sururum, immortale semel effectum, mori ultra non poterit. quod cum fuerit immortalis animæ corpus effectum, sicut ab illa, ita ab eo qualitas moriendi numquam reparari poterit. Si primi hominis corpus uitale fuit, quod potuit etiam non mori; hoc mortale est, cui necessitas facta est moriendi: quod absolute in futurum immortale erit, iam mori omnino non poterit: ac per hoc illud corpus facultatem non moriendi habuit ex natura: hoc uero mortale condicionem moriendi habet ex poena: immortale illud felicitatem numquam moriendi habet in gloria. Sequitur, Et inspirauit in faciem eius spiraculum uitæ, & factus est homo in animam uiuentem. Spiraculum uitæ hoc in loco animam coniunctam corpori intelligimus. Si uero homo ille quando factus est ex limo, corpus & anima erat, nunc ipsius animæ ex suis est additum ad istam inspirationem, quando factus est homo in animam uiuentem, dum dicitur, Inspirauit in eum spiritum uitæ, & factus est homo in animam uiuentem: non est credendum, uelut partem naturæ Dei in animam hominis fuisse conuersam, ut cogamur dicere, naturam Dei esse mutabilem, sicut anima, quæ modo proficit, modo deficit, modo sapit, modo desipit. Ergo non est anima, quæ mutabilis est, credenda natura, uel pars Dei, propheta attestante, qui ait, Qui finxit spiritum hominis, & ipse scit omnia. & ipse spiritus est anima hominis, euangelista testante de anima, quam Christus in carne accepit, cum dixisset dominus, Potestatem habeo ponendi animam meam. quam tunc posuit, quando inclinato capite emisit spiritum. Vnde nullatenus dubitandum est, spiritum esse animam: quam etiam Deus nec de se, nec de qualibet subiacente elementorum materia, sed de nihilo fecit. nam si de semet ipso eam fecisset, numquam uitiosa aut mutabilis uel misera esse potuisset. si uero ex elementis uisibilibus facta fuisset, haberet aut ex terra soliditatem, aut ex aqua humorem, aut statum ex acre, aut calorem ex igne. Sed quia his omnibus caret, apparet eam inde non esse, quæ cum illis probatur nihil habere commune: & ideo anima spiraculum dicta est, quia ex nihilo facta, corpori, quod animaret, insufflata est. ideo dicta est spiraculum uitæ, quia & iste aer plerumque dicitur spiritus. sed tamen spiritus uitæ non dicitur, quia caret uita. Quæritur autem utrum Deus animam insufflando fecit? an eam quam fecerat, corpori dando potius insufflauit? Vtrumque enim puto esse, nec habere aliquid questionis, quo modo siue insufflando fecerit animam, siue creando donauerit: nec de aliquo statu suo, nec de se ipso, sed ex nihilo aut sufflando creauit, aut creando corpori insufflauit: non quia illud spiraculum conuersum est in animam uiuentem, sed operatus est animam uiuentem. Nondum tamen spiritalem

B homi-

Ioh. 7. 0

hominem debemus intelligere, quia factus est in animam uiuentem, sed adhuc animale. Tunc enim spiritalis effectus est, cum in paradiso constitutus est, & praeceptum perfectionis accepit. Itaque postquam peccauit, & emissus est de paradiso, in eo remansit, ut animalis esset: & ideo animalem hominem prius gestamus omnes, qui de illo post peccatum nati sumus, donec assequamur spiritali Adam, id est, Christum. Sic enim apostolus dicit, Non primum quod spiritale est, sed quod animale. Formauit igitur Deus hominem de limo terrae: id est, factus est Christus, iuxta quod ait apostolus, Ex semine David secundum carnem: tamquam de limo terrae. Et inspirauit in faciem eius spiraculum uitae. Vtique infusionem spiritus sancti, qui operatus est hominem Christum. Et factus est homo in animam uiuentem. Scilicet ut qui perfectus erat Deus, perfectus crederetur & homo. Sequitur, Plantauerat autem dominus Deus paradysum uoluptatis a principio, in quo posuit hominem, quem formauerat. Paradysus, hortus, siue uoluptas, uel deliciae interpretatur. Tres sunt opiniones de paradiso: una eorum, qui corporaliter tantummodo paradysum accipiunt: alia eorum, qui utroque modo intelligunt. A principio significatur, ex quo manifestatur, quod quasi prius quam Deus caelum & terram faceret, paradysum ante condiderat. Produxiq. Deus de humo omne lignum, pulchrum uisui, & ad uescendum suauis. Non ut aliquod noui generis lignum condiderit: sed ex his generibus, quae iam terra tertia die produxerat, exorta sunt postmodum, & ex illa uirtute, quam iam generandi terra acceperat. Lignum etiam uitae in medio paradysi, quidam tantum allegorice intelligi uolunt, ad significandam sapientiam, quae est lignum uitae. Sed quia sicut petra percussa aquas praebuit, quamquam significauerit Christum, tamen erat historialiter petra: ita & lignum uitae, quamuis significaret Christum, tamen erat & corporaliter & euidentissime lignum: quod propterea lignum uitae nuncupatum est, ut, dum illi homines inde gustarent, nec morbo, nec senectute deficerent. In ceteris enim erat alimentum, in isto sacramentum. Lignumq. scientiae boni & mali, non quod ipsum lignum in sua natura rationale esset, uel scientiam boni & mali habuisset: sed propterea appellatum est boni & mali scientiae, quia homo per experimentum ab ipso didicit, quid esset obedientiae boni, & inobedientiae malum. Sequitur, Et fluuius egrediebatur de loco uoluptatis ad irrigandum paradysum, qui inde diuiditur in quattuor capita. Nomen uni Phison: Ipse est Ganges, qui nunc dicitur Nilus, qui Aethiopiae partes irrigat. Tygris uero & Euphrates, etiam nunc nomina eadem tenent. Sed Euphrates fluuius est Mesopotamiae. Tygris uero contra Assyrios uadit, & post multum circuitum insluit in mare rubrum. Vocatur autem hoc nomine propter uelocitatem, ad instar bestiae nimia uelocitate currentis. Plantauerat autem dominus Deus paradysum a principio. Paradysus ecclesia est: sic enim de illa legitur in Canticis canticorum, Hortus conclusus soror mea. A principio autem paradysus plantatur, quia ecclesia catholica a Christo principio omnium condita esse cognoscitur. Fluuius de paradiso exiens, imaginem portat Christi de paterno fonte fluentis, qui irrigat ecclesiam suam uerbo praedicationis ex dono baptismi. Quattuor autem paradysi flumina, quattuor sunt euangelia ad praedicationem cunctis gentibus missa. Ligna fructifera, omnes sancti sunt. Fructus eorum, opera eorum. Lignum autem uitae, sanctus sanctorum, Christus scilicet, ad quem quisque si portexerit manum, uiuet in aeternum. Lignum autem scientiae boni & mali, proprium est uoluntatis arbitrium, quod in medio est positum, ad dignoscendum bonum & malum: de quo qui, relicta gratia Dei, gustauerit, morte morietur. Sequitur, Tulit ergo dominus Deus hominem, & posuit eum in paradiso uoluptatis, ut operaretur, & custodiret illud.)

Hi

1. Cor. 15

Rom. 1

De eo, quod scriptum est, Plantauerat autem dominus Deus paradysum, &c. XIII.

De fluuiis paradysi. XIII

Cant. 4

10

20

30

40

Hic recapitulando narrat, quo modo in paradiso posuerit Deus hominem, ut operaretur & custodiret illum. Quid operaretur, quando non erat laboris defectio? Quid custodiret, ubi nullus erat aggressor uel prædo? Sed ut sic custodiret eundem paradysum sibi ipsi, ne aliquid admitteret, ut inde mereretur expelli: uel certe, ut operaretur, ut iustus esset: custodiret, ut tutus esset. Tuli igitur Deus hominem, & posuit eum in paradiso. Assumpsit Deus carnem, & factus est caput ecclesie.

Ut operaretur, & custodiret illum. Id est, uoluntatem patris ex omnibus gentibus ecclesiam impletur. Sequitur, Præcepitq. ei, dicens, Quæri potest, quo modo loquebatur Deus ad Adam, utrum sicut nunc angelis loquitur per caelestē

10 substantiam: an quo modo patriarchis, per corporalem speciem assumptam ex aere caelesti: uel quo modo prophetis, in mente, sicut scriptum est, Et dixit mihi angelus, qui loquebatur in me. Sequitur, Ex omni ligno paradisi comede, de ligno autem scientiæ boni & mali ne comedas. Non quod ipsum lignum in sua natura rationale esset, uel scientiam boni & mali habuisset: sed quod in eo experiri & scire potuit, quid esset inter obedientiæ bonum & inobedientiæ malum: & ob hoc prohibetur, ut obseruaret præceptum, & obedientem se sub Dei dominatione sciret. Ex hac ergo causa ipsum lignum tale nomen accepit. Ligno uitæ utebatur, quasi ad medicinam, ut incorruptibilis esset: ligno scientiæ boni & mali, quasi ueneno, ut moreretur: & ne tanto extolleretur dominio, sed in obseruatione

20 mandati sciret se subiectum creatori suo. Sequitur, In quacumque die comederis ex eo, morte morieris. Sic ergo intelligamus dominum denunciaſſe mortem in eo quod ait, Quacumque die ederitis ex eo, morte moriemini: tamquam diceret, Qua die me deserueritis per inobedientiam, deseram uos per iustitiam. Quo modo poterat mortem timere, quam nullatenus sciebat experiendo? Sicut enim nos scimus resurrectionem, quam numquam experti sumus, nec uidimus: ita & ille sciebat mortem, non adhuc per experientiam, sed per scientiam. sciebat quippe quid esset: et per priuationem uitæ sciebat, quod exiens anima a corpore facit mortem, & dum reuerſa fuerit, in corpore facit resurrectionem: ita & ille sciebat mortē per priuationē uitæ. Mortem dicit animæ, non corporis: quia non

30 eo tempore mortui sunt, quando comederunt. Ergo hanc, quā nunc Deus homini minatus est mortem, non eam tantum debemus accipere, qua caro separatur ab anima, sed hanc, qua hæc alienatur a Deo, qui est uita sua. sicut enim corpus uiuit ex anima, ita anima, ut beate uiuat, uiuit ex Deo. ergo deserta a Deo anima, iure dicitur mortua: ex qua tres postea secutæ sunt mortes, prima in anima, secunda in carne, tertia in damnatione. Sed ut istæ sequerentur, prima præcessit desertio Dei. Sequitur, Dixit quoque Deus, Non est bonum hominem esse solū.

40 faciamus ei adiutorium simile sui. In prima rerum conditione dictum fuerat, Masculum & feminam fecit eos: & benedixit eis, dicens, Crescite & multiplicamini, & replete terram. Illa benedictio nuptiarum primorum hominum, ut crescerent, & multiplicarentur, & impleverent terram, quamuis & in delinquentibus manserit, tamen, antequā delinquerent, data est, ut cognosceretur procreatio filiorum ad gloriam connubii, non ad poenam pertinere peccati. Et quamuis emissi de paradiso genuisse commemorantur, credimus tamen eos sine ullo ardore libidinis, uel dolore pariendi gignere potuisse filios in paradiso. et ex ligno uitæ, uigorem immortalitatis sumentes, perducerentur ad numerum sanctorum, quem expectat quantitas prædestinatorum. Nec mirandum est, ut si non peccassent, semper uiuere possissent: dum Enoch & Helias in Adam quidem mortui, hætenus tamen esse creduntur uiui in corpore. Dixit quoque Deus, Non est bonum esse hominem solum. Arguuntur hæretici, qui Christum solum hominem putant, &

De collocatio
ne hominis in
paradiso. XV

Zach.
De ligno scientiæ
boni, &
mali. XVI

De eo, quod
scriptum est,
Quacumque
die comederis.
XVII

De eo, quod
scriptum est,
Non est bonum
est. etc.
XVIII

*Imponit Adā
nomina ani-
mantibus.
XIX.*

non etiam Deum. Faciamus ei adiutorium simile sui. Quia in ipso homine suscepto, ecclesia Deo copulata est. Sequitur, Formatis igitur dominus Deus de hamo cunctis animantibus terræ, & universis volatilibus cæli, adduxit ea ad Adam, ut videret, quid vocaret ea. omne enim quod vocavit Adam animæ viventes, ipsum est nomen eius. Appellavitq. Adam nominibus suis cuncta animalia, & universa volatilia cæli, & omnes bestias terræ. Vt ostenderet quanto privilegio homo peccatoribus antecellit, qui ratione sua cuncta distinguere, & nominatum fecerunt posset, adducta animalia ad Adam, non circū locari, sed occulto nutu diuina potentia voluit, ut venirent, & homo intelligeret se ipsum quanto melior esset bestiis, dum cunctis nomina etymologiarum imponit: & eo magis conditorem suū diligeret, quo se meliorem cunctis viventibus, quibus nomina imposuit, esse sciret. Appellavit autem Adam nominibus suis cuncta animalia & volatilia cæli, & bestias terræ, significans gentes, quæ saluæ fierent in ecclesia, & per eundem dominum nomen Christianitatis erant accepturæ, quod prius non habuerant, sicut scriptum est, Et vocabo servos meos nomine alio. Sequitur, Adæ vero non inveniēbatur adiutorium simile eius. Quia inter omnia animalia terræ nullum rationale inveniēbatur, nisi ille solus. Immisit ergo dominus Deus soporem in Adam. cumq. obdormisset, tulit unam de costis eius, & replevit carnem pro ea. Ille sopor ad hoc intelligitur emissus, ut ipsius mens per ecstasim particeps fieret angelorum: & intrans in sanctuarium Dei, intelligeret in novissima: & cuigilans tam

*Esa. 65
Adā non in-
veniebatur ad-
iutor similis
eius. XX*

Eph. 5

*De costa de-
tracta. XXI*

quam prophetia plenus, sacramentum, quod commendat apostolus, eructaret. Tulit unam de costis eius, & replevit carnem pro ea. Ista omnia futura in Christo & ecclesia facta sunt, & sunt plena mysteriis & sacramentis, quæ suo loco dicenda sunt. Adæ vero non inveniēbatur adiutor similis eius. Vtique quoniam quamvis fidelis aut iustus quisque sit, Christo tamen æquari non potest, quia nullus similis ei inter filios Dei. nemo enim poterat a morte genus hominum liberare, & ipsam mortem superare, nisi Christus. Sequitur, Et edificavit dominus Deus costam, quā tulerat de Adam, in mulierem. Quo modo hic feminam creavit Deus, qui superius ab omni opere requievit? Non eam creavit in materia, sed expressit in forma. prius enim originaliter in viro latere facta est, cuius postea detracta costa exinde mulier facta est. Queritur utrum femina de latere viro formata, ex eius anima acceperit animam? et utrum sicut caro nascentium ex carne, sic animæ ex animabus procreentur? an novæ semper creentur a Deo ex nihilo? Quæ questio in definiendo difficilis est: quia nihil a sanctis viris vel scripturarum auctoritate manifestius pronuntiatur est. Dormiuit Adam, & fit illi mulier de latere: patitur Christus, fit eo moriente ecclesia de sacramento sanguinis, qui de latere mortui profluxit. Sequitur, Et adduxit eam ad Adam, videret quid vocaret eam.

*De eo, quod
scriptum est.
Hoc nunc os.
XXII*

Dixitq. Adam, Hoc nunc os ex ossibus meis, & caro de carne mea. Hæc vocabitur virago, quoniam de viro sumpta est. Vt vocaret mulierem, uitam: sic enim interpretatur Eva, uita, siue calamitas. aliis enim uita, aliis vero calamitas. hæc vocabitur virago, quoniam de viro sumpta est. nam virago habet similitudinem cum viro, mulier non habet. Et posuit carnem pro ea. Ita & Christus posuit carnem suam, moriendo in patibulo crucis, pro ecclesia. Dixitq. Adam, Hoc nunc os ex ossibus meis, & caro de carne mea. Quia siue sancti spirituales & fortissimi in tentationibus, siue minus perfecti, utrique unum corpus Christi sunt, & una ecclesia. Hæc vocabitur virago, quoniam de viro sumpta est. Sic & Christus ecclesie nomen dedit Christianum, quæ de latere eius sumpta est. Hæc igitur omnia facta sunt in figura, quæ erant in ecclesia proditura. Sequitur, Quamobrem relinquet homo patrem & matrem, & adhærebit uxori suæ, & erunt duo in carne una.)

beatus

beatus apostolus Paulus hoc capitulum ita exponit, dicens, Sacramentum hoc magnum est, ego autem dico in Christo & in ecclesia. Sed quo modo Christus reliquerit patrem, cum una substantia sit cum patre: aut ubi esse poterit pater sine filio, cum de ipso filio, qui est sapientia patris, dicatur: quod attingit a fine usque ad finem fortiter, & disponit omnia suauiter? Totus ubi est filius, ibi est & pater: & non potest esse pater sine filio, nec filius sine patre: quia scilicet sicut inseparabiles sunt in natura, ita & inseparabiles in persona. sic enim ipse filius de patre dicit in euangelio, Qui me misit, mecum est. Quo modo igitur dereliquit patrem, ut adhereret uxori suæ, id est, ecclesiæ suæ? Nisi illo modo quo apostolus ait;

- 10 Qui cum in forma Dei esset, non rapinam arbitratus est esse se æqualem Deo, sed semet ipsum exinaniuit, formā serui accipiens. Ipsa igitur formæ seruilis acceptio, exinanitio est: & ipsa exinanitio, quamquam non sit diuinitatis abolitio, aut natura amissio, tamen propter formam serui, in qua dignoscitur apparuisse, iure dicitur patrem dereliquisse. Dereliquit & matrem: synagogam scilicet, ueteri testamento carnaliter inhaerentem. Et adhæsit uxori suæ: id est, sanctæ ecclesiæ, ut pace noui testamenti essent duo in carne una. Sequitur, Erat autem uterque nudus, Adam scilicet, & uxor eius, & nō erubescabant. Non quod eis nuditas esset incognita, sed turpitudinis nuditas nondum fuerat agnita, quia nondum libido membra illa extra arbitrium commouebat: quia nullam legem in membris senserant, repugnantem legi mentis suæ. nihil enim uelandum putabant, quia nihil fenserant refrenandum. nam ex poena peccati euenit homini, ut sua ipsius ei rebellis esset caro, quia ipse rebellis extitit creatori suo in actibus suis: & iccirco erubuit postmodum de corpore suo. Sequitur.

- SED & serpens erat callidior præ cunctis animantibus terræ, quæ fecerat dominus Deus. Non ex sua natura, sed ex diabolici spiritus inflatione, quæ in illo erat, & per illum dolum agebat. utebatur enim serpente diabolo, quali organo, ad perpetrandum calliditatis suæ malitiam. Quod uero ait, Præ cunctis animantibus terræ: ostendit, quod quamuis præuicacatores angeli per superbiam fuissent ciecti, natura tamen excellentiores sunt, & astutiores omnibus animantibus terræ. nam ille angelus de spiritali tantum paradiso cecidit: homo uero & de spiritali & de corporali. erat enim ille corporalis paradiso, quo per exteriorē sensum corporis fruebatur: erat & spiritalis, in quo per mentis contemplationem interius lætabatur. Dicitur ergo illi, Ex omni ligno paradisi comedes: de ligno autem scientiæ boni & mali ne comedas. Præcipitur enim nobis, ut fruamur omni ligno paradisi, quo significantur spiritalis delicie, de quibus ait apostolus, Fructus autem spiritus est caritas, gaudium, pax, longanimitas, benignitas, bonitas, mansuetudo, continentia, castitas. Et non tangamus lignum in medio paradisi plantatum, scientiæ boni & mali: id est, non uelimus superbire natura arbitrii nostri, quæ media est: ut decepti per scientiam, experiamur & malum. Serpens autem ille sapientior omnium bestiarum, indicat diabolum, qui inde serpens dicitur, quod uolubili uersetur astutia. Sequitur, Qui dixit ad mulierem, cur præcepit uobis Deus, ut non comederetis de omni ligno paradisi. Quæri potest, si serpens sonos uerborum, quos per eum diabolus loquebatur, intelligere potuit: neque enim credibile est, cum intelligere potuisse, quæ per eum diabolus agebat. Non itaque serpens uerborum sonos intelligebat, qui ex illo fiebant ad mulierem. non enim conuersa credenda est anima eius in naturam rationalem: quandoquidem nec ipsi homines, quorum rationalis natura est, cum dæmon in eis loquitur, ea passione, cum ab exorcista requiruntur, sciunt quid loquantur. sed mente captus nescit, quæ loquitur. ita & serpens uerba edebat, quæ nō intelligebat: & iccir-

Eph. 5

Sep. 8

Ios. 8

Philip. 2

De nuditate
Ada. et Eua.
XXIIICAP. III:
De calliditate
serpentis.
XXIII

Galat. 5

co suasset, ut uoluntas diuina despiceretur, & propria teneretur. Sequitur, De lignorum fructu, quæ sunt in paradiso, uescimur: de fructu autem ligni, quod est in medio paradisi, præcepit nobis Deus, ne comederemus, & ne tangeremus illud, ne forte moriamur. Dixit autem serpens ad mulierem, Nequaquam morte moriemini. Scit enim Deus, quod in quacumque die comederitis ex eo, aperientur oculi uestri, & eritis sicut dii, scientes bonum & malum.) Cur mulier interrogata a serpente, respondit ? nisi ut præuaticatio eius esset inexcusabilis: cum nullo modo dicere potuit, se oblitam fuisse diuini mandati: quatenus ex uoluntario libero arbitrio, seruando diuinum præceptum, laudabilis appareret, & in contemnendo damnabilis esset. In eo enim quod dixit, Aperientur oculi uestri: hoc persuadet, ut sub Deo esse nollent: sed similes ei essent, non indigentes illius interno lumine, sed uiuentes propria prouidentia ad dignoscendum bonum & malum, quod ille prohibuisset. Sequitur, Vidit igitur mulier, quod bonum esset lignum ad uescendum, & pulchrum oculis, aspectuq. delectabile.) Quo modo potuit mulier credere serpenti, diuinitatem sibi promittenti ? nisi forte iam inerat in mente illius antea amor quidam propriæ potestatis, & quædam de se superba præsumptio, quæ per illam tentationem fuerat uincenda & humilianda. Vidit igitur mulier, quod bonum esset lignum. Quo modo uidebant, si clausos oculos habebant ? Sed consideraui lignum post serpentis persuasionem, ut exploraret, si quid in eo mortiferum esset: & dum nihil tale in eo prospexit, confidentius ex eo gustauit, comedit, deditq. uiro suo. Merito suo scilicet animal lubricum, & tortuosus anfractibus mobile, operi suo congruum, per quem loqueretur, elegit: eoq. per angelicam præsentiam præstantioremq. naturam spiritali nequitia sibi subiecta, & tamquam instrumento abutens, fallacia sermocinatus est seminae, a parte scilicet inferiore illius humanæ copulæ incipiens, ut gradatim perueniret ad totum, non existimans uirum facile credulum nec errando posse decipi, sed dum alieno cedit errori: sicut & Aaron erranti populo ad idolum fabricandum non consenti inductus, sed cessit obstrictus: nec Solomonem credibile est errore putasse: ita credendum est illum uirum suæ seminae uni unum, hominem homini coniugi, ad Dei legem transgrediendam non tamquam uerum loquenti credidisse seductum, sed sociali necessitudine paruissse. Non enim frustra dixit apostolus, Adam non est seductus, mulier autem seducta est: nisi quod illa, quod ei serpens locutus est, tamquam uerum esset, accepit, ille autem ab unico noluit consortio dirimi, nec in communione peccati, nec ideo minus reus, si sciens prudensq. peccauit. Sequitur, Et aperti sunt oculi amborum.) Neque enim cæci nati erant, ut imperitum uulgus opinatur, quando & ille uidit animalia, quibus nomina imposuit: & de illa legitur, Vidit mulier, quia bonum est lignum. Patebant enim oculi eorum: sed ad hoc non erant aperti, hoc est, non attenti, ut cognoscerent, quid eis indumentum gratiæ præstaret, quando membra corû uoluntari repugnare nesciebant: qua gratia remota, ut pena reciproca, inobedientia plecteretur, exiit in motu corporis quædam impudens nouitas, unde esset indecens nuditas, & fecit attentos, reddiditq. confusos. Sequitur, Cumq. cognouissent se esse nudos.) A gratia scilicet, a qua illis fiebat, ut nuditas corporis, in illa lege peccati eorum mentes repugnando confunderet. Sed quid est, quod ipse per mulierem decipit, & non per uirum ? quia non potest ratio nostra seduci ad peccandum, nisi præcedente delectatione in carnalis infirmitatis affectu, qui magis debet obtemperare rationi, tamquam uiro dominanti. hoc enim in uno quoque homine gentur in occulto quodam secretoq. coniugio. Suggestionem quippe serpentem accipimus, mulierem uero animale corporis sensum, rationem autem uirum. Ergo quando

occurrit

1. Timoth. 3

De apertis oculis. XXV

De nuditate corû. XXVI

occurrit mala suggestio, quasi serpens loquitur. Sed si sola cogitatio oblectatur illa suggestione, & refrenante ratione consensus explendi operis non succedit, sola uidetur mulier comedisse illicitum, quod si ipsum peccatum etiā & mens perpetrandum decernat, iam uir deceptus est, iam mulier cibum dedisse uiro uidetur. illicito enim consentire, de ligno prohibito manducare est. Tunc quippe iure a uita beata, tamquam a paradiso, expellitur homo, peccatumq. ei imputatur, etiam si non sequatur effectus: quia etsi non est in factis culpa, in consensu tamen rea tenetur conscientia. Hæc secundum anagogen: ceterum iuxta metaphoram poterit callidus serpens iste hæreticorum uersutiam designare. nonnulli enim lo-

quacius atque subtilius promittunt illicita curiositate secretorum adaperitionem atque scientiam boni & mali, & in ipso homine tamquam in arbore, quæ plantata est in medio paradisi, suā dignoscantiam nituntur demonstrare. Contra hunc serpentem clamat apostolus, cum dicit, Metuo ne, sicut serpens Euam seduxit astutia sua, sic sensus uestri corrumpantur. Seducitur uerbis huius serpentis carnalis nostra concupiscentia, & per illam decipitur Christianus Adam, non Christus. Dicit ergo iste ad mulierem, Cur præcepit uobis Deus, ut non comederetis ex omni ligno paradisi? Sic hæreticorum curiosa cupiditas, sic prædicatores prauis ad diligendam erroris fallaciam auditorum carnalium corda succedunt, dicentes, Quare fugitis scientiam habere latentem? Noua semper exquirite, boni maliq.

3. Cor. 11

scientiam penetrare. Vnde est illud in Solomone, quod mulier illa, hæreticorum speciem tenens, dicit, Aquæ furtiuæ dulciores sunt, & panis absconditus suauior. Subicit deinde idem serpens, Quacumque die comederitis, statim aperientur oculi uestri, & eritis ut dii, scientes bonum & malum. Sic & omnes hæretici diuinitatis meritū profitentur, atque scientiæ pollicitatione decipiunt & reprehendunt eos, quos simpliciter credentes inuenerint: & quia omnino carnalia persuadent, quasi ad carnalium oculorum adaperitionem conantur adducere, ut interiores oculos obfurent. Vidit igitur mulier quod bonum esset lignum, tulitq. de fructu illius & comedit. Mulier comedit antea, non uir, ideo quia carnales facilius persuadentur ad peccandum, nec tam uelociter spirituales decipiuntur. et dedit uiro suo, & comedit: utique quia post delectationem carnalis concupiscentiæ nostræ, etiam ratio nostra subiicitur ad peccandum. Sequitur, Consuerunt folia ficus, & fecerunt sibi perizomata. Quod nos campestria possumus nuncupare.

Prouerb. 9

Postquam cognouerunt miserabiliter se nudatos a gratia, qua fiebat, ut nuditas corporis nulla lege peccati mentem eorum repugnando confunderet: hoc postmodum cognouerunt, quod felicius ignorarent, si Deo obediētes & credentes nō committerent, quod cogeret experiri. proinde confusi inobedientia carnis suæ, tamquam teste, pena inobedientiæ suæ consuerunt folia ficus, & fecerunt sibi perizomata, siue campestria, quod nos alio nomine succinctoria possumus appellare. Campestria autem ex eo dicta, quod iuuenes, qui nudi exercebantur in campo, pudenda operiebant. unde qui ita succincti sunt, campestratos uulgo appeilat. Cumq. cognouissent se esse nudos, consuerunt folia ficus, unde se contegerent. Qui sæculum asperum amplectuntur, qui pro religione uoluptatis carnalis arstantur, quiq. decepti hæretica prauitate, & gratia Dei nudati, tegimenta mendaciorum, tamquam folia ficus, colligunt, faciunt sibi succinctoria uanitatis, cum de domino uel ecclesie mentiuntur. Sequitur, Et cum audissent uocem Dei deambulantis in paradiso ad auram post meridiem. Quid est quod post peccatum hominis in paradiso, dominus iam non stat, sed ambulat? nisi quod irruente culpa a corde illorum remotum se demonstrabat, quos iam in suo præcepto stabiles non uidebat. Quid est quod ad auram post meridiem dicit?

De folijs fici.
XXVIIDe uoce Dei.
XXXIII

cit ? nisi quod lux feruentior veritatis ab eis abscefferat, & peccatrices animas constringebat frigus infidelitatis. Abscondit se Adam & uxor eius a facie domini Dei, in medio ligni paradisi. Hæc ei insipientia de peccati poena accessit, ei se latere posse uelle, quem latere nihil potest. Increpauit ergo dominus Adam deambulans, ut cæcis mentibus nequitiam suam non solum sermonibus, sed etiam rebus aperiret: quatenus peccator homo per uerba, quæ fecerat, audiret: & per deambulationem amissio æternitatis statu, mutabilitatis suæ inconstantiam cerneret: & per auram feruore caritatis a se expulso, torporem suum animaduerneret: & per declinationem solis cognosceret, quod ad tenebras propinquaret. Sequitur,

Vocauitq. dominus Deus Adam, & dixit ei, Adam ubi es? Increpantis uox 10
est, non ignorantis. non utique ignorando quæsiuit, sed increpando admonuit, ut attenderet ubi esset, & unde cecidisset, tamquam si diceret, Qualis fueras, quando obediendo simpliciter incedebas, & qualis nunc appares, quando præuicator effectus es? Qui etsi prius sortis cum illis loquebatur, sicut cum angelis, nunc autem per subiectam creaturam illis apparuisse credendus est, & dicit, Adam ubi es? uidit eum sub culpa lapsum, & iam suo peccato ueluti ab oculis ueritatis absconditum, quia tenebras erroris eius non approbat. Per hoc, quod uocat dicens, Vbi es? signum dat, quia ad penitentiam reuocat. Per hoc quod requirit, aperte insinuat, quia peccatores iure damnantur. Sequitur, Qui ait, Vocem tuam 20
audiui in paradiso, & timui, eo quod nudus essem, & abscondi me. Iam miserrimo errore tergiuersando respondit, quasi ideo possit displicere, quod nudus esset, cum utique melius Deo placeret, si sic maneret, sicuti eum ipse fecerat. Et timui. Hoc est, quod scriptum est, Avertisti faciem tuam a me, & factus sum conturbatus, eo quod nudus essem. Ante peccatum enim ideo se nudum non agnoscebat, quia eius intentio in supernis erat. Et abscondi me. Quare? Quia in illa nuditate iam non audebat apparere, de qua ipse coeperat erubescere. Sequitur, Quis indicauit tibi, quod nudus esses? nisi quod ex ligno, de quo præceperam tibi 30
ne comederes, comedisti. Tunc ille non ad se culpam tetulit, sed ad mulierem, quam dominus dederat, & reatum suum oblique in auctorem redegit, qui ei mulierem dederat, quæ ei talia persuaderet: ad cumulum peccati sui superbe respondit, non humiliter: quasi querimoniam in Deum dirigeret, cur ei talem dedisset sociam, unde ei occasio peccati esset. Similiter & mulier suæ culpæ causam in creatorem refert, quare serpentem, per quem deciperetur, in paradiso creauerit, uel intrare permiserit. Serpens autem iam non requiritur, quia nec eius penitentia quærebatur. Requisiti uero ad penitentiam, uocem defensionis contra iustam cor 40
reptionem protulerunt. Vnde nunc usque in usum peccantium trahitur, ut culpa cum agitur, defendatur, & unde finiri reatus debuit, inde cumuletur: nam serpens non interrogatur, quia nec confiteri peccatum potest, nec habet unde se excuset. prior tamen excepit poenam, & non eam quæ ultimo indicio reseruatur ipsi & angelis eius. Sed poena eius hoc in loco dicitur, ut in potestate habeat eos, qui Dei præcepta contemnunt, & inde maior poena est illi, quia de tali infelicitate latatur. Sequitur, Et ait dominus Deus ad serpentem, Quia fecisti hoc, maledictus es inter omnia animantia & bestias terræ. Super pectus tuum gradieris, & terram comedes cunctis diebus uitæ tuæ. Nunc quod ad serpentem dicitur, & ad eum qui operatus est per serpentem, pertinere noscitur, non ad animal irrationabile, quia hoc non in sua natura uel uoluntate habuit, ut faceret: sed diabolus hoc de illo & per illum est operatus. Super pectus tuum gradieris, & terram comedes: siquidem in pectore calliditas nequitiarum eius indicatur, qui & terram deuorat, dum luxuria & libidine peccantium pascitur & delectatur. Cumq. audissent uocem 50
domini

domini Dei deambulantis in paradiso ad auram post meridiem. Deambulat Deus in illis, & non stat, qui stabiles in eius præcepto non perseverant. & bene, Ad auram post meridiem: quia iam ab eis aufertur lux illa ferventior veritatis appropinquantis errorum tenebris. Absconderunt se a facie Dei, in medio ligni paradisi. In medio namque ligni se abscondit, qui aversus a præcepto creatoris, in erroris atque arbitrii sui voluntatibus uiuit. Vocauitq. Deus Adam dicens, Adam ubi es? Hic ostendit quia, si qui a fide uel bonis operibus ad mendacia sua desideriaq. labuntur, non despicit illos Deus, sed adhuc, ut redeant ad penitentiam, uocat, quia non uult mortem peccatoris, sed ut conuertatur, & uiuat.

Ezech. 18

61 Ergo non est desperandum quibuslibet peccatoribus, dum & ipsi impii ad spem indulgentiæ prouocantur. Dicitur autem post hæc serpenti, Maledictus eris inter omnia animalia, super pectus tuum & uentrem gradieris. Nomine pectoris significatur superbia mentis, nomine autem uentris significantur desideria carnis, his enim duabus rebus serpit diabolus aduersus eos, quos uult decipere, idest, aut terrena cupiditate & luxuria, aut superbiæ insana ruina. Et terram manducabis: idest, ad te pertinebunt, quos terrena cupiditate deceperis. Omnibus diebus uite tue: idest, omni tempore, quo agis hanc potestatem, ante illam ultimam poenam iudicii. Sequitur. Inimicitias ponam inter te & mulierem, & semen tuum & semen illius: ipsa conteret caput tuum, & tu insidiaberis calcaneo eius.) Semen mulieris est totum genus humanum, semen serpentis carnalia desideria. quæ duo semina, continuum inter se gerere odium debent, ut non faciamus ea, quæ diabolus uult. Quid est quod ait, Ipsa conteret caput tuum, & tu insidiaberis calcaneo eius? Caput serpentis est cogitatio illicitæ suggestionis, quod nos omni intentione contere atque illidere ad petram, quæ est Christus, debemus. Calcaneum mulieris, est extremum uite nostræ tempus, quo diabolus nos acrius impugnare sagittis: cui si uiriliter resistimus, uictoriam perseverantiæ cum salute nostra percipimus. Inimicitias ponam inter te & mulierem, semen tuum & semen illius. Semen diaboli, peruersa suggestio est. Semen mulieris, fructus est boni operis quo peruersæ suggestioni resistitur. Ipsa caput illius conterit, si eum mens in ipso initio

De inimicitijs
inter mulierem
& serpentem.
XXIX.

30 malæ suggestionis excludit. ille insidiatur calcaneo eius: quia mentem, quæ in prima suggestionem non decipit, decipere in fine contendit. Quidam autem, quod dictum est, Inimicitias ponam inter te & mulierem, de uirgine, unde natus est dominus, intellexerunt, eo quod illo tempore ex ea dominus nasciturus ad inimicum deuincedum, & mortem, cuius ille auctor erat, destruendam promittebatur. Nam illud quod subiunctum est, Ipsa conteret caput tuum, & tu insidiaberis calcaneo eius, hoc de fructu uentris Mariæ, qui est Christus, intelligunt: id est, tu eum supplantabis, ut moriatur, ille autem uictor resurget, & caput tuum conteret, quod est mors: sicut & Dauid dixerat ex persona patris ad filium, Super aspidem & basiliscum ambulabis, & conculcabis leonem, & draconem. Aspidem dixit mortem, basiliscum peccatum, leonem antichristum, draconem diabolum. Sequitur, Sub uiri potestate eris, & ipse dominabitur tibi.) Queritur cum dicit, Sub uiri potestate eris, si non peccasset mulier, si esset sub potestate uiri? Elset utique, sed ea seruitutis quæ per dilectionem operatur, & foras mittit timorem: post peccatum uero condicionalis seruitutis timore, qui per disciplinam operatur, ueniens de maledictionis poena, & non potius de æqualitate naturæ. Appetitum ergo eius uir habet subiugatum, ut iuxta hanc legem mulieri modum imponat. De poena autem mulieris quid significat, quod ei dicitur, In dolore paries filios: uisi quia carnalis uoluntas cum aliquam malam consuetudinem uult uincere, patitur in exordio dolores, atque ita per meliorem consuetudinem parit boni opus quasi filios? Quod uero adiecit, Et conuersio tua ad uirum tuum, & ipse tui dominabitur:

Tsal. 90

tur: hoc significat, quod illa uoluptas carnalis, quæ cū dolore reluctauerat, ut faceret consuetudinem bonam, iam ipsis erudita doloribus cautiore sit, & ne cotruat obtemperat rationi, & libenter seruit, quasi uiro iubenti. Sequitur, Adæ uero dixit, Quia audisti uocem uxoris tuæ. Culpatur itaque uir, quia præuentionis Dei mandatum uxoris præposuit uoluntatem, cui debuit dominari. et comedisti ex ligno, de quo præceperam tibi ne comederes. Denuo arguitur de gulæ concupiscentia, quæ in lapsu præuicationis poena secunda post superbiam est. Maledicta terra in opere tuo. Opera hic non ut ruris colendi sit, sed peccata significat, ut in Hebitæo habetur. Hoc & in Aquila non discordat, dicens, Maledicta humus propter te, spinas & tribulos germinabit tibi. Incentiuua quodam modo uitiorum, quæ in nobis nullo modo essent, si felicitatem paradisi primus homo non perdidisset. Sequitur, In sudore uultus tui uesceris pane tuo, donec reuertaris in terram, de qua sumptus es. Illum intelligi uoluit panem, qui se de cælo descendisse testatus est, qui dat uitam mundo. Hunc ergo panem cum maximo sudore & penitentiae satisfactio ne accipiunt penitentes. Cum uero dixisset Deus, Adam ubi es? mortem significauit animæ, quæ facta est illo deferente: & dicendo, Pulsus es, & in puluerem reuerteris, mortem significauit corporis, quæ illi sit, anima discedente. Propterea de morte secunda nihil dixisse credendus est: quia occultam esse uoluit propter dispensationem testamenti noui, ubi secunda mors apertissime declaratur, ut prius ista mors, quæ communis est omnibus. mors uero secunda non utique communis est omnibus. Sequitur, Fecit quoque dominus Deus Adæ & uxori eius tunicas pelliceas, & induit eos. In tunicis pelliceis mortis est intelligenda condicio, ut qui per inobedientiam Dei similitudinem, id est, immortalitatem tenere noluerunt, per mortis condicionem similitudinem susciperent iumentorum & pecudum. Ipsi sibi præinctoria de foliis figi, & Deus illis tunicas pelliceas fecit: id est, ipsi appetierunt mentendi libidinem, relicta facie ueritatis, & Deus mutauit corpora eorum in ista mortalitatem carnis: quia cum homo per superbiam Deus esse appetiit, usque ad belluarum mortalitatem deiectus est. Sequitur, Ecce Adæ quasi unus ex nobis factus est. Id est, quasi ipse dominus & creator eius, quod pertinet ad irrisiōnem insultantis: & Nobis, ad exemplum timoris: quod non solum non ita fuit, ut fieri uoluit, sed nec illud, quod factus fuerat, conseruauit. Quod uero addidit, Quasi unus ex nobis: hoc propter trinitatem dictum est: sicut & illud, Faciamus hominem ad imaginem & similitudinem nostram. Sequitur, Sciens bonum & malum. Ut ipse per experimentum malum disceret, quod Deus per sapientiam nouit. Sequitur, Nunc ergo uidete, ne forte mittat manum suam, & sumat etiam de ligno uitæ, & comedat, & uiuat in æternum. Vere ut clementissimus dominus eisdem dignatus est consulere ad salutem, ne forte per transgressionem indigni iam facti de ligno uitæ præsumerent edere, & ad perpetuam uiuerent cruciatum. Exules itaque sunt ab illius esu ad tempus effecti, ut per congruam penitentiae satisfactionem rursum illuc, unde emissi fuerant, reuerterentur. Potest ergo uideri propterea in labore homo huius uitæ esse dimissus, ut aliquando manum porrigat ad arborem uitæ.

Emisitq. cū dominus Deus de paradiso uoluptatis, ut operaretur terram, de qua sumptus est. Id est, in isto corpore laboraret, & ibi posset collocare sibi meritum redcundi. Et collocauit eum ante paradysum. Et hoc significatio factum est, ut contra paradysum, in quo beata uita etiam spiritaliter significabatur, habitaret peccator utique in miseria. Et ordinauit Cherubin & flammeam romphæam, quæ uertitur, custodire uiam ligni uitæ. Hoc per celestes utique potestates etiam in paradiso uisibiliter factum esse credendum est, ut per angelicum ministerium esset illic ignea quædam custodia. non tamen frustra factum est, nisi quia significari aliquid etiam de spiritali paradiso non est utique dubitandum. sed alius

sensus

Ioan. 6

De tunicis pelliceis. X X X

10

10

30

40

sensus in Hebræo est, quam hic legitur, ait enim, Eiecit Adam (haud dubium quin dominus) & habitare fecit ante paradisum uoluptatis Cherubin & flammeum gladium, qui uerteretur, & custodiret uiam ligni uitæ: non quod ipsum Adam, quæ eiecerat Deus, habitare fecerit contra paradisum uoluptatis: sed quod illo eiecto, ante fores paradisi Cherubin & flammeum gladium posuerit ad custodiendum paradisum uelut ibulum, ne quis possit intrare. Vocaturq. dehinc Eua mater uiuorum, id est, recte factorum: quibus contraria sunt peccata, quæ nomine mortuorum significatur. Iam uero per sententiam, quæ in uirum inferitur, ratio nostra arguitur: quæ & supra peccati concupiscentia seducta, a paradiso beatitudinis remota, habet maledictiones terrenæ operationis, habet & dolores temporalium curarum, quasi spinas & tribulos. Sic tamen dimittitur de paradiso beatitudinis, ut operaretur terram, id est, in corpore isto laboret, & collocet sibi meritum redeundi ad uitam beatam, quæ paradisi nomine significatur: possitq. aliquando manum porrigere ad arborem uitæ, & uiuere in æternum. Manus autem porrectio bene significat crucem, uel cruciatum penitentiae, per quem uita æterna recuperatur. Accipit etiam tunicam pelliceam diuino iudicio, quo nomine corporis mortalitas significatur in historia. in allegoria autem a carnalibus sensibus abstracta uoluptates, quæ carnaliter uiuentem diuina lege consequuntur & contegunt: qui si aliquando ad Deum conuertitur, per flammeam frameam, id est, per tribulationes temporales peccata sua agnoscendo & gemendo: & per Cherubin, id est, per plenitudinem scientiæ, quod est caritas, peruenit ad arborem uitæ Christum, & uiuet in æternum. Cherubin namque plenitudo scientiæ interpretatur: framea uero uersatilis posita ad custodiendam uiam ligni uitæ, temporales poenæ intelliguntur. nemo enim potest peruenire ad arborem uitæ, nisi per has duas res, tolerantiam scilicet molestiarum, & plenitudinem scientiæ, id est, per caritatem Dei, & proximi. plenitudo enim legis est caritas. Sequitur, Adam uero cognouit Eua uxorem suam, quæ concepit & peperit Cain, dicens, Possedi hominem per Deum. Cain autem interpretatur possessio. unde dictum est, quando natus est, Acquisiui hominem per Deum. neque enim, illo nato, dixisset Adam quod dixisse legitur, Acquisiui hominem per Deum: nisi illis duobus ipse fuisset homo nascendo additus primus. Natus est igitur prior Cain ex illis duobus generis humani parentibus, pertinens ad hominum ciuitatem: posterior Abel, ad ciuitatem Dei. sicut enim in uno homine, quod dixit apostolus, experimur, quia non primum quod spiritale est, sed quod animale, postea quod spiritale: unde unusquisque quoniam ex damnata progenie exoritur, primo sit necesse est ex Adam malus atque carnalis: quod si in Christum renascendo profecerit, poterit esse bonus & spiritalis. sic in uniuerso genere humano cum primum istæ duæ coeperunt nascendo atque moriendo procurere ciuitates, prior est natus ciuis huius sæculi, posterior autem isto peregrinus in sæculo, & pertinens ad ciuitatem Dei. Sequitur, Fuit autem Abel pastor ouium, & Cain agricola. Factum est autem post multos dies, ut offerret Cain de fructibus terræ munera domino. Abel quoque obtulit de primogenitis gregis sui, & de adipibus eorum. & respexit Deus ad Abel & ad munera eius: ad Cain uero & ad munera eius non respexit. iratusq. est Cain uehementer, & concidit uultus eius. Vnde scire poterat Cain, quod frater munera suscepisset Deus, & sua repudiasset: nisi quod illa interpretatio uera est, quæ Theodotion posuit, Et inflammauit dominus super Abel, & super sacrificiū eius: super Cain uero & super sacrificium eius non inflammauit. Ignem autem ad sacrificium deuorandum solitum uenire de cælo, & in dedicatione templi sub Salomone legimus, & quando Helias in monte Carmelo construxit altare. Sequitur,

Caf. iij.

De ortu Cain.
XXXI

1. Cor. 15

De muneri-
bis Abel &
Cain.
XXXII

tur, Dixitq. dominus ad eum, Quare iratus es? & cur concidit facies tua? nonne si bene egeris, recipies: sin autem male, statim in foribus aderit peccatum tuum? sed sub te erit appetitus tuus, & tu dominaberis illius. Hoc est, quare irasceris, & inuidia in fratrem liuore torqueris? cur iratum uultum dimittis in terram? nonne si bene egeris, dimittetur tibi omne delictum? siue, ut Theodotion ait, acceptabile erit: id est munus tuum suscipiam, ut suscepi fratris tui: quod si male egeris, illico peccatum tuum ante uestibulum tuum sedebit, & tali ianitore comitaberis? Verum quia liberi arbitrii es? moneo ut non tu peccatum, sed tu peccato domineris. Natiuitas duorum filiorum Adam, similitudinem habet duorum populorum, qui erant diuersis temporibus ad fidem uenturi, pari opere & dissimili caritate ante Deum. Fuit autem Abel pastor ouium, & Cain agricola. Sed sicut Cain sacrificium ex terræ fructibus reprobatur, Abel autem sacrificium ex ouibus & earum adipē suscipitur: ita noui testamenti fides ex innocentia grata Deum laudans, ueteris testamenti terrenis operibus antefertur. Sequitur, Dixitq. Cain ad Abel fratrem suum, Egrediamur foras in agrum. Cumq. essent in agro, consurrexit Cain aduersus fratrem suum, & interfecit eum. Et ait dominus ad Cain, Vbi est Abel frater tuus? Qui respondit, Nescio. Interrogat non tamquā ignarus, sed tamquam iudex qui reum puniat. Vox, inquit, sanguinis fratris tui clamat ad me de terra. Clamare autem sanguis Abel ad dominum dicitur, non uoce, sed causā. Cui Cain ad cumulum peccati sui, fallaciter ac superbe respondit, putas Desi latere quæ gesserat. Nescio. nū custos fratris mei sum ego? Cui Deus ait, Arbitraris me, quod gessisti, nescire: qui cogitationē, quā impie cōceptras, inspiciens, ne opere consummares, præmonui? Sed ne causā inuile me aduersum te proferre sententiā, ego tibi accusationē nō infero: sed est testis, qui te accusat, uox uidelicet sanguinis fratris tui, quæ clamat ad me de terra. Sequitur, Responditq. Cain ad dominum, Maior est iniquitas mea, quā ut ueniam merear? Id est plus peccaui, quā ut merear absolui. Ecce ei cis me hodie a facie tua, & a facie tua abscondar, ut latitem: & ero gemens super terrā: & erit omnis, qui inuenerit me, occidet me. Eitior, inquit, a conspectu tuo, & cōscientia sceleris lucē ipsam ferre nō sustinens, adiecit, Abscondar ut latitē: eritq. omnis qui inuenerit me, occidet me. Dum ex tre more corporis & furia mentis agitur, eū se esse intelligit, qui mereatur, interfici. Verū Deus nolens eum cōpendio mortis finire cruciatus, nec tradi poenæ, quā ipse se damnauerat, ait, nō sic: id est nō ut tu æstimas morieris, & mortē pro remedio accipies, uerū uiues usque ad septimā generationem, & cōscientiæ tuæ igne torqueris: ita ut quicumque te occiderit, secundū duplicē intelligentiā, aut in septima generatione, aut magno te liberet cruciatu, nō quo ipse, qui pereussit Cain, septē ultionibus subiiciendus sit: sed quod septē uindictas, quæ in Cain tanto tempore cucurrerunt, soluat interfector, occidens eū, qui uitæ fuerat derelictus ad poenā. Ut autē quod dicimus manifestius fiat, quotidianæ cōsuetudinis ponamus exemplū. Loquitur inter uerba seruus ad dominum: quia incendi domū tuā & uniuersam substantiā dissipauit, interfice me: dominusq. respondet, nō, ut tu uis, morieris & fines morte supplicia, uerū longo tempore custodieris ad uitā, & tam infelicitē in hac luce uerfaberis, ut quicumque te occiderit, beneficiū præstet occiso, dum tam multis te liberat cruciatibus. et secundū Septuaginta quidē hic nobis sensus uideatur. De eo autē, quod Aquila posuit, Septēpliciter, & Symmachus Hebdomas, siue Septimum ulciscetur, maiorū nostrorū ista sententiā est, quod putāt in septima generatione a Lamech interfecit Cain. Adā quippe genuit Cain, Cain genuit Enoch, porro Enoch genuit Irad, & Irad genuit Mauiahel, & Mauiahel genuit Marufahel, & Marufahel genuit Lamech, qui est septimus ab Adam. nō sponte, ut in quodam

- Hebraico uolumine scribitur, interfecit Cain, ut ipse postea confitetur, Quoniam uirum occidi in uulnere meo, & iuuenem in liuore meo. Alii de septem uindictis Cain uaria suspicantur, & primum eius asserunt fuisse peccatum, quod non recte diuiserit: secundum, quod inuiderit fratri: tertium, quod dolose egerit, dicens, Transcamus in campum: quartum, quod occiderit: quintum, quod procaciter negauerit: sextum, quod se ipsum damnauerit, dicens, Maior mea culpa est, quam ut ueniam merear: septimum, quod nec damnatus egerit penitentiam. & dicunt illum a clementissimo Deo ideo usque ad generationes septem fuisse dilatum, ut saltem malis ipsis, & longæ uitæ mærore compulsus penitentiam ageret, & mereretur absolui. Nonnulli septenarium numerum plenum, & perfectum interpretantur, de multis scripturarum locis testimonia contrahentes: & hunc esse sensum quem supra præstrinximus, quod qui interfecerit Cain, ab ingenti cum omnis supplicii transitorio liberet poena: quoniam septies uindictabitur de Cain, de Lamech autem septuagies septies. Tradunt Hebræi LXXVII animas ex Lamech progenie reperiri, quæ diluuiò deletæ sunt: & in hoc numero de Lamech factam esse uindictam, quod genus ipsius usque ad cataclysmum perseuerauerit. alii ab Adam usque ad Christum LXXVII generationes asseuerant, secundum Lucæ euangelistæ auctoritatem. Sicut ergo septima generatione Cain peccatum est dissolutum: non uindicaui quippe dominus bis in id ipsum, & qui semel recepit mala sua in uita sua, non eodem cruciatus patietur in morte, quos est passus in uita: ita & Lamech peccatum, id est totius mundi, atque sanguinis, qui effusus est, Christi soluentu aduentu, qui tulit peccata mundi, qui lauit amictum suum in sanguine uiræ, & torcular calcauit solus, & in ascensione sua miraculum præbuit angelis.
- Posuitq. dominus in Cain signum, ut non cum interficeret omnis, qui inuenisset eum. Ipsum uidelicet signum, quod tremens & gemens, uagus & profugus semper uiueret: nec uspiam in orbe terrarum sedes posset habere quietas: atque ideo ut saluari posset, ædificauit ciuitatem. Dixit Deus ad Cain: Si recte offeras, & recte non diuidas, peccasti. utique quia etsi antea Iudæi rectè illa fecerunt, in eo tamen infidelitatis rei sunt, quia, Christo ueniente, iam tempus noui testamenti a tempore ueteris testamenti non distinxerunt. quod si obtemperasset Cain, Deo dicente, quiesce, sub te erit appetitus tuus, & tu dominaberis illius: ad se conuertisset peccatum suum, sibi hoc tribuens & confitens Deo: ac sic adiutus indulgentiæ gratia, ipse peccato suo dominaretur, non illo sibi dominante seruus esset peccati, nec fratrem occidisset innocentem. Sic & Iudæi, in quorum figura hæc gerebantur, si quiescerent a sua perturbatione, & tempus salutis per gratiam in peccatorum remissionem cognoscentes audirent Christum dicentem, Non ueni uocare iustos, sed peccatores in penitentia: tunc ad se conuerterent peccatum suum in confessione, sicut in psalmo XL scriptum est, medico dicentes, Ego dixi, domine, miserere mei, sana animam meam, quia peccaui tibi. eidemq. peccato quandiu in eorum corpore esset adhuc mortali, per spem gratiæ liberi dominarentur. Nunc autem ignorantes Dei iustitiam, & suam uolentes constituere, elati de operibus legis, non humiliati de peccatis suis non quieuerunt, sed offenderunt in lapidem offensionis, & exarserunt iracundia aduersus Christum, cuius opera uidentes, accepta Deo esse doluerunt. Sequitur, Itaque post hæc occiditur Abel minor natus a fratre Cain maiore natus. Occidit Christus caput populi minoris natus, a populo Iudæorum maiore natus: ille in campo, iste in Caluarie loco. Interrogat Deus Cain, non tamquam ignarus eum a quo discat, sed tamquam iudex reum quem puniat: & dicit, ubi sit frater eius: responditq. ille, se nescire, nec eius esse custodem. Usque nunc quid nobis respondent Iudæi, cum eos

sanctarum scripturarum uoce interrogamus de Christo? Illi nescire se Christum respondent. fallax enim Cain ignorantia, Iudæorum est falsa negatio. Essent autem quodam modo Christi custodes, si Christiaua fidem accipere, & custodire uoluissent. Sequitur. Dixit Deus ad Cain, Quid fecisti? Vox sanguinis fratris tui clamat ad me de terra.) Sic arguit in scripturis sanctis uox diuina Iudæos: habet enim uocem magnam sanguis Christi in terra. cum enim accepto sacramento ab omnibus gentibus responderetur, Amen: hæc est uox clara, uox sanguinis, quam sanguis iste exprimit ex ore fidelium, eodem sanguine redemptorum. Dixit Deus ad Cain, Maledictus eris a terra, quæ aperuit os suum, & suscepit sanguinem fratris tui de manu tua.) Maledictus est enim populus Iudæorum infidelis a terra, id est, ab ecclesia, quæ aperuit os suum in confessione peccatorum, accipere sanguinem Christi, qui effusus est in remissionem peccatorum omnium, de manu persecutoris nolentis esse sub gratia, sed sub lege, ut esset ab ecclesia maledictus: id est, ut ostenderet eum ecclesia maledictum testificante apostolo, Quicumque enim, inquit, ex operibus legis sunt, sub maledicto sunt legis. Cum operatus fuisset terram, non dabit tibi fructus suos. in ipsa enim terra quam Christum portauit, id est, in eius carne ipsi operati sunt salutem nostram crucifigendo Christum, qui mortuus est propter delicta nostra: nec tamen eis dedit eadem terra uirtutem suam, quia non iustificati sunt in uirtute resurrectionis eius, qui resurrexit propter iustificationem nostram: qui & si crucifixus est ex infirmitate nostra, sed uiuit ex uirtute Dei. Hæc est ergo uirtus terræ illius, quam non ostendit impiis & incredulis, unde nec resurgens eis, a quibus erat crucifixus, apparuit, tamquam Cain operante terram, ut gratia tibi fructus feminaretur. Vagus & profugus, siue ut in Septuaginta scriptum est, Gemens & tremens eris super terram. nunc ecce quis non uideat, quis non agnoscat in tota terra, quacunque dispersus est ille populus, quo modo sit uagus in gentibus & profugus ab Hierusalem: quo modo gemat mærore amissi regni, & tremat tremore sub innumerabilibus populis Christianis? Ideoque respondit, dicens, Maior est iniquitas mea, quam ut ueniam merear. Ecce eiici me hodie a facie terræ, & a facie tua abscondar: & ero uagus & profugus in terra. Igitur omnis qui inuenerit me, occidet me. Vere inde uagus, & profugus gemit & tremat, ne etiam regno terreno perduto, ista uisibili morte occidatur. Hanc dicit maiorem causam, quam illam, quod terra nostra non dat uirtutem suam, ne spiritaliter moriatur: carnaliter enim sapit & abscondit se a facie Dei, id est, iratum habere Deum graue non putat, sed hoc timet, ne inueniatur & occidatur. carnaliter enim sapit, tamquam operans terram, cuius uirtutem non accepit. Sapere autem secundum carnem mors est, quam ille non intelligens amisso regno, gemit & corporalem mortem tremat. Sed quid ei respondit Deus? Nequaquam ita fiet: sed omnis qui occiderit Cain, septuplum punietur: siue, ut Septuaginta transtulerunt, Septem uindictas exsoluet: id est, non sic quo modo dicis, non corporali morte interibit genus impium carnalium Iudæorum: quicumque eos ita perdiderit, septem uindictas exsoluet: id est, auferet ab eis septem uindictas, quibus alligati sunt propter reatum occisi Christi. Hoc toto tempore, quod septenario dierum numero uoluitur, magis quia non interit gens Iudæorum, satis apparet fidelibus Christianis, sed solum dispersionem meruerint, iuxta quod ait scriptura, Ne occideris eos, ne quando obliuiscantur populi mei legis tue, disperge illos in uirtute tua & depone eos. Posuit dominus in Cain signum, ut non eum interficeret omnis qui inuenisset eum. Hoc reuera mirabile est, quemadmodum omnes gentes, quæ a Romanis subiugatae sunt, in ritum Romanorum sacrorum transferint, eaq. sacrilegia obseruanda, & celebranda susceperunt: gens autem Iudæorum siue sub paganis regibus,

bus, siue sub Christianis non amittit signum legis & circumcisionis suæ, quo a ceteris gentibus populisq. distinguitur: sed omnis imperator uel rex, qui eos in regno suo inuenit, cum ipso signo eos inuenit, & non occidit. Exiit ergo a facie domini, & habitauit in terra Naid, quod dicitur interpretatum commotio, siue instabilis & fluctuans & sedis incertæ, contra quod malum Deus rogatus in psalmo, Ne dederis in motu pedes meos, & manus peccatorum non moueat me. Nunc uero Iudæi & omnes, qui diuersis erroribus contumaces sunt, resistentem ueritati, uenundati exeunt a facie Dei, idest, a misericordia dilectionis eius, uel a participatione lucis eius: & habitant profugi in terra commotionis, idest, in carnali concubatione, contra iucunditatem Dei, hoc est, contra Eden, quod interpretatur epulatio, ubi est plantatus paradysus. Sequitur, Cognouit autem Cain uxorem suam, quæ concepit & peperit Enoch: & ædificauit ciuitatem, uocauitq. nomen eius ex nomine filii sui Enoch.) Non est cōsequens quidem ut istum primum filium genuisse credatur. neque enim hoc ex eo putandum est, quia dictus est cognouisse uxorem suam, quasi tunc se illi primitus concumbendo miscuisset. nam & de ipso patre omnium Adam non tunc solum hoc dictum est, quando conceptus est Cain, quem primogenitum uidetur habuisse: uerum etiam posterius eadem scriptura, Cognouit, inquit, Adam Eua uxorem suam, & concepit, & peperit filium, & nominauit nomen illius Seth. Vnde intelligitur ita solere etiam illam scripturam loqui, quamuis non semper, cum in ea legitur, factos homines fuisse conceptos: non tamen solum cum primum sibi sexus uterque misceretur, nec illo necessarium est argumento, ut primogenitum patri existimemus Enoch, quod eius nomine illa ciuitas nuncupata est. non enim abest ut propter aliquam causam, cum & alios haberet, diligeret eum pater ceteris amplius. neque enim & Iudas primogenitus fuit, a quo Iudæa cognominata est & Iudæi. Sed etiam si conditor cinitatis istius, iste filius primus natus est, non ideo putandum est, tunc a patre conditæ ciuitati nomen eius impositum, quando natus est, quia nec constitui tunc ab uno poterat ciuitas, quæ nihil est aliud, quam hominum multitudo aliquo societatis uinculo colligata: sed cum illius hominis familia tanta numerositate crederet, ut haberet etiam populi quantitatem, tunc potuit utique fieri, ut ciuitatem constitueret, & nomen primogeniti sui constitutæ imponeret ciuitati. Quam ob rem nullus prudens rerum existimator dubitauerit, Cain non solum aliquam, uerum etiam magnam potuisse condere ciuitatem, quando in tam longum tempus protendebatur uita mortalium. Sequitur, Porro Enoch genuit Irad, & Irad genuit Mauiahel, & Mauiahel genuit Marufahel, & Marufahel genuit Lamech, qui accepit uxores duas, nomen uni Ada, & nomen alteri Sela, genuitq. Ada Iobal, qui fuit pater habitantium in tentoriis atque pastorum: Sela quoque genuit Tubalcain, qui fuit malleator & faber in cuncta opera æris & ferri. Soror uero Tubalcain, Noema.) Non enim puto incassum scriptum esse, quod in eis generationibus, quæ propagantur ex illo, qui est appellatus Seth, cum genuisset filios filiasq. dicatur, nulla ibi genita nominatim femina expressa est: in his autem, quæ propagantur ex Cain, in ipso fine, quo pertingunt nouissima, femina genita nominatur. sic enim legitur, Marufahel genuit Lamech. Et sumpsit sibi Lamech duas uxores, nomen uni Ada, & nomen secundæ Sela, quæ peperit Iobal. hic erat pater habitantium in tentoriis atque pastorum, & nomen fratris eius Tubal, ipse fuit pater canentium cythara & organo. Sela quoque genuit Tubalcain, qui fuit malleator & faber in cuncta opera æris & ferri. Soror uero Tubalcain, Noema. Hucusque porrectæ sunt generationes ex Cain, quæ sunt omnes ab Adam octo, annumerato ipso Adam, septem scilicet usque ad Lamech;

Psal. 35

De Enoch eius posteritate XXXIII

qui duarum maritus uxorum fuit, & octaua generatio est in filiis eius, in quibus commemoratur & femina: ubi eleganter significatum est, terrenam ciuitatem usque in sui finem carnales habituram generationes, quæ marium seminarumque coniunctione proueniunt. unde & ipsæ, quod præter Eum nusquam reperitur, ante diluuium nominibus propriis exprimuntur uxores illius hominis, qui nominatur hic nouissimus pater. Cum ergo esset utriusque generis Adam pater, idest, & cuius series ad terrenam, & cuius series ad caelestem pertineret ciuitatē, occiso Abel, atque in eius interfectione commendato mirabili sacramento, facti sunt duo patres singulorum generum in Cain & Seth. in quorum filiis commemorari oportebat duarum istarum ciuitatum generationem, & mortalium euidentius indicia clarere cœperunt. Cain quippe genuit Enoch. Enoch autem interpretatur dedicatio. hic enim dedicatur terrena ciuitas, ubi conditur, quoniam hic habet eum quem & intendit & appetit finem. Hunc sequutus Abel, quem maior frater occidit, præfigurationem quandam peregrinantis ciuitatis Dei, quod esset ab impiis, & quodam modo terrigenis, idest, terrenam originem diligentibus, & terrenæ ciuitatis terrena felicitate gaudentibus, persecutiones passura, primus ostendit. Sed quot annorum erat Adam cum eos genuit, non apparet. Exinde digeruntur aliæ generationes ex Cain, aliæ de illo, quem genuit Adam in eius successionem, quem frater occidit, appellauitque nomen illius Seth, dicens, ut scriptum est, Suscitauit enim mihi Deus semen aliud pro Abel, quem occidit Cain. Nullus de progenie Cain, cum dinumerata sit commemoratio Adam, usque ad octauam generationem, quot annorum fuisset, expressus est, quando genuit eum qui commemoratur post eum. noluit enim spiritus Dei in terrenæ ciuitatis generationibus tempora notare ante diluuium, sed in caelestis maluit, tamquam essent memoriæ digniores. Sequitur, Cognouit quoque Adam adhuc uxorem suam, & peperit filium, uocauitque nomen illius Seth, dicens, Posuit mihi dominus semen aliud pro Abel, quem occidit Cain. Sed & Seth natus est filius, quem uocauit Enos: iste cœpit inuocare nomen domini. Potuit quippe Adam diuinitus admonitus dicere, postea quam Seth natus est, suscitauit mihi Deus semen aliud pro Abel, quem occidit Cain, quoniam talis erat futurus, qui impleteret illius sanctitatem. Sed & Seth natus est filius, quem uocauit Enos: iste cœpit inuocare nomen domini. ex duobus namque illis hominibus, Abel, quod interpretatur luctus, & eius fratre Seth, quod interpretatur resurrectio, mors Christi & uita eius ex mortuis figuratur: ex qua fide hic gignitur ciuitas Dei, idest, homo qui cœpit inuocare nomen domini. spe enim salui facti sumus: ut ait apostolus. Nam quis uacare hoc existimet ab altitudine sacramenti? nunquid enim Abel non cœpit inuocare nomen domini Dei; uel, sicut in Septuaginta interpretibus habetur, Iste sperauit inuocare nomen domini Dei, cuius sacrificium scriptura tam acceptum Deo fuisse commemorat. Nunquid ipse Seth non cœpit uel sperauit inuocare nomen domini Dei, de quo dictum est, Suscitauit mihi Deus semen aliud pro Abel? Cur ergo huic proprie tribuitur, quod piorum omnium intelligitur esse commune? nisi quia oportebat in eo qui de patre generationum in meliorem partem, hoc est, supernæ ciuitatis, primus commemoratur exortus, præfigurari hominem, idest, hominum societatem, quæ non secundum hominem in re felicitatis terrenæ, sed secundum Deum uiuit in spe felicitatis æternæ. hoc ipsum enim quod dicitur, Et nominauit nomen eius Enos, quod interpretatur homo: ac deinde additur, Hic sperauit uel cœpit inuocare nomē domini Dei: satis ostenditur quod nō in se ipso posere debeat homo: Maledictus enim omnis, sicut alibi legitur, qui spem suam ponit in homine. ac per hoc nec in se, ut sit ciuis alterius ciuitatis, quæ non secundum

De Seth eiusque
posteris.
XXXIII

secundum filium Cain dedicatur hoc tempore, idest, mortalis huius sæculi, sed in illa immortalitate beatitudinis sempiternæ. Nam & ista propago, cuius pater Seth, in ea generatione habet dedicationis nomen, quæ septima est ex Adam, annuero Adam: septimus enim ab illo natus est Enoch, quod interpretatur dedicatio. sed ipse est ille translatus, quoniam placuit Deo, & insigni numero in ordine generationum, quo sabbatum consecratum est, septimo scilicet ab Adam. Ab ipso autem patre istarum generationum, quæ discernuntur a progenie Cain, idest, a Seth, sextus est, quoto die factus est homo, & consummavit Deus omnia opera sua. Sed huius Enoch translatio nostræ dedicationis est præfigurata dilatio, quæ quidem iam facta est in Christo capite nostro: qui sic resurrexit, ut non moriatur ulterius: & quod præcessit in capite, speratur in corpore. Sequitur,

HIC est liber generationis Adam, in die qua creavit Deus hominem: ad similitudinem Dei fecit illum: masculum & feminam fecit eos Deus, & benedixit illis, & vocavit nomen eorum Adam in die, quo creati sunt. Sed quare hinc redditur ad istam recapitulationem, postea quam commemoratus est filius Seth, qui coepit, uel speravit inuocare nomen domini Dei? Sed sciendum est, quod Enos filius Seth interpretatur homo, non sicut Adam: & ipsum enim nomen, homo interpretatur, sed commune perhibetur esse in illa lingua, idest, in Hebræa, masculo & feminæ. nam sic de illo scriptum est, Masculum & feminam fecit illos, & benedixit illis, & vocavit nomen eorum Adam. unde non ambigitur sic appellatam fuisse feminam Euam proprio nomine, ut tamen Adam, quod interpretatur homo, nomen esset amborum. Enos autem sic interpretatur, homo, ut hoc non posse feminam nuncupari, periti linguæ illius asseuerent: tamquam filius resurrectionis, ubi non nubent, neque uxores ducent: non enim erit in resurrectione generatio, cum illuc perduxerit regeneratio. Sequitur, Vixit autem Adam centum triginta annis, & genuit filium ad imaginem & similitudinem suam, vocauitque nomen eius Seth. Vixit quoque Seth centum quinque annis, & genuit Enos. Vixit uero Enos nonaginta annis, & genuit Cainan. Dicit aliquis, Credendum ne est hominem filios generaturum, nec habentem propositum continentiz, centum & amplius, uel certe secundum Hebræos non minus, idest, octuaginta, septuaginta, sexaginta annos a concumbendi opere non uacare; aut si non uacarent, nihil prolis gignere potuisse? Hæc quæstio duobus modis soluitur. aut enim tanto senior fuit proportionem pubertas, quanto ultæ totius maior annositas: aut quod magis uideo esse credibile, non hic primogeniti filii commemorati sunt, sed quos successionis ordo poscebat, ut perueniretur ad Noe, a quo rursus ad Abraham uidemus esse peruentum, ac deinde usque ad certum articulum temporis: quantum oportebat signari, etiam generationibus commemoratis, cursum gloriosissimæ ciuitatis in hoc mundo peregrinantis, & supernam patriam requirentis. quod enim negari non potest, prior omnibus Cain ex coniunctione maris & feminæ natus est. hunc secutus Abel, quem maior frater occidit: sed quot annorum erat Adam, cum eos genuit, non apparet. Porro autem Seth quando natus est, non quidem taciti sunt anni patris eius, sed iam genuerat alios: & utrum solos Cain & Abel. non enim, quia soli nominati sunt, propter ordines generationum, quas commemorare oportebat; ideo consequens uideri debet solos fuisse tunc generatos ex Adam. Cum enim silentio cooperitis omnibus nominibus ceterorum, legatur eum genuisse filios & filias, quoto fuerit ista proles eius, quis præsumat asseuerare, si culpam temeritatis euitat? Adam autem cum esset centum triginta annorum, genuit Seth. Seth autem cum centum quinque esset annorum, genuit Enos. Quis possit inconsideratus

asseuerare hunc eius primogenitum fuisse, ut admirantes merito requiramus, quo
 modo per tot annos immunis fuerit a connubio, sine ullo proposito continentiae,
 uel non genuerit coniugatus: quando quidem etiam de ipso legitur, Et genuit fi-
 lios & filias, & fuerunt omnes dies Seth DCCCCXII annorum, & mortuus est:
 atque ita deinceps quorum anni commemorantur, nec filios filiasque genuisse re-
 ticentur: ac per hoc non apparet omnino, utrum qui nominatur genitus, ipse fue-
 rit primogenitus. Immo uero quia credibile non est, patres illos ætate longa aut
 impuberes fuisse, aut coniugibus caruisse, uel feribus, nec illos eorum filios pri-
 mos eis natos fuisse credibile est. sed cum sacræ scriptor historię ad ortum uitamque
 Noe, cuius tempore diluuium factum est, per successiones generationum noratis
 temporibus intenderet peruenire, eas utique commemorauit, non quæ primæ suis
 parentibus fuerint, sed quæ in propagationis ordinem uenerint. exempli gratia,
 quo ut id fiat apertius, aliquid interponam, unde nullus ambigat fieri potuisse
 quod dico. Euangelista Matthæus generationem dominicæ incarnationis per se-
 ricem parentum uolens commendare memoriæ, ordinem a parte Abraham, atque
 a David primitus ut perueniret intendens, Abraham, inquit, genuit Isaac: &
 non ait Ismahel, qui primogenitus fuit. Isaac autem genuit Iacob: & non dixit
 Esau, qui eius primogenitus fuit, quia scilicet per illos ad David peruenire non
 poterat. Deinde sequitur, Iacob autem genuit Iudam, qui non eius primogenitus
 fuit. Iudas, inquit, genuit Phares: sed ante illum iam tres genuerat. Eum itaque
 tenuit in ordine generationum, per quem ad David atque inde quo tenderet, per-
 ueniret. ex quo intelligi potest, ueteres quoque homines ante diluuium non pri-
 mogenitos, sed eos fuisse commemoratos, per quos ordo succedentium genera-
 tionum ad Noe patriarcham duceretur. & hoc intendebat auctor huius historię
 in commemorandis generationibus ex Adam per filium eius Seth, ut per illas per-
 ueniret ad Noe, sub quo factum est diluuium. Per Seth autem ab Adam usque ad
 Noe, denarius insinuat legitimus numerus. Cui Noe adiciuntur tres filii, unde
 uno lapso duo benedicuntur a patre, ut remoto reprobato, & probatis filiis ad nume-
 rum additis, etiam duodenarius numerus intimeretur, qui & in patriarcharum & in
 apostolorum numero insignis est propter septenarii partes, altera per alteram mul-
 tiplicatis. neque enim mirandum, si uaria quantitate numerositatis annorum inter-
 posita, per tam longam ætatem ab Adam usque ad diluuium, non æqualis nume-
 ri generationes habuit utraque progenies, sed per Cain VII, per Seth autem X.
 septimus est enim, ut iam dixi, ab Adam Lamech, decimus Noe: & ideo non
 unus filius Lamech, sicut in ceteris superius, sed plures commemorati sunt: quia
 incertum erat, qui ei fuerat mortuo successurus, si regnandi tempus inter ipsum,
 & diluuium remansisset. Quod cum Lamech septimus ab Adam fuisset inuentus,
 tot eius annuerati sunt filii, donec undenarius numerus impleretur, quo signi-
 ficatur peccatum. adduntur enim tres filii, & una filia. Quoniam ergo lex dena-
 rius numero prædicatur, unde est memorabilis ille decalogus, profecto undena-
 rius numerus quoniam transgreditur denarium, transgressionem legis, ac per hoc
 peccatum significat. Progenies ergo ex Adam per Cain sceleratum homicidam,
 undenario numero finitur, quo peccatum significatur: & ipse numerus femina
 clauditur, a quo sexus initium factum est peccati, per quod omnes morimur. Com-
 missum est autem, ut & uoluptas carnis, quæ spiritui resisteret, sequeretur. nam &
 ipsa filia Lamech, Noema, hoc est uoluptas interpretatur. unde potuit fieri, ut ui-
 uente adhuc Lamech atque regnante, heret diluuium, ut ipsum cum aliis omni-
 bus hominibus, exceptis iis qui in arca fuerunt, quem perderet, inueniret: im-
 pletetque illud quod de semet ipso ipse ait, De Cain septuplum ultio dabitur, de
 Lamech

- Lamech uero septuagies septies. sic enim oportebat istas duas proponere ciuitates, unam ab homicida usque ad homicidam: nam idem Lamech duabus uxori-
bus suis se perpetrasse homicidium confitetur: alteram per eum qui sperauit in uo-
care nomen domini Dei. Sequitur, Porro Enoch uixit septuaginta quinque an-
nos, & genuit Mathusalem.) *Quæstio de an-
nis Mathusa-
le. XXXV*
- Famosa quæstio & disputatione omnium ecclesiarum
uentilata, quod iuxta supputationem diligentem XIII annos post diluuium
Mathusalem uixisse feratur, cum supra D CCC LXXXIX annis sit dictus ui-
xisse. Et quo modo uerum est, quod octo tantum animæ in arca salutæ factæ sunt?
Restat ergo ut quo modo in plerisque, ita & in hoc sit error in numero: siquidem
10 & in Hebræis & in Samaritanorum libris ita scriptum reperitur, Et uixit Mathusa-
lem CLXXXVI annis, & genuit Lamech: & uixit Mathusalem postquam genuit
Lamech DCCLXXXII annos: & fuerunt omnes dies Mathusale anni
D CCC CLXIX: & uixit Lamech CLXXXII annos, & genuit Noe. A die er-
go natiuitatis Mathusale usque ad diem ortus Noe, sunt anni CCCCLXIX. His
adde D C annos Noe, quia in sexcentesimo uitæ eius anno diluuium factum est:
atque ita sit, ut D CCCCLXIX anno uitæ suæ Mathusalem mortuus sit, eo sci-
licet anno quo cœpit esse diluuium, Sequitur, Dixit quoque Lamech uxori-
bus suis Adæ & Sæ, Audite uocem meam uxores Lamech, auscultate sermo-
nem meum: quoniam occidi uirum in uulnus meum, & adolescentulum in li-
uorem meum, septuplum ultio dabitur de Cain: de Lamech uero septuagies sep-
ties.) *De uxoribus
Lamech.
XXXVI*
- Iam alibi secundum historiam dictum est, eo quod ab Adam usque ad
Christum LXXVII generationes inueniuntur, in quibus peccatum Lamech, id
est totius mundi, sanguinis Christi effusione solutum est. siquidem & in populo
Iudeorum propter interfectionem Christi LXXVII uindictæ sunt statutz, iuxta
illud euangelium, in quo dictum est Petro apostolo, Non solum septies, sed etiam
septuagies septies, si pæniterit, fratri remittendum: id est Iudæum reuertentem
post LXXVII uindictas statutas recipiendum ad indulgentiam Christi.
- NOE uero cum quingentorum esset annorum, genuit Sem, Cham, & Laphet.
Cumq; cœpissent homines multiplicari super terram, & filias procreassent, uiden-
tes filii Dei filias hominum quod essent pulchræ, acceperunt uxores ex omnibus
30 quas elegerant.) Homines hoc in loco stirpem Cain diuina scriptura, licet tacite,
uoluit demonstrare, hoc est filios possessionis. Cuius, nisi terrenæ ciuitatis, quæ
in eius nomine condita est, qui dicitur Enoch? Enoch uero interpretatur dedica-
tio, quoniam hic habet eum quem intendit & appetit finem. Quod uero adiecit,
& filias procreassent: ostendit malum a sexu femineo rursus inuentum: non qui-
dem illo modo quo ab initio: non enim cuiusquam etiam tunc fallacia seductæ il-
læ semine persuaserunt peccatum uiris: sed ab initio, quæ prauis moribus fuerant
in terrena ciuitate, id est in terrigenarum societate, amatz sunt a filiis Dei propter
pulchritudinem corporis: quod bonum, Dei quidem donum est: sed propterea
40 id largitur etiam malis, ne magnum bonum uideatur bonis. nam & alia translatio
sic loquitur, Et factum est postquam cœperunt homines multi fieri super terram, & fi-
liæ nate sunt illis, uidentes angeli Dei filias hominum quia bonæ sunt, sumperunt
sibi ex omnibus uxores quas elegerant. Deserto itaque bono magno, & bono pro-
prio, lapsus est factus ad bonum minimum, non bonis proprium, sed bonis malisq;
commune: ac sic filii Dei filiarum hominum sunt amore capti, atque ut eis coniu-
gibus fruerentur, in mores societatis terrigenæ defluerunt, deserta pietate quam in
sancta societate seruabant. sic enim corporis pulchritudo, a Deo quidē facta, sed tē-
porale carnale infimū bonum. Huius igitur caritatis, hoc est dilectionis & amoris
ordine perturbato, Deum filii Dei, id est filii Seth, filii resurrectionis neglexerunt:
& filias

Matth. 18

CAP. VI
De tribus fi-
liis Noe.
XXXVII

Marc. 1

Malac. 3

& filias hominum, idest Cain, dilexerunt. Certe & illi qui erant filii Seth, & dicti sunt filii Dei, iidem dicti sunt angeli Dei: filii hominum erant per naturam, sed aliud nomen coeperant habere per gratiam. nam in eadem scriptura ubi dicti sunt filii Dei, ibi dicti sunt angeli Dei. Sed queritur quemadmodum potuerint angeli cum filiabus hominum nati sunt gigantes, uel feminis misceri potuerint, si non homines, sed angeli fuerunt. Dei tamen angelos sanctos nullo modo illo tempore sic labi potuisse crediderim, nec de his dixisse apostolum Petrum. si enim Deus angelis peccantibus non pepercit, sed carceribus caliginis inferi retrudens tradidit in iudicio puniendos reservari. De gigantibus autem, idest in nimium grandibus atque fortibus, puto non esse mirandum, quod ex hominibus nasci potuerunt: quia & post diluuium quidam tales fuisse reperiuntur. Vnde credibile est, homines iustos appellatos uel angelos uel filios Dei, concupiscentia lapso peccasse cum feminis, quam angelos carnem non habentes usque ad illud peccatum descendere potuisse. Sequitur, Dixit quoque Deus, Non permanebit spiritus meus in homine in æternum, quia caro est, eruntque dies eius CXX annorum. Gigantes autem erant super terram in diebus illis. Spiritu quippe Dei fuerant facti angeli & filii Dei, sed declinando ad inferiora dicuntur homines, nomine naturæ, non gratiæ. Dicuntur & caro desertores spiritus, & deserendo deserti. Quod autem dixit Deus, Erunt dies eorum CXX anni: non sic accipiendum est, quali prænunciatum sit post hæc homines CXX annos uiuendo non transgredi: cum & post diluuium etiam quingentos quosdam excessisse inueniamus: sed intelligendum est hoc Deum dixisse, cum circa finem quingentorum annorum esset Noe, idest CCCC LXXX uitz annos ageret, quos more suo scriptura quingentos uocat, nomine totius maximæ partem plerumque significans. Sexcentesimo quippe anno uitæ Noe secundo mens factum est diluuium, ac sic CXX anni prædicti sunt, futuræ uitæ hominum perituro, quibus transactis diluuiio deleteretur. Siue aliter, ut in Hebræo habetur, Non iudicabit spiritus meus homines iustos in sempiternum, quoniam caro sunt. hoc est, quia fragilis est in homine condicio, non eos seruabo ab æterno cruciatu: sed hic illis resituum quod merentur. Ergo non seueritatem, ut in nostris codicibus legitur: sed clementiam Dei sonat, dum peccator hic pro suo scelere uisitatur. Porro ne uideretur in eo esse crudelis, quod peccantibus locum penitentiae non dedisset, adiecit, Sed erunt dies eorum CXX anni: hoc est, habebunt CXX annos ad agendam penitentiam. Non igitur humana uita, ut multi errant, in CXX annos contenta est: sed generationi illi CXX anni ad penitentiam dati sunt. si quidem inuenimus post diluuium, quod Abraham uixerit CLXXV annos. Noluit Deus tempus expectare decretum, sed XX annorum spatii amputatis induxit diluuium, anno DC agenda penitentiae destinato. Sequitur, Gigantes autem erant super terram in diebus illis. Hæc uerba diuini libri satis indicant, iam illis diebus fuisse gigantes super terram, quando filii Dei acceperunt uxores filias hominum. Sequitur, Postquam enim ingressi sunt filii Dei ad filias hominum, illeque genuerunt, isti sunt potentes a sæculo uiri famosi. Postquam hoc factum est, nati sunt gigantes. sic enim ait, Gigantes autem erant super terram in diebus illis, cum eas amarent pulchras. nam alia translatio non pulchras, sed bonas, id est speciosas corpore, bonas uocat. Quod autem ait, Et generabant, siue genuerunt sibi: satis ostendit quod prius antequam sic caderet filii Dei, Deo generabant, non sibi:

De gigantibus.

XXXVIIII

non sibi: id est non dominante libidine coeundi, sed seruiente officio propagandi: non familiam fastus sui, sed ciues ciuitatis Dei. Nec mirandum est, quod etiam de ipsis gigantes nasci potuerunt: neque enim omnes gigantes, sed magis multi utique tunc fuerunt, quam post diluuium temporibus ceteris, quos propterea creare placuit creatori, ut etiam hinc ostenderetur non solum pulchritudines, uerum etiam magnitudines & fortitudines corporum non magni pendendas esse sapienti. Videns autem Deus quod multa malitia hominum esset in terra, & cuncta cogitatio cordis intenta esset ad malum omni tempore, pœnituit eum quod hominem fecisset in terra: & tactus dolore cordis intrinsecus, Delebo, inquit, homi-

*De pœnitudo-
ne Dei.*

XXXXX

10 nem quem creauit a facie terræ, ab homine usque ad animantia, a reptili usque ad uolucres cæli: pœnitet enim me fecisse eos.) Neque enim sicut hominem, ita Deum cuiusquam facti sui pœnitet, cuius est de omnibus omnino rebus tam fixa sententia, quam certa præscientia. unde tropica locutione in scripturis etiam pœnituisse legitur Deum: iuxta id ubi dicitur, quod homo sperauerat, uel naturalium causarum ordo gestabat: non iuxta id, quod se omnipotens facturum esse præsciuerat. Sed si non utatur scriptura talibus uerbis, non se quodam modo familiaris insinueret omni generi hominum, quibus uult esse consultum, & puniat superbientes, & exciet negligentes, & exerceat quærentes, & aliat intelligentes: quod non faceret, si non prius se inclinaret, & quodam modo descenderet ad iacentes.

20 Videns, inquit, Deus, quia multiplicata est malitia hominum super terram, & omnis cogitatio cordis illius, intenta esset ad malum omni tempore, pœnituit eum quod hominem fecisset in terra. Pœnitudo Dei, mutandarum rerum est immutabilis ratio. Quod autem interitum omnium animalium terrenorum, uolatiliumque denunciat, magnitudinem futuræ cladis effatur, non animantibus rationis expertibus, tamquam & ipsa peccauerint, minatur exitium. Sequitur, Noe uero inuenit gratiam coram domino. Noe uir iustus atque perfectus fuit in generationibus suis.) Si nullus sine peccato, quo modo aliquis perfectus esse potest? nisi quia perfecti hic aliqui dicuntur, non sicut perficiendi sunt sancti in illa immortalitate, quæ æquabuntur angelis Dei, sed sicut esse potest in hac peregrinatione peccati. Cum

30 Deo ambulauit: hoc est, illius uestigia sequebatur. Dixit Deus ad Noe, Finis uniuerse carnis uenit coram me: repleta est terra iniquitate.) Significat interitum omnium mortalium, præter illos qui in arca saluandi erant. Illi igitur quasi seminarium secundæ originis seruati sunt. Nec frustra sic creditur factum esse diluuium; iam non inuentis in terra, qui non erant digni tali morte defungi, quæ in impios uindicatum est: non quo quidquam bonis quandoque morituris tale genus mortis faciat aliquid, quod eis possit obesse post mortem. ueruntamen nullus eorum diluuium mortuus est, quos de semine Seth propagatos sancta scriptura commemorat. Quod uero ait, Et ego disperdam eos cum terra: quo modo cum terra homines dicuntur esse perdit, dum illis pereuntibus materies terræ postea remanserit nisi quod datur intelligi terræ speciem, uigorem, uel fecunditatem longe inferiorem post diluuium quam antea habuit: & fortassis idcirco hominibus carnes edere licentia postea concessa est. nam ante diluuium fructibus terræ tantummodo uisitabant. Sequitur, Fac tibi arcam de lignis leuigatis.) Quid enim per ligna leuigata, de quibus arca præcipitur fieri, nisi fortia & insolubilia: unde alia translatio, non leuigata, sed quadrata præcepit fieri: ut arca nec uentorum uis, nec aquarum inundatione solui, uel eueri potuisset. Sequitur, Et bitumine linies) Bitumen est seruientissimum & uiolentissimum gluten, cuius est hæc uirtus, ut ligna, quæ ex eo fuerint lita, nec uermibus exedi, nec solis ardore, uel uentorum flibus, aut aquarum possint assiduitate dissolui. Sequitur, Trecetorum cubitorum erit

*De mensura
arca. XL*

erit longitudo arcæ, L cubitorum latitudo, & XXX cubitorum altitudo illius.) Tale ergo arcæ specie debemus intelligere, ut quattuor angulis eam ex imo ad summum surgentem, & iisdem paulatim usque ad summum in angustum attrahis, in spatium unius cubiti fuisse collectam: & in fundamento CCC cubiti in longitudine, & in latitudine L sint, & altitudine XXX, sed collecta in cacumen angustum, ut cubitus sit longitudinis & latitudinis. & nere nulla potuit tam conueniens & congruens arcæ species dari, quam ut summo uelut e tectō quodam angusto culmine diffunderet imbrium ruinas: & in imo in aquis quadrata stabilitate consistens, nec impulsu uentorum, nec impetu fluctuum, nec inquietudine animalium, quæ intrinsecus erant, aut inclinari posset, aut mergi. Dicere solent etiam quidam, non potuisse capere illius quantitatem animalium genera tam multa in utroque sexu, bina de immundis, septena de mundis. qui mihi uidentur non computare nisi CCC cubita longitudinis, & latitudinis L: nec cogitare tantum aliud esse in superioribus, itemque aliud tantum in superioribus superiorū: ac per hoc ter ducta illa cubita fieri XC, & in latitudine CL. Si autem cogitemus quod Origenes non inelegerat astruxit, Moysen scilicet, hominem Dei eruditum (sicut scriptum est) omni sapientia Aegyptiorum, qui geometricam dilexerunt, geometrica cubita significare uoluisse, ubi unum, quantum sex nostra, ualere asseuerent: quis non uideat quantum rerum capere illa potuit magnitudo? nam illud quod disputant, tantæ magnitudinis arcam non potuisse compingi, ineptissime calumniatur, cum sciant immensas urbes fuisse constructas: nec attendunt C annos, quibus arca illa est fabricata: nisi forte lapis lapidi adhærere potest, sola calce coniunctus, ut murus per tot millia circumagatur, & lignum ligno cementatum, clauis solidatum, gluten bituminis non potest adhærere, ut fabricetur arca, non curuis, sed rectis lineis longe lateque porrecta, quam nullus in mare mittat conatus hominum, sed leuet unda, cum uenerit naturali ordine ponderum, magisque diuina prouidentia, quam humana prudentia natantē gubernet, ne incurrat ubicunque naufragium. Sequitur, Fenestram in arca facies, & in cubito consummabis summitatem. Ostium autem arcæ pones ex latere deorsum. Cenacula & tristega facies in ea.) Idcirco fenestram in summitate arcæ iubet fieri, ut haberet unde emittere posset aues ad explorandam terræ siccitatem. Ostium autem, quod in latere arcæ factum dicitur, eo loco fuisse credendum est, ut & inferiora quæ dixit bicamerata inferiora haberet: & quæ dixit tricamerata superiora a loco ostii appellata sint: & inde ingressa sint uniuersa animalia per sua quæque loca, secundum congruam rationem, discreta cenacula & trigesta: quod alia translatio bicamerata, & tricamerata uoluit nominare, ita ut quinque habitationes distinctas in ea esse aduertamus: inferiora loca stercoreis esse deputata, ne animalia & præcipue homines simi fetore uexarentur: hinc autem superior & contigua bicamerata, quæ conseruaturæ seu stabulis animalium deputaretur. In his ergo usus inferiores partes, quæ bicameratæ dicuntur, tradunt fuisse distinctas: superiores uero partes, quæ tricameratæ dicuntur, ad habitaculum primo bestiarum uel animalibus immitioribus uel serpentibus deputatas esse: ab his uero congrua in superioribus loca, mitioribus animantibus stabula fuisse: supra omnia uero in excelsis, auiibus & hominibus sedem locatam, ut sicut sapientia omnia antecedit, ita & homo cuncta præcelleret animalia. & sic quinque mansiones in eadem arca fuisse intelliguntur, prima stercorearia, secunda apothetica, tertia feris animantibus, quarta mansuetis, quinta hominibus.

CAP. VII

QVOD uero Deus præcepit Noe, de animantibus mundis & immundis bina inducere in arcam, masculini sexus & feminini, de nolucris iuxta genus suum, & de iumentis in genere suo, & ex omni reptili terræ secundum genus suum

bina

- bina de omnibus ingredi præcepit. Postea uero addidit, De animantibus mundis tolles septena & septena, masculum & feminam, de animantibus uero non mundis duo & duo, masculum & feminam: sed & de uolatilibus cæli septena & septena, masculum & feminam: non duo & duo, propter quattuor: sed tantummodo duo, propter masculum & feminam: & de mundis solummodo septem: qui idcirco immunda pari numero posuit, propter genus conseruandum: munda uero impari, ut Noe haberet unde hostias Deo immolaret ex mundis: uel certe plura fuerunt munda, quam immunda, propter futurum humano generi usum, qui ex mundis debebatur hominibus, ut plura essent quæ prodesse, quam quæ nocerent. Quod autem scrupulosissime quæri solet, & de minutissimis bestiolis, non solum quales sunt mures & stelliones, uerum etiam quales locustæ, scarabei, muscæ denique & pulices, utrum non amplioris numeri in arca illa fuerint, quam qui est definitus, cum hoc imperaret Deus: prius admonendi sunt, quos hæc mouent, sic accipiendum esse quod dictum est, Quæ repunt super terram: ut necesse non fuerit conseruari in arca, quæ possunt in aquis uiuere, non solum merfa, sicut pisces, uerum supernatantia, sicut multæ alites. Deinde cum dicitur, Masculus & femina erunt: profecto intelligitur ad reparandum genus dici: ac per hoc nec illa necesse fuerat ibi esse, quæ possunt sine concubitu de quibuscunque rerum corruptionibus nasci: uel si fuerint, quæ in domibus esse consueverunt, sine ullo numero definito esse potuisse. aut si mysterium sacratissimum quod agebatur, & tanta figura etiam ueritate facti aliter non posset impleri, nisi ut omnia ibi certo illo numero essent, quæ uiuere in aquis, natura prohibente, non possent: non fuit ista cura illius hominis, nel illorum hominum, sed diuina: non enim ea Noe capta intromittebat, sed uenientia intrare permittebat. Ad hoc enim ualet quod dictum est, Intrabunt ad te: non scilicet hominis actu, sed Dei nutu: ita sane ut non illic fuisse credenda sint, quæ sexu carent. præscriptum est enim atque definitum est, Masculus & femina erunt. Alia sunt quippe quæ de quibusque rebus, sine concubitu ita nascuntur, ut postea concumbant & generent, sicut muscæ. alia uero, in quibus nihil sit maris & feminae, sicut apes. Ea porro quæ sic habent sexum, ut non habeant fetum, sicut muli & mulæ, mirum si fuerint ibi: ac si non potius parentes eorum ibi fuisse sufficeret, equinum uidelicet atque asininum genus, & si qua alia sunt, quæ commixtione diuersi generis genus aliquod gignunt: sed si & hoc ad mysterium pertinebat, ibi erant. habet enim & hoc genus masculum & feminam. Solent etiam mouere nonnullos genera escarum, quæ illic habere poterant animalia, quæ non nisi carnibus uesci putantur, utrum præter numerum ibi fuerint sine transgressione mandati, quæ aliorum alendorum necessitas illic coegisset includi: an uero, quod potius est credendum, præter carnes aliqua alimenta esse potuerunt, quæ omnibus conuenirent. nouimus enim quam multa animalia, quibus caro cibis est, quod frugibus pomisque uescantur, & maxime fico atque castaneis.
- 40 Quid ergo mirum, si uir ille sapiens & iustus, etiā diuinitus admonitus, quid cuique congrueret, sine carnibus aptam cuique generi alimoniam præparauit, & cōdidit? Quid est autem quod uesci non cogeret fames? aut quid non suauē aut salubre facere posset Deus, quod etiam, ut sine cibo uiuerent, diuina facilitate donaret, nisi, ut pascerentur etiam, hoc implendæ figuræ tanti mysterii cōueniret? Opinantur quidam tam magnum fieri non potuisse diluuium, ut altissimos montes XV cubitis aqua crescendo transcenderet, propter Olympi montis uerticem, super quem perhibentur nubes non posse con crescere, quod tam sublime iam cælum sit, ut non ibi sit iste aer crassior, ubi uenti, nebulae, ignesque gignuntur: nec attendunt omnium elementorum crassissimā terram ibi esse potuisse: an forte negāt esse terram in uertice montis.

montis. Cur igitur usque ad illa celi spatia terris exaltari licuisse, & aquis non licuisse contendunt, cum isti mensores & pensores elementorum aquas terris perhibeat superiores atque leuiiores? Quid itaque rationis afferunt, quare terra grauior, & interior locum celi tranquillioris inuaserit per uolumina tot annorum, & aqua leuior ac superior permissa non sit hoc facere saltem ad tempus exiguum? Quæritur etiam potest, quare in ingressu hominum in arcam, seorsum uiri & seorsum nominatae sunt feminae: in egressu uero dictum est ad Noe, Egredere tu & uxor tua, filii tui, & uxores filiorum tuorum cum eis. nisi quia damnato sæculo, & pereunte omni genere mortalium, soli illi a periculo liberati usque dum arca requiesceret, & exitia aquarum cessarent, a concubitu cessarent: & sic denuo reuenterentur ad id ipsum corpori debitum nuptiarum, ut crescerent & multiplicarētur super terram: & ideo in ingressu diuisi, in egressu uero iugati sunt nominati. Computantur autem ab Adam usque ad diluuium, secundum editionem Septuaginta interpretum, anni **IIMCCCLXII**: secundum autem Hebræam, **MDCCLVI**. Sequitur.

RECORDATVS est autem dominus Noe, cunctorumque animalium & omnium iumentorum quæ erant cum eo in arca.) Neque enim obliuio in Deo est aliquando, ut recordetur quod oblitus fuerat: sed recordationem pro misericordia scriptor posuit. Sequitur, Adduxit spiritum super terram, & imminuta sunt aqua.) Bene enim de illo spiritu intelligi potest, de quo dictum est, Spiritus Dei ferebatur super aquas. Tunc enim ferebatur, ut congregatis aquis in suum locum terra apparuisset. nunc autē ductus dicitur, ut, ablatis de medio aquis diluuii, faciem terræ reuelaret. Potest & spiritus nomine uentus intelligi, iuxta illud psalmiste, Dixit & stetit spiritus procellæ: cuius flatibus crebris aqua cogeretur recedente de terra. Sequitur, Reuersæ sunt aquæ de terra, cuntes & redeuntes.) Quo reuersæ sunt aquæ: cuntes & redeuntes? nisi quod omnes fluuiorum ac riuorum decursus per occultas terræ uenas ad matricē abyssum redeunt: iuxta illud Salomonis, Ad locum, unde exeunt, flumina reuertuntur, ut iterum fluant. Sed hoc quæri potest, quare columba ramum oliuæ ad uesperum uiuentibus foliis reportauerit in ore suo: nisi quod post mundi crimina diluuiū quodam modo expiata, effusa similitudine diuini muneris gratiam demonstrans, per oliuæ ramum refectionis ac luminis pacem terris reddidit nunciauit. Ecce ut potuimus, & ut dominus dedit, de arcæ fabrica iuxta historiam aliqua explanare conati sumus: nunc autem spiritalis intelligentiæ uela pandamus, & quam a terra extulit aqua, super cælum efferat spiritalis intelligentia. Imperat Deus ut arcam faciat Noe de lignis nō putrescentibus; ita & ecclesia construitur a Christo ex omnibus gentibus in æternum uiuentis. Arca enim ista ecclesiam demonstrabat, quæ nata in fluctibus mundi huius: & sic Noe cum suis omnibus, idest uxorē & filiis & nuribus, & cum animalibus quæ ad illum ex Dei præcepto in arcam ingressa sunt, ut liberarentur a diluuii uastitate, proculdubio figura est peregrinantis in hoc sæculo ciuitatis Dei, hoc est ecclesiæ, quæ sit salua per lignum, in quo pependit mediator Dei & hominum, homo Christus Iesus. Quod de lignis quadratis eadem arca fabricatur, undique stabilem uitam sanctorum significat, ad omne opus bonum paratam. quadratum enim quocumque impules, stantem inuenis. Quod sexies longa ad latitudinē suam, & decies ad altitudinē suam, humani corporis instar ostendit: quia in corpore humano Christus apparuit. nam & mensura ipsa longitudinis, & altitudinis & latitudinis eius, significat corpus humanum, in cuius ueritate ad homines prænuntiatus est uenturus, & uenit. humani quippe corporis longitudo a uertice usque ad uertigia, sexies tantum habet, quantum latitudo, quæ est ab uno latere ad alterum latus: & decies tamquam altitudo, cuius altitudinis mensura est in latere a dorso ad uentrem:

uentrem : ueluti si iacentem hominem metiaris supinum seu prouum, sexies tantum longus est a capite ad pedes, quam latus a dextera in sinistram, uel a sinistra in dexteram, & decies quam altus a terra. Quod cubitis quinquaginta latitudo eius expanditur, sicut dicit apostolus, Cor nostrum dilatatum est : unde, nisi de caritate spiritali? Propter quod ipse item dicit, Caritas Dei diffusa est in cordibus nostris, per spiritum sanctum qui datus est nobis. quinquagesimo enim die post resurrectionem suam Christus spiritum sanctum misit, quo corda credentium dilatauit. Vnde facta est arca trecentorum in longitudine cubitorum, & quinquaginta in latitudine, & triginta in altitudine, & deinde trecentis cubitis longa est, ut sexies quinquaginta compleantur : sicut sex ætatibus omne huius sæculi tempus extenditur : in quibus omnibus Christus numquam desistit prædicari : in quinque per prophetiam prænunciatus, in sexta per euangelium diffusatus. Quod eius altitudo in triginta cubitos surgit, quem numerum decies habet in trecentis longitudine : quia Christus altitudo nostra, qui triginta annorum ætatem gerens doctrinam euangelicam consecrauit, contestans legem non se uenisse soluere, sed implere. Legis autem cor in decem præceptis agnoscitur. Vnde decies tricenis arce longitudine perficitur. Vnde & ipse Noe ab Adam decimus computatur. Quod bitumine glutinantur arce ligna intrinsecus & extrinsecus, ut in compage unitatis significetur tolerantia caritatis : ne scandalis ecclesiam tentantibus, siue ab eis qui intus, siue ab eis qui foris sunt, cedat fraterna iunctura, & soluatur uinculum pacis. est enim bitumen feruentissimum & uiolentissimum gluten, significans dilectionis ardorem, ui magnæ fortitudinis ad tenendam societatem spiritalem omnia tolerantem. Quod cuncta animalium genera in arca clauduntur, sic & omnes gentes, quas etiam Petro demonstratas discus ille significat, quæ ecclesia continet. Quod munda & immunda ibi sunt animalia, sic & in ecclesiæ sacramentis & boni & mali uersantur. Quod septena sunt munda, & bina immunda : non quia pauciores sunt mali, quam boni, sed quia boni seruant unitatem spiritus in uinculo pacis. Sanctum autem spiritum diuina scriptura in septiformi operatione commendat, sapientia & intellectus, consilii & fortitudinis, scientiæ & pietatis & timoris Dei.

30 Vnde & ille numerus L dierum ad aduentum sancti spiritus pertinens, in septies septenis, qui sunt XLIX, uno addito cõsummat : propter quod dictum est, Studeantes seruire unitatem in uinculo pacis. Mali autem in binario numero ad schismata faciles & quodam modo diuisibiles ostenduntur. Quod ipse Noe cum suis octauus enumeratur : quia in Christo spes resurrectionis nostræ apparuit, qui octa uo die, idest post sabbati septimum primo a mortuis resurrexit : qui dies a passionis tertius, in numero autem dierum, qui per omne tempus uoluuntur, octauus & primus est. Quod arca collecta ad unum cubitum desuper consummat, sic & ecclesia, quæ est corpus Christi, in unitate collecta sublimatur & perficitur. unde dicit in euangelio, Qui mecum non congregat, spargit. Et quod ostium in latere accepit, profecto illud est uulnus, quando latus Christi lancea perforatum est : hac quippe ad illum uenientes ingrediuntur, quia inde sacramenta manant, quibus credentes initiuntur. Nemo quippe intrat in ecclesiam, nisi per sacramentum remissionis peccatorum, quod de Christi latere aperto manauit. Quod inferiora arce bicamerata & tricamerata construuntur, ut ab imo sursum uersus tertia confugeret habitatio : bicamerata dicta est propter duo genera hominum, circumcisionem scilicet & præputium, quos apostolus alio modo dicit, Iudæos & Græcos : tricamerata uero, eo quod omnes gentes de tribus filiis Noe post diluuium reparate sint. Possunt hinc intelligi & tria illa, quæ commendat apostolus : fides, spes, caritas. Possunt etiam multo conuenientius tres illæ ubertates euangelicæ, tricena,

D sexagena,

2. Cor. 6
Rom. 5

Ephes. 3

Matth. 13

Rom. 1

nimis intentos, aut rebaptizari, aut ab his, quos præter arcam, id est, præter ecclē-
 siam baptisimus occidit, seduci & teneri. Quod columba emissa, non inuenta re-
 quie, reuerſa est, ostendit per nouum testamentum requiem sanctis in hoc mundo
 non esse promissam. post quadraginta enim dies emissa est, qui numerus uitam,
 quæ in hoc mundo agitur, significat. Denique post septem dies dimissa, propter il-
 lam septenariam operationem spiritalem, oliuæ fructuosa furculum retulit: quo
 significaret non nullos etiam extra ecclesiam baptizatos, si eis pinguedo non de-
 fuerit charitatis, posteriore tempore quasi uespere, in ore columbæ tanquam in
 osculo pacis, ad unitatis societatem posse perducī. Quod post alios septem dies di-
 missa, reuerſa non est, significat finem sæculi, quando erit sanctorum requies: non
 adhuc in sacramento spei, quo in hoc tempore satiatur ecclesia, quamdiu bibitur
 quod de Christi latere manuit: sed iam in ipsa perfectione salutis æternæ, cum tra-
 ditur regnum Deo & patri, ut in illa perspicua contemplatione incommutabilis
 ueritatis nullis mysteriis corporalibus egeamus. Nimis longum est, ut uel tam bre-
 uiter, quam hæc cucurri, cuncta contingamus, cur sexcentesimo primo anno uitæ
 Noe, id est, peractis sexcentis annis, aperitur arca testum, & tamquam reuelatur
 quod erat absconditum sacramentum: cur uigesimo septimo die secundi mensis
 dicitur sicasse terra, tanquam finita esset baptizandi necessitas, in numero die-
 rum, quinquagesimo & septimo: ipse est enim dies secundi mensis uigessimus septi-
 mus, qui numerus ex illa coniunctione spiritus & corporis, septies octonos habet,
 uno addito propter unitatis uinculum. Cur de arca coniuncti exeunt, qui disun-
 cti intrauerunt seorsum uiri & seorsum feminae? Exeunt autem Noe & uxor eius,
 filii eius & uxores filiorum eius: nunc coniuncti commemorari masculi & feminae,
 Quia in fine sæculi, atque in resurrectione iustorum omnimoda & perfecta paco
 spiritui corpus adhaerebat, nulla mortalitatis indigentia uel concupiscentia relin-
 gente. Sequitur, Aedificauit autem Noe altare domino, & tollens de cunctis
 pecoribus & uolucris mundis obtulit holocausta super altare, odoratusq. est do-
 minus odorem suauitatis. Si Deus omnia fecerat bona, & etiam ualde bona, quid
 est, quod tollens Noe de cunctis pecoribus & uolucris mundis, & sic obtulit ho-
 locausta? Nequaquam aliquid in sui natura immundum creatum est, sed ad com-
 parationem melioris, quod bonum in sua natura est, quasi immundum putatur.
 Constructio quippe altaris, sanctæ trinitatis confessio intelligenda est: de qua do-
 minus ascendens ad celos apostolis tradidit, dicens, Ite, docete omnes gentes, ba-
 ptizantes eos in nomine patris & filii & spiritus sancti, docentes eos seruare omnia,
 quæ præcepi uobis. Super hoc altare fidei sumpsit ex omni pecore mundo, & ex o-
 mni aue munda, & obtulit hostias sanctas domino placentes, rationabile obsequiū
 sanctorum. per pecus enim mundum illi significati sunt, qui simplicitate uiuant in
 ecclesia, sensumq. retinent innocentiae, nec habent morsum malitiae. Porro per aue
 mundam illi intelliguntur, qui in lege domini meditatur die ac nocte, qui possunt
 dicere cum apostolo, Nostra autem conuersatio in caelis est. non quod naturaliter
 mundi essent, in iniquitatibus concepti, & in delictis generati: sed quod iam rena-
 ti ex aqua & spiritu sancto recte mundi appellentur: & sic postmodum super altare fi-
 dei oblati sint Deo patri, mortificati carne, uiuificati autem spiritu. Odoratusq. est
 dominus odorem suauitatis. neque enim Deus odore carnis, aut sanguine ter-
 rationabilium pecorum delectatur: quod se utique nequaquam exquississe per Esa-
 iam propheta testatus est: sed odoratus est, hoc est delectatus, humani generis ad se
 conuersionem & salutem credentium. Sequitur, Nequaquam ultra maledicam
 terræ propter homines. sensus enim & cogitatio humani cordis in malum prona
 sunt ab adulescentia sua, Non igitur ultra perentiam omnem animantē sicuti feci.

De constructio-
 ne altaris &
 pecoribus mū-
 dis & immū-
 dis. XLII

Matth. ult.

Pſal. 1
 Philip. 3

D 2 Nequa-

Nequaquam enim post resurrectionem dominabuntur corporibus uitia atque peccata, neque corruptioni subiacent & morti corpora, quæ post resurrectionem ad gloriam immutata, incorruptionem & immortalitatem sunt acceptura. Sequitur,

*CAP. IX
De benedictione
Noe & filiorum.
XLIII*

Benedixitq. Deus Noe & filiis eius, & dixit ad eos, Crescite & multiplicamini, & implete terram: & terror uester ac tremor sit super cuncta animalia terræ, & super omnes uolucres cæli, cum uniuerſis quæ mouentur in terra. Quorum terror ac tremor super animalia terræ præcipitur, profecto esse super homines prohibetur. homo quippe brutis animalibus, non autem hominibus ceteris, natura prælatus est: & idcirco ei dicitur, ut ab animalibus, & non ab homine timeatur: quia contra naturam superbire est, ab æquali uelle timeri. Sequitur, Omnes pisces

maris manu uestra traditi sunt: & omne quod mouetur & uiuit, erit uobis in cibum. quasi holera uirentia tradidi uobis omnia, excepto quod carnem cum sanguine non comedetis. Morticinum autem ad escam hominum usui non admisit, eo quod non occisorum, sed mortuorum animalium morbida caro est, nec apta ad salutem corporis, cuius causa sumimus alimentum. Illud uero quod in Actibus apostolorum præceptum ab apostolis gentibus impositum, ut abstinerent gentes tantum a fornicatione, & ab immolatis, & a sanguine: idest, non ederent carnem, cuius sanguis non esset effusus. quod alii non sic intelligunt: idest, ut ne quis homicidio se contamineat. quod quidem aut isto, aut alio quolibet modo: nam ista tantummodo obseruando nullo modo esse poterant Christiani. quis enim ne

sciat, Noe & eius filios significasse Iesum Christum & suos prædicatores, qui a Deo patre benedictione perceperunt in cælestibus in omni benedictione spiritali? qui tunc iussi sunt crescere & multiplicari, quando ueluti de arca egressi, de Hierusalem & Iudæa dispersi, quasi terram ingredi præcepti sunt, dum cunctes in mundum iussi sunt prædicare euangelium omni creaturæ: & tunc spiritaliter creuerunt in filiis, sanctis uidelicet discipulis, & copiosa multitudine ceterorum fidelium: & terror ac tremor eorum fuit super cuncta animalia terræ, gentes scilicet, quæ more irrationabilium pecorum uel animalium uersabantur in mundo: & super omnes uolucres cæli, sapientes utique mundi, qui more auium dum de creaturis uel elementis cæli & terræ disputare nitebantur, quasi aues in cælum uolare uidebantur. Tunc etiam pisces maris illorum traditi sunt, quando curiosi quique & actiones sæculi sectantes, & qui infirmos quosque & pusillos, qui se defendere nõ ualebant, dum expoliabant, quasi more piscium eos deuorabant: sed postea ad prædicationem apostolorum, qui dudum aliena rapiebant, coeperunt etiam propria largiri.

Psal. 46

Impletumq. est illud quod antea propheta ex eorum persona cecinit, dicens, Subieci populos nobis, & gentes sub pedibus nostris. Et omne quod mouetur & uiuit, erit uobis in escam. quasi holera uirentia tradidi uobis omnia: idest, ut eum qui ex circumcisione est, ita & qui ex gentibus pari modo ad finem recipietur, sicut Petro dictum est, Surge Petre, macta & manduca. Cumq. ille renuendo diceret, nõ se aliquando manducasse commune & immundum, dictum est illi, Quæ Deus purificauit, tu ne commune dixeris, idest, quos Deus gratuita miseratione ex uasis iræ uasa misericordie per spiritum sanctificationis remittendo præterita peccata cecit, tu noli uelut immundos renuere. Excepto quod carnem cum sanguine non comedis: idest, cum præterito peccato eos ad fidem recipere non debetis: sed ipsi more atque per confessionem in conspectu domini effundere, aut certe in terra abscondere, in sua uidelicet carne, ex qua ortum est, debent mortificare. Sed quia ista illis inter gentes agentibus, futurum erat illos persecutionem habituros ab infidelibus, mox ad consolationem eorum uerba respondent. sanguinem enim animarum uestrarum requiramus de manu cunctarum bestiarum. neque enim anima quæ res

incorpora

incorporea est in sua natura, sanguinem habet, uel bestiarum brutæ & absque ratione, pro quolibet facto aliquando Deo reddituræ sunt rationem: sed per sanguinem animæ, uitam carnis uoluit demonstrare. Bestias autem hoc in loco persecutores ex gentibus debemus intelligere, qui more bestiarum aduersus Dei sanctos suam malitiam exercuerunt. Quod uero addidit, De manu hominis: eosdem perse- cutores tam ex Iudæis quam ex gentibus uoluit demonstrare: quia & homines sunt per naturam, & bestiarum per seuitiam. Deinde subsecutus est, De manu uiri & fratris eius requiram animam hominis.) Saluo intellectu historiarum, quo iustus iudex Dens reddit unicuique iuxta opera sua, secundum coeptum ordinem allegoriarum, hominem quasi rationabilem uirum & fratrem sanctis prædicatoribus, idest, apostolis & comitibus eorum Iudæos debemus intelligere, qui ex uno patre orti sunt, & de Abraham prosapia descenderunt, qui eosdem prædicatoribus sanctos extra synagogam fecerunt: & dum eos occiderunt, uel persecuti sunt, arbitrati sunt se obsequium præstare Deo. Quibus dominus promittit: idest, & persecutoribus ex gentibus, quasi irrationabilibus bestiis: & hominibus, hoc est, Iudæis, quasi ratione utentibus, qui sibi secundum legem uidebantur persequi apostolos: utrisque eos iniuste persequentibus, per iustum iudicium puniendos esse promissit. Quicumque effuderit humanum sanguinem, effundetur sanguis eius.) Homines hoc in loco, sanctos noluit demonstrare, utpote rationales. quid est enim dicere, Quicumque effuderit humanum sanguinem, effundetur sanguis eius? Ac si aperte dicat, Quicumque eos temporali morte iniuste multauerit, perpetua morte, hoc est, damnatione, punietur. Ad imaginem quippe Dei factus est homo.) uere enim ad imaginem Dei illi conditi sunt, qui student quotidie mortificare membra sua, quæ sunt super terram, & renouari spiritu mentis, qui secundum Deum creatus est, qui deponunt mendacium, & loquuntur ueritatem proximis suis, cum quibus sunt inuicem membra. Sequitur, Vos autem crescite & multiplicamini, & ingredimini super terram, & implete eam.) Ad eosdem sanctos prædicatoribus uerba exhortatoria sunt, ut postposito timore quo corpus occiditur, & anima nihil impeditur, crescant, siue in uirtutibus, siue in numerositate credentium multiplicentur: & ingrediantur super terram prædicando, & impleant eam docendo, & mirabile demonstrando Christi nomen in uniuersa terra: quia dum hoc in hominibus, hoc est, Dei notitia, fides uel religio non erat, quasi absque cultore terra deserta & inhabitabilis erat. Sequitur, Dixitque Deus, Hoc signum fœderis, quod do inter me & uos: Arcum meum ponam in nubibus: & erit signum fœderis inter me & inter terram. Cumque obduxero nubibus cælum, apparebit arcus meus in nubibus: & recordabor fœderis mei, quod pepigi uobiscum.) Arcus propter signum securitatis in cælo positus est, ut ab omnibus inspicere potuisset. Et ipsum signum in igne & aqua ostenditur: quia ex parte est caeruleus & ex parte rubicundus: quia nriusque iudicii testis est, unius nidelicet facti, & alterius faciendi. Quod testamentum posuit Deus inter se & homines, atque omnem animam uiuam, ne perdat eam diluuium: arcnm qui apparet in nubibus, qui numquam nisi de sole resplendet. illi enim non pereunt diluuium separati ab ecclesia, qui in prophetis & omnibus diuinis scripturis, tamquam in nubibus Dei agnoscunt Christi gloriam, non querunt suam. Sex quippe ætatibus humana finitur uita, quarum prima infantia est, secunda pueritia, tertia adolescentia, quarta iuuentus, quinta senectus, sexta senium, quæ sola morte terminatur: ita & sex ætatibus finiendus est hic mundus, cuius prima ætas fuit ab Adam usque ad diluuium, quæ recte infantie comparatur, quæ hinc appellata est, quod fari non potest: quam profecto ætatem primam dimergit obliuio, sicut ætas prima generis humani est deleta diluuium. ita & nunc nostri operis finiendus est liber.

De arcu.

XLIII

D. EVCHERII,
LVGDVNENSIS EPISCOPI,
COMMENTARIORVM IN GENESIM
ad Verannium & Salonium fratres,
episcopos,

LIBER SECVNDVS.

*De eo quod
scriptum est,
Capit. Noe,
Gen. I*



*Mar. 10
Matth. 26*

*2. Cor. 13
1. Cor. 1*

*De maledictio-
ne Chanaan.
I I*

ECVND A namque sæculi ætas a Noe usque ad ipsum Abraham, uelut pueritia fuit: & sic post diluuium, nouum apparuit sæculum, quasi secunda humani generis ætas: ita & a nobis, Deo iuuante, secundus incipiendus est liber. Sequitur, Cœpitq. Noe uir agricola exercere terrâ, & plantauit uineam: bibensq. uinum inebriatus est, & nudatus in tabernaculo suo.) Quare uir iustus inebriatus est, nisi forte inebriari uino posse nesciebat? neque enim ante diluuium leguntur homines uino uti: & ideo specia-
liter de Noe scriptum est, Plantauit Noe uineam. 20

Vinea domini Sabaoth, domus Israel est. Bibit de uino eius. Siue ille calix hic intelligitur, de quo idem dominus dicit, Potestis bibere calicem, quem ego bibiturus sum. &, Pater, si fieri potest, transeat a me calix iste. quo suam sine dubio significat passionem. siue quia uinum fructus est uineæ, hoc potius illo significatu est, quod ex ipsa uinea, hoc est, ex genere Israelitarum, carnē pro nobis & sanguinem, ut pati posset, assumpsit: & inebriatus est, idest, passus est & nudatus est. Ibi namque nudatus est, idest, apparuit eius infirmitas, de qua dicit apostolus, Et si crucifixus est ex infirmitate. Vnde item dicit, Infirmitum Dei fortius est hominibus, & stultum Dei sapientius est hominibus. Quod uero cum dictum esset, Et nudatus est, addidit scriptura, In domo sua: eleganter ostendit quod a suæ carnis gente, & domesticis sanguinis sui, utique Iudæis, fuerat crucem mortemq. passurus. Sequitur, 30

Quod cum uidisset Cham pater Chanaan, uerenda scilicet patris sui esse nudata, nunciauit duobus fratribus suis foras. at uero Sem & Iaphet pallium imposuerunt humeris suis, & incedentes retrorsum operuerunt uerenda patris sui. faciesq. eorum auersæ erant, ut patris sui uirilia non uiderent.) Proinde in duobus filiis, maximo & minimo, duo populi figurantur, scilicet circumcisio, & præputiū: unam uestem a tergo portantes, sacramentum scilicet iam præteritæ dominicæ passionis: neque nudatam patris intuentur, quia in Christi necem non consentiunt: & tamen honorât uelamento, tamquam scientes unde sint nati. Medius autem filius, idest, populus Iudæorum: & ideo medius, quia nec primatū tenuit apostolorum, nec ultimus in gentibus credidit: uidit nudatam patris, quia consensit in necem Christi: & nunciauit foras fratribus: per eum quippe manifestatum est, & quodā modo publicatum, quod erat in prophetia secretum: ideoq. fit seruus fratrum suorum. Quid est enim aliud hodieq. gens ipsa, nisi quædā scrinaria Christianorum, baiulans legem & prophetas ad testimonium assertionis ecclesiæ, ut nos honoremus per sacramentum, quod nunciat illa per litteram? Sequitur, Euigilans autem Noe a uino, cum didicisset quæ fecerat ei filius suus minor, ait, Maledictus Chanaan, seruus seruatorum erit fratribus suis. Dixitq., Benedictus dominus Deus Sem, sit 40

Sem, sit

- Sem, sit Chanaan seruus eius. Dilatet Deus Iaphet, & habitet in tabernaculis Sē.)
 Queritur quare peccans Cham in patris offensa, non in se ipso, sed in filio suo Chanaan maledicatur: quia prophetatum est, quod terram Chanaan, eiectione inde Chanaanis & debellatis, accepturos fuisse filios Israel, qui uenerunt de semine Sem, intendo & prouidendo, quod longe fuerat post futurum. Vnde factum est etiam illud, ut filium medium, hoc est, primogenito iuniorem ultimoque maiorem, qui peccauerat in patrem, non in ipso, sed in filio eius suo nepote malediceret his uerbis, Maledictus Chanaan, sit seruus fratribus suis. Chanaan porro natus fuerat ex Chā, qui patris dormientis nec texerat, sed potius prodiderat nuditatem. Vnde etiam
 10 securus adiungit benedictionem duorum filiorum, maximi, & minimi, dicens, Benedictus domuius Deus Sem, erit Chanaan puer eius: dilatet Deus Iaphet, & habitet in tabernaculis Sem. quamquam enim sit Deus omnium gentium, quodam modo tamen proprio uocabulo, & in ipsis iam gentibus dicitur Israel. Et unde hoc factum est, nisi ex benedictione Iaphet in populo enim gentium, totum orbem terrarum occupauit ecclesia. Hoc prorsus hoc pronunciabatur, cum diceretur, Dilatet Deus Iaphet, & habitet in tabernaculis Sem. Sem quippe de cuius semine incarnatus est Christus, interpretatur nominatus. Quid autem nominatus Christo? cuius nomen iam ubique fragrat: ita ut in Cantico canticorum, etiam
 Cant. 1.4 in se præcedente prophetia, unguento comparatur effuso: in cuius domibus, id est, ecclesiis, habitat gentium latitudo. nam Iaphet, latitudo interpretatur. Ecce quo modo dilatat Deus Iaphet, & habitat in tabernaculis Sem, id est, in ecclesiis, quas filii prophetarum apostoli construxerunt: secundum quod Paulus apostolus fidelibus ex gentibus ait, Qui ætatis illo tempore, sine Christo alienati a societate Israel, & peregrini testamentorum, & promissionis spem non habentes, & sine Deo in hoc mundo. Per hæc uerba ostenditur, quod nondum habitat Iaphet in domibus Sem. Sed paulo post quemadmodum concludat, aduertamus. Igitur iam, inquit, non estis hospites & peregrini, sed estis ciues sanctorum & domestici Dei, superædificati supra fundamentum apostolorum & prophetarum, ipso summo angulari lapide existente Christo Iesu. Porro Cham, qui interpretatur callidus, medius Noe filius, tamquam se ab utroque discernens, & inter utrumque remanens, nec in primitiis Israelitarum, nec in plenitudine gentium, quid significat, nisi hæreticorum genus callidum, non spiritu sapientie, sed impatientie, quo solent hæreticorum seruere primordia, & pacem perturbare sanctorum? Multa quidem ad fidem catholicam pertinentia, dum hæreticorum callida inquietudine exagitantur, ut aduersus eos defendi possint, & considerantur diligentius, & intelliguntur clarius, & instantius prædicantur, & ab aduersario mota questio discendi existit occasio: quamuis non solum qui sunt apertissime separati, uerum omnes, qui Christiano nomine gloriantur, & perdite uiuunt, non absurde possunt uideri medio Noe filio figurari. passionem quippe Christi, quæ illius hominis nuditate
 40 significata est, & annunciant profutendo, & male agendo exhororant. De talibus ergo dictum est, Ex fructibus eorum cognoscetis eos. Ideo Cham in filio suo maledictus est, tamquam in fructu suo, id est, in opere suo. Vnde conuenienter & ipse filius eius Chanaan, interpretatur motus eorum. quod quid aliud est, quam opus eorum? Sem uero & Iaphet, tamquam circumcisio & præputium: uel sicut alio modo eos appellat apostolus, Iudeos & Græcos, sed uocatos & iustificatos: cognita quodam modo nuditate patris, qua significabatur passio saluatoris, summentes uestimentum posuerunt supra dorsa sua, & intrauerunt auersi, & operuerunt nuditatem patris sui; nec uiderunt quod reuerendo texerunt. quodam enim modo in passione Christi, & quod pro nobis factum est, honoramus, & Iudeorum
 rum fa-

Ephes. 2

Matth. 1

Rom. 1

rum facinus auerfamur. Vestimentum significat sacramentum: dorsa, memoriam præteritorum, quia passionem Christi eo scilicet tempore, quo habitat Iaphet in domibus Sem, & malus frater in medio eorum, transactam celebrat ecclesia, non adhuc prospectat futuram. Sed malus frater in filio suo, hoc est, in opere suo: pner; id est, seruus est fratrum suorum, cum ad exercitationem patientiæ, uel ad profectum sapientiæ, scienter uruntur boni mali. Sequitur, Vixit autem Noe post diluuium CCC L annis, & impleti sunt omnes dies eius DCCC L annorum & mortuus est.

CAP. X
De genealogia
Iaphet. III

H AE sunt generationes filiorum Noe: Sem, Cham, & Iaphet. Natiq. sunt eis filii post diluuium. Filii Iaphet, Gomer, & Magog, & Madai, Iauan, Tubal, & Mosoch, & Thyras. Hi septem filii Iaphet possederunt terram in Asia, ab Amano & Tauro Coelefyriæ & Ciliciæ montibus, usque ad fluuium Tanain. Porro filii Gomer, Aschenez, & Riphath, & Togorma. Filii autem Iauan, Elisa, & Tharsis, Cethim & Dodanim. Ab his diuise sunt insulæ gentium in regionibus suis, unusquisque secundum linguam & familias in nationibus suis: nomina locis & gentibus relinquentes, e quibus postea immutata sunt plurima: cetera permanent ut fuerunt. Sunt autem Gomer, Galathæ: Magog, Scythæ: Madai, Medi, Iauan, Iones, qui & Græci, unde & mare Ionicum appellatur: Tubal, Hiberi, qui & Hispani, a quibus postea Celtiberi nuncupati sunt: Mosoch, Cappadoces, unde & urbs eorum usque hodie apud eos Mazecha dicitur: Thyras, Thraces, quorum non satis immutatum uocabulum est: Hæ itaque septem gentes, quas de Iaphet stirpe uenientes memoraui, ad aquilonis partem habitant. Filii Gomer: Aschenez & Riphath & Togorma. Aschenez, Græci Rheginos nuncant: Riphath, Paphlagonas: Togorma, Phrygas. Filii Iauan: Elisa & Tharsis, Cethim & Dodanim. Cethim sunt Citti, a quibus hodieq. urbs Cyprî, Cittium nominatur: Dodanim, Rhodii. Omnes pene insulæ, & totius orbis littora, terræq. mari uicinæ Græcis accolis occupatæ sunt, qui, ut supra diximus, ab Amano & Tauro montibus omnia maritima loca usque ad Oceanum possederunt Britannicum. Sequitur: Filii Cham, Chus & Mesraim, Phuth & Chanaan. Chus hodieq. ab Hebræis Aethiopia nuncupatur: Mesraim Aegyptus: Phuth Libyces, a quo & Mauritanie fluuius usque in præsens Phuth dicitur, omnisq. circa regio Phuthensis nuncupatur. Modo tamen in una tantum climatis eius parte antiquum Libyæ nomen residet, & reliqua terra uocatur Africa. Porro Chanaan obtinuit terram, quam Iudæi deinceps possederunt, eiectis Chananæis. Filii Chus, Saba & Euila, Sabatha & Rema, Saba, thacha. Saba a quo Sabæi: Euila Gethuli, in parte remotioris Africæ, heremo coherentes. Sabatha Sabatheni, qui nunc Astaui nuncupantur. Rema uero & Sabathacha paulatim antiqua uocabula perdiderunt, & quæ nunc pro ueteribus habent, ignoratur. Filii Saba, a quo diximus appellatos Sabæos: interpretatur autem nunc Saba, Arabia. In LXXI psalmo ubi nos habemus, Reges Arabum & Saba munerera offerent: in Hebræo scriptum est, Reges Saba. Dadai, gens est Aethiopiz in occidentali plaga. Sequitur, Porro Chus genuit Nembroth, ipse cepit esse potens in terra, & erat robustus uenator coram domino. Ab hoc exiuit proderbium, Quasi Nembroth robustus uenator coram domino. Sic ergo intellegendus est gigas iste uenator contra dominum. Quid autem hic significatur hoc nomine, quod est uenator, nisi animarum terrigenarum deceptor, oppressor, extirctor? Et idcirco dictus est robustus uenator contra dominum: pro eo quod homines abstrahabat a cultu diuino. Sequitur, Fuit autem principium regni eius Babylon & Aracha, & Achad & Chalanne in terra Sennaar. Nembroth filius Chus arripuit insuetam prior in populis tyrannidem, regnauitq. in Babylone,

quæ ab

De genealogia
Cham. IIII

quæ ab eo quod ibi confusæ sunt linguæ turrim ædificantium, Babel appellata est. Babel enim interpretatur cōfusio. Aracha, hæc est Ediffa ciuitas. Achat, quæ nunc dicitur Nisiben : Chalanne, postea uerso nomine a Seleuco rege dicta est Seleucia. Sequitur, De terra illa egressus est Assur, & ædificauit Ninuien, & plateas ciuitatis, & Cale : Resen quoque inter Ninuien & Cale : hæc est ciuitas magna.) Quod uero dictum est, De terra Sennaar, quæ pertinebat ad regnum Nembroth, exiisse Assur, & ædificasse Ninuien, & alias quas construxit ciuitates : longe postea factum est, quod ex hac occasione præstinxit propter nobilitatem regni Assyriorum, quod mirabiliter dilatauit Ninus, Beli filius, conditor ciuitatis magnæ, Ninuiæ, cuius ciuitatis nomen ex illius nomine deriuatum est, ut a Nino Ninuie uocaretur. Assur autem, unde Assyrii, non fuit in filiis Cham, sed in filiis Sem reperitur, qui fuit Noe maximus filius. Vnde apparet de progenie Sem exortos fuisse, qui postea regnum gigantis illius obtinerent, & inde procederent, atque alias conderent ciuitates. Sequitur. At uero Mesraim genuit Ludim & Ananiam & Balaabim, Neptuim & Petrusim & Chasluim.) De quibus egressi sunt Philistiim & Capturim : exceptis Labaim : a quibus Libyes postea uocati sunt, qui prius Phathæi uocabantur : & Chasluim, qui deinceps Philistiim appellati sunt, quos nos corrupte Palæstinos dicimus : ceteræ sex gentes ignotæ nobis sunt, quia bello Aethiopico subuersæ, atque ad obliuionem præteritorum nominum peruenerunt. Possederunt autem terram a Gaza usque ad extremos fines Aegypti. Sequitur, Chanaan autem genuit primogenitum suum Sydonem & Cethæum & Iebuseum & Amoræum & Gergezæum & Euzum & Arachæum, Sinæum & Aradium, Samariten & Amathæum.) De Chanaan primus natus est Sydon, a quo urbs in Phœnice Sydon uocatur. Arachæus, qui Archas condidit, opidum in radicibus Lybani situm, Aradii sunt, qui Aradum insulam possederunt angusto freto a Phœnice separatam. Samarii, a quibus Emiffa nobilis Cœlesyriæ ciuitas : hanc Macedones, qui post Alexandrum morientem regnauerunt, Epiphaniam nuncupauerunt. Et fuit terminus Chananeorum a Sydne, donec uenias in Gerara, & usque ad Gazam pergentibus Sodomam & Gomorram & Adamam & Seboim usque Lezen, quia ceteræ ciuitates, Sydon uidelicet & Gerara & Sodomam & Gomorra & Adam & Seboim notæ sunt nominibus suis. Fiunt itaque omnes filii Cham, hoc est, medii filii Noe, quattuor, & nepotes quinque ex uno eius filio, pronepotes duo ex nepote uno, & sit eorum summa XI. Quibus enueneratis, hinc reditur ad alium filium Cham, qui uocabatur Mesraim : & commemorantur quos genuit, non tamquam singuli homines, sed nationes VII, & de sexta uelut de sexto filio, gens commemoratur exisse, quæ appellatur Philistiim, unde sunt VIII. Inde iterum ad Chanaan reditur, in quo filio maledictus est Cham, & quos genuit, XI nominantur. Deinde usque ad quos fines peruenerint, commemoratis quibusdam cinitatibus dicitur, ac per hoc in filiis nepotibusq. computatis de progenie Cam XXXI geniti referuntur. Sequitur, De Sem quoque nati sunt patre omnium filiorum Heber, fratre Iaphet maiore.) Restat commemorare filios Sem, maximi filii Noe, ad eum quippe gradatim generationum istarum peruenit a minimo exorta narratio. Sed unde incipiunt commemorari filii Sem, habet quiddam obscuritatis, quod expositione illustrandum est, quia & multum ad rem pertinet, quam requirimus. sic enim legitur, Et Sem natus est, & ipsi patri omnium filiorum Heber fratri Iaphet maiori. Ordo uerborum est : Et Sem natus est Heber, qui Sem pater est omnium filiorum. Sem ergo patriarcham intelligi uoluit omnium, qui de stirpe eius exorti sunt, quos commemoraturus est, siue sint filii, siue sint nepotes & pronepotes. Sequitur, Filii Sem, Elam & Assur & Ar-

De posteris
Sem. V

phaxat

phaxat & Lud & Haram.) Hi ab Euphrate fluuio, partem Afiz usque ad Indicum oceanum tenent. Est autem Elam a quo Elamitzæ principes Persidis, quod de Asur antea iam dictum est. Sequitur, Filii Haram, Hus & VI & Iezzer & Mes. At uero Arphaxat genuit Sala, de quo ortus est Heber.) Arphaxat a quo Chaldæi, Lud a quo Lydii, Haram a quo Syri, quorum metropolis est ciuitas Damascus. Filii Haram, Hus & VI & Iezzer & Mes. Hus Trachonitis & Damasci conditor inter Palestinam & Coelefyriam tenuit principatum, a quo Septuaginta interpretes in libro Iob, ubi in Hebræo scribitur terra Hus, regionem Ausitidem transtulerunt. VI a quo Armeni, Iezzer a quo Carmani seu Carii. Sequitur, At uero Arphaxat genuit Sala, de quo ortus est Heber.) Non sane istum Heber genuit Sem, sed ab illo quartus in progenitorum serie reperitur. Sem quippe inter alios filios genuit Arphaxat, Arphaxat autem genuit Sala, de quo ortus est Heber. Non itaque frustra ipse primus est natus in progenie ueniente de Sem, & prælatu est etiam filiis, cum sit quartus nepos: nisi quia uerum est quod traditur, ex illo Hebræos cognominatos esse, tamquam Hebereos: cum & alia possit esse opinio, ut ex Abraham, tamquam Abrahe dicti esse uideantur. Sed nimirum hoc uerum est, quod ex Heber Heberei appellati sunt, ac deinde una detruncata littera, Hebræi: quam linguam solus Israel populus potuit obtinere, in quo Dei ciuitas & in sanctis peregrinata est & in omnibus sacramento adumbrata. Igitur filii Sem prius nominantur: deinde ex uno eorum nati sunt quattuor nepotes eius. Itemq. alter filiorum Sem genuit eius nepotem, atque inde abnepos, qui est Heber. Genuit autem Heber duos filios, quorum unum appellauit Phaleg, quod interpretatur diuidens. Deinde scriptura subiungens, rationemq. huius nominis reddens, Quia in diebus, inquit, eius, diuisa est terra, Hoc autem quid sit, post apparebit. Alius uero qui natus est ex Heber, genuit duodecim filios: ac per hoc sunt omnes geniti de Sem uiginti septem. In summa igitur omnes progeniti de tribus filiis Noe, idest, X V de Iaphet, XX XI de Cham, XX VII de Sem, sunt LXX III. Deinde scriptura sequitur, dicens, Hi filii Sem in tribus suis, secundum linguas suas, in regionibus suis & in gentibus suis.) Itemq. de omnibus: Hæ, inquit, tribus filiorum Noe secundum generationes eorum & secundum gentes eorum. Ab his dispersæ sunt insule gentium super terram post diluuium. Vnde colligitur LXX III, uel potius, quod postea demonstrabitur, LXXII gentes tunc fuisse, non homines. Nam & prius cum fuissent commemorati filii Phaleg, ita conclusum est. Ex his segregatæ sunt insule gentium in terras eorum, unusquisque secundum linguam suam in tribus suis, & in gentibus suis. Iam uero in filiis Cham quodam loco apertius commemoratæ sunt, sicut superius ostendi: Meruim genuit eos qui dicuntur Ludiim, & eodem modo ceteræ usque ad VII gentes: & numeratis omnibus postea concludens, Hi filii Cham, inquit, in tribus suis, secundum linguas suas in regionibus suis. Propterea ergo multorum filii non sunt commemorati, quia gentibus aliis nascendo accesserunt alii, ipsi autem facere gentes nequieuerunt. Nam quæ alia causa cum filii Iaphet octo enumerentur, ex duobus eorum tantum filii nati commemorantur: & cum filii Cham quattuor nominentur, ex tribus tantum qui nati sunt adiciuntur: & cum filii Sem nominentur VI, duorum tantum posteritas attexitur? Nunquid ceteri sine filiis remanserunt? Absit hoc credere. Sed gentes propter quas commemorari digni essent, non utique fecerunt: quia sicut nascebantur, aliis gentibus addebantur. Cum ergo in suis linguis istæ gentes fuisse referatur, redit tamen narrator ad illud tempus, quando una lingua omnium fuit, & inde iam exponit quid acciderit, ut linguarum diuersitas nasceretur. Sequitur,

Erat

ERAT autem terra labii unius, & sermonum eorundem. Cumq. proficere-
rentur de oriente, inuenerunt campum in terra Sennaar, & habitauerunt in eo. Di-
xitq. alter ad proximū suum, Venite, faciamus lateres, & coquamus eos igni. Ha-
bueruntq. lateres pro saxis, & bitumen pro cemento. Et dixerunt, Venite, facia-
mus nobis ciuitatem & turrim, cuius culmen pertingat ad cælum: & celebremus
nomen nostrum, antequam diuidamur in uniuersas terras.) Ista ciuitas quæ appel-
lata est confusio, ipsa est Babylon, cuius mirabilem constructionem etiam gen-
tium commendant historiæ. Babylon quippe interpretatur confusio. Vnde colligi-
tur gigantem illum Nembroth fuisse illius conditorem, quod superius fuerat
intimatum. Vbi cum de illo scriptura loqueretur, ait, Initium regni eius fuit Ba-
bylon: idest, quæ ciuitatum ceterarum gereret principatum, ubi esset tamquam
in metropoli habitaculum regni, quamuis perfecta non fuerit usque in tantum
modum, quantum superba cogitabat impietas. nam nimia disponebatur altitu-
do, quæ ducta est usque ad cælum, siue unius turris eius, quam moliebantur inter
alias esse præcipuam. solent enim superbiam stulticia sequi, & humilitatem sapien-
tia. Sequitur, Descendit autem dominus ut uideret ciuitatem & turrim, quam
ædificabant filii Adam: & dixit, Ecce unus est populus, & unum labium omni-
bus: coeperuntq. hoc facere, nec desistunt a cogitationibus suis, donec eas opere
impleant.) Descendit dominus uidere ciuitatem & turrim, quam ædificabant filii
Adam: hoc est, non filii Dei, sed filii hominum: idest, illa societas secundum homi-
nem uiuens, quam terrenam dicimus ciuitatem. Non loco mouetur Deus, qui
ubique est totus semper: sed descendere dicitur, cum aliquid facit in terra: quod
præter usitatum naturæ cursum mirabiliter factum, præsentiam quodam modo
eius ostendit. Nec uidendo discit ad tempus, qui numquam potest aliquid igno-
rare, sed ad tempus uidere & cognoscere dicitur, quod uideri & cognosci faciat.
Non sic ergo uidebatur illa ciuitas, quo modo eam Deus uidere fecit: quando si-
bi quantum displiceret, ostendit: quamuis possit intelligi Deus ad illam ciuitatem
descendisse: quia descendere angeli eius, in quibus habitat: quia per angelos
descendebat, qui in angelis descendentibus erat. Et bene, nō ait, Venite, & descen-
dentes confundite: sed, Confundamus ibi linguam eorum. ostendens ita se opera-
ri per ministros suos, ut sint etiam ipsi cooperatores Dei. Nec sic loquitur angelis
Deus, quo modo nos inuicem nobis uel Deo, uel angelis, uel ipsi angeli nobis, siue
per illos dominus nobis: sed ineffabili suo modo, nobis autē indicatur hoc nostrū
modo. Dei quippe sublimior ante suum factum locutio, ipsius sui facti est immuta-
bilis ratio, quæ non habet sonum strepentem atque transeuntem, sed uim sempiter-
ne manentem, & temporaliter operantem. Hæc loquitur angelis sanctis: nobis au-
tem longe positis, per angelos, secundum modum nostræ capacitatis. Quando au-
tem etiam nos aliquid talis locutionis interioribus auribus capimus, angelis pro-
pinquamus. Illud sane quod dictum est, Nec desistunt a cogitationibus suis, donec
eas opere impleant: non est dictum confirmando, sed tamquam interrogando, sicut
solet a comminantibus dici. Sic ergo accipiendum est, tamquam dixerit, Non-
ne omnia deficient ex illis, quæ conati sunt facere? Sed si ita dicatur, non expri-
met comminantem, quoniam uocem pronunciantis non possumus scribere. Sequi-
tur, Venite igitur descendamus & confundamus ibi linguas eorum, ut non au-
diat unusquisque uocem proximi sui. Atque ita diuisit eos dominus ex illo loco in
uniuersas terras, & cessauerunt ædificare ciuitatem. & i cetero uocatum est nomen
eius Babel, quia ibi confusum est labium uniuersæ terræ: & inde disperfit eos do-
minus super faciem cunctarum regionum.) Merito autem malus punitur affectus,
etiam cui non succedit effectus. Genus uero ipsius pœnæ quale fuit? Quoniam do-
minatio

De eo quod
scriptum est
Descendit do-
minus etc.
V 11

minatio imperantis in lingua est; ibi damnata est superbia: ut non intelligeretur iubens homini, qui noluit intelligere, ut obediret Deo iubenti. Sic illa conspiratio dissoluta est, cum quisque ab eo, quem non intelligeret, abscederet: nec se, nisi ei, cum quo loqui poterat, aggregaret. Et per linguas diuise sunt gentes, dispersaeque per terras, sicut Deo placuit, qui hoc modis occultis, nobisque incomprehensibilibus fecit. Ex illis igitur tribus hominibus Noe filiis, septuaginta duae linguae per terras esse ceperunt, quae crescendo ad insulas peruenerunt. Ausus est numerus autem gentium multo amplius, quam linguarum. Primus autem post diluuium inter homines Nembroth, filius Chus, noua imperii cupiditate tyrannidem arripuit: regnauitque in Babylonia, quae ab eo quod ibi confusae sunt linguae, Babel appellata est, quod interpretatur confusio: cuius aedificandae turris idem Nembroth exitit auctor. Qui pro eo quod ultra naturam suam caeli alta penetrare contendit, non incongrue diabolo comparatur: qui cogitatione cordis sui intumescens, super sidera exaltare se uoluit, idest, super omnem potestatem angelorum Deo se coaequare disponens, dum dicit, Ascendam super altitudinem nubium, & ero similis altissimo. Quod autem dicitur, Venator: quid significatur hoc nomine, nisi animarum terrigenarum deceptor, & capiens homines ad mortem? Turris eius, superbia huius mundi est, uel impia dogmata haereticorum: qui postquam moti sunt ab oriente, idest, a uero lumine recesserunt, & uenerunt in montem Sennaar, qui interpretatur excussio dentium, statim aduersus Deum impietatis suae aedificauerunt turrim, ac dogmatum superbiam nefario ausu continxerunt, uolentes curiositate non licita ipsius caeli alta penetrare: sed sicut illi per superbiam ab una lingua in multas diuisi sunt, ita & haeretici ab unitate fidei & confessionis segregati, inter se diuersitate erroris quasi per dissonantiam linguae inuicem feceruntur: & quos armat aduersus Deum elatae conspirationis perniciofus consensus, rursus intendente dogmatum discordia, diuidit oborta repente confusio. Quos quidem ipsa trinitas damnat in quam offendunt, ipsa eos dispergit, dum dicit, Venite, descendamus, & confundamus linguas eorum: in uarietate utique erroris, siue schismatū. Eo autem tempore quando linguarum facta est uarietas, in sola domo Heber, quae antea fuit lingua remansit. Ita & nunc in sola ecclesia, quae est domus Christi, unitam esse confessionis & fidei pacem, diuisis omnibus reprobis, restat. Benedictis igitur duobus filiis Noe, atque uno in medio eorum maledicto, deinceps usque ad Abraham de iustorum aliquorum, qui pie Deum colerent, commemoratio silentium est. Nec eos defuisse crediderim, sed si omnes commemorarentur nimis longum fieret: & haec esset historica magis diligentia, quam prophetica prouidentia. Illa itaque exequitur litterarum sacrarum scriptor istarum, uel potius per eum Dei spiritus, quibus non solum narrentur praeterita, uerum etiam praeuocantur, quae tamen pertinent ad ciuitatem Dei: quia & de hominibus qui non sunt ciues eius, quidquid hic dicitur ad hoc dicitur, ut illa ex comparatione contraria uel proficiat uel emineat. Non sane omnia quae gesta narrantur, aliquid etiam significare putanda sunt: sed propter illa, quae aliquid significant, & illa, quae nihil significant, attextuntur. Solo enim uomere terra profcinditur: sed ut hoc fieri possit, etiam cetera aratri membra necessaria sunt: & soli nerui in cithara, atque huiusmodi uasis musicis aptantur ad cantum, sed ut aptari possint, & cetera in copaginis organorum, quae non percutiuntur a cantantibus, his, quae percussa resonant, coniectuntur. Item in prophetica historia dicuntur & aliqua, quae nihil significant, sed quibus adhareant, quae significant, & quodam modo religuntur. Propter hoc ergo scriptura diuina cum terrenam ciuitatem in Babylone, haec est, in confusione, monstrasset, ad patriarcham Sem recapitulando reuertitur, & ordinantur inde generationes usque ad Abraham, commemorato

morato etiam numero annorum, quanto quisque ad hanc seriem pertinentem genuisset filium, quanto quisque uixisset. Vbi certe agnoscendum est, quod ante promiseram, ut quare sit dictum de filio Heber, nomen eius Phaleg, quia in diebus eius diuisa est terra, quid enim aliud intelligendum est, terram esse diuisam, nisi diuersitate linguarum? Omisiss ergo ceteris filiis Noe ad hanc rem non pertinentibus, illi connectuntur in ordine generationum, per quos possit ad Abraham perueniri, sicut illi connectebantur ante diluuium per quos perueniretur ad Noe generationibus, quæ propagatæ sunt ex illo Adam filio, qui est appellatus Seth. Sic ergo incipit generationum istarum connexio. Sequitur, Hæ generationes Sem.

*Degeneratio-
nibus Sem.*

VIII

- 10 Sem centum erat annorum quando genuit Arphaxat, biennio post diluuium. Porro Arphaxat cum esset XXXV annorum, genuit Sale, Sale quoque trigésimo ætatis suæ anno genuit Heber.) Sicut supra memorauimus cœpissent enumerari filii Sem, qui singuli gentes singulas procreauerunt, primus est commendatus Heber, cum sit pronepos ipsius Sem, hoc est, quartus inueniatur ab illo exortus. Quia ergo in eius familia remansit hæc lingua, diuisis per alias linguas gentibus ceteris, quæ lingua prius humano generi non immerito creditur fuisse communis, ideo deinceps Hebræa est nuncupata. tunc enim opus erat eam distingui ab aliis linguis nomine proprio, sicut alix quoque uocatæ sunt nominibus propriis. Quando autem erat una, nihil aliud quam humana lingua uel humana locutio uocabatur, qua sola uniuersum genus humanum loquebatur. Sequitur, Vixit autem Heber triginta quattuor annis, & genuit Phaleg.) Dixerit aliquis, Si in diebus Phaleg filii Heber diuersa est terra per linguas, idest, homine, qui tunc erant in terra, ex eius nomine potius debuit appellari lingua illa, quæ fuit omnibus antea communis. Sed intelligendum est ipsum Heber propterea tale nomen imposuisse filio suo, ut uocaretur Phaleg, quod interpretatur diuisio, quia tunc ei natus est, quando per linguas terra diuisa est, idest, ipso tempore: ut hoc sit quod dictum est, In diebus illius diuisa est terra. nam nisi adhuc Heber uiueret, quando linguarum facta est multitudo, non eius nomine nomen acciperet lingua; quæ apud ipsum potuit permanere. Ex idæo credendum est, ipsam fuisse primam linguam quæ antea
- 30 erat omnibus communis, quoniam de poena uenit illa multiplicatio, mutatioque linguarum, & utique præter hanc poenam debuit esse populus Dei. Nec frustra lingua hæc est, quam tenuit Abram, nec in omnes filios suos transmittere potuit, sed in eos tantum qui propagari per Iacob, & insigniri atque eminentius in Dei populum coalescentes, Dei testamenta & stirpem Christi habere potuerunt. Nec Heber ipse eandem linguam in uniuersam progeniem suam refudit, sed in eam tantum, cuius generationes perducuntur ad Abram. Quapropter etiam si non euidenter expressum est, fuisse aliquod primum genus hominum, quando ab impiis Babylonia condebat: non ad hoc ualuit hæc obscuritas, ut querentis fraudaretur, sed potius exereretur intentio. Cum ergo querimus in illis septuaginta duabus gentibus ciuitatem Dei, non possumus affirmare, illo tempore, quo erat eis labium unum, idest, loquela una, tunc iam genus humanum alienarum fuisse a cultu ueri Dei, ita ut in solis istis generationibus pietas uera remaneret, quæ descendunt de semine Sem per Arphaxat, & tendunt ad Abram: sed ab illa superbia ædificandæ turris usque in cælum, qua impia significatur elatio, apparuit ciuitas, hoc est, societas impiorum. uerum itaque an antea laterit, an fuerit, an potius utraque permanerit: pia scilicet in duobus filiis Noe, qui benedicti sunt, eorumque posteris: impia uero in eo, qui maledictus est, atque eius progenie, ubi etiam exortus est gigas uenator contra dominum: non est diiudicatio facilis. fortassis enim quod profecto est credibilis, & in filiis duorum illorum iam tunc, ante quam

E Babylonia

Babylonia cœpisset institui, fuerunt contemptores Dei: & in filijs Cham cultores Dei. Vtrumque tamen hominum genus, terris numquā defuisse credendum est. Quamobrem sicut lingua una cum esset omnium, non ideo filij pestilentie defuerunt: nam & ante diluuium una erat lingua, & tamen omnes, præter unam Noe iusti domum, deleri diluuiο meruerunt: ita quando merito elationis impietatis gentes linguarum diuersitate puniæ atque diuise sunt, & ciuitas impiorum confusiois nomen accepit, hoc est, appellata est Babylon, non defuit domus Heber, ubi ea, quæ antea fuit omnium, lingua remansit. cum enim legitur unam fuisse linguam primitus omnium, & ante omnes filios Sem commendatur Heber, quamuis ex illo quartus oritur: & Hebræa uocatur lingua, quam patriarcharum & prophetarum non solum in sermonibus, uerum etiam in litteris sacris custodiuit auctoritas: profecto cum queritur in diuisione linguarum, ubi lingua illa remanere potuerit, quæ fuit ante communis, quæ sine ulla dubitatione ubi remansit, non ibi fuit illa poena, quæ facta est mutatione linguarum, quid aliud occurrit, nisi quod in huius gente remanserit, a cuius nomine nomen accepit, & hoc iustitiæ gentis huius non paruum apparuisse uestigium, quod cum aliæ gentes plecterentur mutatione linguarum, ad istam non peruenit tale supplicium. Sequitur, Hæ sunt generationes Thare. Thare genuit Abram, & Nachor, & Aran. Ab adolescentia incipit homo posse generare, propterea Matthæus ab ipso Abraham sumpsit exordium, & usque ad Dauid perducere procurauit. neque enim frustra euangelista sic generationes commemorauit, ut hoc primum interuallum XIII generationibus commendaret, ab Abraham scilicet usque ad Dauid. Ab adolescentia quippe incipit homo posse generare. Propterea generationum ordo ex Abraham sumpsit exordium, qui etiam pater gentium constitutus est, quando mutatum nomen accepit. Nunc iam uideamus procursum ciuitatis Dei, etiam ab illo articulo temporis, qui factus est in patre Abraham: unde incipit esse notitia eius euidentior, & ubi clariora leguntur promissa diuina, quæ nunc uidemus in Christo impleri. Sicut ergo scriptura diuina indicante didicimus, in regione Chaldæorum natus est Abram, quæ terra ad regnum Assyriorum pertinebat. Apud Chaldæos autem iam tunc superstitiones impiæ præualebant, quemadmodum per ceteras gentes. Vna igitur Thare domus erat, de quo natus est Abram, in qua unius ueri Dei cultus, & quantum credibile est, in qua iam sola etiam Hebræa lingua remanserat: quamuis & ipsi, sicut iam manifestus Dei populus in Aegypto, in Mesopotamia seruasse diis alienis, Iesu Naue narrante referuntur, ex progenie illius Heber in linguas paulatim alias & in alias nationes defluentibus. Proinde sicut per aquarum diluuium una domus Noe remanserat ad reparandum genus humanum, sic in diluuiο multarum superstitionum per uniuersum mundum una remanserat domus Thare, in qua custodita est plantatio ciuitatis Dei. Denique sicut illic enumeratis supra generationibus usque ad Noe, simul cum annorum numeris, & exposita diluuii causa, priusquam Deus inciperet de arca fabricanda loqui ad Noe dicitur, Hæ generationes Noe: ita & hic enumeratis generationibus ab illo, qui est appellatus Sem, filio Noe, usque ad Abram. Deinde in singulis articulis similiter ponitur, ut dicatur, Hæ sunt generationes Thare. Thare genuit Abram, & Nachor, & Aran. Sequitur, Porro Aran genuit Loth. Mortuusque est Aran ante Thare patrem suum in terra natiuitatis suæ in Hur Chaldæorum. Pro eo quod legimus in terra natiuitatis suæ, in Hebræo habetur in Hur Celdim, id est, in igne Chaldæorum. Tradunt autem Hebræi ex hac occasione istiusmodi fabulam, quod Abram in ignem missus sit, quia ignem adorare noluerit: & quod Babyloniò uallatus incendio, & Dei auxilio liberatus de idololatriæ igne protul-

De posteris
Thare. IX

De morte
Aram. X

gerit: quod in consequentibus scribitur egressum esse Thare cum sobole sua de regione Chaldæorum, pro eo quod in Hebræo habetur de Hur, hoc est, de incendio Chaldæorum: & hoc esse quod nunc dicitur, Mortuus est Aran ante conspectum Thare patris sui, in terra natiuitatis suæ, in igne Chaldæorum: quod uidelicet nolens ignem adorare, igne consumptus sit. Sequitur, Duxerunt autem Abram & Nachor uxores, nomen uxoris Abram, Sarai, & nomen uxoris Nachor, Melcha, filia Aran, patris Melchæ & patris Ieschæ.) Aran filius Thare, frater Abram & Nachor, duas filias genuit, Melcham, & Sarai cognomento Iescham, e quibus Melcham accepit uxorem Nachor, & Sarai Abram. Necdum quippe inter
 10 patruos & fratrum filias nuptiæ fuerant lege prohibiti, quæ in primis hominibus, etiam inter fratres & sorores initiatæ sunt. Sequitur, Erat autem Sarai sterilis, nec habebat liberos. Tulit itaque Thare Abram filium suum, & Loth filium Aran filii sui, & Sarai nurum suam uxorem Abram filii sui, & eduxit eos de Hur Chaldæorum, ut iret in terram Chanaam: ueneruntque usque Aram, & habitauerunt ibi.) Narratur enim quemadmodum Thare cum suis reliquerit regionem Chaldæorum, & uenerit in Mesopotamiam, & habitauerit ibi. Tacetur autem de uno eius filio, qui uocabatur Nachor, tamquam cum non duxerit secum: sed inuenimus postea. cum seruum suum mitteret Abram ad accipiendam uxorem filio suo Isaac, ita scriptum est, Et accepit puer decem camelos de camelis domini sui
 20 secum, & exurgens profectus est in Mesopotamiam in ciuitatem Nachor. Isto & aliis sacre huius historie testimoniis ostenditur etiam Nachor exisse de regione Chaldæorum, sedesque constituisse in Mesopotamia, ubi cum patre suo habitauerat Abram. Cur ergo scriptura cum non commemorauit, quando ex gente Chaldææ cum suis profectus est Thare, & habitauit in Mesopotamia, ubi non solum Abram filius eius, uerum etiam Sarai nurus, & Loth nepos eius commemorantur, quod eos duxerit secum? Cur putamus, nisi forte quod a paterna & fraterna pietate descuerat, & inperfectioni adhaererat Chaldæorum, & postea inde siue penitendo, siue persecutionem passus, quod suspectus haberetur, & ipse migravit. Sequitur, Facti sunt autem omnes dies Thare ducentorum quinque annorum, & mortuus est in Aran.) Quod alia translatio in Carra nominare solet. Non sic autem accipiendum est, quasi omnes hos dies ibi egerit: sed quia omnes
 30 dies uitæ suæ, qui fuerunt anni ducenti quinque, ibi compleuerit: alioquin nesciretur quot annos uixerit Thara in Carra, quoniam non legitur quoto anno uitæ suæ in Carram uenerit: & absurdum est existimare in ista serie generationum, ubi diligenter commemoratur, quot annos quisque uixerit, huius solius numerum annorum nitæ non commendatum esse memoriæ. Quod enim quorundam, quos eadem scriptura commemorat, tacentur anni, non sunt in hoc ordine in quo temporum dinumeratio discessione gignentium, & genitorum successione contextitur. Ille autem ordo, qui dirigitur ab Adam usque ad Noe, & inde usque ad Abraham, sine numero annorum uitæ suæ neminem continet. Quod uero commemorata morte
 40 Thare patris Abraham, deinde legitur, Et dixit dominus ad Abraham, Exi de terra tua, & de cognatione tua, & de domo patris tui, & cetera, sed & beatus Stephanus in Actibus apostolorum cum ista narraret, inter cetera, sic ait, Deus gloriæ apparuit Abræ patri nostro, cum esset in Mesopotamia, prius quam habitaret in Carra: & ait ad illum, Egrede de terra tua, & de cognatione tua, & de domo patris tui: Secundum hæc uerba beati Stephani, non post mortem patris eius locutus est Deus ad Abram, qui utique in Carra mortuus est, ubi cum illo & ipse filius habitauit: sed prius quam habitaret in eadem ciuitate, iam tamen cum esset in Mesopotamia: iam ergo exigerat a Chaldæis. Quod itaque adiungit beatus

De migratione Thare. XI

De annis Thare. XII

Ab. 7

Stephanus, Tunc Abram egressus est de terra Chaldæorum, & habitauit in Carra: non quod sit factum postea quam locutus est illi Deus: neque enim post illa Dei uerba egressus est de terra Chaldæorum: cum dicat ei locutum dominum esse in Mesopotamia: sed ad totum illud tempus pertinet, quod ait, tunc, idest, ex quo egressus est a Chaldæis, & habitauit in Carra. et item quod sequitur, Et inde postquam mortuus est pater eius, collocauit illum in terra hac, in qua uos nunc habitatis & patres uestri. Non ait, Postquam mortuus est pater eius, exiit de Carra: sed inde cum eum hic collocauit, postea mortuus est pater eius. Intelligendum est igitur, locutum Deum fuisse ad Abram, cum esset in Mesopotamia, prius quam habitaret in Carra: sed eum in Carran peruenisse cum patre, retento apud se præcepto Dei: & inde exisse septuagesimo & quinto suo, patris autem sui centesimo quadragesimo & quinto anno. Collocationem uero eius in terra Chanaan, non profecionem de Carra, post mortem patris eius factam esse dicit: quia iam mortuus erat pater eius, quando emit terram, cuius sibi iam suæ cepit rei esse possessor. Quod autem iam in Mesopotamia constituto, hoc est, iam egresso de terra Chaldæorum dicit Deus, Egredere de terra tua, & de cognatione tua, & de domo patris tui: non ut corpus inde eiiceret, quod iam fecerat, sed animum auelleret, dicitur: non enim inde exierat animo, si spe redeundi & desiderio tenebatur: quæ spes & desiderium, Deo iubente ac iuuante, & illo obediente, fuerat amputandum. Non sane incredibiliter existimatur, cum postea secutus esset Nachor patrem suum, tunc Abram præceptum domini implese, ut cum Sara coniuge sua, & Loth filio fratris sui exiret de Carra. Iam considerandæ sunt promissiones Dei factæ ad Abram. in his enim apertiora Dei nostri, hoc est, Dei ueri oracula apparere cœperunt de populo piorum, quem prophetica prænuuciauit auctoritas. Harum prima ita legitur.

CAP. XII
De migratione
Abraæ.
XIII

ET dixit Deus ad Abram, Egredere de terra tua, & de cognatione tua, & de domo patris tui, & ueni in terram quam tibi monstrauero, & faciam te in gentem magnam, & benedicam tibi & magnificabo nomen tuum, erisq; benedictus. Benedicam benedictibus tibi, & maledicam maledictibus tibi, atque in te benedicentur uniuersæ cognationes terræ. Aduertendum est igitur duas res promissas Abraæ: unam scilicet, quod terram Chanaan possessurum fuerat semen eius, quod significatur, ubi dictum est, Vade in terram quam tibi monstrauero, & faciam te in gentem magnam. Aliam uero longe præstantiorem, nõ de carnali, sed de spiritali semine: per quod pater est, non unius gentis Israëliticæ, sed omnium gentium, quæ fidei eius uestigia consequuntur: quod promitti cœpit his uerbis, Et benedicentur in te omnes tribus terræ. Hanc promissionem factam arbitratur Eusebius septuagesimo quinto anno ætatis Abraæ: tamquam mox, ut facta est, de Carra exierit Abram: quoniam scripturæ contradici non potest, ubi legitur, Abram erat septuaginta quinque annorum cum exiit de Carra. Sed si eo anno facta est ista promissio, iam utique in Carra cum patre suo demorabatur Abram. neque enim exire inde posset, nisi prius ibi habitasset. Numquidnam ergo contradicitur Stephano dicenti, Deus gloriæ apparuit Abraæ, patri nostro cum esset in Mesopotamia, prius quam habitaret in Carra? Sed intelligendum est, quod eodem anno facta sint omnia, & Dei promissio, antequam in Carra habitaret Abraham, & in Carra habitatio eius, & inde profectio: non solum quia Eusebius in Chronicis ab anno huius promissionis computat & ostendit post quadringentos & triginta annos exitum esse de Aegypto, quando lex data est: uerum etiam quia id commemorat apostolus Paulus. Egressus est ergo Abram de Carra septuagesimo quinto anno ætatis suæ: & habebat in regno Ninus Assyriorum rex quadraginta-

gintatres annos, quando natus est Abram, qui erat annus circiter millesimus ducentessimus ante conditam Romam, uelut alteram in occidentem Babyloniam: centesimo & quadragesimo quinto patris sui, cum Loth filio fratris sui, & Sara coniuge perrexit in terram Chanaan, & peruenit usque ad Sichem, ubi rursus diuinū accepit oraculum. Quis autem alius exiit in Abram de terra sua, & de cognatione sua, ut apud ceteros locupletaretur, & esset in gentem magnam, nisi Christus, qui relicta terra, & cognatione Iudæorum præpollet nunc in gentibus? Item moralis expositio hæc habet: Eximus de terra nostra, quando diuitias mundi huius, facultatesq. contemnimus: & de cognatione nostra, idest, uitis prioribus, quæ nobis a natiuitate nostra cohærentia, uelut quadam affinitate & consanguinitate coniuncta sunt: & de domo patris nostri, idest, de omni memoria mundi huius, quæ oculorum occurrit obtutibus. Sequitur, Et egressi sunt, ut irent in terram Chanaan: cumq. uenissent in eam, pertransiuit Abram terram usque ad locum Sichem, & usque ad conuallem illustrem) Sichem ipsa est quæ & Salem, quæ Latine & Græce Sicima uocata est, ciuitas Iacob, & sita est in finibus tribus Effraim. Sed & filius Emor appellatus est Sichem, a quo locus nomen accepit. Fuit autem & alia Sichem, in monte Effraim, ciuitas fugitiuorum. Sequitur, Apparuitq. dominus Abram, & dixit ei, Semini tuo dabo terram hanc. Qui ædificauit ibi altare domino, qui apparuit ei) Nihil hic de illo semine promissum est, in quo pater factus est omnium gentium: sed de illo solo, de quo pater est unius Israeliticæ gentis. Ab hoc semine terra ipsa possessa est. Deinde ædificato ibi altari, & inuocato Deo, Abram profectus est inde, & habitauit in heremo. Sequitur, Facta est autem fames in terra. descenditq. Abram in Aegyptum; ut peregrinaretur ibi. Præualuerat enim fames in terra. Cumq. prope esset ut ingrederetur Aegyptum, dixit Sarai uxori suæ, Noui quod pulchra sis mulier, & quod cū uiderint te Aegyptii, dicturi sint, Uxor ipsius est, et interficient me, & te reseruabunt. Dic, ergo, obsecro te, quod soror mea sis, ut bene sit mihi propter te, & uiuat anima mea ob gratiam tui) Cum inter ignotos propter excellentissimam pulchritudinem Saræ & eius pudicitiam & mariti uita esset in dubio, nec utrumque tueri posset Abram, coniugis pudicitiam tuendam committens Deo, & humanas insidias cauens ut homo, quoniam si periculum, quantum caueri poterat, non caueret, magis tentaret Deum, quam speraret in Deum, fecit quod potuit: quod autem non potuit, illi commisit. neque enim Deus ab illo morrem non poterat repellere, quam timebat: eumq. cum coniuge sua ab omni pernicie in illa peregrinatione tutari, ut nec uxor eius, quamuis esset pulcherrima, appeteretur ab aliquo, nec propter illam moreretur. Si interrogatus Abram, illam feminam indicasset uxorem suam esse, duas res tuendas committeret Deo, & suam uitam, & coniugis pudicitiam. neque enim utrum eius uxor esset, interrogatus non esse respondit, sed cum ab eo quæreretur quid ei esset illa mulier, indicauit sororem, non negauit uxorem. erat enim & hoc, quia propinqua erat sanguine. ita uxorem tacuit, non negauit. Sequitur, Cum itaque ingressus esset Abram Aegyptum, uiderunt Aegyptii mulierem, quod esset pulchra nimis, & nunciauerunt principes Pharaoni, & laudauerunt eam apud illum, & sublata est mulier in domum Pharaonis. Abram uero bene uisus propter illam. Flagellauit autem Deus Pharaonem plagis maximis, & domum eius, propter Sarai uxorem Abram. Vocauit Pharaeo Abram, & dixit ei, Quidnam est quod fecisti mihi? quare non indicasti, quod uxor tua esset? quam ob causam dixisti esse sororem tuam, ut tollerem eam mihi in uxorem? Nunc igitur ecce uxor tua, accipe eam & uade.) Denique factum est, quod de domino præsumpsit Abram. nam Pharaeo rex Aegypti, qui eam sibi uxo-

*De descensu
Abram in
Aegyptum.
XIIII*

ta nouem iustis, qui non indigent pœnitentia. Sed ad sinistram iterum illi elegerunt, quando dixerunt, Hic homo non est a Deo, qui sabbatum non custodit. Et ad Pilatum, Hic si non esset malefactor, non eum tibi tradidissemus. Sed dominus iterum in suis prædicatoribus dexteram elegit, quando post suam resurrectionem præcepit, dicens, Euntes in mundum uniuersum, prædicate euangelium omni creature. Et iterum, In iudicium ego in hunc mundum ueni, ut qui non uident, uideant, & qui uident, cæci fiant. Quod uero idem Loth recessit ab oriente, & elegit sibi regionem circa Iordanem, quid aliud significauit, nisi quod Iudaicus carnalis populus relicta pollicitatione cælestium, totam spem suam defixit in amore temporalium rerum? Et postmodum quod habitauit in Sodoma, hoc significauit, quod peior effectus est, quam gentes, quæ ignorant Deum: dum modo quem illi ignorant, hi blasphemant. impletumq. est illud quod psalmista ex eorum persona cecinit, dicens, Et dimisi eos secundum desiderium carnis eorum, ibant in adinventionibus suis. Sequitur, Dixitq. dominus ad Abram postquam diuisus est Loth ab eo, Leua oculos tuos, & uide a loco in quo nunc es ad aquilonem & meridiem, & ad orientem & ad occidentem, omnem terram, quam conspicias, tibi dabo & semini tuo usque in sempiternum, faciamq. semen tuum sicut puluerem terræ. si quis potest hominem numerare puluerem, semen quoque tuum numerare poterit. Surge, & perambula terram in longitudine & in latitudine sua: quia tibi daturus sum eam. Mouens igitur Abram tabernaculum suum, uenit & habitauit iuxta conuallem Mambre, quod est Hebron, edificauitq. ibi altare domino. In hac promissione utrum sit etiam illa, quæ pater factus est omnium gentium, non euidenter apparet. potest enim ad hoc uideri pertinere, & faciam semen tuum, tanquam arenam terræ: quod ea locutione dictum est, quam Græci uocant hyperbolem, quæ utique tropica est, non propria. quo tamen modo, ut ceteris tropis, uti solere scripturam, nullus qui eam didicit, ambigit. Ille autem tropus, idest, modus locutionis fit, quando id quod dicitur, longe est amplius, quam quod eo dicto significatur. quis enim non uideat, quam sit incomparabiliter amplior arenæ numerus, quam potest esse hominum omnium genus ab ipso Adam usque ad terminum sæculi? Quanto ergo magis quam semen Abrahæ, non solum quod pertinet ad Israeliticam gentem, uerum etiam quod est, & futurum est, secundum imitationem fidei toto orbe terrarum in omnibus gentibus? Quod semen in comparatione multitudinis impiorum protecto in paucis est, quamuis & ipsi pauci fiant, secundum innumerabilem multitudinem suam, quæ significata est secundum hyperbolem per arenam terræ. Sane ista multitudo, quæ promittitur Abrahæ, nõ Deo est innumerabilis, sed hominibus: Deo autem nec arena terræ. Proinde quia non tantum gens Israelitica, sed uniuersum semen Abrahæ, ubi esset promissio non secundum carnem, sed secundum spiritum plurium filiorum, congruentius arenæ multitudini comparatur, potest hinc intelligi utrique rei facta promissio: sed ideo diximus, quod non euidenter appareat, quia & illius gentis unius multitudo, quæ secundum carnem nata ex Abram, per eius nepotem Iacob in tantum creuit, ut pæne omnes partes orbis impleretur: & ideo potuit & ipsa secundum hyperbolem arenæ multitudini comparari, quia & hæc sola innumerosa est homini. Terram certe illam solam significatam, quæ appellata est Chanaan, ambigit nemo. Sed quod dictum est, Tibi dabo eam & semini tuo usque in sæculum: potest mouere nonnullos, si usque in sæculum, intelligatur in æternum. Si autem sæculum hoc loco accipiant sic, quemadmodum fideliter tenemus initium futuri sæculi a fine præsentis ordiri, nihil eos mouebit: quia etsi expulsi sunt Israelitæ de Hierosolymis, manent tamen in aliis ciuitatibus terræ Chanaan,

Ios. 18

Math. ult.

Ios. 9

Tsal. 80

Dominus apparet Abraham
XVI

rum, nihilq. spoliolum auferre uoluit, cum rex cui uicerat obulisset. Sed quid hæc uictoria Abræ de quinque regibus indicabat, quos ille fidei pater mysterio superauit? nisi quod fides nostra sic confirmata sit in spiritu principali, ut totidem corporis nostri sensus Dei uerbo subigat. nam sicut ille de proximo in regibus uictor, ita & fides per animam uictrix de exteriori homine triumphat. Quod uero ille non in multitudine, nec uirtute legionum, sed tantum in trecentis decem-octo comitantibus, aduersarios principes debellauit: iam tunc in sacræ crucis figuram, quæ per tau, litteram Græcam, & Iesu nomen, qui iota & theta Græcis characteribus scribitur, qui saluator interpretatur, in numero trecentorum decem octo exprimitur: quod nos Christi passio liberaret a dominatu quinque carnalium sensuum, qui nos antea uariis uitis captiuantes exsuperauerant. Sequitur, At uero Melchisedech rex Salem protulit panem & uinum, erat enim sacerdos Dei excelsi, benedixitq. illi, & ait, Benedictus Abram Deo excelsio, qui creauit celum & terram, & benedictus Deus altissimus, quo protegente hostes in manibus tuis sunt: qui tradidit ei decimas ex omnibus. Tradit Hebræi hunc esse Sem primum filium Noe, & eo tempore, quo ortus est Abram, habuisse ætatis annos CCCXC, qui ita supputantur. Post diluuium anno secundo cum centum esset annorum Sem, genuit Arphaxat. post cuius ortum uixit annos D, hoc est simul D C. Arphaxat anno natus trigésimo quinto genuit Sale, qui & ipse natus tricenarius procreauit Heber, quem XXXIII annorum legimus genuisse Phaleg, qui rursum expletis annis XXX genuit Rehu, qui & ipse post trigésimum & quintum annum edidit Seruch. de quo cum ad XXX peruenisset annos, ortus est Nachor, qui XXXIX annorum genuit Thare, quem legimus quod septuagenarius genuit Abram, & Nachor & Aran. Supputa per singulas ætates annorum numerum, & inuenies ab ortu Sem usque ad generationem Abram. CCCXC annos. mortuus est autem Abram centésimo & septuagésimo quinto ætatis suæ anno. Hac ratione deducta, innenietur Sem abnepoti suo decimi gradus Abræ superuixisse annos XXXV. Simulq. de hoc tradunt quod usque ad sacerdotium Aaron omnes primogeniti ex illius genere, cuius series & ordo describitur, fuerint sacerdotes, & Deo uictimas immolarint: & hæc esse primogenita, quæ Esau fratri suo Iacob uendiderit: nec esse mirum, si Melchisedech uictori Abram processerit obuiam, & in refectioe tam ipsius quam pugnantium eius, panem uinumq. protulerit, & benedixerit ei, cum abnepoti suo hoc iure deberet: & decimas prædæ atque uictoriæ acceperit ab eo, siue quoniam habetur ambiguum, utrum ipse dederit ei decimas substantiæ suæ, & habitam largitatem ostenderit in nepotem. Vtrumque enim intelligi potest, & iuxta Hebraicum, & Septuaginta interpretes, quod & ipse acceperit decimas spoliolum, & Abræ dederit decimas substantiæ suæ: quamquam apostolus in epistola ad Hebræos apertissime definiat, non Abram suscepisse a Melchisedech decimas diuitiarum eius, sed de spoliis hostium partem accepisse pontificem. Salem autem nō, ut Egesippus & nostrorum omnes arbitrantur, est Hierusalem, nomen ex Græco Hebræoq. compositum: quod absurdum esse peregrinæ linguæ mixtura demonstrat, sed est opidum iuxta Scythopolim, quod usque hodie appellatur Salem. ostenditur quoque ibi palatium Melchisedech ex magnitudine ruinarū neteris operis ostendens magnificentiam, de quo in exteriori parte quoque Genesios scriptum est, Venit Iacob in Socho (id est, in tabernacula) & fecit sibi ibi domos atque tentoria, & transiit in Salem ciuitatem regionis Sichem, quæ est in terra Chanaan. Considerandum quoque quando Abræ a cæde hostium reuertenti, quos persecutus est usque Dan, quæ hodie Panæs appellatur, non de uia Hierusalem, sed de opido metro-

Hebr. 7

Gen. 33

Ios. 1

metropoleos Sichem in itinere fuerit, de quo in euangelio legimus, Erat autem Ioannes baptizans in Arnon iuxta Salim, quia aquæ multæ erant ibi. Nec refert utrum Salem, an Salim nominetur, cum uocalibus in medio litteris petaro utatur Hebræi, & pro uoluntate lectorum, ac uoluntate regionum eadem uerba diuersis sonis atque accentibus proferant. Hæc ab eruditissimis gentis illius didicimus, qui tantum non recipiunt spiritum sanctum, uel angelum fuisse Melchisedech, ut etiam certissimum hominis nomen adscribant. Et reuera stultum est, id quod in typo dicitur, eo quod Christi sacerdotium finem non habeat, & ipse rex & sacerdos nobis utriusque donauerit, ut sumus genus regale & sacerdotale, & quasi angularis lapis utrumque coniunxerit parietem, ut de duobus gregibus bonus pastor unum efficeret gregem: sic quosdam refert ad anagogem, ut historię aufferant ueritatem, & dicant non fuisse regem, sed in imagine hominis angelum. demonstratum: dum in tantum nitantur Hebræi Melchisedech regem Salem, filium Noe Sem ostendere, ut ante scriptum referant, Egressus est autem rex Sodomorum in occursum ei: haud dubium quin Abram, postquam reuersus est a cæde Chodorlahomor & regum, qui cum eo erant in ualle Saue, hæc est uallis regis. de quo statim sequitur, Et Melchisedech rex Salem protulit panem & uinum: & reliqua.) Si ergo hæc ciuitas regis est, & uallis regis, siue, ut Septuaginta transtulerunt, campus, quem hodie Aulonem Palæstini uocant: Aulon uero non Græcum, ut quidam putant, sed Hebræum uocabulum est: appellatur autem uallis grandis & campestris, in immensam longitudinem se extendens, quæ circumdatur ex omni parte montibus sibi inuicem succedentibus & coherrentibus, qui incipientes a Libano & ultra eum, usque ad desertum Pharan perueniunt: suntque in ipso Aulone, idest, in ualle campestri urbes nobiles, Scythopolis, Tyberias, stagna quoque Genezareth, sed & Hiericho, mare mortuum, & regiones in circuitu, per quas medius Iordanis fluit, oriens de fontibus Paneadis, & in mari mortuo interiens: manifestum est Melchisedech hominem fuisse, qui in terrena & ualle & urbe regnauit. hic enim Melchisedech, qui interpretatur rex iustitiæ, ciuitatis uidelicet Salem, quæ interpretatur pax, sacerdosque Dei summi, panem & uinum in sacrificium offerens: cui & de præcipuis prædis Abram patriarcha decimas legitur obtulisse, a quo & benedictus est. qui enim benedicit, maior est, quam qui benedicitur. unde & sacerdotes ex semine Abrahæ natī, fratres suos benedicebant, idest, filios Israël, quibus illi decimas dabant, secundum legis mandatum, uere ut maioribus & eminentioribus sibi, Sine patre, ut apostolus ait, sine matre, sine genealogia: nec initium dierum, nec finem uitæ habens. quod utique nulli hominū congruere potest, nisi domino soli. In eo enim quod subito nomen eius inducitur, & ex qua stirpe sit procreatus, nequaquam penitus indicatur: ac de initio uitæ eius, uel fine, nec ante, nec postmodum quidquam refertur: Dei filio domino nostro assimilatur. Ipse est enim solus de patre, sine matre genitus per diuinitatem: ipse de matre sine patre per humanitatem: ipse quoque sacerdos æternus, ad quem dicitur, Tu es sacerdos in æternum, secundum ordinem Melchisedech. ipse iustitia & pax, rex & sacerdos: rex uidelicet ex Deo patre, sacerdos ex uirgine matre. sine matre enim eum fuisse, manifestum est ex patre, cum dicitur ab euangelista, In principio erat uerbum, & uerbum erat apud Deum, & Deus erat uerbum: hoc erat in principio apud Deum: omnia per ipsum facta sunt, & sine ipso factum est. nihil. Sine patre quoque eum extitisse ex matre, euangelista pronunciat, cum Mariz angelus loquitur, Spiritus sanctus superueniet in te, & uirtus altissimi obumbrabit tibi: propterea quod nascetur ex te sanctum, uocabitur filius Dei. Sine aliqua etiam sacerdotali genealogia homo extitit ex hominibus, utpote non ex tribu Leui

De Melchisedech. XVIII

Hebr. 7

Psal. 109

Ios. 1

Luc. 1

ortus, sed ex tribu Iuda: ex qua tribu nihil de sacerdotali præcepto accepit: utique propter mysterium sacramenti, quod Christianis celebrare præceptum est, ut non secundum Aaron pecudum victimas, sed oblationem panis & vini, id est, corporis & sanguinis eius sacramentum in sacrificium offeramus. Ibi quippe primum apparuit sacrificium, quod nunc a Christianis offertur Deo toto orbe terrarum: impleturq. illud quod longe post hoc factum per prophetam dicitur ad Christum, qui fuerat adhuc venturus in carne, Tu es sacerdos in æternum secundum ordinē Melchisedech. non scilicet secundum Aaron, qui ordo fuerat auferendus, illucescentibus rebus, quæ illis umbris enotabantur. Quod uero patriarcha magnus de cimas omnis substantiæ suæ Melchisedech sacerdoti post benedictionem dedit, sciens spiritaliter melius sacerdotium futurum in populo gentium, quam Leuiticum, quod in Israël de ipso erat nasciturum: futurumq. ut sacerdotium ecclesiæ habens præputium, benediceret in Abram circumciso sacerdotium synagogæ. Sequitur,

Tsal. 109

HIS ita transactis, factus est sermo domini ad Abram per uisionem, dicens, Noli timere Abram, ego protector tuus sum, & merces tua magna nimis. Dixitq. Abram, Domine Deus quid dabis mihi? Ego uadam absque liberis, & filius procuratoris domus meæ iste Damascus Eliezer. Addiditq. Abram, Mihi autem non dedisti semen, & ecce uernaculus meus, heres meus erit. Semini Abram iam facta erat promissio, & innumerabilis multitudinis abundantia: nondum tamen erat patefactum, quo modo illius seminis esset futura promissio, utrum ex carne Abræ, si de ipso generaret; an ex uoluntate, si aliquem forte adoptaret. itaque Abram cum sibi uideret non nasci filios, & tamen semini factam promissionem cerneret, primo de adoptione cogitabat. Hoc indicat quod cum Deo loquens, ait de uernaculo suo, Hic heres meus erit: tamquam diceret, Quia de memet ipso mihi semen non dedisti: in isto comple, quod meo semini promisti. si enim semen cuiusque non appellaretur, nisi quod de eius carne nasceretur: nec nos appellaret apostolus semen Abræ; qui certe originem carnis de illo non ducimus;

C. AP. XV
De sermone
domini ad A-
bram. XXI.

sed imitatione fidei, semen eius facti sumus, credentes in Christo, cuius caro illius carne propagata est. Tunc Abrâ audiuit a domino, Nō hic erit heres tuus; sed qui exiet de utero tuo, ipse erit heres tuus. Iam nunc adoptionis cogitatione sublata, cum de se ipso semen speraret Abram: restabat incertum utrum ex Sara, an ex alia. quod illi Deus occultare uoluit, donec prius ex illa uetus figuraretur testamentum. Sequitur, Eduxitq. illum foras, & ait illi, Suspice cælum, & numera stellas, si potes. Et dixit ei, Sic erit semen tuum. Credidit Abram Deo, & reputatum est illi ad iustitiam. Rursumq. semen innumerabile, non sicut arena terræ, sed stellæ cæli: ubi mihi magis uidetur promissa posteritas cælesti felicitate sublimis. nam quantum ad multitudinem pertinet, quid sunt stellæ cæli ad arenam terræ? nisi quis & istam comparisonem intantum esse similem dicat, inquantum etiam stellæ dinumerari non possunt, quia nec omnes uideri posse credendum est. nam quanto quisque acutius intuetur, tanto plures uidet: unde & acerrime cernentibus, aliquas esse merito existimatur, exceptis eis sideribus, quæ in alia parte orbis a nobis remotissima oriri & occidere perhibentur. Sequitur, Credidit Abram Deo, & reputatum est illi ad iustitiam. Hinc sane illa sententia ponitur, cuius apostolus meminit propter Dei gratiam commendandam, ne circumcisio gloriaretur, gentesq. incircumcisos ad fidem Christi noller admitti. hoc enim quando factum est, ut credenti Abræ deputaretur fides ad iustitiam, nondum fuerat circumcisus. Sequitur, Dixitq. ad eum dominus, Ego dominus qui eduxi te de Hur Chaldæorum, ut darem tibi terram istam, & possideres eam.)

Rom. 11
Hebr. 2

Rom. 4

eam.) Vbi cum interrogasset Abram, secundum quod sciret, quod possessurus
 De eo quod effect eam, respondens dominus ait illi, Sume, inquit, mihi uaccam triennem,
 scriptum est, & capram trimam, & arietem annorum trium, turturem quoque & columbam.
 Sume, &c.
 X X
 Luca 1
 Hebr. 11
 Maith. 24
 Quae tollens uniuersa haec, diuisit ea per medium, & utrasque partes contra se altrin
 secus posuit: aues autem non diuisit.) Non enim ait, unde sciam, quasi adhuc nō
 crederet: sed ait, secundum quod sciam, ut ei rei, quam crediderat, aliqua simili-
 tudo adhiberetur, qua eius modus agnosceretur. sicut non est uirginis Mariae dis-
 fidentia, quod ait, Quo modo fiet istud, quoniam uirum non cognosco? quod
 enim futurum esset, certa erat: modum, quo fieret, inquirebat: & hoc cum qua-
 sisset, audiuit. Denique & hic similitudo de animalibus, iuuenca, & capra, & arie- 10
 re, & duabus uolucris, turture, & columba: ut secundum haec futurum sciret,
 quod futurum iam esse non ambigeret. Per uaccam significata est plebs ipsa, pos-
 sita sub iugo legis: per capram, eadem plebs peccatrix futura: per arietē, eadem
 plebs regnatura. Quae animalia propterea tria dicuntur, quia cum sicut insignes
 articuli temporum ab Adam usque ad Noc, & inde usque ad Abram, & inde us-
 que ad Dauid, qui reprobato Saule primus in regno gentis Israeliticæ domini est
 uoluntate fundatus: in hoc ordine tertio, qui tenditur ex Abram usque ad Dauid,
 tamquam tertiam aetate gerens, ille populus adolcuit. In turture quoque illi sunt
 intelligendi, quos apostolus dicit, in solitudinibus errantes, ac montibus & spe- 10
 gurati sunt prophetae, qui sancto repleti spiritu, populis denunciabant futura.
 Siue etiam per turturem & columbam, spirituales in illo populo figurati sunt, indi-
 uidi filii promissionis & heredes regni futuri. quorum aetas temporalis idco tace-
 tur, quia aeterna meditantes, transgressi sunt delicta temporalia: & idco dictum
 est, Aues autem non diuisit: quoniam carnales inter se diuiduntur, spirituales au-
 tem nullo modo, siue a negotiosis conuersationibus hominum se remoueant, si-
 cur turtur, siue inter illas degant, ut columba. Veraque tamen auis est simplex
 & innoxia, significans & in ipso Israelitico populo, cui terra danda erat, futuros
 indiuiduos filios promissionis, & heredes regni, in aeterna felicitate mansuri. Se- 30
 quitur, Descenderuntq. uolucres super cadauera, & abigebat eas Abram.)
 Illius enim merito sepe liberatus est Israeliticus populus, & defensatus ab infe-
 statione gentium diuersarum. Aues autem descendentes supra corpora quae di-
 uisa erant, non boni aliquid, sed spiritus indicant aeris huius pastum quandam
 suum de carnalium diuisione quærentes. Quod autem illas abigebat Abram,
 significat etiam inter illas carnalium diuisiones, ueros usque in finem perseue-
 raturos fideles. Sequitur, Cumq. Sol occumberet, sopor irruit super Abram,
 & horror magnus & tenebrosus inuasit eum. Significat circa huius finem seculi ma-
 gnā perturbationem, ac tribulationem futuram fidelium, de qua dominus di-
 cit in euangelio, Erit enim tunc tribulatio magna, qualis non fuit ab initio. Se- 40
 quitur, Dictumq. est ad eum, Scito prænoscens quod peregrinum futurum sit
 semen tuum in terra non sua, & subiicient eos seruituti, & affligent eos quadring-
 gentis annis: uerū tamen gentem, cui seruituri sunt, ego iudicabo, & post haec egre-
 dientur cum magna substantia.) De populo Israel, qui fuerat in Aegypto seruiturus,
 apertissime prophetauit: non quod in eadem seruitute sub Aegyptiis affligentibus
 quadringentos annos ille populus fuerat peracturus, sed in ipsis quadringentis an-
 nis prænunciatum est hoc futurum: quemadmodum scriptum est de Thare patre
 Abrahæ, Et fuerunt dies Thare in Carra ducenti quinque anni: nō quia ibi omnes
 transacti sunt, sed quia ibi completi sunt. ita & hic interpositum, Et in seruitutem
 redigent eos & affligent eos quadringentis annis, quoniam iste numerus in eadem
 abhi-

afflictione completus est, non quia ibi uniuersus peractus est. Quadringenti sane dicuntur anni propter numeri plenitudinem, quāuis aliquanto amplius sint: siue ex hoc tempore computentur, quo ista promittebantur Abraz: siue ex quo natus est Isaac, propter semen Abraz, de quo ista prædicuntur. Computantur autem, siue superius iam diximus, ab anno septuagesimo quinto Abraz, quando ad eum facta est ipsa promissio, usque ad exitum Israel ex Aegypto quadringenti triginta anni: quorum apostolus ita meminit, Hoc autem dico, inquit, testamentum confirmatum a Deo, quæ post quadringentos triginta annos facta est lex, non infirmat ad euacuandam promissionem. Iam ergo isti quadringenti triginta, CCCC poterant nuncupari, quia non sunt multo amplius: quantomagis cū aliquot iam ex isto numero præterissent, quando illa in usu demonstrata & dicta sunt Abraz: uel quando Isaac natus est centenario patri suo, a prima promissione post uiginti quinque annos, cum iam ex istis quadringentis triginta, quadringenti quinque remanerent, quos dominus CCCC uoluit nominare. Sequitur, Tu autem ibis ad patres tuos in pace, sepultus in senectute bona. Generatione autem quarta reuertentur huc. Nec dum enim completæ sunt iniquitates Amorrhæorum usque ad præsens tempus.) Replica genealogiam Leui. Leui genuit Chaath, Chaath genuit Amram, Amram genuit Aaron, Aaron genuit Eleazar, Eleazar genuit Phinees. Chaath cum patre suo Leui ingressus est Aegyptum. A Chaath usque ad Eleazar computantur generationes quattuor: licet quidam uelint ab Amram incipere, & ad Phinees, ut nos in Eleazar fecimus, peruenire. Si uolueris disparem numerum ostendere, quo modo secundum quintam generationem egressi sunt filii Israel de terra Aegypti, tribus tibi Iudæ ordo numeretur. Iudas genuit Phares, Phares genuit Esrom, Esrom genuit Aram, Aram genuit Aminadab, Aminadab genuit Naason, Naason genuit Salmon. Phares cum patre suo Iuda ingressus est Aegyptum. Naason princeps tribus Iuda in deserto describitur, cuius filius Salmon terram repromissionis introiuit. Computa a Phares usque ad Naason, & inuenies generationes quinque. Sequitur, Cum ergo occubuisset Sol, facta est caligo tenebrosa. & apparuit clybanus fumans, & lampas ignis transiens inter diuisiones il-

30 las.) Significat iam in fine sæculi per ignem iudicandos esse carnales. sicut enim afflictio ciuitatis Dei, qualis antea numquam fuit, quæ sub antichristo futura speratur, significatur tenebroso timore Abraz circa solis occasum, idest, propinquantem iam fine sæculi: sic ad Solis occasum, idest, ad ipsum iam finem significatur isto igne dies iudicii, dirimens carnales, per ignem saluandos, & in igne damnandos. Sequitur, In illo die pepigit dominus cum Abram foedus, dicens, Semini tuo dabo terram hanc, a fluuiio Aegypti usque ad fluuium magnum Euphraten, Cinæos, & Zenezos, & Cethmonæos & Eñæos, & Pherezæos, Raphain quoque, & Amorrhæos, & Chanaanæos, & Gergeæos, & Hiebusæos.) Deinde testamentum factum ad Abram, terram Chanaan proprie manifestat, & nominat in ea XI gentes

40 a flumine Aegypti usque ad flumen magnum Euphraten. Non ergo a flumine magno Aegypti, hoc est, Nilo: sed a paruo, qui diuidit inter Aegyptum & Palæstinam, ubi est ciuitas Rinocorura. Sequitur,

IGITUR Sarai uxor Abram non genuerat liberos, sed habens ancillam Aegyptiam, nomine Agar, dixit marito suo, Ecce conclusit me Deus, ne parem, ingredi ad ancillam meam, si forte saltem ex illa suscipiam filios. Cumque ille acquiesceret deprecanti, tulit Agar Aegyptiam ancillam suam post annos decem quæ habitare coeperat in terra Chanaan, & dedit eam uiro suo uxorem, qui ingressus est ad illam. At illa concepit se uidens, despexit dominam suam.) Quod autem attinet ad rem gestam, nullo modo est inuendū de hac concubina crimen Abraz,

Gal. 3

CAP. XVI
De congressu
Abraz cum
Agar, XXI

F quia

quia iam adoptionis cogitatione sublata, cum de se ipso semen speraret Abram : restabat incertum, utrum ex Sara, an ex alia : quod illi Deus occultare voluit, donec ex ancilla verus testamentum figuraretur. Quid ergo mirum, si uidens sterilem uxorem ac cupientem sibi prolem, quam parere ipsa non potuit, ex famula sua & ex marito prouenire, non lux cupiditati cessit, sed coniugali potestati obtemperauit? Vfus est ea Abram ad generandam prolem, non ad explendam libidinem, nec insultans, sed potius obediens : coniugiq. suæ sterilitatis credidit esse solatium, si secundum ancillæ uterum, quoniam naturam non poterat, voluntate

1. Cor. 7

faceret suum : & eo iure quo dicit apostolus, Similiter & uir non habeat sui corporis potestatem, sed mulier : utetur ad pariendum ex altera, quod non poterat ex se ipsa. Nulla est hic cupido lasciuie, nulla nequitie turpitudine. Ab uxore causa prolis ancilla marito traditur, a marito causa prolis accipitur : ab utroque non culpa luxus, sed naturæ fructus exquiritur. Sequitur, Dixitq. Sarai ad Abram, Inique agis contra me. Ego dedi ancillam meam in sinum tuum, quæ uidens quod conceperit, despectui me habet. iudicet dominus inter me & te. Cui respondit Abram, Ecce ancilla tua in manu tua est, utete ea ut libet. Denique cum ancilla grauida, domina sterili superbiret, & hoc Sara muliebri suspitione uiro potius imputaret : etiam sibi demonstrauit Abram, non se amatorem seruum, sed liberum fuisse genitorem ; & in Agar Saræ coniugis pudicitiam custodisse, nec voluntatem suâ sed ipsius impleuisse, accepisse, nec petisse, accessisse, nec cessisse, seminaisse, nec amasse. Ait enim, Ecce ancilla tua in manibus tuis, utere ea ut libet. Uo uirum rilliter utentem feminis, coniuge temperanter, ancilla obtemperanter, nulla in-

De fuga A-
gar. XLII

temperantet. Sequitur, Affligente igitur eam Sarai, fugam inuit. Cumq. inuenisset illam angelus domini iuxta fontem aquæ in solitudine, qui est in uia in deserto Sur.) Cōsequenter Aegyptia in uia Sur, quæ per heremum ducit ad Aegyptum, ire festinabat. Sur ubi inuenit angelus ancillam Saræ Agar, situm est inter Cades & Barath, extenditur autem desertum usque ad mare rubrum, quod ad Aegypti confinia peruenit. porro Cades solitudo est super urbem Petram. Sed & scriptura desertum Cades contra faciem Aegypti extendi memorat. Sequitur, Dixitq. angelus domini, Revertere ad dominam tuam, & humiliare sub manu ipsius. Multiplicans, inquit, multiplicabo semen tuum, & non numerabitur præ multitudine. Ecce, inquit, concepisti, & paries filium, uocabisq. nomen eius Ismahel : eo quod audierit Deus afflictionem tuam. Hic erit serus homo : manus eius contra omnes, & manus omnium contra eum, & e regione fratrum suorum figet tabernacula.) Ismahel interpretatur exaudirio Dei. Contra faciē fratrum suorum habitabit : significa uit semen eius habitaturum in heremo, idest, Saracenos uagos, incertisq. sedibus, qui uniuersas gentes, quibus desertum ex latere iungitur, incurfant, & impugnatur ab omnibus. Sequitur, Peperitq. Agar Abraz filium, qui uocauit nomen eius Ismahel. Septuaginta & sex annorum erat, quando peperit ei Agar Ismahelem.)

CAP. XVII

POSTQUAM natus est Ismahel ex Agar, in quo putare posset Abram impletum quod promissum fuerat, cum sibi uernaculum suum adoptare uoluisset, Deo dicente, Non hic erit heres tuus, sed qui exiet de te, ille erit heres tuus : hoc ergo promissum ne in ancillæ filio putaret impletum, iam cum esset annorum XCIX apparuit ei Deus & dixit illi, Ego Deus omnipotens. ambula corā me, & esto perfectus : ponamq. fœdus meū inter me & te : & multiplicabo te uehementer nimis. Cecidit Abram pronus in faciem suam : dixitq. ei Deus, Ego sum, & pater meum tecum, erisq. pater multarum gentium : Nec ultra uocabitur nomen tuum Abram, sed appellaberis Abraham, quia patrem multarum gentium constitui te, faciamq. te crescere uehementissime) Dicunt autem Hebræi, quod in nomine suo,

De mutatione
nominis A-
brahe.

XXIII

Deus

Deus, quod apud illos tetragramatum est, he litterā Abrahæ & Saræ addiderit. dicebatur enim primum, Abrā, quod interpretatur pater excelsus: & postea uocatus est Abrahā, quod transfertur pater multorum. nam quod sequitur gentium, non habetur in nomine, sed subauditur. Nec mirandum quare cum apud Græcos & nos, a; littera uideatur addita, nos, he, litteram Abrahæ additam dixerimus. idioma enim linguz illius est, per he quidem scribere, sed per a legere: sicut e contrario, a litteram sæpe per he pronunciant. Sequitur, Et ponam in gentibus reges, qui ex te egredientur: & statuam pactum inter me & te, & inter semen tuum post te in generationibus suis fœdere sempiterno, ut sim Deus tuus, & semini tuo post te:
 10 daboq. tibi & semini tuo post te, terram peregrinationis tuæ, omnem terrā in possessionem æternam, croq. Deus eorum.) Si quem uero mouet quod dictum est, Et dabo tibi & semini tuo post te terram peregrinationis tuæ in possessionem æternam, quo modo accipiat implerum, siue adhuc expectetur implendum, cum possessio quæcumque terrena æterna cuiuslibet genti esse non possit: sciat æternum a nostris interpretari, quod Græce dicitur in illorum lingua *αἰώνιον*; & aut non habet finem, aut usque in huius sæculi tenditur finem. Sequitur, Dixit iterum Deus ad Abrahā, Et tu custodies pactum meum, & semen tuum post te in generationibus suis. Hoc est pactum, quod obseruabis inter me & uos, & semen tuum post te. Circūcidetur ex uobis omne masculinum, & circūcidetis carnem præputii uestri, ut sit in signum fœderis mei inter me & uos. Infans octo dierū circumcidetur in uobis. Omne masculinū in generationibus uestris, tam uernaculus, quā empticus circūcidetur, & quicūque nō fuerit de stirpe uestra: critq. pactum meū in carne uestra in fœdus æternū. Masculus cuius præputii caro nō fuerit circūcisa, delebitur anima illa de populo suo: quia pactum meum irritum fecit.) Notandum quod ubicumque in græco, Testamentum legimus, in Hebraico sermone Fœdus, siue Pactum habetur. Multa quippe appellantur testamenta Dei, exceptis illis duobus magnis, & uetere & nouo, quod licet cuique legendo cognoscere. Testamentum autem primum, quod factum est ad hominem primum, profecto illud est, Quia die edertis, morte moriemini. Cum enim lex euidentior postea data sit, &
 30 dicat apostolus, Vbi autem non est lex, non est præuaticatio: quo pacto, quod in psalmo legitur, uerum est, Præuaticatores reputaui omnes peccatores terræ: nisi quia omnes legis alienius præuaticatores sunt rei, qui aliquo pacto tenentur obstricti. Quamobrem si etiam paruuli, quod uera fides habet, nascuntur, non proprie, sed originaliter peccatores, unde illis gratiam remissionis peccatorum necessariam confitemur: profecto eo modo qui sunt peccatores, etiam præuaticatores legis illius, quæ in paradiso data est, agnoscuntur: ut uerum sit utrumque, quod scriptum est, & , Præuaticatores reputauit omnes peccatores terræ: & , Vbi lex nō est, nec præuaticatio. Ac per hoc, quia circūcisio signum regenerationis fuit: & non immerito paruulum propter originale peccatum, quo primum Dei dissipatum
 40 est testamentum, generatio disperdet, nisi regeneratio liberet: sic intelligenda sunt hæc uerba diuina, tamquam dictum sit, Qui non fuerit regeneratus, interibit anima illa de genere eius, quia testamentum Dei dissipauit: quasi non nisi de ista circūcisione intelligi cogeret. Nunc uero quoniam expressit cuiusmodi pactum paruulus dissipauerit, liberum est intelligere de illo pacto dictum, cuius dissipatio pertinere possit ad paruulum. Si autem hoc quispiam non nisi de ista circūcisione dictum esse cōtendit, quod in ea pactum Dei, quoniam non est circūcisus, dissipauerit paruulus: quærat locutionis aliquem modum, quo non absurde possit intelligi, ideo dissipasse testamentum, quia licet non ab illo, tamen est in illo dissipatum. Verum sic quoque animaduertendum est, nulla in se negligentia iniuste

De circumci-
sione Abra-
hæ. XXIII

Gen. 2
Rom. 4
Tsal. 118

De mutatione
nominis Sarai
XXV

interire in circumcisi animam paruuli, nisi originalis obligatione peccati. Dixit quoque Deus ad Abraham, Sarai uxorem tuam non uocabis Sarai, sed Saram & benedicam ei: & ex illa dabo tibi filium, cui benedicturus sum.) Errant qui putant primum Saram, per unam r, scriptam, & postea alteram r, additam: & quia r, apud Græcos centenarius numerus est, multas super eius nomine ineptias suspicantur: cum utique utrumque uolunt ei uocabulum commutatum, non Græcam, sed Hebræam debere habere rationem, cum ipsum nomen Hebraicum sit. nemo autem altera lingua quempiam uocans, etymologiam uocabuli sumit ex altera. Sarai igitur primum uocata est, per sin, res, ioth. Sublato ergo ioth, id est, i elemento, addita est e, littera, quæ per a, legitur: & uocata est Saraa. Causa autem nominis immutata hæc est, quod antea dicebatur, princeps mea, unius tantummodo domus mater familie: postea uero dicitur absolute, princeps: omnium quippe gentium futura iam princeps. Sequitur, Eritq. in nationes populorum, & reges gentium orientur ex eo.) Quo modo dictum est ad Abraham de filio eius, Et reges gentium ex illo erunt? Vtrum quia peruenit secundum regna terrena: uel secundum ecclesiam accipi debet? an propter Esau etiam ad litteram contigit. Sequitur, Cecidit Abraham in faciem suam, & risit, dicens in corde suo, Putas si centenarius nascetur filius, & Sara nonagenaria pariet?) ambo enim seniores erant, sicut scriptura testatur: sed illa etiam sterilis, & cruore menstruo iam desituta: propter quod iam parere non posset, etiam si sterilis non fuisset. Porro si femina ita sit prouectioris ætatis, ut ei solita muliebris adhuc fluant: de iuene parere potest, de seniore non potest: quamuis adhuc possit ille senior de adolescentula gignere, sicut Abraham post mortem Saræ de Cethura potuit, quia uiuidam eius inuenit ætatem. Hoc ergo est quod mirum commendat apostolus, & ad hoc dicit Abraham iam fuisse corpus mortuum: quoniam non ex omni femina, cui esset adhuc aliquod pariendi tempus extremum, generare ipse in illa ætate adhuc posset. Ad aliquid mortuum corpus intelligere debemus, non ad omnia: nam si ad omnia, non iam senectus uiui, sed cadauer est mortui: quamuis etiam sic solui possit quæstio ista, quod de Cethura postea genuit Abraham, quia donum gignendi, quod a domino accepit, etiam post obitum mansit uxoris. Sed propterea mihi uidetur illa, quam secuti sumus, huius quæstionis solutio præferenda: quia centenarius quidem senex, sed temporis nostri de nulla potest femina gignere, non tunc quando adhuc tamdiu uiuebant, ut centum anni nondum facerent hominem decrepitæ senectutis. Sequitur, Dixitq. Abraham ad dominum, Vtinam Ismahel uiuat coram te. Et ait dominus ad Abraham, Sara uxor tua pariet tibi filium, uocabisq. nomen eius Isaac: & statum illi pactum meum in foedus sempiternum, & semini eius post eum. Super Ismahel quoque exaudiui te. Ecce benedicam ei, & augebo & multiplicabo eum ualde. Duodecim duces generabit, & faciam eum in gentem magnam. Pactum uero meum statuam ad Isaac, quem pariet tibi Sara tempore isto in anno altero.) Sciendū tamen quod quattuor in ueteri testamento absque ullo uelamine nominibus suis ante quam nascerentur uocati sunt, Ismahel, Isaac, Sampson, & Iosias. Hic apertiora promissa sunt de uocatione gentium in Isaac, id est, in filio promissionis, quo significatur gratia non natura: quia de sene & anu sterili promittitur filius. quamuis enim & naturalem procreationis excursus Deus operetur, ubi tamen evidens Dei opus est, uiuata & cessante natura, ibi euidenter intelligitur gratia. Sequitur, Cumq. finitus esset sermo loquentis cum eo, ascendit Deus ad Abraham. Tulit autem Abraham Ismahelem filium suum, & omnes uernaculos domus suæ, uniuersosq. quos emerat, cunctosq. mares

Rom. 4

De promissione
natiuitatis
Isaac. XXVI

mares ex omnibus niris domus suæ, & circumcidit carnem præputii eorum, statim in ipsa die, sicut præceperat ei Deus. Nonaginta nouem erat annorum quando circumcidit carnem præputii sui, & Ismahel filius eius XIII annos impleuerat tempore circumcisionis suæ. Eadem die circumcisus est Abraham & Ismahel filius eius, & omnes uiri domus illius, tam uernaculi, quam empticii & alienigenæ pariter circumcisi sunt.) Si enim Adam pactum Dei custodisset, non Abraham pactum hoc accepisset: sed quia ille in hoc membro culpam inobedientiæ primum agnouit, decuit ut iste in hoc membro signum obedientiæ se cundo accepisset: ut ostenderet obedientes quandoque generare filios ad uitam, dum olim præuicacatores generauerint ad mortem: & quia hoc non per generationem, sed per regenerationem futurum erat, ita & nunc imperata est circumcisio, quando de Sara promissus est filius: & quod omnes non solum filios, uerum etiam seruos uernaculos & empticios circumcidi iubet, ad omnes istam gratiam pertinere testatur. quid enim aliud circumcisio significat, quam naturam ex uetustate renouatam? & quid aliud, quam Christum octaua dies significat: qui hebdomada completa, hoc est, post sabbatum resurrexit? Parentum mutantur nomina: omnia resonant nouitatem, & in testamento ueteri obumbratur nouum. quid est enim quod dicitur, testamentum uetus, nisi occultatio? & quid est aliud, quod dicitur nouum, nisi ueteris reuelatio? Risus Abraham, exultatio est gratulantis, non irrisio diffidentis: uerba quoque eius illa in animo suo, Si mihi centenarius nascetur filius, & si Sara nonagenaria pariet: non sunt dubitantis, sed admirantis. Ideo pro gaudio ridens Abraham, filius dictus Isaac, id est, risus. risus enim iste in bono accipi debet. Sequitur,

APPARUIT autem ei Deus in conualle Mambre, sedenti in ostio tabernaculi sui in ipso seruore diei. cumq. leuasset oculos, apparuerunt ei tres uiri stantes prope eum. Quos cum uidisset, cucurrit in occursum eorum de ostio tabernaculi, & adorauit in terra, & dixit, Domine, si inueni gratiam in oculis tuis; ne transcas seruum tuum, sed afferam pauxillum aquæ, & lauare pedes uestros: requiescite sub arbore, ponam bucellam panis, & confortate cor uestrum, postea transibitis. iccirco enim declinastis ad seruum uestrum. Qui responderunt, Fac ut locutus es.) In tribus uiris, quos dubitandum non est angelos fuisse, quamuis quidam existiment unum in eis fuisse dominum Christum, asserentes eum etiam ante indumentum carnis fuisse uisibilem. Est quidem diuinæ potestatis, & inuisibilis, incorporealis, immutabilisq. naturæ, sine ulla etiam sui mutatione, etiam mortalibus aspectibus apparere, nõ per id quod est, sed per aliquid quod sibi subditum est. Quid autem sibi subditum non est? Verumtamen si propterea confirmant horum trium aliquem fuisse Christum: quia cum tres uidisset, ad Deum singulariter est locutus: cur non & illud aduertunt duos ex eis uenisse, ut Sodomitæ deleterentur, cum adhuc Abraham ad unum loqueretur, dominum eum appellans: & intercedens, ne simul iustum cum impiis Sodomitæ perderet: illos autem duos sic suscepit Loth, ut etiam ipse in colloquio suo cum illis singulariter dominum appellet? Nam cum illis pluraliter dixisset, Ecce domini declinate in domum pueri uestri: & cetera, quæ ibi dicuntur: postea tamen ita legitur, Et tenuerunt angeli manum eius, & manum uxoris eius, & manus duarum filiarum eius: ideo quod dominus parceret illis. Sequitur, Festinauit Abraham in tabernaculum ad Saram, dixitq. ei, Acçelera tria fata similia, commisce, & fac subcinericios panes. Ipse uero ad armentum cucurrit, & tulit inde uitulum tenerimum & optimum, deditq. puero, qui festinauit, & coxit illum: tulitq. butyrum & lac, & uitulum quem coxerat, & posuit coram

CAP. XIII
Apparet Deus
Abraham
in Mambre.
XXVII

cis: ipse uero stabat iuxta eos sub arbore.) Tria fata, tres amphoræ sunt, ut idem mysterium & hic & in euangelio, ubi mulier tria fata fermentare dicitur; cognoscamus. Queritur, si angelos intelligebat, quo modo eos potuit ad hanc humanitatem inuitare: quæ refectioni mortalis carnis necessaria est, non immortalitati angelorum? Quoniam certo & omnimodis inuiolabili munere immortalitatis induti, non, nisi uellent, possibilitate, non necessitate comederunt: non quia indigebant, sed quia uolebant, ut hominibus congruerent, quadam humanitate fecerunt: neque in phantasmate credendum est eos apparuisse, quando eos homines hospitio receperunt. non enim potestas, sed egestas edendi ac bibendi talibus corporibus aufertur. Tabernaculum autem illud Abrahæ, typum habuit terræ Hierusalem: ubi pro tempore, prophetæ & apostoli habitauerunt: ubi & primum dominus adueniens a credentibus exceptus, ab incredulis in ligno suspensus est. In tribus autem uiris, qui uenerunt ad illum, domini Christi prænunciabatur aduentus, cum quo duo angeli comitabantur, quos plerique Moysen & Heliam accipiunt; unum priscæ legis latorem, qui per eandem legem aduentum domini indicauit; alium qui in fine mundi uenturus est, denunciaturus secundum aduentum Christi, atque eius euangelium Iudæis prædicaturus. Vnde & in monte dum dominus fuisset transfiguratus, hi duo Moyses & Helias cum eo ab apostolis uisi sunt. Quod uero Abraham tres uidens, unum adorauit, dominum scilicet & saluatorem ostendens, cuius iam aduentum est præstolatus, iuxta quod in euangelio dominus ait, Abraham pater uester exultauit, ut uideret diem meum: uidit, & gauisus est. tunc enim futurum aspexit mysterium sacramenti, unde & pedes eorum lanit, ut in extremo mundi, lauacri purificationem demonstraret futuram. pedes enim nouissima significant, siquidem & conuiuium præparat, uitulum scilicet saginatum. Iste autem uitalus tener & saginatus, domini Iesu Christi est corpus. Iste est etiam domini uitalus, qui propter salutem credentium ad arborem crucis est immolatus. Hic est uitalus dominici corporis, qui in euangelio pro peccatore occiditur filio. Sed & butyrum & lac cum carne uitali apposuit. Lac quippe legis habuisse figuram apostolus noster annunciat dicens, Lac uobis potum dedi, non escam. nondum enim poteratis, nec adhuc quidem potestis. tradiderat enim illis legis mandatum, quasi lac de uberibus duarum tabularum expressum, hoc est, testamentum fidei. necdum enim poterant, propter infantiam sensus, euangelicæ doctrinæ solidam & robustam escam accipere. Butyrum autem tenerrimum & pinguißimum euangeliorum est testimoniū, quod ueluti oleum fidelibus in signum datur. Sed proinde uitulum cum lacte & butyro Abraham ad edendum apposuit: quia nec corpus domini, quod est uitalus, sine lacte legis, nec lac legis sine butyro, hoc est, sine euangelii testimonio esse potest. Tria autem fata, unde Sara panes subcinerices fecit, tres filios Noe indicauerunt, ex quibus omne genus hominum est, qui diuinæ trinitatis credentes, ex aqua baptismatis per ecclesiam, cuius imago Sara erat, conspergendi essent, & in uno pane Christi corporis redigendi. Hæc sunt illa tria fata, quæ mulier in euangelio dicitur fermentasse. Azymi autem panes iccirco, quod sine fermento malitiæ, & sine languore nequitie, sine ferme to doctrinæ oporteat esse credentium unitatem. Subcinerici autem ideo, ut per panem præteritorum delictorum spiritus sancti uapore decocti, uelut esca bene placita Deo acceptabiles efficerentur. Sub arbore autem eos sedisse, passionis dominicæ erat signum, cuius ipsi sunt prædicatores. Sequitur, Cumq. comedissent, dixerunt ad eum, Vbi est Sara uxor tua? At ille respondit, Ecce in tabernaculo est. Cui dixit, Reuertens ueniam ad te tempore isto, uita comite, & habebit filium Sara uxor tua. Quo audito Sara, risit post ostium tabernaculi. erant enim am-

Marc. 9.

Ioh. 8

1. Cor. 3

bo senes, prouectaq. ætatis, & defierant Saræ fieri muliebria. Quæ risit occulte, dicens, Postquam consenui, & dominus meus uetulus est, uoluptati operam dabo? Dixit autem dominus ad Abraham, Quare risit Sara, dicens: Num uere paritura sum anus? Numquid Deo est quidquam difficile? Iuxta conditum reuer-
 10 tar ad te hoc eodem tempore, uita comite, & habebit Sara filium.) Queritur quare Saram redarguat dominus, cū & Abraham riserit, nisi quia illius risus admirationis & lætitiæ fuit, Saræ autem dubitationis: & ab illo hoc diiudicari potuit, qui corda hominum nouit. Sequitur, Negauit Sara, dicens, non risi, timore perterrita.) Quo modo intelligebat Abraham Deū esse qui loquebatur cum eo, cum etiam negare ausa sit Sara, quod riserit? nisi forte Sara homines eos esse putabat, Abraham uero Deum intelligebat, quibusdā diuinæ maiestatis existentibus & apparentibus signis. Sequitur, Cum ergo exissent inde uiri, direxerunt oculos suos contra Sodomam: & Abraham simul gradiebatur deducens eos, dixitq. do-
 20 minus, Num celare potero Abrahā quæ gesturus sum, cum futurus sit in gentem magnam, & benedicendæ sint in illo omnes nationes terræ? Et hic duo illa breuissime plenissimeq. promissa sunt, gens Israël secundum carnem, & omnes gentes secundum fidem. Scio enim quod præcepturus sit filiis suis & domui suæ post se, ut custodiant uiam domini, & faciant iustitiam & iudicium, ut adducat dominus propter Abrahā omnia quæ locutus est ad eum.) Ecce ubi promittit domi-
 30 nus Abrahæ non solum præmia, sed etiam obedientiam iustitiæ filiorum eius, ut circa eos etiam præmia promissa compleantur. Sequitur, Dixit itaque dominus, Clamor Sodomorum, & Gomorræorum multiplicatus est, & peccatum eorum aggrauatum est nimis: descendam, & uidebo utrum clamorem, qui uenit ad me, opere compleuerint: an non est ita, ut sciam.) Verba hæc non dubitantis, quid horum potius euenturum sit, sed irascentis & minantis accipere debemus. Peccatum cum uoce est culpa in actione: peccatum cum clamore est culpa cum libertate & iactantia. Quod autem dixit, Descendam, & uidebo, & cetera huius modi: omnipotens itaque dominus omnia sciens, cur ante probationem quasi dubitat: nisi ut grauitatis nobis exemplum proponat, ne mala hominum ante presumamus credere, quam probare? Et ecce per angelos ad cognoscenda mala descen-
 40 dit, mox facinorosos percutit: atque ille patiens & mitis, ille de quo scriptum est, Tu autem domine cum tranquillitate iudicas omnia: cum in tanto crimine inuolutos inuenisset, quasi patientiam prætermisit, & diem extremi iudicii præuenit. Ecce malum quasi cum difficultate credidit, cum audiuit: & tamen sine tarditate percussit, cum cognoscendo reperit: ut nobis uidelicet daret exemplum, quod maiora crimina & tarde credenda sunt, cum audiuntur, & citius puniendi, cum ueraciter agnoscuntur. Conuerteruntq. se inde, & abierunt Sodomam, Abraham uero adhuc stabat coram domino: et appropinquans ait: Numquid perdes iustum cum impio? si quinquaginta fuerint inuenti iusti in ciuitate, peribunt simul, & nō
 50 parces loco illi propter quinquaginta iustos si fuerint in eo? absit a te, ut rē hanc facias, & occidas iustum cum impio.) Quæri solet, utrum quod de Sodomis dixit Deus, non se perdere locum, si inuenirentur illic uel decem iusti, speciali quadam sententia de illa ciuitate, an de omnibus intelligendum sit generaliter, parcere Deum loco, in quo uel decem iusti fuerint. In qua quæstione non est quidem necesse, ut hoc de omni loco accipere compellamur. uerum tamen de Sodomis potuit sic dici: quia sciebat Deus ibi non esse uel decem, & ideo sic respondebatur Abraham, ut significaretur, nec tot ibi posse inueniri, ad exaggerationem iniquitatis illorum, non enim necesse erat Deo tam sceleratis hominibus parcere, nec cum illis perdere iustos, cum posset iustis inde liberatis reddere impiis digna supplicia: sed

sed, ut dixi, ad ostendendam malignitatem multitudinis illorum, dixit, Si decem ibi inuenero, parca uniuerse ciuitati: tamquam si diceret, certe possum nec pios cum impiis perdere, nec tamen propterea impiis parcere: quia liberatis & se paratis inde piis, possum impiis digna rependere. Quare Abraham se puluerem dixit esse, & cinerem, dum tantas promissiones accepit a Deo, nisi ut sublimitatem promissionum humilitatis temperaret subiectione. Aperte enim intelligitur in quo loco se posuerat, qui puluerem se ac cinerem, etiam dum cum Deo loqueretur, aestimabat. Si igitur ita se desepxit, qui usque ad honorem diuinæ colloctionis ascendit, sollicita intentione pensandum est, qua poena illi ferendi sunt, qui ad summum non proficiunt, & tamen de minimis extolluntur. Sed quid significat quod a quinquaginta iustis usque ad decem, si inuenerentur in Sodomis, dixit do-
minus urbem esse saluandam? Numerum quippe quinquagenarium propter penitentia signum posuit, si forte conuerterentur, & saluarentur. quinquagenarius enim numerus, semper ad penitentiam refertur. Vnde & David in eorum numero psalmum scripsit penitentia. Proinde quando aspicit Deus, delinquentium uitam nequaquam uelle reuerti ad penitentiam, quam quinquagenarius numerus figurat, confestum ardorem immoderate luxuria compefcit igne gehennæ. Vique ad decem autem iustos non perire Sodomam dixit: quasi in quolibet per decem præceptorum custodiam Christi nomen inueniatur, iste non perit. Denarii enim numeri figura, crucem Christi demonstrat. Sequitur,

CAP. XIX

VENERUNTQ. duo angeli Sodomam uespere, sedente Loth in foribus ciuitatis. Quos cum uidisset, surrexit, & ibat obuiam eis: adorauit pronus in terra, & dixit, Obsecro domini declinare in domum pueri uestri, & manete ibi, lauate pedes uestros, & mane proficiscimini in uiam uestram. Qui dixerunt, Minime: sed in platea manebimus. Compulsi illos opido, ut diuerterent ad eum. Ingressisq. domum illius, fecit conuiuium, coxit azyma, & comederunt. ualde enim credendum est, quod & Abraham in tribus, & Loth in duobus uiris, dominum agnoscebant: cui per linguarem numerum loquebantur, etiam cum eos homines esse arbitrentur. neque enim aliam ob causam sic eos susceperunt, ut tamquam mortalibus, & humana refectione indigentibus ministrarent: sed erat profecto ali-
quid quo ita excellabant, licet tamquam homines, ut in eis aliquid esset diuini fulgoris, sicut esse adsolet in prophetis, ut ii, qui hospitalitatem illis exhibebant, dubitare non possent: atque ideo & ipsos aliquando pluraliter, & in eis dominum aliquando singulariter adorarent. Angelos autem fuisse scriptura testatur, non solum in hoc Genesis libro, ubi hæc gesta narrantur, uerum & in epistola ad Hebræos. ubi cum hospitalitas laudaretur, Per hanc, inquit, etiam quidam nescientes, hospitio receperunt angelos. Idcirco autem angeli, quasi hospites coacti, domum Loth introire dicuntur, ut tentata esset caritas Loth, probata, & remunerata: ut ostenderetur quantum esset hospitalitatis bonum. Hospitalem domum angeli ingressi sunt ad liberandum. Clausas uero domos hospitibus, ignis in eis ingressus est ad perdendos peccatores: & idcirco hospites non sunt euitandi, sed ultro inuitandi. Sequitur, Prius autem quam irent cubicum, uiri ciuitatis uallauerunt domum, a puero usque ad senem, omnis populus simul. uocaueruntq. Loth, & dixerunt ei, Vbi sunt uiri, qui introierunt ad te nocte? Edue illos huc, ut cognoscamus eos. Egressus ad eos Loth, post tergum occludens ostium, ait, Nolite, quæso, fratres mei, nolite malum hoc facere: habeo duas filias, quæ necdum cognouerunt uirum, educam eas ad uos, & abutimini eis, sicut placuerit uobis: dum modo uiris istis nihil mali faciatis: quia ingressi sunt sub umbra culminis mei. Quo modo prostituere uolebat filias suas ad compensationem, ut uiri hospites
cius,

eius, nihil a Sodomitis tale paterentur: utrum admittenda sit compensatio flagitiorum, uel quorumcumque peccatorum, ut nos faciamus mali aliquid, ne alius grauius malum faciat? an potius perturbationi Loth, non consilio tribuendum sit, quia hoc dixerit, merito quaeritur, & nimium periculosissime admittitur hac compensatio: si autem perturbationi humanae tribuitur, & menti tantum malum permotz, nullo modo imitanda est. Sequitur, Vimq. faciebant Loth uehementissime. Iam prope erat, ut infringerent fores. Et ecce miserunt manum uiri, & introduxerunt ad se Loth, clauferuntq. ostium: & eos qui erant foras, percussērunt cecitate, a minimo usque ad maximum, ita ut ostium inuenire non possent.) Non immerito mouet, quo modo potuerunt deficere quaerendo ostium: si tali erant cecitate percussi, ut omnino nihil uiderent. hoc enim modo sua calamitate turbati, ulterius ostium non requirebant. Hac aorasia & illi percussi sunt, qui quaerebant Helisæum. Sequitur, Dixerunt autem ad Loth, Habes hic tuorum quempiam generum, aut filios, aut filias? Omnes qui tui sunt, educ de urbe hac, delebimus enim locum istum, eo quod increuerit clamor eorum coram domino, qui misit nos, ut perdamus illos.) Quia clamor peccantium in cælum ascendisse dicitur, iccirco de cælo puniendi erant. Egressus est itaque Loth, & locutus est ad generos suos, qui accepturi erant filias eius, & dixit, Surgite, & egredimini de loco isto, quia delebit dominus ciuitatem hanc. Et uisus est eis quasi ludens loqui. Cumq. esset mane, cogeabant eum angeli, dicentes, Surge, tolle uxorem tuam, & duas filias quas habes: ne & tu pariter pereas in scelere ciuitatis.) Quod quaeritur, Et locutus est ad generos suos, qui accepturi erant filias eius: quæ postea duæ filia Loth uirgines fuisse dicuntur, de quibus & ipse dudum ad Sodomenos dixerat. Ecce duæ filia mez, quæ non cognouerunt uirum: & nunc scriptura commemorat eum habuisse generos: nonnulli arbitrantur illas, quæ uiros habuerunt, in Sodomis remansisse, & eas exisse cum patre, quæ uirgines fuerunt, quod cum scriptura non dicat, Hebræa ueritas exponenda est, in qua scribitur, Egressus est Loth, & locutus est ad sponfos, qui accepturi erant filias eius. Nondum ergo uirgines filia matrimonio fuerant copulatæ. Sequitur, Dissimulante illo apprehenderunt manum eius & manū uxoris ac duarū filiarū eius, eo quod dominus parceret illi, & eduxerunt eum, posueruntq. extra ciuitatem, ibi locuti sunt ad eum, Salua animam tuam. Noli respicere post tergum: nec stes in omni circa regione, sed in monte saluum te fac, ne & tu simul pereas. Dixitq. Loth ad eos, Quæso domine mi, quia inuenit seruus tuus gratiā coram te, & magnificasti misericordiam tuam, quam fecisti mecum, ut saluares animā meam, nec possum in monte saluari, ne forte apprehendat me malum. est ciuitas hic iuxta, ad quam possum fugere. parua est, & saluabor in ea. Numquid non modica est, & uiuet anima mea in ea? Dixitq. ad eum, Etiam in hoc suscepi preces tuas, ut non subuertam urbem, pro qua locutus es.) Ardentem quippe Sodomam fugere, est illicita carnis incendia declinare. Altitudo uero est montium, mundicia continentium. Vel certe, quasi in monte sunt, qui etiam carnali copulæ inhærent: sed tamen extra suscipiendæ prolis admixtionē debitam, nulla carnis uoluptate soluntur. In mōte quippe stare quid est, nisi fructum propaginis in carne nō quaerere? In mōte stare est, nō carni carnaliter adhærere. Sed quia multi sunt, qui scelera quidē carnis deserunt, nec tamen in coniugio positi usu solummodo debiti iura conseruant, exiit quidem Loth Sodomam, sed tamen mox ad montana non peruenit, quia iam damnabilis uita relinquitur, sed adhuc celsitudo coniugalis continentia subtiliter non tenetur. est uero in medio Segor ciuitas, quæ fugientē saluet infirmū: quia uidelicet cū sibi per incontinentiā miscerent coniuges, & lapsus fecerunt

lerum fugiunt, & tamen per ueniam saluantur. Quasi paruam quippe ciuitatem inueniunt, in qua ab ignibus defendantur, quia coniugalis hæc uita non quidem in uirtutibus mira est, sed tamen a suppliciis secura. Vnde & isdem Loth, ad angelum dicit, Est ciuitas hic iuxta, ad quam possum fugere, parua, & saluabor in ea. Numquid non modica est, & uiuet anima mea in ea? Iuxta igitur dicitur, & tamen ad salutem tuta perhibetur; quia coniugalis uita nec a mundo longe diuisa est, nec tamen a gaudio salutis aliena. Sed tunc in actione hanc uitam suam coniuges quasi in paruam ciuitatem custodiunt, quando pro se assiduis deprecationibus intercedunt. Vnde recte per angelum ad eundem Loth dicitur, Ecce etiam in hoc suscepi preces tuas, ut non subuertam urbem pro qua locutus es: quia uidelicet cum Deo deprecatio funditur, nequaquam talium coniugum uita damnatur. Igitur dominus pluit super Sodomam & Gomorram sulphur & ignem a domino de celo, & subuertit ciuitates has, & omnem circa regionem, uniuersos habitatores urbium, & cuncta terræ uiuentia. Cur sulphureo igne puniebantur, nisi ut putidissimus libidinis ardor putidissimo flammarum ardore puniretur? ut ueniente imbreo igne de celo, tota illa regio in cinerem uerteretur, ubi stupra in mafculos in tantam consuetudinem conualuerant, quanta iam nostro tempore gentes impias licenter uidemus perpetrare. Verum & hoc eorum supplicium, specimen futuri iudicii diuini fuit. Quæri etiam potest, quare diebus Noe peccatum mundi aqua ulciscitur, hoc uero Sodomitarum igne punitur: nisi quia illud naturale libidinis cum feminis peccatum quasi leuiori elemento damnatur: hoc uero contra naturam cum uiris libidinis peccatum acrioris elementi uindicatur incendio: & illic terra aquis abluta reuifescit, hic flammis cremata, æterna sterilitate arefcit. Quod prohibiti sunt qui liberantur ab angelis retro respicere, scilicet quia non est animo redeundum ad ueterem uitam, qua per gratiam regeneratus exiuitur, si ultimum euadere iudicium cogitamus. Denique uxor Loth ubi respexit, remansit, & in salem conuersa omnibus fidelibus quoddam præstituit condimentum, quo sapiant aliquid, unde illud caueatur exemplum. Sequitur, Abraham uero mane consurgens ubi steterat prius cum domino, intuitus est Sodomam & Gomorram, & uniuersam terram regionis illius, uiditque ascendentem fauillam de terra, quasi fornacis fumum. cum enim subuerteret Deus ciuitates regionis illius, recordatus est Abraham, & liberauit Loth de subuersione urbium, in quibus habitauerat. Commendat scriptura meritis magis Abraham liberatum esse Loth, ut intelligamus iustum Loth dictum secundum quendam modum, maxime quod unum uerum Deum colebat, & propter comparisonem scelerum Sodomorum, inter quos uiuens ad uitam similem non potuit inclinari. Sequitur, Ascenditque Loth de Segor, & mansit in monte, dux quoque filiarum eius cum eo: timuerat enim manere in Segor, & mansit in spelunca ipse & dux filiarum eius. Mirum si ipse mons est, in quem sponte ascendit, quo, monente domino, ac imperante, ascendere noluit. Quæritur quare cum primum fugæ montis Segor prætulerit, & eam in habitaculum suum uoluerit liberari, nunc de Segor ad montem migret. Respondebimus ueram esse illam Hebræorum coniecturam de Segor, quod frequenter terræ motu subruta, Vala primū, postea Salifa appellata sit. Ipsa est & Vala, quæ nunc Zoara nuncupatur. imminet autē mari mortuo, & apud eam gignitur balsamū, & poma palmarum, antiquæ ubertatis indicia. Nullum autem moueat, quod Segor eadem quæ Zoara dicitur, cum idem nomen sit paruulæ uel minoris: sed Segor Hebraice, Zoara Syriace nuncupatur. Vala autē interpretatur absorpta: timueritque Loth, dicens, Ne forte apprehendat me malum in ea: quia si cum ceteris adhuc urbes starent, ista sæpe subuersa est, quanto magis nunc in cōmuni ruina nō poterit libe-

liberari & hanc occasionem infidelitatis, etiā in filias coitus dedidisse præcipitum.
 qui enim ceteras uiderat subruī ciuitates, & hanc stare, seq. Dei auxilio erutum,
 utique de eo, quod sibi cōcessum audierat, ambigere non debuit. Sequitur, *Di*
 xit maior ad minorem, Pater noster senex est, nullusq. uitorum remansit in ter-
 ra, qui possit ingredi ad nos iuxta morem uniuersæ terræ. ueni, inebriemus cum
 uino, dormiamusq. cum eo, ut seruare possimus ex patre nostro semen. Dede-
 runtq. patri suo bibere uinum nocte illa, & ingressa est ad eum maior, dormiuitq.
 cum patre. at ille non sensit, nec quando accubuit filia, nec quando surrexit. Al-
 tera quoque nocte dixit maior ad minorem, Ecce, dormiui heri cum patre meo,
 10 demus ei bibere uinum etiam hac nocte, & dormies cum eo, ut seruemus semen
 de patre nostro. Videtur namque filias Loth audisse quædam de consummatione
 sæculi, quæ immineret per ignem, sed tamquam puellas non intelligere perfecte,
 quæ didicerant. Nescierunt quod, Sodomitis igne uastatis, multum adhuc spæ-
 tium integrum resideret in mundo. suspicatz sunt tale aliquid factum, quale audie-
 rant in temporibus Noe, & ob reparandam mortalium posteritatem, solas se esse
 cum patre scne referuatas. Recuperandi igitur humani generis desiderium suum,
 atque instantandi sæculi ex sese dandum opinantur exordium: & quamuis grande
 eis crimen uideretur, furari concubitus patris; grauior tamen eis uidebatur im-
 pietas, si humanæ, ut putabant, posteritatis spes, seruata castitate, deleteretur. Pro-
 pter hoc ergo consilium ineunt minore, ut arbitror, culpa, spe tamen argumētoq.
 20 maiore, patris mæstitiā uel rigorem uino emolliunt & resoluunt. singulis ingres-
 sæ noctibus singulæ, cōcipiunt ab ignorante conceptum, nec ultra repetunt. Vbi
 hic libidinis culpa, ubi incestus crimen arguitur? Quo modo ergo dabitur uitio,
 quod non iteratur in facto? Cum igitur illæ ad conseruationē generis prolem quæ-
 rerent, qui utique in eis humanus erat & naturalis affectus, nec se crederent posse
 inuenire alios uiros, uelut exusto illa cōflagratione orbe terrarum, cum patre dor-
 mierunt. Ab illo autē opere ita patrem abhorreere sentiebant, ut id se impleturas,
 esse non crederent, nisi eius ignorantiam procurarent: ut scriptum est, Inebriaue-
 runt cum uino, & nescienti se miscuerunt. Quapropter culpandus est quidem, nec
 30 tamen quantum ille incestus, sed quantum illa meretur ebrietas. nam & hanc lex
 æterna condemnat, quia cibum & potum ad ordinem naturalem non nisi gratia
 conseruandæ salutis admittit. Quamuis ergo inter ebriosum & ebrium plurimum
 intersit: nam nec ebriosus semper est ebrius, nec quisquis aliquando ebrius, con-
 sequenter ebriosus est: tamen in homine iusto huius ipsius, etiā non ebriositatis,
 at certe ebrietatis causā quærenda est. quid enim tandem cogeat, ut filiabus suis
 crebra uina miscentibus, aut fortasse nec mixta crebro porrigentibus cōsentiret,
 aut crederet: nisi ut illius destitutionis & materni luctus dolor de cogitatione men-
 tis ebriæ fugaretur, etiā ipsas tandem bibere existimans, & aliqua fraude agentes
 ne biberent: sed etiam talem tribus illis adhibere consolationem, quo modo ui-
 rum iustum decuerit, non uidemus: an aliqua Sodomitarum arte pessima, e-
 40 tiam paucis poculis patrem sic inebriare potuerunt, ut illud peccatum cum igno-
 rante, uel potius de ignorante committerent. Nos tamen scripturas sanctas,
 non hominum peccata defendimus. Sequitur, Conceperunt ergo duæ filie
 Loth de patre suo, peperitq. maior filium, & uocauit nomen eius Moab: ipse est
 pater Moabitarum usque in præsentem diem. Minor quoque peperit filium, &
 uocauit nomen eius Ammon: ipse est pater Ammonitarum usque hodie. Mo-
 ab interpretatur, ex patre: Ammon uero, cuius quasi causā nominis redditur, fi-
 lius generis mei, siue filius populi mei, sic deriuatur, ut ex parte sit sensus no-
 minis, & ex parte ipse sit sermo. Ammon uero, a quo dicti sunt Ammonitæ, uo-
 catur populus meus. Deus ergo, qui nouit & de hominis opere malo facera
 opera

opera bona, gentes, quas uoluit, ex illo semine propagauit. Prodidit quippe ista per scripturas suas, non facienda præcepit, & cauenda admonuit, non posuit inuitanda. Nam & quinque ciuitates, quæ imbris igneis conflagratæ sunt, illud (nisi fallor) significant, quod omnes, qui quinque sensus corporis sui libidinose tractauerint, in illo futuro incendio crematuri sint. Loth autem, frater Abraham, iustus & hospitalis in Sodomis, & ab omni Sodomitarum contaminatione purus, atque integer, qui ex illo incendio, quod erat similitudo futuri iudicii, meruit saluus euadere, typum gestauit corporis Christi: quod in omnibus sanctis, & nunc inter iniquos atque impios gemit, quorum factis non consentit, & a quorû commixtione in fine sæculi liberabitur, illis damnatis supplicio ignis æterni. Sed aliud genus hominum in eius uxore figuratum est, eorum scilicet, qui per gratiam Dei uocati, retro respiciunt, non sicut Paulus, qui ea quæ retro sunt obliuiscitur, & in ea, quæ ante sunt, extenditur. Vnde & ipse dominus, Nemo, inquit, imponens manum suam super aratrum, & respiciens retro, aptus est regno cælorum. Neque illud exemplum tacuit, quo nos tamquam sale condiret, ut non fatui negligeremus, sed prudentes caueremus hoc malum: Mementote uxoris Loth. Sic etiam in ipso Loth, quando cum eo filix concubuerunt: non illud, quod a Sodomis liberatus est, sed aliud aliquid figuratum est. Nam tunc ille ipse Loth futuræ legis uidetur gestasse personam, cum quidam ex illa procreati, & sub lege positi, male intelligendo, quodam modo inebriant eam, qua non legitime utendo, infidelitatis opera pariunt. Bona est enim lex, ait apostolus, si quis ea legitime utatur. Nec ideo tamen hoc factum, uel ipse Loth, uel filiarum eius iustitiamus, quia significauit aliquid, quod futuram quorundam peruersitatem prænunciaret. aliud enim illæ, ut hoc facerent, intenderunt: aliud Deus, qui hoc fieri permisit, ut etiam aliquid inde monstraret, pro significatione futurorum. Proinde illud factum cum in sancta scriptura narratur, propheta est: cum uero in illorum uita qui hoc commiserunt, consideratur, flagitium est. Sequitur,

Philip. 3
Lucæ 9

1. Timoth. 1

CAP. XX
De peregrinatione Abraham in Geraris.
XXXI

PROFECTVS inde Abraham in terram Australem habitauit inter Cades & Sur, & peregrinatus est in Geraris. Dixitq. de Sara uxore sua, foror mea est. Misit ergo Abimelech rex Geraræ, & tulit eam. Venit autem Deus ad Abimelech per somnium noctis, & ait ei, En morieris propter mulierem quam tulisti: habet enim uirum. Abimelech uero non tetigit eam. Et ait, Domine num gentem ignoram & iustam interficies? Nonne ipse dixit, foror mea est: & ipsa ait, frater meus est? In simplicitate cordis mei, & mundicia manuum feci hoc: Quæri potest, quomodo adhuc in illa ætate propter Saræ pulchritudinem Abraham periclitari metuebat, sed magis formæ illius uis admiranda est, quæ adhuc adamari poterat: & ideo fecit in Geraris apud regem Abimelech, quod in Aegypto de coniuge sua tegerat, eiq. intacta similiter reddita est. Sequitur, Dixitq. ad eum Deus, Et ego scio quod simplici corde feceris: & ideo custodiui te, ne peccares in me, & non dimisi ut tangeres eam. Nunc igitur redde uxorem uiro suo, quia propheta est, & orabit pro te, & uiues: si autem nolueris reddere, scito quod morte morieris, tu & omnia quæ tua sunt. Quod ait Deus ad Abimelech propter Saram, & pepercit tibi, ut non peccares in me, quando eum admonuit uxorem Abraham esse, quam putabat eius esse sororem: aduertendum est & notandum in Deum peccari, quando talia committuntur, quæ putant homines leuiter habenda tanta in carne peccata. Quod autem dixit ei, Ecce tu morieris: etiam hoc notandum est, quo modo dicat Deus tamquam prædicens sine dubio futurum, quod admonendo dicit, ut a peccato abstinendo caueatur. Sequitur, Stansq. de nocte cõsurgens Abimelech uocauit omnes seruos suos, & locutus est uniuersa uerba hæc in auribus eorû, timueruntq. omnes uiri ualde. Vocauit autem Abimelech etiam Abraham, & dixit ei, Quid fecisti

fecisti nobis? Quid peccauimus in te, quia induxisti super me, & super regnū meum peccatum grande? Quæ non debuisti facere, fecisti nobis. Respondit Abraham, Cogitavi tecum, dicens, Forsitan non est timor Dei in loco isto, & interficient me propter uxorem meam. Alias autem uere soror mea est, filia patris mei, & non filia matris meæ.) Quia de patre soror erat Abrahæ, de quo propinqua eius erat, ideo, fratris filia erat, non sororis. necdum illo tempore tales nuptiæ lege prohiberent: uiri sorores suas coniuges acceperunt. Quod profecto quanto est antiquius, compellente necessitate, tanto postea factum est damnabilius, religione prohibente. Tulit igitur Abimelech oues & boues, seruos & ancillas, & dedit Abrahæ: reddiditque illi Saram uxorem suam, & ait, Terra coram uobis est, ubicunque tibi placuerit, habitabit. Saræ autem dixit, Ecce dedi mille argenteos fratri tuo. hoc erit tibi in uelamen oculorum ad omnes qui tecum sunt, & quocunque perrexeris, mementoque te esse deprehensam.) Quod autem iustum & fidelem uirum matrimonii sui infamissimum nundinatorem appellat Faustus Manichæus: Abraham auaritiæ ac uentris causa duobus regibus Abimelech & Pharaoni diuersis temporibus Saram coniugem suam, mentitur sororem, quia erat pulcherrima, ad concubitum asserit uenditasse: non ore ueridico a turpitudine separat honestatem, sed ore maledico totum uertit in crimen. hoc enim Abrahæ factum lenocinio simile uidetur, sed non ualentibus ex illius æternæ legis lumine a peccatis recta facta discernere: quibus & constantia pertinacia uideri potest: & uirtus fiducia, uitium putatur audaciæ: & quicunque similiter obiciuntur, quasi non recte agentibus, a non recte cernentibus. neque enim Abraham flagitio consensit uxoris, eiusque uendidit adulterium: sed si cut illa famulam suam non libidini mariti permisit, sed officio generandi ultro intulit, nequaquam turbato ordine naturali, ubi eius potestas erat, iubens potius obediens, quam cedens concupiscenti: sic & ipse coniugem castam, & casto corde sibi coherentem, de cuius animo, ubi pudicitie uirtus habitabat, nullo modo dubitabat: tacuit uxorem, dixit sororē, ne se occiso ab alienigenis atque impiis capiti possideretur: certus de Deo suo, quod nihil eam turpe ac flagitiosum perpeti sineret, nec eum fides ac spes fefellit. namque Pharo terribus monstris, multisque propter eam malis afflictus, ubi eius uxorem diuinitus didicit, illam cum honore restituit. Abimelech autem in somno commonitus & edoctus similiter fecit. Iam uero in hac re gesta atque in diuinis libris posita, fideliterque narrata, quem non delectet etiam factum propheticum perscrutari, & sacramenti ostium pia fide studioque pulsare: ut aperiar dominus & ostendat, quis tunc in illo figurabatur uiro, & cuius sit uxor, quæ in hac peregrinatione, atque inter alienigenas pollui macularique non finitur, ut sit uiro suo sine macula aut ruga. In gloria quippe Christi recte uiuit ecclesia, ut pulchritudo eius, honor sit uiro eius: sicut Abraham propter Saræ pulchritudinem inter alienigenas honorabatur: itaque ipsi, cui dicitur in Canticis canticorum, O pulchra inter mulieres, ipsius pulchritudinis merito reges offerant munera: sicut Saræ obtulit rex Abimelech, plus in ea mirans formæ decus, quod amare potuit, & uiolare non potuit. est enim & sancta ecclesia domino Iesu Christo in occulto uxor. Occulte quippe atque intus in abscondito secreto spiritali anima humana inhaeret uerbo Dei: ut sint duo in carne una, quod magnum coniugii sacramentum in Christo & in ecclesia commendat apostolus. Proinde regnum terrenum sæculi huius, cuius figuram gerebant reges, qui Saram pollere permitti non sunt, non expertum est, nec inuenit ecclesiam coniugem Christi, ideo, quam fideliter illi tamquam præcipuo uiro suo coheret subdita, nisi cum uiolare tentauit, & ut diuino testimonio per fidem matrimonium cessit: correctumque etiam in posterioribus regibus, muneribus hanc honorauit, quam corruptioni suæ subdere in

1. Cor. 1

Ephes. 5

G prioribus

prioribus non eualuit. nam quod tunc in eodem rege prius & posterius figuratum est, hoc in isto regno prioribus & posterioribus regibus adimpletur. Cum autem dicitur de patre esse forem Christi ecclesiam, non de matre: non terrenæ generationis, quæ euacuabitur: sed gratiæ cælestis, quæ in æternum manebit, cognitio commendatur, secundum quam gratiam gentis mortale non erimus, accepta potestate, ut filii Dei uocemur, & simus. neque enim hanc gratiam de synagoga matre Christi secundum carnem, sed de Deo patre accepimus. Hanc uero cognitionem terrenam, quæ ad mortem temporaliter generat, uocans in aliam uitam ubi nullus moritur, negare nos Christus docuit, non fateri, cum discipulis ait, Ne

Matth. 13 uobis dicatis patrem in terra, unus enim est pater uester, qui in cælis est. Cuius rei præbuit exemplum, quando ipse ait, Quæ mihi mater? aut qui fratres? Et extendens manum super discipulos, ait, Hi sunt fratres mei. Et ne quisquam in hoc uocabulo terrenam cognitionem cogitaret, adiunxit, Et quicumque fecerit uoluntatem patris mei, ipse mihi frater & mater & soror est. Tamquam diceret, de Deo

Marc. 2

patre hanc cognitionem appello, non de synagoga matre; ad æternam quippe uitam nunc uoco, ubi immortaliter natus sum, non ad temporalem, ut uocarem, mortalis effectus sum. Quod ergo ecclesia cuius uxor fit, occultatur alienigenis: cuius autem soror, non tacetur: hæc interim causa facile occurrit: quia occultum, & difficile ad intelligendum est: quo modo anima humana uerbo Dei copuletur, siue misceatur, siue quid melius & apertius dici potest, cum sit illud Deus, ista creatura. secundum hoc enim sponsus & sponsa, uel uir & uxor, Christus & ecclesia dicuntur. Qua uero cognatione coniuncti sunt Christus & omnes sancti, gratia scilicet diuina, non consanguinitate terrena: hoc est, de patre, non de matre: & effabilibus dicitur, & cautius auditur. nam & inter se omnes sancti per eandem gratiam fratres sunt: sponsus autem in eorum societate nullus illorum est. Proinde Christum quam excellentissimæ iustitiæ atque sapientiæ, tamen hominem, multo facilius & proliuius alienigenæ crediderunt, non quidem falso, quod homo esset: sed quo modo etiam Deus esset, ignorauerunt. Hinc & Hieremias, Et homo est, inquit, & quis cognoscet eum? Et homo est, quia proditur, quod frater est: & quis cognoscet eum? quia occultatur quod sponsus est.

*CAP. XXI
De nativitate
Isaac.*

XXXIII

VISITAVIT autem dominus Saram, sicut promiserat, & implevit quæ locutus est. concepitque & peperit filium in senectute sua, tempore quo prædixerat ei Deus. Vocauitque Abraham filium suum, quem genuit ei Sara, Isaac: & circumcidit eum octaua die, sicut præceperat ei Deus, cum centum esset annorum. Hæc quippè ætate patris, natus est Isaac. Natus est autem Abraham, secundum promissionem Dei, de Sara filius: eumque nominauit Isaac. riserat enim & pater, quando promissus est, admirans in gaudio: riserat & mater, quando per illos tres uiros iterum promissus est, dubitans in gaudio, quâuis exprobrante angelo: quod risus ille etiam si gaudii fuit, tamen plenæ fidei non fuit: post, ab eodem angelo in fide etiam confirmatus est. Ex hoc ergo puer nomē accepit. Significatum est autem magnum sacramentum in duobus filiis Abraham, quod unus de ancilla, quæ dicebatur Agar, secundum carnem natus est Ismael: alter est autem de Sara libera, secundum promissionem natus: uterque quidem de semine Abraham, sed illum genuit demonstrans consuetudinem naturæ: illum uero dedit promissio significans gratiam. Ibi humanus usus ostenditur, hic diuinum beneficium commendatur. Sed ubi significandum fuerat Dei donum, quod ingratissimis hominibus gratis gratia largiretur, sic oportuit filium dari, quemadmodum naturæ non debebatur excursus. negat enim natura iam filios tali commixtione maris & feminæ, qualis esse poterat Abraham & Saræ in illa iam ætate, etiam mulieris accedente sterilitate, quæ nec tunc parere

potuit,

potuit, quando non ætas fecunditatis, sed ætati fecunditas defuit. Quod ergo natus sic affectus fructus posteritatis non debebatur: significat quod natura generis humani peccato uitiata, æ per hoc iure damnata, nihil ueræ felicitatis in posterum merebatur. Recte igitur significat Isaac per repromissionem natus filios gratiz, ciues ciuitatis liberæ, socios pacis æternæ. Sequitur, Dixitq. Sara, Risum mihi fecit Deus, quicumque audierit conridebit mihi. Rursusq. ait, Quis audirurus crederet Abraham, quod Sara lactaret ei filium, quem peperit ei iam senis? Isaac interpretatur Risus, non ad irridendi opprobrium, sed ad celebrandum gaudium pertinebat, quod nato Isaac, & eo nomine uocato Sara monstrauit, ait quippe, Risum mihi fecit dominus, quicumque enim audierit, eongaudet mihi. Sequitur, Creuit itaque puer, & ab lactatus est, fecitq. Abraham grande conuiuium in die ablactationis eius. Cur Abraham nec die quo natus est filius, nec die quo circumcisus est, sed die quo ablactatus est, epulum fecit? quod nisi ad aliquam significationem spiritalem referatur, nulla solutio questionis est: tunc scilicet esse debere magnum gaudium spiritualis ætatis, quando fuerit factus homo nouus spiritalis, idest, non talis qualibus dicit apostolus, Lac uobis potum dedi, non escam: nondum enim poteratis, sed nec adhuc potestis, adhuc enim estis carnales. Sequitur, Cumq. uidisset Sara filium Agar Aegyptiz ludentem cum Isaac, dixit ad Abraham, Eiice ancillam hanc & filium eius, non enim erit heres filius ancillæ cum filio meo Isaac. Dure accepit hoc Abraham pro filio suo. Cui dixit Deus, Non tibi uideatur asperum super puerum & super ancillam tuam: omnia quæ dixerit tibi Sara, audi uocem eius, quia in Isaac uocabitur tibi semen. Dupliciter itaque hoc ab Hebræis exponitur, siue quod idola de luto fecerit, siue quod aduersum Isaac, quasi maioris ætatis loco sibi & ludo primogenita uindicaret, & ideo apparuit illum ludum pugnam fuisse. Quod quidem Sara audiens, non tulit, & hoc ex ipsius approbatur sermone dicentis, Ecce ancillam hanc cum filio suo, non enim erit heres filius ancillæ cum filio meo Isaac. Quare autem contristatus sit Abraham, cum ista fuerint prophetia: quam utique magis debuit nosse ipse, quam Sara? sed intelligendum est, uel ex reuelatione hoc dixisse Saram: quia prius illi fuerat reuelatum, illum uero, quem de hoc postea dominus instruit paterno affectu, pro filio fuisse ecommotum, uel ambo nescisse prius, quidnam illud esset, & per Saram nescientem hac prophetia doctum esse, cum illa mota esset muliebri animo propter ancillæ superbiam. Sequitur, Sed & filium ancillæ faciam in gentem magnam, quia semen tuum est. Notandum quod & Ismahel dictus sit a Deo, semen Abraham: sed aliter Ismahel, aliter Isaac: propter illud quod docet apostolus, quod dictum est, In Isaac uocabitur tibi semen: idest, non filii carnis, sed filii promissionis deputabuntur in semine. Sequitur, Surrexit itaque Abraham matrem, & tollens panem & utrem aquæ imposuit scapulæ eius, tradiditq. puerum, & dimisit eum. Quando Isaac natus est, XIII annorum erat Ismahel: & post ablactationem eius, iste eum matre expellitur, quinto ablactationis anno tempus statutum. Nos igitur post decem & octo annos, Ismahel supputamus cecidisse cum matre, & non conuenire, iam adolefcentem iuuenem matris scdisse cernicibus. Et hoc facto dedit puerum matri, hoc est, in manu eius eum tradidit, uel commendauit, & sic dimisit e domo. Quæ cum abiisset, errabat in solitudine Bersabeæ: Cumq. consumpta esset aqua in utre, abiicit puerum subter unam arborem quæ ibi erat, & abiit, seditq. e regione procul, quantum potest arcus iacere. dixit enim, Non uidebo morientem puerum. Et sedens contra leuauit uocem, & fleuit. Exaudiuit autem Deus uocem pueri. Solet quæri quo modo cum puer esset annorum octodocim, proiecerit eum mater sub arbore, & ierit longe quantum potest arcus

G 2 iacere,

12A

1. Cor. 3

De ludo Isaac
& Ismahelis.
XXXXIII

Rom. 9

iacere, ne uideret eum morientem? quasi enim quem portabat, proiecerit, ita uideretur sonare quod dicitur: maxime quia sequitur, Fleuit puer. Sed intelligendum est, proiectum esse non a portante, sed, ut sit, ab animo tamquam moriturum. neque enim quod scriptum est, Proiectus sum a facie oculorum tuorum: portabatur, qui hoc dixit: & est in quotidiano loquendi usu, cum proici dicitur aliquis ab aliquo cum quo erat, ne ab illo uideatur, aut cum illo maneat. Intelligendum est autem quod scriptura tacuit, ita discessisse matrem a filio, ut puer ignoraret, quo mater abierit; & eam in siluestribus stirpibus latuisse, ne filium morientem sibi, deficientemq. uideret. Ille autem etiam illa ætate, quid mirum si matre diutius non uisâ, & tamquam perditâ, eo loco ubi solus remansit, fleuit? Quod ergo postea dicitur, Accipe puerum: non ut eum de terra uelut iacentem tolleretur, dictum est: sed ut ei coniungeretur, & eum manu teneret deinceps comitem sicut erat, quod plerumque faciunt simul ambulantes cuilibet ætatis. Nunc igitur querendum est, cur antea uoluit Sara maritum de ancilla suscipere filium? aut cur nunc cum matre iubet expelli domo? quod non zelo fecit accensâ, sed mysterio prophetiæ compulsa. Agar quippe, secundum quod ait apostolus, in seruitutem genuit populum carnalem: Sara uero libera populum genuit, qui non est secundum carnem, sed in libertate uocatus est: quia libertate, liberauit cum Christus. Hoc igitur mysterio figurabatur, priorem populum in seruitute peccatorum generatum, in domo Israël, id est in ecclesia, non manere in æternum: neque esse heredem uel consortem cultoribus Christi: nec cum filio nobili, id est fideli populo, regnum cælestis gloriæ possessurum. Cum eiiceret igitur Abraham Agar de domo, accepit panes & utrem aquæ dedit Agar, & imposuit super humeros eius infantem, & dimisit eam. Exiens autem Agar errabat in solitudine, & cum morientem sibi filium proiecisset sub arbore, apparuit ei angelus domini, & demonstraui ei fontem aquæ, & potauit filium suum. Quid ergo significat, quod exiens Agar infantem in humeros suos posuit, nisi quod peccator populus & insipiens ceruicem matris suæ synagogæ grauauit, cum dixit: Sanguis eius super nos, & super filios nostros. Panes autem hoc indicabant, quod uetus sacerdotium panes propositionis, sicut scriptum est, portaret secum, & ueterescerent. Uter uero aquæ qui defecit, ludæica purificatio significabatur defectura: siue doctrina eorum carnalis in pelle mortua clausa, id est in carne ueteris hominis præuicationis sententia damnata, quæ nec refrigerium præstat, nec satiat sitim, sed æstu tepido uomitum facit. Quod uero errat Agar in solitudine cum filio suo, significat synagogam cum populo suo expulsam de terra sua sine sacerdotio & sacrificio in toto orbe terræ, & uitam, quæ est Christus, penitus ignorare. Quod filius illius siti deperit, ostendit eundem populum nullam habentem spiritalem purificationem. Quod autem filium siti morientem sub arbore proiecit, & sic demonstrante angelo aspicit fontem, significat quosdam ex ipso populo ad umbram ligni crucis refugium petituros. Quod exclamat puer plorans, & exaudiuit cum Deus, & sic demonstrante angelo aspicit fontem, hoc pro illis dicitur, qui ex ludæis ad Christum conuertuntur, ac sententes retroactos errores exaudiuntur, referatisq. oculis cordis uident fontem aquæ uiuæ, id est Christum filium Dei, qui dicit: Ego sum fons aquæ uiuæ, qui sitit ueniat & bibat, Unde Ismahel exauditio interpretatur. Angelus autem iste similitudo est Heliz, per quem populus iste est crediturus, sicut per Malachiam dicitur: Ecce ego mittam uobis Heliam, qui conuertat corda patrum in filios. Verum quod statim uocauit angelus domini Agar, dicens: Surge, tolle puerum, quia in gentem magnam faciam eum, hoc significabat: siue quod copiosius ludæorum populus esset regnaturus in sæculum: siue quia cælestis regni gloriam consecuturi essent

Gal. 4

10

20

30

40

Malach. 4

essent qui ex eis credidissent in Christo. Quod autem eundem angelum qui loquitur ad Agar, prius angelum scriptura pronunciat, deinde Deum, filium Dei: cum fuisse credendum est, qui per legem & prophetas semper locutus est, qui propter obedientiam paternæ voluntatis angelus uocatur, Deus autem secundum naturam patris, quia uere & ipse Deus sicut & pater est. Sequitur, Eodem tempore dixit Abimelech & Fichol princeps exercitus eius ad Abraham: Deus tecum est in uniuersis quæ agis. Iura ergo per dominum ne noccas mihi & posteris meis, stirpiq; meæ, sed iuxta misericordiam, quam feci tibi, facias mihi & terræ in qua uersatus es aduena. Dixitq; Abraham: Ego iurabo. Et increpauit Abimelech propter puteum aquæ, quem ui abstulerant serui illius. Responditq; Abimelech: Nesciui quis fecerit rem hanc, sed & tu non indicasti mihi, & ego non audiui præter hodie. Tulit itaque Abraham oues & boues, & dedit Abimelech, percussertuntq; ambo fœdus. Et statuit Abraham septem agnas gregis scorsum. Cui dixit Abimelech: Quid sibi uolunt septem agnæ istæ quas stare fecisti scorsum? At ille, Septem, inquit, agnas has accipies de manu mea, ut sint in testimonium mihi, quoniam ego fodi puteum istum. Idcirco uocatus est locus ille Bersabee, quia ibi uterque iurauit, & inierunt fœdus pro puteo iuramenti. Vbi hic legitur Puteus iuramenti, in Hebræo habetur Bersabee. Duplex autem caussa est cur ita appellatus sit: siue quia septem agnas Abimelech de manu Abraham suscepit, Septem enim dicuntur Sabee: siue quod ibi iurauerint, quia iuramentum Sabee similiter appellatur. Quod si ante hanc causam supra hoc nomen legimus, sciamus per prolepsin dictum esse, sicut & Bethel, & Galgala, quæ utique usque ad tempus, quo ita appellatæ sunt, aliter uocabatur. Quo modo ergo puteum, quem foderat Abraham, nesciebat Agar, si ante esse fossus, quam illa expulsa: ualde enim fieri potuit, ut pecorum suorum caussa longe a domo, in qua cum suis habitabat, puteum foderet quem illa ne sciret. Sequitur, Abraham uero plantauit nemus in Bersabee, & inuocauit ibi nomen domini Dei æterni, & fuit colonus terræ Philistinorum diebus multis. Quæri potest, quo modo ad puteum iuramenti nemus plantauerit Abraham, siue, ut alia translatio dicit, Agrum, si in terra illa, quemadmodum Stephanus dicit, non acceperat in hereditatem nec passum pedis: sed ea intelligenda est hereditas, quam Deus munere suo fuerat daturus, non empta pretio. Intelligitur autem spatium circa puteum ad illud emptionis spatium pertinere, in quo fuerant agnæ datæ, quando Abimelech & Abraham sibi etiam iurauerunt. Sequitur,

TENTAVIT Deus Abraham, & dixit ad eum: Abraham, Abraham. At ille respondit: Assum. Quæri solet quo modo hoc uerum sit, cum dicat in epistola sua Iacobus, quod Deus neminem tentet: nisi quia locutioni scripturarum solet dici tentat, pro eo quod est probat. Tentatio uero illa de qua Iacobus dicit, non intelligitur, nisi quia quisque peccato implicatur, unde apostolus dicit: Ne forte tētet uos is, qui tentat. nam & alibi scriptum est, Tentat uos dominus Deus uester, ut sciat si diligatis eum. Etiam hoc genere locutionis, Vt sciat, dictum est, ac si dice retur, ut scire uos faciat: quoniam uires dilectionis suæ hominem latent, nisi experimento eidem innotescant. Sequitur, Tolle filium tuum quem diligis Isaac, & uade in terram uisionis, atque offer eum ibi holocaustum super unum montem quem monstrauero tibi. Notandum autem & ex prioribus, & ex præsentī loco, quod Isaac nō sit natus ad quercum Mambre, sed in Geraris, ubi & Bersabee usque hodie opidum est. Huius rei scriptura testis est quæ ait: Et fuit Abraham colonus terræ Philistinorum diebus multis: Et dixit illi Deus: Tolle filium tuum unigenitum, quem diligis Isaac. Aiunt Hebræi hunc montem esse Moria, in quo postea templum conditum est in area Orne Iebusei, sicut in Paralipomenon scriptum est:

De eo quod scriptum est, Dixit, Abi. c.

XXXV

De nemore quod plantauit Abraham. XXXVI

CAP. XXII
De tentatione Abraham.
XXXVII
Iacob. 1
1 Thef. 3
Deut. 13

Et coeperunt ædificare templum in mense secundo, in secunda die mensis in monte Moria, qui iccirco illuminans interpretatur & lucens, quia ibi est Dabir, hoc est oraculum Dei, & lex & spiritus qui docet hominem veritatem, & inspirat prophetas. Quod uero ait, Offer eum in holocaustum, ut ex caritatis admonitione, & nominis recordatione tentationis pondus accumularetur, & paternis affectus torqueretur ex memoria promissionis, dum ante Deus dixit ad eum: In Isaac uocabitur tibi semen, quasi si ille occideretur, tota spes promissionum frustraretur. Numquam sane crederet Abraham, quod uictimis Deus delectaretur humanis, quamuis intonante diuino præcepto obediendum sit, non disputandum. Verumtamen Abraham confestim filium cum fuisset immolaturus, resurrecturum credidisse laudandus est: quia per hunc oportebat impleri promissiones Dei, quem iubeat occidi. Sequitur, Igitur Abraham de nocte consurgens, strauit asinum suum, ducens secum duos iuuenes, & Isaac filium suum. cumq. concidisset ligna in holocaustum, abiit ad locum quem præceperat ei Deus. Die autem tertio eleuatis oculis uidit locum procul; dixitq. ad pueros suos: Expectate hic cum asino, ego & puer illuc usque properantes postquam adorauerimus reuertemur ad uos. Notandum quod de Geraris usque ad montem Moria, idest sedem templi iter dicrum trium sit, ut consequenter illuc die tertio peruenisse dicatur. Male igitur, qui Abraham putant illo tempore ad quercum Mambre habitasse, cum inde usque ad montem Moria uix unius diei iter plenum sit. Qui ideo tridui itineris mora eum immolaturus secum ducere iussus est, quatenus longitudine temporis tentationis quoque augetur incrementum. nam per triduum iter protenditur, & per totum triduum crescentibus curis paterna uiscera cruciantur, ut omni hoc spatio tam prolixo intueretur pater filium, cibum cum eo sumeret, tot noctibus puer penderet in amplexibus patris, inhaereret pectori, cubitaret in gremio, quatenus per singula momenta in paterno affectu dolor occidendi filii accumularetur. Sequitur, Tulit quoque ligna holocausti, & imposuit super Isaac filium suum. ipse uero portabat ignem & gladium in manibus suis. Cumq. pergerent duo simul, dixit Isaac patri suo: Pater mi. At ille respondit: Quid uis fili? Ecce, inquit, ignis & ligna, ubi est uictima holocausti? Dixit Abraham: Deus prouidebit sibi uictimam holocausti fili mi. Pergebant ergo pariter, ueneruntq. ad locum quem ostenderat ei Deus, in quo ædificauit altare, & desuper ligna composuit. Si Abraham indubitanter firmo animo cogitabat mactare domino puerum in holocaustum, quid est quod dixit pueris suis. Vos expectate hic, ego & puer postquam adorauerimus reuertemur ad uos? Vere indubitanti animo eum credebat resurrecturum, & ideo laudandus est, & in constantia offerendi, & in fide resuscitandi. Sciebat certissime Deum falli non posse, licet puer occideretur, promissionem tamen Dei saluam permanere. Vnde & Paulus apostolus per spiritum Dei didicerat, quid animi haberet Abraham intra se, dum fidem eius laudando dicit: Fide Abraham non hæsitauit, cum unicum offerret in quo acceperat promissiones, cogitans quia mortuis eum resuscitare potens est Deus. Sequitur, Cumq. colligasset Isaac filium suum, posuit eum in altari super struem lignorum, extenditq. manum, & arripuit gladium, ut immolaret filium. Non hæsitauit quod sibi reddi poterat immolatus, qui dari poterat non speratus. Sequitur, Et ecce angelus domini de cælo clamauit, dicens: Abraham, Abraham. Qui respondit: Assum. Et ait ei: Ne extends manum tuam super puerum, neque facias illi quidquam. nunc cognoui quod timeas Deum. Hoc est enim, nunc cognoui quod timeas dominum, ac si dicat, Nunc te feci cognoscere. Sequitur, Leuauit Abraham oculos, uiditq. post tergum arie-

- gum arietem inter uepres hærentem cornibus, quem assumens obtulit holocaustum pro filio suo, appellauitq. nomen loci illius, Dominus uidet. Vnde usque hodie dicitur in monte, Dominus uidebit.) Hoc autem genus locutionis euidenter apparet ubi dicitur, Et uocauit Abraham nomen loci illius, Dominus uidet. Vidit pro eo quod est apparuit, hoc est uideri se fecit, significans per efficientem id quod efficitur. Sequitur, Vocauit autem angelus domini Abraham secundo de cælo, dicens: Per memet ipsum iurauit dicit dominus, quia fecisti rem hanc, & non pepercisti filio tuo unigenito propter me, benedicam tibi, & multiplicabo semen tuum sicut stellas cæli, & uelut arenam quæ est in littore maris: possidebit semen tuum portas inimicorum suorum, & benedicentur in semine tuo omnes gentes terræ.) Numquid Abraham propter angelum non pepercit filio suo, & non potius propter Deum? Ergo angeli nomine dominus Iesus Christus significatus est, qui sine dubio Deus est, & manifeste a propheta dictus est magni consilii angelus: aut quod Deus erat in angelo, & ex persona Dei angelus loquebatur, sicut in prophetis etiam solet. nam in consequentibus hoc magis uidetur apparere ubi legitur, Et uocauit angelus domini Abraham iterum de cælo, dicens: Per memet ipsum iurauit dicit dominus. Sæpe enim promiserat, sed nunquam iurauerat. Quid est autem Dei ueri ueracisq. iuratio, nisi promissi confirmatio, & infidelium quædam increpatio? Nunc uideamus quid sub huius sacramenti lateat mysterio. iste enim Abraham quando filium suum unicum perduxit ad immolandum, habebat personam Dei patris. Sed quid est quod eum senex suscipit? non enim senescit Deus, sed ipsa prænnunciatio de Christo iam quodam modo senescerat quando natus est Christus, inchoata est enim ab Adam, ubi dictum est: Erunt duo in carne una: sacramentum illud magnum in Christo & ecclesia: & completa est sexta ætate sæculi, quæ senectâ significatur Abraham: quia ipsum sacramentum Dei iam longæuum erat: & senectus Saræ in plebe Dei, hoc est in multitudi-
Gen. 2
Eph. 3
- ne prophetarum hoc idem significat, quia in fine temporum ex ipsa plebe sanctorum animarum natus est Christus. Sterilitas autem eius intimat, quod in hoc seculo spe salui facti sumus, & in Christo tamquam in Isaac omnes nati sumus, quem partum ecclesie in fine temporum mirabili Dei gratia, non naturali fecunditate prophetauit. Iam deinde sequentis historie sacramentum quid imaginarie portendebat, inspiciendum est. Quis ergo in Abraham, ut prædictum est, per illam imolationem figurabatur, nisi pater excelsus? Quis in Isaac, nisi Christus? nam sicuti Abraham unicum & dilectum filium Deo uictimâ obtulit, ita Deus pater unicum filium suum pro nobis omnibus tradidit. Et sicut Isaac ipse sibi ligna portabat, quibus erat imponendus, ita & Christus gestabat in humeris lignum crucis, in quo erat crucifigendus. Duo autem serui illi dimissi, & non perducti ad locum sacrificii, Iudeos figurabant, qui cum seruili ter uiueret, & carnaliter saperent, non intelligebant humilitatem Christi, non intelligebant passionem Christi, ideo non perueniunt ad locum sacrificii. Cur autem duo serui, nisi quia ipse in duas partes diuidendus erat? quod factum est Salomone peccante, quando diuinus est idem populus loco regni, non errore impietatis, quibus etiam sæpe per prophetam dicitur: Aduersatrix Israel, & præuicatrix Iuda. Asinus autem ille insensata est stultitia Iudeorum. Ista insensata stultitia portabat omnia sacramenta, & quod ferebat nesciebat. Iam quod dictum est eis, Expectate hic cum asino, postquam adorauerimus reuertemur ad uos, apostolum audi dicentem: Cæcitas, inquit, ex parte facta est in Israel. Quid cæcitas est? Expectate hic cum asino, ut plenitudo gentium intraret, inquit, hoc est postquam adorauerimus ubi sacrificium crucis dominicæ impletum per gentes fuerit prædicatum; hoc est ut plenitudo
- Hier. 3*
Rom. 11

tudo genitum intraret. Quid est, reuertemur ad uos? Et sic omnis Israel saluus fieret. Triduum autem illud, quo uenerunt ad locum immolationis, tres mundi ætates significat: una ante legem, alia sub lege, tertia sub gratia. Ante legem ab Abraham usque ad Moysen: sub lege, a Moysen usque ad Ioannem: inde iam a domino & quidquid restat, tertius dies est gratiæ, in qua tertia ætate, quasi post triduum sacramentum sacrificii Christi completum est. Deinde Isaac ligatis pedibus altari super ponitur, & dominus in ligno suspensus cruci affigitur. Sed illud quod figuratum est in Isaac, translatum est ad arietem. Cur hoc, nisi quia Christus ouis: ipse enim filius, ipse agnus: filius quia natus, aries quia immolatus. Sed quid est quod in uepribus hærebat aries ille? Crux cornua habet, sic enim duo ligna compinguntur in se, cum speciem crucis reddunt. Vnde scriptum est de eo: Cornua in manibus eius sunt. Cornibus ergo hærens aries, Christum significat crucifixum. Vepres autem spinæ sunt. Spinæ iniquos & peccatores significant, qui suspenderunt dominum in cruce. Inter spinas itaque peccatorum Iudæorum suspensus est dominus, sicut per Hieremiam idem dicit: Spinis peccatorum suorum circumdedit me populus hic. Alii hunc arietem, cornibus in uepribus obligatum, eundem senserunt Christum, antequam immolaretur, spinis a Iudæis coronatum. Peracto igitur sacrificio dicitur ad Abraham: In semine tuo benedicentur omnes gentes. quando enim hoc factum est, nisi quando dicit ille aries: Foderunt manus meas & pedes meos, dinu merauerunt omnia ossa mea. hoc enim quando factum est in psalmis sacrificium, tunc in ipso psalmo dictum est: Cōmemorabuntur & conuertentur ad dominum uniuersi fines terræ, & adorabunt in conspectu eius omnes patriæ gentium, quando domini est regnum &c. Immolato igitur Abraham ariete pro Isaac filio suo, uocauit nomen loci illius, Dominus uidet, pro eo quod est dominus uideri se fecit, utique per incarnationem. Sequitur, His ita gestis, nunciatum est Abraham, quod Melcha quoque genuisset filios Nachor fratri suo, Hus primogenitū, & Buz fratrem eius, Camuel quoque patrem Syrorum, & Chesdet, & Azau, Faldas quoque & Gethlaseh, & Batuel, de quo nata est Rebecca. Istos octo genuit Melcha Nachor fratri Abraham. De Melcha uxore Nachor, filia Aran, natus est Hus, de cuius stirpe Iob descendit, sicut scriptum est in exordio uoluminis huius. Vir fuit in terra Hus nomine Iob. Male igitur quidam æstimant Iob de genere esse Esau: siquidem illud quod in fine libri ipsius habetur, eo quod de Syro sermone translatus est, & quartus sit ab Esau, & reliqua quæ ibi continentur, in Hebræis uoluminibus non habentur. Secundus natus est de Melchâ Buz; ex cuius genere fuit Balaam ille diuinus, ut Hebræi tradunt, qui in libro Iob dicitur Helii, primum uir sanctus, & propheta Dei, postea per inobedientiam & desiderium munerum, dum Israel maledicere cupit, diuino uocabulo priuatur. Dicitur in eodem libro: Et iratus Helii filius Barachiel Buzitis. De huius uidelicet Buz radice descendit. Camuel uero pater est Damasci: ipsa enim Aran uocatur, quæ hic pro Syria scripta est, & ipso nomine legitur in Esaia. Non utique illi qui nunciauerunt, nunciare patrem Syrorum potuerunt: ex origine quippe illius Syri Syrorum genus longe postea propagatum est: sed dictum est a persona scribentis, qui post omnia illa tempora hæc scribendo narrauit. Caseth quoque quartus, a quo Casdaim, idest Chaldei postea uocati sunt. Sequitur,

VIXIT autem Sara CXXVII annis, & mortua est in ciuitate Arbe, quæ est Ebron in terra Chanaan. Arbe in lingua Hebræa Quattuor significat, quia ibi Abraham, Isaac, & Iacob conditi sunt, & ipse princeps humani generis Adam, ut in Iesu Naue libro apertius demonstratum est. Sequitur, Venitq. Abraham, ut plangeret & steret eam. Cumq. surrexisset ab officio funeris, locutus est ad filios

De eo quod
scriptum est,
Nunciatum est
Abraham.
XXXVIII

Iob 1

Idem 32

Cap. XXXIII
De morte Sa-
ra. XXXIX

filios Heth dicens: Aduena sum, & peregrinus apud uos, date mihi ius sepulcri uobiscum, ut sepeliam mortuum meum. Responderuntq. filii Heth: Audi nos domine, princeps Dei es apud nos, in electis sepulcris nostris sepeli mortuum tuum, nullusq. te prohibere poterit quin in monumento eius sepelias mortuum tuum. Surrexitq. Abraham, & adorauit populum terræ, filios uidelicet Heth.) Quæritur quo modo scriptum sit, Dominum Deum tuum adorabis, & illi soli seruius, cum Abraham quandam populum gentium sic honorauerit, ut etiam adoraret. Sed animaduertendum est in eodem præcepto non dictum, Dominum Deum tuum solum adorabis, sicut dictum est, Illi soli seruius. Nec moueat quod in alio loco in quadam scriptura prohibet angelus homines adorare se, & admonet ut dominus potius adoretur. talis enim apparuerat angelus, ut pro Deo posset adorari, & ideo fuerat corrigendus adorator. Tunc emit agrum Abraham in quo sepeliuit uxorem suam Saram. Tunc ergo secundum narrationem Stephani in terra illa est collocatus, quando cepit ibi esse possessor, post mortem scilicet patris sui Thare, qui colligitur biennio ante Saram fuisse defunctus. Sed quid sibi uult, quod Sara in sepulcro duplici sepelitur: nisi quia anima, quæ sæculo moritur, ut Deo uiuat, gemina uitæ requie suscipitur, idest actione boni operis, & contemplatione diuinitatis.

ERAT autem Abraham senex dierumq. multorum, & dominus in cunctis benedixerat ei. Dixitq. ad seruum suum seniores domus suæ, qui præerat omnibus quæ habebat: Pone manum tuam sub femur meum, ut adiurem te per dominum Deum celi & terræ, ut non accipias uxorem filio meo de filiabus Chanaanorum, inter quos habito, sed ad terram & ad cognationem meam proficiscaris.) Tradunt Hebræi, quod in sanctificatione Abraham, hoc est in eius circumcissione iurauerit seruis eius. nos autem dicimus iurasse eum in femine Abraham, hoc est in Christo, qui ex illo nasciturus erat iuxta euangelistam Matthæum loquentem, Liber generationis Iesu Christi filii David, filii Abraham. Sequitur, Domine Deus domini mei Abraham occurre mihi obsecro hodie, & fac misericordiam cum domino meo Abraham. Ecce ego sto super fontem aquæ, & filiz habitatorum huius ciuitatis egredientur ad hauriendam aquam. Igitur puella cui dixero, Inclina hydriam tuam ut bibam, & illa responderit, Bibe, quin & camelis tuis dabo potum, ipsa est quam præparasti seruo tuo Isaac.) Aliud est enim, mirum aliquid petere, quod ipso miraculo signum sit, non augurium: aliud, ea obseruare, quæ ita fiunt ut mira non sint, sed a coniectoribus superstitiosa uanitate interpretatæ. Sed hoc ipsum etiam, quod mirum aliquid postulat, quo significetur quod quisque uult nosse, utrum audiendum sit, non parua quæstio est. eo enim pertinet, quod dicuntur qui hoc non recte faciunt tentare dominum. nam ipse dominus cum a diabolo tentaretur, testimonium de scripturis adhibuit, Non tentabis dominum Deum tuum. suggereretur enim tamquam homini, ut signo aliquo exploraret ipse quantus esset, idest quam multum apud Deum posset, quod uitiose fit, cum sit. Ab hoc autem discernitur quod Gedeon fecit, pugne imminente periculo. Consolatio quippe illa magis quam tentatio fuit. Sequitur, Dominus, ait, in cuius conspectu ambulo, mitter angelum suum tecum, & dirigit uiam tuam, accipiesq. uxorem filio meo de cognatione mea, & de domo patris mei. Innocens eris a maledictione mea, cum ueneris ad propinquos meos, & non dederint tibi.) Quo modo illa coniuratio maledictum possit intelligi, nisi maledictus esset, si contra eius coniurationem fecisset. Sequitur,

Responderunt Laban & Batuel: A domino egressus est sermo, non possumus extra placitum eius aliud quidquam loqui tecum. En Rebecca coram te est, tolle eam & proficiscere, & sit uxor filii domini tui, sicut locutus est dominus.)

Quæritur

Cap. XXIII
De Abraham
iuramentum a
seruo exigen-
te. XL

Matth. 1

Idem 4

Queritur quando locutus est dominus: nisi quia uel prophetam esse Abraham
 nouerant, & prophetice a domino dictum, quod per illum dictum fuerat agnosce-
 bant: aut signum illud quod sibi datum seruus eius narrauit, locutionem domini
 appellauerunt. Sequitur, Dimiserunt ergo eam & nutricem illius, seruamq.
 Abraham & comites eius. Decens quippe erat, ut ad nuptias absque parentibus
 uirgo proficiscens, nutricis auxilio frueretur. Sequitur, Soror nostra es, ere-
 scas in mille millia, & possideat semen tuum portas inimicorum suorum. Non
 prophetae fuerunt, aut uanitate tam magna optauerunt, sed eos, quae promiserat
 Deus Abraham, latere non potuit. Quid est quod Abraham puerum inbet sub fe-
 more suo manum ponere, & per cæli dominum intrare, nisi quod illius caro per
 illud membrum descensura erat, qui & Abraham filius esset ex humanitate, & do-
 nus ex diuinitate. Sic utique puero dicitur: Pone manum tuam sub femore meo,
 & iura per Deum cæli. Ac si aperte diceretur: Tange filium meum, & iura per do-
 minum meum. Vnde nec super femur, sed sub femore manum ponere iubetur:
 quia ex illo femore descensurus erat, qui homo quidem, sed super omnes homi-
 nes ueniret. unde dignum non fuit, ut manum super femur poneret, quia nulla ca-
 ro super illam carnem est, quam in redemptionem nostram sibi patris unigenitus
 unitur. Quid est quod Isaac dilecto filio uxor de filiabus Chanaanorum duci pro-
 hibetur, nisi quod illi de quo scriptum est, Hic est filius meus dilectus, in quo mihi
 complacui, nulla reprobæ animæ coniunguntur. De cognatione autem uxorem fi-
 lio deducere seruus præcipitur, quia sola sancta electorum ecclesia unigenito filio
 copulanda erat, quam ipse unigenitus ex prædestinatione iam & præscientia extra-
 neam non habebat. Quis uero est puer, qui ad deducendam uxorem mittitur, nisi
 prophetarum ordo atque apostolorum, omniumq. doctorum, qui dum uerbum
 prædicationis bonis mentibus faciunt, ad unamquamque animam unigenito filio
 coniungendam quasi prouisoires fiunt. Qui pergens de bonis omnibus domini sui
 detulit, quia in his, quæ de domino loquuntur, in semet ipsis uirtutum diuitias
 ostendunt: ut tanto citius ad sequendum Deum pertrahant, quanto auditoribus
 suis in semet ipsis monstrant quæ narrant. Atque isdem puer iuxta fontem stetit,
 atque ex præfixa sententia, quæ puella eligenda esset, proposuit: quia prædicatores
 sancti sacri eloquii fluenta considerant, atque ex ipsis colligunt quæ uel quibus
 prædicationis suæ uerba committant, & ex quibus auditoribus fiduciam certitudi-
 nis assument. Potum uero petiit, quia prædicator omnis animam sui auditoris si-
 tit. Sed Rebecca potum præbuit, quia sancta electorum ecclesia prædicatorum suo-
 rum desiderio ex uirtutis suæ fide satisfecit. quia enim Deum quem audiuit con-
 fessa est, prædicatori suo aquam refecutionis obtulit, eiusq. animum refrigerauit.
 Et notandum, quod hydriam ab humeris in ulnas posuit, quia illa est placita con-
 fessio, quæ a bono opere procedit: uel certe aquam præbuit, quia in hoc quod cre-
 dit, uacua non remansit. nam: mox prædicare studuit quod audiuit, & docen-
 do multos ex se prædicatores protulit. Aqua quippe in hydria est scientia prædi-
 cationis in mensura, quia sancta ecclesia studet non plus sapere, quam oportet sa-
 pere, sed sapere ad sobrietatem. & hydræ aqua in ulna, est doctrina prædicationis
 in opere: quæ non solum eius comitibus, sed potum etiam camelis præ-
 buit: quia uerbum uitæ non solum prudentibus, sed etiam stultis prædicat, iux-
 ta Pauli uocem dicentis: Sapientibus & insipientibus debitor sum. Vel certe
 aqua etiam iumentis datur, quando quo modo cura carnis sit habenda disponi-
 tur, ut ex uoluptate impendi non debeat, & tamen in necessitatibus non nege-
 tur, sicut scriptum est, Carnis curam ne feceritis in desideriis. qui enim hanc in
 desideriis fieri prohibet, proculdubio in necessitate concedit, iuxta hoc quod
 rursum

rursum dicitur : Nemo carnem suam odio habet, sed nutrit eam. Puer autem Rebecce in aures & armillas dedit, quia prædicator quisque & auditum sanctæ ecclesiæ per obediẽtiam, & manus per bonæ operationis meritum exornat. Sed in aures duorum scilicet scilicet sunt, armillæ autem scilicet decem, quia prima virtus obediẽtiae in caritate est. quæ videlicet caritas in duobus præceptis distinguitur, ut Deus & proximus diligatur. Et recta operatio ex decalogi completionem perficitur, ut cum bona agi cœperint, mala iam nulla perpetrentur. Rebecca autem esse in domo patris sui locum spatiosum ad manendum perhibuit : quia a priori iam populo naturæ legem sancta ecclesia se scisse monstravit, & prædicationis uerba in am-
 20 plo caritatis gremio suscepit. doctore enim spatiosus ad manendū locus est, in auditorum corde latitudo ueritatis. Vnde & quibusdam dicitur : Capite nos, neminem læsimus, neminem corrupimus, non angustiamini in nobis, angustiamini autem in uisceribus uestris. Ac si aperte eis diceretur, Ad suscipiendam doctrinam spatiosum locum mentis facite, sed ad cogitanda carnalia angusti remanete. Quod palcarum ac seni plurimum habere indicauit, significat quia sancta ecclesia uerba uitæ audiens; terrena stipendia prædicatoribus reddidit, quæ Paulus quasi pro nihilo accipere se dixit : Si nos, inquit, spiritalia uobis seminauimus, magnum est si
 1. Cor. 9 a uobis carnalia metamus. Frater autem Rebecce erat Laban. qui concitus egres-
 sus, in aures & armillas sororis aspiciens, intus puerum uocauit : quia sunt carnales
 30 quique fidelibus coninncti : qui dñm spiritalium dona conspiciunt in admiratione positi, & si non usque ad opera, tamen in animam usque ad suscipiendam fidem uerbum prædicationis admittunt. quia enim bonos sæpe miraculis fulgere considerant, ea quæ de æternitate audiunt non recusant, quamuis sanctam electorum ecclesiam moribus non sequentes in carnali operatione remaneant. Qui Laban paleas, fenum, aquam, panem obtulit, sed pner nisi causam prius coniugii obtineret, accepturum se esse recusauit : quia sunt plerique, qui doctores suos ex temporalibus stipendiis continere parati sunt, sed prædicatoris sancti recipere nolunt temporalia, nisi prius obtineant æterna. si enim in animabus fructum non inueniunt, sumere stipendia corporibus contemnunt : nec pedes aqua lauant, quia laborem sui desiderii nulla consolatione releuant. Mox ut causam coniugii domini sui puer ob-
 30 tinuit, uasa aurea atque argentea, ac uestes protulit, quas Rebecce dedit : quia doctores sanctæ ecclesiæ tot ornamenta præbent, quot uirtutum dona docuerint. quæ enim prius in aures atque armillas acceperat, iam nunc uasa aurea & argentea ac uestes accepit : quia sancta ecclesia, quæ ante per fidem operationem & obediẽtiam percepit, excresecens postmodum etiam ad spiritalia dona conualescit, ut prophetiæ spiritu repleta & uirtutum gratia, ampliatis iam muneribus crescat. Puer uero matri eius ac fratribus dona obtulit, quia gentilitas, ex quo ecclesia ad fidem uenit, post conuersionem eius in gloria temporali conualuit, sicut & nunc cernimus, quia ubique christianiani afflictione sentiunt, & gentiles quique in terrena uirtute gloriantur. & fratres eius dona percipiunt, quia ii qui eam fidem uerbo te-
 40 nus tenent, sed non professionem suam moribus non sequentes carnaliter uiuunt, benigne a fidelibus honorari solent pro eo quod esse fideles uidentur. Mater ergo & fratres dona percipiunt, a sorte tamen hereditatis alieni : quia siue infideles, siue carnaliter uiuunt, qui intra fidei professionem tenentur, ad hereditatis æternæ sortem non ueniunt, sed tamen supernæ largitatis gloriam temporaliter consequuntur. Rebecca autem cum puellis suis significat, quia sancta ecclesia habet secum minoris meriti animas sodales suas. nam & si in quibusdam per sensum mentis in toto contemplationem non habet, tales animæ quasi puellæ Rebecce sunt, quam sequuntur moribus : sed tamen ad contemplationem istarum animæ ascendunt.
 & ex

& ex eisdem puer quasdam habuit in comitatu: quia cum sanctis prophetis fuerunt quidam, qui bene uiuerent, & prophetiæ spiritum nõ haberent: & cum beatis apostolis atque doctoribus fuere plerique, qui uitam moribus tenerent, sed prædicatores uerba non promerent. Festinus autem puer ad domum redit, quia prædicatores sancti cum prædicando uitam audientium obtinent, illi mox gratias reddunt, de cuius hoc munere perceperunt: sibi in ea operatione nihil tribuunt, sed auctori.

10
Eo autem tempore Isaac deambulabat per uiam quæ ducit ad puteum, cuius nomen est uiuentis & uidentis. Quis est uiuens, & uidens, nisi omnipotens Deus, de quo scriptum est: Viuo ego in æternum dicit dominus. De quo rursum dicitur: Omnia nuda & aperta sunt oculis eius. Puteus uero uiuentis & uidentis est hæc sacræ scripturæ profunditas, quam nobis ad irrigationem mentis præbuit omnipotens Deus. Quæ est uia, quæ ducit ad puteum uiuentis & uidentis, nisi humilitas passionis unigeniti, per quam nobis apertum est hoc quod prius latenter scripturæ sacræ fluctu loquebantur. nisi enim unigenitus Dei filius incarnatus, tentatus, apprehensus, colaphis cæsus, sputis illusus, crucifixus, ac mortuus fuisset, nobis huius putei, idest scripturæ sacræ profunditas non pateret. Quid ergo fidelibus humilitas passionis eius facta est, nisi clauis apertionis, per quam mysterium Dei puteum inuenimus, ut aquam scientiæ de profundo biberemus. Incarnationem quippe, passionem, mortem, resurrectionem, atque ascensionem illius, sacri eloqui pagine testantur. Quæ quia facta cognouimus, iam nunc intelligimus audita. Hæc autem legi poterant, sed quia necdum euenerant, intelligi non ualebant. Vnde & per
20
Apocal. 5 Ioannem dicitur: Vicit leo de tribu Iuda radix David aperire librum, & soluere signacula eius. ipse enim librum aperuit, & signacula eius soluit, qui nascendo, moriendo, resurgendo, atque ad cælos ascendendo, scripturæ sacræ nobis arcana patefecit. Et notandum, quod nõ dicitur, ambulabat per uiam, quæ ducit ad puteum, sed deambulabat. deambulat quippe, qui uiam, per quam ambulat, eundo & redeundo cõculcat: in humilitate passionis dominus deambulauit, quando a Iudeis uerborum contumelias, modo contra se falsum testimonium, modo alapas, modo sputa, modo spineam coronam, modo crucem tolerando sustinuit. Deambulasse igitur in humilitate passionis est, tot aduersitates & probra diuersis modis iterando pertulisse. Qui Isaac, ueniente Rebecca, in terra australi habitabat, quia unigenitus dominus ac redemptor noster, ueniente ad se ecclesia in illorum mentibus mansit, quos ex Iudæa editos non torporis frigus, sed serui caritatis tenuit. Ex illo quippe populo Anna prophetissa, ex illo Simeon extitit, qui in ulnas dominum accepit. Egressus autem fuerat ad meditandum in agro. Quia ager mundus accipitur, ipse dominus per se exponit, dicens: Ager autem est mundus. Qui in hoc egressus est, eo quod uisibilis apparere dignatus est, sicut scriptum est: Existi in salutem populi tui, ut saluos facias Christos tuos. Solent exercendi iuuenes, in armorum usu meditari: Isaac ergo ad meditandum in agro exiit, quia redemptor noster se sequentibus formam humilitatis præbens, per exercitium longanimitatis suæ passionis in se & patientiæ exempla monstrauit. Meditatio armorum est frequentatio passionum. qui enim uerbera manuum, lanceam, crucem pertulit, passionem suam usque ad mortem in se frequentare pertulit. Passiones uero arma dicimus, quia per ipsas ab aduersario occulto liberamur. Qui ad meditandum in agro inclinatus iam die exiit, quia passionum exercitia iuxta finem mundi suscepit, sicut per Psalmistam de crucifixionis suæ passione loquitur, dicens: Eleuatio manuum mearum sacrificium uespertinum. Quid est autem quod Rebecca ad Isaac dorso cameli deducitur, nisi quod per Rebeccam (sicut præfati sumus) ecclesia: & per camelum cui prædict, tortis moribus atque inhonestis idolorum cultibus
cultus

tibus gentium populus designatur. qui enim ex semet ipsis sibi inuenerunt Deos quos colerent, quasi a semet ipsis eis in dorso onus excruciat quod portarent. Rebecca ergo ad Isaac ueniens, dorso cameli deducitur: quia ad Christum ex gentilitate ecclesia properans, intortis uitiosisq. uitæ ueteris conuersationibus inuenitur. Quæ ut Isaac uidit, de camelo descendit: quia sancta ecclesia quanto redemptorem suum ecclesia agnoscit, tanto carnalis uitæ studia humiliter deserit, atque in semet ipsa fortitudini uitiosæ contradicit. Isaac ergo uiso descendit, quia domino cognito uitia sua gentilitas deseruit, & ab elationis celsitudine ima humilitatis petiit. Quid est autem, quod Isaac in camelo sedens Rebecca conspexit, nisi quod redemptorem suum ecclesia ex gentibus ueniens, dum adhuc uitæ esset inuixa, & nec dum spiritualibus, sed animalibus motibus inhaereret, agnouit. Nec mouere debet, quod puer quoque cum camelis uenerat, in quibus diuitias domini sui ferebar, quia ipsi quoque prædicatores sancti, quamuis iam ad superiora intelligenda atque præferenda intellectu & uita emicent, adhuc tamen in semet ipsis contradictionem carnis sentiunt. nam uident aliam legem in membris suis, repugnantem legi mentis suæ, se seducenem in lege peccati: & diuitias in camelis portant, quia ne magnitudo reuelationum extollat eos, datur eis stimulus carnis suæ. habent enim thesaurum istum in uasis fictilibus, ut sublimitas sit uirtutis Dei, & non ex ipsis. qui enim per carnem caelestia loquuntur, & tamen adhuc in carne contradictionem de uitio sentiunt, quid aliud quam super rotuosa camelorum dorsa insident? Rebecca uero Isaac uiso quis ille homo sit, requisito puero cognoscit, quia quotidie sancta ecclesia adhuc per prophetarum atque apostolorum dicta, quid de redemptore suo credere debeat, intelligit: quæ sese mox pallio operuit, quia quanto subtilius saluatoris sui mysteria penetrat, tanto altius de antea dicta uitata confunditur, & quia peruerse egerit uerecundatur: pallio se operire curauit, quia uiso domino infirmitatis suæ actiones erubuit, & illa quæ prius in camelo libere gestabatur, descendens postmodum uerecundia tegitur. Vnde eidem ecclesie a priore electione conuersæ per apostolicam uocem, quasi Rebecca de camelo descendenti, sibi q. pallium superducenti dicitur: Quem enim fructum habuistis

30 tunc in illis, in quibus nunc erubescitis. Quam Isaac in tabernaculum suæ matris introduxit, atque uxorem accepit: quia loco Synagoge dominus, ex qua per carnem natus, sanctam ecclesiam diligit, eamq. sibi in amore & contemplatione coniunxit: ut quæ prius proxima ex cognatione, idest cognata ex prædestinatione fuerat, postmodum iam coniuncta in amore continuo uxor fuit. Quam intantum dilexit, ut dolorem qui ex morte matris accesserat temperaret: quia ex lucro sanctæ ecclesie redemptor noster eam quæ ex perditione synagoge accedere potuit, tristitiam detersit. dum enim Rebecca coniungitur, dolor de morte matris amputatur. quia dum sancta ecclesia ex gentilitate ueniens usque ad thorum contemplationis perducitur, Iudæa pro nihilo habetur. Qui si interpretare ipsa eorum nomina percuramus, Isaac Risus, Rebecca autem Patientia dicitur. risus uero ex lætitia est, patientia autem de tribulatione. Et quoniam sancta ecclesia iam in caelestis sit gaudii contemplatione suspensa, habet tamen adhuc quod triste de mortalis carnis pondere toleret. Isaac uero & Rebecca iungitur, idest risus & patientia permiscetur: quia fit in sancta ecclesia hoc quod scriptum est, Spe gaudentes, in tribulatione patientes: ut hanc & prospera de contemplatione lætificent, & adhuc aduersa de tribulatione perturbent. Sequitur,

ABRAHAM uero aliam duxit uxorem, nomine Cethuram.) Quæstio hic est, si peccatum esset, maxime in antiquis dantibus operam propagandæ proli. Neque incontinentia suspicanda est tanti uirgini, in illa præsertim iam ætate. Cur

H autem

Rem. 6

Idem 12

C. AP. XXV
De Cethura
uxore Abra-
hæ. XLI

autem de hac filios fecerit, qui cum miraculo de Sara iam fecerat, supra dictum est. quid si enim & hoc prouisum est in ipso patre multarum gentium, post obitum coniugis iterum coniugari, ut demonstraretur non esse peccatum? Veruntamen hoc factum Abraham, quod post mortem Saræ de Cethura filios procreauit, non sic accipiendum est, quasi humana consuetudine & cogitatione tantummodo substituenda numerosioris prolis hoc factum sit, sic enim possent accipere homines etiam quod de Agar factum est, nisi apostolus admoneret, illa fuisse facta propheticæ in utriusque personis mulierum, earumq. filios duo testamenta ad futurorum prænunciationem allegorica significatione figurare. Vnde in ipso quoque Abraham factum aliquid tale querendum est, etsi non facile occurrat. Ergo interim mu- 10 nera, quæ acceperunt filii concubinarum, uidentur mihi significare quædam Dei dona, uel in sacramentis, uel in quibusque signis, etiam carnali populo Iudzorum & hæreticis data, uelut filiis concubinarum, cum hereditatis munus, quod est caritas & uita æterna, non nisi ad Isaac pertineat, hoc est, ad filios promissionis.

De morte Abrahamæ XLII

De generationibus Ismahel XLIII

Fuerunt autem dies Abrahamæ CLXXXV anni, & deficiens mortuus est in senectute bona. Annorum ergo LXXXV Isaac filium suum dereliquit, quem centenarius genuit. Iam ex hoc per posteros Abraham, id est, Isaac & Iacob, ciuitatis Dei quo procurrant tempora uideamus. Hæ sunt generationes Ismahel filii Abraham, quem peperit ei Agar Aegyptia famula Saræ, & hæc nomina filiorum eius in uocabulis & generationibus suis. Non enim satis elucet cur additum sit, Secun- 20 dum nomina generationum eorum, cum hi soli nominentur quos ille genuit, non etiam qui ab ipsis geniti sunt: nisi forte, quia nationes ex illis propagatæ eorum nomini- bus sunt appellatæ, hoc significatum sit, cum dictum est, Secundum nomina generationum eorum: quamuis hoc modo illæ nationes secundum nomina istorum, non ista nomina secundum illas nationes, quia illæ posterius extiterunt: Vnde notanda locutio est, quia & postea de illis dicitur, Duodecim principes secundum gentes eorum, tamquam dixisset, secundum quæ nomina gentes eorum appellatæ sunt. Sequitur, Duodecim principes tribuum suarum. Et facti sunt anni uitæ Ismahel CXXXVII, deficiensq. mortuus est, & appositus ad populum suum. Habitauit autem ab Euila usque Sur, quæ respicit Aegyptum introeuntibus 30 Assyriis: coram cunctis fratribus suis obiit. Euila, est regio, quam circuit fluuius Physon, exiens de paradiso. dicta autem Euila, a quodam nepote Noe. est & alia Euila solitudo contra faciem Aegypti. Sur quoque solitudo est inter Cades & Barath, extendens desertum usque ad mare rubrum, & Aegypti confinia. Duodecim filii nati sunt Ismahel, e quibus primogenitus fuit Nabaioth, a quo omnis regio ab Euphrate usque ad mare rubrum, Nabathea usque ad hodie dicitur, quæ pars Arabiæ est. nam & familiæ eorum opidaq. ac castella munita, & tribus horum appellatione celebrantur. Quod autem in extremo huius rei capitulo scriptum est, Coram omnibus fratribus suis occubuit: id est, in manibus omnium filiorum suorum mortuus est, superstitibus liberis, & nullo prius morte prærepto. 40 Fratres autem pro filiis appellari, Iacob quoque ad Laban demonstrat, dicens, Quod est peccatum meum, quia persecutus es post me, & quia scrutatus es omnia uasa mea, quid inuenisti de uniuersis domus tuæ? Ponatur coram fratribus meis, & fratribus tuis, & diiudicent inter nos. nec enim possumus credere, ut scriptura commemorat, quod Iacob exceptis liberis secum fratres alios habuerit. Sequitur, Deprecatusq. est dominum pro uxore sua, eo quod esset sterilis. Qui exaudivit eum, & dedit conceptum Rebecæ. Sed & collidebantur in utero eius paruuli. Quæ ait, Si sic mihi futurum erat, quid necesse fuit concipere? Perrexitq. ut consulere dominum. Queritur quo ierit: non enim erant tunc propheta,

De eo quod scriptum est, Deprecatus est Isaac. XLIIII

phetæ, aut sacerdotes, secundum ordinem tabernaculi uel templi domini. Quo ergo ierit, merito mouet: nisi forte ad locum, ubi aram construxerat Abraham. Sed illic quo modo responda dentur, omnino tacet scriptura: utrum per aliquem sacerdotem: quod incredibile est, si erat, non fuisse nominatum: an erant aliqui tales, etiam illo tempore, homines Dei, in quibus posset Deus interrogari. Quidquid horum est, & si quid aliud quod me forte commemorare præterierit, meniui tamen scriptura non potest, quæ dixit Rebeccam isse ad interrogandum Deum, eiq. respondisse. Dux gentes in utero tuo sunt, & duo populi ex uentre tuo diuidentur, populusq. populus superabit, & maior seruiet minori.) Spirituali intelligentia carnales in populo Dei significantur per maiorem filium, & spirituales per minorem: quia sicut dicit apostolus, Non prius quod spiritale est, sed quod animale, postea uero quod spiritale. Sic solet & hic intelligi hoc quod dictum est, ut in Esau figuratus sit maior populus Dei: hoc est, Israeliticus secundum carnem: per Iacob autem figuratus sit ipse Iacob, secundum spiritalem progeniem. Sed & historica proprietate hoc responsum inuenitur esse completum, ubi populus Israel, hoc est, Iacob minor filius superauit Idumæos, hoc est, gentem quam propagauit Esau: eosq. fecerunt tributarios per Dauid, quamdiu fuerunt usque ad regem, sub quo Idumæi rebellauerunt, & iugum Israelitarum Idumæi a ceruice sua deposuerunt, secundum prophetiam ipsius Isaac, quando minorem pro maiore benedixit. hoc enim dixit eidem maiori, cum & ipsum postea benediceret. Ego puto quod & de singulis nobis hoc dici potest, quia dux gentes & duo populi intra nos sunt. nam & uirtutum populus, uirtutum nihilominus intra nos est. de corde enim nostro procedunt cogitationes malæ, adulteria, furta, falsa testimonia, doli, contentiones, hæreses, inuidiæ, comestiones, & his similia. Vides quantus malorum populus intra nos est. Si uero mereamur illam uocem dicere sanctorum, A timore tuo domine concepimus & peperimus, spiritum salutis tuæ fecimus super terram: tunc & alius intra nos populus inuenitur, in spiritu generatus. fructus enim spiritus est caritas, gaudium, pax, longanimitas, patientia, bonitas, mansuetudo, continentia, castitas, & his similia. Vides alium populum, qui & ipse intra nos est: sed iste minor est, ille maior. Semper enim plures sunt mali, quam boni, & uitia numerosiora uirtutibus. Sed si tales sumus, qualis Rebecca, & mereamur de Isaac, id est, de uerbo Dei habere conceptum, etiam in nobis populus populum superabit, & maior seruiet minori: seruiet enim caro spiritui, & uitia uirtutibus cedent. Sequitur, Iamq. tempus pariendi uenerat, & ecce gemini in utero reperti sunt.) Hic sermo, id est, temporis completio, numquam nisi de sanctis mulieribus scribitur, si-
 cut de hac Rebecca, & Elisabeth matre Ioannis, & Maria matre domini nostri Iesu Christi. unde eximium aliquid & præter ceteros homines huiusmodi partus ostenditur, & impletio dierum ortum perfectæ sobolis indicat. Qui primus egressus est, rufus erat, & totus in morem pellis hispidus, uocatumq. est nomen eius Esau. Protinus alter egrediens, plantam fratris tenebat manum, & iccirco appellatus est Iacob.) Non ob aliud ante aduentum domini scripta sunt omnia, quæ in scripturis sanctis legimus, nisi ut domini commendaretur aduentus, & futura præsignaretur ecclesia, id est, populus Dei per omnes gentes, quod est corpus eius, adiunctis atque adnumeratis omnibus sanctis, qui etiam ante aduentum eius in hoc sæculo uixerunt, ita eum credentes uenturum esse, sicut nos uenisse. sicut enim Iacob matrem prius, dum nasceretur, emisit ex utero, quæ etiam pedem prænascens fratris tenebat, deinde utrique secutum est caput, tunc demum necessario cetera membra: sed tamen caput non tantum ea membra quæ secuta sunt, sed etiam ipsam manum quæ in nascendo præcessit, dignitate ac potestate præcedit: & quamuis non tem-

De dicto ad
Rebeccam,
Dux gentes
etc. XLV
1 Cor. 13

Isa. 26

De natiuitate
Esau & Iacob
XLVI

pore apparendi, tamen naturæ ordine prius est, ita & dominus Iesus Christus, etiam antequam appareret in carne, & quodammodo ex utero secreti sui ad hominū oculōs mediator Dei & hominū homo procederet, qui est super omnia Deus benedictus in sæcula, præmisit in sanctis patriarchis & prophetis quandam partem corporis sui, quæ uelut manu nasciturum se esse prænunciāns, etiam populum superbæ præcedentem, uinculis legis tamquam digitis quinque supplantat: quia & per tempore quinquē articulos prænunciari uenturus prophetariq. non destitit: & huic rei consonantes per quos lex data est, libros quinque conscripsit: & superbi carnaliter sapientes, & suam iustitiam uolentes constituere, non aperta manu Christi repleti sunt benedictione, sed constricta atque conclusa retenti sunt. Itaque illi obligati sunt pede, & ceciderunt: nos uero surreximus, & erecti sumus. Quamuis ergo, ut dixi, præmiserit dominus Christus quandam partem corporis sui in sanctis, qui cum nascendi tempore præcesserunt: tamen ipse est caput corporis ecclesiæ, illiq. omnes eidem corpori, cuius ille caput est, cohaerent, credendo in eum, quem prænunciabant. non enim præcurrendo diuulsi sunt, sed adiuncti potius obsequendo. nam etsi manus a capite præmitti potest, connexio tamen eius sub capite est. Quæ propter omnia quæ ante scripta sunt, ut nos doceremur scripta sunt, & figuræ nostræ fuerunt, & in figura contingebant illis: scripta sunt autem propter nos, in quos finis sæculorum obuenit. qui enim primus egressus est, rufus erat, & totus in motem pellicis hispidus, uocatumq. est nomen eius Esau. Protinus alter egrediens, plantam fratris tenebat manu, & iccirco appellatus est Iacob. Quod Paulus apostolus magnū uult intelligi gratiæ documentum. Cur ille totus rufus & hispidus, nisi quia populus prior prophetarum & Christi fuit cruore pollutus, ac peccati & nequitie squalore exstitit circumdatus: Cuius ideo minor calcaneum tenuit: quia mystice, maior minorem superaturus erat. planta enim Esau nouissimum præsignabat Israelitici populi tempus, in quo dominus noster aduenire dignatus est, ut eis conferret salutem. Sed in typo Niniuitarum gentium populus, ut Iacob Esau, Israel incredulum cōdemnauit. Vnde & Iacob, a luctando uel supplantando nomen accepit. Sequitur, Sexagenarius erat Haac, quando nati sunt parui.) Sexta enim ætate mundi populum Iudæorum propter superbiam & incredulitatem uidemus esse abiectum, & gentium populum ad fidem Christi reuocatum. Sequitur, Quibus adultis, factus est Esau uir gnarus uenandi & homo agricola: Iacob autem uir simplex habitabat in tabernaculis. Isaac amabat Esau, eo quod de uenationibus illius uesceretur, & Rebecca diligebat Iacob.) In typo itaque Esau, carnalis populus Israel, ut de Nembroth legitur, Venator fuit & agricola: id est, proprium derelinquens Deum, externarum gentium diis cultum sacrilegum exhibuit, & terrenis cupiditatibus ac desiderijs deditus est. Quod uero Iacob in domo simplex habitabat & sine dolo, non per dolum accepit primogeniti benedictionem, nec per fraudem subripuit, sed ut sibi debitam accepit, quam concedente fratre de lentis mercede comparauit. Sequitur, Coxit autem Iacob pulmentum. Ad quem cum uenisset Esau lassus de agro, ait, Da mihi de coctione hac rufa, quia opido lassus sum. Quam ob rem uocatum est nomen eius Edom. Cui dixit Iacob, Vende mihi primogenita tua. At ille respondit, En morior, quid mihi proderunt primogenita? Ait Iacob, Iura ergo mihi. Iurauit Esau, & uendit primogenita, & sic accepto pane & lentis edulio comedit, & bibit, & abiit, parui pedens quod primogenita uendisset.) Tra dunt Hebræi omnes primogenitos sanctos officio sacerdotali antequam Aaron in sacerdotium eligeretur, & habuisse uestimentum sacerdotale, quo indui uicinas Deo offerbant: & hæc esse primogenita, hoc est, uestimenta Esau, quæ uendit Iacob fratri suo. nam quod iste Esau primogenita sua propter escā fratri suo iuniori

uenumda-

*De diuersitate
ingeniorum in
geminis.*

XLVII

*De uenditis pri
mogenitis ab
Esau.*

XLVIII

uenundauit, ac postmodum paterna benedictione priuatus est: significat eundem Israeliticum populum, qui a Deo, ut Exodi indicat liber, primogenitus filius nuncupatus est: qui propter presentis sæculi lucra, non solum primatus sui honorem amisit, uerum etiam & regni cælestis præmium præparatum adipisci non meruit: domino quodam modo id eidem exprobrante, cum dicit, Auferetur a uobis regnum Dei, & dabitur genti facienti fructum eius. Primogenita autem ipsa, ut iam supra dictum est, uestis erat sacerdotalis, quam maiores natu cum benedictione patris induti, uictimas Deo uelut pontifices offerebant: hoc dono terreni amoris desiderio caruerunt Iudæi cum gloria regni futuri. Sequitur,

Matth. 21

10 ORTA autem fame super terram post eam sterilitatem quæ acciderat in diebus Abraham, abiit Isaac ad Abimelech regem Palæstinorum in Gerara. Quæritur hoc quando sit factum: utrum postea quam Esau uendidit primogenita sua, post illam quippe narrationem hoc narrare incipit: an, ut fieri solet, per recapitulationem narrator ad ea reuersus sit, cum progressus de filiis eius ad eum locum peruenerisset, qui de lenticula commemoratus est. Mouet autem quia ipse inuenitur Abimelech, qui etiam Saram concupiuerat: ipsius enim paranympus & princeps militiæ qui ibi commemorati sunt, etiam hic commemorantur: utrum uel uiuere potuerint. quando enim amicus factus est Abraham, nondum natus erat Isaac, sed iam promissus. Ponamus ante annum, quam naceretur Isaac, hoc fuisse factum.

*CAP. XXVI
De peregrinatione
Isaac ad
Abimelech.*

XLIX

20 Deinde Isaac suscepit filios, cum esset annorum LX, illi autem iuuenes erant, quando uendidit Esau primogenita sua. ponamus enim ipsos circa XX annos fuisse. fiunt anni ætatis Isaac usque ad illud factum filiorum eius circiter LXX. Adolecentem accipiamus fuisse Abimelech, quando matrem ipsius concupiuit, & Abraham amicus est factus. Potuit ergo iam esse quasi centenarius, si post illud factum filiorum suorum perrexerit in eam terram famis necessitate Isaac. Non ergo ex hoc cogit nulla necessitas per recapitulationem putare narratam profectionem Isaac in Gerara: sed quia ibi diuturno tempore fuisse Isaac scribitur, & patres tot disse, & de his contendisse, & ditatum fuisse pecunia, mirum nisi recapitulando ista commemorantur, quæ ideo fuerant prætermissa, ut primum de filiis eius, usque ad illum locum de lenticula, narratio perueneret. Sequitur,

30 Apparuitq. ei dominus, & ait, Ne descendas in Aegyptum, sed quiesce in terra quam dixero tibi, & peregrinare in ea, eroq. tecum, & benedicam tibi: tibi enim & semini tuo dabo uniuersas regiones has, complens iuramentum meum quod spondi Abraham patri tuo: & multiplicabo seminem tuum sicut stellas cæli, daboq. posteris tuis uniuersas regiones has, & benedicentur in semine tuo omnes gentes terræ, eo quod obedierit Abraham uoci meæ, Iste patriarcha nec uxorem habuit aliam, nec aliquam concubinam, nec ideo tamen istum patri eius præferre debemus. erant enim proculdubio paternæ fidei & obedientiæ merita potiora, intantum ut propter illum dicat Deus se huic facere bona quæ facit, cum illi dicat, Ego sum Deus Abraham patris tui, noli timere, tecum enim sum, & benedixi te, & multiplicabo semen tuum: ut intelligamus quam caste Abraham fecerit, quod hominibus impudicis & nequitia suæ de scriptis sanctis patrocinia querentibus uidetur fecisse libidinosæ. Sequitur, Mansit itaque Isaac in Geraris. qui cum interrogaretur a uiris loci illius super uxore sua, respondit, Soror mea est. timuerat enim confiteri, quod sibi esset sociata coniugio, reputans ne forte interficerent eum propter illius pulchritudinem. Quod Isaac Rebeccam quæ uxor erat, sororem sinxerit: genus enim Rebecæ non tacitum est, & eam per notissimam propinquitatem sororem eius fuisse manifestum est. Vt autem taceret uxorem quid mirum, aut quid prauum, si imitatus est patrem, cum eadem iustitia defendatur, quæ pater eius de simili obiecto inculpatus inuentus est?

40

H 3 Sequitur,

Sequitur. Cumq. pertransissent dies plurimi, & ibidem moraretur, prospiciens Abimelech Palæstinorum rex per fenestram, uidit eum iocantem cum Rebecca uxo-
 re sua, & accessito eo ait, Perspicuū est quod uxor tua sit. Cur mentitus es, sororem
 tuam esse? Qui respondit, Timui ne inorerer propter eam. Quæ igitur pro Abra-
 ham quod ad hanc rem attinet, eadem etiam pro Isaac filio eius ualent, quæ recen-
 sere non est difficile: nisi forte studioforum aliquis quærat, in cuius figuræ sacra-
 mento accipiendum sit, quod rex alienigena Rebeccam uiri sui coniugem tunc es-
 se cognouit, quando eum cum illa ludentem uidit, quod nō cognouisset, nisi cum
 coniuge ille sic luderet, quo modo cum ea, quæ coniunx non esset, ludere non de-
 ceret. quod cum sancti coniugati faciunt, non inaniter faciunt, sed prudenter. de-
 scendunt enim quodam modo ad seminei sexus infirmitatem, ut aliquid blanda
 hilaritate uel dicant uel faciant, non eneruantes, sed temperantes uirilem uigorem.
 Quid autē sibi uelit in sacramento Christi & ecclesiæ, quod tantus patriarcha cum
 coniuge luserit, coniugiumq. illud inde sit cognitum: profecto quisquis ne aliquid
 errando in ecclesiæ peccet, lecretum uiri huius in scripturis sanctis diligenter intue-
 tur, inueniet eum maiestatem suam, qua in forma Dei æqualis est, paulisper abscon-
 disse in forma serui: ut eius capax esse humana infirmitas posset, eoq. modo con-
 iugi se congruenter aptaret. quid enim absurdum, immo quid non conuenienter
 futurorum prænuntiationi accommodatum, si propheta Dei carnaliter aliquid lu-
 sit, ut eum caperet affectus uxoris, cum ipsum uerbum Dei caro factum est, ut habi-
 taret in nobis? Sequitur, Seminauit autem Isaac in terra illa, & inuenit in ipso an-
 no centuplum. Benedixitq. ei dominus, & locupletatus est homo, & ibat proficiēs
 ac succrescens, donec magnus uehementer effectus est. Secundum terrenam felici-
 tatem dictum Isaac locupletatum, sequentia docent. exequitur enim narrator eadē
 eius diuitias, quibus magnus factus est, & hinc motus est Abimelech. Timuit
 illum ibi esse, ne potentia eius sibi esset infesta. Quamquam ergo spiritale aliquid
 ista significant, tamen secundum id quod contigerunt, ideo præmissum est, Bene-
 dixit enim dominus: ut sana fide intelligamus etiam ista temporalia dona nec dari
 posse nec sperari debere, etiam cum ab infirmioribus appetuntur, nisi ab uno Deo
 tribuantur: & qui in minimis fidelis est, & in magnis fidelis sit: & qui in Mam-
 na iniquo fidelis est inuentus, etiam uerum accipere mereatur: sicut dominus in
 euangelio loquitur. Isaac, sermo domini est, qui sermo in lege Dei ordei seminat;
 in euangelis triticum. illum enim cibum perfectioribus & spiritualibus, hunc imper-
 fectioribus & animalibus parat: quia scriptum est, Homines & iumenta saluos facies
 domine. Isaac ergo, sermo legis, ordeum seminat, & tamen in ipso ordeo inue-
 nit centesimum fructum. Inuenis & in lege martyres, quorum est centesimus fru-
 ctus. Sed & dominus noster Isaac, euangeliorum perfectiora quæque apostolis, tur-
 bis autem cōmunia plane loquebatur. Vis autem uidere, quia etiam ipse ordei ci-
 bos incipientibus exhibet? Scriptum est in euangelis, quia secundo pauperi turbas;
 sed illas quas primum pascit: postea uero cum iam profecissent in uerbo & doctrina,
 triticeos eis exhibet panes. Sed post hoc dominus, inquit, benedixit Isaac &
 magnificatus est ualde. Paruus erat Isaac in lege, sed processu temporis fit magnus
 in prophetis. nam cum in sola lege est, nondum magnus est, quippe quæ & uelami-
 ne testā est. Crescit ergo in prophetis: iam cum peruenerit usque ad hoc, ut uela-
 men abiciat littera, tunc erit magnus ualde, cum coeperit littera legis uelut palea
 ordei eius secerni, & apparuerit quod spiritualis est lex: tunc magnificabitur Isaac,
 & fiet magnus ualde. uide enim quia & dominus in euangelis paucos panes fran-
 git, & quot millia refecit populorum, & quanti cophini reliquiarum supersunt. Do-
 nec in tegri sunt panes, nemo saturatur, nemo reficitur: nec ipsi panes uidentur au-
 geri.

De prouentu
 frugum Isaac
 L

Luca 16

Psal. 35

geri. Considera ergo nunc, quo modo paucos panes frangimus in scripturis diuinis. Paucos sermones assumimus, & quot millia hominum saturantur? Sequitur,

Habuit quoque possessionē ouium & armentorū & familiarum plurimum, & cepit fodere puteos, quos foderat pueri patris eius Abraham, sed inuidetes eis Philistiim obstruxerunt eos humo. & reliqua.) Quis est iste Isaac, nisi saluator noster? Quis est iste, qui cum descendisset in istum torrentem Gerara, primo omnium illos puteos fodere uult, quos foderat pueri patris eius: idest, Moyses puteum legis foderat: David, Salomon & propheta, qui libros scripserunt ueteris testamenti: quos tamen terrena & sordida repleuerat intelligentia Iudaeorum. Hos cum uellet purga-

De puteis.

L I

C. 1. 1.

C. 1. 1.

- 10 Isaac, idest, dominus noster, & saluator, cuius ille Isaac figuram gessit: ut ostenderet, quia quaecunque prophetae dixerunt, de se dixerunt: rixati sunt cum eo Philistiim, idest Iudaei, a regno Dei alieni: sed discedit ab eis: nō enim esse potest cum his, qui in puteis aquam habere noluerunt, sed terram: & dicit eis, Ecce relinquitur uobis domus uestra deserta. Fodit ergo Isaac nouum puteum.) Immo pueri Isaac fodiunt. Pueri sunt Isaac, Matthaeus, Marcus, Lucas, Ioannes. Pueri eius sunt, Petrus, Iacobus, Iudas: puer eius, apostolus Paulus: qui omnes noui testamenti puteos fodiunt. Sed & pro his altercantur illi, qui terrena sapiunt, nec noua conditiuntur: nec uetera purgant, euangelicis puteis contradicunt, & apostolicis aduersantur: & quoniam in omnibus contradicunt, in omnibus litigant, dicitur ad eos, Quo-
- 10 niam indignos uos fecistis gratiae Dei, ex hoc iam ad gentes ibimus. Post haec fodit tertium puteum Isaac, & appellauit nomen loci illius, Latitudo, dicens, Nunc dilatauit nos dominus, & fecit crescere super terram.) Vere enim nunc dilatatus est Isaac, & auctum est nomen eius super uniuersam terram, cum adimpleuit in nobis scientiam trinitatis. tunc enim tantum in Iudaea notus erat, & in Israel nomen eius nominabatur: nunc autem in omnem terram exiit sonus eorum, & in fines orbis terrae uerba eorum. exeunt enim pueri Isaac, hoc est, apostoli domini saluatoris, per uniuersum orbem terrae foderunt puteos, & aquam uitae omnibus ostenderunt, baptizantes omnes gentes in nomine patris & filii & spiritus sancti. Sed quid est, quod puteos quos Abraham aperuit, Isaac sic uocauit eos, sicut & pater eius? non enim immutauit uocabula puteorum. Et est mirum, quod Moyses, apud nos etiam Moyses appellatur: & propheta unusquisque suo nomine appellatur: non enim Christus in eis nomina, sed intelligentiam commutauit. Haec mystice. Moraliter autem, Isaac apud alienigenam gentem puteos fodisse describitur: quo uidelicet exemplo discimus, ut in hac peregrinationis arumna positi, cogitationum nostrarum profunda penetremus: & quousque nobis ueræ intelligentiae aqua respondeat, nequaquam nostrae inquisitionis manus ad exhaurienda cordis interna torpescat. Quos tamen puteos allophyli, idest, immundi spiritus insidiantes replent, quia nimirum immundi spiritus, cum nos studiosius fodere conspiciunt, molestas nobis tentationum cogitationes immergunt. Sequitur, Ascendit autem ab illo loco in Bersabee, ubi apparuit ei dominus in ipsa nocte, dicens, Ego sum Deus Abraham patris tui. Vique ad id quod dicit, Surgentes mane iurauerunt sibi mutuo, dimisitque eos pacifice.) Huius Isaac duas nobis figuras exposuit apostolus Paulus: unam qua dixit, quod Ismahel quidem filius Agar, populi secundum carnem: Isaac uero, populi qui ex fide est formam teneret. Aliam qua ait, Non dixit, Et seminibus, quasi in multis: sed, semini tuo, tamquam in uno, qui est Christus. Tenet ergo Isaac & populi figuram & Christi. Christum autem tamquam uerbum Dei, non solum in euangelio loqui, sed & in lege certum docet, & in prophetis. Verum in lege incipientes, in euangelio perfectos docet. Isaac ergo nunc uerbi formam, quod in lege uel prophetis est, tenet. Ascendit igitur Isaac

ad puteum

ad puteum iuramenti, & apparuit illi dominus. Ascensionem legis dicimus ornatum esse templi, & eorum quæ ibi diuina gerebantur obsequia. Potest & augmentum prophetarum, legis ascensio nominari: & propterea forte ad puteum iuramenti dicitur, & ibi apparuisse ei dominum: per prophetas enim iurauit dominus, & non penitebit, quod ipse sit sacerdos in æternum secundum ordinem Melchisedech, Ad puteum ergo iuramenti uisus est ei Deus, futura in eum promissa confirmans.

Et ædificauit ibi altare domino, & inuocato nomine domini extendit ibi tabernaculum, præcepitque seruis suis ut foderent puteum. Ædificat quidem Isaac altare etiam in lege, & figit tabernaculum suum: in euangelii autem non figit tabernaculum, sed domum ædificat, & fundamentum collocat. audi enim sapientiam dicentem de ecclesia, Sapientia, inquit, ædificauit sibi domum, & supposuit columnas septem. Audi de hoc etiam & Paulum dicentem, Fundamentum enim aliud nemo potest ponere, præter id quod positum est, quod est Christus Iesus: Vbi ergo tabernaculum est, etiam si figatur sine dubio resoluendum est: tibi uero fundamenta sunt, & supra petram ædificatur domus, numquam resoluatur domus illa, fundata est enim super petram. Fodit tamen & ibi Isaac puteum, nec umquam cessat puteos fodiendo, donec oriatur fons aquæ uiuæ, & fluminis impetus lætificet ciuitatem Dei. Sequitur. Sed & Abimelech ille, qui dudum honorauerat Abraham, uenit nunc cum amicis suis de Geraris ad Isaac. Et dicit illis Isaac, Quid uenistis ad me? Vos enim odistis me, & eiecistis me a uobis. At illi responderunt, dicentes, Videntes, inquit, uidimus, quia est dominus tecum: & diximus, Fiat coniuratio inter nos & te, & constituamus tecum pactum, ne facias nobis malum. Iste Abimelech non semper pacem eum Isaac habet, sed aliquando dissidet, aliquando pacem requirit. Iste Abimelech personam tenet studiosorum & sapientium sæculi, qui per eruditionem philosophiarum multa etiam ex ueritate comprehenderunt. Intelligere possumus quo modo hic cum Isaac, qui uerbi Dei, quod in lege est, tenet figuram, neque in dissensione semper potest esse, neque semper in pace. philosophia enim mundi, neque in omnibus legi Dei contraria est, neque in omnibus consona. multi enim philosophorum unum esse Deum, qui cuncta creauerit, scripserunt. In hoc consentiunt legi Dei. Aliquantum etiam hoc addiderunt, quod Deus cuncta per uerbum suum & fecerit & regat, & uerbum Dei sit, quo cuncta moderetur. In hoc non solum legi, sed & euangelii consona scribunt. Moralis uero & physica quæ dicitur philosophia, præne omnia, quæ nostra sunt, sentit. Dissidet uero a nobis, cum Deo dicit materiam coeternam: dissidet, eum negat Deum curare mortalia, sed providentiam eius super lunaris globi spatia cohiberi. Dissident a nobis, cum uitam nascentium stellarum cursibus pèdunt: dissident, eum perpetuum dicunt hunc mundum, & nullo sine claudendum. sed & alia plurima sunt, in quibus nobiscum uel dissident, uel concordant. Et ideo Abimelech secundum hanc figuram, aliquando dissidere describitur. Sed & hoc non puto quod otiose spiritui sancto, qui hæc scripsit, curæ fuerit comprehendere, quod duo alii cum Abimelech uenerunt, idest, Ochozat amicus eius, & Phicol dux exercitus eius. Interpretatur autem Ochozat Tenens, & Phicol, Os omnium: ipse autem Abimelech, Pater meus rex. Hi tres imaginem totius philosophiæ tenent, quæ apud eos in tres partes diuiditur, logicam, physicam, & ethicam, idest, rationalem, naturalem, & moralem. Rationalis est illa, quæ Deum patrem omnium constituit, idest, Abimelech. Naturalis illa est, quæ fixa est & tenet omnia, uelut naturæ ipsius uiribus nitens, quam proficitur Ochozat, qui dicitur Tenens. Moralis est, quæ in ore est omnium, & ad omnes pertinet, & per commune similitudinem præceptorum in omnium ore uersatur, quam designat iste Phicol, qui Os omnium interpretatur. Hi ergo omnes qui in huius-

- in huiusmodi eruditionibus sunt instituti, ueniunt ad legem Dei, & dicunt, Videntes uidimus, quia est dominus tecum: & diximus, Sit iuramentum inter nos, & ineamus fœdus, ut non facias nobis quidquam mali, sicut & nos nihil tuorum attigimus: nec fecimus quod te læderet, sed cum pace dimisimus, autem benedictione domini. Possunt quidem hi tres, qui pacem requirunt a uerbo Dei, & præuenire cupiunt pacto societatem eius, figuram tenere magorum, qui ex orientis partibus ueniunt, eruditi paternis libris & institutione maiorum, & dicunt, quia uidentes uidimus natum regem, & uidimus quia Deus est cum ipso, & uenimus adorare eum. Sed & si quis ille est huiusmodi eruditionibus institutus, uidens quia Deus erat in Christo mundum reconcilians sibi, & attonitus operum eius magnitudine dicat, Videntes uidimus, quia est dominus tecum, & diximus, Sit iuramentum inter nos. accedens enim ad legem Dei, necessario dicit, Iuravi, & statui custodire mandata tua. Sed quid petunt? Ne facias nobis quidquam mali, sicut & nos nihil tuorum attigimus: nec fecimus quod te læderet, sed cum pace dimisimus, autem benedictione domini. Remissionem peccatorum per hoc deposcere uidentur, ne recipiant mala, benedictionem postulant, non retributionem. Denique uide quid sequitur, Et fecit illis conuiuium magnum Isaac, & manducauerunt & biberunt, & post cibum & potum surgentes iurauerunt sibi mutuo, dimisitq. eos Isaac pacifice in locum suum.) Certum est enim quia qui ministrat uerbum, sapientibus & insipientibus debitor est. Quia ergo hic conuiuium sapientibus exhibet, iccirco dicitur, quia non paruum, sed magnum conuiuium fecit. Sequitur, Ecce autem uenerunt in ipso die serui Isaac, annunciantes ei de puteo quem forderant, atque dicentes, Inuenimus aquam. Vnde appellauit eum Abundantia: & nomen impositum est urbi, Bersabee.) Hoc significat quod inuenerint aquam, & & propterea appellatus sit, Puteus saturitatis: & uocata ciuitas, Bersabee, hoc est, puteus saturitatis. licet enim supra ex uerbo iuramenti, siue ex septenario ouium numero, quod Sabee dicitur, asseueremus Bersabee appellatam: tamen nunc ex eo quod aqua inuenta est, Isaac ad nomen ciuitatis, quæ ita uocabatur, alludens, declinauit paululum litteram, & pro stridulo Hebræorum Sin, a quo Sabee incipitur, Græcum sigma, id est, Hebræum samech, posuit. Alioquin & iuxta allegoriam legem, post tantos puteos in fine uirtutum nequaquã congruit, ut Isaac aquam minime reperiret. Sequitur,
- SENVIT autem Isaac, & caligauerunt oculi eius, & uidere non poterat. Vocauitq. Esau filium suum maiorem, & dixit ei, Fili mi. Qui respondit, Assum. Cui pater, Vides, inquit, quod senuerim, & ignore diem mortis meæ. Sume arma tua, pharetram & arcum, & egredere foras. Cumq. uenatu aliquod comprehenderis, fac mihi inde pulmentum, sicut uelle me nosti, & affer, ut comedam, & benedicat tibi anima mea, antequam moriar.) Plura sunt quam ut exemplis debeamus docere, sanctos uiros & Deo charos ea tantum modo scisse, quæ eis a domino reuelata sunt: ignorasse uero quæ reuelata eis non fuerint: sicut & Isaac uir iustus & Deo carus, non illi cui uoluit, sed cui noluit deceptus errore benedixit. Vnde non mirum est, & Isaac in sua maxime utilitate nescisse quid faceret: cum magis eo tempore erraret, quo filium sanguinarium & deditum uoluptati, & cum qui postea uellet fratrem occidere, prætermisso illo qui innocenter habitabat domi, uellet offerre, & suam magis quam Dei facere uoluntatem. Vnde dispensationis diuini iudicii fuit, ut oculis cæcicaretur: & cum ipse diceret, Vox, uox Iacob est: manus autem, manus sunt Esau: tamē intelligeret minorē esse filium, qui benedictione fratris præterita resisterat. Vnde intelligendum in hoc factū esse spiritalem admonitionē, ut confirmaret benedictionē suam in filio minore, cui prius irascendum fuit, quod sefelerit pa-

Matt. 3

Cap. XXVII
De senectute
Isaac. LII

lerit patrem. Isaac portat imaginem Dei patris, Rebecca spiritus sancti, Esau populi prioris & diaboli, Iacob ecclesie sue Christi. Senectus Isaac consummationem orbis ostendit: oculi illius qui caligauerunt, fide defecisse & periisse de mundo, & religionis lumē antiquum neglectū esse significat. Quod filius maior uocatur, accipio legis est Iudæorum: quod escas eius atque capturam diligit pater, homines sunt saluati ab errore, quos per doctrinā iustus quisque uenatur. Sermo Dei, benedictionis est repromissio, & spes regni futuri, in quo cum Christo sancti regnaturi sunt, & uerum sabbatum celebraturi. Sequitur, Quod cum audisset Rebecca, & ille abiisset in agro ut iussione patris impleteret, dixit filio suo Iacob, Audiui patrem tuum loquentem cum Esau fratre tuo, & dicentem ei, Affer mihi de uenatione tua, 10 & fac cibos, ut comedam, & benedicam tibi coram domino antequam moriar. Nunc ergo fili mi acquiesce consiliis meis, & pergens ad gregem affer mihi duos hædos oprimos, ut facias ex eis escas patri tuo, quibus libenter uescitur. quos cum intuleris & comederis, benedicat tibi antequam moriatur. Rebecca plena spiritu sancto, & sciens quid audisset antequam pareret, Quia maior seruiet minori: magis autem forma spiritus sancti quæ futura nouerat in Christo, in Iacob ante meditabatur. Accipe mihi duos hædos, inquit: præfigurans carneum saluatoris aduentum, in quo eos uel maxime liberaret, qui peccatis tenebantur obnoxii. siquidem in omnibus scripturis, hædi pro peccatoribus accipiuntur. Quod autem duos lubetur afferre, duorum populorum significatur assumptio: quod teneros & bonos, do- 20 ciles & innocentes animo. Siue aliter carnes hædorum, ex quibus Isaac præparatus est cibus, peccantium intelligenda est conuersio, ex duobus populis uenientium, Iudæis uidelicet & nationibus uniuersis. Panes autem, apostolorum accipienda est fides, & illorum qui in pentecostē, eadueniente spiritu sancto, crediderunt de Iudæi cō populo. In uino autem intelligendus est martyrum cruor. Tali quippe cibo ac potu delectari intelligitur Deus. Sequitur, Et uestibus Esau ualde bonis, quas apud se habebat domi, induit eum, pelliculasq. hædorum circumdedit manibus, & colli nuda protexit. In hoc loco tradunt Hebræi primogenitos functos officio sacerdotum, & habuisse uestimentum sacerdotale, quo induti Deo uictimas offerrebant, antequam Aaron in sacerdotium eligeretur. Vestimentum Esau, fides, & scri- 30 pturæ sunt Hebræorum, quibus gentilium indutus est populus: siue fides intelligenda est patriarcharum. Pelles hædorum, quibus manus Iacob operæ sunt, columq. contextum est, peccata sunt utriusque plebis, quæ Christus in extensione manuum cruci secum affixit. Quod ex eisdem pellibus colli nuda protexit, significat quia quorum suscepit personam, eorum & propria uoce deplorauit infirmitates, & fleuit peccata. Sequitur, Quo modo, inquit, tam cito inuenire potuisti, fili mi? Qui respondit, Voluntas Dei fuit, ut cito mihi occurreret quod uolebam. Quod Isaac querit ab Iacob, cur tam cito uenerit, admiratur uelocem credentium fidem. Quod cibi delectabiles offeruntur, hostia placens Deo, & salus est peccatorum. Sequitur, Dixit Isaac, Accede huc ut tangam te, fili mi; & probem utrum tu sis filius meus Esau, an non. Accessit ille ad patrem, & palpato eo dixit Isaac, Vox quidem, uox Iacob est: manus autem, manus sunt Esau. Et non cognouit eum, quia pilosæ manus similitudinem maioris expresserant. Hoc in loco Isaac, Iudæicum populum præfigurauit: Iacob filius eius, dominum Iesum Christum. qui & caligans oculis, & prophetans, in præsentem filium non uidit, cui tam multa in posterum præuidit: quia nimirum Iudæicus populus prophetiæ spiritu plenus & cæcus, eum, de quo multa in futuro prædixit, in præsentem positum non agnouit. Sequitur, Statimq. uenit uestimentorum eius fragrantiam, benedicens eum ait, Ecce odor filii mei, sicut odor agri pleni, cui benedixit Deus. Der tibi Deus de

- rore cæli, & de pinguedine terræ abundantiam frumenti, vini, & olei: & seruiant tibi populi, & adorent te tribus. *Eslo dominus fratrum tuorum, & incuruentur ante te filii matris tuæ. Qui maledixerit tibi, sit ille maledictus: & qui benedixerit tibi, benedictionibus repleatur.*) Benedictio Iacob, prædicatio Christi est in omnibus gentibus. Hoc fit, agitur: hoc lex & prophetia est. Isaac significat plebem Iudæorum, a qua Christus benedicitur, uelut a nesciente, quia ab ipsa nescitur: odore nominis Christi, sicut ager mundus impletur: uel certe odor agri pleni bonorum operum accipienda sunt gesta. Eius est benedictio de rore cæli, hoc est, de uerborum pluuia diuinorum: & de ubertate terræ, hoc est, de congregatione populi uel apostolorum doctrina. Eius est multitudo frumenti & uini, hoc est, multitudo quæ colligit frumentum & uinum in sacramento corporis eius & sanguinis. Potest & per abundantiam frumenti & uini, sanctorum martyrum ac uirginum intelligi multitudo. Ei seruiunt gentes, ipsum adorant principes. Ipse est dominus fratrum suorum, quia populus eius dominatur Iudæis. Ipsum adorant filii patris eius, id est, filii Abrahæ secundum fidem, quia & ipse filius est Abrahæ secundum carnem. Ipsum qui maledixerit, maledictus erit, & qui benedixerit, benedictus est. Christus, inquam, noster ex ore Iudæorum, quamuis errantium, sed tamen legem prophetasq. canticum, benedicitur, id est, ueraciter dicitur, & alius benedici putatur, qui ab eis errantibus expectatur. Sequitur, Vix Isaac sermonem impleuerat, & egresso Iacob foras uenit Esau, coctosq. de uenatione cibos intulit patri, dicens, Surge pater mi, & comede de uenatione filii tui, ut benedicat mihi anima tua.) In præfiguratione quippe horum fratrum congrue ualde illud aptabitur, quod euangelica indicat lectio, in qua dicitur, Venit quidam princeps synagogæ ad Iesum, & ait illi, Filia mea modo defuncta est: sed ueni, impone manum tuam super illam, & uiuet. Ad quam cum resuscitandam pergeret dominus, ecce, ait, mulier quæ suum sanguinis patiebatur: & typum gestabat ecclesiæ: accessit retro, quasi ignorante domino, & tetigit fimbriam uestimenti eius, & statim sanata est. Cui ait dominus, Vade filia in pace: fides tua te saluam fecit. Sequitur, Dixitq. illi Isaac, Quis enim es tu? Qui respondit, Ego sum filius tuus primogenitus Esau. Expauit Isaac stupore uehementi, & ultra quam credi potest admirans ait, Quis igitur ille est, qui dudum captam uenationem attulit mihi, & comedi ex omnibus, prius quam tu uenires? Benedixitq. ei, & erit benedictus.) Ecce benedictionem promissam petente maiore expauescit Isaac, & alium pro alio se benedixisse cognoscens miratur, & quisnam ille sit percunctatur: nec tamen se deceptum esse conqueritur, immo cō festim reuelato sibi intus in corde magno sacramento deuitat indignationem, confirmat benedictionem, non maledictionem. Potius miraretur iratus, si hæc non superna inspiratione, sed terreno more gererentur. O res gestas, sed propheticæ: gestas in terra, sed cælitus: per homines, sed diuinitus. Si excutiantur singula tantis secunda mysteriis, multa sunt implenda uolumina. Sed huic operi modus moderate imponendus, nos in alia festinare compellit. Sequitur, Auditis Esau sermonibus patris irrugit clamore magno, & consternatus ait, Benedic etiam mihi pater. Qui ait, Venit germanus tuus fraudulenter, & accepit benedictionem tuam. At ille subiunxit, Iuste uocatum est nomen eius Iacob, supplantauit enim me in altera uice. Primogenita mea ante tulit, & nunc secundo subripuit benedictionem meam.) Ecce secundo Iacob Supplātor interpretatur. Ab eo igitur quod fratrem arte deceperit, adlusit ad nomen. Qui ideo Iacob ante uocatus est, eo quod in oru plantam fratris apprehendat. Sequitur, Rursusq. ait ad patrem, Numquid non reseruasti, ait, & mihi benedictionem? Respondit Isaac, Dominum tuum illum constitui, & omnes fratres eius seruituti illius subiugauit. Frumento & uino stabiliui eum:

Matth. 9

Rom. 11

liui eum : & tibi post hæc, fili mi, ultra quid faciam? Cui Esau, Num unam, inquit, tantum benedictionem habes, pater? Mihi quoque obsecro, ut benedicas. Cumq; eiulatu magno fieret, motus Isaac dixit ad eum, In pinguedine terræ, & in rore cæli desuper, erit benedictio tua. Viues gladio, & fratri tuo seruias : tempusq; ueniet cum excutias & soluas iugum eius de ceruicibus tuis.) Significat quod Idumæi seruituri essent Iudeis : & tempus esse venturum, quando de collo suo iugum seruitutis abicerent, eorumq; imperio contradicerent. neque enim maiorem filium penitus uidemus fuisse despectum, sed sicut ait apostolus, Cum intraverit pleni-
tudo gentium, tunc omnis Israel saluus erit. Cuius tamen secundæ benedictionis prophetatio hæc est, In pinguedine terræ, & in rore cæli desuper, erit benedictio tua. idest, in fecunditate rerū, & potentia regni, quæ in illo populo fuit. uel certe; In pinguedine terræ, & rore cæli desuper : hoc est, in confessione dominicæ incarnationis, & fide deitatis illius, erit Israel benedicendus : siue etiam, in rore cæli erit benedictio eius, idest in eloquiis Dei. ipsi enim primū credita sunt eloquia Dei, & legis testamenta. Viues gladio : idest, quia sanguini deditus populus ille. necem in Christo uel prophetis exercuit. Et fratri tuo seruias : scilicet populo Christiano. Tempusq; ueniet, quando excutias & soluas iugum de ceruicibus tuis : dum per cognitionem fidei, ad gratiam Christi conuersus, deposueris onus legis : quando iam non seruus populi minoris, sed per fidem frater uocaberis. Sequitur,

Oderat autem semper Esau Iacob, pro benedictione qua benedixit ei pater : dixitq; in corde suo, Venient dies lucus patris mei, ut occidam Iacob fratrem meum.) Quia igitur iniquitas inimica est iustitiæ, Esau in discordiam concitatur, & necem fraudulentus excogitat, dicens in corde suo, Appropinquant dies lucus patris mei, ut occidam Iacob fratrem meum. Ita & diabolus fratricidas Iudeos in Cain ante præmeditatus, in Esau manifestissime consistitur : tempus quoque interfectionis ostendens, malitiæ quam Iudæi exercuerunt in Christo. Sequitur, Quæ mittens & uocans Iacob filium suum, dixit ad eum, Ecce Esau frater tuus minatur, ut occidat te.) Quo modo annunciata sunt uerba Esau Rebecæ, quod comminatus est occidere fratrem suum : cum scriptura dicat, hoc eum in sua cogitatione dixisse : nisi quia hinc datur nobis intelligere, quod diuinitus ei reuelabantur omnia : unde & ad magnum mysterium pertinet, quod filium suum minorem pro maiore uoluit benedici. Sequitur, Nunc ergo audi fili mi uocem meam, & consurgens fuge ad Laban fratrem meum in Aran, habitabisq; cum eo dies paucos, donec quiescat furor fratris tui, & cesset indignatio eius, obliuiscaturq; eorum quæ fecisti in eum, & postea mittam & adducam te inde huc.

Ca. XXVIII

VOCAUITQ; Isaac Iacob, & benedixit, præcepitq; ei, dicens, Noli accipere coniugem de genere Chanaan : sed uade, & proficiscere in Mesopotamiam Syriæ, ad domum Bathuel patris matris tuæ, & accipe tibi inde uxorem de filiabus Laban auunculi tui. Deus autem omnipotens benedicat tibi & crescere te faciat atque multiplicet, ut sis in turbas populorum : & det tibi benedictiones Abraham & semini tuo post te, ut possideas terram peregrinationis tuæ, quam pollicitus est auo tuo.) Hinc iam intelligimus segregatum semen Iacob ab alio semine Isaac, quod factum est per Esau. quando enim dictum est, In Isaac uocabitur tibi semen, pertinens usque ad ciuitatem Dei, separatum est inde aliud semen, quod erat in ancillæ filio, & quod futurum erat in filiis Cethuræ. Sed adhuc erat ambiguum de duobus geminis filiis Isaac, an ad utrumque, an ad unum eorum illa benedictio pertineret : & si ad unum eorum, quisnam esset illorum. quod nunc declaratum est, cum prophetice a patre benedicitur Iacob, & dicitur ei, Sis in turbas populorū, & possideas benedictiones Abraham aui tui. Quo modo itaque Iacob fratris dolos fugiens

fugiens Mesopotamiam tendit: ita & Christus, Iudæorum incredulitate compul-
sus, proficiscitur in Galilæam, inde sibi ex gentibus sponfam sumpturus ecclesiã.
et sicut Iacob dolos fugiens fratris, relicta domo, patria, uel parentibus, abiit in
regionem longinquam, ut acciperet sibi uxorem: ita & Christus relinquens paren-
tes secundum carnem, idest populum Israel, & patriam, idest Hierosolymam, &
omnes regiones Iudææ, abiit in gentes, accipiens sibi ecclesiã, ut impleretur, quod
dictum est per prophetam, Populus, quem non cognoui, seruiuit mihi, obauditu
auris obaudiuit mihi. Nos autem dicimus non uenisse dominum, nisi ad oues per-
ditas domus Israel: nec uoluisse panem accipere filiorum, & dare canibus: & benedi-
10 ctionem primam Iudæorum populo detulisse, quibus credita sunt eloquia Dei,
& repromissio, & legis datio, & consecratio testamenti. uerum quia illi credere no-
luerunt, ad Iacob, idest minorem populum, benedictionem cernimus esse trans-
latam: neque tamen maiorem filium penitus uidemus esse despectum: quia cū sub-
intrauerit plenitudo gentium, tunc omnis Israel saluus erit.

D. EVCHERII,
LVGDVNENSIS EPISCOPI,
30 COMMENTARIORVM IN GENESIM
ad Veranium & Salonium fratres,
episcopos,

LIBER TERTIVS.



30 **D**EVS summæ bonitatis, a quo est datum optimum
& omne donum perfectum, desursum descendens a
patre luminum, a quo & per quem bona uoluntas
in homine præparatur, qui huius operis mihi dedit
initium, ipse tribuat & bene sonantē sermonem mi-
nistrare. dicāq. domino meo, quod & sanctus Iacob
patriarcha dixit, Si dominus Deus meus fuerit me-
cum in opus quod nunc arripui, & custodierit me;
erit mihi in Deum, & hæc sancta scriptura, quam
in manibus habeo, in emolumentum: decimas &
hostias & primitias offeram ei: idest, & initium bo-
næ uoluntatis, & perfectionem boni operis, illius sancto nomini consecrabo.

40 Igitur egressus Iacob de Bersabee, pergebat Aran. cumq. uenisset ad quandam
locum, & uellet in eo requiescere post solis occubitum, tulit de lapidibus qui ibi
iacebant, & supponens capiti suo dormiuit in eodem loco: uiditq. in somnis sca-
lam stantem super terram & cacumen illius tangens cælum, angelos quoque Dei
ascendentes & descendentes per eā, & dominum innixum scalæ, & dicentem sibi,
Ego sum Deus Abraham & Deus Isaac patris tui: terrā, in qua dormis, tibi dabo &
semini tuo, eritq. semen tuum quasi pulvis terræ, dilataberis ad orientem & occi-
dentem, septentrionē & meridiem, & benedicentur in te & semine tuo cunctæ tri-
bus terræ: & ero custos tuus, quocumque perrexeris, & reducam te in terram
hanc, nec dimittam, nisi cōpleuero uniuersā, quæ dixi.) Somnus iste Iacob, mors

*De somnio Ia-
cob. I*

I siue

siue passio Christi est. Lapis ad caput eius, qui nominatim quodam modo dictus est etiam unctus, Christum significat. caput enim uiri Christus est. quis enim nesciat Christum ab unctione appellari? Domus autem Dei, quia ibi natus est Christus, in Bethlehem. Porta uero cæli, quia ibi in terram descendit, inde iterum ad cælum ascendit. Erectio autem lapidis, resurrectio Christi est. Porro scala, Christus est, qui dixit, Ego sum uia. Per hanc ascendunt & descendunt angeli, in quibus significati sunt euangelistæ prædicatores Christi. Possunt & per scalam duo accipi testamenti, aut certe fides & opera, per quæ gentes heredes effectæ sunt regni cælestis. per hæc enim ascensus ad Deum est, & descensus Dei ad homines. Angeli autem, idest, nuncii ecclesiæ sunt accipiendi doctores, ascendentes utique cum ad intelligendam eius supereminensissimam diuinitatem, excedunt uniuersam creaturam: ut eum inueniant in principio uerbum Deum apud Deum, per quem facta sunt omnia: descendentes autem, ut eum inueniant factum ex muliere, factum sub lege, ut eos, qui sub lege erant, redimeret. In illa enim scala a terra usque in cælum, a carne usque ad spiritum, carnales proficiendo, uelut ascendendo, spirituales fiunt: ad quos lacte nutriendos, etiam ipsi spirituales descendunt quodam modo, cum eis non possunt loqui quasi spiritalibus, sed quasi carnalibus. Ipse est sursum in capite suo: ipse deorsum in corpore suo, quod est ecclesiæ. Ipsum ergo scalam intelligimus, quia ipse dixit, Nemo potest uenire ad patrem, nisi per me. Ad ipsum ergo ascenditur, ut in excelsis intelligatur: & ad ipsum descenditur, ut in membris suis paruulus nutriatur: & per illum se erigunt, ut sublimiter expectent: per ipsum etiam se humiliant, ut eum sublimiter ac temperanter annuncient. Sequitur, Surgens ergo mane tulit lapidem quem supposuerat capiti suo, & erexit in titulum fundens oleum desuper: appellauitque nomen urbis illius Bethel, quæ prius Luza uocabatur. Et uocauit nomen loci illius Bethel, cuius prius Luza, uocabulum erat ciuitatis antiquæ, quod nihil aliud significat, nisi ante, aut prius, uel uestibulum, siue superliminare, uel postes. Quod uero ait, Dominus est in loco isto, & ego nesciebam; & dixit, quam terribilis est locus hic; non est hic aliud, nisi domus Dei, & porta cæli: hæc uerba ad prophetiam pertinent, quia ibi futurum erat tabernaculum, quod constituit Deus in hominibus in primo populo suo. Portam autem cæli sic intelligere debemus, tamquam inde fiat aditus credentibus ad capeßendum regnum cælorum. Quod statuit Iacob lapidem, quem sibi ad caput posuerat, & constituit eum titulum, & perfudit illum oleo, non aliquid idolatriæ simile fecit: non enim uel tunc uel postea frequentauit lapidem, adorando, uel sacrificando ei: sed signum fuit prophetiæ euidentissime constitutum, quæ pertinet ad unctionem, unde Christi nomen a chrismate est. Quod autem uouit uotum, si prosperaretur eundo & redeundo; & decimas promisit domui Dei futuræ in loco illo: prophetia est domus Dei: ubi & ipse rediens Deo sacrificauit, non illum lapidem Deum appellans, sed donum Dei: idest, quia in eo loco futura erat domus Dei. Sequitur,

C. A. XXIX
De aduentu
Iacob ad terram orientalem. II

PROFECTVSQ. inde Iacob uenit ad terram orientalem, & uidit puteum in agro, tresque greges ouium accubantes iuxta eum. nam ex illo adaquabantur pecora, & os eius grandi lapide claudebatur. morisque erat, ut cunctis ouibus congregatis deuoluerent lapidem, & relictis gregibus rursum super os putei ponerent. Terra orientalis, ad quam dominus noster profectus est, illos significat, qui uitiorum tenebras relinquentes, opera lucis quærebant. Apud Iudæam enim tantummodo eognitus erat Deus. Puteus autem, quem illie reperit, Mosaisca intelligenda est lex, iuxta quem tres greges accubasse scribitur; scribas uidelicet, pharisæos, & Sadducæos, quos dominus legitur arguisse. Oues quoque Laban, quas

ablato

ablato lapide grandi quo os putei claudebatur, dominus adaquauit, tunc uidelicet quando seorsum discipulis & seorsum turbis loquebatur. Tunc amouit umbras & imagines, quibus legis operiebatur historia, quando uniuersa, quæ de se fuerant scripta, in se expleri permisit, uel expleta esse ostēdit. A passione enim domini, cunctis fidelibus lex spiritali intelligentia patet. Nam antea licet in scenopegia sollemnitate cōcurrentibus undique populis, liber Deuteronomii a sacerdotibus recēfretur: tamen rursum claudebatur, quia necdum aduenerat, in quo in ueritate expleta sunt omnia. Sequitur, Et ecce Rachel ueniebat cum ouibus patris sui. nā gregem ipsa pascebat. quam cum uidisset Iacob, & sciret consobrinam suam esse, ouesq. Laban, auunculi sui, amouit lapidē, quo puteus claudebatur, & adaquaro grege osculatus est eam: eleuataq. uoce fleuit: & indicauit ei, quod frater esset patris eius, & filius Rebecæ.) Intelligitur enim, quod illi, cum quibus prius loquebatur Iacob, interrogati, quæ esset, quæ ueniebat cum ouibus, ipsi dixerint, filiam esse Laban, quam utique non nouerat Iacob: sed illius interrogationem, illorumq. responsum scriptura præmittens intelligi uoluit. Quod scriptū est, Osculatus est Iacob Rachel: & exclamans uoce sua fleuit, & indicauit ei, quod frater esset patris eius & filius Rebecæ: consuetudinis quidem fuit in illa simplicitate antiquorū, ut propinqui propinquas suas oscularentur, & hoc hodie fit in multis locis: sed queri potest, quo modo ab incognito illa osculū acceperit, si postea Iacob indicauit propinquitatem suā. Ergo intelligendū est, aut illū, qui iā audierat, quæ illa esset, fidenter in eius osculū irruisse: aut postea scripturā narrasse per recapitulationem, quod primo factū erat, idest, ut indicaret quis esset. Sequitur, Auditus autem Laban causis itineris, respondit Iacob, Os meū es, & caro mea. Et postquā expleti sunt dies mensis unius, dixit ei, Nū quia frater meus es, gratis seruius mihi? Dic quid mercedis accipies. Habebat uero duās filias, nomen maioris, Lia: minor autem appellabatur Rachel. Sed Lia, lippis erat oculis: Rachel, decora facie, & uenusto aspectu. Quam diligens Iacob, ait, Seruiā tibi pro Rachel filia tua minore, septem annis. Respondit Laban, Melius est ut tibi eam dem, quam uiro alteri. Seruiuit igitur Iacob pro Rachel septem annis, & uidebantur illi pauci dies præ amoris magnitudine.) Querendum est quo modo dictū sit, uidebantur in conspectu eius uelut pauci dies: cum magis etiam breue tempus longum soleat esse amantibus. Dictum est ergo propter laborem seruitutis, quem faciliē & leuem amor faciebat. Dixitq. ad Laban, Da mihi uxorem meam, quia iam tempus expletum est, ut ingrediar ad eam. Qui uocatis multis amicorum turbis ad conuiuium fecit nuptias, & uespere filiam suam Liam introduxit ad eum, dans ancillam filiz nomine Zelpham. ad quam cum ex more Iacob fuisset ingressus, facto mane uidit Liam. et dixit ad socerum, Quid est quod facere uoluisti? Nonne pro Rachel seruiui tibi? Respondit Laban, Non est moris in loco nostro, ut minores ante tradamus ad nuptias. Imple hebdomadam dierum copulæ huius, & hanc quoque dabo tibi pro opere quo seruiturus es mihi septem annis aliis. Acqueiuit placito: & hebdomada transacta, Rachel duxit uxorem: cui pater seruum Balam dederat. tandemq. positus optatis nuptiis, amorem sequentis prioris prætulit.) Si parum adueratur rei huius narratio, putabitur quod posteaquam Liam Iacob duxit uxorem, deinde seruiuit alios septem annos pro Rachel, & tunc eam duxit. uerum autem non ita est, sed Laban ei dixit, Imple hebdomadam dierum copulæ huius, & hanc dabo tibi pro opere, quo seruiturus es mihi septem annis aliis. Hoc itaque ait, Imple dies nuptiarum septem, pertinentes ad istam, quam duxisti, & dabo tibi & hanc pro eo quod operaberis apud me adhuc septem annos alios. Deinde sequitur, Fecit autem Iacob sic, & impleuit hebdomadam, &

*De seruiente
Iacob. III*

Rachel duxit uxorem. Dedit autem Laban Rachel filiam suam Balam ancillam suam, & intrauit ad Rachel. Dilexit autem Rachel magis quam Liam, & seruiuit ille septem annos alios.) Vtique apparet, quia postea quam duxit Rachel, tunc seruiuit pro ea septem annos alios. nimis enim durum & ualde iniquum fuit, ut deceptus adhuc differret alios septem annos, & tunc eam traderet quam primo debuit. Septem autem diebus solere nuptias celebrare, etiam liber Iudicum ostendit in Sampson quando fecit uotum septem diebus: & addidit scriptura, quod sic solerent facere iuuenes. Sequitur, Videns autem dominus quod despiceret Liam, aperuit uulnam eius, sorore sterili permanente. quæ conceptum genuit filium, uocauitque nomen eius Ruben, dicens, Vidit deus humilitatem meam, nunc amabit me uir meus.) Ruben interpretatur uisionis filius. Rursumque concepit, & peperit filium, & ait, Quoniam audiuit me dominus, eo quod odio me haberet uir meus, dedit mihi etiam hunc. Et uocauit nomen eius Simeon.) Ab eo quod est exaudita, Simeon nomen filio imposuit. Simeon quippe interpretatur auditio. Concepit tertio, & genuit filium, dixitque. Nunc quoque copulabitur mihi uir meus, eo quod pepererim ei tres filios: & ideo appellauit nomen eius Leui.) Leui interpretatur assumptio. Quarto concepit, & peperit filium, & ait, Modo confitebor domino: & ob hoc uocauit eum Iuda.) Iudas enim confessio interpretatur. A confessione itaque, confessoris nomen eius dictum est. ueritatem hic confessio pro gratiarum actione, aut pro laude accipitur, ut frequenter in psalmis est: & in euangelio, Confitebor tibi domine pater celi & terræ, id est, gratias ago tibi, siue glorifico te. Sequitur,

Matth. 11
CAP. XXX

CERNENS autem Rachel quod infecunda esset, inuidit sorori suæ, & ait marito suo: Da mihi liberos, alioquin morior. Cui iratus respondit Iacob, Num pro Deo ego sum, qui priuauit te fructu uentris tui? At illa, Habeo, inquit, famulam Balam, ingredi ad illam, ut pariat super genua mea, & habeam ex ea filios. Deditque illi Balam in coniugium. Quæ, ingressa ad se uiro, concepit & peperit filium. Dixitque Rachel, Iudicauit mihi dominus, & exaudiuit uocem meam, dāns mihi filium. Et ideo appellauit nomen eius Dan.) Propterea uocauit nomen eius Dan. Causam nominis expressit, ut ex eo quod iudicasset dominus, filio ancillæ nomen imponeret. Dan quippe interpretatur iudicium: Rursumque Bala concipiens, peperit filium. Pro quo ait Rachel, Comparauit me Deus cum sorore mea, & inualui: uocauitque eum Neptalim.) Causa nominis Neptalim alia hic exponitur, quam in libro Hebræorum scripta sit. unde & a conuersatione, siue comparisone: quia utrumque sonat comparisonem, siue conuersationem, hoc est Neptalim. Sequitur, Sentiens Lia quod parere cessasset, Zelpham ancillam suam marito tradidit. Qua post conceptum edente filium dixit, Feliciter: & ideo uocatum est nomen eius Gad.) Nos autem dicere possumus Impræcinctum. Gad enim potest & præpositionem sonare, & uenit ab euentu, siue præcinctu, qui Gad dicitur. Peperitque Zelpha alterum. Dixitque Lia, Hoc pro beatitudine mea. beatam quippe me dicent mulieres. Propterea appellauit eum Aser.) Aser ergo non diuitiæ, sed beatus dicitur, dumtaxat in præfenti loco: nam in aliis, secundum ambiguitatē uerbi, possunt & diuitiæ sic uocari. Sequitur, Egressus autem Ruben tempore messis triticæ, in agro reperit mandragoras, quas matri Liæ detulit. Dixitque Rachel, Da mihi partem de mandragoris filii tui. At illa respondit, Parum ne tibi uideatur, quod præcipueris maritum mihi, nisi etiam mandragoras filii mei tuleris? Ait Rachel, Dormiat tecum hac nocte pro mandragoris filii tui. Redeuntque ad uesperam de agro Iacob, egressa est in occursum Lia, et, Ad me, inquit, intrabis, quia mercede conduxisti te pro mandragoris filii mei. Dormiuitque cū ea nocte illa, & exaudiuit Deus preces eius, concepitque & peperit filium

filium quintum, & ait, Dedit Deus mercedem mihi, quia dedi ancillam meam uiro meo. Appellauitque nomen eius Isāchar.) Totum nomen interpretatur, merces est.) Is quippe dicitur est: Sachar, merces. Hoc autem ideo quia mandragoris filii Ruben, introitum qui Racheli debebatur, ad se uiri emeret. Sequitur, Rursum Lia concipiens peperit sextum filium, & ait, Dedit me Deus dote bona, etiam hac uice mecum erit maritus meus, eo quod genuerim ei sex filios. Et idcirco appellauit nomen huius Zabulon.) Et est sensus: Quia sex filios genui Iacob, propterea iam securus sum, habitabit enim mecum uir meus, unde & filius meus uocetur Habitaculum. Et post hæc peperit filiam, & uocauit nomen eius Dinā.)

- 10 Hæc transfertur in causam, siue iurgium: iurgii enim in Sychemis causa extitit. Post filios, parentum ponenda sunt nomina. Lia interpretatur Laborans; Rachel, Ouis, cuius filius Ioseph, ab eo quod sibi mater alium addi optauerit. Iam uero Iacob, cui pro ingenti crimine quattuor obiiiciuntur uxores, generali prolocutione purgatur. quando enim mos erat, crimen non erat: & nunc propterea crimen est, quia mos non est. Alia sunt enim peccata contra naturam, alia contra mores, alia contra præceptum. Quæ cum ita sint, quid tandem criminis est, quod de pluribus simul habitis uxoribus obiiicitur sancto uiro Iacobi? Si naturam consulas, non lasciuiendi, sed gignendi causa illis mulieribus utebatur: si mores, illo tempore atque in illis terris hoc faciebatur: si præceptum, nulla lege prohibebatur. Nunc
- 20 uero cur crimen est, si quis hoc faciat: nisi quia & moribus & legibus hoc non licet? Quæ duo si quis cōtempserit, etiā si tantūmodo causa generandi uti possit feminis pluribus, peccat tamen, & ipsam uiolat humanā societate, cui necessaria est propagatio filiorum. Sed quia homines, aliter se habentibus iam moribus & legibus, non possunt delectari uxorū multitudine, nisi libidinis magnitudine: ideo errant, & putant omnino haberi non potuisse uxores multas, nisi flagrantia concupiscentiæ carnalis & sordidæ uoluptatis: comparantes enim non alios, quorum uirtutem animi prorsus nosse non possunt, sed sicut ait apostolus, semet ipsos sibi-
 30 bimet ipsis non intelligunt: & quia ipsi, etiam si unam habuerint, ad eandem non solum generandi officio ducti uiriliter accedunt, sed sæpe coeundi stimulo uiti ceneruiter pertrahuntur. Sicut ergo sancti apostoli auditoribus admirantibus doctrinam suam condelectabantur, non auditate consequendæ laudis, sed caritate seruandæ ueritatis: ita sancti patriarchæ coniugibus excipientibus semen suum ministrabantur, non concupiscentiæ percipiendæ uoluptatis, sed prouidentia propagandæ successionis. Nam & illud quod mendacissima criminatione Faustulus obiecit, habuisse inter se uelut quattuor scorta certamen, quæ nam cum ad concubitum raperet: ubi hoc legerit, nescio: nisi forte in corde suo, tamquam in libro nefariorum fallaciarum, ubi uere ipse scortabatur: sed cum serpente illo, de quo apostolus timebat ecclesiæ, quam uirginem castam cupiebat uni uiro exhibere Christo: ne sicut Euam deceperat astutia sua, sic & illorum mentes a Christi ca-
- 40 stitate auertendo corrumperet. ita enim huic serpenti amici sunt isti, ut cum præstitisse potius, quam nouisse contendant. Ipse plane Faustulus persuasit pectori adulterato, falsitatis semina infundens, ut has male conceptas calumnias ore immun-
 40 dissimo pareret, & stylo audacissimo etiam memoriæ commendaret. nulla enim ancillarum uirum Iacob ab altera rapuit, nulla de illius concubitu cum altera litigauit. Ideo magis ordo erat, quia libido non erat: & tanto firmitus coniugalis seruabantur potestatis iura, quanto castius uitabatur carnalis cupiditatis iniuria. quod enim & ab uxore conducitur, ibi uera nostra manifestatur assertio: ibi pro se aduersum maledicta Manichæorum ipsa ueritas clamat. quid enim opus erat, ut eum altera conduceret: nisi quia ordo alterius erat, ut ad eam maritus

2. Cor. 11

intraret? neque enim ad aliam umquam accessisset, nisi eum conduxisset. sed utique iustus ad eam uicibus accedebat, de qua tor filios procreauerat, & cui obediebat, ut etiam de ancilla procrearet, & de qua postea non conducente procreauit. Sed tunc Rachel noctem habebat in ordine, ut maneret cum uiro: tunc penes eam potestas illa erat, de qua apostolus. uox certe noui testamenti nō tacuit dicens, Si militet & uir nō habeat potestatem sui corporis, sed mulier. Ideo iam cū forore pacta erat, cui facta debitorum eam traderet ad debitorem suum. nam hoc nomine id appellat apostolus, Vxori, inquit, uir debitum reddat. Cui ergo uir debitor erat iam acceperat a forore quod elegerat uoluntate, ut ei daret, quod habebat in potestate. Hic uero ille, quem Faustus tamquam impudicum, clausis, uel potius extinctis oculis criminatur, si concupiscentiæ, non iustitiæ seruus esset, nonne per totum diem in uoluptatem illius noctis æstuarer, qui erat cum pulchriore cubiturus, quam certe amplius diligebat, & pro qua bis septenarium annorum laborem gratuitum impenderat. Cum ergo iam die peracto in eius iret amplexus, quando inde auerteretur, si talis esset, qualem Manichæi nihil intelligentes opinantur? nōne placito contempto mulierum intraret potius ad speciosam, quæ illi noctem ipsam non solum coniugis more, uerum etiam ordinis iure debebat, utereturque potius ipse potestate maritali: quia & uxor non habet potestatem sui corporis, sed uir: & pro eo tunc seruitutis illarum uicissitudo fiebat. Coniugali ergo potestate multo uincibilis uteretur, si formæ desiderio uinceretur: sed eo meliores feminae inuenirentur, si illæ pro concipiendis filiis, ipse autem pro concubitu suo & uoluptate certaret. Itaque uir temperantissimus, ut plane uir, qui tam uiriliter feminis utebatur, ut delectationi carnali non subiiceretur, sed dominaretur: magis quid deberet, quam quid ei debebatur, attendit. nec ad propriam uoluntatem sua potestate abuti uoluit, sed illius debiti redditor, quam exactor esse maluit. Unde & consequens erat, ut ei redderet, quam pro se, ut id acciperet, illa, cui debebatur, elegit. Quo earum placito comperto pactoque cum repente atque inopinate a pulcherrima coniuge reuocaretur, & ad minus decoram uocaretur, non ira incanduit, non tristitia nubilatus est, non enerviter blandus, ut sibi potius Rachel noctem redderet, inter ambas sægerit. Sed maritus iustus & prouidus pater, cū illas proliis curam gerere uideret, & ipse nihil aliud de concubitu quæreret, earum uoluntati obtemperandum iudicauit, quæ sibi sigillatim filios optabant, sibi nihil minui, cui ambæ pariebant, tamquam diceret, Vobis inter uos, ut uultis, cedite atque concedite, quænam uestrum fiat magis mater: ego quid contendam, quando siue inde, siue inde nascenti non erit alius pater? Hanc profecto modestiam, hanc concupiscentiæ coercitationem, & in cōmixtione corporum coniugaliū solū appetitum posteritatis humanæ, ut erat acutus Faustus in illis litteris & intelligeret & laudaret, nisi eius ingenium detestabili scēia deprauatū & quid reprehenderet quæreret, & unam nuptialis copulationis honestatem maris & feminae, qua liberorum procreandorum causa copulantur, crimen maximum reputaret. Nunc iam defensis patriarchæ moribus, refutatoque crimine, quod nefarius error obiecit, de reliquo, ut possumus, mysteriorum secreta rimemur: pulsemus fidei pietate, ut nobis aperiat a domino, quid rerum figurauerint quattuor illæ uxores Iacob, quarum duæ liberæ, & duæ ancillæ fuerunt. uidemus enim apostolum in libera & ancilla, quas habuit Abraham, duo testamenta intelligere: sed ibi una & una facilius apparet, quod dicitur, Hic autem duæ sunt & duæ. Deinde ibi ancillæ filius exheredatur, hic uero ancillarum filii simul cum filiis liberarum terram promissionis accipiunt. unde hic proculdubio aliquid aliud significatur. quamquam enim duas liberas uxores Iacob ad nouum testamentum, per quod in libertatem

bertatem uocati sumus, existimem pertinere: non tamen frustra duæ sunt, nisi forte quia id quod in scripturis aduerti & inueniri potest, duæ uitz nobis in Christi corpore prædicantur: una temporalis, in qua laboramus: alia æterna, in qua delectationem Dei contemplamur. istam dominus passione, illam resurrectione declarat. Admonet nos ad hoc intelligendum illarum etiam nomina seminarum. Lia enim interpretatur Laborans: Rachel autem Visum principium, siue Verbum, ex quo uidetur principium. Actio ergo humanæ, mortalisq. uitz, in qua uiuimus ex fide, multa laboriosa opera facientes, incerti quo exitu proueniant, ad utilitatem eorum quibus consulere uolumus, ipsa est Lia prior uxor Iacob, ac per
10 hoc & infirmis oculis fuisse commemoratur. cogitationes enim mortalium timidae, & incertæ prouidentia nostræ. spes uero æternæ contemplationis Dei, habens certam & delectabilem intelligentiam ueritatis, ipsa est Rachel, unde etiam pulchra facie, & pulchra specie. hanc enim amat omnis pie studiosus, & propter hanc seruit gratiæ Dei, qua peccata nostra etiam fuerint sicut phenicium, tamquam nix dealbantur. Laban quippe interpretatur Dealbatio, cui seruiuit Iacob pro Rachel. neque enim fæ quisque conuertit sub gratia remissionis peccatorum seruire iustitiæ, nisi ut quiete uiuat in uerbo, ex quo uidetur principium, quod est Deus. Ergo propter Rachel, non propter Liam seruitur. Nam quis tandem amauerit in operibus iustitiæ laborē actionum atque passionum? quis eam uitz propter
20 se ipsam expetierit, sicut nec Iacob Lia? sed tamen sibi nocte suppositā in uisum generandi, amplexus & fecunditatē illius expertus est. dominus enim eam, quia per se ipsam diligere non poterat, primo ut ad Rachel perueniretur, tolerari fecit: deinde propter filios cōmendauit. ita enim unusquisque utilis Dei seruus sub dealbationis peccatorū suorū gratia cōstitutus, quid aliud in sua cōuersatione meditatatur, quid aliud in corde gestauit, quid aliud in corde adamauit, nisi doctrinam sapientiæ? quī plerique se adepturos & percepturos putant statim, ut se in seipsum præceptis legis exercuerint, quæ sunt de dilectione proximi, ne cuiquā homini noceat: id est, Honora patrē & matrem, Non mœchaberis, Non occides, Non furaberis, Nō falsum testimoniū dices, Non concupisces uxore proximi tui,
30 Non concupisces rem proximi tui. Quibus quantū potuerit obseruatis, postea quā pro concupita & sperata pulcherrima delectatione doctrinæ per tentationes uarias quasi per huius sæculi noctem, tolerantia laboris adhaerere: uelut pro Rachel, Lia inopinatē cōiungitur: & hanc sustinet, ut ad illam perueniat, si perseueranter amat, acceptis aliis septē præceptis: ac si dicatur, Serui alios septem annos pro Rachel: ut sit pauper spiritu, mitis, iugens, esuriens, sitiensq. iustitiā, misericors, munda cordis, pacificus. uellet enim homo, si fieri posset, sine ulla tolerantia laboris, quæ in agendo patiendoq. amplectenda est, statim ad pulchræ atque perfectæ sapientiæ delicias peruenire: sed hoc nō potest in terra morientium. hoc enim significare uidetur quod dictū est ad Iacob, Non est moris in loco nostro, ut minor nuberet prius quam maior: quia non absurde maior appellatur, quæ tempore prior est. Prior est autem in recta hominis eruditione labor operandi quæ iusta sunt, quam uoluntas intelligendi quæ uera sunt. Ad hoc ualet quod scriptum est, Concupisti sapientiam, serua mandata, & dominus præbebit illam tibi. Mandata utique ad iustitiam pertinentia, iustitiam quæ ex fide est, quæ inter tentationum incerta uersatur: ut pie credendo quod nondum intelligit, etiam intelligentiæ meritum consequatur. quantum enim ualet, quod modo commemorauimus esse scriptum, Concupisti sapientiam, serua mandata, & dominus præbebit illam tibi: tantum & illud ualere arbitror, Nisi credideritis, non intelligetis: ut iustitia ad fidem, ad sapientiam uero intelligentia pertinere monstretur. Proinde in his qui flagrant
ingenti

Sap. 6

ingenti amore perspicuæ ueritatis, nō est improbandum studium, sed ad ordinem reuocandum: ut a fide incipiant, & bonis moribus nitantur peruenire, quo tendunt. In eo quippe quod aduersatur, uirtus est laboriosa: in eo uero quod appetitur, luminosa sapientia. Quid opus est, inquit, credere? quid non mihi ostenditur manifestum aliquod uerbum, quo uideam rerum omnium scientiæ principiu? id enim est, in quod maxime ac primitus inardescit, si uel studiosus est animus rationalis. Cui respondeatur, Pulchrum est quidem quod desideras, & amari dignissimum: sed prius nubit Lia, & postea Rachel. Ardor iste ad id ualeat, ut ordo non recusetur, sed potius toleretur: cum autem peruentum fuerit, simul habebitur in hoc sæculo non solum speciosa intelligentia, sed etiam laboriosa iustitia. Quamlibet enim acute, sinceriterque cernatur a mortalibus incommutabile bonum, adhuc corpus, quod corrumpitur, aggrauat animam, & terrena inhabitatio deprimit sensum, multa cogitantem. Ad unum ergo tenendum, multa ferenda sunt. Itaque duæ sunt uxores Iacob liberæ. ambæ quippe sunt filiarum remissionis peccatorum, hoc est dealbationis, quod est Laban. uerumtamen una amatur, & altera toleratur, sed quæ toleratur, ipsa prius & uberius fecundatur: ut si non propter se ipsam, certe propter filios diligatur. labor enim iustorum maximum fructum habet in eis, quos regno Dei generant, inter multas tentationes & tribulationes prædicando euangelium: & eos, propter quos sunt in laboribus abundantius, in plagis supra modum, in mortibus frequenter: propter quos habent foris pugnas, intus timores; gaudium & coronam suam uocant. Nascuntur autem eis facilius atque copiosius ex illo sermone fidei, quo prædicant Christum crucifixum, & quidquid humanitatis eius citius humana cogitatione percipitur, & infirmos etiâ Lia oculos non perturbat. Rachel autem clara aspectu mente excedit Deo, & uidet in principio uerbum Deum apud Deum, & uult parere & non potest: quia generationem eius quis enarrabit? Proinde uita, quæ studio contemplationis competit, ut ea quæ carni sunt inuisibilia, non infirmis oculis mentis, per ea, quæ facta sunt, intellecta conspiciat, & sempiternam Dei uirtutem ineffabiliter cernat, uacare uult ab omni negotio, & ideo sterilis: affectando quippe originem, quo studia cōtemplationis ignescunt, non cōtemperatur infirmitati hominū, qui in uariis pressuris fibi desiderant subueniri. sed quia & ipsa procreandi caritate inardescit, uult docere quod nouit. neque enim inuidia tabescit, cum uidet sororem, labore agendi atque patiendi, filiis abundantem: sed dolet potius currere homines ad eā uirtutem, quæ eorum infirmitatibus necessitatibusque consulitur, quā ad illam unde diuinum & incommutabile aliquid discitur. Hic dolor figuratus uidetur in eo quod scriptum est, Et zelauit Rachel sororē suam. Proinde quia liquidus purusque intellectus de illa substantia, quæ corpus nō est, ad carnis sensum non pertinet, & uerbis carne editis exprimi non potest: elegit doctrina sapientiæ per quaslibet corporeas imagines & similitudines uerumque cogitanda insinuare diuina, quā ab officio talia docendi cessare: sicut elegit Rachel ex uiro suo & ancilla suscipere filios, quam sine filiis omnino remanere. Bala quippe interpretari dicitur Inueterata. Hanc habuit ancillam Rachel. De ueteri quippe uita carnalibus sensibus dedita corporeæ cogitantur imagines, etiam cum aliquid de spiritali & incommutabili substantia diuinitatis auditur. Suscepit & Lia de ancilla sua filios, amore numerosioris prolis accensa. Inuenimus autem Zelpham eius ancillam interpretari, Os hians. Quapropter ad prædicatores fidei euangelicæ, quorum os hiat, & cor non hiat, cum in scripturis aduerterimus, hæc intelligitur ancilla Lia. Scriptum est enim de quibusdam, Populus hic labiis me honorat, cor autem eorum longe est a me. Et talibus apostolus dicit, Qui prædicas non furandum, furaris: qui dicis

Isa. 29
Rom. 2

non

non mœchandum, mœcharis. Verumtamen ut etiam per hanc conditionem libera illa uxor Iacob laborans filios heredes regni suscipiat, ideo dominus dicit, Quæ dicunt, facite: quæ autem faciunt, facere nolite. Vnde in labore uinculorum uita apostolica: siue, inquit, occasione, siue ueritate, Christus annuncietur, & in hoc gaudeo, sed & gaudebo: tamquam & ancilla pariente de prole numerosiore. Lætatus est quidem Lix affectus ex beneficio Rachel editus, cum uirum suum secum debita nocte cubitum, acceptis a filio Lix mandragoricis malis cum sorore cubitare permisit. De hoc autem pomi genere opinari quosdam scio, quod acceptum in eicam sterilibus feminis fecunditatem paret: ac per hoc putant omnimodo in-

10 stituisse Rachel, ut hoc a filio sororis acciperet cupiditate pariendi. quod ego non arbitrarer, nec si tunc concepisset: nunc uero cum post Lix duos alios ab illa nocte parrus dominus ei prolem donauerit, nihil est cur de mandragora tale aliquod suspicemur, quale in nulla femina experti sumus. Dicam ergo quid sentiam: dicant hinc forte meliora doctiores. cum enim hæc mala ipse uidissem, & propter istum ipsum sacræ lectionis locum, id mihi obtigisse gratularer, rara enim res est: naturam eorum diligenter, quantum potui, percurarus sum, non aliqua a communi sensu remotiori scientia, quæ docet uirtutes radicum, & potestates herbarum, sed quantum mihi & cuilibet homini renunciabar uisus, & olfactus, & gustus. Proinde rem comperi pulchram, & suauis olentem, sapore autem insipido:

20 & ideo cur eam mulier tantopere concupiuerit, ignorare me fateor: nisi forte propter pomi raritatem & odoris iucunditatem. Cur uero ipsam rem gestam sancta scriptura tacere noluerit, quæ non utique talia desideria muliercularum nobis pro magno insinuare curaret: nisi aliquid in eis magnum querere commoneret: nihil amplius coniciere ualeo, quam quod ex illo communi sensu mihi suggeritur: ut illo mandragorico pomo figurari intelligam famam bonam, non eam, quæ confertur, cum laudant hominem pauci iusti atque sapientes, sed illam popularem, quæ etiam maior & clarior notitia comparatur: non ipsam per sese expetendam, sed intentioni bonorum, qua generi humano consulunt, pernecessariam. Vnde dicit apostolus, Oportet etiam testimonium habere bonum ab eis, qui foris sunt. Qui

30 licet parum sapiant, reddunt tamen plerumque labori eorum, per quos sibi consulitur, & splendorem laudis, & odorem bonæ opinionis. Nec ad istam gloriam popularem primi perueniunt eorum qui sunt in ecclesia, nisi quicumque in actionum periculis & labore uersantur. Propterea Lix filius mala mandragorica inuenit exiens in agrum, idest, honeste ambulans ad eos, qui foris sunt. Doctrina uero illa sapientiz, quæ a uulgi strepitu remotissima in contemplatione ueritatis dulci delectatione defigitur, hanc popularem gloriam quantulumcumque non assequeretur, nisi per eos, qui in mediis turbis agendo ac suadendo populis præstant: non ut præsent, sed ut profint: quia dum isti actiuos & negotiosi homines, per quos multitudinis administratur utilitas, & quorum auctoritas populis cara est, testimonium perhibent etiam remotiori uitæ propter studium conquirendæ &

40 contēplandæ ueritatis, otiose quodā modo mala mandragorica per Liam ueniunt ad Rachel. Ad ipsam uero Liam per filii primogeniti, idest, per honorem fecunditatis eius, in qua est omnis fructus laboriosæ atque inter incerta tentationum periclitantis actionis: quæ plerique bono ingenio præditi, studioq. flagrantes, quauis idonei regendis populis esse possint, tamen uitant propter turbulenta occupationes, & in doctrinæ otio, tamquæ speciosæ Rachel fruitur amplexibus. Sed quia bonum est, ut etiā hæc uita latius innotescens popularem gloriam mereatur: iniustum est autem ut eam consequatur, si amatorē suum administrandis ecclesiasticis curis aptum & idoneum in otio detinet, nec gubernationi communis utilitatis impa-

impartit: propterea Lia forori suæ dicit, Parum est tibi, quod uirum meum accepisti, insuper & mandragoras filii mei uis accipere: per unum uirum significans eos omnes, qui cum sint agendi uirtute habiles, & digni quibus regimen ecclesie committatur ad dispensandum fidei sacramentum: illi accensi studio doctrinæ, atque indagandæ & contemplandæ sapienriæ, se ab omnibus actionum molestiis remouere, atque in otio discendi atque docendi recondere uolunt. Ira ergo dictum est, Parum est tibi quod accepisti uirum meum, insuper & mandragoras filii mei uis accipere: ac si diceretur, Parum est quod homines fauore rerum gerendarum necessarios in otio detinet uita studiosorum, insuper & popularem gloriam requirit. Proinde ut eam iuste comparet, impartit Rachel uirum suum forori suæ illa nō
 10
 11
 12
 13
 14
 15
 16
 17
 18
 19
 20
 21
 22
 23
 24
 25
 26
 27
 28
 29
 30
 31
 32
 33
 34
 35
 36
 37
 38
 39
 40
 41
 42
 43
 44
 45
 46
 47
 48
 49
 50
 51
 52
 53
 54
 55
 56
 57
 58
 59
 60
 61
 62
 63
 64
 65
 66
 67
 68
 69
 70
 71
 72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100
 101
 102
 103
 104
 105
 106
 107
 108
 109
 110
 111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200
 201
 202
 203
 204
 205
 206
 207
 208
 209
 210
 211
 212
 213
 214
 215
 216
 217
 218
 219
 220
 221
 222
 223
 224
 225
 226
 227
 228
 229
 230
 231
 232
 233
 234
 235
 236
 237
 238
 239
 240
 241
 242
 243
 244
 245
 246
 247
 248
 249
 250
 251
 252
 253
 254
 255
 256
 257
 258
 259
 260
 261
 262
 263
 264
 265
 266
 267
 268
 269
 270
 271
 272
 273
 274
 275
 276
 277
 278
 279
 280
 281
 282
 283
 284
 285
 286
 287
 288
 289
 290
 291
 292
 293
 294
 295
 296
 297
 298
 299
 300
 301
 302
 303
 304
 305
 306
 307
 308
 309
 310
 311
 312
 313
 314
 315
 316
 317
 318
 319
 320
 321
 322
 323
 324
 325
 326
 327
 328
 329
 330
 331
 332
 333
 334
 335
 336
 337
 338
 339
 340
 341
 342
 343
 344
 345
 346
 347
 348
 349
 350
 351
 352
 353
 354
 355
 356
 357
 358
 359
 360
 361
 362
 363
 364
 365
 366
 367
 368
 369
 370
 371
 372
 373
 374
 375
 376
 377
 378
 379
 380
 381
 382
 383
 384
 385
 386
 387
 388
 389
 390
 391
 392
 393
 394
 395
 396
 397
 398
 399
 400
 401
 402
 403
 404
 405
 406
 407
 408
 409
 410
 411
 412
 413
 414
 415
 416
 417
 418
 419
 420
 421
 422
 423
 424
 425
 426
 427
 428
 429
 430
 431
 432
 433
 434
 435
 436
 437
 438
 439
 440
 441
 442
 443
 444
 445
 446
 447
 448
 449
 450
 451
 452
 453
 454
 455
 456
 457
 458
 459
 460
 461
 462
 463
 464
 465
 466
 467
 468
 469
 470
 471
 472
 473
 474
 475
 476
 477
 478
 479
 480
 481
 482
 483
 484
 485
 486
 487
 488
 489
 490
 491
 492
 493
 494
 495
 496
 497
 498
 499
 500
 501
 502
 503
 504
 505
 506
 507
 508
 509
 510
 511
 512
 513
 514
 515
 516
 517
 518
 519
 520
 521
 522
 523
 524
 525
 526
 527
 528
 529
 530
 531
 532
 533
 534
 535
 536
 537
 538
 539
 540
 541
 542
 543
 544
 545
 546
 547
 548
 549
 550
 551
 552
 553
 554
 555
 556
 557
 558
 559
 560
 561
 562
 563
 564
 565
 566
 567
 568
 569
 570
 571
 572
 573
 574
 575
 576
 577
 578
 579
 580
 581
 582
 583
 584
 585
 586
 587
 588
 589
 590
 591
 592
 593
 594
 595
 596
 597
 598
 599
 600
 601
 602
 603
 604
 605
 606
 607
 608
 609
 610
 611
 612
 613
 614
 615
 616
 617
 618
 619
 620
 621
 622
 623
 624
 625
 626
 627
 628
 629
 630
 631
 632
 633
 634
 635
 636
 637
 638
 639
 640
 641
 642
 643
 644
 645
 646
 647
 648
 649
 650
 651
 652
 653
 654
 655
 656
 657
 658
 659
 660
 661
 662
 663
 664
 665
 666
 667
 668
 669
 670
 671
 672
 673
 674
 675
 676
 677
 678
 679
 680
 681
 682
 683
 684
 685
 686
 687
 688
 689
 690
 691
 692
 693
 694
 695
 696
 697
 698
 699
 700
 701
 702
 703
 704
 705
 706
 707
 708
 709
 710
 711
 712
 713
 714
 715
 716
 717
 718
 719
 720
 721
 722
 723
 724
 725
 726
 727
 728
 729
 730
 731
 732
 733
 734
 735
 736
 737
 738
 739
 740
 741
 742
 743
 744
 745
 746
 747
 748
 749
 750
 751
 752
 753
 754
 755
 756
 757
 758
 759
 760
 761
 762
 763
 764
 765
 766
 767
 768
 769
 770
 771
 772
 773
 774
 775
 776
 777
 778
 779
 780
 781
 782
 783
 784
 785
 786
 787
 788
 789
 790
 791
 792
 793
 794
 795
 796
 797
 798
 799
 800
 801
 802
 803
 804
 805
 806
 807
 808
 809
 810
 811
 812
 813
 814
 815
 816
 817
 818
 819
 820
 821
 822
 823
 824
 825
 826
 827
 828
 829
 830
 831
 832
 833
 834
 835
 836
 837
 838
 839
 840
 841
 842
 843
 844
 845
 846
 847
 848
 849
 850
 851
 852
 853
 854
 855
 856
 857
 858
 859
 860
 861
 862
 863
 864
 865
 866
 867
 868
 869
 870
 871
 872
 873
 874
 875
 876
 877
 878
 879
 880
 881
 882
 883
 884
 885
 886
 887
 888
 889
 890
 891
 892
 893
 894
 895
 896
 897
 898
 899
 900
 901
 902
 903
 904
 905
 906
 907
 908
 909
 910
 911
 912
 913
 914
 915
 916
 917
 918
 919
 920
 921
 922
 923
 924
 925
 926
 927
 928
 929
 930
 931
 932
 933
 934
 935
 936
 937
 938
 939
 940
 941
 942
 943
 944
 945
 946
 947
 948
 949
 950
 951
 952
 953
 954
 955
 956
 957
 958
 959
 960
 961
 962
 963
 964
 965
 966
 967
 968
 969
 970
 971
 972
 973
 974
 975
 976
 977
 978
 979
 980
 981
 982
 983
 984
 985
 986
 987
 988
 989
 990
 991
 992
 993
 994
 995
 996
 997
 998
 999
 1000
 1001
 1002
 1003
 1004
 1005
 1006
 1007
 1008
 1009
 1010
 1011
 1012
 1013
 1014
 1015
 1016
 1017
 1018
 1019
 1020
 1021
 1022
 1023
 1024
 1025
 1026
 1027
 1028
 1029
 1030
 1031
 1032
 1033
 1034
 1035
 1036
 1037
 1038
 1039
 1040
 1041
 1042
 1043
 1044
 1045
 1046
 1047
 1048
 1049
 1050
 1051
 1052
 1053
 1054
 1055
 1056
 1057
 1058
 1059
 1060
 1061
 1062
 1063
 1064
 1065
 1066
 1067
 1068
 1069
 1070
 1071
 1072
 1073
 1074
 1075
 1076
 1077
 1078
 1079
 1080
 1081
 1082
 1083
 1084
 1085
 1086
 1087
 1088
 1089
 1090
 1091
 1092
 1093
 1094
 1095
 1096
 1097
 1098
 1099
 1100
 1101
 1102
 1103
 1104
 1105
 1106
 1107
 1108
 1109
 1110
 1111
 1112
 1113
 1114
 1115
 1116
 1117
 1118
 1119
 1120
 1121
 1122
 1123
 1124
 1125
 1126
 1127
 1128
 1129
 1130
 1131
 1132
 1133
 1134
 1135
 1136
 1137
 1138
 1139
 1140
 1141
 1142
 1143
 1144
 1145
 1146
 1147
 1148
 1149
 1150
 1151
 1152
 1153
 1154
 1155
 1156
 1157
 1158
 1159
 1160
 1161
 1162
 1163
 1164
 1165
 1166
 1167
 1168
 1169
 1170
 1171
 1172
 1173
 1174
 1175
 1176
 1177
 1178
 1179
 1180
 1181
 1182
 1183
 1184
 1185
 1186
 1187
 1188
 1189
 1190
 1191
 1192
 1193
 1194
 1195
 1196
 1197
 1198
 1199
 1200
 1201
 1202
 1203
 1204
 1205
 1206
 1207
 1208
 1209
 1210
 1211
 1212
 1213
 1214
 1215
 1216
 1217
 1218
 1219
 1220
 1221
 1222
 1223
 1224
 1225
 1226
 1227
 1228
 1229
 1230
 1231
 1232
 1233
 1234
 1235
 1236
 1237
 1238
 1239
 1240
 1241
 1242
 1243
 1244
 1245
 1246
 1247
 1248
 1249
 1250
 1251
 1252
 1253
 1254
 1255
 1256
 1257
 1258
 1259
 1260
 1261
 1262
 1263
 1264
 1265
 1266
 1267
 1268
 1269
 1270
 1271
 1272
 1273
 1274
 1275
 1276
 1277
 1278
 1279
 1280
 1281
 1282
 1283
 1284
 1285
 1286
 1287
 1288
 1289
 1290
 1291
 1292
 1293
 1294
 1295
 1296
 1297
 1298
 1299
 1300
 1301
 1302
 1303
 1304
 1305
 1306
 1307
 1308
 1309
 1310
 1311
 1312
 1313
 1314
 1315
 1316
 1317
 1318
 1319
 1320
 1321
 1322
 1323
 1324
 1325
 1326
 1327
 1328
 1329
 1330
 1331
 1332
 1333
 1334
 1335
 1336
 1337
 1338
 1339
 1340
 1341
 1342
 1343
 1344
 1345
 1346
 1347
 1348
 1349
 1350
 1351
 1352
 1353
 1354
 1355
 1356
 1357
 1358
 1359
 1360
 1361
 1362
 1363
 1364
 1365
 1366
 1367
 1368
 1369
 1370
 1371
 1372
 1373
 1374
 1375
 1376
 1377
 1378
 1379
 1380
 1381
 1382
 1383
 1384
 1385
 1386
 1387
 1388
 1389
 1390
 1391
 1392
 1393
 1394
 1395
 1396
 1397
 1398
 1399
 1400
 1401
 1402
 1403
 1404
 1405
 1406
 1407
 1408
 1409
 1410
 1411
 1412
 1413
 1414
 1415
 1416
 1417
 1418
 1419
 1420
 1421
 1422
 1423
 1424
 1425
 1426
 1427
 1428
 1429
 1430
 1431
 1432
 1433
 1434
 1435
 1436
 1437
 1438
 1439
 1440
 1441
 1442
 1443
 1444
 1445
 1446
 1447
 1448
 1449
 1450
 1451
 1452
 1453
 1454
 1455
 1456
 1457
 1458
 1459
 1460
 1461
 1462
 1463
 1464
 14

- habeo quod petis. Et separauit in die illo capras, & oues, & hircos, & arietes uarios & maculosos: cunſtum autem gregem unius coloris, ideſt albi & nigri uelleris tradidit in manus filiorum ſuorum, & poſuit ſpatium itineris inter generum & ſe dierum trium, qui paſcebat reliquos greges eius. Tollens ergo Iacob uirgas populeas uirides & amygdalinas & ex platanis ex parte decorticauit eas, detractiſq; corticibus in his, quæ ſpoliata fuerant, candor apparuit: illa uero quæ integra erant uiridia permanſerunt, atque in hunc modum color effectus eſt uariuſ. Poſuitq; eas in canalibus ubi effundebatur aqua, ut cum ueniſſent greges ad bibendum, ante oculos haberent uirgas, & in aſpectu earum conciperent: factumq; eſt in ipſo calore coitus, ut oues intuerentur uirgas & parerent maculoſa & uaria, & diuerſo colore ſparſa.) In factio Iacob quod uirgas ex corticauit, detrahens ut album uarie appareret, ſic in conſpectu ſetus pecorum uariarentur, cum matres in alueis aquarum biberent, & uiſus uirgis illam uarietatem conciperent: ut ex duplici deſiderio dum auide bibunt, & aſcenduntur a maribus, tales ſetus conciperent, quales umbras arietum deſuper aſcendentium in aquarum ſpeculo contemplabantur. ex uirgis enim in canalibus poſitis uariuſ erat etiam imaginum color. Nec mirum hanc in conſpectu ſeminarum eſſe naturam, ut quales perſpexerint, ſiue mente conceperint, in extremo uoluptatis aſtu quæ concipiunt, talem ſobolem procreent: cum hoc ipſum etiam in equarum gregibus apud Hiſpanos dicatur fieri.
- 20 Multa dicuntur ſimiliter fieri in animalium ſetibus: & Quintilianus in ea controverſia in qua accuſabatur matrona, quod Aethiopem peperit, pro deſenſione illius argumentatur, hanc concipientium eſſe naturam, quam ſupra diximus. Sed & mulieri acciditſe traditur, & ſcriptum reperitur in libris antiquiſſimi & peritiſſimi medici Hippocratiſ, quod ſuſpicionem adulterii fuerat puniendâ, cum pulcherrimum peperitſet utrique parenti generiq; diſſimile, niſi memoratuſ medicuſ ſoluiffet quaſtionem, illoſ admonens quaerere, ne forte aliqua talis pictura eſſet in cubiculo. qua inuenta, mulier a ſuſpicionem liberata eſt. Sed ad hanc rem, quam fecit Iacob, uirgarum ex diuerſis arboribus trium copulatio quid contulerit utilitatis, quod attinet ad uarias pecudes multiplicandas, non apparet omnino: nec aliquid ad hoc commodi intereſt, utrum ex uniuſ generis ligno uariarentur uirgæ; an plura ſint lignorum genera, cum ſola quaeratur lignorum uarietas. Ac per hoc cogit inquiri prophetiam aliquam reſ iſta, quam ſine dubio, ut propheta, fecit Iacob, & ideo nec fraudis arguendus eſt. nō enim tale aliquid, niſi reuelatione ſpiritali cum feciſſe credendum eſt. Virgæ populæ & amygdalinæ ſiue ex platanis, teſtimonia intelligēda ſunt ex lege atque prophetis & agiographis, quæ dominuſ noſter ex parte decorticauit, & ex parte in proprio colore dimiſit. decorticauit enim cum dicit, Scriptum eſt, oculum pro oculo, dentem pro dente: ego autem dico uobis, non reddere aduerſario omnino talionem: uel cū interrogatuſ a Iudæis, ſi deberet uxorem quiſ iuxta præceptum Moyſi quacumque ex cauſa dimittere, reſpondiſſe ſcribitur, ad duritiā cordis eorum fuiſſe a Moyſe præceptum: nam
- 40 ab initio non ita fuiſſe. & iterum, Scriptum eſt enim, diliges proximum tuum, & odio habebis inimicum tuum: ego autem dico uobis, orate pro inimicis ueſtriſ, & benefacite hiſ qui uoſ perſequentur: & cetera. hunc enim uerſiculum ex parte decoriare uiſuſ eſt, cum dicit, debere diligere inimicum: ex parte uero in proprio colore dimiſit, illud uidelicet quod de diligendo proximo ante præmiſit. oues enim accipiendi ſunt ii, qui ad fidem ueniunt Chriſti: arietes uero, beati intelligendi ſunt apoſtoli, ſeu eccleſiarum miniſtri: canales autem aquarum, euangeliorum accipiendi ſunt libri: uirgæ uero teſtimonia ſunt ueteris teſtamenti, quæ euangeliiſ contexta noſcuntur. Primum autem tempuſ conceptioniſ, aut pentecoſtes

Matth. 5

Idem 19

Marc. 10

Matth. 22

Luca 10

Marc. 12

Matth. 9

costes accipiendus est dies, in qua per prædicationem apostolorum, uelut primitiui tria millia uirorum scribuntur simul concepisse diuinum sermonem: aut certe tempus accipiendum est quadragesimæ aut paschæ, in quo pœnitentibus & cathœ cuminis iuxta intelligentiæ illorum mensuram, aut spiritaliter scripturarum testimonia proferuntur, aut certe secundum historiæ textum: utriusque uidelicet apta, ex quibus ualeant auditu concipere, & fructus bonorum operum procreare. deſcorticantur enim simul uirgæ, cum scripturarum testimonia, quæ secundum historiæ nequaquam stare uidentur, spiritaliter a sacerdotibus explanantur, ut de lepra parietis & pelliculæ staminis in Leuitico scriptum est. Quod autem pro mercede sua Iacob uarium & fuluum siue maculosum tam in ouibus quàm in capris sibi dicit dari, hoc significat, quod in euangelio scribis & pharisæis legi-
 10
 tur respondisse: Non ueni uocare iustos, sed peccatores in pœnitentiam. Quod uero ait, Respondebit mihi cras iustitia mea, iudicii tempus indicat, quando fidelibus redditurus est beatitudinis sempiternam mercedem, & infidelibus ac præuicatoribus poenarum illaturus est ultionem. Intellectus sacri cloqui inter textum & mysterium tanta est libratione pensandus, ut utriusque partes lance moderata, hinc neque nimis discussionis pondus deprimat, neque rursum torpor incuriæ uacuum relinquat. Multæ quippe eius sententiæ iuxta allegoriarum conceptionem sunt grauidæ, ut quisquis eas ad solam historiam tenere nititur, earum notitia per suam incuriam priuetur. Nonnulli uero ita exterioribus præceptis inserviunt, ut, si qui ea subtilius penetrare uoluerint, intus quidem nihil inueniant, sed hoc sibi etiam, quod foris loquuntur, abscondant. Vnde bene quoque narratione historica per significationem dicitur, Tollens Iacob uirgas populeas uirides & amygdalinas & ex platanis, ex parte decorticauit eas: & reliqua. Quid est uirgas uirides & amygdalinas & ex platanis ante oculos regum ponere, nisi per scripturarum seriem antiquorum patrum uitas atque sententias in exemplum populis præbere? quæ nimirum quia iuxta rationis examen rectæ sunt, uirgæ nominantur. Quibus ex parte corticem subtrahit, ut in his, quæ expoliantur, intimus candor appareat: & ex parte corticem seruat, ut sicut fuerant, exterius in uiriditate permancant: uariisq. uirgarum color efficitur,
 30
 dum cortex ex parte subtrahitur & ex parte retinetur. ante considerationis enim nostræ oculos, præcedentium patrum sententiæ quasi uirgæ uariæ ponuntur. In quibusdam plerumque intellectum litteræ fugimus, & quasi corticem subtrahimus: & dum plerumque intellectum litteræ sequimur, quasi corticem referuamus: dumq. ab ipsis cortex litteræ subducitur, allegoriæ candor interior demonstratur: & dum cortex relinquitur, exterioris intelligentiæ uirentia exempla monstrantur. Quas bene Iacob in aquæ canalibus posuit, quia & redemptor noster in libris eas sacræ scientiæ, quibus nos intrinsecus infundimur, fixit. Aspicientes arietes cum ouibus coeunt: quia rationales nostri spiritus, dum in earum intentione defixi sunt, singulis quibusque actionibus permiscentur: ut tales fetus operum procreent, qualia exempla præcedentium in uocibus præceptorum uident, & diuersum colorem proles boni operis habeant: quia & nonnumquam subtrahendo litteræ cortice, altius interna considerat: & referuato nonnumquam historiæ regimine, bene se in exterioribus format. Igitur quando primo tempore ascendebant oues, ponebat Iacob uirgas in canalibus aquarum ante oculos arietum & ouium, ut in earum contemplatione conciperent: usque in eum locum, ubi mutasti mercedem meam decem uicibus. hoc enim quando & quo modo factum sit, scriptura non narrat: sed utique factum est quod iste commemorat: nam dixit & hoc uxoribus suis, quando eas uocauit in campo, conquerens enim de patre illarum, ait inter
 cetera

cetera, Et mutauit mercedem meam decem uicibus, siue decem agnorum. Intel-
ligitur ergo per singula tempora partus ouium, cum uideret Laban tales fetus esse
natos, quales placuerat ut ad Iacob pertinerent, fraude pactum mutasse: & dixisse,
ut futuro fetu alios pecudum colores in mercede haberet Iacob. Cum autem ille
uirgas uarias non supposebat, non nascebantur uarii, sed unius coloris, quæ Iac-
cob ex nouo pacto auferbat. Quod cum uidisset Laban, rursus pactum fraude
mutauit, ut ad Iacob uariæ pertinerent. Tunc illarū suppositione uirgarum, uaria
nascebantur. Ergo quod ait Iacob uxoribus suis, Mutauit mercedem meam dec-
cem uicibus: & postea ipsi Laban similiter: non ita dixit, quasi prouenerit focero
eius ipsa fraus: ut enim ei non proueniret, Deum sibi dixit aduersum illum ad-
fuisse. Decem uero uices pro decem temporibus posuit, quibus oues, quas pasce-
bat, per sexennium pepererunt: bis quippe pariebant in anno. contigerat enim ut
primo anno, quo inter se pacti sunt, & ad eas pascendas placito huius mercedis ac-
cessit, semel parerent in fine anni: quia cum accessit, iam semel pepererant: rur-
susq. sexto anno, idest ultimo, cum semel peperissent, exorta necessitate profe-
ctionis, prius recederet, quam iterum parerent: ac per hoc cum primus annus at-
que ultimus duos ouium partus sub illo haberent, hoc est singulos, medii uero
quattuor anni binos, sunt omnes decem. Nec mirum quod hæc decem tempora
nomine uicissitudinum appellauit, quia iisdem temporibus nascebantur: uelut si
quisquam dicat, per tot uindemias aut tot messes, quibus intelligatur numerus
annorum. Pecudum autem illius regionis secunditas, sicut Italicarum, tanta fer-
tur, ut bis in anno pariant. Sequitur.

SVRREXIT itaque Iacob, & impositis liberis & coniugibus super camelos
abiit, tulitq. omnem substantiam & greges, & quidquid in Mesopotamia acqui-
sierat, pergens ad Isaac patrem suum ad terram Chanaan. Eo tempore Laban ieu-
rat ad tondendas oues, & Rachel furata est idola patris sui. noluitq. Iacob confite-
ri focero suo quod fugeret. Cumq. abiisset tam ipse, quam omnia, quæ iuris eius
erant, & amne transiit pergeret contra montem Galaath.) Non quod eo
tempore Galaath mons diceretur, sed per anticipationem, ut frequenter diximus,
illo uocatur nomine, quo postea nuncupandus est. Nunciatum est Laban die ter-
tio quod fugeret Iacob. Qui assumptis fratribus suis persecutus est eum diebus
septem, & comprehendit eum in monte Galaath, uiditq. in somnis dicentem si-
bi Deum, Caue ne quidquam aspere loquaris contra Iacob. Iamq. Iacob exten-
dit in monte tabernaculum, quando ille confectus est cum fratribus suis.
In eodem monte fixit tentorium, & dixit ad Iacob, Cur ignorante me fugere uo-
luisti, nec indicare mihi, ut prosequer te cum gaudio & canticis & tympanis &
cytharis? Non es passus ut oscularer filios meos & filias? Stulte operatus es. Et
nunc ualer quidem manus mea reddere tibi malum: sed Deus patris tui heri dixit
mihi, Caue ne loquaris cum Iacob quidquam durius. Esto, ad tuos ire cupiebas,
& desiderio tibi erat domus patris tui, cur furatus es Deos meos?) Notandum
est, quod a principio libri nunc primum inuenimus Deos gentium. superioribus
quippe scripturæ locis Deum nominabant. Sequitur, Tulit itaque lapidem,
& erexit illum in titulum.) diligenter enim aduertendum est, quo modo istos
titulos in rei cuiusque testimonio constituiebant, non ut eos per Diis colerent, sed
ut in eis aliquid significaretur. Sequitur, Quem uocauit Laban, tumulus tes-
tis, & Iacob, aceruum testimonii: uterque iuxta proprietatem linguæ suæ.) Tra-
ditur ab eis qui & Syram & Hebræam linguam nouerunt, propter proprietates
suæ cuiusque factum. fieri enim solet, ut alia lingua non dicatur uno uerbo quod
alia dicitur, & uicinitate significationis quidque appelletur. erat enim Labi Syrus,

& antiquam linguam parentum prouinciz in qua habitabat, sermone non mutauerat. hoc enim medie positum est, quod utrique conueniret, & ei qui dixerat, aceruus testimonii, & ei qui dixerat, tumulus testis. Sequitur, Intueatur dominus & iudicet inter nos, quando recesserimus a nobis, si asfixeris filias meas, & si introduxeris uxores alienas super eas. Nullus sermonis nostri testis est, absque Deo qui præsens respicit. Quod dicit Laban, Nullus sermonis nostri testis est absque Deo, qui præsens respicit: nullus extraneorum præter testificationem Dei, quem ita habere deberent, tamquam nemo cum eis esset, quem testimonio eius iungerent. Post longam igitur seruitutem quam Iacob apud socerum suum pro uxoribus uelut mercenarius sustinuit, præcepit ei dominus, ut reuertetur in patriam suam: tunc ignorante socero cum uxoribus & comitatu properauit. Laban autem cōsecutus est eum in montē Galaath cū furore, atque idola quæ Rachel furata erat apud eum requisuit, nec reperit. Quid igitur ipsum hoc sibi figurat iter uelit, inquitramus. Dum Laban superius aliā gerat personā, nūc tamen diaboli typum figurat. Laban quippe interpretatur Dealbatio. Dealbatio autem diabolus non inconuenienter accipitur, qui cum sit ex merito tenebrosus, transfiguratur se in angelum lucis. Huic seruiuit Iacob ex patre reproborum Iudaicus populus, ex cuius carne incarnatus dominus uenit. Potest etiam per Laban mundus exprimi, qui cum furore Iacob persequitur: quia electos quosque, qui redemptionis nostri membra sunt, persequendo opprimere conatur. Huius filiam, idest, seu mundi, seu diaboli, Iacob abstulit: cum sibi Christus ecclesiam ex gentilitate coniunxit, quam & de domo patris abstraxit: quia ei per prophetam dicit, Obliviscere populum tuum, & domum patris tui. Quid uero in idolis, nisi auaritia, designatur? Vnde per Paulum dicitur, Et auaritia quæ est idolorum seruitus. Laban ergo ueniens apud Iacob, idolum non inuenit: quia ostensis mundi thesauris diabolus, in redemptore nostro uestigia concupiscentiæ terrenæ non reperit. Sed quæ Iacob non habuit, ea Rachel sedendo cooperuit. Per Rachel quippe, quæ & ouis dicitur, ecclesia figuratur. Sedere autem, est humilitatem penitentis appetere: sicut scriptum est, Surgite postquam sederitis. Rachel ergo idola sedendo cooperuit, quia sancta ecclesia Christum sequens, uirium terrenæ concupiscentiæ per humilitatē penitentis cooperuit. De hac cooperatione per prophetā Dauid dicitur, Beati quorum remissæ sunt iniquitates, & quorum testis sunt peccata. Nos quidem Rachel illa significabat, qui idola sedendo premimus, si culpas auaritiæ penitendo damnamus. Quæ auaritiæ immunditia non illos qui uiriliter currunt impedit, quibus dicitur, Viriliter agite & confortetur cor uestrum: sed hos maxime impedit, qui quasi effeminato gressu gradientes, per blandimenta sæculi resoluuntur. Vnde illic eiusdem Rachelis hæc uerba sunt, iuxta cōsuetudinē feminarū nunc accedit mihi: idest, quasi muliebria se habere innotuit. Laban autē postquam persecutus esset Iacob, & inuenisset eū, & locuti essent inter se nientes sedes, tulit Iacob lapidē, & erexit illum in titulū, dixitq. fratribus suis, Afferte lapides. Qui congregantes fecerunt tumulū, quē uocabat Laban, tumulus testis: & Iacob, aceruum testimonii. Inter fideles enim tā ludæosquā gentes, testis est lapis eminens similitudine Christi, & aceruus lapidum, quod esset turba credentium. Sequitur, IACOB quoque abiit itinere quo coeperat, fueruntq. ei obuiam angeli Dei. quos cum uidisset, ait, Castra Dei sunt hæc. Et appellauit nomen loci illius Manaim: idest, castra. Castra Dei quæ uidit Iacob in itinere, nulla dubitatio est quod angelorum fuerit multitudo. Ea quippe in scripturis, cæli militia nominatur, Pulchre ad fratrem iturus inimicum, angelorum fe comitantium excipitur choris.

Misit

C.A. XXXII

De nunciis Iacob ad Esau

VII

Misit autem nuncios ante se ad Esau fratrem suum in regionem Edom, præcepitq. eis, dicens, Sic loquimini domino meo, Hæc dicit frater tuus Iacob, Apud Laban peregrinatus sum, & fui usque in præsentem diem. Habeo boues & asinos, oues & seruos arque ancillas, mittoq. legationem ad dominum meum, ut inueniam gratiam in conspectu tuo. Reuersi sunt ad Iacob nuncii, dicentes, Venimus ad Esau fratrem tuum, & ecce properat in occursum tuum cum quadringentis uiris. Timuit Iacob ualde, & perterritus diuisit populum qui secū erat, greges quoque & oues & boues & camelos in duas turmas.) Quæri potest quo modo habuerit fidem promissionis Dei, quandoquidem dixit, Si uenerit ad turmam primam

16 frater meus, & percusserit eam, alia turma, quæ reliqua est, saluabitur. Sed etiam hoc fieri potuit, ut auerteret castra eius Esau: & tamen Deus post illam afflictionem adesset, ut liberaret eum, & quæ promisit, impleret. Et admonendi sumus hoc exemplo, ut quamuis credamus in Deum, faciamus tamen quæ facienda sunt ab hominibus in præsidium salutis: ne prætermittentes ea, Deū tentare uideamur. Denique post hæc quæ uerba dicat idē Iacob, cōsiderandum est. Deus, inquit, patris mei Abraham, & Deus patris mei Isaac, qui dixisti mihi, Reuerte in terram tuam, & in locum natiuitatis tuæ, & bene faciā tibi: minor sum cunctis miserationibus, & ueritate quam explesti seruo tuo: in baculo meo trāsui Iordanē istum, & nunc cum duabus turmis regredior: erue me de manu fratris mei;

20 quia ualde eum timeo, ne forte ueniens percutiat matrem cum filiis: tu locutus es, quod bene faceres mihi, & dilatares semen meum sicut arenam maris, quæ præ multitudine numerari non potest.) Satis in his uerbis & humana infirmitas & fides pietatis apparet. Sequitur, Cumq. dormisset ibi nocte illa, separabat de his quæ habebat munera Esau fratri suo, capras CC, hircos uiginti, oues CC, arietes uiginti, camelos fetas cum pullis suis triginta, uaccas quadraginta, & tauros uiginti, asinas uiginti, & pullos earum decē: & misit per manus seruorum suorum singulos seorsum greges. Dixitq. pueris suis, Antecedite me, & sit spatium inter gregem & gregem. Et præcepit priori, dicens, Si obuium habueris Esau fratrem meum, & interrogauerit te, cuius es? aut, quo uadis? & cuius sum? ista quæ se-

30 queris? respondebis, Serui tui Iacob: munera misit domino meo Esau: ipse quoque post nos uenit. Similiter mandata dedit secundo ac tertio, & cunctis qui sequebantur greges, dicens, Iisdem uerbis loquimini ad Esau, cum inueneris eū: & addetis, ipse quoque seruus tuus iter nostrum insequitur. dixit enim, Placabo illum muneribus quæ præcedunt, & postea eum uidebo: forsitan propitiabitur mihi. Præcesserunt itaque munera ante eum: ipse uero mansit nocte illa in castris: dixit enim, Placabo uultum eius in muneribus præcedentibus eum.) Scriptor libri narrat de Iacob, dixit enim, Placabo uultum eius. Hucusque uerba Iacob dixisse intelligitur: cetera uero sua intulisse, quod ait, In muneribus præcedentibus eum: tamquā diceret, In muneribus quæ præcedebant Iacob, placabo uultum fratris mei. ordo enim uerborum Iacob: Placabo uultum eius, & post hæc uidebo faciem eius, forsitan enim suscipiet faciem meam: interposita autem sunt uerba scriptoris, In muneribus præcedentibus eum. Sequitur, Cumq. mature surrexisset, tulit duas uxores suas & totidem famulas cum undecim filiis, & trāsiiuit torrentem Iaboch: transiuitisq. omnibus quæ ad se pertinebant, remansit solus: & ecce uir luctabatur cum eo usque mane. Qui cum uideret, quod eum superare non posset, tetigit neruum femoris eius, & statim emarcuit. Dixitq. ad eū, Dimitte me, iam enim ascendit aurora. Respondit, Non dimittā te, nisi benedixeris mihi. Ait ergo, Quod nomen est tibi? Respondit, Iacob. At ille, Nequaquā, inquit,

K. 2 Iacob

Iacob appellabitur nomen tuum, sed Israel: quoniam si contra Deum fortis fuisti, quanto magis contra homines præualebis? Interrogauit eum Iacob, Dic mihi quo appellaris nomine? Respondit, Cur quæris nomen meum, quod est mirabile? Et benedixit eum in eodem loco. Vocauitq. Iacob nomen loci illius Phanuel, dicens, Vidi dominum facie ad faciem, & salua facta est anima mea.) Sensus itaque hic est: Non uocabitur nomen tuum supplantator, hoc est Iacob: sed uocabitur princeps cum Deo, hoc est Israel. quo modo enim ego princeps sum, sic & tu, qui mecum luctare potuisti, princeps uocaberis. Si autem mecum qui Deus sum, siue angelus (quoniam plerique uarie interpretantur) pugnare potuisti, quanto magis cum hominibus, hoc est, cum Esau, quem formidare non debes? Illud autem quod in libro nominum interpretatur, Israel, uir uidens Deum, siue mens uidens Deum, omnium pæne sermone detritum, non tam uere quam uiolenter mihi interpretatur uidetur. Quamuis igitur grandis auctoritatis sint, & eloquentiæ ipsorum nos umbra opprimat, qui Israel, uirum siue mentem uidentem Deum, transulerunt: nos magis scripturæ, & angeli, uel Dei, qui Israel ipsum uocauit, auctoritate ducimur, quam cuiuslibet eloquentiæ secularis. Hoc autem nomen illi ab angelo impostum, qui cum illo fuit in iunere de Mesopotamia redeunte luctatus, typum Christi euidentissime gerit. Nam quod ei præualuit Iacob utique uolenti, ut mysterium figuraret, significat passionem Christi, ubi uisi sunt ei præualere Iudæi. Et tamen benedictionem ab eodem angelo quem superauerat, impetrauit: ac sic huius nominis impositio, benedictio fuit. Interpretatur autem Israel, princeps cum Deo: siue, ut alii uolunt, uir uidens Deum: quod erit in fine præmium sanctorum omnium. Tetigit porro illi idem angelus, ueluti præualenti, latitudinem femoris; eumq. isto modo claudum reddidit. Erat itaque unus atque idem Iacob, & benedictus, & claudus: in eis qui in Christum ex eodem populo crediderunt, atque in infidelibus claudus. Nam femoris latitudo, est generis multitudo. Plures quippe sunt in ea stirpe, de quibus propheticæ prædictum est, Et claudicauerunt a semitis suis. Sequitur,

Psal. 15

CAPIT

XXXIII

De congressu

Iacob et Esau

VIII

LEVANS autem Iacob oculos, uidit uenientem Esau, & cum eo quadringentos uiros: diuisitq. filios Lia & Rachel, ambarumq. famularum: & posnit utramque ancillam & liberos earum in principio, Liam uero & filios eius in secundo loco, Rachel autem & Ioseph nouissimos: & ipse progrediens adorauit pronus in terra septies, donec appropinquaret frater eius. Currens itaque obuiam Esau fratri suo, amplexatus est eum, stringensq. collum & osculans fleuit: leuatisq. oculis uidi: mulieres & liberos eorum, & ait, Quid sibi uolunt isti, & si ad te pertinent? Respondit, Paruuli sunt, quos donauit mihi Deus seruo tuo. Et appropinquant es ancillæ & filii earum, incuruati sunt. Accessit quoque Lia cū filiis suis, & similiter adorauerunt. Extremi Ioseph & Rachel adorauerunt. Dixitq. Esau, Quæ nam sunt istæ turmæ quas obuiam habui? Respondit, Ut inuenirẽ gratiam coram domino meo. Et ille ait, Habeo plurima, frater mi, sint tua tibi. Dixitq. Iacob, Noli ita facere, obsecro: sed si inueni gratiam in oculis tuis, accipe munusculum de manu mea. sic enim uidi faciem tuam, quasi uiderem uultum angeli Dei, siue uultum Dei.) Quid sibi uult quod Iacob ait fratri suo, Propter hoc uidi faciem tuam, quemadmodum cum uidet aliquis faciem Dei? utrum parentis & perturbati animi uerba usque in hanc adulationẽ proruperunt? an secundum aliquẽ intellectũ sine peccato dicta accipi possunt? fortassis enim quia dicti sunt & gentium dii, quæ sunt dæmonia, non præiudicetur ex his uerbis homini Dei. non enim dixit, Quemadmodum si uiderem faciem Dei: sed, Cum uidet aliquis. Ipse autem aliquis, quem significare possit, incertũ est. Atque ita fortasse temperata sunt uerba

uerba, ut & ipse Esau sibi delatum tantum honorem grate acciperet: & qui hæc etiam aliter intelligeret, eum, a quo dicta sunt, nullo crimine impietatis argueret: quod sibi benigno animo dicta hæc uerba fraterna sunt, quoniam & post bonam susceptionem metus ipse transferat. Potuit & sic dici, quemadmodum & Moyses Pharaoni Deus dictus est, secundum quod dicit apostolus, Et si sunt qui dicuntur dii, siue in celo, siue in terra, quemadmodum sunt dii multi & domini multi: maxime quia sine articulo in Græco dictum est, quo articulo euidentissime solet ueri Dei unius fieri significatio. non enim dixit, *θεοῦ πατρὸς τῷ υἱῷ*, sed dixit, *θεοῦ υἱὸς θεῖν*. Facile autem hoc intelligunt qua distantia dicatur, qui Græcum elo-

1. Cor. 8

- 10 quium audire atque intelligere solent. Sequitur, Ait Esau ad Iacob, Gradiamur simul, & ero socius itineris tui. Dixit Iacob, Nosti domine mi, quod paru-
los habeam teneros, & oues ac boues fetas mecū: quas si plus in ambulando fece-
ro laborare, morientur una die cuncti greges. Præcedat dominus meus ante ser-
uum suum, & ego sequar paulatim uestigia eius, sicut uidero posse paruulos me-
os, donec ueniam ad dominum meum in Seir: hoc enim, sicut scriptura diuina
narrat, Iacob non fecit, ut ad Esau perueniret in Seir: sed eo perrexit itinere, quo
dirigebat ad suos. An forte ueraci animo promiserat, sed aliud postea cogitando
elegit. Sequitur, Et Iacob uenit in Sochot, ubi ædificata domo, & fixis tentoriis,
20 appellauit nomen loci illius Sochot, idest tabernacula: transiuitq. Salem urbem
Sycimorum, quæ est in terra Chanaan, postquam reuersus est de Mesopota-
mia Syriæ, & habitauit iuxta opidum, emitq. partem agni, in quo fixit tabernacu-
la, a filiis Emor patris Sichem, centū agnis: & erecto ibi altari inuocauit super il-
lud fortissimum Deum Israel. Est autem usque hodie ciuitas trans Iordanem hoc
uocabulo, idest Sochot, inter partes Scythopoleos. Et uenit Iacob Salem, ciuita-
tem Sichem, in terra Chanaan, cum uenisset de Mesopotamia Syriæ. Error obori-
tur quo modo Salem, Sichem ciuitas appelletur, cum Hierusalem, in qua regna-
uit Melchisedech, Salem ante sit dicta. aut enim unius nominis urbs utraque est,
quod etiam de pluribus Iudææ locis possumus inuenire, ut idem urbis & loci no-
men in alia atque alia tribu sit: aut certe istam Salem, quæ nunc pro Sichem nomi-
30 natur, dicimus hic interpretatam Consummatam, atque perfectam, & illam, quæ
postea Hierusalem dicta est, Pacificam, nostro sermone transferri. utrumque enim
accentu paululum declinato hoc uocabulum sonat. Sequitur,

- EGRESSA est autem Dina filia Liæ, ut uideret mulieres regionis illius. Quam cum uidisset Sichem filius Emor Ethei, princeps terræ illius, adamauit, rapuit, & dormiuit cum illa, ui opprimens uirginem, & cōglutinata est anima eius cum ea, tristeq. blanditiis deliniuit: & pergens ad patrem suum ait, Accipe mihi puellam hanc coniugem. Si iam cum illa dormierat, eamq. humiliauerat, quo-
modo postea uirginē uocat: nisi forte uirgo nomen ætatis est secundum Hebræū
eloquium? an potius per recapitulationem postea commemoratur, quod primo
factum est? prius enim potuit intendere animæ ipsius & adamare uirginem, & lo-
40 qui secundum sensum uirginis: & deinde cum illa dormire, eamq. humiliare. Dina quippe ut mulieres uideat extraneæ regionis egreditur, quando unaquæque mens sua studia negligens, actiones alienas curans, extra habitū atque extra ordi-
nem proprium euagatur. Quam Sichem princeps terræ uidit & adamauit: quia ui
delicet inuentam in curis exterioribus, diabolus corruptit: & adglutinata est ani-
ma eius cum ea, quia unitā sibi per iniquitatē efficit. Et quia cum mens peccare se
conspicit, admissum ære conatur: corrupta autem spes ac securitates uacuas ante
oculos uocat, quatenus utilitatem tristitiæ subtrahat: recte illic adiungitur, Tri-
stemq. blanditiis deliniuit. modo enim aliorum facta grauiora, modo nihil esse

Ca. XXXIII
De congressu
Iacob et Esau
V III

1110.]

K 3 quod

quod perpetratum est, modo misericordem Deum loquitur, modo tempus adhuc subsequens ad pœnitentiā pollicetur: ut dum per hoc decepta mens ducitur, ab intentione pœnitentiæ suspendatur: quatenus tunc bona nulla suscipiat, quam nunc mala nulla contristant: & tunc plenius obsidatur suppliciis, quæ nunc gaudet etiam in delictis. Sequitur, Et ecce die tertio quando grauissimus est dolor uulnerum, arreptis duo Iacob filii, Simeon & Leui fratres Dinæ, gladiis ingressi sunt confidenter: interfecitque omnibus masculis, Emor & Sichem pariter necauerunt, tollentes Dinam de domo Sichem fororem suam. Quibus egressis introierunt super occisos ceteri filii Iacob, & depopulati sunt urbem in ultionem stupri fororis suæ.) Apparet ergo his uerbis, non transeunter, sicut uiator solet, illic mansisse Iacob, sed agrum emisse, tabernaculum constituisse, aram instruxisse: ac per hoc diutius in Sichem mansisse, quæ alio nomine dicitur Salem, quæ est in terra Chanaan: filiam uero eius, cum in eam uenisset atatem, ut amicos habere iam posset, uidere uoluisset filias ciuium loci, atque ita factam esse pro illa cruentissimam eadem & depredationem, quæ iam, ut puto, quæstionem non habet, multitudinem enim non parua fuit, quia plurimum ditatus erat. Sed filii eius in hoc facto nominantur, quia eiusdem facti principes atque auctores fuerunt. Sequitur, *Cap. XXXV* INTEREA locus est Deus ad Iacob, Surge, & ascende Bethel, & habita ibi: facque altare Deo, qui apparuit tibi, quando fugiebas fratrem tuum.) Quare non dixit, Et fac ibi altare mihi, qui apparui tibi: sed Deus dicit, Fac ibi aram Deo qui apparuit tibi? Vtrum filius ibi apparuit, & Deus pater hoc dicit? an in aliquo genere locutionis adnumerandum, sicut est illud, Pluit dominus a domino? Sequitur, Ait, Abiicite Deos alienos, qui in medio uestri sunt, & mundamini, & mutate uestimenta uestra. Surgite, & ascendamus in Bethel, & faciamus ibi altare domino, qui exaudiuit me in die tribulationis meæ, & fuit socius itineris mei. Dederunt ergo ei omnes Deos alienos quos habebant, & inanes quæ erant in auribus eorum. At ille infodit ea subter terebinthum, quæ est post urbem Sichem.) Queritur quare inanes, quæ ornamenta erant, & ad idololatriam non pertinebant: nisi quia intelligendum est, phylacteria fuisse dæmoniorum? Nam Rebeccam a seruo Abraham inanes accepisse, scripturæ testatur. quod non fieret, si ei inanes ornamenta gratia non licerent. Ergo illæ inanes, quæ cum idolis datæ sunt, ut dictum est, idolorum phylacteria fuerunt. Sequitur, Cumque profecti essent, terror domini inuasit omnes circa regiones, & non sunt ausi persequi recedentes.) Incipiamus aduerte, quo modo Deus operetur in mentibus hominum. a quo enim timor Dei factus est in illis ciuitatibus, nisi ab illo qui sua promissa in Iacob filiis eius tuebatur? Sequitur, Venit igitur Iacob Luzam, quæ est in terra Chanaan, cognomento Bethel, ipse & omnis populus cum illo. edificauitque ibi altare, & appellauit nomen loci, domus Dei: ibi enim apparuit ei Deus, cum fugeret fratrem suum.) Ecce manifestissime comprobatur Bethel, non Vlamau, ut Septuaginta interpretes dixerunt, sed Luzam, idest Amygdalum, ante uocitatum. nec mirum debet uideri. multis enim locis hoc accidit, & in ciuitatibus, & in fluminibus, & in quibusque terrarum locis, ut ex aliis atque aliis causis uel aderentur uel mutarentur uocabula, sicut & hominibus. Sequitur, Eodem tempore mortua est Debbora nutrix Rebeccæ, & sepulta ad radices Bethel subter quercum. Vocatumque est nomen loci illius, quercus sctus.) Debbora enim typum gerebat Moisaicæ legis. quæ ut apes mella diuinæ cognitionis & cultus populis præbuit, quæ ob hoc etiā domini nutricula fuit: quia ut apostolus ait, Natus ex muliere, factus est sub lege. Vmbra igitur & imagines legis tunc mortuæ atque sepultæ noscuntur, quando dominus in passione sua legitur exclamasse, *Com-*

*De morte
Debbora.
XI*

Gad. 4

Consummatū est. Quercus uero sub qua Debhora sepulta esse pronunciat, crux intelligenda est domini: quæ ob hoc quercus est appellata stetus, quia in ea suspensa est uita, quæ iudeis incredulis perpetuum intulit luctū. Sequitur, Apparuit autem iterū Deus Iacob postquam reuersus est de Mesopotamia Syriæ, benedixitq. ei, dicens, Nō uocaberis ultra Iacob, sed Israel erit nomen tuū. Et appellauit eū Israel. Dūdū nequaquam ei ab angelo nomen imponitur, sed, quod imponendum a Deo sit, prædicitur. Quod igitur futurum ibi promittitur, hic docetur expletum. Hoc ergo ei dicit iterum Deus in benedictione, quæ repetitio cōfirmat magnum promissum in hoc nomine. nam hoc mirum est. quibus enim semel dictum est, amplius eos non uocari quod uocabantur, sed quod eis nomen nouum imponebatur, omnino amplius aliquid non uocatos, nisi quod eis impositum sit: istum autem per totam uitam suam appellatum esse Iacob, cui semel Deus dixerat, Non iam uocaberis Iacob, sed Israel erit nomen tuum. Nimirum ergo nomen hoc ad illam recte intelligitur pertinere promissionem, ubi sic uidebitur Deus, quo modo non est antea patribus uisus, ibi enim non erit nomen ætius, quia nihil remanebit uel in ipso corpore uetustatis, & Dei uisio summum erit præmium. Sequitur, Ego Deus omnipotens: crescere & multiplicare: gentes & populi nationum erunt ex te, reges de lumbis tuis egredientur. Vtrum gentes secundum carnem, congregationes autem gentium secundum fidem: an utrumque propter fidem gentium dictum est. sed gentes appellari non possunt, una gens Israel secundum carnem. Sequitur, Ille uero erexit titulum lapideum in loco, quo locutus fuerat ei Deus, libans super eum libamina, & effundens oleum, uocansq. nomen loci Bethel. Iterum factum est hoc loco quod factum fuerat, an iterum commemoratum est? Sed quodlibet horum sit, super lapidem libauit Iacob, non lapidi libauit: non sicut idololatæ solent aras ante lapides constituere, & tamquā diis libare lapidibus. Sequitur, Egressus autem inde, uenit uerno tempore ad terram quæ ducit Ephrata. in qua cum parturiret Rachel, ob difficultatem partus periclitari coepit. dixitq. ei obstetrix, Noli timere: quia & hunc habebis filium. Egre-diente autem anima præ dolore, & imminente iam morte, uocauit nomen filii sui Benoni, idest, filius doloris mei. pater uero appellauit eum Benjamin, idest, filium dextræ. Mortua est ergo Rachel, & sepulta in uia, quæ ducit Ephrata, hæc est Bethlehem, erexitq. titulum super sepulcrum eius, Ephrata uero & Bethlehem unius urbis uocabulum est, sub interpretatione consimili. siquidem in frugiferam & in domum panis uertitur, propter eum panem qui de cælo ibi descendisse legitur. Sed quid sibi uult, quod cum eundem Benjamin Rachel pareret, uocauit nomen eius, filius doloris mei: nisi futurum prophetans ex eius tribu Paulum, qui affligeret filios ecclesiæ persecutionis suæ tempore? Siue aliter per Benjamin terrestribus figurabatur Hierusalem, quæ est in tribu eiusdem Benjamin, cuius populus graui matrem dolore affecit, effundendo sanguinem prophetarum, insuper etiam in necem Christi impiis acclamando uocibus, Sanguis eius super nos & super filios nostros. Sequitur, Egressus inde, fixit tabernaculum trans torrentem gregis. Quod alia translatio dicit, Trans torrentem Hader. Hunc locum esse Hebræi uolunt ubi postea templum ædificatum est, & turrim Hader, turrim gregis significari hoc est, congregationis & cœtus: quod Michæas propheta testatur, dicens, Et tu turris gregis filia Sion, & cetera. illoq. tempore Iacob trans locum, ubi postea templum ædificatum est, habuisse tentoria. Sed sequamur ordinem. Via pastorum iuxta Bethlehem locus est, ubi uel angelorum grex in ortu domini cecinit, uel Iacob pecora sua pauit, loco nomen imponens: uel, quod uerius est, uaticinio futurum iam tunc mysterium monstrabatur. Sequitur, Cumq. habitaret in illa regione

De morte Ra-chel. xli

Marc. 7

Mich. 4

De concubitu
Ruben cum
Bala. XIII

Catalogus fi-
liorum Iacob.
XIII

Matth. 1

gione, abiit Ruben, & dormiuit cum Bala concubina patris sui, quod illum mi-
nime latuit.) Ruben concupiscentia motus libidinis, in concubinam patris sui
præceps effebuit. Quod incesti crimen non scriberetur, nisi futura perueritas Israe-
litici populi prænunciaretur. Quamquam & in illo qui hoc commisit, consideretur
esse flagitium, in scripturis tamen est prophetia futurorum: namque per Ruben
primogenitum, populus primogenitus Israel ex circumcissione significatur. Qui
thorum concubina polluit: idest, legem ueteris testamenti sæpe præuaticando
commaculauit. Quod autem in concubina lex ueteris testamenti ponatur, Paulus
apostolus docuit, dicens, Abraham duos filios habuit, unum de ancilla, & unum
de libera: hæc autem sunt duo testamenta: & cetera. In quo Agar quæ concubina
fuit, ueteris testamenti ponitur typo. una est enim perfecta columba genitricis suæ,
quæ uirgo casta regina & sponsa Christi ecclesia per euangelium iungitur. Sequi-
tur, Erant autem filii Iacob duodecim. Filii Lix: primogenitus Ruben, & Si-
meon, & Leui, & Iudas, & Isachar, & Zabulon. Filii Rachel: Ioseph, & Benia-
min. Filii Balæ ancillæ Rachelis: Dan, & Neptalim. Filii Zephæ ancillæ Lix:
Gad, & Aser. Hi filii Iacob, qui nati sunt ei in Mesopotamia.) Quo modo XII fi-
lii Israel computantur qui nati sunt, & dicitur, Hi sunt filii Israel, qui nati sunt ei
in Mesopotamia: cū Benjamin longe postea natus sit, cum iam transisset Bethel, &
appropinquaret Bethlehem? Hinc frustra quidam conantes istam soluere quæstio-
nem dixerunt. nō legendum, Nati sunt: sicut Latini plerique codices habent: sed,
Facti sunt: græce enim scriptum est, *ἐγένοντο*. Ita uolentes intelligi, etiam Benjamin
quamuis ibi natus non fuerit, ibi factum tamen: quia iam fuerat in utero semina-
tus, ut prægnans inde Rachel exisse credatur. Hoc autem modo etiam si, Nati sunt,
legeretur, possent dicere, iam in utero natus erat, quia conceptus erat: sicut & de
sancta Maria dictum est ad Ioseph, Quod enim in ea natum est, de spiritu sancto est.
Sed aliud est quod impedit hanc solutionem quæstionis huius: quia si iam Benia-
min ibi conceptus erat, qui filii Iacob grandes inde exierant, uix annorum XII esse
poterant. uiginti namque annos illic expleuit, quorum primis VII sine con-
iugio fuit, donec seruiendo adipsiceretur. Ut ergo primo anno quo duxit uxorem,
ei filius nasceretur, XII annorum esse poterat primitiuus, cum inde profectus est.
Proinde si iam conceptus fuerat Benjamin, intra X menses omnis illa uia peracta est
& quidquid in itinere adscriptum est, unde sequitur, ut filii eius tam paruuli pro
sorore sua Dina tantam stragem fecerint, tot homines trucidauerint, ita expugna-
uerint ciuitatem: in quibus Simeon & Leui, qui primi gladiis accincti intrauerunt
ad illos, hominesq. peremerunt, unus undecim, alius autem decem annorum fuisse
reperiatur: etiam si per annos singulos sine intermissione illa pepererit: quod
utique incredibile est, ab illius ætatis pueris illa omnia fieri potuisse: quando &
ipsa Dina uix adhuc sex annorum fuit. Proinde aliter soluenda quæstio est. ut ideo
intelligatur dictum esse, commemoratis XII filiis, Hi sunt filii Iacob, qui nati
sunt ei in Mesopotamia Syriæ: quia inter omnes, qui tam multi erant, unus tan-
tum erat non ibi natus. qui tamen inde habuit nascendi causam, quod ibi mater
eius patri copulata est. Sed solutio ista quæstionis, aliquo exemplo locutionis si-
milis firmanda est. Nulla tamen facilius est solutio quæstionis huius, quam ut per
synecdochem accipiat. ubi enim pars maior est, aut potior, solet eius nomine
etiam illud comprehendere, quod ad ipsum nomen pertinet: sicut ad XII aposto-
los iam nō pertinebat Iudas, qui etiā mortuus fuit, cum dominus resurrexit a mor-
tuis: & tamen ipsius duodenarii numeri nomen apostolus in epistola sua tenuit,
ubi ait, Cum apparuisset illis duodecim. Cum articulo enim hoc Græci codices
habent, ut non possent intelligi quicumque XII, sed illi in eo numero insignes.

Eo modo locutionis puto & illud a domino dictum, Nonne ego vos duodecim elegi, & unus ex vobis diabolus est. ut non ad electionem ipse pertinere uideretur. Sic quia aprior erat numerus XII filiorum Iacob, qui nati fuerant in Mesopotamia, ipsorum commemoratione scriptura complexa est etiam Benjamin, qui non erat ibi natus, & dictum est, Hi filii Iacob qui nati sunt ei in Mesopotamia Syriæ. Sequitur,

HÆ SVNT autē generationes Esau: ipse est Edom. Esau accepit uxores de filiabus Chanaan: Ada, filiam Elon Hethæi: & Olibama, filiam Anæ filii Sebeon Euzi: Basemath quoque, filiam Ismahel, sororem Nabioth. Peperit autem Ada Eliphaz: Basemath genuit Rahuel: Olibama edidit Iehus, & Elon, & Chore. Hi filii Esau, qui nati sunt ei in terra Chanaan.) Quod post narrationem mortis Isaac, narratur quas uxores accepit Esau, & qui ei filii nati sunt, recapitulatio intelligenda est. neque enim post mortem Isaac fieri cœpit, cum iam essent Esau & Iacob CXX annorum. nam eos sexagenarius suscepit, & per omnes annos uitæ suæ CLXXXV. Iste est Eliphaz, cuius scriptura in Iob uolumine recordatur. Sequitur, Tulit autem Esau uxores suas, & filios & filias, & omnem animam domus suæ, & substantiam, & pecora, & cuncta quæ habere poterat in terra Chanaan, & abiit in alteram regionem, recessitq. a fratre suo Iacob. diuites enim erant valde, & simul habitare non poterant, nec sustinebat eos terra peregrinationis eorum præ multitudine gregum. habitauitq. Esau in monte Seir, ipse est Edom.) Esau & Edom & Seir, unius nomen est hominis: & quare uarie nuncupetur, supra dictum est. Sed questio est, quo modo scriptura dicat, post mortem Isaac patris sui, Esau abfcessisse de terra Chanaan, & habitasse in monte Seir: cum ueniente de Mesopotamia Iacob fratre eius, legatur quod iam illic habitabat. Proinde quid fieri potuerit, ut scriptura falli, uel fallere non credatur: in promptu est cogitare, quod scilicet Esau, postea quam in Mesopotamiam frater eius abfcessit, noluit habitare cum parentibus suis: siue ex illa commotione, qua dolebat se benedictione fraudatum, siue alia aliqua causa, uel uxorum suarum quas odiosas uidebat esse parentibus, uel qualibet alia, & coeperat habitare in monte Seir: deinde post reditum Iacob fratris sui, facta inter eos concordia, reuersus est & ipse ad parentes: & cum mortuum patrē simul sepelissent, quia eos plurimum ditatus terra illa, sicut scriptū est, minime capiebat, abfcessit rursus in Seir, & ibi propagauit gentem Idumæorum. Sequitur, Reges autem qui regnauerunt in terra Edom, antequam haberent regem filii Israel, fuerunt hi: Bahale filius Beor, nomenq. urbis eius Denaba. Mortuus est autem Bahale, & regnauit pro eo Iobab filius Zaræ de Bosra.) Hunc quidam suspicantur esse Iob, ut in fine uoluminis ipsius additum est. Contra Hebræi de Nachor cum stirpe generatum affirmant, ut iam supra dictum est. Quod autem scriptum est, Hi reges qui regnauerunt in Edom antequam regnaret rex in Israel, non sic accipiendum est, tamquam omnes reges nominati sint, usque ad ea tempora, quibus coeperunt reges Israel, quorum primus fuit Saul. multi enim fuerunt in Edom usque ad tempora Saul, sub temporibus etiam iudicum, quorum tempora fuerunt ante reges. Sed ex his multis, eos solos potuit commemorare Moyses, qui fuerunt antequam ipse moreretur. Nec mirum est, quod numerantibus ab Abraham per Esau patrem gentis Idumæorum, atque per Rahuel filium Esau, & Zara filium Rahuel, & Iobab filium Zaræ, cui Iobab successit in regnum Balach, qui prius in terra Edom rex fuisse commemoratur, usque ad ultimum regem, quem potuit nominare Moyses, plures generationes inueniuntur, quam numerantur ab Abraham per Iacob usque ad Moysen. nam illic inueniuntur fere undecim, hic autem usque ad Moysen ferme septem. fieri enim potuit, ut ideo ibi plures nominarentur,

Isa. 6

C A P V T
XXXVI
De generationibus Esau.
XV

De regibus
Edom. XVI

Matth. 1
Luc. 3

narentur, quia citius moriendo plures alter alteri successerunt. Sic etiam contigit, ut alium ordinem sequens Matthæus, ab Abraham usque ad Ioseph quadraginta duas generationes numeret: Lucas autem in ordine alio numerans generationes, non per Salomonem sicut ille, sed per Nathan, ab Abraham usque ad Ioseph quinquaginta quinque commemoret. In illo quippe ordine ubi plures numerantur, citius mortui sunt, quam hic, ubi pauciores. Ne forte autem moueat aliquem, quod inter reges Edom commemoratur Balach filius Beor, & de similitudine nominis existimet illum esse Balaach qui restitit Moyfi ducenti populum Israel: sciat illum Balaach Moabitem fuisse, non Idumæum: fuisseque filium Sephor, non filium Beor: fuisse etiam ibi tunc filium Beor, Balaam, non Balaach: quem Balaam conduxerat idem Balaach, ad maledicendum populum Israel.

CAPUT
XXXVII
De odio fratrum in Ioseph. XVII

IOSEPH cum sexdecim esset annorum, pascebat gregem cum fratribus suis, adhuc puer, & erat cum filiis Balæ, & Zelphæ, uxorum patris sui: accusauitque fratres suos apud patrem, crimine pessimo. Israel autem diligebat Ioseph super omnes filios suos, eo quod in senectute genuisset eum, fecitque ei tunicam polymitam. Videntes autem fratres eius, quod a patre plus cunctis fratribus amaretur, oderant eum, nec poterant ei quidquam pacifice loqui. Si sextodecimo anno Ioseph in Aegyptum est uenditus, ante XII annos quam moreretur auus eius uenditus inuenitur: XVI enim annorum esse non potuit, nisi ante XIII annos mortis Isaac, CVII anno uitæ patris sui Iacob. his enim cum adiecerimus XXXIII, quibus Ioseph usque ad aduentum patris sui fuit in Aegypto, fient anni ætatis Ioseph XXXIX, & Iacob CXXX, & nulla erit quæstio. Sed quoniam scriptura post mortem Isaac ista narravit, putatur Ioseph post eiusdem patris sui mortem XVI annorum fuisse. Quapropter intelligamus de uita Isaac tamquam multum decrepiti senis tacuisse scripturam, cum de Iacob & eius filiis loqueretur. Viuo tamen Isaac, XVI annorum esse coepit Ioseph. Accidit quoque ut uisum somnium referret fratribus suis, quæ causa maioris odii seminarium fuit, dixitque ad eos: Audite somnium meum, quod uidi. Putabam nos manipulos ligare in agro, & quasi confurgere manipulum meum, & stare, uestrosque manipulos circumstantes adorare manipulum meum. Responderunt ei fratres eius: Numquid rex noster eris, aut subiiciemur ditioni tuæ? Hæc ergo causâ somniorum atque sermonum, inuidiæ & odii somitem ministravit. Aliud quoque uidit somnium, quod narrans fratribus, ait, Vidi per somnium, quasi solem & lunam & stellas undecim adorare me. Quod cum patri suo & fratribus retulisset, increpauit eum pater, & dixit, Quid tibi uult hoc somnium, quod uidisti? Num ego & mater tua, & fratres tui adorabimus te super terram? Inuidebant igitur ei fratres sui, pater uero rem tacitus considerabat. Quod dicit Iacob ad Ioseph, Quod est somnium hoc quod somnias? numquid uenientes ueniemus ego & mater tua & fratres tui adorare te super terram? nisi in aliquo mysterio dictum accipiat, quo modo intelligitur de matre Ioseph, quæ iam erat mortua? Vnde nec in Aegypto cum sublimaretur putandum est hoc esse completum: quia nec pater eum adorauit, quando ad eum uenit in Aegyptum, nec mater olim defuncta potuit. In Christi ergo persona facile intelligi potest etiam de mortuis, secundum quod dicit apostolus, Quia donauit ei nomen, quod est super omne nomen, ut in nomine Iesu omne genu flectatur, caelestium, terrestrium, & infernorum. Sequitur, Perrexit ergo Ioseph post fratres suos, & inuenit eos in Dothaim. Qui cum uidissent eum procul antequam accederet ad eos, cogitauerunt eum occidere, & mutuo loquebantur, Ecce somnator uenit, uenite, occidamus eum, & mittamus in cisternam ueterem, dicemusque fera pessima deuorauit eum: & tunc apparebit, quid illi prosint somnia sua. Audientes

De somniis Ioseph. XVII

diens autem hoc Ruben, nitebatur liberare eum de manibus eorum, & dicebat, Non interficiamus animam eius, nec effundamus eius sanguinem, sed proiците eum in cisternam hanc, quæ est in solitudine, manusq. uestras seruate innoxias. Hoc autem dicebat, uolens eripere eum de manibus eorum, & reddere patri suo. Confestim igitur ut peruenit ad fratres suos, nudauerunt eum tunica talari & polymita, miseruntq. in cisternam quæ non habebat aquam. Et sedentes, ut comederent panem, uiderunt Ismahelitas uenire de Galaath, & camelos eorum portantes aromata, & resinam, & stacem in Aegyptum. Dixit ergo Iudas fratribus suis, Quid nobis prodest, si occidemus fratrem nostrum, & celauerimus sanguinem illius? melius est, ut uenundetur Ismahelitis, & manus nostræ non polluantur: frater enim & caro nostra est. Acquieuerunt fratres sermonibus eius, & prætoreunt tibus Madianitis negotiatoribus, extrahentes eum de cisterna, uendiderunt Ismahelitis triginta argenteis.) Queritur quare Ismahelitas scriptura, quibus a fratribus uenditus est Ioseph, etiam Madianitas uocet: cum Ismahel sit de Agar filius Abraham, Madianitæ uero de Cethura? An quia scriptura dixerat de Abraham, quod munera dederit filiis concubinarum suarum, Agar scilicet, & Cethuræ, & dimiserit eos ab Isaac filio suo in terram orientis, unã gentem fecisse intelligendi sunt? Sequitur, Qui duxerunt eum in Aegyptum. Reuersusq. Ruben ad cisternam non inuenit puerum, & scissis uestibus pergens ad fratres, ait; Puer non comparet; & ego quo ibo? Tulerunt autem tunicam eius, & in sanguine hœdi quem occiderant, tinxerunt, mittentes qui ferret ad patrem, & diceret, Hanc inuenimus: uide utrum tunica filii tui sit, an non? Quam cum cognouisset pater eius, ait, Tunica filii mei est, fera pessima comedit eum, bestia deuorauit Ioseph. Scissisq. uestibus indutus est cilicio, lugens filium multo tempore. Congregatis autem liberis eius, ut lenirent dolorem patris, uoluit consolationem recipere: sed ait; Descendam ad filium meum lugens in infernum.) Solet esse magna quæstio quo modo intelligatur esse infernum: utrum illic mali tantum, an etiam boni, mortui descendere soleant. Si ergo tantum mali, quo modo iste ad filium suum se dicit, lugendo uelle descendere? non enim in poenis inferni eum esse credebatur: sed perturbati & dolentis uerba sunt, mala sua etiam hinc exaggerantis. Sequitur, Madianitæ uero uendiderunt Ioseph in Aegyptum Putiphari eunuchò Pharaonis, magistro militiæ.) Queritur quo modo postea isdem eunuchus uxorem habere dicatur. Tradunt Hebræi emptum ab hoc Ioseph, ob nimiam pulchritudinem in turpe ministerium, & a domino uirilibus a factis postea electum esse, iuxta morem Hierophantarum, in pontificatum Heliopoleos: & huius filiam esse Aseneth, quam postea Ioseph uxorem acceperit. Ioseph unus ex XII filiis Iacob; quæ pater præ ceteris filiis dilexit, Christum dominum figurauit: quem Deus pater, secundum carnem natum, ceteris fratribus ex Abraham stirpe genitis prætulit. Unde & ibi dicitur, Amabat eum Iacob, eo quod in senectute genuisset eum. Senescens enim mundo, illucescens Dei filius per Mariæ uirginis partum, serus aduenit, tamquam filius senectutis, secundum sacramentum suscepit corporis, qui erat ante per substantiam deitatis semper cum patre. Tunica uero polymita, quam fecit ei pater, uarietatem populorum ex omnibus gentibus in corpore Christi congregatam significauit. Somnium uero illud, per quod fratrum manipuli adorauerunt manipulum eius, illud est quod in Christo completum est, Adorabunt eum omnes reges terræ, omnes gentes seruient ei: scilicet per fidem, fructum bonorum operum afferentes. Ipse est, quem sol & luna adorant, & stellæ. de quo sole dictum est, Laudate eum sol & luna, laudate eum omnes stellæ. ipsum enim excellentiâ sanctitatis in solis nomine, & ecclesiæ claritas sub imagine lunæ & omnium populorum

Psal. 71

Psal. 148

Matth. 13

Luca 13
Matth. 10CAPVT
XXXVIII
De uxore,
liberis Iuda
XIX

populorum numerositas in figura stellarum adorant. Vnde pater suus increpauit eum, dicens, Nūquid ego & mater tua & fratres tui adorabimus te? Obiurgatio ista patris, duritiam populi Israel significat: pro eo quod ex se natum Christum esse cognoscunt, & adorare contemnunt. Iacob mittit Ioseph filium suum, ut de fratribus sollicitudinem gereret: & Deus pater misit filium suum unigenitum, ut genus humanum peccatis languidum uisitaret. Mittitur ab illo utique patre, de quo scriptum est, Misit Deus filium suum in similitudine carnis peccati, ut uideret si recte agerentur oues. Et dominus ait in euangelio, Non ueni, nisi ad oues perditas domus Israel. Inuenit ergo Ioseph fratres suos in Dotaim. Dotaim interpretatur, Defectio. Vere in grandi defectioe erant, qui de paricidio fratris cogitabant. Cumque uidissent Ioseph fratres sui procul, occidere eum cogitauerunt: & Iudaei uidentes uerum Ioseph, dominum Iesum Christum, ut eum crucifigerent, unum omnes consilium statuerunt, dicentes, Crucifige eum. Fera pessima deuorauit eum: idest, plebs Iudaica interfecit eum: de qua dominus in euangelio dicit, Ecce ego mitto uos, sicut oues in medio luporum. Nudauerunt Ioseph fratres sui tunica porlymita & talari, & Iudaei Christum per mortem crucis expoliauerunt tunicam corporalem. Polymitam autem, idest, decoratā omnium uirtutum diuersitate. Resperferunt autem tunicam hoedi sanguine, quia falsus eum testimoniis accusantes, in inuidiam deduxere populi, peccata donantē omnium. Mittitur dehinc in cisternā, idest, in lacum: & Christus expoliatus carne humana descendit in infernū. De cisterna quoque leuatus ille Ismahelitis, idest, gentilibus uenditur: & Christus postquam de inferno egreditur, ab omnibus gentibus fidei commercio comparatur. Ille per Iudae consilium, triginta argenteis distrahitur: & hic Christus per consilium Iudae Scariotis eodem numero uenditus est. Dehinc Iacob posteritatis suae deplorans dispendia, quasi pater lugebat filium amissum, quasi propheta flebat interitum Iudaeorum. Denique scidit uestimentum suum, quod in passione legimus factum a principe sacerdotum: sed & uelum templi scissum est: ut propheta & nudatum suum populum, & diuisum ostenderet regnum.

EO tempore descendens Iudas a fratribus suis diuertit ad uirum Odollamitem nomine Hiram, uiditque ibi filiam hominis Chananai uocabulo Suz, & uxore accepta ingressus est ad eam. quae concepit & peperit filium, uocauitque nomen eius Her. Rursus conceptu fetu, natum filium nominauit Onan: Tertium quoque peperit, quem appellauit Sela. Quo nato, parere ultra cessauit. Dedit autem Iudas uxorem primogenito suo Her, nomine Thamar. Fuitque Her primogenitus Iudae nequam in conspectu domini, & ab eo occisus est. Dixit ergo Iudas ad Onan filium suum, Ingredere ad uxorem fratris tui, ut Suscites semen fratri tuo. Ille sciens non sibi nasci filios, introiens ad uxorem fratris sui, semen fundebat in terram, ne liberi fratris nomine nascerentur. Et iccirco percussit eum dominus, quod rem detestabilem fecisset. Quamobrem dixit Iudas nuri suae, Esto uidua in domo patris tui, donec crescat Sela filius meus. timebat enim ne & ipse moreretur, sicut fratres eius.) Queritur quo modo ista fieri potuerint. si enim postea quam Ioseph deuenit in Aegyptum, quo modo intra uiginti ferme & tres annos? nam post tantum temporis colligitur eos uenisse ad eundem Ioseph fratrem suum in Aegyptum cum patre suo. fieri enim potuit, ut Iudas & filii eius iuxta aetatis annos possent ducere uxores. Nam Thamar nurum suam, mortuo primogenito suo, alteri filio dedit: quo etiam mortuo, expectauit ut cresceret tertius: & cum creuisset, nec illi eam dedit, timens ne & ipse moreretur. Vnde factum est, ut eidem focero suo se illa supponeret. Quo modo ergo haec omnia intra tam paucos annos fieri potuerint, merito mouet, nisi, ut forte solet

solet scriptura per recapitulationem aliquos annos ante nēditum Ioseph hoc fieri cōpisse intelligi uelit : quoniam sic positum est , ut diceretur , factum est in illo tempore . Vbi tamen queritur , si XVI annorum erat Ioseph quando uenditus est , quot annorum esse Iudas potuerit quartus filius Iacob , quādoquidem ipse primo genitus Ruben ut plurimum fratrem suum Ioseph quinque aut sex annos potuerit aetate praece dere . Euidenter autem scriptura dicit XXX annorum fuisse Ioseph , quando innotuit Pharaoni . Cum ergo ipse anno X VI aetatis suae uenditus fuisse credatur , XI III annos peregerat in Aegypto ignotus Pharaoni . Ad hos autem XIII annos accesserunt VII anni ubertatis , & facti sunt anni XXI . His adduntur
 20 duo , quia secundo anno famis intrauit Iacob in Aegyptū cū filiis suis , & inueniuntur XXIII anni , quibus absuit Ioseph a patre & a fratribus suis . Quo medio tempore quo modo fieri potuerint de uxore & filiis & nuru Iudae omnia quae narratur , indagare difficile est : nisi forte ut credamus , & hoc enim fieri potuit , mox ut adolefecere Iudas cepit , eum incidisse in amore eius quam duxit uxorem , nondum uendito Ioseph in Aegyptum . Sequitur , Euolutis autem multis diebus , mortua est Suz uxor Iudae . Qui post luctum consolatione recepta , ascendebat ad tonsores ouium suarum , ipse , & Hiras opilio gregis Odollamita , in Thamnas . nunciaturumque est Thamar , quod focer eius ascenderet in Thamnas ad tendendas oues . Quae depositis uiduitatis uestibus , assumpsit theristrum , & mutato habitu sedii in
 30 biuio itineris , quod ducit Thamnas , eo quod creuisset Sela & non eum accepisset maritum . Quam cum uidisset Iudas , suspicatus est esse meretricem : operuerat enim uultum suum ne cognosceretur . Ingressusque ad eam ait , Dimitte me ut eam tecum , nesciebat enim quod nurus sua esset . Qua respondente , Quid mihi dabis , ut fruarius concubitu meo ? dixit , Mittam tibi haedum de gregibus . Rursum illa dicente , Patiar quod uis si dederis mihi arrabonem , donec mittas quod polliceris . Ait Iudas , Quid uis tibi pro arrabone dari ? Respondit , Anulum tuum & armillam , & baculum quem manu tenes . Ad unum igitur coitum concepit mulier , ac surgens abiit , depositoque habitu quem assumpserat , induta est uiduitatis uestibus .) si enim uir & uxor , sicut dominus dicit , non iam duo sed una caro est :
 30 non aliter nurus est , quam filia deputanda : tamen cum quantum in ipso erat deformiter cum meretrice cubasse , non dubium est . At illa quae socerum sefellit , non carnis eius concupiscentia , nec meretriciae mercedis cupiditate peccauit : sed ex ipso sanguine prolem tequirens , ex quo duobus etiam fratribus nupta , tertio quoque denegato habere non potuit , patri eorum socero suo foetandum corpus fraude subiecit . Melius quidem sine filiis remaneret , quam sine iure matrimonii mater fieret . Longe tamen alia intentione peccauit , quod filiis suis patrem prouidit focerum suum , quam si eum sibi concupisisset adulterum . Denique cum iussu eius produceretur ad mortem , & uirgam monile atque anulum protulisset , dicens ab eo se grauidatam cuius pignora illa essent : ubi ea quae dederat ille cognouit , istam magis quam se iustificatam esse , respondit , quod ei maritum suum coniungere nolisset : qua destituitio compulsa , illo modo potius quam nullo modo , posteritatem non aliunde quam ab eadem stirpe cōquireret . In qua sententia non eam iustificatam , sed eam plus quam se iustificatam dicens , nec ipsam laudauit , sed in sui comparatione praeposuit : desiderium scilicet habenda prolis , quoducta illa se focerō supposuerat , minus culpans , quam libi dinosi concubitus ardo rem , quo ipse uelut ad meretricem uictus intrauerat : sicut quibusdam dicitur , iustificasti . Sodomam , idest tantum peccasti ut uobis Sodoma comparata iusta uideatur : quamquam etiam haec mulier non in peioris facti comparatione minus
 40 culpa

culpada, sed omnino a focero laudata intelligatur. Quæ tamen consulta illa æterna lege iustitiz, quæ naturalem ordinem perturbari uetat, non utique tantummodo corporum, sed maxime ac primitus animorum, quia in procreandis filiis ordinatam societatem non custodiuît, merito culpabilis inuenitur. Quid mirum si peccatrix a peccatore laudatur? quod ita nobis Faustus, uel ipsa Manichæa peruerfita arbitratu aduerfum esse, quafi nobis in huius scripturæ uera ratione dignoq; præconio uitia hominum, quæ ista commemorat, necesse fit approbare. Quin potius necesse est, ut quanto istam religiosus accipimus, tanto fidentius illa culpemus, quæ per eius ueritatem certius culpanda didicimus. ibi enim fornicatio & omnis illicitus concubitus diuino iure damnatur. Ac per hoc cum talia quorundam facta commemorat, de quibus eo loco suam taceat sententiam, iudicanda nobis permittit, non laudanda perscribit. Vnde hic expressius apparet, non ad ipsum Iudam, sed ad Christum, qui ex eius tribu prænunciabatur in carne uenturus, illam pertinere prophetiam, qua Iacob patriarcha sub nomine illius Iudæ taxatus est. Et ideo magis flagitium eius diuina scriptura tacere non debuit, sicut non tacuit in uerbis patris eius, quibus post illud dedecus ista laudatur. Quia ipse in prophetia non agnoscitur, alius requiratur. neque enim Iudas, cum ad Thamar concupiscentia uisus intraret, hanc suæ libidinis intentionem gerebat, ut in de aliquid significaretur, quod ad salutem hominum pertineret: sicut nec Iudas ille qui Deum tradidit, hoc intendit, ut aliquid inde gereretur quod ad eandem salutem hominum pertineret. Porro si de tam malo opere Iudæ illius, tam bonum opus dominus fecit, ut eiusdem suæ passionis sanguine nos redimeret: quid mirum si propheta eius, de quo ipse ait, De me enim ille scripsit, ex malefacto Iudæ istius boni aliquid significauit, ut suo mysterio nos doceret? Ea quippe hominum facta, sancto spiritu disponente atque inspirante, collegit propheta narrator, quorum interpositio non uacaret, ad præsignationem rerum, quas intenderat, prophetare. Ad significanda autem aliqua bona, nihil interest si facta illa, quibus ea significatur, seu bona, seu mala sint. quid enim interest cum uolo aliquid legendo cognoscere, utrum ex minio reperiam scriptos nigros Aethiopes, & ex atramento, candidos Gallos? Verumtamen si non scripta, sed scripturam talem uiderem, sine dubitatione reprehenderem. Ita in factis hominum, quæ ad imitandum uitandûe proponuntur, magnum interest bonane an mala sint: quæ autem ad significandû scribuntur, siue dicuntur, nihil refert in moribus facientium, quam laudem reprehensionemue mereantur: si modo habent aliquam rei, qua de re agitur, necessariam præfigurandi congruentiam. sicut enim Caiphæ uerba in euangelio, quantum ad eius noxium perniciosumq; animum pertinebat, quantum denique ad ipsa uerba, si in eis uoluntate dicentis attendas, quibus aiebat, ut iustus iniuste necaretur, utique mala erant, tamẽ magnum bonum illo nesciente significabant, quando ait, Expedi uobis ut unus moriatur homo, & non tota gens pereat: dixitque est de illo: hoc autem non a se dixit, sed cum esset pontifex, prophetauit: quia oportebat Iesum mori pro gente: ita factum Iudæ, secundum illius libidinem malum fuit: sed illo nesciente, magnum bonum significauit. A se ipso quippe malum fecit, sed non a se ipso bonum significauit. Hoc autem quod necessario præloquendum putauî, non ad hoc tantum Iudæ factum, sed etiam ad cetera ualeat, si qua occurrerint mala facta hominum, quibus bonum aliquid a narrante prophetatum est. In Thamar ergo nunc Iudæ intelligitur plebs regni Iudæorum, cui de tribu Iuda reges tamquam mariti adhibebantur. Merito nomen eius Amaritudo interpretatur, ipsa enim domino sellis poculum dedit.

Duo autem genera principum, qui non recte operabantur in plebe, *u*rum eorū qui male operabantur, alterum eorū qui nihil proderant, significatur in duobus filiis Iudæ: quorum unus erat uir sæuus ante dominum, alter in terram fundebat, ne semen daret ad fecundandam Thamar. Nec sunt amplius quam duo genera hominum inutilia generi humano: unum nocentium, alterum præstare nolentium: & si quid boni habent in hac terrena uita perdentium, tamquam in terrā fundentium. Et quoniam in malo prior est qui nocet, quam ille qui non prodest, ideo maior dicitur malignus: & ille sequens, qui fundebat semen in terram, maior eorum. Nomen quoque maioris, qui uocabatur Her, interpretatur Pellicus, qualibus tunicis induti sunt primi homines in poena damnationis suæ, dimissi ex paradiso. Sequentis autem nomen qui uocabatur Onan, interpretatur Maror eorum. Quorum, nisi quibus nihil prodest, cum habeat unde prodesse possit, atque id perdat in terra? Porro maius malum est ablatæ uitæ, quod significat pellis; quam non habitz, quod significat maror eorū. Deus tamen ambos occidisse dictus est, ubi figuratur regnum talibus hominibus abstulisse. Tertius nero filius Iudæ quod illi mulieri non iungitur, significat tempus ex quo reges plebis Iudæorum coeperunt de tribu Iuda non fieri. Et ideo erat quidem filius Iudæ, sed cum maritum Thamar nō accipiebat: quia erat eadem tribus Iuda, sed iam in populo inde nemo regnabat. Vnde & nomen eius, id est Sela, interpretatur Dimissio eius. Non pertinent sane ad hanc significationē uiri sancti & iusti, qui licet illo tempore fuerint, ad nouum tamē pertinebant testamentum: cui prophetando scienter uiles fuerunt, qualis Dauid fuit. Eo namque tempore quo iam Iudæi ex tribu Iuda coeperant reges non habere, non est computandus Herodes maior in regibus eius, tamquam maritus Thamar, erat enim alienigena. nec enim sacramento illo mysticæ unctio-
nis tamquam coniugali foedere coherebat, sed tamquam extraneus dominabatur, quam potestatem a Romanis & a Cæsare acceperat: sic & filii eius tetrarchæ, quorum erat vnus Herodes patris nomine appellatus, qui cum Pilato in passione concordauit. Isti ergo alienigenæ usque adeo non deputabantur in regno illo mystico Iudæorum: ut ipsi Iudæi publice clamarent, frendentes aduersus Christum, Non habemus regem nisi Cæsarem: neque hoc nerum nisi illa uniuersali dominatione Romanorum, quippe Cæsar etiam rex erat non proprie Iudæorum: sed ut Christum negarent, & huic adularentur, ideo se tali uoce damnauerunt. Illo ergo tempore quo iam de tribu Iuda regnum defecerat, ueniendum erat ad Christum uerum saluatorem dominum nostrum, qui non obesset, multumq; prodesset. sic enim fuerat prophetatum, Non deficiet princeps ex Iuda, neque dux de scemioribus eius, donec ueniat cui repromissum est, & ipse erit expectatio gentium. Iam isto tempore omne quoque magisterium Iudæorum, & mystica unde Christi uocabantur, unctio, ipsa defecerat secundum prophetiam etiam Danielis. tunc uenit cui repromissum erat, qui est expectatio gentium, & unctus est sanctus sanctorum oleo exultationis præ participibus suis. natus est enim maioris Herodis tempore, passus est autem Herodis minoris tempore. Huius itaque uenientis ad oues, quæ perierant domus Israel, figuram gessit ipse Iudas, cum iret ad tendendas oues in Thamna, quod interpretatur Deficiens. iam enim defecerat princeps ex Iuda, & omne magisterium atque unctio Iudæorum, ut ueniret cui repositum erat. Venit autem cum suo pastore Odollamite, cui nomen erat Hiras. Et interpretatur Odollamites Testimonium in aqua. Cum hoc plane testimonio dominus uenit, habens quidem testimonium maius Ioanne: sed tamen propter oues infirmas hoc testimonio est usus in aqua. Nam & ipse Hiras, quod nomen illius pistoris fuit, interpretatur Fratr̃is mei uisio. Vidit omnino fratrem suum Ioannes:

Matth. 11

Cant. 6

fratrem secundum semen Abraham, secundum cognationem Mariæ matris eius & Elisabeth matris suæ: eundemq. dominum & Deum suum, quia, sicut ipse ait, de plenitudine eius accepit. Vidit omnino, & ideo in natis mulierum maior illo non exsurrexit, quia ex omnibus prænunciantibus Christus ipse uidit, quod multi iusti & prophete cupierunt uidere, & non uiderunt. Salutaui ex utero, agnouit perfectus ex columba, & ideo tamquam Odollamites uere testimonium perhibuit in aqua. Venit autem dominus ad oues tendendas, hoc est, ad exonerandas sarcinis laboriosis, ex quibus ecclesiæ in Canticis canticorum, Dent essent uelut grex detonsarum. Iam Thamar habitum mutet. Nam & Commutans interpretatur Thamar: sed in ea prorsus nomen amaritudinis maneat: non illius in qua domino fel ministravit, sed illius in qua Petrus amare stetit. nam & Iudas, Latine Confessio est. Confessione ergo amaritudo miscetur, ut uera penitentia præsignetur. Hac penitentia fecundatur ecclesiæ, in omnibus gentibus constituta. oportebat enim Christum pati, & resurgere tertia die, & prædicari in nomine eius penitentiam & remissionem peccatorum in omnes gentes, incipientibus ab Hierusalem. nam & ipsa habitus meretricius, confessio peccatorum est. Typum quippe iam ecclesiæ gerit Thamar, ex gentibus euocatæ, sedens cum hoc habitu ad portam Ahenam, uel Henaim, quod interpretatur Fontes. cucurrit enim uelut ceruus ad fontes aquarum peruenire ad semen Abraham: illic a non agnoscente setatur, quia de illa prædictum est, Populus quem non cognoui, seruauit mihi. Accipit in occulto anulum, monile, & uirgam: quia uocatione signatur, iustificatione decoratur, glorificatione exaltatur, quos enim prædestinauit, illos & uocauit: quos autem uocauit, illos & iustificauit: & quos iustificauit, illos & glorificauit, sed hæc, ut dixi, adhuc in occulto, ubi sit & conceptio sanctæ ueritatis. Mittitur autem promissus hædus, tamquam meretrici: hædus exprobratio peccati per eundem Odollamitam, tamquam increpantem & dicentem, Generatio uiperarum: sed non eam inuenit peccati exprobratio, quam mutauit confessionis amaritudo. Post uero iam publicatis signis, anuli, monilis, & uirgæ, uicit temere iudicantes Iudæos, quorum iam personam ipse Iudas gestabat, qui hodieq. dicunt, non hunc esse populum Christi, nec habere nos semen Abraham: sed prolatis certissimis documentis nostræ uocationis, iustificationis, & glorificationis, sine dubio confundunt, & nos magis quam se iustificatos esse fatebuntur. Instante autem partu apparuerunt gemini in utero, atque in ipsa effusione infantum unus protulit manum, in qua obstetrix ligauit coccinum, dicens, iste egredietur prior. Illo uero re trahente manum, egressus est alter. Dixitq. mulier. Quare propter te diuisa est mater? Et ob hanc causam uocauit nomen eius Phares. Postea egressus est alter, in cuius manu erat coccinum, quem appellauit Zará. Cur patriarcha Iudas propriæ nurus post mortem filii sui legitur expetisse concubitum, quo geminorum partus est editus: nisi ut figura præcederet de utroque Iesu domini testamento, quorum alterum in typo futuræ mortis eius est conditum, alterum in euangelii ueritate, duos esse populos generandos, quorum posterior in crucis signo sæpe omnem munitionem populi superioris incideret? Hic est populus manu prior, ortu posterior, de quo ipse dominus Iesus, natus ex tribu Iuda, opera sua ante præmisit, quam nobis ex uirgine nasceretur. Siue aliter, per manum significantur opera. Zará quippe interpretatur, Oriens. significauit antiquum Israeliticum populum, sub lege constitutum, qui prior quasi manu misit, quando dictis propheticis, & legalibus sacrificiis, natiuitatem & passionem domini in carne prænunciavit: sed instante partu manum subtraxit: quia adueniente plenitudine temporum, credere in Dei filium noluit, & cum in præsentem positum despexit, de quo tam multa in postmodum præ-

prædixit. Phares uero, qui interpretatur Diuidens, prior egressus est: quia postquam cæcitas in Israel facta est, plenitudo gentium introiuit, & sic postmodum Israel saluus erit.

IGITUR Ioseph ductus est in Aegyptum. Ad ordinem redit scriptura, unde recesserat ut illa narraret, quæ supra digesta sunt. Emitq. eum Putiphar, eunuchus Pharaonis, princeps exercitus, uir Aegyptius, de manu Ismahelitarum, a quibus perductus erat: fuitq. dominus cum eo, & erat uir in cunctis prospere agens. sicut enim Ioseph descendit in Aegyptum, ita & Christus in mundum: emitq. eum eunuchus, idest castus in disciplinis euangelicis populus Christianus.

CAPIT
XXXIX
De Hero Iosephi. XX

Psal. 44

10 Erat autem Ioseph pulchra facie & decorus aspectu. Sic & de Christo David ait, Speciosus forma præ filiis hominum, diffusa est gratia in labiis tuis. Post multos itaque dies iniecit domina sua oculos suos in Ioseph, & ait, Dormi mecum. Qui nequaquam acquiescens operi nefario, dixit ad eam, Ecce, dominus meus omni bus mihi traditis, ignorat quid habeat in domo sua: nec quidquam est, quod non in mea sit potestate, uel non tradiderit mihi, præter te, quæ uxor eius es. Quo modo ergo possum malum hoc facere, & peccare in dominum meum?

Huiusmodi uerbis per singulos dies, & mulier molesta erat adolescens, & ille recusabat stuprum. Quisquis mundi huius successibus eleuatur, lenocinante cordis latitia, tentari se luxuriæ stimulis sentit, Ioseph factum ad memoriam reuocet, & in arce se castitatis seruet: qui dum sibi a domina conspiceret pudicitiae damna suaderi, ait ei, Ecce, dominus meus omnibus mihi traditis, ignorat quid habeat in domo sua: nec quidquam est, quod non in mea sit potestate, uel non tradiderit mihi, præter te, quæ uxor eius es. Quo modo ergo possum malum hoc facere, & peccare in dominum meum? Quibus uerbis ostenditur, quia bona quæ affectus fuerat, repente memoria reuoluit: & malum quod se pullabat, efficit: & quia perceptæ gratiæ meminit, uim culpæ imminentes fregit. cum enim uoluptas lubrica tentat in prosperis, hæc ipsa sunt prospera aculeo aduersitatis premenda: ut eo erubescamus praua committere, quo nos a Deo meminimus gra tuita bona percepisse: & illatam gratiam exteriorum uertamus in arma uirtutum:

30 ut sint ante oculos quæ percepimus, & quæcumque nos illiciunt subigamus. quia enim uoluptas ex prosperitate nascitur, eiusdem prosperitatis est consideratio: ne ferianda, quatenus hostis noster unde oritur, inde moriatur. Considerandum quisppe est, ne acceptum munus uertamus in uitium, ne per fauorem uitæ nos absorbeat uorago nequitiae. Iramq. contra nos superni iudicis inextinguibili ter accendimus, si contra benignitatem illius, etiam ex ipsa sua largitate pugne mus. Sequitur. Accidit autem, ut quadam die intraret Ioseph domum, & o peris quippiam absque arbitris faceret, & illa, apprehensa lacinia uestimenti eius, diceret, Dormi mecum. Qui relicto in manu eius pallio, fugit, & egressus est foras. Dum mulier adultera Ioseph male uti uoluisset, relicto pallio fugit foras: quia dum synagoga dominum, purum hominem credens, quasi adulterino com plexu constringere uoluit, ipse tantum litteram legis eius oculis reliquit: & ad cognos cendam suæ diuinitatis potentiam, conspicuum se gentibus præbuit. Vnde & Pau lus dicit, Visque hodie dum legitur Moyses, uelamen est super cor eorum. Quæ ui

1. Cor. 3

40 delicet adultera mulier apud semetipsam pallium retinuit: & quem male tenebat, nudum amisit. Sequitur. Cumq. uidisset pallium mulier in manibus suis, & se esse contemptum, uocauit homines domus suæ, & dixit ad eos. En introduxit ad me uirum Hebræum, ut illuderet mihi. Cumq. ego sublassassem, & audisset uo cem meam, reliquit pallium quod tenebat, & fugit foras. In argumentum fidei, retentum pallium, ostendit marito reuertenti domum. Ista mulier, ut iam dixi, figura

L 3 erat

erat synagoga quæ sæpe, sicut scriptum est, mœchata est post eos Deos alienos. Similiter uolebat & Christû in adulterii sui scelere retinere, ut negaret se esse Deû, & phariseorum magis & scribarum, quam legis præcepta seruaret, quæ illi uelut maritus erat. Christus autem non acquiescens illicitæ doctrinæ, idest, adulterio adulterinæ synagoga, manu ueste corporis apprehensus, carne se exiit, & liber mortis ascendit ad cælos.

*De Iosepho in
carcerem con
iecto. XXI*

His auditis dominus, & nimium credulus uerbis coniugis, iratus est ualde: tradiditq. Ioseph in carcerem, ubi uincti regis custodiebantur, & erat ibi clausus. Fuit autem dominus cum Ioseph, & misertus est illius: deditq. ei gratiam in conspectu principis carceris, qui tradidit in manu eius inuictos uinctos. dominus enim erat cum illo, & omnia eius opera dirigebat.) Vxor Putiphar, plebem Iudaicam præsignabat, quam regendam a Romanis principibus Pilatus susceperat, quæ plebs legis traditionibus, sibi pro tempore traditis, dominum uolebat præbere consensum, ut sabbati otium custodiri confirmaret: uxorem a uiro dimittendam quacumque ex causa, permetteret. Pro quibus, cum a domino fuisset certis responsionibus refutata, Pilato prædici eum tradiderunt, malefactorem eum quodam modo proclamantes, & secundum legem debere puniri: eo quod se filium Dei diceret, & æqualem patri pronuntiaret, a quibus obiectio Pilato traditus carceri mortis est: sed illum non carcer terruit, non inferna tenuerunt, cum etiam ubi ueluti puniendus descenderat, inde alios liberauit. Sequitur,

*CAP. XL
De somnio eu
nuchorum
XXII*

HIS ITA gestis, accidit ut peccarent duo eunuchi, pincerna regis Aegypti, & pistor, domino suo. Iratusq. Pharaon contra eos: nã alter pincernis præerat, alter pistoribus: misit eos in carcerem principis militum, in quo erat Ioseph. At eunuchos carceris tradidit eos Ioseph, qui & ministrabat eis.) Denique inuenit Ioseph duos eunuchos de domo regis in carcere uinctos, duorum populorum credentium uel incredulorum figuram gestantes, qui conclusi sub peccato Adæ, transgressione obnoxii tenebantur. Hi ergo siue pro originali peccato, seu pro delictis propriis, quia omnes debitores sunt Deo, & nullus exceptus est, qui non illius,

Rom. 3 iuxta apostoli dictum, indigeat gratia: omnes enim peccauerunt, & egent gratia Dei: ob quod etiam omnes sancti conditione obnoxii fuerunt debito mortis, hoc

Rom. 5 ipsum apostolo prædicante, cum dicit, Regnauit mors ab Adam usque Moysen, etiam in eos qui non peccauerunt, in similitudinem prauaricationis Adæ. Qui

Psal. 117 regulam uterque populus eunuchi dicuntur, uel intelliguntur, quia castam acceperant

regulam disciplinæ. Eloquia, inquit, domini, eloquia casta. Sequitur, Aliquantum autem temporis fluxerat, & illi in custodia tenebantur, uideruntq. somnium nocte una iuxta interpretationem congruam sibi. Ad quos cum introisset Ioseph mane, & uidisset eos tristes, sciscitatus est, dicens, Cur tristior est hodie solito facies uestra? Qui responderunt, Somnium uidimus, nec est qui interpretetur nobis. Dixitq. ad eos Ioseph, Referte mihi quid uideritis. Respondit præpositus pincernarum. Videbam coram me uitam, in qua erant tres propagines, crescere paulatim in gemmas, & post flores uuas maturescere, calicemq. Pharaonis in manu mea. Tuli ergo uuas, & expressi in calicem quem tenebam, & dedi poculum Pharaoni.) Tres uero dies aut dominicæ passionis & resurrectionis accipiendum est tempus, in quo animæ sanctorum educæ ab inferis leguntur a domino: aut certe tria intelligenda sunt tempora, ante legem, & sub lege, sub euangelica gratia. In primo enim tempore clausæ fuerunt gemmæ, quia ut de Abel, Seth, Enos, & Enoch, ac Noe, atque Melchisedech legitur: qui alii fuerint Deo placentes, scriptura minime refert. In secundo uero tempore, idest sub lege, flores eruperunt sanctorum: quia qui sub lege Deo placuerunt, sacris uoluminibus ostenduntur. Terti-

tio uero tempore sub euangelica quodam modo prædicatione, uix ad maturitatē perueniunt, quando credentium in Christo fides proficiendo in tantum roborata est, ut pro diuini nominis confessione cruorem suum effundi a persecutoribus minime detredauerint, aut certe pro Christi amore, sæua castigatione membra sui corporis crucifigunt cum uitii & concupiscentiis, castrantes se uidelicet a mundi delectationibus & carnalibus desideriis, calicem uidelicet dominicæ passionis in memoria semper habentes, & sermonibus in mundo prædicantes poculum porrigunt Pharaoni. Sequitur, Hæc est interpretatio somnii: Tres propaggines, tres adhuc dies sunt, post quos recordabitur Pharaon ministeri tui, & restituet te in gradum pristinum, dabisq. ei calicem iuxta officium tuum, sicut facere ante cōsueueras.) Post trinam enim lucem domino ab inferis resurgente, & legis obscura, ut Ioseph somnia, reuelante, solutus est a peccatis credentium populus, & de inferni carcere, uel potestate dzmonum liberatus, redditusq. est in ministerio legis diuinæ. sicut enī in pincerna, qui eductus de carcere & suo restitutus est ministerio, gentilis significatus est populus: ita in principe pistorum, sine dubio gens intelligenda Iudaica est. Tria canistra super caput eius, & in uno canistro, quod erat excelsus, portare omnes cibos, qui sunt arte pistoria, auesq. comedere ex eo, quid aliud significat, nisi tripartita ipsi populo concessa diuinæ legis eductio, legem uidelicet, & prophetas, & agiographa? quæ omnia super caput portabat, quia mētem illorum exercebat spiritualis scientiæ plenitudo. Arte pistoria panes cocti, quid aliud significant, nisi quod lex uetēris testamenti non est humana inuenta astutia, sicut impii asstrunt Marcionistæ, & hæretici Manichæi: sed spiritus sancti auctoritate, antiquis patriarchis & sanctis prophetis est credita? spiritum enim sanctum per ignem significari, multis locis in diuina legimus scriptura. unum enim canistrum, quod aliis ceteris erat, nimirum lex intelligenda Mosaica est, propter densitatem mysteriorum & umbraticas significationes: ex quo cibū uolucres cæli percipiunt, dum animæ sanctæ, quæ per cæli significantur aues, spiritualiter aluntur, dū in lege domini meditantur die ac nocte, qui possunt dicere cum apostolo, Nostra autem conuersatio in cælis est. Pharaonem, qui eduxit Ioseph de carcere, ciq. potestatem in omni terra dedit Aegypti, priusq. ministerio suum pincernam restituit, & pistorem suum die tertia patibulo suspendit, Dei patris habuisse figurā, non dubium est: qui Iesum Christum dominum nostrum resuscitauit ab inferis, & fidelem noui testamenti populum a nexibus primæ præuaricationis & ceterorū omnium eripuit uinculis. Infidelem uero capite absciso, idest, Christo, qui est caput legis & prophetarum: & die tertia, hoc est tertio suspēdit tempore: quia in cruce nostri saluatoris, ubi fideles sunt a peccatorum uinculis absoluti, ibi ipsi impii Iudæi atque ceteri ethnici, quorum ipse Pharaonis pistior figuram tenuit, sunt condemnati, qui in humilitate carnis positum dominum despexerunt. Quod uero uolucres cæli lacerauerunt carnes eius, huius rei præsagium fuit, quod quadragesimo secundo anno post domini resurrectionem & ascensionem in cælos, ex omni orbe terrarum populi uenientes cum ducibus Romanorum Tito & Vespasiano, eos non solum iustitiae & fame cruciauerunt, sed etiam multa in eis Iudæria exercebant, digni quippe erant talia perpeti, qui talia in Dei prophetis, & in ipso exercebant domino: & eos qui ex eis famem & gladium euaserunt, in toto mundo diuiserunt, atque sibi suisq. posteris in famulis iare perpetuo reliquerunt, usque dum plenitudo gentium introeat, & sic postmodum & ipsi, non proprio merito, sed Dei gratia salui fiant: qui in primo nostri saluatoris aduentu, ignorantes Dei iustitiam, & suam querentes statuere, iustitiæ Dei non fuerunt subiecti: & impleatur illud quod beatus Iacob patriarcha ex eorum persona, Esau

Philip. 3

filio

Gen. 27

CAP. XXI

De somno

Pharaonis.

XXIII

Psal. 23

Isa. 11

filio suo prædixit, Viues gladio, & fratri tuo seruies, tempusq. ueniet quando sol uas & excutias iugum de.ceruicibus tuis. Sequitur,

POST duos annos uidit Pharao somnium. Putabat se stare super flumini, de quo ascendebant septem boues pulchræ & crassæ nimis, & pascebantur in locis pa-lustribus. Aliæ quoque septem emergebant de flumine foedæ confectæq. maciæ, & pascebantur in ipsa amnis ripa, in locis uirentibus, deuoraueruntq. eas, quarum mira species & habitudo corporis erat.) Quod putabat se stare Pharao super flu-men, quemadmodum seruus Abraham dixit, Ecce ego sto super fontem aquæ: hæc locutio si intelligatur, ita est ut in Psalmo scriptum est, Qui fundauit terram super aquas. Secundum hanc enim locutionem recte intelligitur, quod altior sit terra, 10 quam aqua: altius quippe ab aquis sustollitur, ubi habitant terrena animalia. Sequitur, Expergefactus Pharao, rursum dormiuit, & uidit alterum somnium. Septem spicæ pullulabant in culmo uno plenæ atque formosæ. Aliæ quoque toti-dem spicæ, tenues, & percussæ uredine, oriebantur, deuorantes omnem priorum pulchritudinem. Euigilans post quietem, & facto mane, pauore perterritus, misit ad coniectores Aegypti, cunctosq. sapientes: & accersitis, narrauit somnium, nec erat qui interpretaretur. Tunc demum reminiscens pincernarum magister, ait; Iratus rex seruus suis, me & magistrum pistorum retrudi iussit in carcerem principis militum, ubi una nocte uterque uidimus somniū præfagium futurorum: eratq. 20 ibi puer Hebræus, eiusdem ducis militum famulus, cui narrantes somnia, audiuius quidquid postea rei probauit euentus. ego enim redditus sum officio meo, & ille suspensus est in cruce. Somnium Pharaonis, legis & prophetarum præsignabat figuras, in quibus de conuersione omnium gentium, & antichristi persecutionibus, sancto spiritu reuelante, locuti sunt. Qui in septem spicis plenis, seu in septem uaccis pinguibus ostendebatur: quia sunt septem charismatum spiritalium dona, quibus ubertas fidei diuinæ, in gratia noui testamenti larga pietate redundat. Fertilitatis autem hebdomadæ, tempus accipiendum est, quo ab uniuersis gentibus fides confessionis nominis Christi, uel scientia trinitatis suscep-ta est: de qua ait propheta, Repleta est terra scientia domini, sicut aquis maris operientis. intantum enim prædicationis diuinæ uerbum per totas orbis regiones in uniuersis gentibus fecit proficere, & suscepta fidei suæ gratia, per sanctam con- 30 uersionem ad perfectionem contendere, ut nō solum caelesti horreo fierent apti, uerum etiam & exemplo suo ad imitandum ceteros prouocarent. At contra, sep-tem sterilitatis anni famem ueritatis & iustitiæ nouissimis temporibus signifi-ca-bant, quæ fidelium consumptura est multitudinem temporibus antichristi. Sequi-tur, Ecce anni septem uenient fertilitatis magnæ in uniuersa terra Aegypti, quos sequentur septem anni alii tantæ sterilitatis, ut cuncta obliuioni tradatur re-tro abundantia. consumptura est enim fames omnem terram, & ubertatis ma-gnitudinem perditura est inopiæ magnitudo:) Et est sensus: Vbertatis huius quæ futuram significauerunt boues bonæ & spicæ bonæ, obliuiscuntur homines in ea fame, quam significauerant boues & spicæ malæ. Potest & hebdomadæ duorum annorum significare tempus præsens & futurum. qui enim fideliter ac pie uiuen-do laborauerint in sæculo præfenti, quod reperiant in futuro, beatitudinem conse- 40 sequentur perpetuæ uitæ. Qui autem infideles existunt, & nihil cogitant de futu-ro, otioq. in præfenti sæculo torpescunt, sterilitatis suæ in futuro reperient finem. Sequitur, Nunc ergo prouideat rex uirum sapientem & industrium, & præferat eum terræ Aegypti, qui constituat præpositos per singulas regiones, & quin-tam partem fructuum per septem annos fertilitatis, qui iam nunc futuri sunt, congreget in horrea, & omne frumentum sub Pharaonis potestate condatur, serueturq.

in urbibus, & paretur futuræ septem annorum fami, quæ pressura est Aegyptum & non consumetur terra inopia. Placuit Pharaoni consilium & cunctis ministris eius, locutusque est ad eos, Num inuenire poterimus talem uirum, qui spiritu Dei plenus sit? Ecce iam, nisi fallor, tertio insinuat nobis in hoc libro, spiritum sanctum esse spiritum Dei: primo, ubi dictum est, Spiritus Dei ferebatur super aquas: secundo, ubi dixit Deus, Non permanebit spiritus meus in hominibus istis, propter quod carnes sunt. & tertio nunc, quod Pharao dicit de Ioseph esse in illo spiritum Dei. Nondum tamen legimus spiritum sanctum. Sequitur. Dixit Pharao ad Ioseph, Quia ostendit tibi Deus omnia quæ locutus es, numquid sapientior & similem tui inuenire potero? tu eris super domum meam, & ad tuorum imperium, cunctis obediat populus: uno tantum regni folio te præcedam.) Id ipsum in secundo psalmo a patre dicitur domino, Filius meus es tu, ego hodie genui te, Postula a me, & dabo tibi gentes hereditatem tuam, & possessionem tuam terminos terræ. Et ipse dominus in euangelio discipulis ait, Data est mihi omnis potestas in cælo & in terra. Data quippe potestas est homini assumpto, non uerbo Dei filio patri & spiritui coæterno, a quo creata sunt omnia. uno tantum præcedit filium pater, paterni uidelicet nominis uocabulo: ut in confessione seu in laudibus, patris nomen semper anteponat. nam dignitate & potestate, natura atque uirtute, æternitate uel origine, unum sunt, unius deitatis atque substantiæ: nominibus enim tantummodo distinguuntur. Sequitur. Dixitque rursum Pharao ad Ioseph. Ecce constitui te super uniuersam terram Aegypti. Tulitque anulum de manu sua, & dedit in manu eius, uestiuitque stola byssina, & collo torquem auream circumposuit, secitque ascendere super currum suum, secundo clamante præcone, ut omnes coram eo genu flecterent, & præpositum esse scirent in uniuersa terra Aegypti, Ioseph qui typum induit Christi, currum meruit ascendere: & præco clamauit ante eum, & constituit illum Pharao super uniuersam terram Aegypti. Ita & dominus noster, postquam est distractus a Iuda, ut Ioseph a fratribus, & de inferorum carcere surrexit, ascendit currum regni cælestis, de quo dictum est, Currus Dei decem millium: & accepit potestatem prædicandi, & iudicandi, sicut Paulus apostolus ait, Et dedit ei nomen, quod est super omne nomen, ut in nomine Iesu omne genu flectatur, cælestium, terrestrium, & infernorum. Accipit quoque & anulum, idest, pontificatum fidei, quo credentium animæ saluatori signantur, ac frontibus & cordibus nostris per signum crucis, figura exprimitur æterni regis. Induiturque stola byssina, idest, carnem sanctâ bysso splendidiorem, & stola immortalitatis. Accipit quoque torquem auream, idest, intellectum bonum: præco ante eum præcedit, idest Ioannes baptista, qui iter eius præcedere præconabat, dicens, Parate uiam domini. didicimus enim labores Christi in orbe gentium, quem significabat Aegyptus, per uarias passionem martyrum: & nunc uidemus honorem Christi in eodem orbe terrarum: erogatione frumenti, idest, uerbi diuini prædicatione, sibi omnia subiugantem. Sequitur. Dixitque rex ad Ioseph, Ego sum Pharao, absque tuo imperio non mouebit quisquam manum aut pedem in omni terra Aegypti. Vertitque nomen illius, & uocauit eum lingua Aegyptiaca Saluatorem mundi.) Quid manifestius de Christo, quando sub figura Ioseph, saluator ostenditur, non tantum unius terræ Aegypti, sed etiam totius mundi? Sequitur. Deditque illi uxorem Assenem, filiam Putiphar sacerdotis Heliopolis.) Quæri solet, cuius Putiphar Ioseph filiam accepit uxorem: utrum illius, cuius seruus fuit, an alterius? Credar quisque quod placet: non est tamen questio quis fuerit: siue enim unus fuerit, siue duo, quodlibet horum quisque existimet, non est fidei periculofum, nec contrarium ueritati scripturarum Dei. sicut enim

Gen. 1
Gen. 6

Tsal. 2

Matth. 28

De principatu Iosephi in Aegypto.
X XIII

Thilip. 2

Matth. 3
Mar. 1

enim accepit Ioseph ex gentibus uxorem, ita & Christus ecclesiam: ex qua genuit duos filios, idest, duos populos, ex Iudæis & gentibus congregatos. Triginta autem erat annorum, quando stetit Ioseph in conspectu regis Pharaonis. Totidemq. annorum legitur fuisse Christus, quando sub typo Pharaonis in conspectu mundi apparuit reuelatus. Venitq. fertilitas septem annorum, & in manipulos redactæ feges congregatæ sunt in horrea Aegypti, omnisq. frugum abundantia in singulis urbibus condita est, tantaq. fuit multitudo tritici, ut arenæ maris coarquaretur, & copia mæsuram excederet. Pro eo dictus non erat numerus, quod nomen numeri usitati excederet illa copia, & quo modo appellaretur, non inueniebatur. nam inde fieri potest, ut cuilibet magnæ & infinite multitudini numerus non sit, quod congregauit Ioseph per septem annos omnem frugum abundantiam: idest, frumenta fidei sanctorum horreis condens, per illa scilicet septem charismata, quæ si per septem annos: ut cum septem anni inopiæ esse cœperint, idest, cum iniquitas occurrat septem capitalium criminum sub antichristo, quando fames fidei fuerit saluatoris, tunc sancti pariter & fideles habeant copiosam iustitiæ frugem: ne fides eorum in opera sermonum uel prædicationis attenuata, deficiat. Sequitur,

CAP. XLII
De frumenta-
tione filiorum
Iacob. XXV

AVDIENS autem Iacob, quod alimenta uenderentur in Aegypto, dixit filiis suis, Quare negligitis? Audiui quod triticum uenundetur in Aegypto. Descendite, & emite nobis necessaria, ut possimus uiuere, & non consumamur inopia. Descendentes igitur fratres Ioseph decem, ut emerent frumenta, ingressi sunt terram Aegypti, & Ioseph princeps erat terræ Aegypti, atque ad illius putum frumenta populis uendebantur. Cumq. adorassent eum fratres sui, & cognouissent eos, quasi ad alienos durius loquebatur, interrogans eos, Vnde uenistis? Qui responderunt, De terra Chanaan, ut emamus frumenta. Et tamen fratres ipse cognoscens, non est agnitus ab eis. Igitur post ubertatis annos in uniuerso orbe famēs præualuit: merito, quia non erat qui faceret bonitatem. Post hæc Ioseph a penuria frumenti saluat Aegyptum, & Christus a fame uerbi Dei liberat mundum, aperuit enim horrea sua Christus in omni orbe terrarum: & erogatione frumenti sui, omnia subiugauit. nisi enim Ioseph fratres sui uedidissent in Aegyptum, defecerat Aegyptus: & nisi Iudæi Christum crucifixissent, periaret mundus. Ioseph interpretatur Augmentatio, siue Ampliatio: sed in illo Ioseph ampliacionem non habuit, nisi sola Aegyptus: in nostro autem Ioseph augmentum habere meruit in uniuersum mundum. Ille erogauit triticum, noster erogauit Dei uerbum. Dicit Iacob filiis suis, Est frumentum in Aegypto: dicit & Deus pater, Ex Aegypto uocaui filium meum. Descendunt igitur decem prouociores fratres: idest, Iudæi, quasi sub decalogo legis & numero constituti: quos ipse cognoscens, non est agnitus ab eis. Cognoscuntur Hebræi a Christo, sed ipsi non cognoscunt eum. Sequitur,

Matth. 2

De eo quod
scriptum est,
Recordatus
fomniorum.
XXVI

Recordatus fomniorum quæ aliquando uiderat, ait, Vt uideatis infirmiora terræ uenistis. Qui dixerunt, Non est ita domine: sed serui tui uenerunt, ut emerent cibos. omnes filii unius uiri sumus: nec quidquam famuli tui machinantur mali. Quibus ille ait, Aliter est, immunita terræ huius considerare uenistis. Et illi, Duodecim, inquit, serui tui fratres sumus, filii uiri unius in terra Chanaan: minimus cum patre nostro est, alius non est super. Hoc est, ait, quod locutus sum, exploratores estis. Iam nunc experimentum uestri capiam. Per salutem Pharaonis non egredimini, hinc, donec ueniat frater uester minimus. Mittite e uobis unum, & adducat eum: uos autem eritis in uinculis, donec probentur quæ dixistis, utrū falsa, an uera sint: alioquin per salutem Pharaonis exploratores estis. Quid est quod Ioseph uir tam sapiens, atque ita non solum hominum, inter quos uiuebat, sed ipsa etiam post scripturæ teste laudatus, iurat per salutem Pharaonis non exitu-

ros de Aegypto fratres suos, nisi frater eorum iunior uenerit? an etiā bono & fidei uilis erat Pharaonis salus: qui fidem primitus domino suo seruabat in omnibus, quanto magis ipsi Pharaoni, qui cum in tanto honore locauerat, si illi seruauit, qui cum seruum empticiū possidebat? Quod si non curabat salutem Pharaonis, numquid & periculum pro cuiuslibet hominis salute uitare non debuit? an nō est periculum? tenuit enim unum ex eis, donec ueniret Benjamin: & uerum factum est, quod dixerat, Non exhibitis hinc, nisi ueniat frater uester minimus. Ad omnes enim poterat pertinere quod dictum est. neque enim digne dicerentur redire ad patrem, quorum frater uinctus tenebatur in Aegypto, cum quo & ipsi mente & animo solliciti, uelut quibusdam caritatis uinculis tenebantur astricti. nam quo modo & ille uenturus esset, nisi ad eum adducendum aliqui redissent? Sed quod sequitur magis urget quæstionem, cum iterum iurauit, dicens, Mittite unum e uobis, & adducite fratrem uestrum: uos autem eritis in uinculis, donec probentur quæ dixistis, utrum uera, an falsa sint: alioquin per salutem Pharaonis, exploratores estis. Huic sententiæ interposuit iurationem, quia, si uera non dixissent, exploratores essent: id est, exploratorum poena digni essent: quos tamen uera dicere sciebat, tamquam si dictum esset, Exploratores estis, exploratorum poena digni eritis. Sequitur, Tradidit eos in custodiam tribus diebus, tertia autem dieeductis eis de carcere, ait, Facite quod dixi, & uiuetis, Deum enim timeo. Si pacifici estis, frater uester unus ligetur in custodia: uos autem abite & ferte frumenta, quæ emisistis, in domum uestram: & fratrem uestrum minimum adducite ad me, ut possim uestros probare sermones, & non moriamini. Fecerunt ut dixerat, & locuti sunt adinuicem, Merito hæc patimur, quia peccauimus in fratrem nostrum, uidentes angustiam animæ illius, dum deprecaretur nos, & non eum audiuiimus. Iccirco uenit super nos ista tribulatio. E quibus unus Ruben, ait, Numquid non dixi uobis, Nolite peccare in puerum? Et non audistis me. En sanguis eius exquiratur. Nesciebant autem quod intelligeret Ioseph: eo quod per interpretem loqueretur eis.) Quid est quod cum inter se penitentes filii Israel loquerentur de fratre suo Ioseph, quod in illo male egerint, & hoc eis diuino iudicio redderetur, quod se periclitari uiderent, adiungit scriptura, & dicit, Ipsi ignorabant quod intelligeret Ioseph, interpret enim inter illos erat: hoc scilicet intelligendum est, ideo eos putasse quod ille non intelligeret quæ loquebantur: non ob aliud adhibuit putabant interpretem, nisi quod eorum linguam ille nesciret: nec cura erat interpretis ea dicere illi a quo positus fuerat, quæ non ad illum, sed inter se loquebantur. Sequitur, Auertitq. se parumper, & fleuit, & reuersus locutus est ad eos.) Nec adiungit quid illis dixerit. Vnde intelligitur hæc eadem dixisse, quæ dixerat. Sequitur, Tollens Simeon, & ligans illis præsentibus, iussit ministris, ut implerent saccos eorum tritico, & reponerent pecunias singulorum in sacculis suis, datis supra eis cibariis in uia. Qui fecerunt ita. At illi portantes frumenta in asinis profecti sunt: apertoque unus sacco, ut daret iumento pabulum in diuersorio, contemplatus pecuniam in ore sacculi, dixit fratribus suis, Reddita est mihi pecunia, en habetur in sacco. Et obstupescit turbatiq. dixerunt mutuo, Quidnam est, quod fecit nobis Deus? Si diligentius consideremus, inueniemus quia numquam fere in sanctum quis locum dicitur descendisse, uel uituperabilem descendisse memoraretur. Quæ obseruationes ostendunt diuinam scripturam, non, ut plurimis uidetur, inerudito atque agresti sermone compositam, sed secundum disciplinam diuinæ eruditionis aptam, neque historicis narrationibus, quantum rebus & sensibus mysticis, seruientem. Vnde cum detentus fuisset Simeon in Aegypto, & fratres eius dimissi reuerterentur ad patrem, non est scriptum, quia ascenderunt ex Aegypto:

De eo quod
scriptum est,
Narrauerunt
sibi om. &c.
XXVII

Aegypto: sed imponentes, inquit, frumentum super asinos suos, abierunt. Cum autem recepto fratre & cognito Ioseph, sed & Benjamin in oculis eius oblato cum latitia reuerterentur: tunc dicitur, Quia ascenderunt ex Aegypto, & uenerunt in terram Chanaan ad Iacob patrem suum. Sequitur, Et narrauerunt sibi omnia quae acciderant eis, dicentes, Locutus est nobis dominus terrae dure, & putauit nos exploratores provinciae: cui respondimus, Pacifici sumus, nec ullas molimur insidias: duodecim fratres uno patre geniti sumus, unus non est super, minimus cum patre uersatur in terra Chanaan. Qui ait nobis, Sic probabo quod pacifici sitis: fratrem uestrum unum dimitte apud me, & cibaria domibus uestris necessaria sumite, & abite: fratremque uestrum minimum adducite ad me, ut sciam quod non sitis exploratores, & istum qui tenetur in uinculis recipere possitis, ac deinceps emendi quae uultis habeatis licentiam. His dictis cum frumenta effunderent, singuli repererunt in ore saccorum ligatas pecunias. Dederunt quidem illi pecuniam: sed Ioseph, idest Christus dominus triticum dedit, & argentum tribuit: quia non argenteo emitur Christus, sed gratia. Sequitur, Dixit Iacob filiis suis, Absque liberis me esse fecistis. Ioseph non est super, Simeon tenetur in uinculis, Benjamin auferetis, deducetisque capos meos cum dolore ad inferos. Vtrum ideo ad infernum, quia cum tristitia? an etiam si abesset tristitia, tamquam ad infernum moriendo descenderet? De inferno autem magna quaestio est: & quid inde scriptura sentiat locis omnibus ubi forte hoc commemoratum fuerit, obseruandum. Sequitur,

C. XLIII

Psal. II

IV DAS quoque dixit patri suo, Mitte puerum ut proficiscamur, & possimus uiuere nos & paruuli nostri. Descenderuntque in Aegyptum, & steterunt coram Ioseph. Quos cum ille uidisset & Benjamin simul, praecepit dispensatori suo, dicens, Introduc uiros domum, & occide uicimas, & instrue conuiuium, quoniam mecum comessuri sunt meridie. Accedentes autem, ad dispensatorem locuti sunt, Oramus domine ut audias, iam ante descendimus, ut emeremus escas: quibus emptis, cum uenissemus ad diuersorium, aperuimus sacculos nostros, & inuenimus pecuniam in ore saccorum, quam nunc eodem pondere reportauimus. At ille respondit, Deus uester, & Deus patris uestri dedit uobis thesauros in sacculis uestris: nam pecuniam quam dedistis mihi probatam, ego habeo. Quod a praeposito domus audiunt, Deus uester, & Deus patrum uestrorum dedit uobis pecuniam in sacculis uestris, argentum autem uestrum probatum habeo: mendacium uidetur quod non est, sed aliquid significare credendum est. argentum enim quod datur & non minuitur, quod & probatum appellatum est, nimirum illud intelligitur de quo alibi legimus, Eloquia domini, eloquia casta, argentum igne examinatum probatum terrae purgatum septuplum: idest perfectos. Sequitur, Eduxitque ad eos Simeon, & introducit domum attulit aquam, & lauerunt pedes suos, deditque pabula iumentis eorum. Illi uero parauerunt munera donec ingrederetur Ioseph meridie, audierant enim quod ibi comessuri essent panem. Igitur ingressus est Ioseph domum suam, obtuleruntque ei munera, & adorauerunt proni in terra. At ille clementer salutatis eis, interrogauit dicens, Saluus ne est pater uester senex, de quo dixeratis mihi? adhuc uiuit? Et incuruati adorauerunt eum. Astute namque fratrem uendere ausi sunt, ut Dei consilium mutaretur: sed diuino iudicio, quod declinare conati sunt, renitentes seruiuerunt. inde quippe coacti sunt Dei uoluntatem peragere, unde huic moliri sunt astute contraire. Sic diuinum consilium dum uiratur, completur: sic humana sapientia dum relinquitur, comprehenditur. Timuerunt fratres ne Ioseph super eos excresceret, sed hoc quod diuinus disposuit fuerat, cauendo actum est ut ueniret. Humana ergo sapientia in se ipsa comprehensa est,

est, quæ uoluntati Dei unde per intentionem restitit, inde eius impletioni milita-
uit. Quod sæpe nonnulli dum humana sapientia inflati, desideris suis diuina iudi-
cia contraire conspiciunt, astutis eis machinationibus reluctari conantur: & quo
ad uorū uim supernæ dispositionis intorqueant, callidis cogitationibus insistant,
subtiliora consilia exquirunt: sed inde uoluntatem Dei peragunt, unde hanc im-
mutare contendunt: atque omnipotentis consilio, dum resistere nituntur, obse-
quuntur: quia sæpe & hoc eius dispositioni apte militat, quod ei per humanum
studium triuole resultat, sicut scriptum est, Comprehēdit sapientes in astutia sua.
In astutia namque sua sapientes comprehendit, quando eius consiliis humana fa-
cta etiam tunc congrue seruiunt, cum resistunt, unde per Psalmistam dicitur, No-
uit dominus cogitationes hominum, quoniam uanæ sunt. Pensamus igitur gestæ
rei ordinē, pensemus quo modo cogitationes hominum in ipsa sua prouisione di-
uinitas comprehendat. Ideo ab eis Ioseph uenditus fuerat ne adoraretur; sed ideo
est adoratus quia uenditus. Restat ergo ut in cunctis quæ agimus, uim supernæ
uoluntatis inquiramus, cui uidelicet cognita debet nostra actio famulari, & quasi
ducem sui itineris sequi: ne ei etiam nolens seruiat, si hanc superbiens declinat.
uitari enim uis superni consilii nequaquā potest, sed magna sibi uirtute hanc tem-
perat, qui se sub eius nutibus refrenat, eiusq. sibi pondera leuigat, qui hæc ex sub-
recto cordis humero uolens, portat. Sequitur, Attollens autem oculos Ioseph
uidit Benjamin, fratrem suum uterinum, & ait, Iste est frater uester minimus de
quo dixeratis mihi? Et rursum, Deus, inquit, misereatur tibi, fili mi. Festinauitq.
quia commota fuerant uiscera eius super fratrem suum, & erumpebant lacrymæ,
& introiens cubiculum fleuit: rursumq. lota facie egressus, continuit se.) Vidit
Ioseph Benjamin paruulum fratrem suum: mystice quoque uidit dominus Iesus
Paulum, quando lux circumfulsit eum. qui iccirco minimus dicitur, quia non-
dum maturam in carne fidei gerebat ætatem: unde & adolescens legitur fuisse,
quando lapidantium Stephanum uestimenta seruabat. Fleuit Ioseph super Benia-
min: & cæcitas Pauli, fletus est Christi. Lauat faciem suam, ut ei lumen amissum
restituatur: lauī faciem suam Christus, ubi baptizatus est Paulus, per quem do-
minus noster Iesus Christus a plurimis uideretur. Sequitur, Et ait, Ponite panes.
Quibus appositis, seorsum Ioseph, & seorsum fratribus, Aegyptiis quoque,
qui uescabantur simul, seorsum (illicitum est enim Aegyptiis comedere cum eis, &
profanum putant huiusmodi conuiuium) sederunt coram eo primogenitus iux-
ta primogenita sua, & minimus iuxta primogenita sua, & mirabantur nimis,
sumptis partibus quas ab eo acceperunt: maiorq. pars uenit Benjamin, ita ut in
quinque partes excederet: biberuntq. & inebriati sunt cū eo.) Solent huic ebriosi
adhibere testimonio patrociniū, non propter illos filios Israël, sed propter Iose-
ph, qui ualde sapiens commendabatur. Sed hoc uerbum & pro satietate sole-
re poni in scripturis, qui diligenter aduertit, multis in locis inueniet. Vnde est il-
lud, Visitasti terram, & inebriasti eam, multiplicasti ditare eam: eo quod in lau-
de benedictionis hoc positum est, & donum Dei commemoratur, apparet per
hanc ebrietatem, satietatem significari. nam ita inebriari, ut inebriantur ebriosi,
nec ipsi terræ uile est. Sequitur,

PRÆCEPIT autem Ioseph dispensatori domus suæ, Imple saccos eorum
frumento, quantum possint capere, & pone pecuniam singulorum in summitate
sacci, scyphum autem meum argenteum, & pretium, quod dedit, tritici pone in
ore sacci iunioris. Faciuntq. est ita.) Mouet quid sibi uelit hoc factum Ioseph, quo
fratres suos donec eis aperiret quis esset, toties ludificauit, & tanta expectatio-
ne suspendit. quod licet tanto sit suauis, cum legitur, quanto illis sit inopina-

M tuis

Iob. 3
Psal. 93

De eo quod
scriptum est,
Attollēs etc.
XXVIII

C. A. XLIII
De scypho po-
sito in sacco
Beniamin.
XXIX

tus cum quibus agitur, tamen sapientiæ illius gravitate, nisi magnum aliquid isto quasi ludo significaretur, nec ab illo fieret, nec ea scriptura contineretur, in qua est tantæ sanctitatis auctoritas, & prophetarum tanta intentio futurorum, quam modo exequi exponendo suscepimus. Sequitur, Apud quem cumque ser-
uorum tuorum fuerit inuentum quod quæris, moriatur, & nos serui erimus domi-
ni nostri. Qui dixit, Fiat iuxta sententiâ uestram. Apud quem fuerit inuentum,
ipse sit seruus meus, uos autem eritis innoxii. Itaque festinato dependentes in ter-
ram saccos, appuerunt singuli. Quos scrutatus, incipiens a maiore usque ad mi-
nimum, inuenit scyphû in sacco Benjamin. Sed quid sibi uult, quod scyphus Io-
seph inuentus est in sacco Benjamin: nisi quia in corpore Pauli iam doctrinæ cele-
stis præfulgebat eloquium, dnm esset eruditus in lege: sed quia subiectus non erat
diuinæ gratiæ, intra saccum erat scyphus, doctrina intra legem, lucerna sub mo-
dio. Missus tamen Ananias manû posuit, marsupium soluit: marsupio soluto, ar-
gentum resplenduit: & decidentibus squamis, uelut quibusdâ sacci uinculis, solu-
to sacco, idest depositio legis uelamine, adeptus est gratiæ libertatem, & reuelata
facie sermones euangelii prædicauit. Sequitur, At illi scissis uestibus, oneratisq.
rursus asinis, reuerſi sunt in opidum: primusq. Iudas cum fratribus ingressus est
ad Ioseph, nequid enim de loco abierat, omnesq. ante cum pariter in terram cor-
ruerunt. Quibus ille ait, Cur sic agere uoluistis? An ignoratis, quod non sit simi-
lis mei in augurandi scientiâ? Cui Iudas, Quid respondebimus, inquit, domi-
no meo? uel quid loquemur? aut iussu poterimus obtemperare? Deus inuenit ini-
quitatem in manibus seruatorum tuorum: En omnes serui sumus domini mei, &
nos & apud quem inuentus est scyphus. O iaculum in corde, peregrini uenerunt,
famis periculum fugiebant, frumenta quærebant, non acceperunt, & feriti se in-
super criminis obiectione uidebant. Inter hæc ducuntur ad carcerem, & post tri-
duum educti adhuc in eadem asperitate tenentur. Iam rediunt ad cor, iam culpæ
memoria pulsât animum, atque inter se inuicem loquuntur, Merito hæc patimur,
quia peccauimus in fratrem nostrum, uidentes angustiam animæ illius, cum de-
precatur nos, & non cum audinimus. In his autem uerbis cor Ioseph. secessum
petit, soluit stendo quod pietati debuit, seuerus ad fratres reuertitur, ut cruciatus
eorum animus a culpa liberaretur. Post hæc unus religatur in uinculis, dimittun-
tur ceteri cû frumento, ut unus frater ueniat, quem minimum se habere dixerant:
ueniente postmodum fratre uincebat mentē pietas, cum frater innoxens uidere-
tur: sed permanebat in ostensione asperitas, ut fratres noxii purgarentur: frumen-
ta dantur, scyphus in sacco iunioris fratris absconditur, fortis post eos quæstio mo-
ueretur, mittitur ut reducantur, addiei in seruitutem decernitur, apud quē scyphus
fuisse inuentus, in sacco ultimi fratris inuenitur: tunc Benjamin reducit, affli-
cti eti omnes fratres sequuntur. O tormēta misericordiæ, cruciat, & amat. Reuerſi igi-
tur, in terra cum lacrymis prostrati ueniā postulant: memores enim quid de illo
patri promiserant, merore intolerabili tabescebant: tunc se ultra cohibere nō ua-
lens, pietas clausa prorupit in medium, & excussit caritatis lacrymas de uultu
serenitatis. De terrore est asperitas, quæ apparebat, & non erat, quia misericordia
erat, sed non apparebat. Sic uir sanctus facinus fratrum & dimittit & uindictauit,
sic ore clementiam retinuit, ut delinquentibus fratribus nec sine ulcione pius exi-
steret, nec sine pietate districtus. Sequitur, Respondit Ioseph, Absit a me, ut sic
agam. qui furatus est scyphum, ipse sit seruus meus, uos autem abite liberi ad pa-
trem uestrum. Nonne clementer considerandum puto tantam miseriam in hac
perturbatione fratrum suorum, quo modo Ioseph, quādiu uoluit, tenuit, ac quāta
uoluit mora produxit, non eos utique faciēs calumniosos, quando tantæ etiam
ipſorum

- ipsorum futuræ lætitiæ exitū cogitabat: & totum hoc quod agebat, ut eorum gaudium differretur, ad hoc cogitabat, ut eadē dilatione cumularetur: tamquā non essent cōdignæ passionēs eorū in toto illo tempore, quo turbabantur, ad futurā gloriā exultationis, quæ in eis fuit reuelanda fratre cognito, quæ a se perditum esse arbitrantur. Sequitur. Accedens propius Iudas, cōsidentem air, Oro domine mi, loquatur seruus tuus uerbum in auribus tuis, & ne irascaris famulo tuo. Interrogasti prius seruos tuos, habetis patrē aut fratrem: & nos respondimus, Et nobis pater senex & puer paruulus, qui in senectute illius natus est, cuius uterinus frater est mortuus, & ipsum solum habet mater sua, pater uero tenere diligit eum.
- 10 Dixisti seruis tuis, Adducite eum ad me, & ponam oculos meos super illum. Suggestimus domino meo, non potest puer relinquare patrem suum. si enim illū dimiserit, morietur. Et dixisti seruis tuis, Nisi uenerit frater uester minimus uobiscū, non uidebitis amplius faciem meā. Multa in narratione Iodæ aliter dicta sunt, quā cum illis egerat Ioseph, quibus apud eum loqueretur, ut omnino de illa simulatione, quod exploratores essent, nihil diceretur: quod utrū consilio taciturnum sit, an id fecerit perturbationis obliuio, nō apparet. Nā & illud quod dixit, se ab ipso Ioseph interrogatos de patre & fratre suo, se autē illa interroganti indicasse, mirū si uel ad sententiā possit ista peruenire narratio, ut & eōdē esse ueracē: quamquā & si aliqua in ea falsa sunt, falli potius per obliuionē potuit, quā auderēt mentiri, apud eū præferri, cui uō sicut nesciūt, sed etiā illa quæ nouerant eū scire, ad sēctendā eius misericordiā narrationi inferebat. Sequitur. Manebo itaque seruus tuus pro puero in ministerio domini mei, & puer ascendat cum fratribus suis.
- NON se poterat ultra cohibere Ioseph, eleuauitq. uocem cum fletu, quam audiverūt Aegyptii, & dixit fratribus suis, Ego sum Ioseph. Adhuc pater meus uiuit. Nec poterant respondere fratres, nimio timore perterriti. Ad quos ille clemēter, Accedite, inquit, ad me. Et cum accessissent prope, Ego sum, ait, Ioseph frater uester, quem uendidistis. pro salute enim uestra misit me Deus ante uos in Aegyptum, ut reseruemini super terram, & escas ad uiuendum habere possitis. Quid est quod dicit Ioseph, Misit me Deus ante uos in Aegyptum, ut reseruemini super
- 30 terrā, & escas ad uiuendum habere possitis: nisi forte significat illud altum secretumq. mysterium, quod ait apostolus, Reliquiæ per electionē gratiæ saluæ sūtæ sunt, quia propheta prædixerat, Si fuerit numerus filiorum Israel quasi arena maris, reliquiæ saluæ sient. ad hoc enim occisus est Christus a Iudæis, & traditus gentibus, tamquam Ioseph Aegyptiis a fratribus, ut & reliquiæ Israel saluæ fierent: unde dicit apostolus, Nam & ego Israelita sum: & ut plenitudo gentium intraret, & sic omnis Israel saluus fieret, idest ex reliquiis Israel secundum carnem & plenitudinē gentium, quæ in fide Christi secundum spiritum sunt Israel: aut si genti illius Israeliticæ restat fidei plenitudo, ex qua erāt reliquiæ, in quibus reliquiis tunc & apostoli salui facti sunt, hoc significatur ea plenitudine liberationis Israel, quæ
- 40 per Moysen ex Aegypto liberati sunt. Sequitur, Dedit Ioseph fratribus suis plaustra secundum Pharaonis imperium & cibaria in itinere, singulisq. proferri iussit binas stolas: Beniamin uero dedit trecentos argenteos cum quinque stolis emisis, tantundem pecuniæ & uestium mittens patri suo, addens ei asinos decem, qui subeherent ex omnibus diuitiis Aegypti, & totidem asinas triticum in itinere panesq. portantes. Triginta argenteos a Christo accepit quicumque prædicator trinitatis suæ Christi crucē ideoq. Paulus ait, Neque enim iudicauim me scire aliquid inter uos, nisi Christum Iesum, & hunc crucifixum, Quinque autem stolas accepit, idest sapientiæ, omniumq. sensum multiplicem in lege disciplinam. Præcellit igitur Paulus, & exuberat eius portio meritorum: sed tamen habent &

CAP. XLV
De manifesta
tione Ioseph
ad fratres.
XXXX.

Rom. 11
Osc 1

Rom. 11

1. Cor. 2

1. Cor. 2

Prouer. 3.1

fratres, idest alii prædicatores gratia sua binas stolas, idest ut consiteantur Christū & Deum esse & hominem, iuxta quod in Prouerbiis legitur, Omnes domesticī eius uestiti sunt duplicibus, idest mystica uel morali intelligentia. Mittuntur & pa-
tri munerā. Filius honorat patrem suum, & Christus populum suum promissis in-
uitat muneribus. Portant hæc munera asini illi gentiles, inutiles, & laboriosi: nūc
autem utiles portant in typum Christi munera, portant in euangelio munerū lar-
gitorem. Sequitur, Qui ascendentes uenerunt in terram Chanaan ad patrem
suum Iacob, & nunciauerunt ei, dicentes, Ioseph uiuit, & ipse dominatur in om-
ni terra Aegypti.) si enim potuisset uinci a libidine & peccasset cum uxore do-
mini sui, non puto quod hoc a patriarchis nunciatum de eo fuisset patri eius Iacob
quia filius eius uiueret. hoc enim si fecisset, sine dubio non uiuebat. anima enim
quæ peccat, ipsa moritur. Tale ergo aliquid & in Iacob indicare uidetur hic ser-
mo, quod donec longe fuit ab Ioseph, & non est annunciatum ei de uita eius, ue-
luti defecerat in eo spiritus eius, & lumen, quod in ipso fuit, fomētis deficientibus,
iam fuerat obscuratum: ubi uero uenerunt qui ei annunciauerunt de uita eius, id-

Ioan. 1

est qui dicerent, quia uita erat lux hominum, reaccendit in se spiritum suum, & re-
paratus est in eo fulgor lminis neri, & qui mortuus uidebatur, fide resurrectionis
niuiificatur. Sed & in nobis calcare libidinem, fugere Inxuriam, omnesq. uo-
luptates corporis premere ac refrenare, hoc est principatum gerere totius Aegy-
pti: & hoc est quod apud Israel magnum dicitur, & in admiratione habetur. Si
quis uero est, qui aliqua quidem uitia corporis subiiciat, aliis uero ceda & subia-
ceat, de isto non integre dicitur, quia principatum agit totius terræ Aegypti, sed
unius forte aut duarum aut trium ciuitatum uidebitur gerere principatum. Sequi-
tur, Quo audito, quasi de graui somno euigilans, tamen non credebat eis, illi
econtra referebant ordinem rei) Vocatur ergo plebs incredula, idest Iacob, a fi-
liis suis, idest Petro & Paulo & Ioanne, dum populus Iudaeorum inuitatur ad gra-
tiam. Sequitur, Cumq. uidisset uniuersa quæ miserat, reuixit spiritus eius, &
ait, Sufficit mihi si adhuc Ioseph filius meus uiuit, uadam & uidebo illum ante
quam moriar) Sed nec hoc quidem otiose relinquendum est, quod non animum
sed spiritum, tamquā meliorem sui partem resuscitatum esse dicit. Splendor eten-
nim lucis qui erat in eo, etiam si extinctus penitus non est, tunc cum obtulerunt
filii eius tunicā Ioseph hædi sanguine maculatam, & mendacio eorum decipi po-
tuit, ita ne scinderet uestimenta sua, & poneret saccum super lumbum suum, & lu-
geret filium suum, nec uellet omnino consolari, sed diceret, Quia descendam ad fi-
lium meum lugens in infernum. Tunc etiam si, sicut diximus, non erat penitus
extinctum in eo lumen, maxima tamen ex parte fuerat obscuratum, quod decipi po-
tuit, quod uestimenta scindere, quod falso lugere, quod implorare mortē, quod
in infernum cuperet lugendo descendere. Propter hæc quoque nunc resuscitatur
& reuiuiscit spiritus eius, quia consequens erat ut lumen, quod in eo obscurauerat
fratrum mendaciū, reaccenderet & resoueret ueritatis auditus. Sequitur,

C.A. XLVI
De professione
ne Iacob in
Aegyptum.
XXXI

PROFECTVS Q. Israel cum omnibus, quæ habebat, uenit ad puteum
iuramenti, & mactatis ibi uictimis Deo patris sui Isaac, audiuit Deum per uisionem
nocte uocantem se, & dicentem sibi, Iacob, Iacob. Qui respondit, Assum.
Ait illi Deus, Ego sum fortissimus Deps patris tui. Noli timere descendere in
Aegyptum, quia in gentem magnam faciam te ibi. Ego descendam tecum illuc,
& ego inde adducam te reuertentem.) Quis est, qui factus est in gentem ma-
gnam in Aegypto, & in fine reuocatus est? Quantum ad Iacob illum spectat de
quo dici putatur, non uidebitur nerum: non enim in fine reuocatus est ex Aegypto,
quippe qui defunctus in Aegypto est. Absurdum autem erit, si quis in eo

reuo-

- reuocatum dicit a Deo Iacob, quia corpus eius reportatum est, quod si recipiatur, non erit uerum: quia Deus, non est Deus mortuorum, sed uiuorum. non enim conuenit hac de corpore mortuo intelligi, sed super uiuos & in gentibus ap probari. Videamus ergo domini descensum in hunc mundum, & in gentem magnam, hoc est, in ecclesiam ex gentibus factum, cōsummatisq. omnibus ad patrē regressum. In hoc ergo uerius quā in Iacob adimplebitur quod dictum est, Quia reuocabo te inde in fine. Sed & unusquisque nostrū eodē ordine atque eadem uia Aegyptum & agones ingreditur, si mereatur ut Deus semper maneat cum eo, & faciat eum in gentem magnam. magna enim gens, est uirtutum numerus, & iustitiae multitudo, in qua sancti quique multiplicari dicuntur & crescere. Completur in eo etiam illud quod dictum est, Quia reuocabo te in fine. finis enim, perfectio rerum, & uirtutum consummatio ponitur. Sequitur, Ioseph quoque ponet manum suam super oculos tuos. Verus etenim Ioseph, dominus & saluator noster, sicut corporalem manum suam posuit super oculos cæci & reddidit ei uisum, quem perdidit: ita etiam spirituales manus suas posuit super oculos legis, qui per corporalem intelligentiam scribarum & pharisæorum fuerunt excæcati, & reddidit ei uisum, ut his quibus aperit dominus scripturas, spiritalis in lege uisus, & intellectus appareat. Atque utinam & nobis iniiciat dominus Iesus manus suas super oculos, ut incipiamus & nos respicere, non ea quæ uidentur, sed quæ non uidentur: & aperiat nobis illos oculos qui nō intuentur præsentia, sed futura: & reuelet nobis cor dis aspectum, quo Deus uidetur in spiritu. Sequitur, Surrexit Iacob a puteo iuramenti, tuleruntq. eum filii cum paruulis & uxoribus suis in plaustris quæ miserat Pharao ad portandum senē, & omnia quæ possederat in terra Chanaan: uenitq. in Aegyptum cum semine suo, filii eius, & nepotes, filiz, cunctaq. simul progenies. Quærendum est quo modo dicat, Filias eius cum eo: cum unam tantum filiam legatur habuisse. Superius autem filias eius dixeramus accipi posse, nepotes eius, sicut filii Israel omnes dicuntur etiam uniuersus populus ab illo propagatus. Sed nunc cum dicit, filias filiarum, præter unam Dinam, pluralis numerus pro singulari positus est, sicut etiam pro plurali singularis solet poni: nisi nunc eius quique asserat filias eius potuisse appellari. Sequitur, Hi filii Lix, quos genuit in Mesopotamia Syriæ cum Dina filia. omnes enim animæ filiorum & filiarum eius triginta tres. Numquid istæ omnes XXXIII animæ ex Lia in Mesopotamia Syriæ natæ sunt? Sed utique sex filii & una filia, ex quibus nepotes commemorati sunt. Si ergo de uno Benjamin quæstio nata fuerat, quando numeratis XII filiis Iacob, & nominatim cōmemoratis dictū est, Hi filii Iacob, qui nati sunt ei in Mesopotamia Syriæ: quanto maior nunc quæstio est, quo modo XXXIII animæ ex Lia in Mesopotamia Syriæ natæ sint: nisi quia illa locutus cōfirmatur, tamquam ibi omnes orti sint. Deinde & illud nō dubium iam est, in una filia filias nō minari, plurali numero pro singulari posito. Sed tamē uidendum est, quid hic respondeatur eis, qui hoc testimonio cōfirmare nituntur, a parentibus simul animas cum corporibus propagari. animas dictas pro hominibus, a parte totum significante locutione, nullus ambigit: sed quo modo ipsam partem ex qua totum cōmemoratum est, hoc est animam, cuius nomine totus homo significatus est, alienemus ab eo quod dictum est, Exierunt de femoribus eius, ut carnes tantum ex illo natas, quāuis solæ animæ nominentur. Sequitur, Cunctæ animæ quæ ingressæ sunt cum Iacob in Aegyptū, & egressæ de femore illius absque uxoribus filiorū LXVI. Filii autem Ioseph qui nati sunt ei in terra Aegypti, animæ duæ. Omnes animæ domus Iacob, quæ ingressæ sunt Aegyptū, fuere LXX. Quod legitur LXVI animas intrasse cū Iacob in Aegyptū, exceptis uidelicet filiis Ioseph: & deinde illis

Numerus filiorum Iacob ingressorum in Aegyptum.
XXXII

Exod. 1

annumeratis infertur, LXX animæ erant, cum quibus Iacob intrauit in Aegyptū, sic accipiendum est, in domo Iacob quando intrauit in Aegyptum. nam utique quos ibi inuenit, non cum eis intrauit: sed quam diligentius discussa ueritate repertiuntur duo nati iam fuisse, cum intrauit, Ephraim & Manassæ: quod non solum Hebraei codices habere dicuntur, uerum etiam ipsa secundum Septuaginta interpretatio in Exodo declarat. Nec Septuaginta interpretes mihi uidentur errasse, dum dicunt LXXV animas cum Iacob intraisse Aegyptum: propter aliquam mysticam significationem, quadam uelut prophetica libertate hunc numerum complere uoluerunt, si adhuc uiuente Iacob, illi ex duobus filiis Manassæ & Ephraim propagati sunt, quos eidem numero domus Iacob aggregandos iudicauere. Sed Ioseph, illo uiuo, etiam nepotes habere, nō inuenitur. Ingressus est enim Aegyptū Iacob secundo famis anno: nati sunt autem filii Ioseph in annis abundantie. Quibuslibet annis ubertatis nati existimenter, a primo anno ubertatis usque ad secundum annum famis, quo ingressus est in Aegyptum, IX anni sunt. His additis XV, quibus ibi uiuit Iacob, LXXVI anni reperiuntur. Quo modo ergo minus quā LXXVI annorum iuuenes, nepotes habere potuerunt? Sed neque ulla Hebraica ueritate ista soluitur quæstio. quemadmodum enim impleri potuit, ut tot nepotes susciperet Iacob, antequam intraret in Aegyptum, etiam de Benjamin, qui illa ætate uenit ad fratrem? Non solum autem scriptura eum filios habuisse commemorat, sed & nepotes & pronepotem, qui omnes annuerantur LXXVI, cum quibus Iacob in Aegyptum, etiam secundum Hebraicam ueritatem, perhibetur intraisse. Videndum est etiam quid sibi uelit, quod cum Ioseph & filii eius non amplius quam octo commemorentur, Benjamin uero & eius filii simul undecim reperiuntur, non XIX omnes, sicut sunt VIII & XI, sed XVIII referantur in summam, & postea Ioseph cum filiis suis non animæ VIII, sed IX fuisse dicantur, cum VIII inueniantur. Hæc omnia quæ indissolubilia uidentur, magnam continent sine dubitatione rationem: sed nescio utrum possint cuncta ad litteram conuenire, præcipue in numeris, quos in scripturis sacratissimos esse & mysteriorum plenissimos, ex quibusdā, quos inde nosse potuimus dignissime credimus. Sequitur, Misit autem Iudam ante se ad Ioseph, ut nunciaret ei, & ille occurreret ei in Gessen. Quo cum peruenisset, iuncto Ioseph curru suo ascendit Ioseph obuiam patri ad eundem locum, uidensq. eum irruit super collum eius, & inter amplexus fleuit. Occurrit illi Iudas, idest Confessio, quia iam præcedit confessio, quos antea perfidia possidebat, & sic uero Christo occurrerunt: & sic Ioseph; hoc est uerus Christus illis occurrit impartiendo illis fidē. quis enim hac ætate suscipit ultimis temporibus populum Iudæorum, non secundum illius merita, sed secundum electionis suæ gratiam, & imponit manus super oculos eius, & cæcitatem aufert, cuius ideo distulit cæcitatem, ut postremus crederet, quia antea non putabat esse credendum in Christo. Vnde apostolus ait, Quia cæcitas ex parte in Israel facta est, donec plenitudo gentium intraret, sic omnis Israel saluus fieret. Sequitur, Locutus est autem Ioseph ad fratres suos, & ad omnem domum patris sui, Ascendam & nunciabo Pharaoni, dicamq. ei, Fratres mei & domus patris mei, qui erāt in terra Chanaan, uenerunt ad me, & sunt uiri pastores ouium, curamq. habent alendorum gregum, pecora sua & armenta & omnia quæ habere potuerunt, adduxerunt secum. Cumq. uocauerit uos Pharaon, & dixerit uobis, Quod est opus uestrum? respondebitis, Viri pastores serui tui, ab infantia nostra ulque in præsens, & nos & patres nostri. Commendatur in patriarchis, quod pecorum nutritores erant a pueritia sua & a parentibus suis, & merito. nam hæc est sine ulla dubitatione iusta seruitus, & iusta domi-

natio,

natio, cum pecora homini seruiunt, & homo pecoribus dominatur: sic enim dictum est cum homo crearetur, Faciamus hominem ad imaginem & similitudinem nostram, & habeat potestatem piscium maris & uolatilium cæli, & omnium pecorum quæ sunt super terram. Vbi insinuat rationem debere dominari irrationabili uitæ. Seruum autem hominem homini, uel iniquitas, uel aduersitas fecit: iniquitas quidem sicut dictum est, Maledictus Chanaan, seruus erit fratribus suis. aduersitas uero sicut accidit Ioseph, ut uenditus a fratribus seruus alienigenis fieret. Itaque primos seruos, quibus hoc nomen in Latina lingua inditum est, bella fecerunt. qui enim homo ab homine superatus, iure belli poterat occidi, quia seruatus est, seruus est appellatus. Inde & mancipia dicta, quia manu capta sunt. Est etiam ordo naturalis in hominibus, ut seruiant feminæ uiris, & filii parentibus: quia & illic hæc iustitia est, ut infirmior ratio seruiat fortiori.

Gen. 1

Gen. 9

10 Hæc igitur in damnationibus & seruitutibus clara iustitia est, ut qui excellunt ratione, excellent dominatione. Quod cum in hoc sæculo per iniquitatem hominum perturbatur, uel natura carnalium aduersitatum, serui iusti temporalem diuersitatem, in fine habituri & ornatisimam & sempiternam felicitatem. Regna uerunt hic ergo patriarchæ & prophete, ut ista regna Deum dare & auferre ostenderetur: non hic regnauerunt apostoli & martyres, ut regnum calorum desiderandum panderetur. Illi regna bella gesserunt, ut tales quoque uictorias appareret Dei

20 uoluntate præstari: isti non resistendo interfecti sunt, ut potiores esse docerent uictoriam pro fide ueritatis occidi, quamquam & illic prophete nouerant mori pro ueritate. Hæc autem dicetis, ut habitare possitis in terra Gessen. Interpretatur autem Gessen Propinquitas, uel proximitas. Per quod ostenditur, quia etiam si in Aegypto habitat Israël, non tamen longe est a Deo, sed proximus est ei & coniunctus, sicut etiam ipse dicit, Quia eo descendam tecum in Aegyptum, & ero tecum. Et nos ergo etiam si uideamur in Aegypto descendisse, etiam si in carne positi agones mundi huius & certamina lustinamus, etiam si inter eos habitamus, qui deseruiunt Pharaoni, tamen si prope Deo sumus, si in mandatorum eius meditatione uersamur, & præcepta eius ac iudicia perquirimus: hoc est enim esse prope Deo, semper quæ Dei sunt cogitare, quæ Dei sunt querere: & Deus semper erit nobiscum. Sequitur, Quia detestantur Aegyptii omnes pastores ouium. Abominatio est enim Aegyptiis omnis pastor ouium. Merito Aegyptiis in quibus est figura præsentis sæculi, in quo abundat iniquitas, abominatio est omnis pastor pecorum: abominatio est enim iniquo uir iustus. Sequitur,

30 INGRESSVS ergo Ioseph nunciauit Pharaoni, dicens, Pater meus & fratres mei, oues eorum & armenta & cuncta quæ possident, uenerunt ad me de terra Chanaan, ecce consistunt in terra Gessen. Extremos quoque fratrum suorum quinque uiros, statuit coram rege. Quos ille interrogauit, Quid habetis operis? Responderunt, Pastores ouium sumus & nos & patres nostri, ad peregrinandum in terra tua uenimus, quoniam non est herba gregibus seruorum tuorum ingruescente fame in terra Chanaan, petimusque ut esse nos iubeas in terra Gessen. Quæri potest cum Ioseph frumenta colligeret, unde homines uiuerent, pecora unde uiuebant, dum tanta fames inualesceret, maxime quia fratres Ioseph Pharaoni dixerunt, non sunt enim pascuæ gregibus seruorum tuorum in terra Chanaan inualescente fame, & propter hanc inopiam pascuarum se uenisse commemorauerunt. Pro eo si ea fame pascua defecerant in terra Chanaan, cur in Aegypto non defecerant, eadem tunc fame inualescente? Nam sicut perhibetur ab eis qui loca illa sciunt, in multis Aegypti paludibus poterant pascua non deesse, etiam cum fames esset frumentorum, quæ solent Nili fluminis inundatione provenire. magis enim

C.A. XLVII

D. EVCHERII

140

enim dicuntur paludes illæ & feracius pascua gignere, quando aqua Nili fluminis minus excrevit. Sequitur, Dixit itaque rex ad Ioseph, Pater tuus & fratres tui uenerunt ad te, terra Aegypti in conspectu tuo est, in optimo loco fac habitare eos, & trade eis terram Gessen. Tradidit post hæc Ioseph parentibus & fratribus optimam terram Gessen.) Sic & dominus eligens terram meliorem parentibus, idest prophetis & patriarchis, ex quibus secundum carnem nasci dignatus est: siue omnibus sanctis, de quibus in euangelio dicit, Hi sunt fratres mei, qui faciunt uoluntatem meam. His igitur daturus est terram repromissionis regni Dei, de qua dicit propheta, Credo uidere bona domini in terra uiuentium. Sequitur, Post hæc introduxit patrem suum ad regem, & statuit eum coram eo. qui benedicens illi, & interrogatus ab eo, quot sunt dies annorum uitæ tuæ, respondit, Dies peregrinationes meæ centum triginta annorum sunt, parui & mali, & non perueniunt usque ad dies patrum meorum, quibus peregrinati sunt.) Dicimus autem, non tam sæculum ipsum, quod die & nocte annis currit & mensibus, appellari malum, quam ea quæ in sæculo sunt. Quo modo sufficere dicitur diei malitia sua, ita & dies Iacob modici dicuntur esse & mali, & quod ea, quæ sustinuit, per uaria eum exercuerunt tentamenta: unde & Ioannes ait, Mundus in maligno positus est non quod mundus ipse sit malus, sed quod mala in mundo fiant ab hominibus. Sequitur, Et alebat omnem domum patris sui, præbens cibaria singulis.) Veruntamen Iacob nec quando uidit Ioseph adorauit, nec quando ab illo triticum accipiebat. quo modo ergo somnium Ioseph impletum putabimus, & non potius maioris rei continere prophetiam? Sequitur, In toto enim orbe panis deerat, & oppresserat fames terram maxime Aegypti & Chanaan, ex quibus omnem pecuniam congregauit, & intulit eam in ærarium regis.) Perinuit ad scripturam in hac etiam re commendare fidem famuli Dei. Emit igitur Ioseph omnem terram Aegypti uendentibus singulis possessiones suas præ magnitudine famis, subiecitiq. eam Pharaoni, & cunctum populum eius a nouissimis terminis Aegypti usque ad extremos fines eius.) Respice ad originem generis, & inuenies quod pater eorum Cham, qui nuditatem riserat patris, huiusmodi sententiam meruit, ut filius eius Chanaan seruus esset fratribus suis, quo in eo nequitiam morum argueret condicio seruitutis. Non ergo immerito ignobilitatem generis decolor posteritas imitatur. Hæc ergo si intelligamus spiritaliter, quæ sit Aegyptiorum seruitus agnoscimus: quia seruire Aegyptiis non est aliud quam obnoxium esse carnalibus uitiis, & dæmonibus esse subiectum. In quod utique unumquemque nō extrinsecus illata necessitas cogit, sed segnitia animi, & libido ac uoluptas corporis subigit, cui se animus per locordiam subdit. Qui uero libertatis animæ curam gerit, & dignitatem mentis cælesti cogitatione nobilitat, iste ex filiis Israel est, qui etiam si uiolenter opprimatur ad tempus, non tamen libertatem suam in perpetuum perdit. Sequitur, Præter terram sacerdotum quæ a rege tradita fuerat eis, quibus & statuta cibaria ex horreis publicis præbebantur, & ideo non sunt compulsi uendere possessiones suas.) Denique uis scire quid intersit inter sacerdotes Dei & sacerdotes Pharaonis? Pharaon concedit terram sacerdotibus suis, dominus autem sacerdotibus suis partem non concedit in terra: sed dicit eis, Ego sum pars uestra. Obseruate ergo qui hæc legitis, omnes domini sacerdotes, & uidete quæ sit differentia sacerdotum, ne forte qui partem habent in terra, & terrenis cultibus ac studiis uacant, non tam domini, quam Pharaonis sacerdotes esse uideantur. Ille est enim qui uult sacerdotes suos habere possessiones terrarum, & exercere agri non animæ culturam, ruri & non legibus operam dare. Christus autem dominus noster sacerdotibus suis quid præcipiat, audiamus. Qui non, inquit, renunciaue-
rit

1. Ioan. 5

- rit omnibus, quæ possidet, nõ potest meus esse discipulus. Cõtemisco hæc dicens: meus enim primo omnium, meus, in quam, ipse accusator existo, meas condemnationes loquor. Negat Christus suum esse discipulum, quæ uiderit aliquid possidentem, & eum qui non renunciat omnibus, quæ possidet. Et quid agimus? Quo modo hæc aut ipsi legimus, aut populis prædicamus, qui non solum non renunciamus his, quæ possidemus, sed acquirere uolumus ea, quæ nunquã habuimus ante quam ueniremus ad Christum? Numquidnam, quia nos redarguit conscientia tegere, & non proferre quæ scripta sunt, possumus modo duplicati criminis esse rei. Confiteor palam, & populo audiente confiteor hæc scripta esse: etiam si non
- 10 dam implese me noui. Sed hoc saltem commoniti festinemus implere, festinamus transire a sacerdotibus Pharaonis, quibus terrena possessio est, ad sacerdotes Dei, quibus in terra pars non est, quibus portio dominus est. Sequitur, Dixit ergo Ioseph ad populum, En ut cernitis, & uos & terram uestram Pharaõ possidet, accipite semina, & serite agros, ut fruges habere possitis. Quintam partem regi dabitis, quattuor reliquis permitto uobis in semen, & in cibos famulis & liberis uestris. Contulimus sacerdotibus sacerdotibus. nunc si uidetur & populum Aegyptiũ populo Israelitico conferamus. dicitur enim in consequentibus, quia post famem & seruitutem populus Aegyptius, quintam partem offerat Pharaoni, e contrario uero Israeliticus populus dederat decimas sacerdotibus. Vide & in hoc scripturam
- 20 diuinam in generatione subnixã, uide Aegyptium populum quinario numero tributa pendentem. quinque enim sensibus corporalibus designantur, quibus carnalis populus seruit, semper enim Aegyptii uisibilibus rebus & corporalibus obsequuntur. At uero Israeliticus populus honorat decadam, perfectionis numerum. decem enim uerba legis accepit, & decalogi uirtute contritus, ignota mundo huic sacramenta largitione diuina suscepit. Sed & in nouo testamento similiter uenerabilis est denarius numerus, sicut & fructus spiritus diuini exponitur germinare uirtutibus, & seruus fidelis de negotiationibus sui lucri decem minas offert domino, & decem ciuitatum accipit potestatem. Verum quia unus est auctor omnium, & fons, & initium unus est Christus, ideo populus decimas quidem ministris &
- 30 sacerdotibus præstat: primo uero offert primogenito omnis creaturæ, & initia initio omnium, de quo scriptum est, Qui est initium primogenitus omnis creaturæ. Vide ergo ex his omnibus differentiam populi Aegyptiorum & populi Israel, & differentiam sacerdotum Pharaonis & sacerdotum domini, & discutens temet ipsum, præuide, de quo populo sis, & cuius ordinis sacerdotium tencas: si adhuc carnalibus sensibus seruis, si adhuc quinario numero uestigal exsoluis, & respicis ea, quæ uisibilia & temporalia sunt, & non respicis ea quæ inuisibilia & æterna sunt, de Aegypto populo te esse cognosce. Si uero decalogum legis, & decadam noui testamenti, quæ supra exposuimus, semper ante oculos habeas, & de his decimas offers, & primogeniti sensus tui in fide immolas primogenito ex mortuis, & initia tua reiecta ad initium omnium, uerus Israelita es, in quo dolus non est. Sequitur,
- 40 Cumq; appropinquare cerneret Israel diem mortis suæ, uocauit filium suum Ioseph, & dixit ad eum, Si inueni gratiam in conspectu tuo, pone manum tuam sub femur meum, & facies mecum misericordiam & ueritatem.) Ea filium adiuratione constringit, qua seruum constrinxerat Abraham: ille mandans unde uxor ducatur filio suo: iste sepulturam commendans corporis sui. In utramque causam tamen nominata sunt duo illa, quæ magna habenda atque pendenda sunt; in scripturis omnibus quæcumque dispersim leguntur, misericordia & iustitia, uel misericordia & iudicium; uel misericordia & ueritas, sicut scriptum est, Vniuersæ uirgines domini misericordia & ueritas. Hæc ergo duo commendata, multum consideranda

De dñlo Io-
seph En cerni-
tis etc.
XXIII

Colof. 1

De Iuramen-
to Ioseph.
XXXV

Psal. 118

deranda sunt. Seruus Abraham dixerat, Si facitis cum domino meo misericordiam & iustitiam: & iste filio dicit, Vt facias in me misericordiam & veritatem. Sequitur, Vt non sepelias me in Aegypto, sed dormiam cum patribus meis; & auferas me de hac terra, tanquam in sepulcro maiorum.) Quid sibi autem uelit tanto uiro tam sollicita corporis commendatio, ut non in Aegypto sepeliatur, sed in terra Chanaan iuxta patres suos: mirum uidetur & quasi absurdum, nec quasi conueniens tanta excellentiæ mentis propheticæ, si hoc ex hominum consuetudine etiam curet: si autem in omnibus his sacramenta querantur; maioris admirationis gaudium ipsi, qui inuenerit, orietur. Cadaueribus mortuorum peccata significari non dubium est, cum iubentur homines post eorum contactum, siue qualicumque contactu, tamquam ab immunditia purificari, & hinc illa sententia dicta est, Qui baptizatur a mortuo, & iterum tangit illum, quid prodest lauatio eius? Sepultura ergo mortuorum, remissionem significat peccatorum, eo pertinens quod dictum est, Beati quorum remissæ sunt iniquitates, & quorum tecta sunt peccata: Vbi ergo sepelienda erant hoc significancia cadauera patriarcharum. nisi in ea terra, ubi ille crucifixus est, per quem facta est remissio peccatorum. & si quid aliud de re tanta uel hoc modo, uel sublimius intelligi potest. Nec tamen frustra tremur tales ac tantos homines tantam gessisse curam pro sepeliendis corporibus suis, cum sit, atque esse debeat fidelium ista securitas, quod ubicumque corpora eorum sepeliantur, uel insepulta etiam per inimicorum rabiem relinquuntur, aut pro eorum libitu dilacerata absumentur, non ideo uel minus integram, uel minus gloriosam eorum resurrectionem credimus esse futuram. Sequitur, Respondit Ioseph, Ego faciam quod iussisti. Et ille, iura ergo, inquit, mihi. Quo iurante, orauit Israel Deum, conuersus ad lectuli caput.) Merito queritur quid sit quod dictum est, Adorauit Israel Deum, conuersus ad lectuli caput: in quo utique senex iacebat, & sic positum caput habebat, ut in eo sine labore, quando uellet, oraret; quod scilicet postquam iurauit filiis, securus de petitione quam rogauerat; adoraret Deum contra caput lectuli sui. Sanctus quippe & Deo deditus uir, oppressus senectute sic habebat lectum positum, ut ipse iacentis habitus absque difficultate ulla ad orationem esset paratus. Sequitur,

CAPIT

XLVIII

De egritudine Iacob.

XXXVI

HIS ita transactis, nunciatum est Ioseph, quod ægrotaret pater eius. Qui assumptis duobus filiis suis, Manasse, & Ephraim, ad eum perrexit. Dictumque est seni, Ecce Ioseph filius tuus uenit ad te. Qui confortatus sedit in lectulo, & ingressus ad se, ait, Deus omnipotens apparuit mihi in Luza, quæ est in terra Chanaan, benedixitque mihi, & ait, Ego te augebo, & multiplicabo, & faciam in tuis populorum: daboque tibi terram hanc, & semini tuo post te, in possessionem sempiternam.) Etiam hinc commemorat Iacob promissiones Dei erga se factas; dicitque sibi dictum, Faciam te in turbas populorum. Quibus uerbis magis fidelium uocationem significat, quam carnalis generis propagationem. Sequitur, Duo igitur filii tui, qui nati sunt tibi in terra Aegypti antequam huc uenirem ad te, mei erunt, Ephraim, & Manasses, sicut Ruben & Benjamin reputabuntur mihi.) Si quis autem ambigit, quod septuaginta animæ introissent in Aegyptum filiorum Israel, & quod Ioseph eo tempore, quo ingressus est Iacob, non nouem, sed duos tantum filios habuerit, præsentis capitulo confirmatur, siquidem ipse Iacob loquitur, duos eum habuisse filios, non nouem. Quod si e contrario nobis illud opponitur, quo modo in Actibus apostolorum in concione Stephani dicatur ad populum, Septuaginta quinque animas ingressas esse Aegyptum, facilis excusatio est, non enim debuit sanctus Lucas, ipsius scriptor historiarum, ingens Actuum apostolorum volumen emiteps gentibus, contrarium aliquid scribere aduersus eam scripturam quæ

quæ iam fuerat gentibus diuulgata: & utique maioris opinionis illo duntaxat tē-
pore Septuaginta interpretum habebatur auctoritas, quam Lucas, qui ignotus &
uilis & non magnæ fidei in nationibus habebatur. Hoc autem generaliter obser-
uandum, quod ubicūque sancti apostoli aut apostolici uiri loquuntur ad populos,
his plerumque testimoniis utuntur, quæ iam fuerant in gentibus diuulgata. Quod
autem dicit, Ephraim & Manasses sicut Ruben & Simeon erunt mihi: illud signifi-
cat, Sicut Ruben & Simeon duæ tribus erunt, & ex suis uocabulis appellabun-
tur, duosq. populos procreabunt: & sic hereditabunt repromissionis terram, si-
cut & ceteri filii mei. Sequitur, Reliquos autem, quos genueris post eos, tui
erunt & nomine fratrum suorum uocabuntur in possessionibus suis. Non, inquit,
accipient separatim terram, nec funiculos habebunt proprios, ut reliquæ tribus,
sed in tribubus Ephraim & Manasse, quasi appendices populi commiscebuntur.
Sequitur, Mihi enim, quando ueniebam de Mesopotamia, mortua est Rachel
mater tua in terra Chanaan, in ipso itinere, eratq. uernum tempus: & ingrediebar
Ephratam, & sepeliri eam iuxta iam Ephratæ, quæ alio nomine uocatur Bethle-
hem. Quod Iacob filio suo Ioseph tamquam nescienti uoluit indicare ubi & quan-
do sepelirerit matrem eius, cum & ipse simul fuisset cum fratribus suis: sed & si erat,
tam paruus ætate erat, ut illud uel curare uel animo retinere non posset: quæ res
compulsi modo dici, nisi forte ad rem pertinuit commemorare ibi sepultam ma-
trem Ioseph, ubi Christus erat nasciturus. Sicut autem duo filii Isaac, Iacob & Esau,
figuram habuerunt duorum populorum in Iudæis & Christianis, quamuis quan-
tum ad carnis propagationem pertinet, nec Iudæi uenerunt de semine Esau, sed
Idumæi, nec Christianæ gentes de Iacob, sed potius Iudæi: ad hoc enim tantum
figura, qua dictum est, Maior seruiet minori: ita factum est etiam in duobus filiis
Ioseph: nam maior gessit typum Iudæorum, Christianorum minor. Quos cum
benediceret Iacob, manum dextram ponens super minorem, quem habebat ad si-
nistram, sinistram uero super maiorem, quem habebat ad dexteram: graue uisum
est patribus eorum, & admonuit patrem uelut corrigens eius errorem, & quisnam eo-
rum maior esset ostendens. At ille noluit mutare manus, sed dixit, Scio fili mi,
scio: & hic erit in populum & exaltabitur, sed frater eius iunior maior illo erit, &
semen eius erit in multitudine gentium. Etiam hic duo illa promissa demonstrat,
nam ille in populo, hic in multitudine gentium. Quid euidentius, quam his dua-
bus promissionibus contineri populum Israelitarum orbemq. terrarum in semine
Abrahæ, illum secundum carnem, istum secundum fidem? Sequitur, Ait quo-
que Iacob ad filium suum Ioseph, En ego morior, & Deus erit uobiscum: redu-
cetq. uos ad terram patrum uestrorum. Do tibi partem unam extra fratres tuos,
quam tuli de manu Amorrhæi in gladio & arcu meo. Sichyma iuxta Græcam & La-
tinam consuetudinem declinata est, alioquin Hebraice Sichem dicitur, ut Ioan-
nes quoque euangelista testatur, licet uitiose, ut Sichar dicatur, error inoleuit: &
est nunc Neapolis, urbs Samaritanorum. Quia igitur Sichem ex lingua Hebræa
transfertur in humerum, pulchre adludit ad nomen, dicens, Et ego tibi dabo hu-
merum unum. Vnum autem præcipuum ponitur. Quod autem ait, se eam in
arcu & gladio possidisse: arcum & gladium, iustitiam uocat: per quam meruit pe-
regrius & aduena, interfecto Sichem, & Emor, de periculo liberari. timuit enim,
ut supra diximus, ne uicina opida atque castella ob euerfionem foederate urbis,
aduersus se confurgerent, & dominus non dedit eis, ut nocerent illi. Vel certe sic
intelligendum est: Dabo tibi Sichymam, quam emi in fortitudine mea, hoc est
in pecunia, quam multo labore & sudore acquisiui. Quod autem ait, Super fratres
tuos: ostendit absque sorte dedisse eam tribui Ioseph, siquidem eo loco sepultus
est

De uerbis Ia-
cob, En mo-
rior, &c.
XXXVII

est Ioseph, & mausoleum eius usque in præsens cernitur. Proculdubio ergo aliquod hic latet propheticum sacramentum, quia & Ioseph quadam præcipua significatione Christum figuravit, & ei datur illa terra ubi disperdiderat obtruendo Deos alienos Iacob, ut Christus intelligatur possessurus gentes diis patrum suorum renunciantes & credentes in eum. Heredem ergo bonorum operum sanctum Ioseph præ ceteris elegit, cuius opera fratres æquare non poterant: & ideo locum stupri & flagitii uocantem ad incolatum sanctorum uerbis celestibus & gladio capiens spiritali, ut ubi habitatores antea lasciuiz & principes luxurie uersabantur, ubi fuerunt incentiua libidinis & fomenta nequitiz, ibi nunc sancti sacerdotes magisteria doceant castitatis, & plurima uirginalis integritatis exempla, quodam supernæ lucis fulgore resplendant. Sequitur,

C.A. XLIX
De benedictio-
nibus patriar-
charum.
XXXV/III

VOCAVIT autem Iacob filios suos, & ait eis, Congregamini ut annunciem quæ uentura sunt uobis diebus nouissimis, congregamini & audite filii Iacob, audite Israel patrem vestrum.) Qui ante iuniorem seniori prætulerat, coepit a primo, ut in illo mysterii præferreret gratiam, in hoc ordinem seruaret ætatis. Sequitur,

Ruben primogenitus meus, tu fortitudo mea & principium doloris mei, prior in donis, maior in imperio. Effusus es sicut aqua: non crescas, quia ascendisti cubile patris tui, & maculasti stratum eius.) Est autem sensus hic: Tu es primogenitus meus, maior in liberis, debebas iuxta ordinem natiuitatis tuæ, & hereditatem quæ primogeniti iure debebatur, sacerdotium accipere & regnum. hoc quippe in portando onere, & præualido robore demonstratur: uerum quia peccasti, & quasi aqua quæ uasculo non tenetur, uoluptatis effusus es impetu, iccirco præcipio tibi, ut ultra non pecces, siquæ in fratrum numero poenam ex peccato luens, quod primogeniti ordinem perdidisti. Secundum mysticam intelligentiam, Ruben prioris populi uidetur ferre personam: & ideo redargui magis quam benedici uidetur, qui & primogenitus est sicut propheta dicit, Israel primogenitus meus. etenim iuxta quod primogenitus debebatur, ipsius erat accipere sacerdotium & regnum. Additur, Tu uirtus mea: utique quia ex ipso populo fundamentum fidei, ex ipso uirtus Dei quæ est Christus, aduenit. Quo modo autem ipse sit principium dolorum, nisi dum Deo patri semper irrogaret iniuriam, dum conuerit ad eum dorsum & non faciem? Ille prior in donis, quia primis ipsis credita sunt eloquia Dei, primis ipsis legis latio & testamentum, siue promissio. Maior est hic in imperio, utique pro magnitudine uirum dixit, quia copiosus ceteris in hoc sæculo idem populus regnavit. Effusus est autem sic peccando in Christo, quasi aqua quæ uasculo non tenetur, uoluptatis effusus est impetu: & iccirco addidit, Ultra non crescas: quia populus ipse, postquam in uniuerso orbe dispersus est, ualde imminutus atque abbreviatus est. Sed quare talia meruerit, subiungit, Quia ascendisti cubile patris tui, & maculasti stratum eius. prædicat enim passionem domini & primo genitæ plebis audaciam, quia ascendit cubile Dei patris, & maculauit stratum eius, quando corpus domini in quo plenitudo diuinitatis quiescebat, raptum in cruce suspendit, & ferro maculauit. Sequitur, Simeon & Levi, fratres, uasa iniquitatis bellantia, in consilio eorum ne ueniat anima mea, & in cotu illorum non sit gloriatio mea, quia in furore suo occiderunt uirum, & in uoluntate sua suffoderunt murum. Maledictus furor eorum, quia pertinax, & indignatio eorum, quia dura. Diuidam eos in Iacob, & dispergam illos in Israel.) Significat autem non sui fuisse consilii, quod Sichem & Emor fœderatos uiros interfecerint, contra iusque pacis & amicitiarum sanguinem fuderint innocentem, quasi quodam furore sic crudeliter oblinati, muros & hospites urbis euerterint. Unde sequitur, & dicit, Maledictus furor eorum, quia pertinax, & indignatio eorum, quia

- quia dura: diuidam eos in Iacob, & dispergam illos in Israel. Levi enim hereditatem propriam non accepit, sed in omnibus cœptis paucas urbes ad habitandum habuit. De Simeon uero in libro Iesu Naue scriptum est, quod & ipse proprium funiculum non fuerit consecutus, sed de tribu Iuda quædam fuerit consecutus. In Paralipomenon autem libro manifestius scribitur, quod cum multiplicatus fuisset, & non habuerit possessionis locum, exierit in desertum. Per Simeon & Levi scribæ & sacerdotes Iudaici populi intelliguntur. De Simeon enim scribæ sunt Iudæorum, de tribu uero Levi, principes sacerdotum: de quibus scriptum est, : Quia consilium fecerunt, ut Iesum morti traderent. De quo consilio iste patriarcha
- 10 qui iam mente Deum uidebat, dicit, In consilio eorum ne ueniat anima mea. horrebat enim iam in illo tempore iste sanctus patriarcha uidere tantorum scelerum facinus, quod in nouissimis temporibus facturi erant Iudæi. Sequitur, Quia in furore suo occiderunt uirum. idest, dominum Iesum Christum: & in dolore suo suffoderunt murum, quando lancea confoderunt illud spiritale & fortissimum propugnaculum, qui custodit Israel. Maledictus furor eorum, quia pertinax ad tantum facinus utique perpetrandum, quando furore accensi & ira obulerunt Christum Pontio Pilato, dicentes illi, Crucifige, crucifige: & si hunc dimittis, non es amicus Cæsaris. Et indignatio eorum, quia dura: dum Barabban latronem dimittendum peterent, & principem uitæ crucifigendum postulerent. Diuidam eos
- 20 in Iacob, & dispergam illos in Israel. Hic duo nominantur, diuisio, & dispersio: iccirco quia nonnulli ex ipsis in dominum crediderunt, quidam in infidelitate peccauerunt. diuisi enim dicuntur ii, qui ab eis separantur, & ueniunt ad fidem: dispersi autem ii, quorum patria temploque subuerso, per orbem terræ incredulorum genus illorum spargitur. Sequitur, Iuda, te laudabunt fratres tui. Manus tuæ in ceruicibus inimicorum tuorum: adorabunt te filii patris tui. Catulus leonis Iuda. ad prædam fili mi ascendisti, requiescens accubuisti ut leo & quasi leona, quis suscitabit eum? Non auferetur sceptrum de Iuda, nec dux de femoribus eius, donec ueniat qui mittendus est: & ipse erit expectatio gentium: ligans ad vineam pullum suum, & ad uitæm, o fili mi, asinam suam. Lauabit in uino stolam suam, & in sanguine uitæ pallium suum. Pulchriores sunt oculi eius uino, & dentes eius lacte candidiores.) Licet de Christo mysterium sit, tamen iuxta litteram prophetatum est, quod reges ex Iuda per Dauid stirpem generarentur, & quod adorarent eum omnes tribus. non enim ait, Filii matris tuæ: sed, Filii patris tui. Et quod sequitur, Ex germine fili mi ascendisti: in Hebræo habet, De captiuitate fili mi ascendisti: ut ostenderet, cum captiuos populos esse ducturum. Hic certe nemo dubitat, prophetantis personam esse dilucidatam. Audiamus igitur quid dicat filio suo Iudæ, de cuius tribu Christus uenit ex semine Dauid, secundum carnem, sicut apostolica doctrina testatur. Iuda, te laudabunt fratres tui. Per hunc enim Iudæ, uerus cōfessor exprimitur Christus, quia ex eius tribu secundum carnem est
- 30 genitus. Ipsum laudant fratres sui, apostoli scilicet, & omnes coheredes eius: quia qui per adoptionem filii Deo patri effecti sunt, & Christi fratres per gratiam, quorum ipse est dominus per naturam. Manus tuæ in ceruicibus inimicorum tuorum. Iisdem enim manibus, & eodem crucis trophæo, & suos exiit, & inimicos atque aduersarias potestates curauit: iuxta quod & pater promittit ei, dicens, Sede ad dexteram meam, donec ponam inimicos tuos scabellum pedum tuorum. Adorabunt te filii patris tui, quoniam multi ex filiis Iacob adorauerunt eum, qui per electionem gratiæ salui facti sunt. Catulus leonis Iuda, quoniam nascendo paruulus factus est, sicut scriptum est, Paruulus natus est nobis. prædam fili mi ascendisti: idest, ascendens in crucem captiuos populos redemisti, & quos ille leo con-

trarius inuaserat, tu moriens eripuisti. Denique rediens ab inferis ascendisti in altum; captiuam duxisti captiuitatem. Requiescens accubuisti, ut leo. Manifestissime in passione Christus recubuit, quando inclinato capite tradidit spiritum, siue quando in sepulcro securus, uelut quodam corporis somno quicuit. Sed quare ut leo, & uelut catulus leonis? In somno enim suo leo fuit: quia non necessitate, sed potestate hoc ipsum impleuit, iuxta quod & ipse dixerat, Potestatem habeo ponendi animam meam, & nemo eam a me aufert, sed ego eam ponam. Quod uero addidit, Et ut catulus leonis iuda, quia inde mortuus unde natus. Physici autem de catulo leonis scribunt, quod cum natus fuerit tribus diebus & tribus noctibus dormiat, tunc deinde patris fremitu uel rugitu ueluti tremefactus cubilis locus suscitare dicitur catulum dormientem. Quod ualde congruenter de passione mortis aptatur in Christo, qui tribus diebus & tribus noctibus in cubili sepulcri iacens somnum mortis impleuit. Bene ergo Christus ut leo requieuit, quia non mortis acerbiter timuit, sed etiam in ipsa morte mortis imperium uicit. Bene idem iterum ut catulus leonis, quia die tertia resurrexit, unde & sic adiungitur de resurrectione eius, quis suscitabit eum? Hoc est, quia nullus hominum, nisi ipse se, iuxta quod idem de corpore suo dixit, Soluite templum hoc, & post triduum suscitabo illud. Non deficiet princeps de iuda, nec dux de femoribus eius, donec ueniat qui mittendus est, & ipse erit expectatio gentium. Hic locus manifestissime ad Iudam refertur. tam diu enim fuit ex semine eius apud Iudæos intermerata successio regni, donec Christus ad redemptionem mundi ex uirgine nasceretur. Probant hoc historie Iudæorum, quibus ostenditur primum alienigenam regem in gente Iudæorum fuisse Herodem, quo tempore natus est Christus. Quod si putant Iudæi non uenisse Christum, ergo de tribu iuda usque hodie Iudæorum permanet regnum. Itaque non defuit uel dux uel princeps de semine iuda, donec ueniret cui repositum est. Sed quia non solum Iudæis profuit qui mittendus erat: ideo sequitur, Et ipse erit expectatio gentium. Alligans ad uineam pullum suum: quod uidelicet pullum asinæ, cui supersegit Iesus, hoc est gentilium populum, uineæ apostolorum qui ex Iudæis sunt, copulauerint, cui adhuc nunquam legis onus impositum est. nam uinea domini, domus est Israel. Ed ad uitem, o fili mi, asinam suam. Quod autem dicit, fili mi, apostropham ad ipsum Iudam facit, quod Christus hæc sit uniuersa facturus: nam ipse dixit, Ego sum uitis uera. Ad hanc ergo uitem alligauit asinam suam cui Supersegit, id est ecclesiam ex gentibus congregatam. Hanc itaque ad uitem corporis sui alligauit in uinculo caritatis, & disciplinæ euangelicæ nexu, ut de imitatione illius uiuens efficiatur heres Dei, coheres autem Christi. Alii namque hanc asinam, synagogam interpretantur, tardigradam scilicet & grauiter pondere legis oppressam. Lauabit in uino stolam suam. Bona stola est caro Christi, quæ omnium peccata operuit, omnium delicta suscepit, omnium texit errores: Bona stola est, quæ uniuersos induit uestem iucunditatis. Hanc lauit in illo uino, quod pro multis effusus est in remissionem peccatorum. Et in sanguine uuae pallium suum, hoc est, in passione corporis sui diluit gentes sanguine suo. pallium enim eius sunt gentes quas corpore suo contexit, sicut scriptum est, Viuo ego dicit dominus, nisi hos omnes induam sicut uestimentum. Non ergo sanguine suo propria peccata quæ non erant, sed nostra quæ fecimus delicta mundauit. Et bene uiam dixit, quia sicut uua pendit in ligno. Ipse est uitis, ipse est uua: uitis ligno adhærens: uua, quia lancea militis apertum latus habuit, & emisit aquam & sanguinem: aqua ad lauacrum, sanguinem ad precium. aqua nos abluuit, sanguis redemit. Pulchriores oculi eius uino: Oculi Christi, apostoli sunt & euangelistæ, qui scientiæ lumen uniuerso corpori ecclesiæ præstant, li pulchriores uino probantur,

bantur, quia eorum doctrina austeritatem uini ueteris exuperat, idest priscæ legis traditionem. euangelica enim præcepta longe clariora sunt, quam ueteris testamenti mandata. Et dentes lacte candidiores. Dentes, prædicatores sunt sancti, qui prædicunt ab erroribus homines, & eos quasi comminuendo, in Christi corpore transferunt. Nomine autem lactis doctrina legis significatur, quæ carnalem populum tamquam paruulos loco lactis alebat, cuius quidem candidiores effecti sunt doctores ecclesiæ, quia fortem & solidum cibum uerbi mandunt atque distribunt. De quibus apostolus dicit in epistola ad Hebræos, Perfectiorum autem est solidus cibus. Et bene, candidiores lacte dentes dicit, omnes enim qui perfecti sunt, & qui scripturarum cibos explanantes, subtilem & minutum intellectum, qui spiritalis dicitur, corpori subministrant, candidi esse debent & puri, atque ab omni macula liberi. Sequitur, Zabulon, in litore maris habitabit, & in statione nauium, pertingens usque ad Sidonem. Zabulon qui interpretatur Habitaculum pulchritudinis, ecclesiam significat, fortissimam ad omnem tolerantiam passionis. Hæc in litore maris inhabitat, ut uideat aliorum naufragia. Ipsa immunis periculi expectat alios, fluctuantes in freto istius mundi, qui circumferuntur omni uento doctrinæ: ipsa fidei radice immobilis perseuerat, expectans hæreticorum procellas & naufragia Iudæorum, quoniā gubernatorem, quem habuerunt, abnegauerunt. Circa fluctus igitur habitat, non fluctibus commouetur: magisq. ad subueniendum parata, quā periculo obnoxia, ut si qui tempestatibus acti grauius cōsugere ad portum uelint, præsto sit ecclesia tamquam portus salutis, quæ expansis brachiis in gremium tranquillitatis suæ uocet periclitantes, locum fidei stationis ostendens. Ecclesia igitur in hoc seculo tamquam portus maritimi per litora diffusus, occurrit laborantibus, dicens esse credentibus refugium præparatum, quo uentis quassata nauigia possint subducere. In iis ecclesiis sunt principes Zabulon & principes Neptalim, sicut docet David in psalmo: quorum alii liberatores sunt, ac tempestate nocturna clamantes, Abiciamus opera tenebrarum, & induamur arma lucis: alii sunt latitudines apostolicæ, qui possunt dicere, Os nostrum patet ad uos, o Corinthii, cor nostrum dilatatum est. Isti sunt ipsi, qui cum essent in tenebris, lucem uiderunt magnam, sicut propheta testatur, dicens, Terra Zabulon & terra Neptalim uia maris trans Iordanē, populus, qui sedebat in tenebris, uidit lucē magnam: habitantibus in regione umbræ mortis lux orta est eis. Exploratores igitur secus ascensus nauium posuit dominus Deus noster patriarchæ huius heredes, cuius cura peruigil & spiritalis successio pertendit usque ad Sidonem, hoc est, usque ad gentes peruenit, ut domini misericordia peccata ablueret nationum. Sidon enim primitiuus est filius Cham, illius utique, qui propter irreuerentiam paternæ pietatis maledictione damnatus est. Patris ergo liberatio nocturna, tamquā in excubiis posita propugnaculum spiritale, ne quis scopulos uitæ huius possit incidere, pertendit usque ad grauissimorum criminum peccatores & Sidonios ipsos, qui ante superstitione uehementi, uenatores scelerum nuncupabantur, ut interpretatio docet: soluta hereditate maledicti, donatam hereditatem maledictioni abfoluit, ut ubi maior reatus erat, ibi nunc uberior sit gratia. Isachar, asinus fortis, accubans inter terminos, uidit requiem quod esset bona, & terram quod optima, & supposuit humerum ad portandum, factusq. est tributis seruiens. Quia supra Zabulon dixerat, quia maris magni esset litora possessurus, Sidonem quoque & reliquas Phœnicis urbes contingeret: nunc & ad mediterraneā provinciam redit, & Isachar qui iuxta Neptalim pulcherrimam Galilææ regionem possessurus esset, benedictione sua habitatorem facit. Asinum autem eum fortem uocat, & humerum ad portandum deditum: quia in labore terræ & uehendis ad mare omni-

bus quæ in suis sinibus nascebantur, plurimum laborat, regibus quoque tributa comportans. Aliunt Hebræi, quod per metaphoram cuncta hæc significaret, qui scripturas sanctas die ac nocte meditans studium suum dederit ad laborandum, & iccirco ei omnes tribus seruiuerint, quasi magistro dona portantes. Inter terminos accubare, est prætolato mundi sine requiescere, nihilq. de his, quæ nunc in medio uersantur, querere, sed ultima desiderare. Et fortis alius requiem bonam & terram optimam uidet, cum simplex gentilitas iccirco se ad robur boni operis erigit, quia ad æternæ uitæ patriam tendit. Qui & ad portandum humerum supponit, quia conspecta superna teque præceptis etiam grauius in operatione se subiicit, & quidquid intolerabile pusillanimitas asserit, hoc ei leue ac facile spes remunerationis ostendit. Sequitur, Dan iudicabit populum suum, sicut & alia tribus in Israel. Fiat Dan coluber in uia, cæsta in semita, mordens ungulas equi, ut cadat ascensor eius retro. Salutare tuum expectabo domine) Sampson iudex Israel, de tribu Dan fuit. Hoc ergo dicit nunc uidens in spiritu nutrisse comā Sampson Nazarum, tum cæsis hostibus triumphare, qui in similitudine colubri reguliq. obsidentis uias, nullum per terram Israel transire permittat: si quis temerarius uirtute sua, quasi equi uelocitate confusus, eam uoluerit prædonis more populare, effugere non ualebit: totum tamen per metaphoram serpentis & equi loquitur. Videns ergo tam fortem Nazarum, tum quod & ipse propter meretricem mortuus est, & moriens nostros occidit inimicos, putauit, o Deus, ipsum esse Christum filium tuum uerum: sed quia mortuus est, & non resurrexit, & rursum captiuus deductus est Israel, alius mihi saluator mundi & mei generis prætolandus est: ut ueniat cui repositum est, & ipse erit expectatio gentium. Quid hoc loco, equi nomine, nisi præsens sæculum designatur? Quo in testimonio, quid equus significet, cuius ungulas coluber mordet, melius ostendemus, si & ea, quæ circumstant, paulo subtilius exponamus. nonnulli enim de tribu Dan uenire antichristum ferunt, pro eo quod hoc loco Dan & coluber asseritur & mordens. Vnde non im merito dum Israeliticus populus terras in castrorum portione susceperet, prius Dan ad aquilonem castrametatus est, illum significans scilicet, qui in corde suo dixerat, *Isa. 14* Sedebo in monte testamenti in lateribus aquilonis, ascendam super altitudinem nubium, similis ero altissimo, qui non solum coluber, sed etiam cæstes uocatur. cerata enim cornua dicuntur, serpensq. hic cornutus esse perhibetur, per quem digne antichristi aduentus significatur, quia contra uitam fidelium cum morsu pestiferæ prædicationis, armatus etiam uenit cum cornu potestatis. Quis autem nesciat semitam angustiores esse, quam uiam. Fit ergo Dan coluber in uia, quia in præsentis uitæ latitudine eos ambulare prouocat, quibus quasi parcendo blanditur: sed in uia mordet, quia eos, quibus libertatem tribuit, erroris sui ueneno consumit. Fit cæstes in semita, quia quos fideles reperit, & sede ad præcepti celestis angusta itinera constringentes, non solum nequitia callidæ persuasionis impedit, sed etiam terrore potestatis premit, & in persecutionis angore post beneficia fidei dulcedinis exercet cornua potestatis. Quo in loco equus etiam hunc mundum significat, qui per elationem suam in cursum labentium temporum spumat. Et quia antichristus extrema mundi apprehendere nititur, cæstes iste equi ungulam mordere perhibetur. Ungulæ quippe equi mordere, est extrema sæculi feriando contingere. Ut cadat ascensor eius retro. Ascensor equi est, quisquis extollitur in dignitatibus mundi. Qui retro cadere dicitur, & non in faciem: sicut Saulus ceci disse memoratur. In facie enim cadere, est in hac uita sua, unumquemque culpas agnoscere, easq. pœnitendo deslere. Retro uero cadere est ex hac uita quæ non uidetur, repente decidere, & ad quæ supplicia ducatur, ignorare. Et quia ludæa er-
roris

roris sui laqueis capta pro Christo antichristum expectat, bene Iacob eodem loco
 repente in electorum uocem conuersus est, dicens, Salutare tuum experire domi-
 ne: idest non sicut infideles antichristum, sed cum qui ad redemptionem nostram
 uenturus est, uerum credo fideliter Christum. Sequitur, Gad accinctus praelia
 bitur ante eum, & ipse accingetur retrorsum. Totum autem illud est quod ante
 Ruben & dimidiam tribum Manasse, ad filios quos trans Iordanem in possessione
 dimiserat post XVIII annos reuertens, praelium aduersus eos gentium uicinam
 grande reperit, & uictis hostibus fortiter dimicauit. Iste Gad accinctus, personam
 domini exprimit, qui in prima aduentus sui humilitate ante aduentum antichri-
 sti praeliandus occurrit, accinctus gladio uerbi sui circa femur potentissime, quo
 inimicos diuisit, idest, filium a patre, filiam a matre, nurum a socro, iuxta quod
 legitur in euangelio. Non ueni pacem mittere, sed gladium. Quod autem ait, Et
 ipse accingor retrorsum, claritas domini nostri in secundo regno eius ostenditur,
 quia cum uenerit antichristus item occurrit retrorsum, idest, post eius neſtigia,
 Christus celeri aduentu progrediens ut interficiat eum gladio oris sui. Vnde & be-
 ne idē Gad latrunculus interpretatur eo, quod posterius, idest, secus pedes quasi
 latrunculus rapido atque improviso aduentu exiliat, contra apertam antichristi
 oppugnationem. Christus uero ante & retro praeliare contra antichristum scribitur.
 Ante eum namque in occulto aduentu humilitatis, post eum uero manifestus
 in gloria maiestatis. Aſer, pinguis panis eius, & praebebit delicias regibus.)
 Aſer cuius nomen ſignificat delicias ſiue diuitias, idem Chriſtus eſt, cuius eſt
 altitudo diuitiarum ſapientiae & ſcientiae, qui propter nos pauper factus eſt, cū eſ-
 ſet diues: cuius panis, pinguis factus eſt, caro ſcilicet eius quae eſt ſancta ſancto-
 rum, quam quilibet manducat, uiuet in aeternum. Iſte etiam praeſtat delicias ſa-
 pientiae regibus, id eſt, qui ſenſus proprios bene regunt, qui dominantur uitioſo-
 ſuorum, qui caſtigant corpora ſua, & animae ſuae in ſeruitute ſubiiciunt. Sequi-
 tur, Neptalim, ceruus emiſſus, & dans eloquia pulchritudinis. Significat quod
 aquae calidae in ipſa naſcantur tribu, ſiue quod ſuper lacum Geneſareth & fluenta
 Iordanis irrigua ſit. Hebraei autem uolunt propter Tyberiadem, quae legis uidetur
 habere notitiam, agrum irriguū & eloquia pulchritudinis prophetari: quod poteſt
 ceruus emiſſus transferri propter temporaneas fruges uelocitate terrae uberiores
 oſtendens. ſed melius ſi ad doctrinam ſaluatoris referamus, Neptalim, qui inter-
 pretatur Latitudo, apoſtolos & praedicatores ſignificat, quorum doctrina in latitu-
 dine totius mundi diſfuſa eſt. Ex hac enim tribu fuerunt apoſtoli qui ſunt princi-
 pes & duces eccleſiarū, & principes Zabulon & Neptalim, qui ſine dubio ad perſo-
 nam referunt apoſtolorum, ipſi ſunt filii excuſſorum, id eſt, prophetarum, qui
 in manu potētis Dei poſiti ſunt, & tamquā ſagittae excuſſae perueniunt uſque ad
 fines terrae. Vnde & bene hic Neptalim ceruus emiſſus ſcribitur, quia nimirū apo-
 ſtoli ſiue praedicatores euangelii ueloci ſaltu exilientes, more ceruorum tranſcendunt
 implicamenta ſaeculi huius, ſicq. excelsa & ſublimia meditantēs dant eloquia pul-
 chritudinis, id eſt praedicant cunctis gentibus doctrinam domini ſaluatoris. Se-
 quitur, Filius accreſcēs Ioseph, filius accreſcens & decorus aſpectu, filiae diſcur-
 rerunt ſuper murum, ſed exaſperauerunt eum & iurgati ſunt, inuideruntq. illi ha-
 bentes iacula. Sedit in forti arcus, & diſſoluta ſunt uincula brachiorum eius, &
 manuum illius per manum potentis Dei Iacob, inde paſtor egreſſus eſt lapis Iſra-
 el) iuxta litteram autem iſte eſt ſenſus capituli huius. O Ioseph qui ideo ſic uoca-
 ris, quia adduxit te mihi dominus, ſiue quia inter fratres tuos maior futurus es.
 Fortiſſima ſiquidem tribus fuit Ephraim, ut in Regum & Paralipomenon libris le-
 gimus. O inquam fili mi Ioseph qui tam pulcher es, ut te tota de muris & turribus

ac fenestris puellarum Aegypti turba prospiceret, inuiderunt tibi, & ad iracundiā prouocauerunt fratres tui, habentes liuoris sagittas, & zeli iaculis uulnerati. uerum tu arcum tuum & arma pugnandi posuisti in Deo, qui fortis est propugnator, & uincula tua, quibus te fratres ligauerunt, ab ipso soluta sunt & dirupta, ut ex tuo semine tribus nascatur Ephraim, fortis & stabilis & instar lapidis durioris iniuncta, imperans quoque X. tribubus Israel. Hæc in prophetia post passionem domini paternæ uocis imagine prætulit: quo redeunte in cælum post uictoriam Christum alloquitur, dicens, Filius accrescens Ioseph, filius accrescens utique in gentibus, quia ob incredulitatem synagogæ populum reliquisset, innumeram sibi plebem

Psal. 31 ecclesiæ ex omnibus gentibus ampliavit. Quod & David cecinit dicens, Remi-

Psal. 44 niscentur & conuertantur ad dominum uniuersis fines terræ. Filius accrescens & aspectu. omnes enim superat illius pulchritudo, iuxta quod & psalmista de illo decorus testatur, dicens, Speciosus forma præ filiis hominum. Filiz discurrerunt super murum: idest gentes, uel ecclesiæ quæ crediderunt in Christo. Hæ super soliditatem fidei, quasi super murum amore pulchritudinis Christi accensæ discurrunt, ut uirum sponsumque per contemplationem aspiciant, & osculo caritatis illi copulentur atque adhæreant. Sed obiurgati sunt eum, subauditur Christum,

quando falsis eum testimoniis calumniantes sanctum domini opprimere synagogæ populi tentauere. Inuideruntque illi habentes iacula. neque enim quisquam in Ioseph coniecit sagittam, uel aliquod uulneris telum: sed hoc specialiter euenit in Christo. Sedit in forti arcus eius. Christus enim arcum suum & arma pugnandi posuit in Deum, qui fortis est propugnator: cuius uirtute eueritur omnis nequitia perfidorum. Et dissoluta sunt uincula brachiorum eius, quibus fratres, hoc est Iudæi, eum uinctum Pontio Pilato tradiderunt, uel quibus eum suspensum ligno crucifixerunt. recisa enim sunt per manus omnipotentis Iacob, hoc est per manus omnipotentis Dei Iacob, ex cuius ore ipse Christus bonus pastor, egressus est lapis & firmitas credentium in Israel. Deus patris tui erit adiutor tuus. Quis adiuuit filium, nisi solus pater, qui dixit, Iacob puer meus suscipiet eum anima mea? Et omnipotens benedixit tibi benedictionibus cæli desuper, benedictionibus abyssi iacentis deorsum. uniuersa enim subiecit ei, cælestia per benedictionē

cæli, & terrena per benedictionem abyssi iacentis deorsum, ut omnibus angelis, & hominibus dominetur: benedictionibus uberum, idest duorum testamentorū, quorum altero nunciatus est, altero demonstratus: siue benedictionibus Mariæ uberum quæ uere benedicta est, quia eadem sancta uirgo domino potum lactis im-

Lucæ 11 mulsit. Vnde & illa mulier in euangelio ait, Beatus uenter, qui te portauit, & ubera, quæ suxisti. Benedictionibus uberum & uuluz. Etiam hic benedicitur uulua eiusdem matris, illa utique uirginalis quæ nobis Christum dominum edidit, de qua patet per Hieremiam, qui eiusdem personam gestauit, sub ipsius figura

Hier. 1 ad se dictum audiuit. Priusquā te formaui in utero, noui te, & antequam exires de utero, sanctificauit te. Benedictiones patris tui confortatæ sunt benedictionibus patrum tuorum. Benedictiones, inquit, patris tui cælestis, quæ datæ sunt tibi a summo cæli & abyssi, confortatæ sunt, idest præualuere benedictionibus patrum tuorum. ultra enim omne sanctorum meritum prophetarum, siue patriarcharum con-

ualuit benedictio omnipotentis patris in filium, ita ut ei nullus sanctorum æqua retur. Donec ueniat desiderium collium æternorum. Colles isti, sancti sunt, qui Christi aduentum prophetantes, magno cum desiderio incarnationem eius expe-

Matth. 13 ctauerunt, de quibus dominus dicit, Quia multi iusti & prophete cupierunt uidere, quæ uidetis. Hi ergo sancti dicti sunt colles propter excellentiam sanctitatis. Qui etiam æterni uocantur, quia uitam consequuntur æternā, nec intereunt

cum

cum mundo, sed esse creduntur æterni. Fiant in capite Ioseph: omnes scilicet istæ benedictiones super caput Christi ponuntur, quas incarnatus accepit. et super uerticem Nazaræ, de quo scriptum est, Quoniam Nazaræus uocabitur, hoc est sanctus Dei. Inter fratres suos, quia ipse est caput omnium eminens uniuersorum sanctorum, quos & fratres uocat in psalmis. Sequitur, Benjamin, lupus rapax, mane comedet prædam, & uespere diuidet spolia. Hoc capitulum ita Hebræi edisserunt, ut altare quo immolabantur hostiæ & uictimarum sanguis ad basim illius fundebatur, in parte tribus Benjamin fuerit. Hoc, inquit, significat, quod sacerdotes mane immolarent hostias, & ad uesperam diuiderent ea, quæ sibi

Math. 2

10 a populo ex lege collata erant, lupum sanguinarium uel rapacem super altaris interpretatione ponentes, & spoliolum interpretationem super sacerdotibus, qui serui-
uientes altari uiuebant de altari. Benjamin, lupus rapax, mane comedet prædam, & uespere diuidet spolia. Quibus dictis Paulus apostolus designatur, de Benjamin stirpe progenitus. qui mane rapuit prædam: id est, in primordiis fideles, quos potuit; deuastauit. Vespere autem spolia diuisit, quia fidelis postmodum factus, sacra eloquia audientibus, discretionem mirifica dispensauit. Legimus quendam ex doctoribus, ad urbem Hierusalem ea, quæ de Benjamin scripta sunt, referentem. Benjamin, inquit, Filius doloris interpretatur. Hic sorte hereditatis eum locum accepit, in quo terrena est Hierusalem, quæ nunc propter incredulitatem abiecta est

20 atque repulsa. hæc enim in filiis suis sub persona Benjamin designatur. Nam sicut Benjamin ultimam consecutus est benedictionem, ita & idem populus ultimus est saluandus, postea quam plenitudo gentium introierit. dicit enim Benjamin lupus rapax: lupus scilicet, quia ipse populus effudit sanguinem prophetarum: rapax autem propter auaritatem dicitur. ex multa enim fame uerbi Dei & inedia, ueniet rapax, quia & ipse uolenter diripiet regnum Dei. Hic autem mane comedet prædam. Mane, illud tempus creditur significari, quo legem accepit: tunc enim primo quædam illuminatio scientiæ data est. Comedet autem mane, quia legem, quam mane accepit, edit adhuc, meditatur, & legit, sequens legis iustitiam, in legem fidei non peruenit. Ad uesperam autem diuidet spolia. Vespere erit illud tempus nouissimum quo conuertetur. Tunc diuidet spolia, id est tunc intelliget diuidendam esse litteram a spiritu: & tunc cognoscet, quia littera occidit, spiritus autem uiuificat. Quia ergo iam per gratiam domini illuminatus, incipit legis spiritalia a corporibus diuidere & separare: ideo dicitur, ad uesperam diuidet spolia, siue escam, eo quod tota die in lege meditans ante non fecit. Queritur autem de Iacob, cur omnes quos de liberis & de ancillis genuit, æquali honore filios & heredes constituerit, nisi ut ostenderet, quod Christus dominus omnibus gentibus, quæ per fidem corpori eius conciliantur, cunctos pari honore & gloria habens, cælestia præmia largiatur: nec est distinctio, Iudæus an Græcus, Barbarus & Scythæ, seruus an liber sit: quia per omnia & in omnibus Christus est. propterea enim figuram serui

2. Cor. 3

30 saluator noster & dominus induit, & pro libero & pro seruo seruiuit, ut omnibus credentibus in se, æquale donum bonorum cælestium largiatur: nec præfertur apud illum, quis secundum carnem nobilior sit, qui cumque enim fidem domini promerentur, nullis maculis carnis natiuitatis obscurantur. nam & hoc ita futurum etiam per prophetam promittitur, dicente domino. Erit in nouissimis diebus, efundam de spiritu meo super omnem carnem. Sequitur, Finitisq. mandatis, quibus filios instruebat, collegit pedes suos super lectulum, & obiit, appositusque est ad populum suum. Quod cernens Ioseph, ruit super faciem patris, flens & deosculans eum. Videndum quo modo dicant scripturæ, quod assidue dicunt de mortuis.

Act. 2
De morte Iacob. XXXIX

Et

Et appositus est ad patres suos: uel, Appositus est ad populū suum: sicut de Iacob dicitur, iam quidē mortuo, sed nondū sepulto. Sed ad quē populum apponatur, non in promptu est uidere. Ex illo enim populus prior natus est, qui dictus est populus Israel. Qui uero eū præcessere, tam pauci iusti nominantur, ut eos populum appellare cunctemur. Nam si dictū esset, Appositus est ad patres suos: nulla quæstio fieret. An forte populus est, non solum hominū sanctōrū, uerum etiam angelorum, populus ciuitatis illius unde dicitur ad Hebræos, Accessistis ad montem Sion, & ciuitatem Hierusalem, & millia angelorū exultantiū. Huic populo apponuntur, qui hanc uitam placentes Deo finiunt. tunc enim dicuntur apponi, quando nulla iam remanet sollicitudo tentationum & periculum peccatorum. Sequitur, Præcepitq. seruis suis medicis, ut aromatibus condirent patrem. Quibus iussa ex-
 10
 plentibus transierunt quadraginta dies. Iste quippe mos erat cadauerum conditorum. Heu itq. eū Aegyptus septuaginta dies. Quadraginta dies sepulturæ, quos commemorat scriptura, forte significant aliquid pænitentiae, qua peccata sepeliuntur. non enim frustra etiam XL dies ieiuniorum sunt constituti, quibus Moyses & Helias & ipse dominus ieiunauit, & ecclesia præcipuam obseruationem ieiuniorum, quadragesimam uocat: & Ionas propheta Niniuitis prædicauit, Adhuc XL dies, & Niniue subuertetur, ut per tot dies accommodatos, humiliatio pænitentium, & accepta remissio peccatorum intelligatur. Sequitur,

CAP. L. EXPLETO planctus tempore, locutus est Ioseph ad familiam Pharaonis, 20
 Si inueni gratiam in conspectu uestro, loquimini in auribus Pharaonis, eo quod pater meus adiurauit me, dicens, En morior: in sepulcro meo, quod fodi mihi in terra Chanaan, sepelies me. Ascendam igitur & sepeliā patrem meum, ac reuertar. Dixitq. ei Pharao, Ascende, & sepeli patrem tuum. Quo ascendente, ierunt cum eo omnes senes. Quod ait Ioseph ad potentes Aegypti, ut dicerent Pharaoni ex nomine eius, Pater meus adiurauit me, dicens, In monumento meo, quod ego fodi mihi in terra Chanaan, ibi me sepelies: quæri potest quo modo sit uerum; cum hæc uerba patris eius, quando de sua sepultura mandauit, non legantur. Sed ad sententiam uerba referre debemus, sicut in aliis supra similiter iteratis uerbis uel
 30
 narrationibus admonuimus. Fodisse autem sibi Iacob sepulcrum, nusquam superius in hac scriptura legitur: sed nisi fieret cum in eisdem terris esset, modo non diceretur. Sequitur, Veneruntq. ad aream Achar, quæ sita est trans Iordanem. Quid sibi uult, quod cum pergerent ad sepeliendum Iacob, scriptura dicit, Et uenerunt ad aream, quæ est trans Iordanem. Prætergressi sunt enim locum, in quo erat mortuus sepeliendus, millia, sicut perhibent qui nouere, plus quā quingenta: tantum quippe spatii est plus minus ab eo loco ubi sepulti sunt patriarchæ, usque ad hunc locum, quo eos aduenisse narratur. Nam post factum ibi luctum & planctum magnum, redierunt ad locum quem præterierant, rursus Iordane transiēdo. Nisi forte quis dicat aliquorum hostium uitandorum causa per eremum eos uenisse cum corpore, qua etiam uia populus Israel ductus est, per Moysen ab Aegypto liberatus. Illo quippe itinere, & plurimum circuitur, & per Iordanem uenitur ad
 40
 Abramium, ubi sunt corpora patriarcharum, idest, ad terram Chanaan. Sed quo modo factum sit, ut trans illa loca uersus ad orientem tantum iretur, & inde ad ea per Iordanem ueniretur, significationis causa factum esse credendum est, quod per Iordanem uenturus erat ad eas terras postea Israel in filiis suis. Sequitur, Vbi celebrantes exequias, planctu magno atque uehementi, impleuerunt VII dies. Quod cum uidissent habitatores terræ illius, idest, Chanaan, dixerunt, Planctus magnus est iste Aegyptiis. Et iccirco appellauerunt nomen loci illius, Planctus Aegypti.

- Aegypti. Fecerunt ergo filii Iacob, sicut praeceperat eis: & portantes eum in terram Chanaan, sepelierunt in spelunca duplici. Nescio utrum inueniatur alicui sanctorum in scripturis celebratum luctum esse per nouem dies, quod apud Latinos nouendium appellatur. Vnde euidenter apparet ab hac consuetudine prohibitos Christianos istum in mortuis numerum seruare, qui magis est in gentilium consuetudine. Septimus uero dies auctoritatem in scripturis habet. Vnde alio in loco scriptum est, Luctus mortui, septem dies: fatui autem, omnes dies uitae eius. Septenarius autem numerus propter sabbati sacramentum, praecipue quietis indicium est. Vnde merito mortuis, tamquam requiescentibus exhibetur. Quem tamen numerum in luctu Iacob decuplauit Aegyptii, qui eum LXX diebus luxerunt. Sequitur, Vixitque Ioseph centum & decem annos, & uidit Ephraim filios usque ad tertiam generationem. Filii quoque Machir, filii Manasse, nati sunt in genibus Iosephi. Mortuusque est expleis centum & decem uitae suae annis, & conditus aromatibus, sepultusque est in Aegypto. Cum hos filios filiorum uel nepotes filiorum dicat scriptura Ioseph uiuendo uidisse, quo modo eos iungit illis LXX hominibus, cum quibus Iacob Aegyptum dicitur intrasse, quando quidem Ioseph senescendo peruenit, ut eos natos uideret? Iacob autem quando ingressus est Aegyptum, iuuenis erat Ioseph: & cum pater moriens L & VI fere aetatis annum agentem reliquit. Vnde constat certi mysterii causa illum numerum, id est septuagenarium, scripturam commendare uoluisse. Si autem quisquam exigit, quo modo etiam secundum historicam fidem uerum sit, Iacob cum LXX animabus in Aegyptum intrasse: non illo uno die quo uenit, eius ingressum oportet intelligi. Sed quia in filiis suis plerumque appellatur Iacob, hoc est in posteris suis, & per Ioseph cum constat in Aegyptum intrasse, introitus eius accipiendus est, quamdiu uiuit Ioseph, per quem factum est ut intraret. Toto quippe illo tempore nasci & uiuere potuerunt, omnes qui commemorantur, ut septuaginta, uel iuxta Septuaginta interpretes, septuagintaquinque animae compleantur, usque ad nepotes Beniamin. sicut enim dicit, Hi filii Lia, quos peperit Iacob in Mesopotamia Syriae, loquens etiam de iis, qui nondum erant nati: quia illic parentes eorum, de quibus nati sunt,
- 30 pepererant, ibi eos perhibet natos, quoniam causa, qua nascerentur ibi nata est, id est parentes eorum, quos ibi Lia peperit: ita quoniam causam intrandi in Aegyptum Iacob in Ioseph habuit, totum tempus quo in Aegypto uiuit Ioseph, ingressio erat Iacob in Aegyptum per suam progeniem, quae illo uiuo propagabatur, per quem factum est, ut ingrederetur.

De morte Ioseph. XI.

F I N I S

D. EVCHERII,
LVGDVNENSIS EPISCOPI,
COMMENTARIORVM IN LIBROS
Regum, ad Veranium & Salonium
fratres, episcopos,

LIBER PRIMVS.

10



20

EGVM tempora post iudices, quādo Dauid, Saul
le reprobato, cepit regnare, incipiuntur. unde &
liber, ubi res gestæ continentur, quem nunc aggre
dimur, Malachim, idest Regum uocitur, quod
tertio & quarto uolumine continetur; meliusq; est
multo, Malachim, idest Regum, quam Malachot,
idest Regnorum, dicere. non enim multarum gen
tium regna describit, sed unius Israelitici populi, qui
tribus XII continetur. plus tamen in terrena Hie
rusalem, tribus Iuda, una ex XII, diuturna succes
sione regnauit. in qua ciuitate, reprobato Saule,

prior Dauid regnauit. In quibus temporibus multa uaria sacramenta Christi, &
ecclesie figurantur. nam in ipso exordio Regum, commutatum sacerdotium in
Samuele, reprobato Heli, & commutatum regnum in Dauid, reprobato Saule;
exclamat, prænunciari nouum sacerdotium, nouumq; regnum, reprobato uete
re, quod umbra erat futuri in domino Iesu Christo uenturi. Nonne ipse Dauid,
cum panes propositionis manducauit, quos non licebat manducare nisi solis sacer
dotibus in una eademq; persona utrumque futurum, idest in uno Iesu Christo re
gnum & sacerdotium figurauit? Et aspice regum tempora, quia primo iudicum,

30 postea regum. sic erit iudicium, postea regnum. Huius autē libri tale principium
est: Fuit uir unus de Ramatha Sophim, de monte Ephraim, & nomen eius
Helchana, filius Hieroboam, filii Heliu, filii Tau, filii Suph, Ephrathæus) Helcha
na non de Amram ortus, sed de Isaar, qui & ipse filius fuit Caath, & Caath filius
Leui. Hic Isaar pater fuit Chore, quo pereunte, filii eius remanserunt. De cuius
stirpe fuit Samuel, quorum posteritas postea temporibus Dauid & Salomon, can
tatores & prophete in populo & templo Dei fuerunt. Huius Caath familie acce
perunt urbes & suburbana ad inhabitandum, ut liber Iesu Naue testatur, in mon
te Ephraim, ubi fuerunt ciuitates Sichem & Gazer & Cethsain & Bethoron: fuit
enim Helchana filius Hieroboam, filii Heliu, filii Tau, filii Suph, filii Helchana, fi
40 lii Iohel, filii Azarix, filii Sophonix, filii Thaat, filii Afsr, filii Abisaph, filii Chore,
filii Isaar, filii Caath, filii Leui, filii Israel, ut Verba dierū narrant. Et habuit duas
uxores, nomen uni Anna, & nomen secundæ Phenenna. Fueruntq; Phenennæ fi
lii, Annæ autem non erant liberi: &c.) Ille ergo laudabilis uir habuit duas uxores,
nomen uni Anna, & nomen secundæ Phenenna. Habebat autem filios de secun
da Phenenna, sterilis nero erat prior illa quæ & nobilior erat. Similia inuenies et
iam in Genesi. cognata quippe sibi est scriptura diuina. Inuenies ibi primam uxo
rem Abrahæ Saram nobiliorem: secundam uero Aegyptiam Agar, ignobilem
fuisse: & ante patrem effectum Abraham de ignobili quam de nobili. Fuit tamen
post-

De Helchana
1

Gen. 16

estmodum etiam de nobili coniuge pater. Ita ergo etiam nunc Helchana hic qui est possessio Dei, prius de secunda uxore efficitur pater: quoniam quidem concluderat Deus uulvam Annæ, sicut & prius concluderat uulvam Saræ. Post plurimos uero partus Phenennæ, etiam Annæ uulua orationibus & precibus aperitur, & efficitur etiam ipsa mater filii eius, quem obtulit Deo. Quid ergo hæc in se sacramenti contineant, uideamus. Phenenna interpretatur Conuersio, Anna autem interpretatur Gratia. Vnusquisque ergo nostrum, qui uult effici possessio Dei, istas sibi duas iungat uxores, & cum ipsis sibi nuptias celebret. Primam sibi iungat, quæ nobilior est & generosior, gratiam: hæc enim nobis per fidem prima coniungitur, sicut & apostolus dicit, Gratia salui facti estis per fidem. Secundæ uero coniungimur Phenennæ, id est conuersioni, quia post gratiam credulitatis, emendatio sit morum, & uitæ conuersio. Sed cum iste sit ordo nuptiarum, alius ordo procreationis efficitur. Prima nobis filios parit Phenenna, quia primos fructus de cōuersione proferimus, & prima iustitiæ germina de actibus & operibus procreamus. primum namque iustitiæ opus est, conuerti a peccatis: quia nisi ante conuertamur & declinemus a malo, non poterimus de Anna effici patres, nec de gratia liberos generare. Videamus ergo nunc uniuersiusque differentias. Phenenna filios habet, sed qui non assunt Deo, neque enim tales filii possunt esse conuersionis, ut assint & adhæreant Deo, nec tamen inanes & penitus alieni sunt a rebus Dei. accipiunt namque partes de sacrificiis diuinis, & edunt de hostiis Dei. Vnusquisque ergo nostrum primo conuertitur a peccato, & ex conuersione generat opera iustitiæ: postea uero excitata in nobis Anna, per zelum & æmulationem boni precem fundat ad Deum, ut ipsa filios generet. Quales ergo Anna, quæ est gratia, filios generat, qui assideant Deo? Gratia enim & ueritas per Iesum Christum facta est. Hic ergo filius gratiæ, qui uerbo Dei & Deo uacat. Post hæc orauit Anna, & ait, Confirmatum est cor meum in domino, & exaltatum est cornu meum in Deo salutari meo. Dilatum est os meum super inimicos meos, lætata sum in salutari tuo: &c.) Ita ne uero uerba hæc unius putabuntur esse mulierculæ, de nato sibi filio gratulantis? Tantum mens hominum a luce ueritatis auersa est, ut nō sentiat supergredi modum feminæ huius dicta quæ fudit? Porro qui rebus ipsis, quæ iam cōperant etiam in hac terrena peregrinatione compleri, cōuenienter mouetur, nonne intendit & aspicit & cognoscit per hanc mulierem, cuius etiam nomen, id est Anna, Gratia eius interpretatur, ipsam religionem Christianam, ipsam ciuitatem Dei, cuius rex est & cōditor Christus, ipsam postremo Dei gratiam prophetico spiritu sic locutā: a qua superbi alienantur ut cadant, qua humiles impleantur ut surgant, quod maxime hymnus iste personauit: nisi forte quisquā dicturus est, nihil istā prophetasse mulierem, sed Deū tantummodo propter filiū, quæ precata impetrauit, exultanti laudatione laudasse. Quid ergo sibi uult quod ait, Arcus fortis superatus est, & infirmi accincti sunt uirtute, pleni panibus minorati sunt, & esurientes transierunt terrā, quia sterili peperit septem, & multa in filiis infirmata est? Numquid VII ipsa pepererat? Quāuis sterili fuerit, unicū habebat quando ista dicebat: sed nec postea VII peperit, siue sex, quibus septimus effect ipse Samuel, sed tres mares & duas feminas. Deinde illo populo cum adhuc nemo regnaret, quod in extremo posuit, Dat uirtutem regibus nostris, & exaltauit cornu Christi sui: unde dicebat, si non prophetabat? Dicit ergo ecclesia Christi. ciuitas regis magni gratia plena, prole secunda dicat, quod tātō ante de se prophetatū per os huius piæ matris agnoscit. Cōfirmatū est cor meum in domino, & exaltatū est cornu meum in Deo meo. Vere cōfirmatū est cor, & cornu exaltatū: quia nō in se, sed in domino Deo suo. Dilatum est super inimicos meos os meum)

Ephef. 2

10

De Cantico
Anna. II

20

30

40

- os meum). Quia & in angustiis pressurarum sermo Dei non est alligatus, nec in præconibus alligatus. Lætata sum, inquit, in salutari tuo) Christus est iste Iesus, quem Simeon, sicut in euangelio legitur, senex amplectens paruulum, agnoscebat magnum, Nunc dimittis, inquit, domine seruum tuum in pace, quoniam uiderunt oculi mei salutare tuum. Dicat itaque ecclesia, Lætata sum in salutare tuum. Quoniam non est sanctus ut est dominus, & nō est iustus sicut Deus noster.) Tamquam sanctus & sanctificans, iustus & iustificans. Non est sanctus præter te, quia nemo fit nisi abs te. Denique sequitur, Nolite gloriari superbi, & nolite loqui excessa.) Neque exeat magniloquium de ore uestro, quoniam Deus scientiarum dominus.
- 10 Ipse uos scit, & ubi nemo scit: quoniam qui putat se aliquid esse, cum nihil sit, se ipsum seducit. Hæc dicuntur aduersariis ciuitatis Dei, ad Babyloniam pertinentibus de sua uirtute præsumptibus in se, nō in domino gloriantibus, ex quibus sunt etiā carnales Israelitæ, terrenæ Hierusalem ciues terrigenæ: qui, ut dicit apostolus, Ignorantes Dei iustitiam, idest quam dat Deus homini, qui solus est iustus atque iustificans: & suam uolentes constituere, idest uelut a se sibi paratam, nō ab illo impartitam: iustitiæ Dei nō sunt subiecti: utique quia superbi, de suo putantes, non de Dei, placere se Deo: qui est Deus scientiarum, atque ideo & arbitret conscientiarum, ibi uidens cogitationes hominum, quoniam uanæ sunt, si hominum sunt, & ab illo non sunt. Et præparans, inquit, adinventiones suas.) Quas adinventiones putamus, nisi ut superbi cadant, & humiles surgant? Has quippe adinventiones exequitur, dicens, Arcus potentium infirmatus est, & infirmi præcincti sunt uirtute.) Infirmatus est arcus, idest intentio eorum, qui tam potens sibi uidentur, ut sine Dei dono atque adiutorio, humana sufficientia diuina possint implere man data. Et præcinguntur uirtute quorum in terra uox est, Miserere mei domine, quoniam infirmus sum. Pleni panibus, inquit, minorati sunt, esurientes transierunt terram.) Qui sunt intelligendi pleni panibus, nisi idem ipsi quasi potentes, idest Israelitæ, quibus credita sunt eloquia Dei? Sed in eo populo ancillæ filii minorati sunt, quod uerbo minus, bene tamen expressum est, quod ex maiore minores facti sunt, quia & in ipsis panibus, idest diuinis uerbis, quæ Israelitæ soli tunc ex omnibus gentibus acceperunt, terrena sapiunt. Gentes autem quibus lex illa non erat
- 30 data, postea quam per nouum testamentum ad illa eloquia uenerunt, multum esuriendo terram transierunt, quia in eis non terrena, sed cælestia sapuerunt. Et hoc uelut quereretur causa cur factum sit, Quia sterilis peperit VII, & multa in filiis infirmata est. Hic totum quod prophetabatur eluxit agnoscantibus numerum septenarium, quo est uniuersæ ecclesiæ signficata perfectio. Propter quod & Ioannes apostolus ad septem scribit ecclesias: eo modo se ostendens ad unius plenitudinē scribere: & in Prouerbiis Salomonis hoc antea præfigurans, Sapientia ædificauit sibi domum, & suffulsiit columnas septem. Sterilis enim erat in omnibus gentibus Dei ciuitas, antequam iste fetus, quem cernimus, oriretur. Cernimus etiam quæ multa in filiis erat, nunc infirmatam terrenam Hierusalem, quoniam quicumque filii liberæ in ea erant, uirtus eius erat. nunc uero quoniam ibi littera est, & spiritus non est, amissa uirtute infirmata est. Dominus mortificat & uiuificat, deducit ad inferos & reducit.) Mortificauit illam quæ multa erat in filiis, & uiuificauit hanc sterilem, quæ peperit septem: quamuis commodius possit intelligi eodē modo uiuificare quos mortificauerit: id enim uelut repetiuit, addendo, Deducit ad inferos, & reducit. quibus enim dicit apostolus, Si mortui estis cum Christo, quæ sursum
- 40 sunt querite, ubi Christus est in dextera Dei sedens: salubriter utique mortificantur a domino. quibus adiungit, Quæ sursum sunt, sapite, non quæ super terram: ut ipsi sint illi, qui esurientes transierunt terram. mortui enim estis, inquit. Ecce quō

Luc. 2

Rom. 10

Col. 3

O modo

modo salubriter mortificat Deus. Deinde sequitur, Et uita uestra abscondita est cum Christo in Deo. Ecce quo modo eosdem ipsos uiuificat Deus. Sed nunquid eosdem deduxit ad inferos, & reduxit? Hoc utrumque sine controuersia fideiū; in illo potius uidemus impletum capite scilicet nostro, cum quo uitam nostram

Col. 3 apostolus dixit absconditam in Deo. nam qui proprio filio non pepercit, sed pro nobis omnibus tradidit eum, isto modo utique mortificauit eum: & quia resuscitauit a mortuis, eundem rursus uiuificauit: & quia in prophetia uox eius agnoscitur, Non derelinquens animam meam in inferno, eundem deduxit ad inferos, & reduxit. Hac eius paupertate ditati sumus. Dominus enim pauperes facit, & dicitur, Nam quid hoc sit ut sciamus, quod sequitur audiamus: Humiliat, & exaltat.) Vtique superbos humiliat, & humiles exaltat. quod enim alibi legitur, Deus superbis resistit, humilibus autem dat gratiam: hoc totum habet sermo huius, cuius nomen interpretatur, gratia eius. Iam uero quod adiungitur, Suscitauit a terra pauperem, de nullo melius, quam de illo, intelligo, qui propter nos pauper factus est, cum diues esset: ut eius paupertate, sicut paulo ante dictum est, ditaremur. ipsum enim de terra suscitauit, tam cito ut caro eius non uideret corruptionem. Nec illud ab illo alienabo quod additum est, Et de stercore erigit inopem. Inops quippe, idem qui pauper. stercore uero, unde erectus est: rectissime intelliguntur ludæi persecutores. in quorum numero cum se dixisset apostolus ecclesiam persecutum, Quæ mihi fuerunt, inquit, lucra, hæc propter Christum damna esse duxi: nec solum detrimenta, uerum etiam stercore existimaui esse, ut Christum crucifixerem. De terra ergo suscitatus est ille, supra omnes diuites pauper: & de illo stercore erectus supra omnes opulentos, ille inops. Et sedet cum principibus populi.) Quibus ait, Sedebitis super duodecim sedes, sed sedem gloriæ dans eis hereditatem. Dixerant potentes illi, Ecce nos dimisimus omnia, & secuti sumus te. Hoc uotum potentissimi uouerunt. Sed unde hoc eis, nisi ab illo de quo cōtinuo dictum est, Dans uotum uouenti. Alloquin ex illis exi potentibus, quorum arcus infirmatus est. Dans, inquit, uotum uouenti.) Non enim quisquam domino quid rectum uoueret, nisi quia ab illo acciperet, quod uoueret. Sequitur, Et benedixit dans annos iusti.) Vt cum illo scilicet sine fine uiuat, cui dictum est, Et anni tui non deficient. ibi enim stant anni, hic autem transeunt, immo pereunt. ante enim quam ueniant, non sunt. cum enim uenerint, non erunt: quia cum suo fine ueniunt. Hotum autem duorum, idest dans uotum uouenti, & benedixit annos iusti: unum est quod facimus, alterum quod sumimus. Sed hoc alterum Deo largitore non sumitur, nisi cum ipso adiutore primum illud efficitur. Quia non in uirtute potens est uir. dominus enim infirmum facit aduersarium suum, illum scilicet qui homini uouenti inuidet, & resistit, ne ualeat implere quod uouit. Potest ex ambiguo Græco intelligi, & aduersarium suum. cum enim dominus posside re nos cœperit, profecto aduersarius qui noster fuerat, ipsius fit, & uincetur a nobis, sed non in uiribus nostris, quia non in uirtute sua potens est uir. Dominus ergo infirmū facit aduersarium suum, dominus sanctus: ut uincatur a sanctis, quos dominus sanctus sanctorum efficit sanctos. Ac per hoc non gloriatur prudens in prudentia sua, & non gloriatur potens in potentia sua, & non gloriatur diues in diuitiis suis, sed in hoc gloriatur qui gloriatur, intelligere & scire Deum, & facere iudicium & iustitiam in medio terræ. Non parua ex parte intelligit & scit dominum, qui intelligit & scit etiam hoc a domino sibi dari, ut intelligat & sciat dominum. quid enim habes, ait apostolus, quod non accepisti? Si autem accepisti, quid gloriaris, quasi non accepisti? idest quasi a te ipso tibi sit unde gloriaris. Facit autem iudicium & iustitiam, qui recte uiuit. recte autem uiuit, qui obtemperat

perat præcipienti Deo : & finis præcepti , id est ad quod refertur præceptum , caritas est corde puro , & conscientia bona , & fide non ficta . Porro ista caritas , sicut Ioannes apostolus testatur , ex Deo est . Facere igitur iudicium & iustitiam ex Deo est . Sed quid est in medio terræ ? neque enim non debent facere iudicium & iustitiam qui habitant in extremis terræ . Quis hoc dixerit ? Cur ergo additum est , In medio terræ ? Quod si non adderetur , & tantummodo diceretur , Facere iudicium & iustitiam : magis hoc præceptum ad homines utrosque pertineret , & mediterraneos maritimos . Sed , ne quisquam putaret , post finem uitæ , quæ in hoc agitur corpore , superesse tempus iudicium iustitiamq. faciendi , quam , dum esset in carne , nõ fecit , & sic diuinum euadi posse iudicium : in medio terræ mihi uidetur dictum , cum quisque uiuit in corpore . in hac quippe uita , suam terram quisque circumfert , quam moriente homine recipit terra , consurgenti utique redditura . proinde in medio terræ , id est cum anima nostra isto terreno clauditur corpore , faciendum est iudicium atque iustitia , quod nobis profit in posterum , quando recipit quisque secundum ea , quæ per corpus gessit , siue bonum , siue malum . Per corpus quippe ibi dixit apostolus , per tempus quo uiuit in corpore . neque enim si quis maligna mente atque impia cogitatione blasphemet , neque id ullis membris corporis operetur , ideo non erit reus , quia id motu corporis non gessit , cum hoc per illud tempus gesserit , quo gessit & corpus . Isto modo congruenter intelligi potest etiam illud , quod in psalmo legitur , Deus autem rex noster ante sæcula operatus est salutem in medio terræ : ut dominus Iesus accipiat Deus noster , qui est ante sæcula , quia per ipsum facta sunt sæcula : operatus est salutem in medio terræ , cum uerbum caro factum est , & terreno habitauit in corpore . Deinde postea quam prophetatum est in his uerbis Annæ , quo modo gloriari debeat , qui gloriatur , non in se utique , sed in domino , propter retributionem , quæ in die iudicii futura est , Dominus ascendit , inquit , in cælos , & intonuit : ipse iudicabit extrema terræ , quia iustus est .) Prorsus ordinem tenuit confessionis fidelium . ascendit enim in cælum dominus Christus , & inde uenturus est ad uiuos & mortuos iudicandos . nam quis ascendit , sicut dicit apostolus , nisi qui descendit in inferiores partes terræ ? Qui descendit , ipse est & qui ascendit super omnes cælos , ut adimpleret omnia . Per nubes ergo suas tonuit , quia spiritu sancto cum ascendisset , impleuit . De quibus hoc illi Hierusalem , hoc est , ingrata uineæ comminatus est apud Isaiam prophetam , ne pluant super eam imbrem . Sic autem dictum est , Ipse iudicabit extrema terræ : ac si diceretur , etiam extrema hominis . non enim alias partes non iudicabit , qui omnes homines proculdubio iudicabit . Sed melius intelliguntur extrema terræ , extrema hominis : quoniam non iudicabuntur , quæ in melius uel in deterius , medio terræ commutantur , sed in quibus extremis inuentus fuerit qui iudicabitur . Propter quod dictum est , Qui perseuerauerit usque in finem , hic saluus erit . Qui ergo perseueranter facit iudicium & iustitiam in medio terræ , non damnabitur , cum iudicabuntur extrema terræ . Et dat , inquit , uirtutem regibus nostris , ut non eos iudicando condemnet . Dat eis uirtutem , quæ carnem sicut reges regant , & in illo mundum , qui propter eos fudit sanguinem , uincant . Et exaltauit cornu Christi sui . Quo modo Christus exaltauit cornu Christi sui ? de quo enim supra dictum est , Dominus ascendit in cælos , & intellectus est dominus Christus , ipse , sicut hic dicitur , Exaltabit cornu Christi sui . Quis ergo est Christus Christi ? An cornu exaltabit uniuscuiusque fidelis sui , sicut ista ipsa in principio huius hymni ait , Exaltatum est cornu meum in Deo meo ? omnes quippe unctos eius chrismate , recte Christos possumus dicere . quod tamen totum cum suo capite corpus , unus est Christus . Hæc Anna pro-

O 2 phetauit,

1 Ioan. 4

Psal. 73

Ephef. 4

Isa. 5

Math. 10

phetauit, Samuelis mater, sancti uiri, multumque laudati. In quo quidem tunc figurata est mutatio ueteris sacerdotii: & nunc impleta, quando infirmata est quæ multa erat in filiis, ut nouum haberet sacerdotium in Christo, sterilis quippe peperit septem. Hoc canticum iuxta Septuaginta interpretum translationem inserere compulsi sumus, ut a beato Augustino positum est: pro eo quod in ipsa translatione ampliorem & ueriores continet historiam. Interea Samuel erat ministrans in templo Dei, accinctus Ephod. Porro filii Heli diuina sacrificia temerantes peccabant coram domino, & deridebant per eos multi sacrificia domini. Vnde Heli sacerdos pro eorum iniquitate damnatus est, quod eos peccantes minus seuera animaduersione plectebat. Equidem coercuit, equidem corripuit, sed lenitate & mansuetudine patris, non seueritate & auctoritate pontificis. Quæ sententia discant sacerdotes quo modo filiorum etiam propter scelera puniantur quique, & quamuis sancti sint, culpa tamen subditorum eisdem, si non coerceant, imputatur. Post hæc euidentius ad ipsum Heli sacerdotem missus loquitur homo Dei, cuius quidem nomen tacetur, sed intelligitur officio ministerioque suo sine dubitatione esse propheta. sic enim scriptum est, Venit autem uir Dei ad Heli, & ait ad eum: Hæc dicit dominus, Numquid non aperte reuelatus sum domui patris tui, cum esset in Aegypto in domo Pharaonis, & elegi eum ex omnibus filiis Israel mihi in sacerdotem, ut ascenderet ad altare meum, & adoleret mihi incensum, & portaret Ephod coram me, & dedi domui patris tui omnia de sacrificiis filiorum Israel? Quare calce abiectis uestimentis meis, & munera quæ præcepi ut offerrentur in templo. & magis honorasti filios tuos, quam me, ut comederetis primitias omnis sacrificii Israel populi mei. Propterea ait dominus Deus Israel, Loquens locutus sum, ut domus tua & domus patris tui ministraret in conspectu meo usque in sempiternum. Nunc autem dicit dominus, Absit hoc a me: sed quicumque glorificauerit me, glorificabo eum: qui autem contemnunt me, erunt ignobiles. Ecce dies ueniunt & prædicam brachium tuum & brachium domus patris tui, ut non sit senex in domo tua, & uidebis Christum æmulum tuum in templo in uniuersis prosperis Israel, & non erit senex in domo tua omnibus diebus. Veruntamen non auferam penitus uirum ex te ab altari meo, sed ut deficiant oculi tui, & tabescat anima tua: & pars magna domus tue morietur, cum ad uirilem ætatem uenerit. Hoc autem erit tibi signum quod uenturum est duobus filiis tuis Ophini & Phinees. In die uno morientur ambo, & suscitabo mihi sacerdotem fidelem, qui iuxta cor meum & animam meam faciat. Non est ut dicatur ista prophetia, ubi sacerdotii ueteris tanta manifestatione prænuntiata mutatio est, in Samuele fuisse completa. quamquam enim esset de tali tribu Samuel quæ constituta fuerat a domino, ut seruiret altari, tamen non erat de filiis Aaron, cuius progenies fuerat deputata unde fieret sacerdos: ac per hoc in ea quoque re gesta eadem mutatio quæ per Christum Iesum futura erat, adumbrata est, & ad uetus testamentum proprie pertinebat, figurate uero ad nouum, prophetia facti etiam ipsa non uerbi, id scilicet facti significans quod uerbo ad Heli sacerdotem dictum est per prophetam. nam fuerunt postea sacerdotes tegnante Dauid ex genere Aaron, sicut Sadoch & Abiathar, & alii deinceps antequam tempus ueniret, quo ista quæ de sacerdotio mutando ante prædicta sunt, effici per Christum oportebat. Quis autem nunc fideli oculo hæc intuens non uideat esse completa, quandoquidem nullum tabernaculum, nullum templum, nullum altare, nullum sacrificium, & ideo nec ullus sacerdos remansit Iudeis, quibus ut de semine Aaron ordinaretur, in Dei fuerat lege mandatum: quod & hic commemoratum est, illo dicente propheta, Hæc dicit dominus Deus Israel, Loquens locutus sum, ut domus tua & domus patris tui ministret in conspectu meo usque in æternum.

*De prophetia
ad Heli, & fili-
as eius. 111*

num. Nunc autem dicit dominus, Absit hoc a me: sed quicumque glorificauerit me, glorificabo eum: qui autem contemnunt me, erunt ignobiles. quod enim nominat domum patris eius, non eum de proximo patre dicere, sed de illo Aaron, qui primus sacerdos est institutus, de cuius progenie ceteri sequerentur, superiora demonstrant, ubi ait, Reuelatus sum domui patris tui, cum esset in Aegypto in domo Pharaonis, & elegi eum ex omnibus tribubus Israel mihi in sacerdotem. Quis patrum fuit huius in illa Aegypto seruitor? Vnde cum liberati essent, quis electus est ad sacerdotium, nisi Aaron? De huius ergo stirpe isto loco dixit futurum fuisse, ut non essent ulterius sacerdotes, quod iam uidemus implementum. Vigilet fides, praesto sunt tres, cernuntur, tenentur, & uidere nolentium oculis ingeruntur. Ecce, inquit, dies ueniunt, & praecidam brachium tuum & brachium domus tuae, ut non sit senex in domo tua, & uidebis Christum æmulum tuum in templo, in uniuersis prosperis Israel. Ecce dies, qui prænuntiati sunt, iam uenerunt: nullus sacerdos secundum ordinem Aaron: & quicumque ex eius genere est homo, cum uidet sacrificium Christianorum toto orbe pollere, sibi autem honorem illum magnum esse subtractum, deficiunt oculi eius, & defuit anima eius tabe mæroris. Proprie autem ad huius domum Heli, cui hæc dicebantur, quod sequitur pertinet: & pars magna domus tuae morietur, cum ad uirilem ætatem uenerit. Hoc autem erit tibi signum, quod uenturum est duobus filiis tuis, 10 Ophni, & Phinees, in die una morientur ambo. Hoc ergo signum factum est mutandi sacerdotii domui huius, quo signo significatum est mutandum sacerdotium domus Aaron: mors quippe filiorum huius significauit mortem non hominum, sed ipsius sacerdotii de filiis Aaron. Quod autem sequitur, ad illum iam pertinet sacerdotem, cuius figuram gessit huic succedendo Samuel. Proinde quæ sequuntur, de Christo Iesu noui testamenti uero sacerdote dicuntur, Sulcitabo mihi sacerdotem fidelem, qui iuxta cor meum & animam meam faciat. Sub figura Samuelis, de domino saluatore, sumptio uidelicet ac uero pontifice debet intelligi, qui nimirum sicut Samuel defuncto Heli successit in sacerdotium, non de stirpe Aaron, sed de alia Leui familia electus. fuit enim, ut iam supra meminimus, filius Helchana, filii Hieroboam, filii Thau, filii Suph, filii Helchana, filii Iohel, filii Azariz, filii Sophoniz, filii Thaar, filii Afir, filii Abiasaph, filii Chore, filii Ijaar, filii Chaath, filii Leui, filii Israel, ut Verba dierum narrant. Ita mediator Dei & hominum, ut esset nobis pontifex, non de Leui, sed de alia utique tribu, idest a Iuda carnis originem sumpsit: aliam quam legalem hostiam, idest ipsam suam carnem obtulit patri pro nobis: alios quam de genere Aaron pontificatus sui reliquit heredes, filios uidelicet gratiæ noui testamenti de uniuersa gentium natione collectos. Quod uero quasi humano mote eloquens Deus dicit, Qui iuxta cor meum & animam meam faciat: de Samuele quidem recte potest intelligi, quod in omnibus eius uoluntati, sicut homo Deo paruerit, De domino ac saluatore, quod sicut filius ingenitus paternorum sit in omnibus conscius arcanorum, iuxta quod de se ipse inmanifeste testatur, dicens: Et a me ipso facio nihil, sed sicut docuit me pater, hæc loquor, & qui misit me, mecum est, & non reliquit me solum, quia quæ placita sunt ei, facio semper. In hoc uero quod ait Deus, qui omnia quæ in corde meo, & quæ in anima mea sunt, faciat, non arbitramur animam habere Deum, cum sit conditor animæ: sed ita hoc de Deo tropice, non proprie dicitur, sicut manus, pes, & alia corporis membra. Et ne secundum hoc credatur homo in carnis huius effigie factus ad imaginem Dei, addantur & alæ, quas utique non habet homo: & dicitur Deus, Sub umbra alarum tuarum protege me, ut Intelligent homines, de illa ineffabili natura nõ propriis sed translatis rerû uocabulis ista dici.

De sacerdote
fidei. 1111

1111

1111

1111

1111

1111

1111

1111

Et ædificabo ei domum fidelem, & ambulabit coram Christo meo cunctis diebus.)
Hebr. 3 Ipsa est domus, quam ædificat pater, de qua apostolus ait, Quæ domus sumus nos, si fiduciam & gloriam spei usque in finem firmam retineamus: & hæc domus ambulabit coram Christo eius, ipso uidelicet summo pontifice. Ambulabit, dixit, conuersabitur, sicut superius dixerat de domo Aaron: Loquens locutus sum, ut domus tua, & domus patris tui ministraret in conspectu meo usque in sempiternum. Quod autem ait, Coram Christo meo ambulabit: de ipsa domo utique intelligendum est, non de illo sacerdote qui est Christus ipse mediator atque saluator. Domus ergo eius coram illo ambulabit. Potest & Ambulabit, intelligi de morte ad uitam, omnibus diebus quibus peragitur usque in finem sæculi huius ista mortalitas. Alioquin quo modo de Samuele potest accipi, quod ædificata sit domus fidelis, quæ coram Christo domini, idest ipso Samuele cunctis diebus incederet, cum legamus in sequentibus, quod filii illius auersi de uis eius post auariciam declinauerint & peruerterint iudicium: nisi forte domum eius hoc loco plebem Israeliticam intelligamus, quæ cunctis diebus sacerdotii eius domino seruerit, de qua scriptum est, Et requieuit omnis domus Israel post dominum: & paulo post, Abstulerunt filii Israel Baalim & Astaroth, & seruerunt domino soli. Quod uero adiungitur, Futurum est autem, ut quicumque remanserit in domo tua, ueniat, ut oretur pro eo: non proprie de domo dicitur huius Heli, sed illius Aaron, de quo usque ad aduentum Iesu Christi homines remanserunt, de quo genere etiam nunc usque non desunt. Nam de illa domo huius Heli iam supra dictum erat, Et omnis qui supererit domus tuæ, decidet in gladio uirorum. Quo modo ergo hic uere dici potuit, & erit qui remanserit in domo tua, ueniat ut oretur pro eo: si illud est uerum, quod ultro gladio nemo inde supererit: nisi quia illos intelligi uoluit, qui pertinent ad stirpem, scilicet illius totius sacerdotii secundum ordinem Aaron. Ergo si de illis est prædestinatis reliquiis, de quibus alius propheta dixit, Reliquiæ salutis fient: unde & apostolus, Sic ergo, inquit, & in hoc tempore reliquiæ per electionem gratiæ salutis factæ sunt: quia de talibus reliquiis bene intelligitur esse, de quo dictum est, Qui remanserit in domo tua: professio credit in Christum, sicut temporibus apostolorum ex ipsa gente plurimi crediderunt, neque nunc desunt, qui, licet rarissimi, tamen credant. & impletur in eo quod hic iste homo Dei continuo secutus adiunxit, Et offerat nummum argenteum, & tortam panis, dicatq., Dimitte me obsecro ad unam partem sacerdotalem, ut comedam buccellam panis. Quid per nummum argenteum, nisi oris confessio, designatur, quæ fit credentibus ad salutem? argentum enim pro eloquio poni solet, psalmista testante ubi canitur, Eloquia domini eloquia casta, argentum igne examinatum, probatum terræ purgatum. Sed quod dicit iste qui uenit, Dimitte me obsecro ad unam partem sacerdotalem, ut comedam buccellam panis: sacerdotalem partem corpus Christi, idest ecclesiam dicit, cuius plebs ille sacerdos est mediator Dei & hominum, homo Christus Iesus, cui plebs dicit apostolus Petrus, Plebs sancta, regale sacerdotium. In hanc partem sacerdotalem, postulat comedere buccellam panis. Quibus uerbis ipsum sacrificium Christianorum eleganter expressum est: de quo dicit sacerdos ipse, Panis quem ego dabo, caro mea est pro mundi uita: ipsum quippe est sacrificium, non secundum ordinem Aaron, sed secundum ordinem Melchisedech. Factum est autem in die quodam Heli iacebat in loco suo, & oculi eius caligauerunt, nec poterat uidere lucernam Dei antequam extingueretur. In tabernaculo fœderis erat candelabrum, ubi a uespere usque mane summo pontifice lucernas uespere concinnante iugiter extra uelum præparatæ lucebant, ut dominus iusserat: isto pontifice intrante in tabernaculo iam grandæus senectute

*De caligine
oculorum He-
li. 7.*

Idem 6

1 Pet. 2

Idem 6

Idem 6

Idem 6

Idem 6

Idem 6

Idem 6

Idem 6

Idem 6

Idem 6

Idem 6

Idem 6

Idem 6

Idem 6

senectute confecto oculi eius intantum caligauerant, ut nec incensam lucernam potuisset aspicere, quanto magis extinctam? Figuraliter uero lucerna Dei Heli fuerat, quando dignitate sacerdotali pollens iustitia claritatis fulgebat, quam extinctam propheta asserit, dum ob scelera filiorum sacerdotii potestatem, meritorumque lumen amisit. Creuit autem Samuel, & dominus erat cum eo, & non cecidit ex omnibus uerbis eius in terra. Significat, quia nihil ex his, quæ locutus est, irritum fuit, sed omnia sunt rebus completa quæ dixit. Cadunt namque in terra uerba superuacua, quæ pro nihilo habenda, & uniuersorum sunt calcanda despectu, sicut & beatus Iob dixit, Et lux neuis mei non cadebat in terra: qui nimirum in tanta

Iob. 39

16 grauitate uolum tenere consueuerat, ut numquam contemptibili latria resolveretur, sed quotienscumque hilarior se presentibus exhiberet, certa semper hoc causa utilitatis eorum faceret. Igitur postea quam hæc in figura mutationis ueteris testamenti a propheta illo prænuntiata sunt ad Heli, offendente dominum Israel, instruxerunt aciem Philistæi contra eos. tollunt autem Israelitæ arcam ad stationem suam, capta est ab hostibus arca, ipsiq. non solum uicū sunt, & in fugam uersi, immo etiam magna strages facta est occisorum. Nonnulla tamen futurorum significasti res gesta hæc, in prophetia enim arca illa ab alienigenis capta, indicabat testamentum Dei transitorium ad gentes. quando enim nunciaturum est Heli sacerdoti captam fuisse arcam domini, cecidit de sella, & mortuus est.) Transcunte ar-

De captiuitate arca. VI

20 ca domini ad gentes, periit atque interiiit sacerdotium Iudæorum. Duo quoque filii Heli corruerunt, unius uxor uiduata, & mox in partu mortua est, propter eandem perturbationem.) Quod euidenti signo præfiguratum est, post extinctum sacerdotium Iudæorum, carnalem interiisse synagogam, illi carnaliter adhaerentem: prostratoq. Heli de sella, pontifices Iudæorum sedem habuere uacuum, & gloriam sacerdotii, regniq. extinctam. Sed quid est, quod dum posuissent Philistiim arcam domini in templo Dagonis Dei sui, intrauerunt templū, & inuenerunt Deum suum prostratum atque cōtractum, caput eius duarq. manus abscisse? statim enim ut testamentum domini peruenit in gentibus, confestim idola, quæ deceptum possidebant orbem, destructa sunt, omnisq. error simulacrorum corruit, præsentiam

30 Dei ferre non sustinens. nam in manibus præcisæ Dagon, potest idololatriz finis agnosci: limen enim finem itineris significat. etiam & illud ad magnam pertinet significationem in ipsa ruina Dagon Dei sui atque fractura, quod dorsum illius solum inuenerunt, fractis omnibus eius membris. dorsum quippe figurat significat. quicumque enim fugiunt, persequentibus dorsum dant. unde scriptum est de hostibus, Quoniam pones eos dorsum. ubi enim idola perierunt, & si aliqua remanentia ab aliquibus absconduntur, fugerunt. Quod autem percussus sunt in posteriora, ii qui arcam Dei captiuauerunt, hac pœna significatur uidetur: quia si qui susceperint testamentum Dei, & posteriora uitæ dilexerint, ex ipsis iustissime cruciabantur, quæ, sicut apostolus, existimare debent sicut stercora. qui enim sic

Psal. 10

XII

40 assumunt testamentum diuinum, ut in posteriora respicientes ueteri se uanitate non exuant, similes sunt hostibus illis, qui arcam testamenti captiuam, iuxta idola sua posuerunt. & illa quidem ueraciter etiam nolentibus cadunt, quia omnis caro fenit, & claritas omnis, ut Iob seni: aruit senium, & Iob decidit: arca autem domini manet in æternum: secretum scilicet testamentum regni ætorum, ubi manet Dei uerbum. Cum uero de terra Philistiim arca domini ad terram Israelitarum rediret, plantro superposita est, & uacæ plantro subiunguntur sunt, quæ fetæ fuisse memorantur, quarum filios clausera domi, ut scriptum est, Ibant autem in directum uacæ per uiam quæ ducit Bethsanis, uno itinere gradiebantur per gentes, & mugientes, & non declinabant neque ad dexteram neque ad sinistram.)

De reuersione arca. VII

Quid

Quid igitur uacare, nisi fideles quosque in ecclesia signant, qui dum sacri elo-
 quii præcepta considerant, quali superimpositam domini arcam portant. De
 quibus hoc est etiam notandum, quod fuisse setæ memorantur, quia sunt ple-
 rique qui in uia Dei intrinsecus positi, foris carnalibus affectibus ligantur: sed
 non declinat a recto itinere, qui arcam Dei portat in mente. ecce enim uacare,
 Bethsamis pergunt. Bethsamis quippe dicitur Domus solis: & propheta ait, Vobis
 autem, qui timetis dominum, orietur Sol iustitiæ. Si igitur ad æterni Solis habita-
 tionem tendimus, dignum profecto est, ut de Dei itinere pro carnalibus affecti-
 bus non declinemus. tota enim uirtute pensandum est, quod uacare Dei planistro
 suppositis pergunt & gemunt. Dant ab intus mugitus, & tamen de itinere non
 detorquent gressus. Amorem quidem per compassionem sentiunt, sed colla po-
 sterius non desectunt. Sic nimirum predicatorum, sic fideles quique intra sanctam
 ecclesiam debent, ut & compatiantur proximis per caritatem, & tamen de uia
 Dei non exorbitent per compassionem. Arca quippe superposita Bethsamis est
 pergere, cum superna scientia ad internæ lucis habitaculum appropinquare. Sed
 tunc uere Bethsamis tendimus, cum uiam rectitudinis gradientes, ad uicina erro-
 ris latera non pro affectu pignorum declinamus. Sic namque sic necesse est ut ince-
 dere debeant, qui sacrilegiis suppositi, iam per internam scientiam domini arcam
 portant, quatenus per hoc quod propinquorum necessitatibus condolent, acce-
 pto rectitudinis itinere non declinent. Quorum nimirum gratia mentem nostram
 tenere debet, ne hæc eadem mens aut, si affectu non tangitur, dura sit, aut, plus ta-
 10
 20
 30
 40
 50
 60
 70
 80
 90
 100
 110
 120
 130
 140
 150
 160
 170
 180
 190
 200
 210
 220
 230
 240
 250
 260
 270
 280
 290
 300
 310
 320
 330
 340
 350
 360
 370
 380
 390
 400
 410
 420
 430
 440
 450
 460
 470
 480
 490
 500
 510
 520
 530
 540
 550
 560
 570
 580
 590
 600
 610
 620
 630
 640
 650
 660
 670
 680
 690
 700
 710
 720
 730
 740
 750
 760
 770
 780
 790
 800
 810
 820
 830
 840
 850
 860
 870
 880
 890
 900
 910
 920
 930
 940
 950
 960
 970
 980
 990
 1000
 1010
 1020
 1030
 1040
 1050
 1060
 1070
 1080
 1090
 1100
 1110
 1120
 1130
 1140
 1150
 1160
 1170
 1180
 1190
 1200
 1210
 1220
 1230
 1240
 1250
 1260
 1270
 1280
 1290
 1300
 1310
 1320
 1330
 1340
 1350
 1360
 1370
 1380
 1390
 1400
 1410
 1420
 1430
 1440
 1450
 1460
 1470
 1480
 1490
 1500
 1510
 1520
 1530
 1540
 1550
 1560
 1570
 1580
 1590
 1600
 1610
 1620
 1630
 1640
 1650
 1660
 1670
 1680
 1690
 1700
 1710
 1720
 1730
 1740
 1750
 1760
 1770
 1780
 1790
 1800
 1810
 1820
 1830
 1840
 1850
 1860
 1870
 1880
 1890
 1900
 1910
 1920
 1930
 1940
 1950
 1960
 1970
 1980
 1990
 2000
 2010
 2020
 2030
 2040
 2050
 2060
 2070
 2080
 2090
 2100
 2110
 2120
 2130
 2140
 2150
 2160
 2170
 2180
 2190
 2200
 2210
 2220
 2230
 2240
 2250
 2260
 2270
 2280
 2290
 2300
 2310
 2320
 2330
 2340
 2350
 2360
 2370
 2380
 2390
 2400
 2410
 2420
 2430
 2440
 2450
 2460
 2470
 2480
 2490
 2500
 2510
 2520
 2530
 2540
 2550
 2560
 2570
 2580
 2590
 2600
 2610
 2620
 2630
 2640
 2650
 2660
 2670
 2680
 2690
 2700
 2710
 2720
 2730
 2740
 2750
 2760
 2770
 2780
 2790
 2800
 2810
 2820
 2830
 2840
 2850
 2860
 2870
 2880
 2890
 2900
 2910
 2920
 2930
 2940
 2950
 2960
 2970
 2980
 2990
 3000
 3010
 3020
 3030
 3040
 3050
 3060
 3070
 3080
 3090
 3100
 3110
 3120
 3130
 3140
 3150
 3160
 3170
 3180
 3190
 3200
 3210
 3220
 3230
 3240
 3250
 3260
 3270
 3280
 3290
 3300
 3310
 3320
 3330
 3340
 3350
 3360
 3370
 3380
 3390
 3400
 3410
 3420
 3430
 3440
 3450
 3460
 3470
 3480
 3490
 3500
 3510
 3520
 3530
 3540
 3550
 3560
 3570
 3580
 3590
 3600
 3610
 3620
 3630
 3640
 3650
 3660
 3670
 3680
 3690
 3700
 3710
 3720
 3730
 3740
 3750
 3760
 3770
 3780
 3790
 3800
 3810
 3820
 3830
 3840
 3850
 3860
 3870
 3880
 3890
 3900
 3910
 3920
 3930
 3940
 3950
 3960
 3970
 3980
 3990
 4000
 4010
 4020
 4030
 4040
 4050
 4060
 4070
 4080
 4090
 4100
 4110
 4120
 4130
 4140
 4150
 4160
 4170
 4180
 4190
 4200
 4210
 4220
 4230
 4240
 4250
 4260
 4270
 4280
 4290
 4300
 4310
 4320
 4330
 4340
 4350
 4360
 4370
 4380
 4390
 4400
 4410
 4420
 4430
 4440
 4450
 4460
 4470
 4480
 4490
 4500
 4510
 4520
 4530
 4540
 4550
 4560
 4570
 4580
 4590
 4600
 4610
 4620
 4630
 4640
 4650
 4660
 4670
 4680
 4690
 4700
 4710
 4720
 4730
 4740
 4750
 4760
 4770
 4780
 4790
 4800
 4810
 4820
 4830
 4840
 4850
 4860
 4870
 4880
 4890
 4900
 4910
 4920
 4930
 4940
 4950
 4960
 4970
 4980
 4990
 5000
 5010
 5020
 5030
 5040
 5050
 5060
 5070
 5080
 5090
 5100
 5110
 5120
 5130
 5140
 5150
 5160
 5170
 5180
 5190
 5200
 5210
 5220
 5230
 5240
 5250
 5260
 5270
 5280
 5290
 5300
 5310
 5320
 5330
 5340
 5350
 5360
 5370
 5380
 5390
 5400
 5410
 5420
 5430
 5440
 5450
 5460
 5470
 5480
 5490
 5500
 5510
 5520
 5530
 5540
 5550
 5560
 5570
 5580
 5590
 5600
 5610
 5620
 5630
 5640
 5650
 5660
 5670
 5680
 5690
 5700
 5710
 5720
 5730
 5740
 5750
 5760
 5770
 5780
 5790
 5800
 5810
 5820
 5830
 5840
 5850
 5860
 5870
 5880
 5890
 5900
 5910
 5920
 5930
 5940
 5950
 5960
 5970
 5980
 5990
 6000
 6010
 6020
 6030
 6040
 6050
 6060
 6070
 6080
 6090
 6100
 6110
 6120
 6130
 6140
 6150
 6160
 6170
 6180
 6190
 6200
 6210
 6220
 6230
 6240
 6250
 6260
 6270
 6280
 6290
 6300
 6310
 6320
 6330
 6340
 6350
 6360
 6370
 6380
 6390
 6400
 6410
 6420
 6430
 6440
 6450
 6460
 6470
 6480
 6490
 6500
 6510
 6520
 6530
 6540
 6550
 6560
 6570
 6580
 6590
 6600
 6610
 6620
 6630
 6640
 6650
 6660
 6670
 6680
 6690
 6700
 6710
 6720
 6730
 6740
 6750
 6760
 6770
 6780
 6790
 6800
 6810
 6820
 6830
 6840
 6850
 6860
 6870
 6880
 6890
 6900
 6910
 6920
 6930
 6940
 6950
 6960
 6970
 6980
 6990
 7000
 7010
 7020
 7030
 7040
 7050
 7060
 7070
 7080
 7090
 7100
 7110
 7120
 7130
 7140
 7150
 7160
 7170
 7180
 7190
 7200
 7210
 7220
 7230
 7240
 7250
 7260
 7270
 7280
 7290
 7300
 7310
 7320
 7330
 7340
 7350
 7360
 7370
 7380
 7390
 7400
 7410
 7420
 7430
 7440
 7450
 7460
 7470
 7480
 7490
 7500
 7510
 7520
 7530
 7540
 7550
 7560
 7570
 7580
 7590
 7600
 7610
 7620
 7630
 7640
 7650
 7660
 7670
 7680
 7690
 7700
 7710
 7720
 7730
 7740
 7750
 7760
 7770
 7780
 7790
 7800
 7810
 7820
 7830
 7840
 7850
 7860
 7870
 7880
 7890
 7900
 7910
 7920
 7930
 7940
 7950
 7960
 7970
 7980
 7990
 8000
 8010
 8020
 8030
 8040
 8050
 8060
 8070
 8080
 8090
 8100
 8110
 8120
 8130
 8140
 8150
 8160
 8170
 8180
 8190
 8200
 8210
 8220
 8230
 8240
 8250
 8260
 8270
 8280
 8290
 8300
 8310
 8320
 8330
 8340
 8350
 8360
 8370
 8380
 8390
 8400
 8410
 8420
 8430
 8440
 8450
 8460
 8470
 8480
 8490
 8500
 8510
 8520
 8530
 8540
 8550
 8560
 8570
 8580
 8590
 8600
 8610
 8620
 8630
 8640
 8650
 8660
 8670
 8680
 8690
 8700
 8710
 8720
 8730
 8740
 8750
 8760
 8770
 8780
 8790
 8800
 8810
 8820
 8830
 8840
 8850
 8860
 8870
 8880
 8890
 8900
 8910
 8920
 8930
 8940
 8950
 8960
 8970
 8980
 8990
 9000
 9010
 9020
 9030
 9040
 9050
 9060
 9070
 9080
 9090
 9100
 9110
 9120
 9130
 9140
 9150
 9160
 9170
 9180
 9190
 9200
 9210
 9220
 9230
 9240
 9250
 9260
 9270
 9280
 9290
 9300
 9310
 9320
 9330
 9340
 9350
 9360
 9370
 9380
 9390
 9400
 9410
 9420
 9430
 9440
 9450
 9460
 9470
 9480
 9490
 9500
 9510
 9520
 9530
 9540
 9550
 9560
 9570
 9580
 9590
 9600
 9610
 9620
 9630
 9640
 9650
 9660
 9670
 9680
 9690
 9700
 9710
 9720
 9730
 9740
 9750
 9760
 9770
 9780
 9790
 9800
 9810
 9820
 9830
 9840
 9850
 9860
 9870
 9880
 9890
 9900
 9910
 9920
 9930
 9940
 9950
 9960
 9970
 9980
 9990
 10000

De percussio-
 ne Bethsamis
 rum. VIIII

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

De eo quod
 scriptum est,
 Ex qua die
 etc. IX

mo tempore regni Saul, quod eodem historico affirmante uiginti annis tenuit, nullus sanctæ historiæ curiosus ignorat. Namque postmodum cum recessisset a Saule spiritus domini, & agitarer eum spiritus nequam, maxime ad persequendum Dauid innoxium & iustum, necesse erat partem militiæ uel plebis eius nonnullam, malitix illius exitisse complicem. Cariathiarim ipsa est quæ alio nomine Cariath Baal uocatur, ciuitas saluum, una de urbibus Gabaonitarum, perti- nens ad tribum Iuda euntibus ab Hierusalem Diospolim milliario nono. De hac fuit Vrias propheta, quem interfecit Ioachim in Hierusalem, sicut scribitur. Samuel autem post mortem Heli regebat Israel. Congregato autem omni populo

*De precibus
Samuelis pro
populo. X*

10 exclamauit ad dominum pro Israel, & exaudiuit eum. Et cum offerret holocau-
stum accedentibus alienigenis ad pugnam contra populum Dei, intonuit domi-
nus super eos, & cõfusi sunt, & offenderunt coram Israel, atque superati sunt. Tunc
assumpsit Samuel lapidem unum & posuit eum inter Masphat & Sicelech: & ut
interpretes Septuaginta transtulerunt, inter Masphat nouam & ueterem uocauit
nomen eius, Lapis adiutorii, & dixit, Usque adhuc auxiliatus est nobis Deus.)
Masphat interpretatur Intentio. Lapis ille adiutorii, medietas est saluatoris, per
quem transeundum est a Masphat uetere ad nouam, idest ab intentione quæ ex-
pectabatur in carnale regnum, quod erat beatitudo falsa, ad intentionem quæ per
nouum testamentum expectaretur in regnum celorum, ubi est beatitudo uerissi-

30 ma spiritalis: qua quoniam nihil est melius, hucusque auxiliatur Deus. Iste Sam-
uel inuocato nomine domini exaudiuit eum Deus, & in tempore messis plu-
uiam impetrauit, pluuia enim in sanctis scripturis, uerba sunt euangelii siue legis,
sicut & Moyses dicit, Expectetur sicut pluuia eloquium meum, & descendant si-
cutros uerba mea. Hanc igitur pluuiam dedit mundo Christus in tempore mes-
sis, idest quando gentes colligi oportebat, ut sicut frumentum in horreis, sic in-
tra ecclesiæ sinum congregentur. Iudicauit autem Samuel Israel omnibus die-
bus uitæ suæ, fueruntq. usque ad eum iudices & principes super Israel. Porro fi-
lius Samuel declinauerunt post auaritiã & accipiebant munera, & tam iniqui iu-
dices extiterunt, ut populus nequaquam ferens, regem sibi in similitudinem gen-
tium ceterarum postularer: quibus dedit dominus Saul regem, cum quæreret as-
inas patris sui, & ueniret ad Samuelem in Ramatha: inter cetera, quæ locuti sunt,

Deuter. 32

*De filiis Sa-
muelis. XI*

30 simul prædicens ei signa Samuel, quæ uentura erant ei eo die, cum recederet ab
eo. cumq. ab eo recessisset, uenit ad collem domini, ubi erat statio Philistino-
rum, iam primum peractum, sicut locutus fuerat homo Dei. Et ecce cuneus pro-
phetarum obuius ei, & insiluit super eum spiritus Dei, & prophetauit in medio
eorum. Videntes autem omnes qui nouerant eum heri & nudius tertius, quod ef-
fret cum prophetis, dixerunt ad inuicem, Quænam res accidit filio Cîs? num &
Saul inter prophetas? Hoc quidem non puto habere aliquid quæstionis. Spiritus
enim ubi uult spirat, & spiritum prophetiæ nullarum animarum potest maculare
40 contactus. attingit enim ubique propter suam munditiã: afficit enim omnes nõ
eodem modo, sed alios per informationem spiritus eorundem hominum, ubi re-
rum demonstrentur imagines, alios per fructum mentis ad intelligentiã, alios
utraq. inspiratione: alios etiam nescientes per informationem spiritus duobus
modis: aut per somnia, sicut non solum plerique sancti, sed & Pharaõ & Nabucho-
donosor rex uidit, quod nemo eorum intelligere ualebat, sed tamen uidere uter-
que poterat: aut demonstratione in ecstasi, quod Latini nonnulli pauorem in-
terpretantur, mirum fi. proprie, sed uicine: & tamen cum sit mentis alienatio a
sensibus corporis, ut spiritus hominis diuino spiritu absumptus capiendis atque
intuendis imaginibus uacet, sicut Danieli demonstratũ est, quod non intelligebat,

& Petro

- Mat. 10* & Petro illud uas submissum est de cælo quattuor lineis. nam & ipse, quid illa demonstratio figuraret, postea cognouit. Per fructum autem mentis ad intelligentiam, uno modo cum hæc ipsa quæ demonstrantur in imaginibus, quid significant, & quo pertineant, reuelantur, quæ certior prophetia est. nam magis ipsam uocat apostolus prophetiam, sicut Ioseph meruit intelligere, quod Pharaon non nisi uidere: & Daniel exponit regi, quod ille cernit, & nescit. Cum uero mens ita afficitur, ut non rerum imagines coniecturali examinatione intelligat, sed res ipsas intueatur, sicut intelligitur sapientia & iustitia, omnisq. incommutabilis & diuina species, ad prophetiam non pertinet, de qua nunc agimus. Vtroque autem munere prophetiz donantur, qui & rerum imagines in spiritu uident, & quid ualeant, simul intelligunt: aut certe manifestis locutionibus in ipsa demonstratione informantur, sicut in Apocalypsi quædam exponuntur. Nescientes autem
- Isa. 21* afficit prophetiz spiritus, sicut Caiphas cum esset pontifex prophetauit de domino, quod expediret unum mori pro tota gente, cum aliud in uerbis quæ dicebat, attenderet, quæ non a se ipso dicere nesciebat. Abundant in sanctis libris exempla. Hoc autem uerbo quod positum est, Insiluit in eum spiritus, tamquam ex abdito diuinitatis secreto, repentinus significatur afflatus. Horum igitur modorum quonam potius affectum esse intelligamus Saul, satis apparet ex eo, quod ibi scriptum est, Conuertit Deus in Saul cor aliud. sic enim aliam cordis affectionem significat, quam conuertendo fecit Deus, ut imaginum significantium & præfigurantium capax fieret ad prophetica diuinationem. Tantum autem distat inter prophetiam prophetarum, sicut Isaias, sicut Hieremias, & ceteri huiusmodi fuerant, atque istam transitoriam, quæ in Saul apparuit: quantum distat inter loquelam humanam, cum loquuntur homines, & cum eadem loquela propter necessarium prodigium asina locuta est, in qua sedebat Balaam propheta. accepit enim hoc ad tempus illud iumentum, ut Deus quod statuerat demonstraret, non ut habitu perpetuo bestia loqueretur. Aut si hoc exemplum maiore differentia remotum est, multo minus mirandum est homini reprobo datam fuisse ad momentum temporis affectu transitorio prophetiam, quando ille dederat, qui & asinam, cum uoluit, loqui fecit. magis enim distat pecus ab homine, quam homo reprobus ab electis etiam hominibus. non enim si quisquam dixerit aliquid, quod ad sapientiam pertinet, continuo sapiens existimandus est: sic nec quisquam, si aliquando prophetauit, iam inter prophetas numerabitur, cum & dominus in euangelio dicat, quosdam cum gaudio uerbum excipere, & radices altitudinem non habere, sed esse temporales. Ideoq. sicut consequens indicat lectio, factum est in parabola;
- 1 Reg. 10* Et Saul inter prophetas. Hoc igitur mirari definamus, cum in hominibus apparere diuinitus aliquid, quorum uel meritum uel habitum excedit, cum forte uult Deus cuiusdam significationis gratia tale aliquid demonstrari. Si autem hoc mouet, quod postea Saul malo spiritu inuadente præfocabatur, qui prophetiz prius spiritum acceperat: neque hoc mirandum est. illud enim factum est ex dispensatione aliquid significandi, hoc ex merito uindicandi. Nec mouere nos debent hæc alternantia in animo humano, hoc est in creatura mutabili, præsertim eodem tempore quo caro corruptibilis mortalispq. portatur. Aut non uidemus in ipso Petro quantum indicat euangelium, exiisse tantam confessionem, ut audire meruerit, Beatus es Simon Bariona, quia nō tibi reuelauit caro & sanguis, sed pater meus qui in cælis est?
- Matth. 16* & paulo post tam carnaliter eum de domini passione sensisse, ut statim audiret, Vade post me Satanas, scandalum mihi es. non enim sapias quæ Dei sunt, sed quæ hominum. Et fortasse aliquanto interius intelligentibus tantum ualeat ad illa uisa mentis hæc differentia, qua Petrus intellexit, Deo patre reuelante, quod filius Dei esset

Christus,

Christus, & postea ne moreretur extimuit: quantum ualet ad distinguenda uisa, quæ in spiritu hominis alienata mente imaginariæ fiunt, reuelatio prophetiæ, quæ primo affatus est Saul, & commixtio spiritus mali, quo postea premebatur. *Vn-* *De uisione*
Saul. XII
 gitur post hæc, iubente domino, rex prior a propheta in regnum. qui & ipse quidem, in id quod unctus est, imaginem Christi portauit. unde & beatus Dauid, & ipse Christus nuncupatus, ait ad eum qui se finxerat Saulum occidisse. Quo modo non timuisti iniicere manum tuam in Christum domini? Hinc est quod ab humero sursum Saul supereminebat omnibus: quia caput nostrum sursum est supra nos, quod est Christus. In id autem quod reprobatus postea & reiectus est succedente in regnum Dauid, populi, ut prædictum est, Israel personam gestauit: qui populus regnum adeptum fuerat amissurus, Christo domino nostro per nouum testamentum, non carnaliter, sed spiritaliter regnatura. Filius unius anni erat Saul cum regnare cœpisset, duobus autem annis regnauit super Israel.) Vno anno postquam rex electus est a Samuele, in domestica domo sedens diffimulauit se esse regem, reliquis duobus annis publice iudicauit omnem Israel, tenens obedientiam cum humilitate: & hoc fuit illud tempus antequam mandatum domini transgrederetur in Amalech: reliquo uero tempore quo uixit & imperauit, transgressus mandati domini extitit. Post hæc expectans Saul Samuelem in Galgalis, uidens quod tardaret, obtulit holocaustum. Veniensque Samuel, inter cetera ait ad Saul, Stulte egisti, nec custodisti mandatum domini quod præcepit tibi. quod si non fecisses, iam nunc parasset dominus regnum tuum super Israel in sempternum. sed nequaquam regnum tuum ultra consurget. Quæsiuit sibi dominus uirum iuxta cor suum, & præcepit ei, ut esset dux super populum suum, eo quod non seruaueris quæ præceperit dominus.) Non sic accipiendum est, ac si ipsum Saulem in æternum Deus præparauerit regnaturum, & hoc postea noluerit seruare peccanti, neque enim eum nesciebat, sed præparauerit regnum eius, in quo figura esset regni æterni. Ideo addidit, Et nunc regnum tuum non stabit tibi.) Stetit ergo, & stabit quod in illo significatum est, sed non huic: quia non in æternum ipse fuerat regnatura, nec progenies eius, ut saltem per posteros alter alteri succedentes, uideretur impleri quod dictum est, In æternum. Et quæret, inquit, dominus sibi hominem.) Siue Dauid, siue ipsum mediatorem significans noui testamenti, qui præfigurabatur in chrismate, etiam quo unctus est ipse Dauid & progenies eius. Non autem quasi nesciat ista, sibi hominem Deus quærit, sed hominibus more hominum loquitur, quia sic loquendo nos quærit. non solum enim Deo patri, uerum ipsi quoque unigenito eius, qui uenit quærere quod perierat, usque adeo iam eramus noti, ut in ipso essemus electi ante constitutionem mundi. Quæret sibi, ergo dixit, suum habebit. Vnde in Latina lingua hoc uerbum accipit præpositionem, & Acquirit dicitur, quod satis apertum est quid significet: quamquam & sine additamento præpositionis, quærere intelligatur acquirere: ex quo lucra uocantur & quæstus. Porro faber ferrarius nõ inueniebatur in omni Israel. cauerant enim Philistiim, ne forte facerent Hebræi gladium aut lanceam.) Sicut enim tunc Philistiim cauerant ne forte facerent Hebræi gladium aut lanceam, & ne haberent fabros ferrarios, qui arma ad repugnandum facerent: ita Chaldæi, destructa Hierusalem, & uastata omni terra repromissionis, satagebant ut nullus in ea remaneret artifex, nullus clusor, qui uel sœdata urbis mœnia componere, uel posset refarcire dirupta: quin potius quidquid apud gentem exterminatam artis inuenerant, totum in Babyloniam transferunt, ut uel ad nihilum ultra ualeat, uel illius ciuitatis utilitatibus proficiat. Arma quibus contra diabolum repugnantes, libertatem a domino nobis donatam defendamus, quid sunt

De ieiunio in-
dicto a Saul.
XIII

De praelio Sa-
ul contra Ama-
lech. X III I

sunt alia, nisi eloquia scripturarum, in quibus & ipsius domini, & sanctorum eius exemplis, quo ordine bella uitiorum superari debeant, luce clarius discimus? Sed Philisti filios Israel fabris armorum priuant, cum maligni spiritus animos fidelium a meditatione sacre lectionis, secularia illis negotia inferendo, retardant: ne uel ipsi per huius exercitium resistendi fiduciam sumant: uel alios forte qui legere nesciunt, ad resistendum uitii exhortando aut corripiendo accendant. Tollunt fabros armorum, cum eos, qui sacra eloquia norunt, in tantis sceleribus obruunt, ut dicere bona quæ didicerant, prorsus erubescant. Saul autem post hæc dum pergeret dimicaturus aduersus Philistiim, indixit cuncto exercitui ieiunium, quo-usque reuertentur a praelio: sed Ionathan filius eius uidens supra faciem agri mel, extendit summitatem uirgæ, & intinxit in fauum mellis, & gustauit, & illuminari sunt oculi eius.) Non utique ad uidendum illuminati, quia antea uidebat, sed ad discernendum, quia uetita tetigerat. tunc enim casus ille, sicut & Adam, fecit illum attentum, reddiditque confusum: quo facto admoneremur omnes illecebras uoluptatum in sæculo debere contemnere, qui Deo nitimur militare. non enim potest contra Allophylos spirituales, idest aduersus principes tenebrarum uiribus animi concurrere, qui adhuc huius mundi negligit dulcedinem declinare. mel enim distillant labia meretricis, quod est delectatio uoluptatis carnalis. de quo putatur iuxta mysticos intellectus hunc gustasse Ionathan, & forte deprehensum uix precibus populi liberatum. Iniit iterum Saul praelium aduersus Amalech, interfecit cunctis hostibus ab Euila usque Sur.) Est una Euilath regio, quam circuit fluuius Phison, exiens de paradiso, quæ hodie India uocatur: dicta autem Euilath a quodam nepote Noe. Est & alia Euilath, solitudo contra faciem Aegypti. hæc enim Euila, illa Euilath debet nuncupari. Sur quoque est solitudo inter Cades & Barath, extendens desertum usque ad mare rubrum, & Aegypti cõfinia. Percussum hunc terminum pepercit Agag regi, nec uoluit disperdere omnia iuxta præceptum domini, irasciturque ei dominus. Factum est autem uerbum domini ad Samuel, dicens, Pænitet me quod constituerim Saul regem, quia dereliquit me, & uerba mea opere non impleuit.) Neque enim sicut hominem, ita Deum cuiusquam facti sui pænitet, cuius est de omnibus omnino rebus tam fixa sententia, quam certa præscientia. Nos uero cum de Deo hoc in diuinis scripturis audimus, indignum arbitramur hoc de illo sentire: sed necesse est, ut aliquid dicatur, per quod hoc aliquo modo demonstraretur. Cum uerba omnia quibus humana colloquia conferuntur, illius sempiterna uirtus & diuinitatis mirabiliter atque incunstanter excedat, quidquid de illo humaniter dicitur, quod etiam hominibus aspernabile uideatur, ipsa humana admonetur infirmitas, etiam illa quæ congruenter in scripturis sanctis de Deo dicta existimat, humanæ capacitati aptiora esse, quam diuinæ sublimitati: ac per hoc etiam ipsa esse transcendenda, est sanior intellectus, sicut ista qualicumque modo transcensa sunt. quis est enim hominum, cui non occurrat in Deo cuncta præsciente pænitentiam esse non posse? & certe tamen hæc duo uerba sunt, pænitentia, & præscientia, quorum quia unum congruere credimus Deo, idest præscientiam, negamus in eo esse pænitentiam. Cum uero alius liquidior consideratione ista pertractans quæscierit quemadmodum uel ipsa præscientia Deo cõgruat, & inuenierit huius etiam uerbi notionem illius ineffabili diuinitate longe atque superari, non miratur utrumque de illo propter homines dici potuisse, de quo utrumque propter ipsum incongrue diceretur. quid est enim præscientia, nisi scientia futurorum? Quid est autem futurum Deo, qui omnia tempora supergreditur? si enim scientia Dei res ipsas habet, & non sunt ei futuræ, sed præsentēs, ac per hoc non iam præscientia, sed scientia dici potest: si autem sicut in ordine temporalium creaturarum, ita &

ita & apud eum nondum sunt, quæ futura sunt, sed ea præuenit sciendo: his ergo ea sentit, uno quidem modo secundum futurorum præscientiam, altero uero secundum præsentium scientiam. Aliquid ergo temporaliter accidit scientiæ Dei, quod absurdissimum atque falsissimum est. nec enim potest quæ uentura prænoscat nosse, nisi cum uenerint, nisi bis innotescant, & prænoscendo antequam sint, & cognoscendo cum iam sunt: ita fit ut quod longe a ueritate seclusum est, temporaliter aliquid accadat scientiæ Dei, cum temporalia quæ præsciuntur, etiam præsentia sentiuntur, quæ non sentiebantur. Si uero etiam cum uenerint quæ præsciebantur esse uentura, nihil noui accidet scientiæ Dei, sed manebit illa præscientia sicut erat, etiam
10 priusquam uenirent quæ præsciebantur, quo modo iam præscientia diceretur quando non est rerum futurarum? iam enim præsentia sunt, quæ futura cernebat, & paulo post erunt præterita. Præteritarum autem rerum sicut præsentium, nullo modo potest dici præscientia. Reditur ergo ad id, ut fiat rebus iam præsentibus scientia, quæ eisdem rebus futuris erat præscientia. & cum ea quæ præscientia erat prius, postea scientia fiat in Deo, admittit mutabilitatem, & temporalis est, cum sit Deus, qui uere summeque est, nec ulla ex parte mutabilis, nec ullo motu nouitio temporalis. Placet igitur ut non dicamus præscientiam, sed tantummodo scientiam. Quæ
ramus & hoc quo modo. nõ enim scientiam solemus dicere in nobis, nisi cum sensa & intellecta memoria retinemus, cum meminimus aliquid sensisse nos uel intel
20 lexisse, ut id quod uolumus, recolamus. Quod si ita in Deo est, ut possit proprie dici intelligi & intellexit, sentit & sensit, admittit tempus, & subrepat nihilominus illa mutabilitas, quæ longe a Dei substantia remouenda est, & tamen & scit Deus, & præscit Deus ineffabili modo, sic cum & pænitet ineffabili modo. cum enim scientia Dei longe distet ab humana scientia, ita ut irridenda sit comparatio, utraque tamen scientia uocatur: & hæc quidem humana talis est, ut de illa dicat apostolus, etiam scientia destruetur: quod nullo modo de scientia Dei recte dici potest. sic & ira hominis turbida est, & non sine cruciatu animi: ira uero Dei, de qua dicitur in euangelio, Sed ira Dei manet super eum: & apostolus, Reuelatur enim Dei ira de celo super omnem impietatem: illo in tranquillitate iugiter manente, in crea
30 tura subdita exercet admirabili æquitate uindictam. Misericordiam quoque hominis nonnulla cordis sequitur miseria. Vnde etiam in Latina lingua nomen accepit. Nam inde est etiam, quod non solum gaudere cum gaudentibus, sed etiam flere
40 cum flentibus, hortatur apostolus. Quis autem sano capite dixerit ulla miseria tangi Deum? quem tamen ubique scriptura misericordem esse testatur. Ita zelum humanum non sine peste liuoris intelligimus, zelantem uero Deum non ita, sed eodem uerbo, non eodem modo. Longum est percurrere cetera, & sunt innumerabilia quibus ostenduntur, multa diuina eisdem nominibus appellari, quibus humana, cum incomparabili diuersitate seiuncta sint. Nec tamen frustra eadem sunt rebus utrisque indita uocabula, nisi quia hæc cognita quæ in quotidiana consuetudine uersantur, & experientis usitatoribus innotescunt, nonnulla ad intelligenda illa sublimia præbent uiam. cum enim dempsero de humana scientia mutabilitatem, qua transitus quosdam a cogitatione in cogitationem recolimus, ut cernamus animo quod in contuitu eius paulo ante nõ erat, atque ita de parte in partem crebris recordationibus transilimus, unde etiam ex parte dicit esse apostolus nostram scientiam: cum ergo hæc cuncta detraxero, & reliquero solam uiuacitatem certæ atque
Inconculsæ ueritatis, una atque æterna contemplatione confluantis: imo non reliquero, non enim habet hoc humana scientia, si pro uiribus cogitauero: insinuat
ur mihi utrumque scientia Dei. quod tamen nomen ex eo quod sciendo aliquid non latet hominem, potuit esse rei utrique commune: quamquam & in ipsis ho-
P minibus

Ioh. 3

Rom. 1

Rom. 12

Rom. 2

1 Cor. 13

minibus solet discerni a sapientia scientia, ut etiam apostolus dicit. Alii quidem datur per spiritum sermo sapientie, alii sermo scientie secundum eundem spiritum. In Deo autem non sunt hæc duo, sed unum. & in hominibus quidem ira discerni probabiliter solent, ut sapientia pertineat ad intellectum æternorum, scientia uero ad ea, quæ sensibus corporis experimur. Sed licet alius aliam differentiam profert, nisi tamen diuersa essent, non sic ab apostolo distinguerentur. quod sane si ita est, ut nomē scientie rebus, quas per sensum corporis experimur, deputandum sit, nulla est omnino scientia Dei. non enim Deus per se ipsum ex corpore & anima constat, sicut homo: sed melius dicitur aliam esse scientiam Dei, & nō eiusdem generis, cuius ista est, quæ hominū dicitur: sicut etiam ad ipsum, quod Deus dicitur, longe aliud est, quam quemadmodū est dictum, quod stetit in synagoga deorum: tamen ad non latere quoquo modo pertinet communicatio ipsa uocabuli. sic etiam de ira hominis detraho turbulentum motū, ut remaneat uindictæ uigor, atque ita urcumque surgo ad innocentiam illius, quæ appellatur ira Dei. Item de misericordia si auferas compassionem de eo quod miseraris, participatus es miserie, ut reuaneat tranquilla bonitas subueniendi, & a miseria liberandi insinuat misericordie diuinæ qualiscumque cognitio. Zelum quoque non repudicemus & aspernemur, cum scriptum inuenimus: sed auferamus de humano zelo pallidam talem doloris, & morbidam perturbationē animi, remaneatq. illud solum iudicium, quo corruptio castitatis impunita esse non sinitur, & assurgimus ut incipiamus aliquo modo capere zelum Dei. Quapropter cum legimus etiam Deum dicentem,

Gen. 6

Pœnitent me: consideremus quod id esse soleat in hominibus opus pœnitendi, cum proculdubio reperitur uoluntas mutandi, sed in homine cum dolore animi est. reprobendit enim in se, quod temere fecerit. Auferamus ergo ista, quæ de humana infirmitate atque ignorantia ueniunt, & remaneat solum, uelle, ut non ita sit aliquid, quemadmodum erat. Sic potest aliquantum intimari menti nostræ, qua regula intelligatur quod pœnitent Deum. cum enim pœnitere dicitur, uult non esse aliquid, si cut fecerat, ut esset, sed tamen cum ita esset, ut ita esse debeat, & cum ita esse iam non sinitur, iam non esse debet, ita perpetuo quodam & tranquillo æquitate iudicio, quo Deus cuncta mutabilia incommutabili uoluntate disponit. Sed quo modo præscientiam & scientiam cum laude solemus in hominibus appellare, iramque ipsam solet humanum genus in magnis potestatibus tremere potius, quam reprehendere, congruenter putamus talia dici de Deo. Qui autē zelat, & quem aliquid pœnitet, quoniam uel culpari solet, uel culpam in se corrigere, atque ideo cum reprehensione ista de hominibus dici, propterea mouet, cum legimus esse aliquid in Deo eiusmodi. Sed illa scriptura omnibus cōsulens, propterea magis & ista ponit, ne illa, quæ placent, sic intelligantur in Deo, quo modo cōsueuerunt in hominibus intelligi. per hæc enim quæ displicent, cum ea non uideamus sic intelligere, ut inueniuntur in homine, discimus etiam illa sic querere, quæ apta esse atque conuenientia putabamus. Nam si propterea non est illud de Deo dicendū, quia in homine displicet, non dicamus incommutabilem Deum, quia de hominibus cum reprehensione dictum est, non enim est illis commutatio. Item sunt quædam quæ in homine laudabilia sunt, in Deo autem esse non possunt, sicut pudor, quod ætatum uiridiorum magnum est ornamentum, sicut timor Dei, non tantum in ueteribus libris laudatur, sed apostolus etiam dicit, Perficientes sanctificationem in timore Dei, qui utique nullus in Deo est. Sicut ergo quædam laudabilia hominum recte intelliguntur in Deo, non ita in hominibus, sed uocalibus tantummodo communibus, longe alia ratione & modo. Nam paulo post idem Samuel, cui dixerat dominus, Pœnitent me quod constituerim regem Saul, ipsi Sauli ait de Deo: quoniam

non est

non est sicut homo, ut pœniteat eum. Vbi uidelicet satis ostendit etiam cum dicit Deus, Pœniteat me, non humano more accipiendum esse, sicut iam quantum ualimus disputauius. Veniens autem Samuel ad Saul, ait ad Saul: Sine me, & indicabo tibi quæ locutus sit ad me dominus nocte. Dixitq. ei, Loquere. Et ait Samuel: Nonne cum paruulus esses in oculis tuis, caput in tribubus Israel factus es?

De obiurgatione Samuelis in Saul. XV

- Paruulus in oculis suis est, qui in eo quod semet ipsum considerat, imparem se alienis meritis pensat. Nam quasi grandem se conspicit, quiquis se super aliena merita elatione cogitationis extendit. Saul autem reprobis in bono quod ceperat non permansit, quia fastu susceptæ potestatis intumuit. At contra Dauid semper de sese humilia sentiens, eiusdemq. Saul se cõparatione postponens; postquam ferendi locum reperit & pepercit, eidem sæuienti aduersario humili se professione subtrauit dicens, Quem persequeris rex Israel, quem persequeris? eam enim mortuum, & pulicem inuim. Et certe iam unctus in regem fuerat, iam exorante Samuele, & cornu super se oleo fundente didicerat, quod eum diuina gratia Saul reprobatum ad regni gubernacula possidenda seruabat: & tamen persequenti aduersario mente se humili substernebat, cui diuino iudicio prælatum esse se nonerat. Illi itaque se postponebat humilem, cui per gratiam electionis incomparabiliter se nouerat esse meliorem. Increpans Samuel Saul, cur non audisset uocem domini, sed nersus ad prædam, fecisset malum in oculis domini, parcendo & non interficiendo Amalech, ait Samuel, Numquid uult dominus holocausta & uictimas, & non potius obediatur uoci domini? melior est enim obedientia quam uictimæ, & auscultare magis quam offerre adipem arietum. quoniam quasi peccatum ariolandi est repugnare, & quasi scelus idololatriæ nolle adquiescere. Pro eo ergo quod abiicisti sermonem domini, abiicit te ne sis rex. Obedientia uictimis iure præponitur, quia per uictimas aliena caro, per obedientiam uero uoluntas propria macatur. Tanto igitur quisque Deum citius placat, quanto ante eius oculos repressa arbitrii sui superbia, gladio præcepti se immolat, quo contra ariolandi peccatum inobedientia dicitur, ut quanta sit uirtus obedientiæ demonstraretur. Ex aduerso ergo melius ostenditur, quid de eius laude sentiatur. si enim quasi ariolandi peccatum est repugnare, & quasi scelus idololatriæ nolle adquiescere, sola est quæ fidei meritum possidet, sine qua quisque infidelis conuincitur, etiam si fidelis esse uideatur. Hinc per Salomonem in ostensione obedientiæ dicitur: Vir obediens loquitur uictorias. Vir obediens uictorias loquitur: quia dum alienæ uoci humiliter subdimur, nosmet ipsos in corde superamus. Hinc in euangelio ueritas dicit: Eum qui uenit ad me non eiiciam foras, quia de cælo descendendi, non ut faciam uoluntatem meam, sed uoluntatem eius qui misit me. quid enim si suam faceret, eos qui ad eum ueniunt repulisset? Quis autem nesciat quod uoluntas filii a patris uoluntate non discrepet? Sed quoniam primus homo qui suam facere uoluntatem uoluit, a paradisi gaudio exiuit, secundus ad redemptionem hominum ueniens, dum uoluntatem se patris & non suam facere ostendit, permanere nos intus docuit: cum igitur non suam sed patris uoluntatem facit, eos qui ad se ueniunt, foras non eiicit: quia dum exemplo suo nos obedientiæ subdit, uiam nobis egressionis claudit. Conuersus est autem Samuel ut abiret. Saul autem apprehendit summitatem pallii eius, quæ & scissa est. Et ait ad eum Samuel: Scidit dominus regnum Israel hodie a te, & tradidit illud proximo tuo meliori te. Compellimur iuxta LXX interpretum translationem hanc ponere sententiam, quia multo amplius habetur illicita enim illic scriptum est: Non reuertar tecum, quia spreuisti uerbum domini, & spernet te dominus, ne sis rex super Israel. Et conuertit Samuel faciem suam, ut abiret & tenuit Saul pinnâ diploidis eius, & dirupit eam.

Prouerb. 21

Ioan. 6

Et dixit ad eum Samuel : Disrumpet dominus regnum Israel de manu tua hodie, & dabit proximo tuo bono super te, & diuidetur Israel in duo; & non conuerteretur, neque pœnitebit eum, quoniam non est sicut homo, ut pœniteat eum: ipse minatur & non permanet. Ille cui dicitur, spernet te dominus, ne sis rex super Israel, & disrumpet dominus regnum ab Israel de manu tua hodie, X L annos regnauit super Israel, tanto scilicet spatio temporis, quanto & ipse Dauid, & audiuit hoc primo tempore regni sui, ut intelligamus ideo dictum, quia nullus de stirpe eius fuerat regnaturus, & respiciamus ad stirpem Dauid, unde exortus est secundum carnem, mediator Dei & hominum, homo Christus Iesus. Non autem habet scriptura, quod in plerisque latinis codicibus legitur, Disrumpet dominus regnum Israel de manu tua, sicut a nobis positum est, & inuentum in Græcis. Disrumpet dominus regnum ab Israel de manu tua, ut hoc intelligatur de manu, quod est ab Israel. Populi ergo Israel personam figurate gerebat homo iste. Qui populus regnum fuerat amisurus, Christo Iesu domino nostro per nouum testamentum non carnaliter, sed spiritaliter regnatura. De quo cum dicitur, Et dabit illud proximo tuo, ad carnis cognationem refertur: ex Israel enim Christus secundum carnem, unde & Saul. Quod uero additum est, Bono super te, potest quidem intelligi meliori te, ut quia ille bonus est, ideo sit super te, iuxta illud propheticum, Donec ponam inimicos tuos sub pedibus tuis, in quibus est Israel, cui suo persecutori regnum abstulit Christus, quamuis fuerit illic & Israel, in quo dolus non erat, quoddam quasi frumentum illarum palcarum. Nam utique erant apostoli, inde tot martyres, quorum prior Stephanus, inde tot ecclesie, quas apostolus Paulus commemorat, in conuersione eius magnificantes Deum. De qua re non dubito intelligendum esse quod sequitur, & Israel diuidetur in duo, in Israel scilicet inimicum Christo, in Israel ad ancillam, & Israel ad liberam pertinentem. nam ista duo genera primum simul erant, uelut Abraham adhuc adhæreret ancillæ, donec sterilis per Christi gratiam secundata clamaret, Elice ancillam & filium eius: Propter peccatum Salomonis regnante filio eius Roboam, scimus Israel in duo diuisum esse, atque ita perierasse, habentibus singulis partibus reges suos, donec illa gens tota a Chaldeis esset ingenti uastatione subuersa, atque translata. Sed quid hoc ad Saulem? Si tale aliquid comminandum esset, ipsi Dauid fuerat potius comminandum, cuius erat filius Salomon. Postremo nunc inter se gens Hebræa diuisa non est, sed indifferenter in eiusdem erroris societate dispersa per terras. Diuisio uero illa quam Deus sub persona Saulis, illius populi & regni figuram gerentis, eidem regno & populo comminatus est, æterna atque immutabilis significata est, per hoc quod adiunctum est, Et nō conuertetur, neque pœnitebit eum, quoniam non est sicut homo, ut pœniteat eum: ipse minatur & non permanet, idest, homo minatur & non permanet. Non autem sic Deus, quem non pœnitet sicut hominem. ubi enim legitur, quod pœniteat eum, mutatio rerum significatur, immutabiliter manente præsentia diuina: ubi uero non pœnitere dicitur, non mutare intelligitur. Prorsus insolubilem uidemus per hæc uerba prolata diuinitus fuisse sententiam de ista diuisione populi Israel, & omnino perpetuam. quicumque enim ad Christum tranfierunt, uel transeunt, uel transibunt, inde non erant, nisi secundum Dei præsentiam, non secundum humani generis unam eandemque naturam. Prorsus quicumque ex Israelitis adhærentes Christo, perseuerant in illo, numquā erunt cum Israeliis, qui eius inimici usque in finem uite huius esse persistunt, sed in diuisione quæ hic prænunciata est, perpetuo permanebunt. nihil enim prodest testamentum uetus de monte Sina in seruitutem generans, nisi quia testimonium perhibet testamento nouo. Alioquin quandiu legitur Moyses uelamen supra corda eorum

eorum positum est, cum quisque transferat ad Christum, aufertur uelamen. Transi-
euntium quippe intentio ipsa mutatur de uetere ad nouum, ut non quisque inten-
dat accipere carnalem, sed spiritalem felicitatem. Sumpsit ergo Samuel gladium, &
in frustra concidit Agag. quod faciendo Samuel usque adeo non peccauit, ut non
faciendo peccaret. dominus enim iusserat interfici Amalechitas, qui utique nouit
non solum secundum facta, uerum etiam secundum cor hominis, quid unusquis-
que uel per quem perpeti debeat. Dignus ergo erat Saul cui talia iniungerentur,
arque Amalechitz, ut talia paterentur, qui diuino nomini honorē non dederunt,
sed populum Dei, qui sicco uestigio mare transferunt, interimere uoluerunt. Igi-
tur recedente a Saul domino propter inobedientiam, arreptus est maligno spiritu
a domino, irrueratq. spiritus domini in eo malignus.) Iam uero illud quod etiam
malus appellatus est spiritus domini, sic intelligitur, quo modo dictum est, Domi-
ni est terra, tamquam creatura, & in eius posita potestate. Aut si propterea nō con-
gruit hoc locutionis exemplum, quia terra non est mala, omnis enim creatura Dei
bona est, illud congruat, quod ipse Saul iam reprobus & sceleratus, atque iratus san-
cto Dauid, persecutor etiam eius, cum seuerissimæ inuidiæ facibus agigaretur, tamen
adhuc Christus domini dicebatur: sic eum appellauit ipse Dauid, cum uindicauit
extinctum. Sed magis arbitror malignum spiritum, a quo uexabatur Saul, & ideo
dictum domini, quod occulto iudicio domini Saulē uexabat. utitur enim Deus
ministis, etiam spiritibus malis ad uindictam malorum, uel ad bonorum proba-
tionem, alio modo ad illam rem, alio ad istam. quamuis enim inde quisque sit ma-
lignus spiritus, quia uoluntate nocere appetit, tamen nocendi potestatem non acci-
pit, nisi ab illo sub quo sunt omnia, certis & iustis meritorum gradibus ordinata:
quia sicut non est mala uoluntas a Deo, sic non est potestas nisi a Deo. quamuis
enim sit in cuiusque potestate quid uelit, non est tamen in cuiusque quid possit,
uel facere cuiquam, uel a quoquam pati. nam & ipse filius unicus Dei passurus ad
tempus, humiliter, superbe loquenti homini, & dicenti, quod potestatem haberet
occidendi eum & dimittendi, Non haberes, inquit, in me potestatem, nisi tibi da-
ta esset desuper. Diabolus etiam uolens nocere iusto uiro Iob, nocendi quidem uo-
luntate diabolus erat, sed tamen a domino Deo potestatem petebat dicens, Mitte
manum tuam & tange carnem eius, quamuis & ipse hoc, si permetteretur, esset fa-
cturus. ipsam enim permissionem petebat hoc modo, & manum domini appella-
bat permissam a domino manum suam, id est, ipsam potestatem, quam uolebat ac-
cipere. Cui congruit illud in euangelio, quod dominus discipulis ait: Hac nocte
postulauit satanas uexare uos sicut triticum. Dictus est ergo spiritus Dei ma-
lus, hoc est minister Dei ad faciendum in Saul, quod eum iudex omnipotentissi-
mus pati iudicabat, quoniam spiritus ille uoluntate qua malus erat, non erat Dei,
creatura uero quia conditus erat, Dei erat, potestas autem, quam nō sua, sed domi-
ni omnium æquitate acceperat, Dei erat. Verba etiam ipsa scripturarum ita se ha-
bent: Et perrexit Samuel, & abiit in Ramatha, & spiritus domini recessit a Saul,
& comprehendit eum spiritus malignus a domino, & suffocabat eum. Et dixerunt
pueri Saul ad eū: Ecce spiritus domini malus suffocat te.) Hoc igitur a pueris eius
quo modo fit dictum spiritus domini malignus, superiora uerba indicant narran-
tis scripturæ & dicentis, Spiritus malignus a domino. secundū hoc enim domini,
quod a domino: quia per se ipsum necare uelle habebat, id est cōprehendere Saul:
posse autē non habebat, nisi summa iustitia finiretur. si enim iuste uindicat Deus,
quemadmodum ipse dicit apostolus, cum tradit homines ad concupiscentias cor-
dis eorum, non mirum si nihilo minus iuste uindicans tradit eos etiam in concupi-
scentias aliorum nocere uolentium, sua semper incommutabili æquitate seruata.

Ioh. 19

Luc. 22

De demonio
Sauli. XVI

Animaduertendum sane cum additamento dici, Spiritus domini malus. Cum autem tantummodo dicitur, spiritus domini, etiam si non addatur bonus, ex hoc intelligitur bonus: unde apparet, bonum spiritum secundum substantiam, malum autem secundum ministerium dici spiritum Dei. quamquam quaeri adhuc possit, utrum cum spiritus Dei dicitur, & ex ipso iam, etsi nihil addatur, intelligitur bonus ille, qui est in trinitate consubstantialis patri & filio, spiritus sanctus: de quo dicitur,
 Vbi autem spiritus domini, ibi libertas: & iterum, Nobis autem reuelauit Deus per spiritum suum: & illud, Sic & qui Dei sunt, nemo scit nisi spiritus Dei: & multis hoc modis dicitur spiritus Dei, & intelligitur spiritus sanctus, etiam si non addatur, quoniam ea quae circumstant satis indicant de quo dicatur, ita ut aliquando nec Dei addatur, & tamen intelligatur ille spiritus Dei principaliter sanctus. nam quem alium commemorat ubi dicit, Ipse spiritus dat testimonium spiritui nostro, quia sumus filii Dei, & ipse spiritus adiuuat infirmitatem nostram, & omnia haec operatur unus atque idem spiritus, diuidens singulis prout vult. Et diuisiones donationum idem autem spiritus, in his enim omnibus sententiis nec Dei nec Sanctus est additum, & tamen ipse intelligitur. Sed nescio utrum manifesto aliquo exemplo probari possit, alicubi dictum spiritum Dei sine additamento, ubi spiritus ille sanctus non significetur: sed aliquis quamuis bonus, creatus tamen & conditus, quae enim proferuntur dubia, indigent clariore documento, sicut illud quod scriptum est, Spiritus Dei ferebatur super aquam. nam & ibi spiritum sanctum accipere quid impediatur non inuenio. cum enim aquarum nomine illa materies insinuaretur informis, quae de nihilo facta est, unde omnia fierent, quid prohibet intelligere spiritum sanctum conditoris, qui superferebatur huic materiei non locorum gradibus interuallisque spatiorum, quod nequaquam de ulla re incorporea recte dicitur, sed excellentia & eminentia dominantis supra omnia uoluntatis, ut omnia conderentur: praesertim cum ea locutio, sicut illarum scripturarum mos est, etiam propheticum quoddam sonet mysterium, quo futuri baptismatis ex aqua & spiritu sancto populi praefigurantur. Non ergo cogit quod dictum est, Spiritus Dei ferebatur super aquam, illum intelligere spiritum, sicut nonnulli intelligunt, quod mundi moles uniuersa ista corporea uelut animatur ad ministerium quorumque gignentium, & in sua specie continendarum corporalium creaturarum. creatura est enim quidquid est tale. Illud etiam quod scriptum est, Quoniam spiritus domini repleuit orbem terrarum, non desunt qui eundem spiritum uelint accipere, inuisibilem scilicet creaturam, cuncta uisibilia uniuersali quadam aspiratione uegetantem atque continentem. Sed neque hic uideo quid impediatur spiritum sanctum intelligere, cum ipse Deus dicat apud prophetam, Caelum & terram ego impleo. non enim sine suo spiritu sancto implet Deus caelum & terram. Quid ergo mirum si de spiritu sancto eius dictum est, Repleuit orbem terrarum. Aliter etiam replet sanctificando, sicut de Stephano dicitur, Repletus est spiritu sancto, & de ceteris talibus: aliter replet sanctificante gratia, sicut quosdam sanctos: aliter astante atque ordinante praesentia, sicut omnia. Quam ob rem nescio utrum certo aliquo documento scripturarum possit ostendi, cum sine ullo additamento dicitur spiritus Dei, uel spiritus domini, aliquid aliud significari quam spiritum sanctum. Sed & si est forte quod in praesentiarum non occurrat, illud certe arbitror non temere dici, quoties in sanctis eloquiis commemoratur spiritus Dei, nec additur aliquid, siue ille patri & filio consubstantialis spiritus sanctus, siue aliqua creatura inuisibilis intelligatur, malum autem non posse intelligi nisi addatur etiam malus. malo enim quia bene utitur Deus ad ministerium iudicii sui, appellatur etiam ipse spiritus Dei ad uindictam malorum, & disciplinam uel probationem

- nem bonorum. Nec illud iam mouere nos debet, quod postea scriptum est eundem Saulem spiritu Dei super se facto prophetaſſe, quo modo poſt bonum ſpiritum ſpiritus malus, & rursus poſt malum bonus. hoc enim ſit non mutabilitate ſpiritus ſan-
 cti, qui eſt incommutabilis cum patre & filio, ſed mutabilitate animi humani, Deo cuncta diſtribuente, ſiue malis pro merito damnationis uel emendationis, ſiue bonis pro largitate gratiæ ſuæ: quamquam uideri poſſit etiam idem fuiſſe Dei ſpiritus ſemper in Saul, malus autem illi quod eius ſubſtantię capax non eſſet. ſed non recte hoc uidetur. tutior eſt enim ille ſenſus & uerior, ut pro mutabilitate af-
 fectionis humanę, ſpiritus Dei bonus bene afficiat, uel ad prophetiam, uel ad
 10 opus quodlibet in munere diuino: afficiat autem malus qui propter myſterium diuinę æquitatis omnia diſtribuendis, & omnia recte utentis, dicitur & ipſe ſpi-
 ritus Dei: præſertim quia dictum eſt, Receſſit ab eo ſpiritus Dei, & comprehen-
 dit eum ſpiritus malignus a domo. nullo pacto enim poteſt idem uideri receſ-
 ſiſſe & apprehendiſſe. Porro in nonnullis exemplaribus, & eis maxime quę delin-
 gua Hebręa ad uerbum uidentur expreſſa, inuenitur ſpiritus Dei ſine addita-
 mento poſitus, & intelligitur malus ex eo quod arripiebat Saul, & reſiciebat eum
 Dauid tangendo cytharam. Maniſtum eſt tamen ideo non additum malus, quia
 paulo ſuperius iam dictum erat, & de uicinitate ſcripturę ſubaudiri & intelli-
 20 poterat. ita enim in euſmodi exemplaribus legitur. legitur quodcumque ſpi-
 ritus Dei arripiebat Saul, tollebat Dauid cytharam, & percutiebat manu ſua, & re-
 ſocillabatur Saul, & leuius habebat. recedebat enim ab eo ſpiritus malus. Siue
 ergo quod dictum hic non eſt, Spiritus Dei, ſed tantummodo ſpiritus malus;
 quod ibi minus dictum erat, tamquam redditum apparet: ſiue quia ſuperius ita
 poſitum erat, Et dixerunt ſerui Saul ad eum, Ecce ſpiritus Dei malus exagitat te;
 iubeat dominus noſter, ut ſerui tui qui coram te ſunt, quærant hominem ſcien-
 tem pſallere cithara, ut quando te arripuerit ſpiritus Dei malus, pſallat manu ſua,
 & lauius ſeras. Non opus erat, cum rursus diceretur, Quodcumque ſpiritus Dei
 arripiebat Saul, addere Malum, quia notum erat de quo tunc diceretur. Itaque
 Saul propter inobedientiam reprobato, mittit dominus Samuel ad Iſai, & ſum-
 30 pto cornu olei, unxit in regem Dauid: Sed uideamus Dauid quo modo Chriſtum
 propheticę ſignauerit. Dauid enim interpretatur Manu fortis, ſiue deſiderabi-
 lis. Ecquid fortius leone illo de tribu Iuda, qui uicit mundum, ecquid deſidera-
 bilis illo, de quo dicitur, Veniet deſideratus cunctis gentibus. Vngitur iſte Da-
 uid in regem futurum, denunciāns per unctiōem illam Chriſtum. Chriſtus enim
 a chriſma appellatur. Dauid ab officio paſtorali ad hominum regimen transfer-
 tur, noſter autem Dauid ipſe Ieſus ab ouibus Iudaicę plebis ablaſus, in regno
 gentium tranſlatus eſt. a Iudęa enim plebe modo Chriſtus ablaſus eſt, unde nunc
 gentium greges paſcit. Erat autem Dauid in canticis muſicus eruditus. diuerſo-
 rum enim ſonorum rationabilis moderatusq. conſentus, concordie uarietate com-
 40 paſſam ordinatę eccleſię inſinuat unitatem, quę uariis modis quotidie reſonat,
 & ſuauiſſime myſtica modulatur. Iſte adhuc puer in cythara ſuauiſſime, immo fortiter
 canens, malignum ſpiritum qui operabatur in Saule, comprehenſit, non quod cy-
 tharę illius tanta uirtus erat, ſed figura crucis Chriſti, quę de ligno & extenſio-
 ne neruorum myſtice gerebatur, ipſaq. paſſio cantabatur, in hoc tribuens morali-
 ter exemplum, ut ſaſtum diuinitus ſermone humili ad aliquod bonū prouocemus.
 Plerumque enim ſuperbus diues exhortationis blandimento placandus eſt, quia
 & plerumque dura uulnera per lenia fomenta molleſcunt, & furor inſanorum ſæpe
 ad ſalutem medico blandiente reducit. Cumq. eis in dulcedine condeſcenditur,
 languor inſaniæ mitigatur. neque enim negligēter intueđum eſt, quod cū Saulem
 ſpiritus

*De unctiōe
 Dauid. XVII*

*De certamine
David & Go-
lia. XVIII*

spiritus aduersus innaderet, apprehensa Dauid cithara eius uesania mitigabat. quid enim per Saulem nisi elatio potentium, & quid per Dauid innuitur nisi humilis uita sanctorum. Cum ergo Saul ab immundo spiritu arripitur, Dauid canente eius uesania temperatur: quia cum sensus potentium per elationem in furorem uertitur, dignum est ut ad salutem mentis quasi dulcedine citharæ, locutionis nostræ tranquillitate reuocetur. Post hæc Dauid in prælio gigantem superauit, cum aduersus populum Dei alienigenæ dimicarent. Prouocauit diabolus Christum, ac cepit arma bellica sanctus Dauid, ut aduersus Goliath procederet. Hic arma per ætatem & paruam staturam corporis portare non ualuit, abiecit onerantia, accepit quinque lapides de flumine, & posuit in uase pastorali. his armatus processit & uicit. Hoc quidem ille Dauid. Sed si mysteria perscrutemur, in Dauid Christus intelligitur, qui tempore reuelationis noui testamenti, insinuandæ & commodandæ gratiæ præuidens arma deposuit, quinque lapides tulit. Deposuit ergo corporalia sacramenta legis, quæ non sunt imposita gentibus. Deposuit quæ non obseruamus, quia ueterem legem legimus, & nõ obseruamus, sed tamen ad aliquam significationem præmissa & posita intelligimus. Denique hæc arma deposuit tamquam onera sacramentorum ueteris legis, & ipsam legem accepit. quinque enim lapides, quinque libros Moyse significant. Tulit ergo illos quinque lapides de flumine, idest, de sæculo. labitur enim mortale sæculum, & præterfuit quidquid uenit in mundum. erant enim in flumine tamquam in populo illo primo lapides, erant illic inutiles & uacabant. nihil proderant, transiebant sicut fluius. Sed quid fecit Dauid, ut lex ipsa utilis esset? accepit gratiam. lex enim sine gratia impleri non potest. plenitudo enim legis caritas. Quia ergo gratia facit impleri legem, significatur gratia lacte. hoc enim est in carne gratuitum, ubi mater non quærit accipere, sed satagit dare. Hoc mater gratis dat, & contristatur si desit qui accipiat. Quo modo ergo ostendit Dauid legem sine gratia operari non posse, nisi cum illos lapides quinque, quibus significabatur lex in libris quinque, quos coniungere uoluit gratiæ, posuit in uase pastorali, quo lac mulgere consueuerat? His armatus processit aduersus Goliath superbum, quæ iactantem, de se præsumentem, tulit unum lapidem, & deiecit diabolum: in frontem percussit, & cecidit ex eo loco corporis, ubi signum Christi non habuit. Hoc quoque licet attendas. Quinque lapides deposuit, unum misit. Quinque libri legis sunt, sed unitas uicit. plenitudo enim legis caritas, ut ait apostolus, Sufferentes inuicem in dilectione, studentes seruare unitatem spiritus in uinculo pacis. Deinde illo percusso atque deiecto, gladium eius abstulit, & deinde illi caput absceidit. Et hoc facit noster Dauid. Deiecit diabolum de suis, qui credunt magis ei, quos ille in manu habebat, & de quibus certas animas trucidabat. Conuertunt linguas suas contra diabolum, & sic Goliath de gladio suo caput inciditur. Conuenit etiam & hoc illi uiro, qui recta fide plenus, quæ sanctis solet ad iustitiam depntari, cum ea ipsa scripturæ sacræ, quam hæreticus assert, testimonia colligit, & erroris eius pertinaciam inde conuincit. contra nos namque dum sacræ legis testimonia apportant, secum nobis afferunt unde uincantur. Vnde & Dauid typum domini, qui uidelicet manu fortis interpretatur, Goliath uero hæreticorum superbiam signans, hoc rebus locuti sunt, quod nos uerbis aperimus. Goliath quippe cum gladio, Dauid uero cum uirga pastorali uenit ad prælium: sed eundem Goliath Dauid superans, suo occidit gladio. Quod nos quoque agimus, qui præmissi Dauid membra ex eius fieri dignatione meruimus. nam cum superbientis hæreticos, & sacræ scripturæ sententias deferentes, eisdem uerbis atque sententiis, quas proferunt, uincimus, quasi elatum Goliath suo gladio detruncamus.

Interca

De eo quod
Saul pro C.
præputijs Phi-
listæorum Dau-
uid generum
acquisiuit. XXI

Interea uictoria David animum Saul regis offendit, Indignans quod Saul in mille, & David in decem millibus, conclamantium publicæ gratulationis ora insonarent. Hinc inuidia Saulis & semen odiorum aduersus David, quem dissimulato callidus, ut sine insidijs suis posset offerre discrimini, statuit cum Michol filiz sue nuptijs alligari, si centum sibi Allophylorum præputia uictor offerret, pro quibus centum ducenta dedit. Et unde creditus est regio perire uoto, inde auctus est gloriosiori trophæo. Ita & Iudæi dum contra uoluntatem Dei Christum occidere egerunt, per id salutem gentium attulit, & sic denuo filiz Saul nuptus hæsit, significabat quod Christus non prius synagogam connubio suo sponderet, nisi ante gloriosus in gentibus fieret. prius enim in nationibus rescauit carnis pollutionem, & postea copulatus est synagoga. postquam enim, sicut scriptum est, introierit plenitudo gentium, tunc omnis Israel saluus fiet. Dupla autem, idest, C C præputia attulit, siue pro Iudæis & gentibus acquisitis, siue quia maior est numerus acquisitionis populi gentium, quam credentium Iudæorum. Auxit deinde odium Saul aduersus David in tantum, ut rex ad medellam sui spiritus David de more psallentem iaculo conaretur configere. Sed quid est quod dum Saulem spiritus aduersus inuaderet, apprehensa David cithara, eius uesaniam mitigabat? per Saulem enim Iudæorum elatio, per David autem humilitas Christi significatur. Cum ergo Saul ab immundo spiritu arripitur, David canente, eius uesania temperatur: quia cum sensus Iudæorum per blasphemiam in furem uertitur, dignum est ut ad salutem mentes eorum quasi dulcedine citharæ locutionis euangelicæ tranquillitate reuocentur. Mittit Saul custodes ad domum David, ut custodirent eum, & interficeretur, abscessit autem David nocte, & fugit, atque saluatus est. cumq. uenissent nuncii Saul, inuenerunt statuam in leuæio David positam, & pellem pilosam caprarum ad caput eius.) Audiamus ergo quid hoc significet, quod miserit Saul ad custodiendam domum David, ut eum interficeret. Hoc non ad crucem domini, sed tamen ad passionem eius pertinet: crucifixus enim Christus, & mortuus & sepultus est. Erat ergo illa sepultura tamquam domus, ad quam tamquam ad custodiendum misit regnum Iudæorum, quando custodes adhibiti sunt sepulcro Christi. Quo modo ergo custodita est domus, si David figurabat Christum, ut Christus interficeretur, dum non in sepultura Christus, sed in cruce sit interfectus? Refertur ergo ad corpus Christi, quia interficere Christum, erat tollere nomen Christi. neque enim crederetur in Christum, si mendacium præualeret custodum, qui corrupti sunt ut dicerent, quia dormientibus nobis uenerunt discipuli eius, & abstulerunt eum. Hoc est itaque uelle Christum interficere, nomen resurrectionis eius extinguere, ut mendacium euangelio præferretur. Sed sicut illud non ualuit Saul, ut interficeret David, sic nec hoc potuit regnum Iudæorum efficere, ut memoriam Christi deleteret. Isti autem qui de Saul uirtute, idest, de regno Iudæorum in Christum præsumere uoluerunt, offenderunt lapidem offensionis tamquam in statuam, & hædus uisus eis erat agnus, quia in quo peccatum nō inuenerunt, quasi peccatorem persecuti sunt. Igitur David regiz manus ictum euitans, eiusq. persecutionem declinans fugit, uenitq. ad Samuelem, & misit Saul nuncios qui apprehenderent David. Samuel autem erat inter prophetas, & cœtus prophetarum, qui illo tempore prophetabant. Nuncii autem qui missi sunt accepto eiusdem spiritu prophetauerunt, missiq. alijs hoc contigit, & tertijs nihil ominis. Postea uero cum & ipse Saul uenisset, factus est super eum spiritus domini, & ambulabat ingrediens & prophetabat.) Non enim potest hic nisi spiritus bonus intelligi, per quem sancti prophetæ futura

rum

Rom. ix

De fuga Da-
uid. XX

De fuga Da-
uid ad Samue-
lem. XXI

rum rerum imagines & uisa cernebant, non ex eo tantum quia dictum est, & prophetabat. nam in exemplaribus quæ sunt ex Hebræo hoc quoque inuenitur de spiritu malo dictum ita. Post diem autem alterum inuasit spiritus Dei malus Saul, & prophetabat in medio domus suæ. Et in aliis scripturarum locis sæpe inuenitur, quod prophetia non tantum bona, sed & mala dicitur, & prophete dicti sunt Baalim, & exprobratum est quibusdam qui prophetabant in Baal. Non ergo propterea necesse est intelligi, bonus spiritus, qui factus est postea super Saul, quia dictum est, & ambulabat ingrediens & prophetabat: sed quia sine additamento positum est, & factus est Dei spiritus super eum. non enim sicut in illo loco dictum erat supra Dei spiritus malus, ut ex hoc posset & in consequentibus subaudiri, quinimo superiora magis magisque attestantur, illum spiritum Dei bonum fuisse & uere propheticum. David enim erat cum Samuele, & misit Saul nuncios qui apprehenderent David. Quo modo autem Samuel erat inter prophetas & ceteros prophetarum, qui illo tempore prophetabant, & nuncii qui missi sunt, accepto ab eodem spiritu prophetauerunt, missisque aliis hoc contigit, & tertiis nihilo minus? Postea cum & ipse Saul uenisset, factus est & super eum spiritus Dei, & ambulabat ingrediens & prophetabat. cum enim dicitur, factus est & super ipsos spiritus domini, & prophetabant & ipsi, idem utique spiritus erat, qui erat in prophetis. inter quos & Samuel inuentus est. & ex hoc utriusque necesse est intelligi illum spiritum bonum: atque ideo questio diligenter discutienda est, quo modo & illi cum missi essent ad tenendum hominem, & ad necem ducendum, tali spiritu affici meruerunt: & Saul ipse, qui miserat ueniens & ipse, & sanguinem innocentem querens effundere, accipere meruit spiritum illum, & prophetare. Hic nimirum illud occurrit, quod apostolus Paulus exponit, supereminentem uiam demonstrans. Si linguis hominum, inquit, loquar & angelorum, caritatem autem non habeam, factus sum uelut æramentum sonans, aut cymbalum tinniens. Et si habuero prophetiam, & sciero omnia sacramenta, & omnem scientiam, & si habuero omnem fidem, ita ut montes transferam, caritatem autem non habeam, nihil sum: & si distribuero omnem substantiam meam, & si tradidero corpus meum ut ardeam, caritatem autem non habeam, nihil mihi prodest. Quo in loco manifestum est, eum munera illa commemorasse, quæ sancti spiritus diuisionibus dantur, sicut superius dicit. Vnicuique autem datur manifestatio spiritus, ad utilitatem. Alii autem datur per spiritum sermo scientiæ, alii sermo sapientiæ, secundum eundem spiritum, alteri autem fides in eodem spiritu, alii donatio curationum in uno spiritu, alii operatio uirtutum, alii prophetia, alii diiudicatio spirituum, alii genera linguarum. Omnia autem hæc operatur unus atque idem spiritus, diuidens propria unicuique prout uult: Satis igitur apparet inter dona spiritus sancti esse prophetiam, quam tamen si quis habeat & caritatem non habeat, nihil est. Ex quo intelligitur, fieri posse, ut quidam etiam indigni uita æterna regnoque celorum aspergantur quibusdam spiritus sanctis muneribus, non habentes caritatem, sine qua illa munera nonnihil sunt, sed illis nihil profunt. Prophetia quippe sine caritate, sicut iam demonstratum est, non perducit ad regnum Dei. Caritas uero sine prophetia ntique perducit. cum enim loquens de membris Christi ait, Numquid omnes apostoli, numquid omnes prophetæ, indubitanter ostendit, etiam cum qui prophetiam non habet, posse in membris Christi numerari, ubi quem locum haberet sine caritate, sine qua homo nihil est, si non habet? Nullo modo autem ita diceret, quando de membris agebat, quibus corpus Christi impletur, numquid omnes habent caritatem, quemadmodum dicit, numquid omnes apostoli, numquid omnes prophetæ,

phetæ, numquid omnes uirtutes, numquid omnes dona habent curationum? Et cetera huiusmodi. Sed dicit aliquis posse quidem fieri, ut prophetiam quisque non habeat. Nihil est homo habens prophetiam, sine caritate. Ita fortasse quemadmodum possumus dicere, nihil esse hominem habentem animam sine mente: nõ quia potest inueniri homo, qui mentem non habeat, habens animam, sed quia nihil esset, si inueniri posset: sic etiam dici potest corpus, si figuram habeat, colorem non habeat, nihil esse domum potest, non quia est corpus, cui desit color, sed quia, si desset, cerni non posset. Ita fortasse dictum est, quod si quisque habeat prophetiam, & caritatem non habeat, nihil est: non quia potest in quoquam esse prophetia sine caritate, sed quia, si esset, prodesse non potest. Opus igitur est ad soluendum istam questionem, ut ostendamus aliquem reprobum hoc donum habuisse prophetiæ. Quod si neminem inueniremus, hoc iste ipse Saul satis ostenderet. Sed tamen & ille Balaam reprobus apparet. non enim cum tacet scriptura diuino iudicio esse damnatum, & tamen prophetiam habebat: quia ei caritas deerat, inerat uoluntas maledicendi populo Israhelico, quam hostis perio comparauetat, qui cum ad maledicendum mercede conduxerat. Dono tamen ille prophetizandi, quo aspergebatur, bene dicebar inuitus. nec illa uerba parum adstantur huic sententiæ, quæ in euangelio scripta sunt, multos dicturos in illa die, Domine domine, in nomine tuo manducauimus & bibimus: & in nomine tuo prophetauimus: in nomine tuo multas uirtutes fecimus. Quibus tamen dicturus est, Non noui uos, recedite a me operarii iniquitatis. non enim eos mentientes putabimus ista dicturos in illo iudicio, ubi nullus erit fallendi locus: aut ullam uocem talium legimus, dicentium, Dileximus te. Poterunt ergo dicere, In nomine tuo prophetauimus, cum sint improbi & reprobi, non autem poterunt dicere, dilectionem, quam mandasti, tenuimus. nam si dicant, tunc eis respondebitur, Non noui uos. In hoc enim cognoscitur, inquit, quia discipuli mei estis, si uos inuicem diligatis. Exemplum itaque huius Saul resistit superbis nonnullis hæreticis, qui uel aliquid boni de muneribus sancti spiritus negant posse dari eis, qui ad sortem sanctorum non pertinent, cum eis dicimus habere posse illos baptismi sacramentum. quod, cum ad ecclesiam catholicam ueniunt, non est in eis ullo modo uiolandum, aut, quasi non habeant, tradendum. sed tamen eos non ideo saluti debere confidere, quia non improbamus quod illos accepisse concedimus, sed oportere cognoscere unitatis societatem uinculo caritatis inuicem, sine qua omnino quidquid habere potuerunt, quamuis per se sanctum atque uenerandum, ipsi tamen nihil sunt, tanto indigniores effecti præmio uitæ æternæ, quanto illis donis non bene usi sunt, quæ in hac uita, quæ transitura est, acceperunt. Non autem bene nititur nisi caritas, & caritas omnia tolerat, atque ideo non scindit unitatem, cuius ipsa est fortissimum uinculum. non enim & seruus ille non accepit talentum, aut aliquid aliud intelligitur talentum, quam munus utique aliquod diuinum. Sed qui habet dabitur ei, qui autem non habet, & quod habet, auferetur ab eo. Quod non habet, auferri non potest, sed aliud non habet, ut merito auferatur quod habet. Non habet caritatem utendi, ut auferatur quidquid aliud habet, quod sine caritate non prodest. Non igitur mirum regem Saul & eo tempore, quo primum unctus est, accepisse spiritum prophetandi, & postea cum esset propter inobedientiam reprobatus, recedente ab eo spiritu Dei, arreptum esse maligno spiritu a domino: qui etiam ipse spiritus domini appellatus est propter ministerium, quia omnibus & spiritibus malis beneditur dominus, uel ad damnationem quorundam, uel ad probationem: & quamuis non sit malignitas a Deo, non est tamen potestas nisi a Deo. Dictum est etiam, Sopor domini, qui occupauerat eiusdem Saul milites, cum

Math. 7

Luce 13

Joan. 13

Luce 8

Dauid

Dauid hastam & cyphum abstulisset, a capite dormientis: non quia tunc sopor in domino erat, ut ipse dormiret, sed quia ille sopor qui tunc homines adprehenderat, nutu Dei erat infusus, ne Dauid & serui eius in eo loco praesentia sentiretur. Neque illud mirum est, rursus eundem Saul accepisse spiritum prophetiae cum persequeretur iustum, & eum comprehensurus & necaturus uenisset in locum ubi erat congregatio prophetarum. sic enim satis demonstratum est, neminem de tali munere securum esse debere, tamquam sit acceptissimus Deo, si non habeat caritatem: quandoquidem illud donum, & Sauli dari potuit, propter arcanum quidem alicuius sacramenti, sed tamen dari potuit reprobato & inuido & ingrato & reddenti mala pro bonis, & ne post ipsam quidem acceptionem spiritus cor
 10 recto in melius & mutato. luit autem Ionathas ad Dauid, quem in persecutionibus patris sui non iustis dolebat fatigari. Si uixero, facies mihi misericordiam domini: si autem mortuus fuero, non auferes misericordiam tuam a domo mea usque in sempiternum, quando eradicauerit dominus inimicos Dauid unumquemque de terra. Cum adiungeret scriptura, Pepigit ergo foedus Ionathas cum domo Dauid, continuo subintulit dicens, Et requisituit dominus de manu inimicorum Dauid. Per anticipationem utique fecit, prius historiae interserendo, quod multo post tempore factum est, cum interfecto Saule, regnum ad domum Dauid translatum est, & qui innocentem eum iniuste persequabantur, iuste sunt diuinitus ultione mulcati. tunc enim requisituit dominus de manu inimicorum
 20 Dauid, quare uirum sanctum afflixerint: tunc cogeantur rationem reddere odiorum, quibus contra illum tanto tempore seuerant. Quod & de Absalon, & de Seba filio Bochri, & de ceteris hostibus Dauid aequae potest intelligi. Aliter. Si scire uis quid de manu inimicorum Dauid requisierit dominus, potes ni fallor a superiore sententia, qua dictum est, quod foedus pepigerit Ionathas: requisituit enim, quare non & ipsi foedus cum eo pacis inire uoluerint, cum quo esse dominum uiderunt. Idcirco autem scriptura hic sententiam hanc praecupando interponere uidetur, ut testimonium Ionathae quo dixerat, quando eradicauerit dominus inimicos Dauid unumquemque de terra: non ipso Dauid se de aduersariis ulciscente, sed iudicante domino pro illo. Bene autem subiungitur, Et addidit Ionathas iurare Dauid, eo quod diligeret illum, Sicut animam enim suam
 30 ita diligebat eum: ut ille nimirum qui tam perfecto iuxta legem Dei amore complectebatur Dauid, a perditione inimicorum eius uideretur immunis, qui & si sit ita morte praecceptus, ut regnum cum eo, ut sperabat, habere nequisset commune, absque ulla tamen contradictione regni caelestis consortium cum eo, quem pro gloria uirtutum tantopere dilexit, cum esset & ipse uir uirtutum, accepit. Surrexit itaque Dauid iterum, ut fugeret in die illa a facie Saul, uenitque ad sacerdotem Abimelech, a quo & gladium Goliath sustulit, & panes propositionis accepit. Ex qua re & sacerdoti mortem intulit, & animaduersionem religiose ciuitati. Hae itaque gestorum fides est. Sed quantum ad sacramentum prophetiae pertinet, in Christo domino nostro impletum est, qui positus in carne, dum infestationem declinaret Iudaicam ad apostolos transit, cum quibus & desideratam sibi cibum
 40 sumpsit. Desiderio enim inquit desideravi hoc pascha manducare uobiscum. ex quibus Goliath, idest, diaboli arma sustulit, fortis enim spolia ipse diripuit. His ergo a quibus receptus est Christus, tribulationes induxit diabolus, & mortem. Omnes enim, ut ait apostolus, qui in Christo pie uolunt uiuere, persecutiones patiuntur. Et dominus ait, Si me persecuti sunt, & uos persequentur. Quod uero dominus in euangelio Abiathar principem sacerdotum Abimelech appellat, nihil habet dissonantiae. ambo etenim fuerunt illic, cum ueniens Dauid
 panes

De foedere Dauid & Ionathae. XLI

De adultero Dauid ad Abimelech. XLII

Luc. 22

2 Timoth. 3
Ioan. 15

- panes petiit & accepit : Abimelech uidelicet princeps sacerdotum, & Abiathar filius eius. Occiso autem Abimelech a Saule cum uiris domus suæ generis sacerdotalis LXXV fugit Abiathar ad Dauid, & comes factus totius exilii eius postea regnante eo summi sacerdotii gradum & ipse accepit, ac toto tempore regni illius in pontificatu perseverans, multo maioris excellentiæ, quam pater suus effectus est, ideoq. dignus fuit, cuius memoriam dominus etiam uiuente patre, quasi summi sacerdotis faceret. In Doeck autem Idumæo qui sacerdotes domini prodidit, ludæ proditoris persona signatur, per quem ista operatus est diabolus, ut eius proditione facta in Christo persecutione postea ecclesia
- 10 pateretur, & occiderentur multi discipuli & sacerdotes, & pro nomine eius persecutionis exitia paterentur. Quidam dicunt Doeck antichristum significasse, cuius membrum Iudas exiitit: quia sicut ille sacerdotes LXXX peremit, sic & iste martyres, qui fidem resurrectionis tenent, sit occisurus. Interea Dauid cum fugeret Saul, latere uoluit apud regem quandam Geth nomine Achis: sed cum gloria eius fuisset commemorata, ne per liuorem rex, ad quem fugerat, aliquid in eum machinaretur, finxit insaniam, & quasi furore correptus, mutauit os suum, desuebantq. saluæ in barbam eius, collabebaturq. in manibus eorum, & procidebat ad Ostia portæ. Et dixit Achis rex ad seruos suos. Quid huc mihi adduxistis istum? Numquid deerunt nobis furiosi? Et sic eum dimisit.
- 20 Achis interpretatur Quo modo est, per quod significatur ignorantia, & uerbum mirantis, & non agnoscens: quod in gente ludæorum impletum est, qui dum uiderunt Christum non agnouerunt, coram quibus mutauit os suum, & abiit. erant enim præcepta legis carnalia, erat sacrificium secundum ordinem Aaron, & postea ipse de corpore & sanguine suo instituit sacrificium secundum ordinem Melchisedech. Mutauit ergo os suum in sacerdotio, mutauit in præceptis, dans aliud testamentum euacuata carnali operatione: atque inde collapsus est in manibus eorum, quando eum comprehendentes crucifixerunt: & procidebat ad Ostia portæ, hoc est, humiliabat se, hoc est procidere ad ostium fidei nostræ. Ostium enim portæ initium fidei, inde incipit ecclesia, & peruenit usque ad speciem, ut cum credit ea quæ non uidet, mereatur perfrui cum ea uideret faciem ad faciem coeperit. Quod uero in illo quasi furore saluæ decurrebant super barbam eius, apostolus hæc aperit dicens: ludæi signa petunt, & Græci sapientiam querunt, nos autem prædicamus Christum crucifixum, ludæis quidem scandalum, gentibus autem stultitiam, ipsis uero ludæis uocatis & Græcis Christum Dei uirtutem, & Dei sapientiam, quia quod stultum est Dei, sapientius est hominibus, & quod infirmum est Dei, fortius est hominibus. Saluæ enim significant infirmitatem, sed quod infirmum est Dei, fortius est hominibus: non tantum saluæ attendantur, sed attende quod super barbam decurrunt, quo modo enim in saluius infirmitas, sic in barba uirtus ostenditur. Texi
- 30 ergo uirtutem suam corpore infirmitatis suæ, & quod forissecus infirmabatur tamquam in salua apparebat, intus autem diuina uirtus tamquam barba tegebatur: De hinc in eremo Engaddi cum persequendum Dauid Saul appeteret, ingressus est Dauid in speluncam, & ibi larebat. Sed & rex improuvis exceptus insidiis, quod innocuo moliebatur inciderat. scriptum est enim: Qui fodit foueam, incidet in eam. Dauid autem bona pro malis retribuens inimicum non occidit, sed pro testimonio oram clamydis regis abstulit, cum facilius esset exceptum insidiis aduersarium perdere magis quam fallere. Quid ergo est quod iste fugiens a facie Saul in spelunca latuit? Quare autem latuit? nisi ut occul-
- 40 taretur,

De fuga Dauid ad Achis.
XXIII

1. Cor. 1

Quod in spelunca Dauid Saulis Chlamydē abscondit
XXV

taretur, & non inueniretur. Quid est contegi spelunca, nisi contegi terra? qui enim fugit in spelunca, terra tegitur ne uideatur. Portabat autem terram Iesus carnem quam acceperat de terra, & in ea se occultabat, ne a Iudæis inueniretur Deus. si enim cognouissent, numquam dominum gloriæ crucifixissent. Quare ergo dominum gloriæ non inuenerunt? Quia in spelunca se texerat, idest, carnis infirmitatem solum obiciebat, & maiestatem diuinitatis corporis tegmi ne tamquam speluncæ abdito contegebat. Illi ergo non cognoscentes persecuti sunt hominem, nec mori potuit nisi in homine, nec crucifigi potuit nisi in homine, quia nec teneri potuit nisi in homine. Opposuit ergo male quærentibus terram, seruauit bene quærentibus uitam. fugit ergo secundum carnem in speluncam a facie Saul, quia passus est, usque adeo se occultans Iudæis, ut moretetur. Sed quare usque ad mortem uoluit esse patiens, ut fugeret a facie Saul in speluncam? Etenim spelunca inferior pars terræ potest accipi. & certe quod manifestum est, & notum omnibus, corpus eius in monumento positum est, quod erat excisum in petra. Hoc ergo monumentum spelunca erat, illuc fugit noster Dauid a facie Saul. tamdiu enim persecuti sunt illum Iudæi, quoadusque poneretur in spelunca. Sed quid est quod Saul persecutor ad purgandum uentrem speluncam ingreditur, nisi quod Iudæi in Christum conceptam mentis malitiam, quasi odorem foetidum emisissent, & cogitata noxia factis deteriori-
bus, dum Christum perimunt, ostenderunt. sed tamen Dauid Saulem occidere
noluit, & cum eum in abdito occultatus antro haberet in potestate, seruare po-
tius quam occidere maluit: ita & Christus dum esset in spelunca carnis, persecu-
torem populum in potestate habuit, & non occidit. Scriptum enim erat de his
per prophetam, Ne occideris eos. Tamen denique Dauid summatatē chlamydis
eius silenter abscidit, ut ostenderet prophetia Christum Iudæos non occidisse, sed
tamen eius regni gloriam abstulisse, sicque eos persecutione sua uacuos sede, uel
imperio reliquisse: chlamydis enim abscisio, regni est amputatio. In eo autem
quod tantum ueneratus est Saul ipse Dauid, ut percusso corde pæniteret, quan-
do in tenebroso occultatus antro, quo etiam Saul urgente intrauerat necessita-
te naturæ, exiguum particulam uestis eius retrorsum latenter abscidit, ut habe-
ret unde monstraret quo modo ei pepercerit, cum posset occidere, atque ita sus-
picionem de animo eius, qua sanctum Dauid putans inimicum suum uehement-
er persequebatur, auferret: futuri regni erat umbra in æternitate mansuri. Oleū
quippe illud quo unctus est pro charismate, ab eo Christus est dictus. Ne itaque
reus esset tanti sacramenti in Saule uolati, quia uel indumentum eius sic attre-
tauit, extimuit. ita enim scriptum est, Et percussit cor Dauid super eum,
quia abstulit pinnam chlamydis eius. Viri autem qui cum illo erant, ut Saulem
in manus suas traditum interimeret, suadebant. Non mihi, inquit, contingat
a domino, ut faciam uerbum hoc domino meo Christo domini, inferre manum
meam super eum, quia Christus domini hic est. Huic ergo umbræ futuri non
propter ipsam, sed propter illud quod præfigurabat, tanta ueneratio exhibeba-
tur. Moraliter uero quid per Saul nisi mali rectores, quid per Dauid nisi boni
subditi designantur? Saul igitur uentrem purgare, est prauos Præpositos concep-
tam in corde malitiam usque ad opera miseri odoris extendere, & cogitata apud
se noxia factis deterioribus exsequendo monstrare. Quem tamen Dauid
ferire metuit, quia subditorum mentes ab omni se peste obreftationis abstinen-
tes, Præpositorum uitā nullo linguæ gladio percutiunt, etiam cum de imper-
fectione reprehendunt. Qui & si quando propter infirmitatem sese uiuē abstinere
possunt,

possunt, ut extrema quædam atque exteriora Præpositorum mala, sed tamen humiliter loquantur, quasi oram clamydis silenter incidunt: quia uidelicet dum prælatæ dignitati saltem innoxie & latenter derogant, quasi regis superpositi uestem fœdant. Sed tamen ad semet ipsos redeunt, seq. uehementissime uel de tenuissima uerbi laceratione reprehendunt. Vnde bene & illic scriptum est. Post hæc Dauid percussit cor suum, eo quod abscidisset oram clamydis Saul: facta quippe Præpositorum oris gladio ferienda non sunt, etiam cum reprehendenda recte iudicantur. Si quando uero contra eos uel in minimis lingua labitur, necesse est ut per afflictionem penitentia cor præmatur. quatenus ad
10 semet ipsum redeat, & cum præpositæ potestati deliquerit, eius contra se iudicium, a quo sibi prælatus est perhorrescat. Nam cum Præpositis delinquimus, eius ordini, qui nobis eos prætulit, obuiamus. Vnde Moyses quoque cum contra se & Aaron conqueri populum cognouisset, ait. Nos enim quid sumus? Nec contra nos est murmur uestrum, sed contra dominum. Post hæc Dauid descendit in solitudinem Aon, ubi Nabal habitabat, nomenq. uxoris eius Abigail, Ad quem Dauid mittens pueros suos, ut quodcumque inuenisset, manus eius misisset Dauid & pueris suis. Quos ille stulte repellens, nunciauerunt Dauid. Tunc Dauid accinctus armis, uoluit eum deprædare. At Abigail abiit obuiam Dauid, interpellans pro se & pro domo sua, quem uir eius stultitia & ebrietate sopitus offenderat. si enim surrexit homo aliquando persequens te, & quærens animam tuam, erit anima domini mei custodita, quasi in fasciculo uiuentium apud dominum: Deum tuum. Porro anima inimicorum tuorum rotabitur quasi in impetum, & circulo fundæ. Pulcherrima comparatione statum iustorum a reprobis forte discernit. Horum quippe animas appellat uiuentes, ut illorum e contrario spirituum morte præoccupatas insinuet: iuxta illud propheta. Anima, quæ peccauerit, ipsa morietur. Hos fasciculo, illos lapidi fundæ assimilat. fasciculus enim constringitur, ut integer maneat, & conseruetur: lapis in funda expeditus ponitur, ut abiciatur. scilicet etenim in hoc sæculo electi pressuris tribulationum coangustantur, ut his admoniti artius se adinulcem manu sui redemptoris in perpetuum cõseruent.
30 At uero reprobi quanto latius in hac uita uoluptatibus propriis uelut liberi dimittuntur, tanto longius in futuro a diuinæ uisionis gloria proiciuntur, ut de eis merito dicatur, Equidem ipsi de manu tua repulsi sunt. Mire autem omnipotentem prouidentiam describit superni protectoris cum dicit, Animam uiri sancti quasi in fasciculo uiuentium, apud eum esse custoditam, sicut euim facillimum est cuilibet fasciculum herbe uel fœni sua manu retentum conseruare, ita uirtus domini & saluatoris nostri omnes per orbem electos ab initio usque in finem fasciculi, ne quis ex eis ulla ratione pereat, sine labore tnetur, iuxta quod ipse in euangelio sub figura ouium de eis loquens, Et sequuntur me, inquit, & ego uitam æternam do eis, & non peribunt in æternum, nec rapiet eas quisquam de manu
40 mea. Sicut fasciculus unus quibnslibet uinculis alligatur, ita omnes cœtus sanctorum una eademq. fide, spe & caritate adinuicem constringitur, uno diuinæ protectionis munimine circumdatur. Pater sane litteræ sensus, quia anima Dauid persequentibus licet hostibus custodita semper fuit in sorte uiuentium. Porro inimici eius insistentibus sibi aduersitatibus sicut lapis funda circumactus, sic instabili motu perturbandi, & suis de finibus essent expellendi, uel etiam ab humanis rebus auferendi. Et in hoc facta Abigail, quid nobis per renunciationem suam innuit, nisi quod iracundos melius corrigimus, si in ipsa ira sua a commonitione declinamus? Perturbati quippe quid audiant ignorant, sed ad se reducti, tanto libentius exhortationis uerba recipiunt, quâto se tranquillius tolerantes erubescunt.

1. Reg. 24

Nam. 16
De aduersu Dauid ad Nabal
XXVI

Psal. 87

Ioa. 10

*Quod David
dormienti Saul
li hastam scy-
phumq. abstul-
lit. XXVII*

Menti autem furore ebriz omne rectum, quod dicitur, peruersum uidetur. Vnde & recte Nabal culpam suam laudabiliter tacuit, quam digesto uino laudabiliter dixit. ideo enim malum quod fecerat cognoscere potuit, quia hoc ebrius non audiuit. Item David fugiens a facie Saul, castra regis ingressus est, & cum dormientem inuenisset, non percussit, non occidit, sed iolam lanceam, quæ erat ad caput eius fixa, & scyphum aquæ, qui erat ad caput eius, sustulit. Dormientibus cunctis egressus de castris, transiit in cacumine montis. Quid ergo est hoc?

*De praelio Da-
uid in Ama-
lech.*

XXVIII

Luce 15

Persequerentur namque Christum Iudæi, sed persequendo dormiebant, quia non uigilabant corde. Duritia enim cordis obdormitio est: dormiunt in uitam ueterem, non euigilant in nouam. Venit Christus, non eos occidit, sed tulit ab eis 10
scyphum aquæ, id est, gratiam legis: tulit & sceptrum regale, regni scilicet potestatem, quam per magno habebant, & unde se protegebant temporaliter, & quam aduersus Deum per incredulitatem gerebant. Deinde uictor noster David de castris eorum regressus, transcendit in altitudinem montis celorum. Interea fugiens David dum pergeret ad Achis regem Philistinorum, in prælium aduersus Israel insurrexerunt Amalechitæ, & irruerunt in Sicelech, succedentes eam, & captiuantes omnia quæ erant David & puerorum eius. Reuersus ergo David ad persequendos Amalechitas, inuenit Aegyptium puerum lassescentem, quem Amalechitæ ægrotum in itinere reliquerant. Hunc autem David inuentum cibo refecit, ducem sui itineris fecit: sicq. Amalechitas persequitur, epulantesq. 20
reperit, & funditus extinguit. Quid est quod Aegyptius Amalechita puer in itinere lassatus residet, nisi quod amator presentis sæculi, peccati sui nigredine operatus, sæpe ab eodem sæculo infirmus despectusq. relinquitur, ut cum eo nequiquæ currere ualeat, sed fractus aduersitate torpescat? Hos ergo eligit Deus, quos despiciat mundus, quia plerumque ipsa despectio hominem reuocat ad semet ipsum. is enim qui patrem reliquit, & partem substantiæ, quæ perceperat, prodige expendit, postquam esurire cœpit, in se reuersus dixit, Quam multi mercenarii patris mei abundant panibus. Longe quippe a se recesserat, quando peccauit: & si non esurisset, in se minime redisset. Qui postquæ terrenis rebus indiguit, tunc cogitare cœpit, quid de spiritalibus amisit. Infirmi quique atque in hoc mundo despecti, 30
plerumque tanto celerius uocem Dei audiunt, quanto & in hoc mundo non habent ubi delectentur. Quod bene iam dictus Amalechitarum puer ille designat, qui Amalechitis prædantibus atque currentibus æger remansit in uia, fame sitiq. aruit, quem tamen David inuenit, ei cibum potumq. præbuit, qui illico cõualescens dux David factus est, conuiuantes Amalechitas reperit, & eos qui se debilem reliquerant, cum magna fortitudine prostrauit. Amalechitæ quippe Populus lambens uocatur. Et quid per lambentem populum, nisi mentem secularem, designatur? quæ terrena cuncta ambiendo quasi lambit, dum solis temporalibus delectatur. quasi enim populus lambens prædam facit, dum terrena diligentes lucri de alienis damnis congregant. Sed puer Aegyptius æger in uia relinquitur, quia pec- 40
cator quisque dum infirmari ab huius mundi statu cœperit, mox secularibus mentibus in despectum uenit. Quem tamen David inuenit, eiq. cibum & potum præbuit, quia manu fortis dominus abiecta mundi non despiciat, & plerumque eos, qui mundum sequi minime ualent, quasi in uia remanent, ad amoris sui gratiam conuertit, eisq. uerbi sui cibum porrigit, & quasi duces sibi in uia dirigit, dum suos etiam prædicatores facit. dum enim Christum peccatorum cordibus inferunt, quasi David super hostes ducunt. qui conuiuantes Amalechitas uelut David gladio feriunt, quia superbos quosque, qui se in mundo despexerant, domini uirtute prosternunt. Puer ergo Aegyptius, qui in uia remanserat, Amalechitas inter-

interfecit, quia plerumque ipsi mentes secularium pradicando superant, qui prius cum secularibus in hunc mundum currere non ualebant. Post mor-

*De Saule Py-
thonissam con-
sultante.*

XXIX

tem autem Samuelem congregati sunt Philistiim contra Israel, consuluitq. Saul dominum, & non respondit ei: Quæsiuit autem Saul Pythonissam, quæ suscitaret illi Samuelem, statimq. suscitatus ait ad eum. Quare inquerasti me ut suscitaret? & cetera. Quæritur secundum historiam, ntrum Pythonissa ipsum prophetam de inferno euocauerit, an aliquam imaginariam illusionem fallacia demonum fidam. De qua quæstione beatæ memoriæ Augustinus Mediolanensis episcopo Simpliciano ita scripsit. Inquis, inquam, utrum spiritus immundus, qui erat in Py-

thonissa, potuerit agere ut Samuel a Saule uideretur, & loqueretur cum eo: sed multo maioris miraculi est, quod ipse sathanas princeps immundorum spirituum potuit loqui cum Deo, & petere tentandum Iob iustissimum uirum, qui etiam apostolos tentandos petiit. Aut si hoc ideo non habet difficilem quæstionem, quia per quam uoluerit creaturam, cui uoluerit creaturæ, ubique præfens ueritas loquitur; nec propterea magni meriti est, cui loquitur Deus. interest enim quid loquitur, quia & imperator cum multis innocentibus non loquitur, quibus prouidentissime consulit ad salutem: & cum multis nocentibus loquitur, quos iubet interfici. Si ergo propterea hinc nulla quæstio est, nulla sit quæstio, quo modo etiam im-

mundus spiritus cum anima sancti niri loqui potuerit: omnibus enim sanctis Deus creator & sanctificator longe utique maior est. Quod si hoc monet, quod licuerit maligno spiritui excitare animam iusti, & tamquam de abditis mortuorum receptaculis reuocare, nonne magis mirandum, quod sathanas ipsum dominum assumpsit, & constituit super pinnam templi? quolibet enim modo fecerit hoc ille, & modus quo Samueli factum est; ut excitaretur, similiter latet: nisi forte quis dixerit faciliorem fuisse diabolo licentiam ad dominum uiuum, unde noluit, assu-

Matth. 4

mendum, & ubi uoluit constituendum, quam ad Samuelis defuncti spiritum a suis sedibus excitandum. Quod si illud in euangelio nos ideo non perturbat, quia dominus uoluit atque permisit, nulla diminutione suæ potestatis & diuinitatis id fieri, sicut ab ipsis Iudeis, quamquam peruersis atque immundis, & facta diaboli facientibus, & teneri se & uinciri & illudi & crucifigi atque interfici passus est: non est absurdum credere ex aliqua dispensatione diuinæ uoluntatis permissum fuisse, ut non inuitis nec dominante atque subiugante magica potentia, sed uolens atque obtemperans occultæ dispensationi Dei, quæ Pythonissam illam & Samuelem latebat, consentiret spiritus prophetæ sancti se ostendi aspectibus regis, diuina cum sententia percussurus. cur enim anima boni hominis a malis uiuis euocata, si uenerit, amittere uideatur dignitatem suam, cum uiui plerumque boni uocati ad malos ueniant, & agant cum eis, quod officium postular æquitas, seruat atque inconcusso decore uirtutis suæ, & illorum uitiiis pro rerum præsentium uel usu uel necessitate tractatis? quamquam in hoc facto potest esse

alius faciliior exitus, & expeditior intellectus, ut non uere spiritum Samuelis excitatum a reque sua credamus, sed aliquod phantasma & imaginariam illusionem diaboli machinationibus factam: quam propterea scriptura nomine Samuelis appellat, quia solent imagines earum rerum nominibus appellari, quarum imagines sunt: sicut omnia, quæ pinguntur, atque finguntur, ex aliqua parte materiei metalli aut ligni, uel cuiusque rei aptæ ad opera huiusmodi, quæque etiam uidentur & in somnis, & omnes fere imagines earum rerum, quarum imagines sunt, appellari nominibus solent. quis enim est, qui hominem pictum dubitet uocare hominem, quandoquidem & singulorum quorumque picturam cum aspicimus, proprie inquantum quæque nomina adhibemus: uelut cum

*Matth. 7. 28.
I. A. X. m.*

Q 3 intuen-

intuentes tabulam, aut parietem, dicimus, ille Cicero est, ille Sallustius, ille Achilles, ille Hector: hoc flumen Simois, illa Roma, cum aliud nihil sint, quam pictæ imagines. Vnde cherubin, cum sint cælestes potestates, sicut tamen ex metallo; quod imperavit Deus super arcam testamenti, magnæ rei significandæ gratia, non aliud quam cherubin illæ quoque effigies uocitantur. Item quisquis uidet somnium, non dicit uidi imaginem Augustini, aut Simpliciani, sed uidi Augustinum, aut Simplicianum, cum eo tempore, quo tale aliquid uidit, uos ignoratemus, usque adeo manifestum est non ipsos homines, sed imagines uideri. Et Pharaon se spicas dixit uidisse in fornibus, & boues, non spicarum aut bouum imagines. Si ergo liquido constat nominibus eorum quorum imagines sunt, easdem

1. Reg. 9

imagines appellari, non mirum est quod scriptura dicit Samuelem uisum, etiam si forte imago Samuelis apparuit, machinamento eius qui transfiguratur se in angelum lucis, & ministros suos uelut ministros iustitiæ. Iam uero si illud mouet; quo modo a maligno spiritu Sauli uera prædicta sint, potest & illud mirum uidetur, quo modo dæmones agnouerunt Christum, quem Iudæi non agnoscebant. cum enim uult Deus etiam per infimos supremosque spiritus aliquem cognoscere temporalia duntaxat atque ad istam mortalitatem pertinentia, facile est & non incongruum, ut omnipotens & iustus ad eorum poenam, quibus ista prædicuntur, ut malum, quod imminet eis, antequam ueniat, prænoscendo patiantur, occulto apparatus ministrorum suorum, etiam spiritibus talibus aliquid diuinationis impartiat, ut quod audiuit ab angelis, denuncient hominibus. Tantum autem audiunt, quantum omnium dominus atque moderator uel iubet uel finit. Vnde etiam

Act. 16

spiritus Pythonicus in Actibus apostolorum attestatus Paulo apostolo, euangelizare est conatus. Miscent tamen isti fallacias, & uerum quod nosse potuerunt, non docendi magis, quàm decipiendi sine prænunciant. & forte hoc est cum illa imago Samuelis Saullem prædicaret moriturum, dixit etiam secum futurum, quod utique falsum est. Magno quippe interuallo post mortem separari bonos a malis in euangelio legimus, cum dominus inter superbum illum diuitem, cum iam apud inferos tormenta pateretur, & illum qui ad eius ianuam ulcerosus iacebat iam in requie constitutus, magnum chaos interiectum esse testatur. Aut si propterea Samuel Sauli dixit, Mecum eris, ut non ad æqualitatem felicitatis, sed ad parem conditionem mortis referatur, ut uterque homo fuerit, & uterque mori potuerit, iamque mortuus, mortem uiuo prænuntiabat: perspicit quantum opinor prudentia tua, secundum utrumque intellectum habere exitum iam lectionem; quæ non sit contra fidem: nisi forte profundiore & perplexiore inquisitione; quæ uel uiuiri mearum, uel temporis excedit angustias, inueniatur ad liquidum, uel posse uel non posse animam humanam, cum ex hac uita migrauerit, magicis carminibus euocatam, uiuorum apparere conspectibus, etiam corporis lineamenta gestantem, ut non solum uideri ualeat, sed & agnosci: & si potest, utrum etiam iusta anima non quidem cogatur magicis, sed dignetur ostendi, occultationibus imperii summæ legis obtemperans: ut si fieri non posse clauerit, nõ uterque sensus in huius scripturæ tractatione atque expositione admittatur, sed illo excluso imaginario, simulatio Samuelis diabolico ritu facta intelligatur. Sed quoniam siue illud fieri possit, siue non possit, tamen fallacia satanæ, atque imaginum simulandarum, callida operatio decipiendis humanis sensibus multiformis inuigilat, pe-

Luca 9

detentim quidem ne inquisitionibus diligentioribus præscribantur, sed tamen potius existimemus tale aliquid factum maligno spiritu Pythonicæ illius ministerio, quam diu nobis aliquid amplius excogitare, atque explicare non datur. Igitur exorto prælio perculserunt Philistæi Israel plaga magna, mortuusque est Saul, & Ionathas

nathas filius eius, Euadens autem quidam, uenit ad Dauid in Sicelech, & nunciavit Dauid plagam magnam, quæ facta est in populo, insuper etiam mentiendo addidit, quod ille percussisset Saul. At Dauid Christum domini uindicans, iussit eum occidi. Et planxit Dauid planctum huiusmodi super Saul & super Ionnathan filium eius, & præcepit ut docerent filios Iuda, sicut scriptum est in libro iustorum. Hoc ideo fecit, ut quia Philistæos sagittariis abundare iam nouerat, unde & Saul maxime horum scibus perierat, eandem bellandi artem & sui milites ad reuincendos eos discerent. Quod uero sequitur, sicut scriptum est in libro iustorum, ipsum librum hodie nusquam, neque apud ipsos Hebræos inueniri posse

19 asseuerant, sicut nec librum bellorum domini, cuius in libro Numerorum mentio est, neque carmina Salomonis, neque disputationes eius sapientissimas de lignorum natura herbarumq. omnium, itemq. iumentorum, uolucrum, reptilium & piscium: uel quod in libro dierum dicitur, reliqua uero operum Salomonis priorum & nouissimorum scripta sunt in uerbis Nathan prophete, & Abia Salomonis, in uisione quoque Addo uidentis contra Hieroboam filium Nabath: & multa huiusmodi uolumina, quæ scriptura quidem præbat, sed hodie constat non esse. uastata namque a Chaldæis Iudæa, etiam bibliotheca antiquitus congregata inter alias prouinciarum opes hostili est igne consumpta, ex qua pauci qui nunc in sancta scriptura continentur libri, postmodum Esdræ pontificis & prophete sunt

20 industria restaurati. unde scriptum est de eo. Ascendit Esdras de Babylone, & ipse scriba uelox in lege Moysi: uelox uidelicet, quod promptiores litterarum figuras, quam cateus Hebræi, habebant, reperit: & in epistola regis Persarum Artaxerxis, Esdræ sacerdoti Scribæ legis Dei cæli doctissimo, salus. Montes Gelboe, nec rores, nec pluuia ueniant super uos, neque sint agri primitiarum, quia ibi abiectus est clypeus fortium, clypeus Saul, quasi non esset unctus oleo. Scire debes, quia ueraciter Saul, qui post unctionem sancti christi, a quo & Christus domini uocatus est, occidi meruit, mortem ueri Christi, quam sine culpa subire dignatus est, insinuat. Montes quoque Gelboe, in quibus interit, superbos Iudaicæ plebis conatus, quibus contra auctorem uitæ rebellabant, insinuant. Vnde bene Gelboe

30 Volutatio sine Decursus interpretatur. uoluebantur enim in forde peccatorum, iuxta illud prouerbum, Et sus lora in uolutabro luti: ratque a rectitudine uitæ salutaris aberrantes, iam iamq. ad inferiora, hoc est, huius sæculi desideria infima decurrebant, ob quorum desiderium regem cæli & terræ in mortem tradere non dubitabant: propter quod eis merito optatur, ne rorem de cælo pluuiamue suscipiant: quod hodie rebus ipsis uidemus expletum, in eo quod illos gratia cælestis deferens ad plebem gentium translata est. Quod etiam Isaias sub figura uinæ futurum illis ex persona domini comminatus est, dicens, Et nubibus mandabo, ne pluane super eam imbrem. Quod est aperte dicere, Et apostolis atque apostolicis uiris omnibus mandabo, ne illis ultra uerbum uitæ prædicent, sed irrigatione uerbi cælestis, quod a se proterui repulerunt, indignos in sua sterilitate uacuos, ac perpetuo igni comburendos relinquant. De quibus & bene dicitur, ut agri primitiarum esse non possint. Superba quippe Hebræorum mentes primitiuos fructus non ferunt, quia in redemptoris aduentu ex parte maxima in perfidia remanentes, primordia fidei sequi noluerunt. Sancta namque ecclesia in primitiis suis multitudine gentium secundata, uix in in mundi fine Iudæos, quos inuenerit, suscipit: & extrema colligens, eos qua si reliquias frugum ponit. De quibus nimirum reliquiis Isaias dicit. Si fuerit numerus filiorum Israel quasi arena maris, reliquæ saluæ fiunt. Possunt tamen idcirco Gelboe montes ore prophete maledicti, ut dum fructus exarescens e terra non oritur, possessores terræ sterilitas

1. Esdr. 7

1. Petri 2

Isa. 3

Isa. 10
Rom. 9

ris damno feriantur, quatenus ipsi maledictionis sententiam accipiant, qui apud
se mortem regis suscipere iniquitate sua exigente meruissent. Nec tibi absurdum
videri debet, ut mala reproborum acta boni aliquid significant, aut rursus bona
iustorum opera in contraria significatione ponantur. Lege moralia sancti papæ
10b 3 Gregorii, ubi exposuit quo modo beatus Iob maledixit diei suo dicens, Pereat
dies, in qua natus sum, & cetera, & uidebis quia usitatissimum est in scripturis,
ut & bona in malorum significatione accipiantur, & econuerso. Denique Viriam
fidelissimum David regis militem, ac piissimum atque innocentissimum eius opera uel
dicta in mala significatione, & econtra ipsum David in maximo suo scelere in bo-
no accipiendum interpretantur. alioquin si non per bona malum, & bona per
malum significari possent, numquam liceret nigro atramento nomen Dei, sed sem
per lucido auro deberet scribi: quia Deus lux est, & tenebræ in eo non sunt ullæ:
nec rursus in titulis psalmorum nomen Absalon & Doch hominum reproborum
minio fulgente, sed solo atramento deberet scribi. Sicur ergo in paginis librorum
quouis colore & mala possunt & bona absque ulla reprehensione figurari: ita
& in parte significationum per quolibet hominum gesta, & bona rectissime & ma-
la possunt exprimi: quamuis & multo sæpius contingar, & multo dulcius audia-
tur, bona per bona, & mala figurari per mala. Sicut autem in pictura parietum
neque obscurum Aethiopem candido, neque candidi corporis siue capilli Saxo-
nem a tramento decet depingi: ita in retributione meritorum iuxta suum quisque
opus recipiet, & qualis erit actu, talis etiam uultu apparebit in iudicio, neque
omnino ad rem, quid quisque figurarit, sed quid egerit, pertinebit.

D. EVCHERII,

LVGDVNENSIS EPISCOPI.

COMMENTARIORVM IN LIBROS

Regum, ad Verannium & Salonium

fratres, episcopos,

LIBER SECVNDVS.



ROMISSIONES Dei, quæ factæ sunt ad Abra-
ham, cuius semini & gentem Israeliticam secundum
carnem; & omnes gentes deberi secundum fidem;
Deo pollicente didicimus; quemadmodum com-
pleantur, per ordinem temporis procurrens Dei ciui-
tas indicauit. Quoniam ergo superioris libri usque
ad regnum David factus est finis, nunc ab eodem
regno, quantum suscepto operi sufficere uideatur,
cetera quæ sequuntur attingimus. Hoc itaque tem-
pus, ex quo sanctus Samuel prophetare coepit, &
deinceps donec populus Israel captiuus in Babylo-
niam duceretur, atque inde secundum sancti Hieremie prophetiam, post LXX
annos reuersis Israeliticis domus Dei instauraretur, totum tempus est propheta-
rum. quamuis enim, & ipsum Noe patriarcham, in cuius diebus diluuium uniuersa
terra deleta est, & alios supra & infra usque ad hoc tempus, quo reges in Dei po-
pulo

pulo esse cœperunt, propter quædam per eos futura, siue quoquo modo significata siue prædicata, quæ pertinerent ad ciuitatem Dei regnumq. ælorum, non immerito possumus appellare prophetas, præsertim quia nonnullos eorum expressius legimus nuncupatos, sicut Abraham, sicut Moysen: tamen dies prophetarum præcipue maximeq. ii dicti sunt, ex quo cœpit prophetare Samuel, qui & Saule prius, & eo reprobo, ipsum Dauid Deo præcipiente unxit in regem, de cuius stirpe ceteri procederent, quousque illos succedere sic oporteret. Quæ igitur a prophetis sunt prædicta de Christo, cum moriendo decedentibus, & nascendo succedentibus suis membris ciuitas Dei per ista curretet tempora, si omnia uelim commemorare, in immensum pergitur: primū quia ipsa scriptura quæ per ordinem reges eorumq. facta & euenta disserens uidetur tamquam historica diligentia rebus gestis occupata esse narrandis, si adiuuante Dei spiritu considerata tractetur, uel magis uel certe non minus prænunciandis futuris quam præteritis enunciandis inuenietur intenta: & hoc perscrutando indagare ac disserendo monstrare, quam sit operosum atque prolixum, & quam multis indigeat uoluntinibus, quis ignorat, qui hæc uel mediocriter cogitat? deinde quia ea ipsa quæ ad prophetiam non ambigitur pertinere, ita sunt multa de Christo regnoq. ælorum, quæ ciuitas Dei est, ut ad hoc aperiendum maior sit disputatio necessaria, quā huius operis modus flagitat. proinde ita, si potuero, stilum moderabo meum, ut huic operi in Dei uoluntate peragendo, nec ea quæ supersunt dicam, nec ea quæ satis sunt prætermittam. Erat igitur iam in terra promissionis semen Abraham, id est, populus Israel secundum carnem, atque ibi non solum tenendo ac possidendo ciuitates aduersariorum, uerum etiam reges habendo regnare iam cœperat, impletis de ipso populo promissionibus Dei magna iam ex parte, non solum quæ tribus illis patribus, Abraham, Isaac, & Iacob, & quæcūque aliis temporibus eorum, uerum etiam quæ per ipsum Moysen, per quem populus idem de seruitute Aegyptia est liberatus, & per quem cuncta præterita reuelata sunt temporibus eius, cum populum per heremum duceret, factæ fuerant. Neque autem per insignem ducem Iesum Naue, per quem populus ille in promissionis inductus est terram, expugnatisq. gentibus eam XII tribubus, quibus iusserat Deus, diuise, & mortuus est: neque post ullum tanto tempore iudicem impleta fuerat promissio Dei de terra Chanaan, a quodam flumine Aegypti usque ad flumen magnum Euphraten: nec tamen adhuc prophetabatur futurum, sed expectabatur implendum. Impletum est autem per Dauid, & eius filium Salomonem, cuius regnum tanto, quanto promissum fuerat, spatio dilatatum est. uniuersos quippe illos subdiderunt, tributariosq. fecerunt. Sic igitur in terra promissionis secundum carnem, hoc est, in terra Chanaan, sub regibus semen Abraham fuerat constitutum, ut nihil inde superesset, quo terrena illa promissio Dei non compleretur: nisi ut in eadem terra, quantum ad prosperitatem attinet temporalem, posteritatis successionem inconcusso statu usque ad mortalem huius sæculi terminum gens permaneret Hebræa, si domini Dei sui legibus obediret. sed quoniam Deus nouerat, hoc eam non esse facturam, usus est eius etiam temporalibus poenis ad exercendos in ea paucos fideles suos, & admonendos qui postea futuri erant in omnibus gentibus, quod eos admoneri oportebat, in quibus alteram promissionem reuelato nono testamento per incarnationem Christi fuerat impleturus. Quocirca sicut oracula illa diuina ad Abraham, Isaac, & Iacob, & quæcumque alia signa uel dicta prophetica in sacris litteris præcedentibus facta sunt: ita etiam ceteræ ab isto regum tempore prophetiz partim continent ad gentē carnis Abraham, partim uero ad semen illud eius, in quo benedicentur omnes gentes coheredes Christi per testamentū nouum, ad possi-

*De uisione
David. II*

possidendum uitam æternam regnumq. celorum. Partim ergo ad ancillam quæ in seruitute generat, idest, terrenam Hierusalem, quæ seruit cum filiis suis: partim uero ad liberam ciuitatem Dei, idest, ueram Hierusalem æternam in celis, cuius filii omnes secundum Deum uiuentes peregrinantur in terris. Sed sunt in eis quædam quæ ad utraq. pertinere intelligantur, ad ancillam proprie, ad liberam figurate. Tripartita itaque reperiuntur prophetarum eloquia. Siquidem aliqua sunt ad terram Hierusalem spectantia, aliqua ad caelestem, nonnulla ad utramque. Post mortem Saul, uenerunt uiri Iuda, & unxerunt Dauid in Hebron, ut regnaret super domum Iuda. Et nunciatum est Dauid quod uiri Iabes Galaad sepelissent Saul. Misit ergo Dauid nuncios ad uiros Iabes Galaad, dixitq. ad eos. Benedixi uos domino, quia fecistis misericordiam hanc cum domino uestro Saul, & sepelistis eum. Et nunc retribuet quidem uobis dominus misericordiam & ueritatem. Cur ergo isti qui Saulem & eius filium sepelierunt, misericordiam fecisse dicuntur, & ob hoc a rege pio benedicuntur: nisi quia bene afficiuntur corda miserantium, quando cõdolent mortuorum corporibus alienis, quæ illo affectu, quo nemo carnem suam unquam odio habuit, uolunt fieri post mortem suam corporibus suis: & quod sibi exhiberi uolunt, quando sensuri non sunt, aliis non sentientibus curant exhibere dum sentiunt. Dauid undò super domum Iuda rege, Abner filius Ner, Hisboseth filium Saul regem constituit super uniuersum Israel. Egressusq. est Abner filius Ner, cum pueris Hisboseth, de castris Gabaon. Porro Ioab filius Saruiz cum pueris Dauid egressi de Hebron, concitauerunt bellum iuxta piscinam Gabaon, & persequabatur Asahel Abner. Locutus est Abner ad Asahel dicens, Recede, noli me sequi, ne compellar confodere te in terra. Qui contempsit, & noluit declinare. Percussit ergo eum Abner auersa hasta in inguine, & transfodit eum, & mortuus est. Cuius Asahel typum tenuit, nisi eorum quæ uehementer arripiens furor, in præceps ducit: qui in eodem furoris impetu tanto cautius declinandi sunt, quanto & infanlius rapiuntur. Vnde & Abner, qui sermone nostro Patris lucerna dicitur, fugit: quia doctorum lingua quæ supernum Dei lumen indicat, cum per abrupta furoris mentem cuiuspiam ferri conspicit, cumq. contra irascentem dissimulat uerborum iacula reddere, quasi persequentem non uult ferire. Sed cum iracundi nulla consideratione se mitigant, quasi Asahel persequi & insanire non cessat, necesse est ut ii, qui furentes reprimere conantur, nequaquam se in furore erigant, sed quidquid est tranquillitatis ostendant: quædam uero subtiliter proferant, in quibus ex obliquo furentis animum pungant. Vnde & Abner cum contra persequentem subsistit, non eum recta, sed auersa hasta transorauit. Ex mucrone quippe percutere, est impetu apertæ increpationis obuiare: auersa uero hasta persequentem ferire, est furentem tranquille ex quibusdam tangere, & quasi parcendo superare. Asahel autem protinus occubuit, quia commotæ mentes dum parci sibi sentiunt, & tamen responforum ratione in intimis sub tranquillitate tanguntur, ab eo quod se crexerant, statim cadunt. Qui ergo a feroris sui impetu sub lenitatis percussione resiliunt, quasi sine ferro moriuntur. Igitur uenientes filii Remon, Berothizæ, & Rechab, & Bahana, ingressi sunt feruente die, in domum Hisboseth, qui dormiebat supra stratum suum meridie. Ingressi sunt autem domum, & Ostiaria domus purgans triticum obdormiuit: assumentes spicas tritici lateenter ingressi sunt, & percusserunt eum in inguine. Ostiaria triticum purgat, cum mentis custodia discernendo uirtutes a uitiis separat. Quæ si obdormierit, in mortem proprii domini infidiatores admittit: quia cum discretionis sollicitudo cessauerit, ad interficiendum animum malignis spiritibus iter pandit. Qui ingressi spicas tollunt, quia mox bonarum cogitationum

- num germina auferunt : atque in inguine feriunt, quia nirtutem cordis delectatione carnis occidunt. In inguine quippe ferire est, uitam mentis carnis delectatione perforare. Nequaquam nero Hisbosteth iste morti succumberet, si non ad ingressum domus mulierem, idest, ad mentis aditum mollem custodiam deputasset. Fortis namque nigilq. sensus praeponi cordis foribus debet, quem nec negligentiae somnus opprimat, nec error ignorantiae fallat: unde & bene Hisbosteth appellatus est, qui custode femina hostium gladiis nudatur. Hisbosteth quippe Vir confusionis dicitur: uir autem confusionis est, qui forti mentis custodia munitus non est: quia dum uirtutes se agere existimat, subintrantia uitia nescientem
- 10 necant. Tota igitur uirtute muniendus est aditus mentis, ne quando eam insidiantes hostes penetrent foramine neglectae cogitationis. Congregauit autem Dauid omnes electos ex Israel X X X millia. Surrexit itaque & abiit, & uniuersus populus qui erat cum eo de uiris Iuda, ut adducerent arcam Dei super qua inuocatum est nomē domini exercitū, sedente cherubin super eam) Congregauit Dauid omnes electos ex Israel X X X millia, quia dominus ecclesiā primitiuā ex Israel instituit, non quidem omnem Israel, sed electos quosque sibi consocians. non enim omnes, qui ex Israel, ii sunt Israelitae, sed filii promissionis deputantur in semine. Qui XXX millia fuisse referuntur, idest fidei, operis, & spei firmitate perfecti. tria enim propter confessionem sanctae trinitatis ad fidem pertinent, decem propter decalogum legis opera, mille propter sui perfectionem ad spem uitae aeternae, qua superius aliquid nō est, sicut numero millenario maior nullus est. si enim X millia, si XXX millia, si etiā mille millia dixeris, nō ipsum mille numerando transcendendo, sed per se, uel per minores numeros saepius ducendo multiplicas. Tria ergo per decem multiplica, ne fides sine operibus mortua sit. Item triginta per mille multiplica, ut fides quae per dilectionem operatur, non alibi quam in caelis retributionem speret. Electi igitur ex Israel, populos recte credentes, operantes, sperantes insinuant. Viri autem Iuda qui erant cum Dauid, ipsos populos & doctores, qui lateri Christi quasi familiariter adhaerebant, indicant: quo utroque stipatus exercitu, domini arcam adducere, idest, ecclesiam dilatare, & in eorum,
- 30 qui non crediderunt, cordibus inferere gaudet. Imponitur autem arca plaustrum nouo, ut noui testamenti gratia renouatis in baptismo mentibus infundatur, uinumq. nouum nouis utribus mandetur. Erat quidem prius arca in domo Amminadab, qui erat in Gabaa: quia eadem quae nunc praedicatur ecclesiae fides, & ante incarnationis dominicae tempus florebat in his qui patriarcharum prophetarumq. sunt deuotionem secuti. Amminadab enim, qui interpretatur Pater meus spontaneus, uel Abraham patrem fidei, uel Moysen legislatorem significat, qui uterque in Gabaa custodit arcam, quia sublimi uirtutis exemplo credentium peccata munit. Vnde & Gabaa Collis interpretatur, qui est locus in ciuitate Carithia rim. Allata ergo foris arca, ludebat Dauid & omnis Israel coram domino diuersis muscorum generibus: quia mox inchoante nouae gratiae praeconio, dominus ad exhibendas Deo patri laudes humilitatis omnes inuitat dicens, Qui mihi ministrat, me sequatur: alii dando per spiritum sermonem scientiae, alii genera linguarum, alii gratiam curationum, & cetera. Sed his atque huiusmodi charismatum generibus progrediente arca, idest, crescente ecclesia primitiua, uentum est ad arcam Naor, idest, arcam praeparatam, gentium uidelicet ecclesiam fidei ueritate consecrandam: de qua Ioannes ait, Et permundabit arcam suam. Ibi sacerdos qui arcam incautius, quasi corrigendo tetigit, mox a domino percussus, occubuit: quia Iudaeorum populus dum gentibus inuidet, salutis se munere priuat, dumq. legem uult euangelio miscere, utriusque sibi gratiam tollit.

De adducta
arca per Da-
uid. IIII

Ioan. 13

Matth. 3

Et

- Et tenuit, inquit, eam quoniam calcitrabant boues. Boues quippe calcitrare est, prædicatores euangelii liberius circa fidem agere, neque secundum consuetudinem legis ingredi, sed sabbata, neomenias, circumcisionem, ieiuniasque spiritaliter interpretari. Quos neclut errantes corrigere tentabant, qui descendentes de iudæa docebant fratres, quia nisi circumcidamini secundum morem Moysi, non potestis salui fieri: & de quibus Iacobus ad Paulum, Vides, inquit, frater, quot millia sunt in iudæis, qui crediderunt, & omnes æmulatores sunt legis? Ob causam igitur sacerdotis occisi, noluit Dauid ad se diuertere arcam domini in ciuitatem Dauid, sed diuerter eam in domo Obetedom Gethzi, quia respuentibus uerbum iudæis, ne amplius audita & non suscepta prædicatio noceret, apostoli ab eis ablatis, & ad gentes imbuendas missi sunt. Vnde & locus aræ Naor, quæ gentium fidem domini gratiæ præparatam demonstrat, percussio Oza nuncupatur, uidelicet quia illorum delicto salus gentibus aduenit. Obetedom namque interpretatur Seruiens homo. ille est utique, de quo dominus ad patrem, Constitues, inquit, me in caput gentium. populus quem non cognoui seruiuit mihi. Vbi & iudæorum abiectioem, quasi Oza mortem præmittens, ait: Eripies me de contradictionibus populi. Nomen quoque urbis cõgruit. hæc enim interpretatur Torcular, significans crucem, in qua uitis uera calcari & exprimi dignata est, a qua cunctus gentium populus merito Gethæus appellari potest, cum dicitur:
- Gal. 6.* Mihi autem absit gloriari, nisi in cruce domini nostri Iesu Christi. Tres autem menses, quibus ibidem arca demoratur: fides, spes, & caritas est. sicut enim diebus adimpletur mensis, ita singulæ uirtutes suis quæque passibus ad perfectionem nequunt. Hi menses quousque plenitudo gentium intrer, currere non cessant. Tandem rediens Dauid, arcam in ciuitatem Dauid inducet, quia dominus Enoch & Helia prædicantibus, conuertet corda patrum in filios. Boues & arietes immolans; hoc est, eos qui arcam domini triturant, & ouium eius ducatum gerunt, martyrii sanguine coronans, & ipse quoque suæ incarnationis & passionis exemplum eatenus iudæis non creditum palam manifestans. hoc enim significat, quod & ipse Dauid accensus erat ephor lineo, quod de terra procreatum multiplici labore ad candorem uestis peruenit, ueritatem humanæ carnis inter flagella triumphantis ostendit. Verum cunctis exultantibus, & ad aræ cælestis introitum hymnos resonantibus: sola Michol filia Saul arcam ducentibus abest, quin etiam per speculum Dauid humiliatum despicit: quia credentibus in mundi fine iudæis, erunt nonnulli qui Christum professione, sed opere sequantur antichristum: quibus merito congruit, quod eadem Michol, quæ ob figurandam instabilitatem carnalium, Aqua omnis interpretatur, non uxor Dauid, sed filia Saul appellatur: quia qui si de tenus Christo seruiunt, non illius regno coronandi, sed persecutorum eius; quos imitati sunt, anathemate sunt damnandi. Verum si despiciant humilitatem ecclesiæ, condemnantur: nihilominus arca domini suum locum ingreditur, & ponitur in medio tabernaculi, quod retenderat ei Dauid, id est, fides ecclesiæ prædicatur, proficit, inseritur cordibus omnium, quos dominus ad uitam præordinauerat æternam. Offert Dauid holocausta & pacifica coram domino, fidem deuotionemque ecclesiæ commendat patri Christus, qui est ad dexteram Dei, qui etiam interpellat pro nobis, qui in exemplum Dauid fides humilesque benedicens, salubris mysterii pascit alimentis, partitur singulis collyridam panis unam, illius utique qui de cælo descendit, & dat uitam mundo. Et assaturam bubulæ carnis nram, illius scilicet uittuli saginati, qui pro reuertente ad patrem filio iunioris mactatus, & igne passionis assatus est dicens, Exaruit uelut testa uirtus mea. Et similes fruxam oleo, carnem uidelicet a peccati labe mundissimam, sed ob

- humanæ salutis uberissimam dilectionem, crucis sartagine tortam. Et merito una panis collyrida, & una carnis assatura datur, quia unus dominus, una fides, unū baptisma, unus Deus & pater omnium. Aliter hæc munera fideles accipiunt, quando unus panis, & unum corpus multi sumus in Christo, & suæ carnis singuli lasciviam castigantes, ac servituti subiicientes, spiritus sancti igne decoquant, necnō & fructus operum bonorum oleo misericordiæ pinguißimos compassionē proximī servare faciunt. At contra filia Saul frustra cubiculum regis ingressa, nullus concepti seminis fetus datur, quia qui verbum Dei aure tenus percipiunt, absque boni operis prole diem perpetuæ mortis expectant. In hac historia beati regis & prophetæ David, qua arcam Dei adduxisse narratur, moraliter humilitas approbata, 10 superbia damnata, & temeritas vindicata monstratur: quia & ipse David coram arca domini humiliter saltando non erubuit, mox promissionē filii Dei ex sua stirpe nascituri suscipere promeruit: & coniunx, quæ eandem illius humilitatem despexit, eius semine secundari non merita, perpetuæ sterilitatis poenam luit. intueri enim libet, quanta virtutum munera David perceperat, atque in his omnibus quā forti se humilitate servabat. quem enim non extolleret ora leonum frangere, urforum brachia dissipare, despectis prioribus fratribus eligi, reprobato rege ad regni gubernacula ungi, timendum cunctis nno lapide Goliath exterminare, a rege proposita extinctis allophylis numerosa præputia reportare, pro 20 missum tandem regnum percipere, cunctumq. Israeliticum populum sine ulla contradictione possidere? Et tamen cum arcam Dei Hierusalem reuocat, quasi oblitus prælatum se hominibus, admixtus populis ante arcam saltat: & quia coram arca saltare, ut creditur, vulgi mos fuerat, rex se in diuino obsequio per saltatum rotat. Ecce quem dominus cunctis singulariter prætulit, sic se sub domino & exquando minimis, & abiecta exhibendo contemnit: non potestis regni ad memoriam ducitur, non subiectorum oculis saltando uilescere meruit, non se honore prælatum ceteris ante eius arcam, qui honorem dederat, recognoscit: coram Deo egit debilia uel extrema, ut illa ex humilitate solidaret, quæ corā hominibus gesserat fortia. Quid de eius factis ab aliis sentiat ignoro, ego David plus saltantem 30 stupeo, quam pugnantem. pugnando quippe hostem subdidit, saltando autem coram domino semet ipsum uicit. Quem Michol Saul filia adhuc ex tumore regii generis insana, cum humiliari despiceret dicens, Quā gloriosus fuit hodie rex Israel, dis Kooperiens se ante ancillas seruorum suorum, & nudatus est, quasi nudetur unus de scurris: protinus audiuit: Ante dominum qui elegit me potius quam patrem tuum: ac paulo post ait: Et iudam & uilior fiam, plus quam factus sum, eroq. humilis in oculis meis. Ac si aperte dicat: Et uilescere corā hominibus appeto, quia me coram Deo ingenuum per humilitatem quero. Sant uero nonnulli qui de semet ipsis humilia sentiunt, quia in honoribus positi, nihil se esse nisi puluerem fauillamq. perpendunt: sed tamen coram hominibus uiles apparere refugiant, & 40 contra hoc quod de se interius cogitant, quasi rigida exterius uenustate palliantur. Et sunt nonnulli qui niles uideri ab hominibus appetunt, atque omne quod sunt, deiectos se exhibendo contemnunt: sed tamen apud se introversus quasi ex ipso merito ostense utilitatis intumescunt, & tanto magis in corde elati sunt, quanto amplius in specie elationem premunt: quæ utraque elationis bella, magna David circumspeditione deprehendit, mira nirtute superauit. quia enim de semet ipso intus humilia sentiens, honorem exterius non querit, insinuat dicens, Iudam & uilior fiam. Et quia per hoc quod uilem se exterius præbuit, nequaquam interius intumescit, adiungit, Eroq. humilis in oculis meis.

Ac si dicat, Qualem me exterius despiciens exhibeo, talem me interius attendo. Quid ergo acturi sunt quos doctrina eleuat, si Dauid ex carne redemptorem nouerat, eiusque gaudia prophetando nunciabat, & tamen in semet ipso ceruicem cordis ualida discretionis calce deprimebat, dicens: Eroque humilis in oculis meis? Sacerdos quoque, qui arcam inconsiderata temeritate tetigit, ausus sui reatum immatura morte purgauit, minores deterioresque demonstrat, qui intelligere non ualent, & despiciunt uel facta, uel dicta meliorum: sed eo ab eis non temere reprehendenda sunt, quo apprehendi nequaquam ueraciter possunt. Sæpe aliquid a maioribus dispensatorie agitur, quod a minoribus error putatur: sæpe multa a fortibus dicuntur, quæ iccirco infirmi diiudicant, quia ignorant. 10
quod bene bubus calcitrantibus inclinata illa testamenti arca signauit, quam leuitites, qui casuram credens erigere uoluit, mox sententiam mortis excepit. Quid est namque mens iusti, nisi arca testamenti? Quæ gestata bubus calcitrantibus inclinatur, quia nonnumquam etiam qui bene præest, dum subiectorum populorum confessione concutitur, ad dispensationis condescensionem ex sola dilectione permouetur. Sed in hoc, quod dispensatorie agitur, inclinatio ipsa fortitudinis, casus putatur imperitis. unde & nonnulli subditi contra hanc manum reprehensionis mittunt: sed ad uitia ipsa sua temeritate deficiunt. Leuitites ergo quasi manum adiuuans tetendit, sed delinquens uitam perdidit: quia dum infirmi quique fortium facta corripiunt, ipsi a uiuentium sorte reprobantur. Aliquan- 20
do etiam sancti uiri quidam miminis condescendentes dicunt, quidam uero summa contemplantes proferunt, dumque uim uel condescensionis uel altitudinis nesciunt, audacter hæc stulti reprehendunt. Ecquid est iustum de sua condescensione uelle corrigere, nisi inclinatam arcam superba reprehensionis manu reuelare? Quid est iustum de incondita locutione reprehendere, nisi motum eius fortitudinis lapsum putare? Sed perdit uitam, qui arcam Dei tumide subleuat, quia nequaquam sanctorum recta corrigere præsumeret, nisi de se prius meliora sensisset. unde & Leuites isdem recte Oza dicitur, quod uidelicet Robustus domini interpretatur, quia presumptores quique nisi audaci mente robustos se in domino crederent, nequaquam meliorum facta, uel dicta uelut infirma iudicarent. Post 30
hæc, cum regi Dauid multa prospera prouenissent, cogitauit facere Deo domum, templum scilicet illud excellentissimum diffamatum, quod a rege Salomone filio eius postea fabricatum est. Hoc eo cogitante, factum est uerbum domini ad Nathan prophetam, quod perferret ad regem. Vbi cum dixisset dominus, quod non ab ipso Dauid sibi edificaretur domus, neque per tantum tempus se mandasse cuiquam in populo suo, ut sibi fieret domus cedrina, Et nunc inquit hæc dices seruo meo Dauid. Hæc dicit dominus: Cum completi fuerint dies tui, & dormieris cum patribus tuis, suscitabo semen tuum post te, quod egredietur de utero tuo, & firmabo regnum eius: ipse edificabit domum nomini meo, & stabiliam thronum regni eius usque in sempiternum: ego ero illi in patrem, & ipse erit mihi in 40
filium. Hanc tam grandem promissionem qui putat in Salomone completam, multum errat. attendit enim quod dictum est: Hic edificauit mihi domum, quoniam Salomon templum illud nobile struxit: & non attendit, Fidelis erit domus eius, & regnum eius usque in æternum coram me. Attendat ergo, & aspi-
ciat Salomonis domum plenam mulieribus alienigenis, colentibus Deos falsos, & ipsum ab eis regem aliquando sapientem in eandem idololatriam seductum atque deiectum: & non audeat existimare Deum, uel hoc promississe mendaciter, uel talem Salomonem domumque eius futuram non potuisse præscire. Non hinc autem 50
deberemus

David a propheta uelatur
adificare tem-
plum. V

deberemus ambigere, nec, si non in Christo Iesu domino nostro, qui factus est ex femine David secundum carnem, iam uideremus ista compleri, ne uane atque inaniter hic alium aliquem requiramus, sicut carnales Iudæi. nam & ipsi usque adeo filium, quem loco isto regi David promissum legunt, dicunt non fuisse Salomonem, ut eo, qui promissus est, tanta iam manifestatione declarato, adhuc mirabili cæcitate alium se sperare dicant. Facta est quidem nonnulla imago rei futuræ etiam in Salomone, in eo quod templum ædificauit, & pacem habuit secundum nomen suum: Salomon quippe Pacificus latine: & in exordio regni sui mirabiliter laudabilis fuit: sed eadem sua persona per umbram futuri prænunciabat etiam
 10 ipsum Christum dominum, non exhibebat. Vnde quædam de illo ita scripta sunt, quasi de ipso ista prædicta sint, dum scriptura sancta etiam rebus gestis prophetis-
 15 sa, quodam modo in eo figuram deliniat futurorum. nam præter libros diuinæ hi-
 storix, ubi regnasse narratur, psalmus etiam LXXI titulo nominis eius inscri-
 ptus est: in quo tam multa dicuntur, quæ omnino ei conuenire non possunt, do-
 mino autem Christo apertissima perspicuitate conueniunt, ut euidenter appareat,
 quod in illo figura qualiscumque adumbrata sit, in isto ueritas præsentata. no-
 tum est enim quibus terminis regnum conclusum fuerat Salomonis, & tamen in
 eo psalmo legitur, ut alia taceam, Dominabitur a mari usque ad mare, & a flumi-
 ne usque ad terminos orbis terræ, quod in Christo uidemus impleri. A flumine
 20 quippe dominandi sumpsit exordium, ubi baptizatus a Iohanne, eodem monstra-
 te cœpit agnosci a discipulis, qui eum non solum magistrum, uerum etiam domi-
 num appellauerunt. Nec ob aliud uiuente adhuc patre suo David regnare Salo-
 mon cœpit, quod nulli regum illorum contigit, nisi ut hinc quoque satis eluceat,
 non esse ipsum quem prophetia præsignat, ista quæ ad patrem eius loquitur di-
 cens: Eterit cum completi fuerint dies tui, & dormieris cum patribus tuis, susci-
 tabo semen tuum post te, qui exiet de uentre tuo, & præparabo regnum illius.
 Quo modo ergo propter id quod sequitur, Hic ædificabit mihi domum, iste Salo-
 mon putabitur prophetatus: & non potius, propter id quod præcedit, Cum com-
 pleti fuerint dies tui, & dormies cum patribus tuis, suscitabo semen tuum post te,
 30 alius pacificus intelligitur esse promissus, qui non ante sicut iste, sed post mortem
 David prænunciatus est suscitandus. cum enim longo interpolito tempore Iesus
 Christus ueniret, proculdubio post mortem regis David, cui sic est promissus,
 eum uenire oportebat, qui ædificaret domum Deo, non de lignis & lapidibus,
 sed de hominibus, qualem illum ædificare gaudemus. huic enim domui dicit apo-
 stolus, hoc est, fidelibus Christi: Templum enim Dei sanctum est, quod estis uos.
 2. Cor. 6
 propter quod in psalmo LXXXV, cuius titulus est, Intellæctus ipsi Ethan
 Israelitæ, commemorantur promissiones Dei factæ regi David, sicut & in hoc Re-
 gum libro positæ sunt, ita & ibi quædam similia dicuntur: sicut est illud. Iuravi
 David seruo meo usque in æternum, præparabo semen tuum, & cetera. Illud
 40 uero quod dicit, Si quid inique aliquid gesserit, arguam eum in uirga uirorum,
 & in plagis filiorum hominum, misericordiam autem meam non auferam ab eo;
 sicut abstuli a Saul, quem amoui a facie mea; non dixit Ab eis, sed dixit Ab eo.
 non enim Christi ipse, qui est caput ecclesiæ, possunt inueniri nulla peccata,
 quæ opus esset humana correptione seruata misericordia diuinitus eocerceri, sed in
 eius corpore ac membris quod populus eius est. Illud uero quod locutus est Deus
 per Nathan ad David, nullo modo prætermittendum est, ubi ait, Et ponam locum
 populo meo Israel, & plantabo illum, & inhabitabit securum, & non sollicitus erit
 ultra, & nō apponet filius iniquitatis humiliare eum sicut ab initio, a diebus, quibus
 constitui indices super populum meum Israel. Hoc tam magnum bonum quisquis

Psal. 71

2. Cor. 6

in hoc sæculo, & in hac terra sperat, insipienter facit. An quispiã putabit in pace regis Salomonis id esse cõpletum? Pacẽ quippe illam, scriptura in umbra futuri excellenti prædicatione commendat. Sed huic suspitioni uigilanter occursum est, cũ postea quã dictum est, Et non apponet filius iniquitatis humiliare eum, continuo subiunctum est, sicut ab initio a diebus, quibus constitui iudices super populum meum Israel. Iudices namque priusquam reges ibi esse cõpissent, super populum illum fuerant constituti, ex quo terram promissionis accepit: & uti que humiliabat eum filius iniquitatis, idest, hostis alienigena per intervalla temporum, quibus leguntur pacem alternasse cum bellis, & inveniuntur illic pacis tempora prolixiora, quam Salomon habuit, qui XL regnavit annos. nam sub eo iudice, qui est appellatus Aoch, LXXX pacis anni fuerunt. Absit ergo ut Salomonis tempora in hac promissione prædicta esse credantur, multo minus cuiuslibet regis alterius. nõ enim quisquam eorum in tanta, quanta ille, pace regnavit, nec umquam omnino gens illa regnum tenuit, ut sollicita non fuerit, ne hostibus subderetur: quia in tanta mutabilitate rerum humanarum nulli aliquando populo concessa est tanta securitas, ut huius uitæ hostiles non formidaret incursum. Locus ergo iste qui promittitur tam pacatæ ac securæ habitationis, æternus est, æternusq; debetur in illa Hierusalem libera, ubi erit ueraciter populus Israel. hoc enim nomen interpretatur, Videns Deum, cuius præmii desiderio pia per fidem uita in hac ærumnosa peregrinatione ducenda est. Nunciante uerba hæc Nathan ad David, ingressus est rex Dauid, & sedit coram domino. Quid in hac sessione intelligendum est, nisi quia sedit in conspectu domini, siue ubi erat arca testamenti per quam iam secretior & commendatior præsentia quædam domini accipi potest: siue quia oraturus sedit, quod non fit recte nisi in conspectu Dei, hoc est, in intimis cordis: potest enim sic accipi quod dictum est ante dominum, ubi nullus esset hominum, qui audiret orantem. Siue ergo propter arcam testamenti, siue propter secretum remotis arbitris, siue propter intimum cordis, ubi erat orantis affectus, conuenienter dictum est, Sedit ante dominum: nisi forte quod sedens orauit, hoc mouer, cum & sanctus Helias hoc fecerit, quando pluuiam orando impetrauit. Quibus admonemur exemplis, non esse præscriptum, quo modo corpus cõstitueretur ad orandum, dum animus Deo præsens peragat intentionem suam. nam & stantes oramus, sicut scriptum est, Publicanus autẽ de longe stabat. Et fixis genibus, sicut in Actibus apostolorum legimus. Et sedentes, ut ecce Dauid & Helias. Nisi autem etiam iacentes oraremus, non scriptum esset in psalmis, Lauabo per singulas noctes lectum meum, lacrymis meis stratum meum rigabo. cum enim quisque orationem querit, collocat membra, sicut ei occurrerit, pro tempore positi corporis ad mouendum animum: cum autem nõ querit, sed infertur appetitus orandi, & aliquid repente uenit in mentem, quo supplicandi moueatur affectus, genibus inenarrabilibus, quocumque modo inuenerit hominem, non est utique differenda oratio, ut queramus quo secedamus, aut ubi stemus, aut ibi prosternamur. gignit enim sibi mentis intentio solitudinẽ, & sæpe etiam obliuiscitur se, uel quam cæli partem, uel in qua positione corporis membra illud tempus inuenerit.

Fecit quoque Dauid sibi nomen, cum reuerteretur capta Syria in ualle Salinarum cæsis XII milibus. Quid per percussam multitudinem a Dauid in Salinarũ ualle signatur, nisi quia redemptor noster suo uidelicet discretionis examine, in his, qui de illo praua sentiunt, stultitiam immoderati saporis extinguit? Factum est post hæc, ut moreretur rex filiorum Ammon, & regnaret Annon filius eius pro eo. Dixitq; Dauid, Faciam misericordiam cum Annon filio Naas, sicut fecit pater eius mecum misericordiã. Misit ergo Dauid consolans eum per seruos suos super

Lucæ 18
Act. 20
Psal. 6

De iniuria
Ammonita-
rum in lega-
tor Dauid.
VI

super patris interitu. Cum autem uenissent serui Dauid in terram filiorum Ammon, dixerunt principes filiorum Ammon ad Annon dominum suum: Putas quod propter honorem patris tui Dauid miserit ad te consolatores, & non potius, ut inuestigare & exploraret ciuitatem, & euerteret eam, misit seruos suos Dauid ad te? Tulit itaque Annon seruos Dauid, rursq. dimidiam partem barba eorum, & præcidit uestes eorum medias usque ad nates, & dimisit eos. Quod cum nuntiatum fuisset, Dauid misit in occursum eorum. erant enim uiri confusi turpiter ualde. Et mandauit eis Dauid: Manete in Iericho donec crescat barba uestra, & tunc reuertimini) sicut enim Annon rex Ammon seruos Dauid ad se missos deturpauit, atque ludibriter scædatos ad eundem Dauid remisit, ita & diabolus princeps huius mundi plerisque religiosos per subripiencia uitia deturpare consueuit. Qui dum eorum latentia mala in aperta & flagitiosa perpetrataq. luxuria detegit, quasi eorum indumentis usque ad nates abscessis, nudos a dignitate castitatis relinquit: & dum pristinam eorum fortitudinem eripit, uelut barbam radit: quos tamen uerus Dauid, dominus scilicet & saluator noster, clementi respectu a penitentia indulgentia non excludit. quos & in Iericho, hoc est, sub anathemate penitentia residere iubet, donec sacramenta spiritalia, & fortitudinem mentis, quæ peccando perdidierunt, satisfaciendo recipiant, & sic demum in conspectu eius stare ualeant. Factum est autem, dum surgeret Dauid de stratu suo post meridiem, & deambularet in solario domus regie, uidit mulierem se lauante, mittensq. tulit eam, & dormiuit cum ea, & concepit. cumq. cognouisset Dauid, misit ad Ioab dicens: Mitte ad me Vriam Ethæum. Veniens Vrias ad Dauid, misit epistolam Dauid per Vriam ad Ioab, ut poneret Vriam ubi fortissimum prælium esset, fecitq. Ioab ita, & mortuus est Vrias Ethæus) Plerumque quædam res per historiam uirtus est, per significationem culpa: sicut aliquando res gesta in causa facta damna tio est, in scripto autem prophetia uirtutis. quod utrumque citius ostendimus, cum huius sacræ scripturæ testimonium ad utraque approbanda ad medium deducimus. Quis namque audiens non solum fidelium, sed etiam infidelium, non omni modis detestetur, quod Dauid in solario deambulans, Bersabæ Vriæ concupiuit uxorem? Quem tamen a prælio reuertentem ire ad domum admonet, pedes lauare: qui protinus respondit, dicens, Arca domini sub pellibus est, & ego in domo mea requiescā? Quem Dauid ad mensam propriam suscepit, eiq. epistolas, per quas mori debeat, tradidit. Cuius Dauid in solario deambulans, typum tenuit, nisi eius, de quo scriptum est, In sole posuit tabernaculum suum? Ecquid est Bersabæ ad se producere, nisi legem literæ carnali populo coniunctam, spiritali sibi intellectu fociare? Bersabæ enim Puteus septicimus dicitur, quia nimirum per cognitionem legis infusione spiritalis gratiæ perfecta nobis sapientia ministratur. Quæ uero Vrias nisi Iudaicum populum signat, cuius nomen interpretatur dicitur, Lux mea dominus. Iudaicus autem populus, quia de accepta legis scientia extollitur, quasi de Dei luce gloriatur. Sed huic Dauid uxorem abstulit, sibiq. coniunxit, quia uidelicet manus fortis quod Dauid dicitur, in carne redemptor noster apparens, dum spiritaliter loqui legem innotuit, per hoc quod iuxta litteram tenebatur, hanc a Iudaico populo extraneam monstrauit, sibiq. coniunxit, quia semper illam prædicando declarauit. Vriam tamen ad domum Dauid ire admonet, pedes lauare: quia incarnatus dominus ueniens Iudaico populo præcipit ut ad conscientiam redeat, & sordes operum stitibus tergat, ut spiritaliter mandata legis intellegat, ut post tantam duriciam præceptorum fontem baptisimatis inueniens, ad aquam post laborem decurrat. Sed Vrias qui arcam domini esse sub pellibus meminuit, respondit, quod domum suam iatrare non possit. Ac si Iudaicus po-

*De adulterio
Dauid. VII*

Psalm. 18

pulus dicat: Ego mandata Dei in sacrificiis carnalibus uideo, & redire ad cōscien-
 tiam per spiritalem intelligentiam non requiro. quasi enim arcam sub pellibus
 dicit esse, quia præceptis Dei non nisi adhibendum ministerium sacrificii carna-
 lis intelligit. Hunc tamen etiā redire ad domū nolentem Dauid ad mensam uocat,
 quia quāuis Iudaicus populus ad cōscientiā reuerti contemnat, ei tamen redem-
 ptor ueniens, mandata spiritalia prædicat dicens, Si crederetis Moysi, crederetis
 forsitan & mihi, de me enim ille scripsit. Legem itaque Iudaicus populus tenet,
 quæ eius diuinitatem loquitur, cui isdem populus credere designatur. Vnde &
 Vrias ad Ioab cum epistolis, ex quibus occidi debeat, mittitur: quia idem ipse Iu-
 daicus populus legem portat, qua conuincente moriatur. dum enim mandata 10
 legis retinens implere nititur, ipse nimirum desert iudicium, unde damnetur.
 Quæ ergo perfectio isto Dauid scelestius, quid Vria mundius dici potest? Sed rur-
 sus per mysterium quid Dauid sacratius, quid Vria infidelius inuenitur: quando
 & ille per uitæ culpam prophetiæ signat innocentiam, & iste per uitæ innocen-
 tiam, in prophetia exprimit culpam? Virtus namque sacri eloqui sic transacta nar-
 rat, ut uentura exprimat: sic in facta re approbat, ut in mysterio contradicat: sic
 gesta damnat, ut hæc mystice gerenda persuadeat. Ad hoc in scriptura sacra uiro-
 rum talium, idest Dauid & Petri, peccata sunt indita, ut cautela minorum sit rui-
 na maiorum. Ad hoc uero utrorumque illic etiam pænitentia insinuat, & ue-
 nia, ut spes persequentium sit recuperatio perditorū. De statu ergo suo Dauid cadente 20
 nemo superbiat, de lapsu etiam suo Dauid surgente nemo desperet. Ecce quam
 mirabiliter scriptura sacra eodem uerbo superbos premit, quo humiles leuat, unā
 quamque rem gestam retulit, & diuerso modo superbos quidem ad humilitatis
 formidinem, humiles uero ad fiduciam reuocauit. O inextimabile noui generis
 medicamentum, quod uno eodemq; ordine positum, & premendo tumentia ex-
 siccant, & subleuando arentia infundit. De maiorum nos lapsu terruit, sed de repa-
 ratione roborauit. Sic quippe semper sic nos diuinæ dispensationis misericordia
 & superbientes reprimat, & ne ad desperationem corruamus fulcit. Sed quia exi-
 gente causa Dauid ad medium deducto tanti facinoris memoriam fecimus, lecto-
 ris fortasse animus mouetur, cur omnipotens Deus eos quos in perpetuum elegit, 30
 quos ad donorum quoque spiritalium culmen assumpsit, illæso a corporalibus ui-
 tiis non custodit. Vnde quia satis fieri citius credimus, breuiter respondemus. nō
 nulli enim percepto dono uirtutū per impensam gratiam bonorū operum in super-
 biæ uitii cadunt, sed tamen quo modo ceciderint nō agnoscunt. Proinde contra
 eos hostis antiquus, qui iam interiorius dominatur exteriori etiam scire permittitur,
 ut qui in cogitatione elati sunt, per carnis luxuriā prosternantur. Scimus autē, quia
 aliquando minus est in corporis corruptione cadere, quam cogitatione tacita ex
 deliberata elatione peccare. Sed cum minus turpis superbia creditur, minus ui-
 tatur: luxuriam uero eo magis erubescunt homines, quo simul omnes turpem
 nouerunt. Vnde fit plerumque ut nonnulli per superbiam in luxuriam corruentes, 40
 ex aperto casu malum culpæ latentis erubescant, & tunc etiam maiora corrigunt,
 cum prostrati in minimis grauius confunduntur. reos enim se inter minora conspiciunt,
 qui se liberos inter grauiora crediderant. pia enim domini dispensatio-
 ne laxatus nonnumquam malignus spiritus de culpa ad culpam trahit: & dum
 plus percutit, inde eum, quem ceperat, amittit: atque unde uicisse cernitur, inde
 superatur. Considerare libet, intra munitum gratiæ sinum quanto Deus misericor-
 diæ fauore nos continet. Ecce qui de uirtute se extollit, per uitium ad humilitatem
 redit, & qui de acceptis uirtutibus extollitur, non gladio, sed (ut ita dixerim)
 medicamento uulneratur. quid est enim uirtus, nisi medicamentum? & quid ui-
 tium,

tium, nisi uulnus? Quia ergo nos de medicamento uulnus facimus, facit ille de uulnere medicamentum, ut qui uirtute percutimur, uitio curemur. Nos namque uirtutum dona retorquemus in usum uitiorum, ille uitiorum illecebras assumit in arce uirtutum, & salutis statum percutit, ut seruet: ut qui humilitatem curantis fugimus, salui cedentis hæreamus. Sed inter hæc sciendum quod plerique hominum, quo in multis corruunt, artius ligantur: cumq. eos antiquis hostis ex uno uitio percutit, ut concidant, ex alio quoque ligat, ne surgant. Consideret itaque homo cum quo aduersario bellum gerat, & si iam in se aliquid deliquisse perpendit, saltem per culpam pertrahi ad culpam pertimescat, ut studiose uiten-
 10 tur uulnera, quibus frequenter interficitur: quia ualde rarum est, quod hostis nos-
 ter electorum salutem etiam uulneribus seruet. erudiendos enim, sicut diximus, electos suos dominus sæpe tentatori subiicit, sicut post paradisi claustra, post ter-
 tia cæli secreta, ne reuelationum magnitudine Paulus extolli potuisset, ei Satanæ Angelus datus est: sed ut præfati sumus, ipsa hac tentatione disponitur, ut qui ela-
 ti perire poterant, humiliati a perditione seruentur. Secreto ergo dispensationis ordine unde feruire permittitur iniquitas diaboli, inde pie perficitur benignitas
 Dei: quia aduersarius noster inde obtemperat nutibus supernæ gratiæ, unde exer-
 cet iram nequissimæ uoluntatis suæ. His ita gestis, misit dominus Nathan ad
 Dauid. Et ueniens Nathan proposuit similitudinem de diuite & paupe: unus ha-
 20 bens oues & boues, alter tantummodo ouem unam, hanc unam ouem pauperibus
 tulit diues. Audito hoc Dauid, indignatus ait aduersus hominem illum, Viuit dominus, quia filius mortis est, uir qui fecit hoc. Dixit autem Nathan ad Dauid, Tu es ille uir. Et dixit Dauid ad Nathan, Peccaui domino. Dixitq. Nathan ad
 Dauid, Dominus quoque transtulit peccatum tuum, non morieris. Si peccatum
 Dauid tam detestabile dominus transtulit, quid est quod omnia quæ de eodem
 peccato per prophetam ei a domino dicta sunt postmodum tolerauit? Sed procul-
 dubio dominus delictum sine ultione non deserit: aut enim ipse hoc homo in se
 pœnitens punit, aut hoc Deus cum homine uindicans percutit. Nequaquam igitur
 peccato parcat, quod nullatenus sine uindicta dimittit. sic enim Dauid audi-
 30 re post confessionem meruit, dominus transtulit peccatum tuum: & tamen post
 cruciatibus affligus ac fugiens, reatū culpæ quam perpetrauerat exsoluit. Sic nos
 salutis unda a culpa primi parentis absoluit, sed tamen reatū eiusdem culpæ di-
 luentes, absoluti quoque adhuc carnaliter obimus: quia delicta nostra siue per nos
 siue per semet ipsum refecat, etiam cū relaxat. ab electis enim suis iniquitati stu-
 det maculas temporali afflictione tergere, quas in perpetuum nō uult uindicare.
 Quod uero dicit, Duo homines erant in ciuitate una, Vrias & Dauid intelligitur.
 Et addice personas. Pauper cū ouem meliorem dicit, hoc est uxorem eius quæ
 adulterata est, quæ de mensa eius uestiebatur, & de calice eius potabat, & in gremio
 eius cubabat. Considera pauperem incentiuā pietatis habere fulcimina, in
 40 diuitibus autem multa superbia. Apud pauperes uxor, & ancilla & ministra est,
 & procreat filios, & ipsa mater & nutrix est: apud diuites autem non est ita, sed
 cum generauerit filium, statim eum tradit foris, & pietatis insignia abscondit su-
 perbia. Erubescit fieri nutrix, quæ facta est mater. Quis ergo in gremio eius cu-
 babat. Auxit parabolam narratione pietatis. Venit ergo peregrinus homo ad
 regem illum. Quis itaque est peregrinus? Concupiscentia uidelicet. Vt ergo il-
 lius ostenderet castitatem, peregrinam concupiscentiam nominauit. numquam
 enim alienas nuptias dissipauit, neque iniquis conspexit oculis, sed percussus
 in illa muliere perdidit castitatem, quia paululum se reddiderat remissorem se-
 curitate pacis. Venit peregrinus, iniqua & agrestis concupiscentia ad illum diui-
 tem.

Nathan ad
 Dauid missus
 VIII

tem. Venit & ille, accepit non de gregibus suis uel armentis, ut peregrino pararet epulas, sed misit & rapuit ouem pauperis, quæ in sinu eius cubabat, & de mensa edebat. Hæc igitur cum audisset Dauid, iratus est ualde aduersus hominem illum, & dixit ad Nathan, Viuit dominus, quoniam filius mortis est uir qui fecit hoc. ouem reddet in quadruplum, & ipse gladio punietur. O iudicii superfluum entem iustitiam. non enim erat illa amoris fibra, ut iuste non diceret. Iubet quidem in quadruplum secundum legem, lex enim præcepit furantem quadrupli restitutione uinciri: iste autem & legem est prætergressus. Iubet quidem & ipsum interimi, & in quadruplum obnoxium detineri. Promptus itaque sententiam, & iudicium climatum. Cum hoc audisset propheta, iactat omnem umbram imaginis, & in medium profert gladium, & cum fiducia dicit, Tu es rex, qui hoc opus fecisti. O sectura non gladio secans sensum doloris, sed compendio accusationis. cum enim oportuit, occultauit narrationem: cum uero tempus inuenit, statim percussit & abscidit, sine grandi plagæ uulnere, hoc solummodo dicens. Tu es rex. At ille uelociter ad conscientiam rediens, tamquam fidelis & idoneus seruus, culpam simpliciter confitetur, & dicit, Peccauit domino: & propheta respondit, Et dominus transtulit peccatum tuum. Velox confessio, uelocior medicina. Facto peccauit, uerbo penituit. Annuit Deus, & correctio facta est: uulnus apparuit, & sanitas rediit. Sed non fuit his propheta contentus. nam post correctionem, post penitentiam, post peccatorum absolutionem, psalmum ob causam scripsit: ita ut etiam posteræ generationi fiat illius passio medicina, & illius naufragium sit aliis portus, & quibus ille uulneratus est & emendauit, aliis in iisdem incidentibus ipsa possint uti medicina & emendatione sanari. Fugiens Dauid Absalon filium suum, nudisq. pedibus incedens transgressus est torrentem Cedron, & cunctus populus cum eo, & perueniunt usque Baurim. et ecce egressus Semei, filius Gera, de cognatione domus Saul, mittens lapides maledicebat regi, dicens, Egredere, egredere uir sanguinû & uir Belial. Quisquis fidelis diuini gratiæ illustratione cõpungitur, & sancto desiderio de imis ad summa supernæ contemplationis penna festinat, hæc gesta beati Dauid, & aliorum sanctorum præcedentium patrum, ubi aliquid iniuste perpeffi sunt, ante mentis oculos ponat: atque in eis se imitatione exercendo proficiat; & quod in præfenti titillat ex uitio, uel præteritorum malorum memoria reprimat, uel donorum præcedentium consolatione restinguat, uel etiam imitatione, ut dictum est, patrum præcedentium retundat. quod necesse est, ut, sicut proposuimus, exemplis euidentioribus approbemus. Vt enim unum de multis loquar, quatenus studiosus lector multa in uno intelligat, quisquis uerborum contumeliis pressus cum uirtute patientiam seruare non sufficit, Dauid factum ad memotiam reducat. Qui cum Semei tor conuictis urgetur, & armati proceres ulcisci contenderent, ait; Quid mihi & uobis fili Saruiz? dimitte eum ut maledicat. dominus enim præcepit ei, ut malediceret Dauid. Equis est qui audeat dicere quare sic fecit? Et paulo post, Dimitte eum, ut maledicat iuxta præceptum domini, si forte respiciat dominus afflictionem meam, & reddat mihi bonum pro maledictione hac hodierna. Quibus profecto uerbis indicat, quia pro perpetrato Bersabeæ scelere, exurgentem contra se filium fugiens, reduxit ad animum malum quod perpetravit, & contumeliosa uerba non tam conuicia, quam adiutoria credidit; quibus se purgari sibiq. miseri posse iudicauit. tunc enim illata conuicia bene toleramus, cum in secreto mentis ad male perpetrata recurrimus. leue quippe uidebitur, quod iniuria percussimur, dum in actione concipimus, quia peius est quod meremur. sicq. fit ut contumeliis gratia, quam ira, debeatur, quarum interuentu Deo iudice poena grauior

De Dauid fugato per filiis.

IX

uor declinari posse confiditur. Illud uero quid significet, quod parricida filius Absalon patrem insequens, primo pater eius declinans fugit ante faciem eius, securus de uictoria: qui aspiciet impium perire, quem etiam sicut magno luctu, & deplorauit exitu parricidæ. scribitur enim fugisse Dauid a facie bellantis aduersum se filii. & quoniam scriptum est de populo Hierusalem, Filios enutriui, & exaltaui, ipsi autem cõtemnentes spreuerunt me: filius ipsius significatur tropice, idest populus Iudaicus, qui eum tradidit. Absalon autem, sicut quidam interpretantur, intelligitur Patris pax. Quod mirum uidetur in historia, quemadmodum patris pax possit intelligi, qui patrem bello persecutus est. Sed qui diligenter ad allegoriam intendunt, inspiciunt Absalon esse Hierusalem: quia etiam & ipsa, 10 Pax interpretatur, a cuius facie Christus fugit, quando eam patiendi deferens in gentibus per fidem successit. Alii Absalon, Iudam traditorem, accipiunt, quem tanta & tam miranda patientia Christus pertulit tamquam bonum, cum eius cogitationes non ignoraret, cum adhibuit conuiuio, in quo corporis & sanguinis sui figuram discipulis commendauit & tradidit. Quod denique & in ipsa traditione osculum accepit, bene intelligi Christum pacem exhibuisse traditori suo, quãuis ille tam sceleratæ cogitationis interno bello nascaretur. Er ideo Absalon Patris pax dicitur, quia pater habuit pacem, quam ille non habuit. Sed fortasse quis dicat, si Dauid imaginem Christi gerebat, quo modo multas uxores habuisse & 30 concubinas scribitur, cum has res Christus & horrescat, & damnet hoc enim in prophetia fiebat. multæ enim uxores Dauid, multarum gentium & nationum imaginem indicabant, quæ per fidem Christi confortio iungerentur: concubinæ uero eius significant hæreticorum ecclesias, quæ sub Christi nominis titulo se manere gloriantur. sed quia propter carnalia lucra Christum scelerantur, non coniuges, sed concubinæ uocantur. Denique nunc reges si plures habeant uxores uel concubinas crimen est, quia iam transierunt figuræ, pro quibus uxorum uel concubinatum uenia concedebatur. at nunc quia figuræ transierunt, uenia nulla datur. Percusso Absalon cum redisset Dauid in Hierusalem, dixit Amasæ, ut congregaret omnes uiros Iuda in diem tertium, & constitueret eum principem pro Ioab. qui moratus extra placitum, præcepit Dauid Ioab & Abisai, ut irent & apprehenderent Siba filium Bochri. cumq; uenisset Ioab in Gabaa, Ioab tenuit manu dextra mentum Amasæ, quasi osculans eum, percussit eum in latere, & mortuus est.) Quid est quod Ioab Amasæ mentum manu dextra tenuit, & sinistram ad gladium latenter mittens, eius uiscera effudit: nisi hoc quod patenter datur intelligi? dextera namque manu tenere, est quasi ex benignitate blandiri: sed sinistram ad gladium mittit, qui latenter ex malitia percudit. Sequitur psalmus XVII. Et merito quæritur, cur solus iste psalmis in libris Regum reperitur conscriptus. Nec immerito psalmus iste in Regum libris solus inuenitur, quia regnum illud significat, ubi aduersarium non habebimus. titulus enim eius est, In die qua 40 eripuit eum dominus de manu inimicorum eius, & de manu Saul. quis enim figuratur in Dauid nisi ille qui uenit secundum carnem ex semine Dauid? Qui utique in corpore suo, quod est ecclesia, adhuc patitur inimicos, unde illi persecutori, quem uoce prostrauit, & in suum corpus traiciens quodammodo manducauit, insonuit de cælo, Saule, Saule, quid me persequeris? Quando autem metur eripi hoc corpus de manu inimicorum eius, nisi cum illa nouissima inimica destruetur mors, ut perueniatur ad regnum Dei? Diligam te domine, uirtus mea) Diligam te domine, per quem fortis sum. Domine firmamentum meum, & refugium meum, & liberator meus Domine qui me firmasti, quia refugi ad te: refugiam te, quia liberaasti me. Deus meus adiutor meus, & sperabo in eum)

Deus meus qui mihi adiutorii prius uocationis tue praestitisti, ut sperare in te pos-
sim. (Protektor meus, & cornu salutis meae, & liberator meus.) Protektor meus,
quia non de me praesumpsisti, quasi erigens aduersum te cornu superbiae: sed te ip-
sum cornu, hoc est firmam celsitudinem salutis inueni, quod ut inuenirem redemi-
sti me. Laudans inuocabo dominum, & ab inimicis meis saluus ero.) Non mea
gloria, sed domini, quarens inuocabo dominum: & non erit unde mihi noceant
iniquitatis errores. Circūdederunt me dolores mortis.) Hoc est dolores carnis.

Et torrentes iniquitatis conturbauerunt me.) Turbae iniquae ad tempus comor-
uelut flumina pluuialia cito desitura, egerunt ut conturbarent me. Dolores in-
ferni circumdederunt me.) In his qui me circumdederunt ut perderent, erant do-
lores inuidiae, qui mortem operantur, perduntque ad infernum peccati. Prae-
uenerunt me laquei mortis.) Praeueniunt me ut priores nocere uellent, quod eis
postea redderetur. Tales autem homines capiunt in perditionem, quibus mala
persuaserint iactatione iustitiae, cuius non re sed nomine aduersus gentes glorian-
tur. Et in pressura mea inuocaui dominum & ad Deum meum clamaui. Et ex-
audiuit de templo sancto suo uocem meam. Et exaudiuit de corde meo in quo ha-
bitat, uocem meam. Et clamor meus in conspectu eius.) Et clamor meus, quem
non in auxilio hominum, sed coram ipso intus habeo, introiuit in aures eius.

Et commota est & contremuit terra.) Ita clarificato filio, commoti sunt & con-
tremauerunt peccatores. Et fundamenta montium conturbata sunt.) Et spes su-
perborum, quae in hoc fuerunt saeculo, conturbatae sunt. Et commota sunt, quon-
iam iratus est eis dominus.) Ut scilicet iam fundamentum non haberet in cordi-
bus hominum spes temporalium bonorum. Ascendit fumus in ira eius.) Ascen-
dit lacrymosa deprecatio penitentium, cum cognouissent quid minetur Deus im-
piis. Et ignis a facie eius exardescit.) Et flagrantia caritatis post penitentiam
de notitia eius exardescit. Carbonem succensum sunt ab eo.) Quia iam mortui erant
deserti ab igne boni desiderii ac luce iustitiae, & frigidi tenebrosique remanserant,
rursus accensi & illuminati reuixerunt. Et inclinauit caelum, & descendit.) Et
humiliauit iustum ut descenderet ad hominum infirmitatem. Et caligo sub
pedibus eius.) Caligo ei sub pedibus est, quia non ea claritate ab inferioribus
cernitur, quae in superioribus dominatur. Impii enim, qui terrena sapient, cali-
gine malitiae suae non cognouerunt eum. terra enim sub pedibus eis, tanquam
scabellum pedum eius.) Et ascendit super Cherubin & uolauit.) Cherubin quip-
pe Plenitudo scientiae dicitur. Proinde super plenitudinem scientiae ascendisse &
uolasse perhibetur, quia maiestatis eius celsitudinem scientia nulla comprehendit.

Volauit ergo qui longe in altum ab intellectu nostro se rapuit, ut nemo ad Deum
perueniret, nisi per caritatem, plenitudo enim legis caritas. Et cito se in com-
prehensibilem monstrauit dilectoribus suis, ne illum corporeis imaginationibus com-
prehendi arbitarentur. Super Cherubin dominus ascendit & uolauit, quia super
plenitudinem scientiae quae esse in hominibus potuit, incarnationis suae gloriam
exaltare dignatus est: ut hoc eius uolare, sit potentiae suae mysterium ab intellectu
humano subducere, quatenuslibet enim plenitudine scientiae uita spiritualium fulgeat,
apprehendere non ualeat, quo modo factum sit, ut qui exiit conciperetur, & ante
saecula auctor hominum nasceretur homo in fine saeculorum, Deus caro, uerbum
inans fieret. Unde & recte illic additur, Volauit super pennas uentorum.)
Quia uidelicet transcendit omnes intellectus animarum. Vento quippe animam
figurari pro uelocitate suae cogitationis, non inconuenienter accipimus. Illa autem
celeritas quae se incomprehensibilem esse monstrauit, super uirtutes animarum
est, quibus se, uelut pennis, aeternis timoribus in auras libertatis extollunt.

Et

- Et posuit tenebras latibulum suum) Et posuit obscuritatem sacramentorum, & occultam spem in corde credentium, ubi lateret ipse non eos deserens: quia dum caligine nostræ infirmitatis obscuramur, per ignorantiam nostram nobis absconditur, ne a nobis modo in æterna & firma claritate uideatur. In his etiam tenebris ubi per fidem adhuc ambulamus non per speciem, quâdiu quod non uidemus speramus, per patientiam expectamus. Quia uero auctor noster nobis in hoc exilio deiecit, lucem suæ uisionis abstulit, sese nostris oculis quasi in tenebrarum latibula abscondit, quas nimirum cæcitatæ nostræ tenebras cum studiose conspiciamus, mentem ad lamenta reuocamus. Sæpe enim cæcitatem quam foris patitur, si humiliter meminit quo de interiori lumine priuatur. Cumq; tenebras quibus circumdatur respicit, per splendoris intima ardenti se desiderio affligit, omniq; intentionis uisu sentet ipsam concutit, & supernam lucem quam condita deferuit, repulsa querit. Vnde fit plerumque, ut in ipsis piis fletibus illa interni gaudii claritas erumpat, & mens, quæ in corpore prius cæca iacuerat, ad inspectionem fulgoris intimi superius uergeta conualescat. In circuitu eius tabernaculum eius.) Conuersi tamen ad ipsum ambiunt, qui credunt ei, quia in medio ipsorum est, cum omnibus æqualiter fauet, in quibus tamquam in tabernaculo habitat in hoc tempore. Tenebrosa aqua in nubibus aeris) Nec propterea quisquam in illa luce, quæ futura est, cum ex fide ad speciem uenerimus, iam esse arbitretur, si scripturas recte intelligit. In prophetis enim atque in omnibus diuini uerbi prædicatoribus doctrina obscura est, quia ante aduentum domini dum occultis sacramentis gaudent in ministeriis mensam gestarent, in tuentium oculi eorum intelligentia caligabant. Præ fulgore in conspectu eius) In comparatione fulgoris, qui est in conspectu manifestationis eius. Nubes ipsius transierunt) Prædicatores uerbi eius non iam in ludææ finibus continentur, sed transierunt ad gentes, & uniuersa mundi spacia miraculorum claritate percurrunt. Grandæ & carbones ignis) Obiurgationes figuratas, quibus uelut grandine corda dura tunduntur, si terra dura & mitis, idest pius animus exceperit, duritia grandinis in aquam, idest terror fulguratæ & quasi congelatæ obiurgationis, in doctrinam satiantem resoluitur, igne autem caritatis accensa corda reuiuiscunt. Hæc omnia in nubibus ipsius ad gentes transierunt, quia uidelicet sancti uiri corda audientium & terrentes feriunt, & blandientes infundunt. nã, quemadmodum feriant, propheta testatur, dicens: *Psal. 144* Virtutem terribilium tuorum dicent, & magnitudinẽ tuam narrabunt. Et quædam modum blandientes rigent, secutus adiunxit, Memoriam abundantie suauitatis tuæ exultabunt, & iustitia tua exultabunt. Et intonauit de cælo dominus) Ereusq; gelica tuba de corde iusti sonuit. Et altissimus dedit uocẽ suam) Vt haberemus eam, & in profundo rerum humanarum audiremus cælestia. Et emisit sagittas, & dissipauit eos) Et emisit euangelistas pennis uirtutum recta itinera transuolantes, non suis, sed eius a quo missi sunt, ut aliis essent odor uitæ in uitam, aliis odor mortis in mortem. Et coruscationes multiplicauit, & conturbauit eos, & apparuerunt fontes aquarum) Et apparuerunt qui facti erant in prædicantibus fontes aquarum, salientium in uitam æternam. Et reuelata sunt fundamenta orbis terrarum) Reuelati sunt prophete, qui non intelligebantur super quos ædificaretur orbis terrarum credens domino. Ab increpatione tua domine) Clamantis, Appropinquabit super uos regnum Dei. Ab inspiratione spiritus iræ tuæ) Dicentis, Nisi penitentiam egeritis, omnes similiter moriemini. Misi de summo, & accepit me) Vocando ex gentibus in hereditatem gloriosam ecclesiam, non habentem maculam, aut rugam. Assumpsit me de multitudine aquarum) Assumpsit me de multitudine populorum. Erui me de inimicis meis

meis fortissimis) Eruit me de inimicis meis, qui præuulerunt ad affligendam & ad peruertendam istam temporalem uitam meam. Et ab his qui oderunt me, quoniam confortati sunt super me) Ab his qui oderunt me, quoniam confortati sunt super me, quamdiu sub ipsis sum ignorans Deum. Præuenerunt me in die afflictionis meæ) Priores mihi nocuerunt in tempore, quo mortale & laboriosum corpus gero. Et factus est dominus firmamentum meum) Et quoniam amaritudine miserationum firmamentum terrenæ uoluptatis contribulatum atque conuulsum est, factus est dominus firmamentum meum. Et eduxit me in latitudinem) Et quia carnales patiebar angustias, eduxit me in spiritalem fidei latitudinem.

Eruit me quoniam uoluit me) Quoniam uoluit me, antequam illum ego uellem. Eruit me de inimicis meis potentiss.) Qui mihi inuident iam uolenti eum.

Et ab his qui oderunt me) Quia uolo eum. Et retribuet mihi dominus secundum iustitiam bonæ uoluntatis) Qui prior præbuit misericordiam, antequam haberem bonam uoluntatem. Et secundum puritatem manuum mearum mearum retribuet mihi) Et secundum puritatem factorum meorum retribuet mihi, qui tribuit mihi ut bene facerem, educendo me in latitudinem fidei. Quia custodiui uias domini) Ut latitudinem bonorum operum, quæ per fidem sunt, longanimitas perseverantiae consequatur. Nec impie gessi a Deo meo, quoniam omnia iudicia eius in conspectu meo sunt semper) Quoniam omnia iudicia eius, idest præmia iustorum, & penas impiorum, & flagella corrigendorum, & tentationes probandorum, perseveranti contemplatione considero. Et iustitias eius non repuli a me) Quod faciunt deficientes sub sarcina earum, & reuertentes ad uomitum suum.

Et ero immaculatus coram eo, & custodiam me ab iniquitate mea. Et retribuet mihi dominus secundum iustitiam meam) Itaque non solum propter latitudinem fidei, quæ per dilectionem operatur, sed etiam propter longitudinem perseverantiæ retribuet mihi dominus secundum iustitiam meam. Et secundum puritatem manuum mearum retribuet mihi in conspectu oculorum eius) Non quod homines uident, sed in conspectu oculorum eius, quoniam quæ uidentur temporalia sunt, quæ autem non uidentur æterna sunt, quo pertinet altitudo spei. Cum sancto sanctus eris) Est etiam occulta profunditas qua intelligeris, cum sancto sanctus eris, quia tu sanctificas. Et cum uiro innocente innocens eris.) Quia nulli nocens, sed crinibus peccatorum suorum unusquisque constringitur. Et cum electo electus eris.) Et ab eo quem eligis eligeris. Et cum peruersos subuerteris) Et cum peruerso uideris peruersus, ob quod eis non faues, peruersus esse uideris, quoniam dicunt, Non est recta uia domini, & ipsorum nia non est recta. Quoniam tu populum humilem saluum facies) Hoc autem peruersum uidetur peruersis, quod confitentes peccata sua saluos facis. Et oculos superbiorum humiliabis.) Ignorantes autem Dei iustitiam, & suam uolentes constitucere, humiliabis. Quoniam tu illuminas lucernam meam domine) Quoniam non est nostrum lumen ex nobis, sed tu illuminabis lucernam meam domine.

Deus meus illuminabis tenebras meas) nos enim in peccatis nostris tenebræ sumus, sed Deus meus illuminabit tenebras meas. Quoniam a te eripiar a tentatione) Quoniam non a me, sed a te eruar a tentatione. Et in Deo meo transgrediar murum) Et non in me, sed in Deo meo transgrediar murum, quem inter homines & cælestem Hierusalem peccata erexerunt. Deus meus immaculata uia eius) Deus meus non uenit in homines, nisi mundauerint uiam fidei, qua ueniat ad eos, quia immaculata uia eius. Eloquia domini igne examinata.) Eloquia domini igne examinationis probantur. Protector est omnium sperantium in se) Et omnes qui non in se ipsis, sed in illo sperant, eadem tribulatione

non cōsumuntur: spes enim sequitur fidem. Quoniā quis Deus prāter dominū cui seruimus? Et quis Deus prāter dominū nostrum?) Et quis Deus prāter dominū, quē post bonam seruitutem tamquā hereditatem sperātes filii possidebimus? Deus qui prācinxit me uirtute.) Deus qui prācingit ut fortis sim, ne deflentes sinus cupiditatis impediāt opera & gressus meos. Et posuit immaculatā uiam meā.) Et posuit immaculatā uiam caritatis qua ad illum ueniam, sicut est immaculata uia fidei qua uenit ad me. Qui perfecit pedes meos tamquam cerui.) Qui perfecit amorem meum ad transcendenda spinosa & umbrosa implicamenta huius sæculi. Ceruus, spiritalis uiros appellat, propter alacritatem uelocis cursus. robustorum enim mentes in Deo immobiliter fixæ tanto aduersa quæque despiciunt, quanto cernunt, quod contra prācepta conditoris excrescunt. Aeternitatis quoque prāmia prāstolantes, uires ex aduersitatibus sumunt: quia crescente pugna, glorioso rem sibi non ambigunt manere uictoriam. Sic itaque electorum desideria dum premuntur, aduersitate proficiunt, sicut ignis flatu premitur ut crescat, & unde quasi extingui cernitur, inde roboratur. In eo namque ostendimus, quanta ad Deum cupiditate flagramus, si nō solum ad eum per tranquilla & mollia, sed etiam per aspera & dura transimus. Bene ergo per Psalmistam dicitur, Qui perfecit pedes meos tamquam cerui. Ceruus enim cum mōtium iuga conscendit, quæque aspera, quæque se obiciunt sentibus illigata, dato saltu transgreditur, etiam absque ullo cursus sui obstaculo in superioribus eleuatur. Ita etiam electorum mentes quæque sibi in hoc mundo obfistere atque obuiare conspiciunt, contemplationis saltu transcendunt, & more ceruorum despectis terrenarū rerum sentibus in superna se euehunt. Et super excelsa statuit me.) Et super caelestem habitationem figet intentionem meam, ut impleatur in omnem plenitudinem Dei. Qui docet manus meas ad proelium.) Qui docet me operari ad superandos inimicos, qui nobis intercludere regna caelestia conantur. Et posuisti ut arcū æreum brachia mea.) Et posuisti infatigabilem intentionem bonorum operum. Et dedisti mihi protectionem salutis tuæ, & dextera tua suscepit me.) Idest fauor gratiæ tuæ suscepit me. Et disciplina tua direxit me in finē.) Et correctio tua me deuiare non sinens direxit, ut quidquid ago, in eum finem referam qui coheret mihi. Et disciplina tua ipsa me docebit.) Et eadem correctio tua ipsa me docebit peruenire, quo direxi. Dilatasti gressus meos subter me.) Nec impediunt carnales angustiae, quoniam latam fecisti caritatem meam operantem hilariter, etiam de ipsis, quæ subter me sunt, mortalibus rebus & membris. Et nō sunt infirmata neſtigia mea.) Et non sunt infirmata siue itinera mea, siue signa, quæ impressi ad imitandum sequentibus. Persequar inimicos meos & comprimam illos.) Persequar affectus carnales meos, ne ab eis comprehendar: sed apprehendam illos ut absumantur. Et non conuertar donec deficiant.) Et ab ista intentione non conuertar ad quietem, donec deficiant qui obſtrepunt mihi. Et confringam illos, nec poterunt stare.) Confringam illos, nec dura bunt aduersum me. Cadent sub pedes meos.) Dilectos illis prapenam amores, quibus ambulo in æternum. Et prācinxisti me uirtute ad bellum.) Et constrinxisti ſuauitatem desideria carnis meæ uirtute, ne in tali pugna prāpedirer. Supplantasti insurgentes in me subter me.) Decipi fecisti eos qui me inſequebantur, ut subter me fierent, qui super me eſſe cupiebant. Et inimicos meos dedisti mihi dorsum.) Et inimicos meos conuertisti, & dorsum mihi eos fecisti eſſe, idest ut ſequerentur me. Et odio habentes me diſperdidisti.) Alios autē eorū qui in odio perdurarunt, diſperdidisti. Clamabunt, nec erat qui ſaluū faciat.) Quis enim ſaluos faceret, quos tu non faceres? Ad dominum nec exaudiuit eos.) Nec ad quemlibet, ſed ad dominum clamauerunt, nec exauditione dignos iudicauit, non recedentes a mali

Psal. 17

tia sua. Et comminatus illos ut puluerem iuxta faciem uenti.) Et comminatus illos, aridi enim sunt non recipientes imbrem misericordiarum Dei: ut elati & inflati superbia, ab spe firma & inconcussa, tamquam terræ soliditate & stabilitate raptantur. Vel lutum platearum delebo eos.) Per latas quam multi ambulant uias perditionis, luxuriantes, & lubricos delebo eos. Erues me de contradictionibus populi.) Erues me de contradictionibus eorum qui dixerunt, Si dimiserimus eum uirtutum, sæculum post illum abit. Constitues me in caput gentium. Populus quem non cognoui, seruiet mihi.) Populus gentium quem corporali præsentiā non uisitauit, seruiuit mihi, neque oculis me uidit: sed recipiens predicatorum meos, in oblatu auditu auris obaudiuit mihi. Filii alieni mentiti sunt mihi.) Filii non mei dicendi, sed potius alieni, quibus recte dicebatur, Vos a patre diabolo estis, meriti sunt mihi. Filii alieni inueterati sunt, & claudicauerunt a semitis suis.) Et tamquam uno pede debiles, quia uetus tenentes, nouum respuerunt. Filii alieni, quibus, ut renouarentur, nouum testamentum attuli, in ueteri homine remanserunt. Claudii effecti sunt etiam in ipsa ueteri lege, potius suas traditiones sequentes, quam Dei. exultabant enim de manibus non lotis, quibus tales erant semitæ quas ipsi sece-
rant, & consuetudinem tribuerant, errando ab itinere præceptorum Dei. Viuit dominus & benedictus Deus meus.) Secundum carnem sapere, mors est, ul-
uit dominus & benedictus Deus meus. Et exaltetur Deus salutis meæ.) Et non terrena consuetudine de Deo salutis meæ sentis, sed æternā ipsam salutem in excel-
so de illo sperem. Deus qui das uindictas mihi.) Deus qui uindicas me, subdando sub me populos. Liberator meus de inimicis meis iracundis.) Clamantibus, Cru-
cifige, crucifige. Ab insurgentibus in me exaltabis me.) Ab insurgentibus in me ludæis exaltabis me, resurgentem a morte. A uiro iniquo eripe me.) A regno eorum iniquo erues. Propterea confitebor tibi in generationibus domine.) Propterea per me tibi confitebuntur gentes domine. Et nomini tuo psallam.) Et latius innotescas bonis operibus meis. Magnificans salutes regis ipsius.) Deus qui magnificat, ut amabiles faciat salutes, quas eius filius dat credentibus. Et facies misericordiam Christo suo.) Deus qui facit misericordiam Christo suo. Dauid, & semini eius usque in sæculum.) Ipsi liberatori manu potenti, qui uicit hunc mundum, & eos quos credentes in euangelio genuit in æternum. Quæcumque in hoc psalmo dicta sunt, quæ ipsi domino non proprie, id est capiti ecclesiæ congruere non possunt, ad ecclesiam referenda sunt. totus enim Christus hic loquitur, in quo sunt omnia membra eius. Hæc autem sunt uerba nouissima, quæ dixit Dauid filius Isai.) Verba nouissima Dauid non finienda dicit, sed perficienda; non consumenda, sed quæ cunctis fidelibus perfectionis plenitudinem conferant. Spiritum domini locutus est super me, & sermo eius per linguam meam.) Spiritum domini, spiritum sanctum dicit: sermo Dei, Christus filius Dei accipitur, ipse est enim Christus Dei Iacob. Præuicatorum autem quasi spinæ euellentur uniuersi. Præuicatorum ludæi atque hæretici, uelut spinæ de ecclesia quæ est terra uiuentium, euulsi atque incendio æterno combusti peribunt. Hæc nomina fortium Dauid: sedens in cathedra sapientissimus, princeps inter tres. Ipse est quasi tenerimus ligni uermiculus, qui octingentos interfecit impetu uno. Non lesbaa, ut quidam putant, sed ipse Dauid est dictus quasi tenerimus ligni uermiculus, per quod uirtus simul bellica, & modesta uiri designatur ciuilitas: quia uidelicet sicut ligni uermiculus, tener quidem & fragilis toto suo corpore, nec non & permodicum apparet, nihilominus tamen fortissimum robur exedens consumit, & corrodum reddit, unde & a terendo ligna teredonis nomen habet: sic ille affabilis omnibus domi & quietus atque humilis uidebatur, & in certamine publico robustum se ac intolerabilem ho-

sibus

stibus exhibebat. Absurdum non est, ut ii tres fortissimi Dauid & Eleazar & Samma, intelligantur trinitas, Deus pater, & filius, & spiritus sanctus, ad quorum æqualitatem ceteri fortissimi non peruenerunt. Item ipse Dauid in proelio Philistinorum cum sitiens uersaretur in bello, & aquam quæreret, Quis mihi potum dabit, ait, de lacu qui est in Bethlehem: & ad portas erat iter cisternæ, & Dauid interfusus hostibus, & media hostilium cinxerat septa castrorum: præciderunt tres uiri multitudinem aduersariorum, & hauserunt aquam de lacu qui erat in Bethlehem; & obtulerunt regi bibendam, sed rex noluit bibere, sed profudit illam domino, dixitq., Non contingat mihi hoc facere, ut sanguinem uiro-
 10 rum qui abierunt, exanimis bibam. Vicit ergo naturam, ut sitiens non biberet, & exemplum de se præbuit, quo omnis exercitus tolerare sitim disceret. Quod si altius uelis spectare & introspicere mysterium, sitiebat Dauid, non aquam, quæ est in Bethlehem, sed oriundum in eadem Bethlehem ex uirgine Christum in spiritu præuidebat. Ergo uolebat bibere, non aquam fluminis, sed lauacrum ex latere Christi fluens: hoc est, non aquarum sitiebat elementum, sed sanguinem Christi. Vnde etiam non bibit oblata tam aquam, sed domino fudit, significans se sitire sacrificium, non naturæ suentum, sed illud sacrificium in quo esset remissio peccatorum: illum sitire fontem æternum, non qui periculis quæreretur alienis, sed pericula aliena deleteret. In hoc facto cogitandum summopere est, quantum ad mores hominum pertinet, ut qui se illicita
 20 meminit commisisse, a quibusdam etiam licitis studeat abstinere, quatenus per hoc conditori suo satisfaciatur: ut qui commisit prohibita, a semet ipso abscidere debeat etiam concessa, & se reprehendat in minimis, qui se meminit in maximis deliquisse. Lex certe ueteris testamenti alienam uxorem concupisci prohibet, regi uero fortia iubere militibus, uel aquam desiderare non pænalter uetat. Et cuncti nouimus quod Dauid concupiscentiæ mucrone transfixus, alienam uxorem & concupiuit & abstulit, cuius culpam digna uerba sunt secuta, & malum, quod perpetravit, per pænitiæ lamenta correxerat. Qui cum longe post contra hostium cuneos se daret, aquam bibere ex cisterna ex desiderio uoluit, cuius electi milites inter cateruas aduersantium medias erumpentes, aquam, quam desiderauerat, illæsi detulerunt.
 30 Sed uir domini flagellis eruditus, semet ipsum protinus cum periculo militum aquam se desiderasse reprehendit, eamq. domino fundens libauit, sicut hic scriptum est, Libauit eam domino. In sacrificio quippe domini aqua effusa cõuersa est, quia culpam concupiscentiæ maculauit per pænitentiam reprehensionis suæ. Qui ergo quondam concupiscere alienam coniugem nequaquam timuit, postea etiam quia aquam concupisisset, expauit. qui enim se illicita perpetrasse meminerat, contra semet ipsum iam rigidus etiam a licitis abstinerebat. Ad hanc aquam hauriendam irruerunt tres fortes, Abisai frater Ioab, & Banaia filius Ioiadæ. Ille Banaia percussit duos leones Moab, & ipse descendit & percussit leonem in media cisterna diebus niuiis. Quo modo sit factum, Iosephus narrat apertius: quia uidelicet cisterna fuerit nimirum profunda, quæ tempore hyemis cum essent omnia niuib. plena, ipsa quoque nimio niuium aggestu fuerit coarctata: quam cum leo superueniens periculi nescius incidisset, ibi demq. cõclusus grandi rugitu clamaret, accurrebant homines uidere quid esset: & dum cum aliis ad tale spectaculum adueniret Banaia, desiliuit statim in cisternam, & aggressum mediis in niuib. percussit & interfecit leonem. Dehinc textitur catalogus uiro-
 40 rum sortium in figura sanctorum, qui fortitudine uirtutum boni operis & scientia diuinæ trinitatis fulti, non tantummodo se ipsos ab hostibus malignis defendunt, uerò infirmos quoslibet protegunt. Pec-
 50 cat post hæc Dauid populum numerando. Præcepit enim Dauid Ioab, ut perambularet totum Israël, & afferret populi numerum. Et hoc ideo scriptura dicit, Quia

De siti Dauid.
X I

De peccato
Dauid in po-
pulo numeran-
do. X I I

furor domini cœpit irasci contra Israël. Quid in hoc factò aliud demonstratur, nisi quia sic pro qualitatibus subditorum disponuntur acta regentium, ut sæpe pro malo gregis etiam uiri boni delinquant in uita pastoris? iste enim Deo attestante laudatus, iste supernorum mysteriorum conscius David propheta, tumore repentine elationis inflatus, populum numerando peccauit, & tamen uindictam populus, Dauid peccante, suscepit. Cur hoc? Quia uidelicet secundum meritum plebis, disponuntur corda rectorum. Iustus uero iudex peccantis uitium ex ipsorum animaduersione corripuit, ex quorum causa peccauit. Sed quia ipse sua scilicet uoluntate superbiens, a culpa alienus non fuit: uindictam culpæ etiam ipse suscepit. nam ira sauiens quæ corporaliter populum percussit, rectorem quoque populi intimo cordis dolore prostrauit: certum uero est, quod ita sibi inuicem & rectorum merita connectantur, & plebeium, ut sæpe ex culpa pastorum, deterior fiat uita plebeium: & sæpe ex merito plebeium, mutetur uita pastorum. Sed quia rectores habet iudicem suum, magna cautela subditorum est, non temere uitam iudicare regentium. neque enim frustra per semet ipsum dominus æs nummulariorum effudit, & cathedras uidentium columbas euerit: nimirum significans, quia per magistros quidem uita iudicatur plebeiû, sed per semet ipsum facta examinat magistrorum: quamuis etiam subditorum uitia, quæ a magistris modo uel dissimulantur, uel iudicari nequeunt, eius proculdubio iudicio reseruantur. Igitur dum salua fide res agitur, uirtutis est meritum, si quidquid prioris est toleratur: debet tamen humiliter suggeri, si fortasse ualeat quod displicet emendari: sed curandum summopere est, ne in superbiam transeat iustitiæ inordinata defensio: & dum rectitudo incaute diligitur, ipsa magistra rectitudinis humilitas amittatur: nec cum sibi præesse quisque despiciat, quem fortasse contingit, ut in aliqua actione reprehendat. contra hunc tumorem superbiz, subditorum mens ad custodiam humilitatis edo- matur, si infirmitas propria incessanter attenditur. nam vires nostras utaciter examinare negligimus, & quia de nobis fortia credimus, iccirco eos, qui nobis prælati sunt, districte iudicamus. quo enim nosmet ipsos minus agnoscimus, eo illos quos reprehendere nitimur, plus uidemus. Singula hæc mala sunt, quæ sæpe a subditis in prælatos, sæpe a prælatis in subditos committuntur: quia & subditos omnes ii qui præfunt, minus quam ipsi sunt sapientes arbitrantur: & rursum qui subiecti sunt, rectorum suorum actiones iudicant: & si ipsos regimen tenere contingeret, se potuisse agere melius putant. Vnde plerumque fit, ut & rectores minus prudentes ea quæ agenda sunt uideant, quia eorum oculos ipsa nebula elationis obscurat: & nonnumquã is, qui subiectus est, hoc, cum prælatus fuerit, faciat, quod dudum fieri subiectus arguebat: & pro eo quod illa quæ iudicauerat perpetrat, saltem quia iudicauit erubescat. Igitur sicut prælatis curandum est, ne eorum corda æstimationis singularis sapientiæ locus superior extollat: ita subiectis providendum est, ne sibi rectorum facta displiceant. Si autem magistrorum uita iure reprehenditur, oportet, ut eos subditi etiam cum disciplina uenerentur. Sed hoc est solle- ter intueudum, ne aut quem uenerari necesse est, imitari appetas: aut quem imitari despicias, uenerari contemnas. subtilis etenim uia tenenda est, uia rectitudinis & humilitatis, ut sic reprehensibilia magistrorum facta displiceant, quatenus subditorum mens a seruanda magisterii reuerentia non recedat.

209

D. EVCHERII,
LVGDVNENSIS EPISCOPI,

COMMENTARIORVM IN LIBROS

Regum, ad Verannium & Salonium
fratres, episcopos,

LIBER TERTIVS.



ENVIT David, ungiturq. Salomon in regem su- *De successione*
per Israel in Gion, ut impleretur in illo illa promissio, quæ facta est ad David, Non tu ædificabis mihi domum, sed filius tuus qui egredietur de utero tuo: *Salomonis. 1*
In quo quidẽ futuræ rei imago facta est, in eo quod templum ædificavit, & pacem habuit secundum nomen suum. Salomon quippe interpretatur Pacificus, ac per hoc illud uocabulum illi uerissime congruit, per quem mediatorem ex inimicis, accepta remissione peccatorum, reconciliamur Deo. Etenim cum inimici essemus, reconciliati sumus Deo per

mortem filii eius. Idem ipse est pacificus, ille qui fecit utraque unum, & medium parietem soluens inimicitias in carne sua, legemq. mandatorum decretis euacuans, ut duos conderet in se unum nouum hominem; faciens pacem his qui longe, & pacem his qui prope. Ipse in euangelio dicit, Pacem meam do uobis, pacem relinquo uobis. His & aliis multis testimoniis dominus Christus pacificus esse monstratur. Nam id quod ædificauit templum excellentissimum domino, & ibi Christum significat, qui ædificauit domum Deo in cælestibus, non de lignis & lapidibus, sed de omnibus sanctis, hoc est fidelibus, quibus dicit apostolus, Templum

Dei sanctum est, quod estis uos. Tribus nominibus uocatum fuisse Salomonem scripturæ manifestissime docent: Pacificum, id est Salomonem; & Ididam, id est Dilectum domini; & Coeleth, id est Ecclesiasten. Ecclesiastes autem Græco sermone appellatur, qui cœtum, id est ecclesiam congregat, quem nos nuncupare possumus Concionatorem, qui loquitur ad populum, & sermo eius non specialiter ad unum, sed ad uniuersos generaliter dirigitur. Porro pacificus & dilectus domini, ab eo, quod in regno eius pax fuerit, & eum dominus dilexerit, appellatus est. Nam & psalmus XLIIII, & LXXI, Dilecti & Pacifici titulo prænotantur, qui tamen ad prophetiam Christi & ecclesiæ pertinentes, felicitatem & uires Salomonis excedant, tamen secundum historiam, super Salomonem conscripti sunt. Abiit itaque

Salomon in Gabaon, & immolauit ibi holocaustum domino, ubi apparuit ei dominus per noctem, & exaudiuit deprecationem quam postulauit, deditq. ei sapientiam & scientiam, in tantum ut nullus ante similis illi fuerit, nec post illum surreturus sit. Post acceptam autem diuinitus sapientiam, mox turpium mulierum de causa iudicio tentatur. Vbi notandum quod postquam dominus erroris nostri tenebras lucis suæ cognitione illustrat, mox tentationis aculeo uisitando probat: quia & accedendo corda nostra ad uirtutes prouehit, & recedendo concuti tentatione permittit. si enim post uirtutum munera nulla tentatione concuteretur, hoc iam se habere animus ex se ipso gloriaretur. Ut ergo ea infirmitatis dona habeat, & infirmitatem suam humiliter agnoscat, per accessum gratiæ ad alta sustollitur, &

*De sapientia
collata Salo-
moni & iudi-
cio eius. 11*

per recessum quid ex seipso sit probatur. quod bene nobis ex historia sacræ huius
 lēctionis innuitur, quia Salomon & diuinitus accepisse sapientiam, & tamen post
 acceptam eandem sapientiam, meretricum statim pulsatus quæstione memoratur.
 mox enim ut gratiam tantæ reuelationis accepit, certamē turpium mulierum per-
 eulit: quia nimirum cum sæpe mentem nostram concessis uirtutibus respectus inti-
 mæ claritatis illuminat, hanc protinus lubricæ cogitationes turbant: ut quæ suble-
 uata immenso munere exultat, etiam tentatione pulsata quid sit inueniat. Sic He-
 lias & uisus desuper sermone celos aperuit, & tamen probatus subito infirmus
 per desertam fugiens nimium mulierem expauit. sic Paulus ad tertium celum duci-
 tur, paradisi penetrans secreta considerat: & tamen ad semet ipsum rediens contra
 carnis bellum laborat, legem aliam in membris sustinet, cuius rei bello fatigari spi-
 ritus lege dolet. Et post dationem ergo muneris iccirco Deus hominem probat,
 quia & collato munere subleuat, & abstractio paululum, ipsum sibi hominem mon-
 strat. Quod eousque proculdubio patimur, donec de terra funditus & labe pecca-
 ti ad promissæ incorruptionis substantiam reformemur. In isto iudicio Salomonis,
 ubi primum habuisse iudicium inter duas mulieres describitur de pietate certan-
 tes, quarum in una dilectio ardebat, in altera simulatio subripiebat, Christi figura
 fuit: ubi improba plebs, scilicet synagoga, uel hæreticorum, ueræ matris, hoc est
 ecclesiæ filium appetebat: quem non ut reseruaret, sed reuera ut interimeret, cupie-
 bat. Sed sicut gladio Salomonis dirimente, propriæ matris gemitu iste uerus repe-
 tus est partus: ita & spiritu Iesu Christi docente, plerumque hi qui a matre seducti
 & capti sunt errore hæreticorum, nonnumquam merentur pro semet ipsis gemen-
 tem recognoscere ecclesiam matrem. Vnde satis conuenienter apparet, hanc mulie-
 rem hæreticorum uel synagoga figurasse impietatem: qui & suos nequiter nutrien-
 do interimunt, & alienos quousque perdant illiciendo persuadent. Moraliter uero
 in hac sententia quid aliud per matres latentium, nisi doctorum ordo? quid uero
 per earum filios, nisi discipulorum persona signatur? nam magistri nimirum uigi-
 lantes quidem scientia, sed uita dormientes, auditores suos quos per uigilias præ-
 dicationis nutriunt, dum quod dicunt facere negligunt, per somnū torporis occi-
 dunt: & negligendo opprimunt, quos alere uerborum lacte uidebantur. Vnde ple-
 rumque dum ipsi reprehensibiliter uiuunt, & habere discipulos uitæ laudabilis ne-
 queunt, alienos sibi attrahere conantur: quatenus dum bonos se habere sequaces
 ostendunt, apud iudicia hominum excusent mala quæ agunt, & quasi subditorum
 uitam mortifera negligentia tegant. unde & illic mulier quæ filium extinxit pro-
 prium, quæsiuit alienum: sed tamen ueram matrem Salomon inuenit, quia uideli-
 cet cuius fructus uiuat, uel cuius intereat, in extremo examine ira districti iudicis
 demonstrat. Vbi & illud solerter est intuendum, quod uiuens filius prius diuidi
 præcipitur, ut soli postmodum matri reddatur: quia in hac uita quasi partiri conce-
 ditur uita discipuli, dum ex illa nonnumquam alter apud Deum meritum, alter
 apud homines laudem habere permittitur. Sed falsa mater cum quem non genuit,
 occidi non metuit: quia arrogantes magistri & caritatis ignari, si plenissimum no-
 men laudis ex alienis discipulis consequi nequeunt, eorum uitam crudeliter inse-
 quuntur. inuidiæ enim face succensi, nolunt aliis uiuere, quos se conspiciunt non
 posse possidere. unde & illic peruersa mulier clamat, Nec meus sit, nec istius. ut
 enim diximus, quos sibi obsequi non uident, ad gloriam temporalem, eos aliis in-
 uident uiuere per ueritatē. Vera autem mater satagit, ut eius filius saltem apud ex-
 traneam sit & uiuat, quia concedunt ueraces magistri discipulos, ut ex eorum di-
 scipulis alii quidem magisterii laudem habeant, si tamen integritatem uitæ iidem
 discipuli non amittant. per quæ pietatis uiscera uera mater agnoscitur: quia omne
 magisterium

magisterium in examine caritatis approbatur. & sola totum recipere meruit, quæ quasi totum concessit: quia fideles præpositi pro eo quod ex bonis discipulis suis, non solum aliis laudem non inuident, sed utilitatem eis etiam prouectius exorant, ipsi & integros & uiuentes filios recipiunt, quando in supremo examine ex eorum uita perfectæ retributionis gaudia consequuntur. Locutusque est Salomon tria millia parabolas, & fuerunt carmina eius quinque millia. Quid enim per tria millia parabolas, nisi plenitudo fidei in lege & euangelii a Christo tradita designatur? Quæ dum tota multipliciter per allegoriz sensum sub mysterio trinitatis differitur, quasi tria millia parabolarum nuncupatur. Carmina eius quinque millia, pro quinque sensibus corporis intelliguntur, quos qui in diuersis uirtutibus bene egerit beatus est, & per eos quasi quinque millia carmina domino canit. Disputauit autem Salomon a cedro usque ad hyssopum. Cedri nomine, celsitudo gratiæ in electis accipitur, sicut & propheta testatur, dicens, Iustus ut palma florebit, & sicut cedrus quæ est in Libano monte. Hyssopus autem herba est humilis saxo hærens, qua signatur humilitas Christi. Redemptor quippe noster a cedro usque ad hyssopum disputauit, quia ab alta excellentia gloriæ celi usque ad carnis humilitatem descendendo peruenit. siquidem & cedri nomine prauorum superba elatio designatur, sicut per Dauid dicitur, Vox domini confringentis cedros. A cedro itaque Christus usque ad hyssopum disputat, quia ipse prauorum corda & humilium iudicat. Super ligna autem disputauit, dum in cruce pendit, tunc enim in cedro sæculi arrogantiam inclinauit, quam etiam ad hyssopi humilitatem, id est usque ad crucis multitudine ac contemptibilem fidem deduxit. Sequitur dehinc historia quando Salomon ædificaturus domum domino quaesierit auxilium ab Hiram rege Tyri, qui erat amicus Dauid omni tempore, & cum ipso Salomone, postquam regno potitus est, pacem habere iam coeperat, promptumque mox ad adiuvandum se omnibus eius inuenerit animum, ita ut artifices illi & ligna & aurum, prout opus habebat, dederit, cuius beneficii gratia Salomoni ei per annos singulos plurimos tritici & hordei choros, in cibum domui eius dabat. Nulli autem dubium quod Salomon qui interpretatur Pacificus, & ipso nomine & serenissimo regni sui statu, illum significet de quo Isaias dixit, Multiplicabitur eius imperium, & pacis non erit finis. Hiram uero qui Latine dicitur Viuens excelsè, credentes ex gentibus & uita simul cum fide gloriosos figuratè exprimit. Neque aliquid prohibet, quin Hiram, quia rex erat regaliq. potentia, Salomonem in ædificio domus domini iuuabat, cōuersos ad fidem ipsos rerum dominos typice denunciaret, quorum ope constat ecclesiā sæpius adiutam ac nobiliter augmentatā, & eius hæreticos, schismaticos & paganos, principalibus erectos esse decretis. Petit ergo Salomon in opere templi auxilium ab Hiram, quia cum ueniens in carne dominus dilectam sibi domū, uidelicet ecclesiā ædificare disponeret, non de ludæis tantummodo, uerum etiam de gentibus adiutores operis elegit. nam de utroque populo ministros sermonis assumpsit. Misit Hiram Salomoni præcisa de Libano ligna cedrina & abiegna, quæ in domum domini ponerentur: quia conuersa gentilitas misit ad dominum uiros quondam ad sæculum claros, sed securi dominicæ increpationis de monte sue superbiz iam deiectos & humiliatos, qui ad normam euangelicæ ueritatis instituti, in ædificio ecclesiæ pro suo quique meritò & tempore collocarentur. Misit etiam artifices, quia conuersos ad ueram sapiētiā philosophos, qui gratia eruditionis populis quoque regendis iure præponerentur, domino gentilitas obtulit: qualis ipsis apostolorum temporibus Dionysius Ariopagita, qualis deinceps doctor suauissimus & fortissimus martyr Cyprianus, aliq. quamplurimi. Misit & aurum, quod in eadem significatione accipitur, quia nimirum uiros sapientiæ & ingenio præclaros ostendit pro quibus

De parabolis,
carminibus,
& disputatio-
nibus Salomo-
nis. IIII

Psal. 91

Psal. 28

Quomodo Hi-
ram Salomo-
nem in opere
templi iuuat.
IIII

Isa. 9

quibus oblationibus cunctis gentilitas a domino dona expectat gratiæ celestis, triticum: uidelicet uerbi Dei, & oleum caritatis & unctionis, atque illuminationis spiritus sancti. Cõuenit apte rebus ecclesiæ, quod auxilium operis sancti flagrans, ait ad Hiram Salomon, Præcipe igitur ut præcendant mihi cedros de Libano, & serui mei sint cum seruis tuis.) Serui quippe Hiram qui præcidebant cedros Salomoni de Libano, doctores sunt electi de gentibus, quorum officii est, eos qui in hoc mundo rebus & gloria lætabantur, a superbiz fastu corrigendo sternere, atque ad hoc fecundum sui redemptoris eorum uota transferre. cum quibus uidelicet serui erant & serui Salomonis, ac pariter memorato instabant operi: quia primi doctores ex gentibus necesse habebant ipsorum apostolorum, qui a domino didicerunt, eruditione in uerbo fidei institui, ne si absque magistris docere inciperent, magistri existerent erroris. iccirco etenim Salomon seruos Hiram cedere sibi uoluit ligna de Libano, quia doctiores erant seruis suis ad cædendum: sed iccirco etiã seruos suos simul adesse noluit, ut ostenderent cædentibus cuius mensuræ ligna fieri deberet. Cuius rei figura in promptu est, quia nimirum apostoli certius uerbum euangelii, qui a domino audire, nouerunt, sed gentiles ab errore conuersi, atque ad ueritatem euangelii transformati, melius ipsos gentium errores nouerant: & quo certius nouerunt, eo artificiosius hos expugnare atque euacuare didicerunt. Paulus quidem sacramentum euangelii, quod per reuelationem didicerat, melius nouit, sed Dionysius melius reuincere poterat falsa ethnicorum dogmata, quorum cum erroribus syllogismos a puero & argumenta cuncta nouerat. Cui sensui conuenit apte quod sequitur, Scis enim quod non est in populo meo uir, qui nouerit ligna cedere, sicut Sidonii.) Non enim erat in populo Iudæorum, ubi dominus corporaliter præsens docebat, ullus uiro-
rum qui tam docte nosset refellere errores gentium, quam ipsi ad fidem conuersi gentiles, & ex gentibus facti Christiani. Sidonii namque & Tyrii, quia gentiliū fuerunt populi, merito in figura gentium accipiuntur. Quod autem seruos suos Salomon noster in hoc opus misit, in sequentibus mystico sermone designatur, cum dicitur, Elegitq. Salomon operarios de omni Israhel, & erat inditio XXX millia uiro-
rum, mittebatq. eos in Libanum X millia per menses singulos uicissim, ita ut duobus mensibus essent in domibus suis.) Vbi primo notandum quod nõ frustra Salomon operarios de omni Israhel elegit, neque erat ulla portio populi, de qua non digni tanto opere uiri assumerentur: quia nimirum non nunc de una stirpe Aaron sacerdotes eligendi, sed de omni sunt ecclesia querendi, qui ædificare domum domini, uel exemplo suo uel dicto sufficiant, & ubicumque inuenti fuerint mox in officium doctorũ absque ulla personarum acceptione promouendi: taleq. cum ad erudiendos infideles atque in collegium ecclesiæ uocandos ordinantur, quasi ad cædendas in Libano materias templi uiri strenui atque electi mittuntur. Equidem numerus, XXX millia, quo iidem ligni cæsores censebantur, potest ad eorum figuram apte referri, qui in fide sanctæ trinitatis sunt perfecti, quod doctoribus maxime congruit. Verum quia XXX ita erant ordinata, ut dena millia per menses singulos operi suo instarent, magis denarii numeri sacramentum perpendere debemus. Dena namque millia uiro-
rum de Israhel ad cædenda ligna in opus domus domini mittuntur: quia quicumque doctores atque insipientium eruditores sunt ordinandi, decem præcepta legis, & ipsi per omnia obseruare, & auditoribus suis debent obseruanda monstrare, sed & præmia in cælis futura quæ denario solent figurari, & ipsi sperare, & auditoribus suis speranda semper intimare. Terni autem menses, quorum distantia singulis erat lignorum cæso-
ribus imposita, perfectionem trium uirtutum euangelicarum typice denuntiant, elemosinæ uidelicet, orationis, & ieiunii. cum enim dixisset dominus in euangelio, Attendite

tendite ne iustitiam uestram faciatis coram hominibus, ut uideamini ab eis: in prosecutione eiusdem sententiz non aliud quam eleemosynæ, orationis, & ieiunii, fecit mentionem, quæ non ad hominum ostentationem, sed ad solam interni inspectoris essent gloriam facienda, alioquin a fructu æternitatis uacua manerent. Quibus uerbis aperte docuit, omnes uirtutum fructus his tribus quasi ramis de una caritatis radice prodeuntibus insinuari. Per eleemosynā namque comprehenduntur omnia quæ ad dilectionē proximi explemus beneuole in fratres operantes, per orationem omnia quibus per internam cōpunctionem nostro conditori cōiungimur, per ieiuniū omnia quibus nos a contagione uitiorum & illecebris sæculi obseruamus, ut libera mente & corpore casto dilectioni ualeamus inhaerere, & nostri conditoris & proximi. Et isti sunt tres menses operariorū templi. nam quia mensis plenitudine dierum lunaris circuli perficitur, per illum plenitudo uirtutis cuiusque spiritalis ostēditur, in qua mens fidelium a domino quotidiana illustratione quasi Luna a Sole respicitur. Vnus uero mensis, quo ligna ad opus templi cædebantur, eleemosyna est, idest opera misericordiz, quæ erga salutē proximi & in unitatē sanctæ ecclesiæ bene proficiendo proneniant, docendo, castigando, temporalia bona impendendo, uitæ exempla monstrando. Duo tamen reliqui menses, quibus in domibus suis manere, ac suis sunt necessitatibus uacare permitti, oratio est & ieiunium, quibus præter ea quæ erga necessitatē fratrum foris operamur, nostræ salutis propriæ curam intus cōuersa ad dominum mente gerimus. & quoniā illi solum perfecte uel suæ, uel fraternæ salutis curā gerunt, qui se in tuitione diuinæ gratiæ humiliter subdunt, recte sequitur, Et Adoniram erat super huiusmodi indictione. Adoniram, qui Latine dicitur Dominus meus, excelsus, quem melius quam ipsum nomine insinuat dominū saluatorem? Et tunc Adoniram operariis templi præponitur, ut sua prouisione rite ordinetur, quibus mēsis singuli ad operandū exeant, quibus de nouo ad curandam domū suam redeant, cum dominus & saluator noster mentes sanctorum prædicatorum sua familiaris illustratione informat ad discernendū, quando oporteat ædificandā ecclesiā opus inire prædicando, uel alia pietatis officia præstando, & quando rursum cōueniat ad suam ipsorum conscientiam examinandā, quasi ad inspiciendam domum suā reuerti, & hanc orationibus ac ieiuniis superno inspectore ac uisitatore dignam reddere. Fuerunt itaque Salomoni LXX millia eorum qui onera portabant, & LXX millia latomorum in monte, absque Præpositis qui præerant singulis operibus numero trium millium CCC præcipientium populo, & his qui faciebant opus. Latomos dicit lapidū cæsores. Idem autem lapidum cæsores, quod & lignorum figurate designant, bocest sanctos prædicatores, qui mentes insipientium de labore uerbi Dei exercent, & eas ab ea qua inquinati sunt turpitudine ac deformitate transmutare contendunt, ac regulariter institutos unitati fidelium, ædificio uidelicet domus Dei aptos reddere curant. Quod autem & ligna & lapides in monte cæduntur, & cæsa ac præparata utraque materia ad montem domus domini transfertur, patet sensus quod omnes homines in monte superbiæ nati sumus, quia de præuaricatione primi hominis quam superbiā fecit, originē carnis traximus. Quicumque autem gratia Dei præordinati ad uitam excidimur, catechizando & sacramenta fidei percipiendo, de monte superbiæ ad montem domus domini transferimur, qui eruti de potestate tenebrarum ad arcem uirtutum, quæ est in unitate sanctæ ecclesiæ peruenimus. Notandum autem quod iidem operarii ita erant distributi, ut pars in monte lapides cæderet, pars item onera portaret. Diuersa namque sunt dona spiritus, & quidam maiorem dicendi ac proteruos arguendi constantiam habent, quidam mitiores ad consolandos pusillanimes & infirmos subleuandos existunt, quidam utriusque uirtutis munere præditi

De numero
operariorum
templi. V

1 Thef. 5

præditi ad opus domus domini cōueniunt, quales fieri noluit eos quibus loquitur apostolus, dicens, Corripite inquietos, consolamini pusillanimes, suscipite infirmos, patientes estote ad omnes. Præpositi autem qui præerant singulis operibus, ipsi sunt conditores sacræ scripturæ, quorū magisterio in omnibus erudimur, quo modo infirmos docere & cōtemptores corripere, quo modo nos inuicem onera nostra portare, ut impleamus legem Christi, conueniat. Quanto autem quisque plus in sustentandis proximorum necessitatibus, siue in castigandis eorum erratibus laborat: tanto certior in futuro præmia, uel quietis animarum post mortem, uel beatæ corporum immortalitatis expectat. Vnde recte præfati operarii LXX millia & LXXX millia esse perhibentur: LXX uidelicet propter sabbatū animarum, septimus enim dies in sabbatum, idest requiem consecratus est: LXXX, propter spem resurrectionis quæ octaua die, idest post sabbatum in domino præcessit, & in nobis quoque octaua die simul & ætate octaua, futura speratur. Præpositi autem erant tria millia trecenti, propter fidem nimirum sanctæ trinitatis, quam sancta nobis eloquia prædicant. Quod uero pro tribus millibus trecentis Præpositis, in libro Paralipomenon tria millia sexcenti sunt scripti, ad eandē prorsus sublimium uirorum perfectionem respicit. nam quia in senario numero dominus mundi ornatum compleuit, recte in eo perfecta bonorum opera solent figurari. Et quia sancta scriptura cum fide ueritatis & iustitiæ opera docet habenda, recte Præpositi operum templi tria millia & sexcenti fuisse perhibentur. Nec prætereundum quod hæc LXX & LXXX millia portantium onera & latomorum cum Præpositis suis non fuerunt de Israel, sed de profelytis, idest aduenis, qui morabantur inter eos. Scriptum namque est in libro Paralipomenon: Numerauit igitur Salomon omnes uiros profelytos qui erant in terra Israel, post dinumerationem quam dinumerauit Dauid pater eius, & inuenti sunt CL millia, & tria millia sexcenti, fecitq. eos LXX millia qui onera portant: & cetera. Profelyti autem uocabantur Græce, qui ex aliis nationibus progeniti, in fidem & consortium populi Dei, accepta circumcisione, transierunt. Fuerunt itaque operarii domus domini de filiis Israel, fuerunt de profelytis, fuerunt de gentibus. De filiis uidelicet Israel XXX millia, qui ad præcidendas de Libano cedros missi sunt: de profelytis, isti de quibus locuti sumus, lapidum caesores: de gentibus, ipse Hirā & serui eius, qui cum seruis Salomonis ligna cadebant de Libano. Omne igitur hominū genus per quos ædificanda erat ecclesia, in ædificatione templi præcepit. Iudæi namque profelyti & gentiles conuersi ad ueritatē euangelii, unam eandemq. Christi ecclesiam, siue recte uiuendo, siue etiam docendo construunt. Præcepitq. rex, ut tollerent lapides grandes pretiosos in fundamentum templi, & quadrarent eos.) Fundamētum templi nullum est aliud intelligendum mystice, quam illud quod ostendit Paulus, dicens, Fundamentum enim aliud nemo potest ponere, præter id quod positum est, Christus Iesus. Qui propterea recte fundamentum domus domini potest uocari, quia sicut ait Petrus, Non est aliud sub cælo datum hominibus nomen, in quo oporteat nos saluos fieri. In quod fundamētum lapides grandes & pretiosi ponuntur, cum præcipui factis ac sanctitate uiri familiaris mentis sanctitate suo adherent conditori, ut quo firmiss in illo spem suam ponunt, eo fortius aliorum uitam dirigere, quod est altitudinem portare sufficiant. Lapidēs ergo qui in fundamentum templi ad portantum ædificium omne ponebantur, proprie sunt prophetæ & apostoli, qui uerbum & sacramenta ueritatis siue uisibilibus siue inuisibilibus ab ipsa Dei sapientia perceperunt. Vnde & nobis qui eorum uitam siue doctrinam studemus pro nostro modulo imitari, fundatos dicit apostolus super fundamentū apostolorum & prophetarum. Sed & generaliter perfecti quique qui fideliter ipsi domino adherere, & impositas sibi fratrum necessitates fortiter ferre didicerunt,

De lapidibus
templi. VII
1 Cor. 3

70

20

30

40

dicerunt hi possunt lapidibus grandibus ac pretiosis indicari. qui bene lapides primo quadrati, ac sic in fundamento poni iubentur. quadratum namque omne quocumque uertitur, fixum stare consuevit. Cui nimirum figuræ corda assimulantur doctorum, quæ ita in fidei firmitate consistere didicerunt, ut uulla occurrentium rerum aduersitate, nec ipsa etiam sua morte a sui status rectitudine possint inclinari, quales uidelicet doctores ecclesia non solum de ludæa, uerum etiam de gentibus per plures suscepit. Vnde bene de lapidibus huiusmodi grandibus pretiosis & quadratis subditur, Quos dolauerunt cæmentarii Salomonis & cæmentarii Hiram.) Dolantur namque lapides pretiosi, cum electi quique præcedentium sanctorum instructione & instantia, quidquid in se habent noxium & inane relinquunt, atque ante conspectum sui conditoris, solam iustitiæ regulam, quasi stabilem quadraturæ formam ostendunt. Dolauerunt autem lapides non solum cæmentarii Salomonis, sed etiam cæmentarii Hiram: quia ex utroque populo fuerunt doctores sanctæ ecclesiæ, immo tam sublimes ex utroque Dei populo fuerunt uisus, qui ipsorum quoque doctorum sublimium iure doctores existerent, & quasi quadrantes eos ad subleuandum domus domini ædificium pararet. neque enim soli Hieremias & Isaias, & ceteri ex circumcissione prophetæ, uerum etiam beatus Iob cum filiis suis, qui erant ex gentibus, maximam uitæ suæ patientiæ formam, maxima doctrinæ salutaris præconia sequentis sui doctoribus ministrarunt, quo abiectis uerbis, actibus cogitationibus superuacuis, ad portandum onus sanctæ ecclesiæ digni & apti inuenti sunt. Porro Byblii præparauerunt ligna & lapides ad ædificandum domum domini. Byblus est ciuitas in Syria Phœnicis, a qua Byblii sunt uocati, cuius meminit Ezechiel, dicens, Sapientes tui Tyrii facti sunt: gubernatores tui, senes Bybli & prudentes eius. Pro quo in Hebræo continetur Gobel, siue Gebal, qui interpretatur Definens siue Determinans. quod uocabulum conuenit eis, qui corda hominum ad ædificium spirituale, quod ex uirtutibus animæ construitur, parant. sic enim solum suos adiutores fidem & opera iustitiæ docere sufficiunt, dum ipsi prius sacris paginis edocti, diligenter quæ sit fides tenenda, quo uirtutis calle incedendum, certa definitione ueritatis didicerunt. Nam frustra sibi officium doctoris usurpat, qui
30 differtionem fidei catholicæ ignorat. Neque sanctuarium domino, sed ruinam sibi ædificant, qui docere alios regulam, quam ipsi non didicerunt, conantur. In ædificanda domo domini, primo sunt ligna & lapides de monte cædendi: quia eos quos in fide ueritatis instruere quærimus, primo ueritate ut renūciare diabolo, ac de forte primæ præuagationis in qua nati sunt, doceamus renascendo erui. Deinde quæ
40 rendi sunt lapides pretiosi & grandes, atque in fundamentum templi ponendi, ut meminerimus, abdicata conuersatione priori, eorum uitam in omni moribus inspiciere, eosque nostris ad imitandum proponere, quos per uirtutem humilitatis spiritaliter domino adherere nouerimus: quos inuincibili mentis stabilitate, quasi quadratos quodam modo atque ad omnes tentationum incurfus immobiles perdurare conspicimus, quos pretiosos & grandes merito hac fama comperimus. Post fundamentum uero talibus ac tantis lapidibus compositum ædificanda est domus, præparatis diligenter lignis ac lapidibus, ac decet ordine collocatis, quæ olim de præfco suo statu uel radice fuerat abstracta: quia post prima fidei rudimenta collocata in nobis iuxta exemplum sublimium uirorum humilitate, addendus est iualum paries bonorum quasi superimpositis sibi inuicem ordinibus lapidum, ambulando ac proficiendo de uirtute in uirtutem. Vel certe lapides fundamenti grandes, pretiosi, quadrati, primi sunt, ut supra diximus, ecclesiarum magistri, qui ab ipso domino uerbum audierunt salutis. Superpositi autem ordines lapidum uel lignorum, sequentes suo quobque tempore designant sacerdotes ac doctores, quorum uel præ-

uel prædicatione ac ministerio fabrica crescit ecclesiæ, uel ordinatur uirtutibus. Quales autem colore fuerint lapides, quibus factum est templum, in libro Paralipomenon aperte declaratum est, dicente Dauid ad Salomonem, cum ei impensas templi quas præparauerat, ostenderet: Omnem pretiosum lapidem & marmor Parium abundantissime præparauimus. Marmor autem Parium, marmor candidum dicitur, quale eadem insula gignere consuevit. Vnde poeta de illa,

*Verg. libr. 3
Æneid.*

Olearon, niueamq. Paron, ipsasq. per æquor Cycladas, & crebris legimus freta concita uentis. Niuea ergo Paros dicitur, eo quod candidissimi generis marmor mittat. Est autem una de Cycladibus insula, quo uidelicet lapide templum fuisse factum, Iosephus insinuat, dicens, Eleuauit itaque templum usque ad cameram, ex lapide constructum albo. Altitudo fuit uiginti cubitorum, & centum. Nec mysterii sensus in abdito est. cuius enim patet, quia marmor candidum, ex quo domus domini constructa est, mundam electorum uisionem, simul & conscientiam ab omni natio corruptionis castigatam designat, quales uoluit esse sapiens ille architectus eos quos super fundamentum Christi locabat lapides pretiosos, auro argentoq. redimitos. Carissimi, inquit, mundemus nos ab omni inquinamento carnis & spiritus, perfectentes sanctificationem in timore Dei.

1 Cor. 7

*Quando uel
ubi templum
sit factu. VII*

Factum est igitur quadringentesimo & octogesimo anno egressionis filiorum Israel de terra Aegypti, in anno quarto, mense Zio, ipse est mensis secundus, regis Salomonis super Israel, & ædificare cepit domum domino. Domus domini quam ædificauit rex Salomon in Hierusalem, in figura facta est sanctæ uniuersalis ecclesiæ, quæ a primo electo usque ad ultimum, qui in fine mundi nasciturus est, quotidie per gratiam regis pacifici sui, uidelicet redemptoris ædificatur: quæ partim adhuc peregrinatur ab illo in terris, partim euasit peregrinandi ærumnis, cum illo iam regnat in cælis, ubi peracto ultimo iudicio tota est regnatura cum illo. Ad hanc domum pertinent electi angeli, quorum nobis similiter in futura uita promittitur, dicente domino, Illi autem qui digni habentur sæculo illo & resurrectione ex mortuis, neque nubunt, neque ducunt uxores. neque enim ultra mori poterunt, æquales enim angelis sunt, & filii sunt Dei, & filii resurrectionis. Ad hanc pertinet ipse mediator Dei & hominum, homo Christus Iesus, ipso attestante cum ait,

Matth. 23

Ioan. 3

1 Cor. 3

Soluite templum hoc, & in tribus diebus excitabo illud. Quod exponens euangelista subiunxit. Hoc autem dicebat de templo corporis sui. Dicit autem apostolus de nobis, Nescitis quia templum Dei estis, & spiritus Dei habitat in uobis? Si ergo ille templum Dei per assumptam humanitatem factus est, & nos templum eius per inhabitantem eius spiritum efficiamur: constat utique quia figuram omnium nostrum, & ipsius domini uidelicet, & membrorum eius, quæ nos sumus, templum illud materiale tenuit: sed ipsius tamquam lapidis angularis singulariter electi & pretiosi in fundamento fundati: nostri autem tamquam lapidum uiuorum super-ædificatorum super fundamentum apostolorum & prophetarum, hoc est super ipsum dominum. Quod melius considerata ex ordine ipsius templi ædificatione patebit, ut in quibusdam uidelicet figura ad ipsum dominum, in quibusdam uero ad omnes electos pertineat: in quibusdam intemeratam in cælis angelorum felicitatem, in quibusdam inuictam in terris hominum patientiam describat: in quibusdam collata hominibus angelorum auxilia, in quibusdam remunerata cum angelis hominum certamina demonstret. Designat eandem domum domini spiritalem, etiam tabernaculum quondam factum in heremo per Moysen. Verum quia illa domus in itinere quo ad terram repromissionis ueniebatur, hæc autem ædificabatur in ipsa terra repromissionis, & in ciuitate Hierusalem: illud ut de loco ad locum crebro Leuitarum ministerio portatum, tandè in terra repromissionis hereditatis induceretur,

hæc ut

hæc ut mox in patria ipsa & in ciuitate regia constructa, inuiolabili semper fundamento consisteret, donec inditum sibi figurarum celestium munus impleret: potest in illa præsentis ecclesiæ labor & exilium, in hac futura quies & beatitudo figurari. Vel certe quia illa a solis filiis Israel, hæc autem a profelytis etiam & gentibus facta est, possunt in illa principaliter patres neteris testamēti, & antiquus ille Dei populus: in hac autem congregata de gentibus ecclesia figuraliter exprimi: quamuis ædificium utriusque domus enucleatius spiritali sensu discursum, & labores præsentis ecclesiæ quotidianos, & præmia in futuro perennia, gaudiaq. regni celestis, & electionem primæ de Israel ecclesiæ, & salutem omnium gentium in Christo, multis modis ostendatur insinuare in figuris. Quod autem dicit, In anno quarto, mense Zio, ipse est mensis secundus regis Salomonis super Israel, ordo sensus est: In anno quarto regis Salomonis, mense Zio, ipse est mensis secundus: mensē autem secundum, Maium dicit. nam Aprilis, quo pascha celebratur, principium apud Hebræos primus erat in mensibus anni. Ex quo manifeste claret, quia mox peracto pascha cœpit ædificare domum domino, & consecratus mystica sollemnitate populus manus ad mysticum opus misit. Fit autem commemoratio egressionis de Aegypto, quando tabernaculum ædificari cœptum est, ut admoneatur lector, quod annorum tempus inter ædificationem utriusque domus transierit, & huius quoque summæ temporis sacramentum spiritale cognoscat. Quater namque centeni & uiceni quadringentos & octoginta faciunt: quattuor autem euangelicæ perfectioni apte conueniunt propter ipsum euangelistarum numerum: CXX, doctrinæ legali propter annos totidem legislatoris: in quo etiam numero mirorum gratiam spiritus sancti primæua suscepit ecclesia, patenter ostendens, quia qui lege legitime utitur, idest, qui Christi in ea gratiam cognoscentes amplectuntur, in re spiritus eius gratia replentur, quia in caritate eius amplius ignescunt. Diximus autem per tabernaculum, quod fecit Moyses & filii Israel in deserto, synagogam, per templum uero quod Salomon & filii Israel cum profelytorum & gentium auxilio construxit, ecclesiam gentium posse designari. Permanfit autem cultus & religio tabernaculi annos CCCC & LXXX, ac sic templum ædificari incipit: quia scriptura neteris testamenti tanta perfectione redundat, ut si quis eam bene intellexerit, cuncta in se noui testamenti mysteria contineat: patres quoque neteris testamenti tanta perfectione arcem perfectionis tenuerunt, ut in nullo apostolis uirisq. apostolicis putandi sint esse minores. Permanebat tabernaculum usque ad constructionem templi in populo Dei per annos CCCC & LXXX, idest CXX per quattuor multiplicatos: quia ex tempore datæ legis usque ad incarnationem dominicam, & tempus reuelatæ gratiæ, non defuerunt uiri qui in lege constituti euangelica per omnia perfectionem mente & opere seruarent: nō defuit scriptura, quæ gratiam noui testamenti, in ueteri prophetis intimare eloquii. Quod autē quarto anno regis Salomonis ædificari cœpta est domus domini, potest eo referri mystice, quod post expletam dispensationem dominicæ incarnationis, quæ in quattuor euangelii libris scripta est, misso de celis spiritu sancto ecclesiæ structura cœperit: & quod mense secundum cœpta est, potest ad electionem gentium referri, quæ secundo loco post Israel ædificationē in se suscepit creatoris. Vnde & secundus mens in lege concessus est ad faciendum pascha, his qui immundi super anima uel in uia procul positi, ad faciendū in primo mense pascha occurrere nequirent. Vbi nos apertissime designati sumus, qui immundi super morte animæ nostræ, & procul ad huc positi a populo Dei, nō potuimus primum pascha facere, quod in carne agni & sanguine fiebat. Celebramus autē hoc pascha secundum, quod in corpore & sanguine redemptoris nostri, a quo quæriti sumus & mundati, actum est. In quo autem

- loco templum sit edificatum manifestum in libro Paralipomenon ostenditur, ubi scriptum est, Et cepit Salomon edificare domum domini in Hierusalem in monte Moria, qui demonstratus fuerat David patri eius in loco, quem parauerat David in area Ornan Iebusæi. Aedificatur ergo domus domini in uisione pacis, quia dilatata per orbem ecclesia in una eademque fide & ueritatis catholica societate consistit. nam in scissura mentium Deus non est, sed factus est in pace locus eius, & habitatio eius in Sion. Aedificatur in monte, uidelicet in ipso domino saluatore, de quo Isaias ait. Et erit in nouissimis diebus preparatus mons domus domini in uertice montium.
- Isa. 2*
Matth. 5 Et ipse de se in euangelio, Non potest, inquit, ciuitas abscondi super montem posita. ipse enim est mons montium, qui de terra quidem per originem carnis assumptus ortus est, sed omnium terrigenarum potentia ac sanctitatem singularis culmine dignitatis transcendit. In quo uimurum monte ciuitas siue domus domini constructa est, quia si non in illo radice figat, spes & fides uestra nulla est. Qui recte mons Moria uocatur, idest, Visionis, quia electos suos quos ad eternam suam claritatis uisionem conseruat, in hac interim uita laborantes uidere & adiungere dignatur. ipse est enim locus, in quo obtulit Abraham Isaac filium suum domino, ac deuotione obedientie uidere ab illo meruit. Vnde & nomen accepit, de quo dominus ait. Tolle filium tuum unigenitum, quem diligis Isaac, & uade in terram uisionis, atque offer eum in holocaustum. Pro terra uisionis, in Hebræo terram Moria habet. Et quia immolatio Isaac typus dominicæ passionis extitit, recte in loco eiusdem immolationis templum edificatur, quia per fidem & mysterium dominicæ passionis ecclesia dedicata, crescit in templum sancti in domino. De quo monte bene subditur, Qui demonstratus fuerat David patri eius. Ostensus namque fuerat David, sicut & ceteris propheta uenturus in carne dominus, qui uocatum de genitibus ecclesiam, per sacramenta eiusdem suæ incarnationis ablueret a peccatis, atque in domo sibi fidelem dilectamque consecraret. Bene autem additur, In loco quem parauerat David. Parauerat namque David psallendo, parauerunt alii prophete uaticinando locum domini, uero unique Salomoni, in quo domum edificaret, quia corda auditorum suorum fide ueritatis instituerunt, sedulo admonentes, ut uenientem in carne Dei filium si deli ac deuota mente susciperent. hinc etenim dominus de paratis ad credendum
- Ioa. 4* sibi populis, ait discipulis, Leuate oculos uestros, & uidete regiones, quia albae sunt iam ad messum: & qui metit mercedem accipit, & congregat fructum in uitam eternam, ut qui seminat simul gaudeat, & qui metit. Quasi aliis uerbis de edificatione templi diceret. Leuate oculos uestros, & uidete locum, quia paratus est iam ad edificandum domum domini, & qui edificat, docendo mercedem accipit, & congregat lapides pretiosos in uitam eternam: ut & qui parat locum edificio simul gaudeat, & qui edificat, idest, propheta prædicans uenturum, & apostolus ueniementi prædicans dominum, una simul in illo mercede potiantur. Bene autem idem locus in area erat Ornan Iebusæi, quia ecclesia uocabulo areæ solet designari, dicente Ioanne de domino, Cuius uentilabrum in manu sua, & permundabit aream suam. Ornan qui interpretatur Illuminatus, & erat natione Iebusæus, natione quidem gentiles significat, nomine autem eodem illustrandos a domino atque in filios ecclesie commutandos ostendit, quibus merito dicat apostolus. Fuistis aliquando tenebræ: nunc autem lux in domino. Iebus eadem est ciuitas, quæ & Hierusalem. Er Iebus quidem dicitur Conculcata. Hierusalem autem Visio pacis. In qua quamdiu Ornan gentilis regnabat, Iebus dicta est: cum uero in ea David locum holocausti emerit, & cum Salomon in ea templum domino edificaret, non iam Iebus, sed Hierusalem uocata est: quia nimirum gentilitas quamdiu diuini cultus nescia perdurabat, conculcabatur, & illudebatur ab immundis spiritibus, simulacra muta prout ducebantur sequens:

quens: cum uero illam gratia sui conditoris respexit, continuo pacis in se & locum inuenit & nomen, dicente de ipsa domino: Beati pacifici, quoniam filii Dei uocabuntur. Cum ergo Ornan in hac ciuitate regnum adhuc haberet, lebus uocabatur: at cum locum aræ suæ cum bñbus ac tribulis uenderet Dauid regi, nomen Hierusalem accepit: quia persistens in sua adhuc obstinatione gentilitas, cōculcabatur quasi uilis & abiecta a malignis spiritibus. Porro cū omnia sua uendere, ac uero regi offerre didicit, non ultra conculcari a dæmonibus ac uitiis potuit, sed internæ pacis, quam cum suo conditore haberet, magis compos effecta est. Domus autem quam ædificabat Salomon domino, habebat LX cubitos in longitudine, & XX cubitos

Matth. 5

De mensura templi. v. 111

- 10 in latitudine, & XXX cubitos in altitudine. Quod in constructione templi dicitur in libro regum, quia habebat XXX cubitos in altitudine, cum in libro Paralipomenon scriptum sit, porro altitudo CXX cubitorum erat, nequaquam discrepare, sed utrumque uerum esse noscendum est, Nam ut Iosephi refert historia, XXXX erant cubiti a pavimento usque ad medium coenaculum, XXXX rursus a medio usque ad tertium, quo usque porticorum, quæ templo ab australi & occidentali & septentrionali latere cohærebant, altitudo pertingebat, id est simul LX: deinde alii LX usque ad supremam domus tectum. Itaque tota eius altitudo CXX cubitis implebatur. Longitudo autem domus longanimitatem designat sanctæ ecclesiæ, quæ in exilio peregrinationis huius patienter aduersa quæque tolerat, donec ad patriam, quam expectat, perueniat. Latitudo insinuat caritatē, quæ dilatato sinu mentis non solum amicos in Deo, sed & inimicos gaudet diligere propter Deum, donec ueniat tempus, quando siue ad pacem suam cōuersis siue funditus extinctis, cum solis gaudeat amicis in Deo. Altitudo spem denunciat futuræ retributionis, cuius intuitu libenter infima quæque siue quæ demulcent, seu quæ aduersantur cōtemnit, usque dum utriusque transiens, sola mereatur uidere bona domini in terra uiuentium. Vnde apte longitudo domus sexagenario cubitorum numero comprehenditur: senarius namque numerus, in quo mundus factus est, perfectionē solet designare bonorum operum. Et necesse est nos ita per longanimitatem molestias ferre nostræ peregrinationis, ut merito bonæ operationis, promissam patriam, cum apparuerit, ualeamus intrare. Latitudo uicenario numero determinatur, propter geminā eiusdem caritatis, qua Deum & proximum amamus, distantiam. Altitudo tricennarii propter fidem sanctæ trinitatis, quæ unus est Deus, in cuius uisione cuncta spei nostræ desideria suspenduntur. Sex ergo ad operis perfectionem, duo ad dilectionem Dei & proximi, tria pertinent ad spem diuinæ uisionis. Singuli autem numeri recte per X multiplicantur, quia non nisi per fidem & custodiam decalogi legis uel patientia nostra salubriter exercetur, uel caritas utiliter accrescit, uel spes sublimiter ad æterna desideria raptatur. Et porticus erat ante templum XXX cubitorum longitudinis iuxta mensuram latitudinis templi, & habebat X cubitos latitudinis ante faciem templi. De hac porticu in libro Paralipomenon ita scriptum est. Porticus uero ante frontem, quæ tendebatur in longum iuxta mensuram latitudinis domus, cubitorum XX. Patet ergo quia porticus hæc ad orientale templi partem facta est. Templum namque conuersum erat ad orientem sicut & tabernaculum, habebatq. ostium porticus ante ostium templi, iuxta quod historicus Iudæorum Iosephus apertissime docet, ita ut Sol æquinoctialis oriens directis radiorum suorum lineis per ostia tria, portici uidelicet & tēpli & oculi arcam testamenti perfundere posset. Quia uero templum sanctam ecclesiam designat, porticus quæ erat ante templum & prior lumen Solis accipere solebat, quid aptius quam illam eius partem, quæ dominicæ incarnationis tempora præcessit, typice denunciat: in qua sunt patriarchæ & prophetæ, qui orientem huic mundo Solem iustitiæ susceperunt primi, & nascenti domino in carne testimonium siue uiuent

Paralip. 3

Ioseph. libro 8 cap. 3. Antiqu. Iud.

Ioh. 10

do, siue prædicando, siue nascendo, seu etiam moriendo præbuerunt? Ostium ergo templi dominus est, quia nemo uenit ad patrem, nisi per ipsum, & qui alibi dicit, Ego sum ostium, per me si quis introierit, saluabitur. Ostium porticus sermo propheticus est, qui quasi recto calle ingredientibus ad ostium templi perducebat, & gratiam domini saluatoris, qua mundum erat redempturus, prædicabat. Factura ergo porticus tota fideles illius temporis signat. Ostium uero in porticu doctores, qui ceteris lucem uitæ ianuamque intrandi ad dominum pandebant, exprimit. Et bene unum ostium, propter consonam in omnibus sanctis fidem ac dilectionem ueritatis. Quæ uidelicet porticus iuxta latitudinem templi X X cubitis longa erat, quia nimirum antiqui iusti multa diu patientia & longanimitate expectabant, quando apprensus in carne dominus, nouam euangelii gratiam mundo asferret, non acceptis ipsi promissionibus, sed a longe eas aspicientes & salutantes. Aequabant ergo longitudine sua latitudinem templi, quia per longanimitatem mentis deuotæ desiderabant uidere dilatationem ecclesiæ in caritate Dei, quæ est in Christo Iesu domino nostro. Qui quam uis tempore adhuc fuerint a sacramentis dominicæ incarnationis separati, fide tamen ac prædicatione fuerunt proximi. In huius sacratissimæ porticus prima fronte fuerunt beatus protomartyr Abel, & Seth, & Enos, ceterique iusti mundi originalis. In intimo autem penetratili & quasi prope murum templi mysticum, obtinuerunt locum parentes beati præcursoris domini, Simeon & Anna, ceterique, qui & si natiuitatem eius uidere meruerunt, ad auditionem tamen doctrinæ eius, & ad perceptionem sacramentorum eius peruenire nequiverunt. Quæ bene porticus X cubitis erat lata, quia tales & si nec dum uerba siue mysteria euangelii, quæ erant per dominum tradenda, receperunt, præcepta tamen decalogi, quæ perceperunt, perfectæ dilectione dilatati in domino seruabant. Fecitque in templo fenestras obliquas. Fenestræ templi doctores sunt docti, & spiritaliter quique in ecclesia, quibus mente excedentibus Deo, arcana secretorum cælestium ceteris uidere conceditur, qui dum ea quæ in occulto uident, publice fidelibus pandunt, quasi suscepto lumine Solis fenestræ cuncta templi penetralia replent. Vnde bene eadem fenestræ obliquæ, id est, intus latiores & foris angustiores fuisse perhibentur, quia nimirum necesse est ut quisquis iubar supernæ contemplationis uel ad momentum percepit, mox sinum cordis amplius castigando dilatet, atque ad maiora capeffenda solerti exercitatione præparet.

De fenestris
& tabularis
templi. I X

Matth. 4

Et ædificauit super parietem templi tabulata per gyrum, & in parietibus domus per circuitum templi & oraculi, & fecit latera in circuitu. Tabulatum quod super erat V cubitos habebat latitudinis, & medium tabulatum VI cubitorum latitudinis, & tertium tabulatum VII habens cubitos latitudinis. Hæc tabulata in euangelio, ubi dominus tentatur a diabolo, pinnacula templi uocantur. Sed & Iacobus fratrem domini apostolum in pinnacula templi, unde ad populum concionaretur, leuatum esse audiuius. Vtrum autem moris fuerit doctores, ut in his sedentes tabulatis ad circumstantem inferius turbam fecerint sermonem, nusquam in scripturis inuenimus. Patet ergo ratio sacramenti, quia tabulata hæc tria, totidem fidelium gradus, coniugatorum uidelicet, continentium, & uirginum designant: distinctos quidem altitudine professionis, sed societate fidei & ueritatis omnes ad domum domini pertinentes, eique fixa mente in hærentes: ubi pulchre dicitur, quia Tabulatum quod super erat V cubitos habebat latitudinis, medium VI, tertium VII. Supremum ergo tabulatum erat ceteris angustius, quia nimirum altior professio uirtutis, altio rem de bet uiam tenere uiuendi. Nam quicumque abrenunciato uinculo coniugali, uirginitatem suam domino consecrauerunt, mores simul oportet uirginitati condignos ostendant, abstineant ab otiosis eloquiis, ira, rixa, detractatione, habitu impudico, commensationibus, potationibus, contentione & emulatione: & e contrario uigiliis sanctis,

ais, orationibus, lectionibus diuinis, & psalmis, doctrina, & elemosynis, ceterisque sanctis fructibus operam impendant: ut qui futura statum uitæ in professione tenent, in qua non nubent, nec nubentur, sed sunt sicut angeli in celo: huius quoque statum, quantum mortalius possibile est, in presenti contendant imitari. At uero infimū tabulatum amplioris erat latitudinis, quia non Deus coniugatis, Vade & uende quæ habes, & da pauperibus: sed si uis, inquit, ad uitam ingredi, serua mandata,

Matth. 19

Non homicidium facies, non adulterabis, non facies furtum, non falsum testimonium dices, & cetera. Medium inter hos locum tenent continentes: qui quantum uirginibus inferiores, tantum eminentiores coniugatis: quorum postea gloriosissimam primitiuam in Hierosolymis edificabat ecclesiam, scribente beato Luca, Quia

Act. 4

multitudinis credentium erat cor unum, & anima una, & cetera: quorum maximam partem eos reliquisse complexus, testatur historia sancti Stephani, ubi feminas eadem religione pollentes non coniuges, sed uiduas appellat eorum. Singula autem tabulata in circuitu habebant latera, id est, luriculas, ne quis in eisdem tabulatis consistens, siue resedens posset ad inferiora decidere, quod Ozias regi contigisse legimus in Samaria. Quæ nimirum latera non incongrue quotidiana diuinæ protectionis erga nos munimina designant. De quibus psalmista, Immittit, inquit, angelus domini in circuitu timentium eum, & eripiet eos. Ascendit quidem in cœnaculum Ozias rex Samariæ, qui se a domo David separauerat, sed per cancellos decidit: quia & si

Psal. 33

heretici siue schismatici aliquam bonæ actionis arcem conscendere uidentur, tamen compagem unitatis ecclesiæ non habent, quasi patentibus & non solidis laterum præsidii, semper ad uitiorum infima relabuntur, dum diuino destituti auxilio suæ pertinaciæ fastu intereunt. Quæ autem arte præfata tabulata parietibus templi sint affixa, declaratur cum subditur. Trabes autem posuit in domo per circuitum forinsecus, ut non hærent muris templi. Trabes ergo quæ intrinsecus domum munebant & ornabant, tantæ erant longitudinis, ut capita earum forinsecus prominere, in infimo quidem ordine cubitorum VII, in medio VI, in supremo V: atque in eisdem capitibus earum tabulata componerentur, nequaquam muris templi infixa, sed iuxta muros trabibus, quæ de muris exierant, superposita. Quid itaque per

trabes domus quæ tabulata portabant, nisi prædicatores sunt typice designati? Qui dum ipsi sublimem atque honorabilem in ecclesiâ Dei locum tenent, infirmiores quosque ac fragiles suis prædicationibus ab infirmorum appetitu sustollunt, atque ad cælestia desideranda ac speranda suspendunt, suis etiam intercessionibus, ut in cæptis persistant adiuuant. Legimus autem in libro Paralipomenon, quod trabes templi, sicut & cetera eius interiora, fuerint auro uestitæ. Quod ita factum esse non dubium est, ut illæ trabium partes, quæ intus in templo aureis essent laminis uestitæ: quæ uero foris patebant, hæ minime deauratæ ipsam cedri speciem formamque cunctis ostenderent. In qua tamen imposita sibi met tabulata gestabant. Quod ergo extrinsecus eminebat trabium, uitam sanctorum, quæ nobis in terris innotescere potuit, designat: quod intus in templo deauratum fulgebat, claritatem illam, quæ in cælesti patria in aspectu sui creatoris iusti gaudent, figurate denunciat. Quæ nimirum claritas trabium aurearum illis solummodo, qui templum intrabant, patebat: quia quam sit magna multitudo dulcedinis Dei, quam abscondit timentibus se, & perfectis sperantibus in se, soli norunt illi qui regnum cæleste meruerunt intrare. Et tamen cum nos uitam, passionem, doctrinas sanctorum cernentes, siue in scripturis legentes, ad beneficiendum exemplo eorum excitamur, quasi in capitibus trabium foris apparentium a terra subleuamur: quia quamuis internam sanctorum gloriam perspicere nec dum ualeamus, ex eo tamen quod exterius uidere ualuimus, sublimibus ecclesiæ membris fideliter adhaeremus. Possimus hæc etiam de sanctis in hac ui-

ta adhuc possitis intelligere, quorum puritatem dilectionis, qua in secreto cordis coram domino resurgunt, inspicere nequimus. Attamen ex eis, quæ loquendo uel agendo, uel patiendū foris ostendunt, auxilium nostræ salutis inuenimus. Domus autem cum ædificaretur, de lapidibus dolatis atque perfectis ædificata est. & malleus & securis & omne ferramentum non sunt audita in domo cum ædificaretur. Hæc ad illam ecclesiæ partem, quæ post huius sæculi labores & certamina ad æterna præmia meruit introduci, proprie pertinent. ibi etenim nemo aliquid coinquinatū faciet, uel abominationem & mendacium: sicut in Apocalypsi scripsit Ioannes. Malleus & securis & omne ferramentum non auditur, quia hic tundimur aduersitibus, & disciplina ueritatis exercemur, ut illic locis iuxta meritum congruis disponamur, & castigatione cessante solo amoris glutino, quo adinuicem copulemur, uno impleti spiritu perfundamur. hic enim foris tundimur, ut illic sine reprehensione inueniamur. Hic malleus, hic securis, hic omnia tunsonum resonant ferramenta: in domo autem Dei nulli idus audiuntur, quia in æterna patria omnes iam percussionum strepitus conticescunt. Nequaquam ibi malleus percussit, quia nulla animaduersio affligit: nequaquam securis incidit, quia receptos interius nulla foris sententia seueritatis proicit. Nequaquam ibi ferramenta perstreperunt, quia nec quælibet minima ultra iam flagella sentiuntur. Lapidēs ergo extra tunsi sunt, ut in constructione templi domini absque mallei sonitu ponerentur: quia uidelicet nunc foris per flagella tundimur, ut intus in templum Dei postmodum sine disciplinæ percussione disponamur: quatenus quidquid in nobis est superfluum modo percussio refecerit, & tunc sola nos in ædificatione concordia caritatis liget: ut hic diuersis aduersitatibus extra cōtusos atque expiatus homo erroribus meritorum, ira iam ibi purus purum uideat Deum, quo ornamentis ipsius ciuitatis mereatur affigi, post transitum habens locum sibi solummodo a domino præparatum. Ostium lateris medii in parte erat domus dextræ, & per cochleam ascende-batur in medium cænaculum, & a medio in tertium. Quidam hunc locum male intelligentes, putant ostium templi a meridie fuisse, non attendentes quod si hoc significare uoluisset scriptura, non ita diceret, Ostium lateris medii in parte erat domus dextræ, sed ita potius simpliciter, Et habebat domus ostium ad meridiem. Nunc autem longe aliud significat. Partem namque domus dextræ latus templi meridianum dicit, in cuius parte orientali ostium erat in ipso angulo factum iuxta terram, in quod introeuntes statim ad altiora gradatim ascende-bāt, habentes uiam & ascensum per ipsa parietis interiora. Vnde cōsequenter adiungitur, Et per cochleam ascende-bant in medium cænaculum, & a medio in tertium. Nec dubitandum quamlibet scriptura non dicat, quia sic ascendentes creberrimas habebant a meridie fenestras, quarum luce certum per omnia, & sine offensione iter agerent. Ostium uero, quo ad quotidiana templi ministeria ingrediebatur, erat ad orientem, sicut iam meminimus, ut Iosephus refert: & porticus ante faciem illius, & ipsa patens ad orientem: ita ut exoriens Sol æquinoctialis sine ullo obstaculo radios suos per ostia templi & oraculi in ipsam arcam, quæ erat in sanctis sanctorum, mitteret. Porro ascensus qui in domum superiore[m], & a superiore ducebat in tertium, australem erat templi latere: cuius dispositio ascensus mysteriorum nobis multum memorabile cōmendat. Claret namque quia templum hoc, quod Salomon fecit, corpus pacifici regis Christi non solum illud quod est ecclesia eius tota, uerumetiam ipsum quod sacrosanctum de uirgine, ut esset caput ecclesiæ, suscepit, figurate insinuat. Erat autem ostium lateris medii in pariete domus dextræ. De quo occulte ab inferioribus in medium cænaculum, & a medio ascenderetur in tertium, quia passo in cruce domino unus militum lancea latus eius aperuit. Et bene in parte domus dextræ: quia dextrum ei latus a milite apertum sancta credit eccle-

De cochlea
templi. X

dit eccle-

dit ecclesia. Vbi & apto uerbo usus euangelista est, ut nō diceret, Percussit latus eius aut uulnerauit, sed Aperuit, uidelicet quasi ostium lateris medijs, per quod nobis iter ad caelestia panderetur. Denique ita subiunxit, Et continuo exiuit sanguis & aqua, aqua scilicet qua abluimur in baptismo, & sanguis quo consecramur in calice sancto. Per hoc namque ostium nobis est ascensus in medium cœnaculum, & a medijs inde in tertium: quia per fidem & mysteria nostri redemptoris, de presenti ecclesie conuersatione ad requiem animarum post mortem ascendimus, rursumque de requie animarum adueniente die iudicii, ad immortalitatem quoque corporum quasi in tertium cœnaculum sublimiore profectu penetrabimus, ex quo & magna amborum cor-

Iom. 19

- poris uidelicet & animarum beatitudine perpetuo uiuamus. Quod quidem iter inuisibiliter agebatur, ita ut soli hoc, qui intrauerunt, nossent, quamuis ipsum ostium etiam foris positi uiderent: quia nimirum actus fidelium in hoc sæculo, & celebrationes sacramentorum etiam reprobi possunt intueri: uerum arcana fidei & intimæ gratiæ dilectionis nullus, nisi qui per hæc domino duce ad caelestia ducitur, agnoscit. Qui enim se dicit nosse Deum, & mandata eius non custodit, mendax est. Norandum sane quod XXX cubiti altitudinis, de quibus supra legitur, usque ad medium cœnaculum pertinebant: deinde alii XXX cubiti usque ad tertium cœnaculum addebantur, quosque porticus, quæ erant circa templum, ab austro, & aquilone, & occasu ad testum perueniebant, ut Iosepho narrante, didicimus. Deinde usque ad supremum templi testum alii LX cubiti numerabantur, & sic tota altitudo domus iuxta librum Paralipomenon in CXX cubitos consummata est. Porticus quoque, quæ erat ante frontem templi ad orientem iuxta fidem præfati uoluminis, eandem cubitorum summam, in altitudine habebat, qui uidelicet illas, de quibus supra diximus, porticus circa templum cellaria uocat, & cubicula. Dedit, inquit, David Salomoni filio suo descriptionem porticus, & templi, & cellariorum & cœnaculi & cubiculorum in abditis & domus propitiationalis. Vbi etiam exteriorum domorum, quæ erant extra atrium sacerdotum in circuitu templi, fecit mentionem, cum protinus adiunxit, Nec non & omnium, quæ cogitauerat, atriorum, exhedrarum per circuitum in thesauris domus domini, & in thesauris sanctorum. Quod autem omnis altitudo ipsius CXX cubitorum ad idem sacramentum respicit, quo & primitiua in Hierosolymis ecclesia post passionem & resurrectionem & ascensionem domini in cœlos, & in hoc numero uirorum gratiam spiritus sancti accepit: XV namque, quæ ex VII & VIII constant, solent nonnumquam ad significationem referri uirgines, quæ nunc in sabbatismo geritur animarum fidelium, perficitur autem in fine sæculi resurrectione corporum immortalium. Ipsa autem XV in trigonum ducta, idest cum omnibus suis partibus annumerata, CXX efficiunt. Quapropter apte numero centenario & uicenario, magna electorum beatitudo in futura uita designatur. Aptè in hoc tertium domus domini cœnaculum consummatur, quia per præsentem fidelium labores, post acceptam in futuro requiem animarum, plena totius ecclesie felicitas in resurrectionis gloria complebitur. Ad quod mysterium æque pertinet, ut diximus, quod resurgens a mortuis dominus, atque ad cœlos ascendens, huic numero uirorum spiritum sanctum in linguis igneis misit, qui eos diuersitate linguarum adinuicem cognitione loquelarum communem in laude fecit habere sermonem. Nam & ecclesia suo tempore resurgens a morte, atque ad cœlos in carne incorruptibili ascendens, plene ac perfecte dono spiritus sancti illustratur, quando iuxta promissum apostoli, erit Deus omnia in omnibus. Tunc plena erit aduante linguarum in omnibus, ad prædicanda magnalia Dei, quia consona mentis ac uoce omnes gloriam diuinæ maiestatis, quia præsentem uident, collaudant.

Iom. 2

I Paralip. 28

Et ædificauit domum & cōsummauit eam, textiq. domum laquearibus cedrinis.)

Laquearia

Laquearia sunt tabulata, quæ magno decore composita & ornata, ab inferiori parte trabibus affiguntur clavis. Et quia ter geminæ altitudinis domus domini facta erat, terna nimirum habebat laquearia: prima uidelicet post XXX cubitos a pavimento, secunda post cubitos LX contra summam porticum, tertia post cubitos CXX in summitate totius domus. Quid autem aptius per laquearia, quam sublimiores quoque in sancta ecclesia iustos significari credamus, quorum opus & doctrina cunctis in exemplo proposita quasi longius in alto præminet, quique suis intercessionibus & exhortationibus animos infirmorum, ne in tentationibus deficiant, protegent. Quæ nimirum laquearia, recte cedrina esse describuntur. Cedrus namque arbor est, impudibilis omnino naturæ, odoris iucundi, aspectus nitidi, serpen-
 tes accensa nidore fugans ac perimens: quæ perfectis quibusque conueniunt, quorum insuperabilis est patientia, fama uirtutum eximia, præ cunctis grauissima bonis, auctoritas ad reuincendos confutandosque eos qui ueritati resistunt, constantissima, qui & in hac uita, & in futura singulari præ ceteris sanctis eminentia fulgent.
 Et edificauit tabulatum super omnem domum, V cubitorum altitudinis. Hoc est enim quod in Deuteronomio præcepit Moyses, fieri in omni domo, quam quisque edificaret: Cum edificaueris, inquit, domum nouam, facies murum tecti per circuitum, ne effundatur sanguis in domo tua, & sis reus labente alio, & in præceptum rudent. hoc enim tabulatum in supremo domus tecti per circuitum, in extremo murorum uice cancellorum erat erectum, ne quis ad superiora descendens, dum ad terminum tecti perueniret, incaute progrediendo dilaberetur ad ima. Quod esse passus rex Ozias in sequentibus inuenitur, qui per cancellos exanaculi decidens, le-
 tiferum incidit in languorem. Quibus tabulatis seu muris uel cancellis, cum ad tutelam uiae ponuntur, unguis luricularum nomen indidit. Hæc autem tabulata siue luriculæ supra sunt latera uocata. Vbi cum dictum est, Et edificauit super parietem templi tabulata per gyrum in parietibus domus per circuitum templi & oraculi, continuo subiunctum est, Et fecit latera in circuitu. In quibus nimirum lateribus intelleximus diuina esse præsidia designata, quæ nos in hoc adhuc sæculo laborantes, ac pro capto nostro ad superiora nitentes, quotidie ne deficiamus adiuuant: ad cuius formatam sensus etiam hunc locum intelligere debemus, sed ea distinctione, quod in hac uita inter crebra uel hostis impacata tentamenta, uel nostræ fragilitatis obstacula, crebro imo continuo supernæ pietatis munere, ne corruamus, defendimur. In illa uero uita, quam supremum templi tectum, ut supra docuimus, insinuat, tanta Dei præsentis gratia munimur, ut nec uelimus ultra peccare, nec possimus, neque ullo mortis siue doloris, siue tentantis aduersarii metu afficiamur. De præsentibus domini auxiliis quasi de lateribus tabulatorum, dicit ipse dominus loquens de populo suo: Inuocabit me & ego exaudiam eum, cum ipso sum in tribulatione, eripiam eum & glorificabo eum. De futura autem eius gratia, quæ superna illa ciuitas illustratur, dicit eidem ciuitati propheta, Lauda Hierusalem dominum, lauda Deum tuum Sion: quoniam confortauit seras portarum tuarum, benedixit filiis tuis in te: qui posuit fines tuos pacem. Bene autem hoc tabulatum in tecto domus domini quinque cubitis altum esse memoratur, quia nimirum ita nos in illa patria diuinæ præsentia claritatis adimplet, ut nihil aliud uisus noster, nihil auditus, nihil olfactus, nihil gustus, nihil tactus dulce habeat, nisi
 Diligere dominum Deum nostrum ex toto corde, tota anima, tota uirtute, & proximum tamquam nos ipsos. Et operuit domum lignis cedrinis. Super eum enim totius structuræ domus tegumentum designat, hoc est tabulatum quod illis trabibus desuper appositum erat, quibus suprema, quæ prædiximus, laquearia subter erant affixa. Non autem habebat templum culmen in superioribus, sicut nec
 tabernaculum.

tabernaculum, sed erat æquale, quo modo omnibus in Palestina & Aegypto domus ædificantibus facere moris est, quia ad sedendum uidelicet uel deambulandum apta construuntur. Vnde dicit in euangelio dominus. Et quod in aure audistis, prædicabitur in tectis. Talis namque locus aptissimus erat, de quo uerbum prædicator uel assistentibus sibi, uel inferius positis auditoribus proferat. De quo & in prouerbis Salomon. Melius est, inquit, habitare in angulo domatis, quam cum muliere litigiosa in domo communi. quod enim latine tectum, græce dicitur doma. Sed & porticus ipsæ circa templum trina habebant laquearia, prima post cubitos a terra XX, secunda post XL, tertia post L X, plana enim & ipsorum facta erant tecta. Erant autem porticus XXX inferius, XXX in medio, XXX desuper, non mutis ab inuicem, sed tabulatis discreta, ita ut singula earum quæ erant numero XC, quinos cubitos in latitudine & longitudine, uicenos autem in altitudine haberent. De quibus uidelicet porticibus frequens in libro Dierum mentio fit, sed quo sint ordine dispositæ, plenius explicat Iosephus. Id ipsum autem hoc tabulatum quo operata est domus, quod & laquearia, designat eximios quosque in resurrectionis gloria uiros, & singularem sanctitatem ad ipsum uirtutis apicem peruenientes. De quorum uno dicitur, Inter natos mulierum non surrexit maior Ioanne baptista. Cuius si comparem magnitudinis scire uis, audi quid patri ipsius angelus ait, Et ipse præcedet ante eum in spiritu & uirtute Heliz. Et ædificauit parietes domus intrinsecus tabulatis cedrinis a pauimento domus usque ad summam parietum, & usque ad laquearia operuit lignis intrinsecus. Quid est quod domus cedro erat uestita? Nam forinsecus tanto nitore lapis ipse, de quo facta erat, fulgebat, ac si calculo esset candido tecta. Iuxta sensus uero mysticos: parietes sunt templi, populi fideles, ex quibus sancta universalis ecclesia consistit, quorum dilatationem per orbem latitudo designat parietum, spem uero & intentionem omnem ad celestia erectam, altitudo. Vel certe altitudo parietis, quæ ex ordinibus lapidum super inuicem positis constat, præsentis statum signat ecclesie, ubi electi super fundamentum Christi omnes ædificati, sibi inuicem in ordine per temporum curricula succedunt, seseque inuicem portantes, legem Christi, quæ est caritas, adimplent. dum enim hi qui nunc præcedentibus erudiuntur magistris, rursus ipsi alios erudiant, quasi super se inuicem positos ordinibus quinque lapidum uiuorum in domo Dei, sic ab aliis fixa constantia portantur, ut ad portandos alios & ipsi sufficiant, usque ad ultimos, qui in fine mundi nascituri sunt, iustos, qui quasi in summo Dei domus cacumine locati docentur, & portantur ab aliis, sed quos doceant, quorumue fragilitatem tolerent ipsi non habent. Qui uidelicet parietes intrinsecus tabulatis cedrinis operiuntur, cum corda fidelium amore uirtutum redundant. sicut enim cedri natura perfectos homines, ut supra docuimus, typice denunciat: ita etiam locis opportunis celsitudinem uirtutum, quibus ad eandem perfectionem uenitur, non immerito designat. Teguntur autem omnia lignis a pauimento domus usque ad summam parietum, & usque ad laquearia, cum electi a primis fidei rudimentis usque ad perfectionem bonæ actionis, & usque ad ingressum patriæ celestis bonis insudare non desistunt operibus, cum a primis iustis usque ad ultimos in consummatione sæculi omnes uirtutibus student, quorum merito iure ualeant protestari, quia Christi bonus odor sumus Deo in omni loco. Extexit pauimentum tabulatis abiernis. Hoc quo modo factum sit, plenius in libro Paralipomenon explicat, ubi scriptum est: Strauit quoque pauimentum templi pretiosissimo marmore stratum decore multo. Vnde patet quod tabulas abiernas, quibus pauimentum tegetur, nequaquam in terra posuit, sed primo illud marmore protexit, ac deinde tabulas superposuit, ac tertium his duobus auro uestitum superaddidit, ut in sequentibus legitur. Sicut autem

Luca 12

Prou. 31

Math. 11

Luca 1

2 Paralip. 3

autem altitudo parietis in altum exurgens, atque usque ad laquearia perveniens, profectus uirtutum, quibus electi ad regnum caeleste perveniunt, vel certe ipsos electos chotos sibi met per tempora uariantia succedentes significant: ita æqualitas pavimenti concordem eorundem humilitatem, qua in temporali adhuc uita positi socia liter inuicem caritate discante conuerfantur, non immerito demonstrat. Quod uide licet pavimentum pretiosissimo erat marmore stratum decore multo, idemq. marmor ex tabulis rectum abiegnis: quia nimirum uita iustorum primo fidei firmata te pramunienda in corde, ac deinde uirtutum spiritualium latitudine est adornanda in opere: alioquin quid utilitatis habet decor marmoris pretiosissimi lignorum tabulis obtectus, si non mysticum aliquid tacite signabat, ac bonorum amplitudinem operum fortitudine fidei intemperate suffulciendâ esse docebat? Abies uero propter altitudinem sui & robur durabile mentem electorum infima quæque desideria spernentem, & caelesti semper contemplationi intentam, uirtute quoque patientiæ singu-
lariter excellentem, non incongrue demonstrat. Auri autem laminæ quæ marmoris ac tabulis sunt abiegnis superpositæ, ipsa est latitudo caritatis de corde pno & conscientia bona, & fide non ficta, quæ sicut aurum aliis pretiosius est metallis, ita ceteris eximior uirtutibus in templo Dei singulari luce resulget. Vnde bene apostolus cum plurima uirtutum bona, quæ humilibus essent corde seruanda, quasi pavimenti ornatus enumeraret, dicens, Induite uos sicut electi Dei sancti & dilecti uiscera misere-
cordiæ, benignitatem, humilitatem, patientiam, modestiam, sufferentes inuicem, & donantes uobismet ipsis, si quis aduersus aliquem habet querelâ: sicut Christus donauit uobis, ita & uos facite: repente uelut desuper addendo aureo uelamine adiunxit, Super omnia autem caritatem habentes, quod est uinculum perfectionis.

Colof. 3

De mensura
templi & ora-
culi. XII

Aedificauit quoque XX cubitos ad posteriorem partem templi, tabulata ceditina a pavimento usque ad posteriora, & fecit interiorem domum oraculi in sanctum sanctorum. Posteriorem templi partem occidentalem dicit, ab ortu enim solis ingressum habebat templum, & ab occasu domum interiorē, hoc est sancta sanctorum. Quod autem tabulata, quæ interiore domum ab exteriori separabant, a pavimen-
to usque ad superiora esse dicuntur ædificata, non usque ad laquearia, quæ XXX cubitos erant in sublime a pavimento suspensa, ut supra iam dictum est: sed usque ad
cubitos XX altitudinis, ut in sequentibus aperte legitur: reliquum uero erat supra
hæc tabulata apertum & inane usque ad laquearia cubitis decē altitudinis, & cubito-
rum XX longitudinē iuxta latitudinē domus. In qua distinctione domus domini,
patet figura mysterii, & apostolo exponēte, luce clarior est. Quæ prior domus, in quâ
semper introibant sacerdotes, sacrificiorum officia consummantes, præfens est ecclesia,
ubi quotidie insistentes piis operibus domino sacrificia laudis offerimus. Interior
uero domus, quæ ad posteriorem templi partem erat facta, ipsa est promissa nobis ui-
ta in cælis. Interior quidem a conuersatione nostri exilii remota, estq. in præsentia
regis summi perpes, ubi beatorum & angelorum & hominum sollempnitas agitur.
Vnde de ea bene merito seruo dicitur, Intra in gaudium domini tui. Sed posterior,
tempus quo post huius seculi labores ad illius ingressum perducimur. Tabulata au-
tem, quæ utramque domum ab inuicem diuidunt, ipsa sunt claustra celi quorum
ubi apertionem quotidie suspiramus, & quantum dominus donauerit, pia sem-
per instantia, donec aperiantur, ut intrare liceat, pulsamus. Vbi etsi nec dum ante so-
lutionem corporum intrare permittimur, apertam tamen habemus ianuam diuinæ
pietatis, qua orationum nostrarum, elemosynarum, ieiuniorum, ceterorumq.
bonorum operum thymiamata pramittamus. Bene autem interior domus XX cu-
bitos longa facta est, propter mysterium geminæ dilectionis, de quo supra diximus,
quæ in hac interim uita ex parte maxima electorum illustrat mētes, sed in illa patria
cessantibus

Matth. 23

49

- cessantibus aliarum uirtutum operibus sola perpetuo regnat. Porro X L cubitis erat ipsum templum pro foribus oraculi.) Diximus ipsum templum pro foribus oraculi, presentis ecclesie typum gessisse. Vnde recte fuit X L cubitorum, qui numerus saepe in significatione ponitur presentis fidelium laboris, quo modo quinquagenarius in significatione futurae quietis & pacis. Denario namque numero continentur precepta, quorum obseruatione ad uitam uenitur: denario æque significatur ipsa quam desideramus, & pro qua laboramus, uita perennis. Quadratus uero est mundus, in quo pro acquirenda eadem uita certamus. Vnde & psalmista congregandi de gentibus ecclesiam prauidebat, aiebat, De regionibus congregauit eos, a Solis ortu & occasu
- 10 ab aquilone & mari. Decem autem quater ducta, X L faciunt. Vnde populus ab Aegyptu liberatus in figura presentis ecclesie, X L annis in heremo multis laboribus exercebatur, simul & pane caelesti reficiebatur: ac sic tandem ad promissam olim patriam peruenit. exercetur enim tetationibus X L annis, ut labores ecclesie, quibus totum per orbem in obseruanda Dei lege desudat, insinuetur. Pascitur manna de caelo per eosdem X L annos, ut ostendatur ipse quas ecclesia tolerat passiones, spe denarii caelestis, hoc est æternæ beatitudinis esse leuigandæ. Vbi ii qui nunc esuriunt & sitiunt iustitiam saturabuntur: & sicut eadem ecclesia suo canit redemptori, Ego autem cum iustitia apparebo conspectui tuo, satiabor dum manifestabitur gloria tua. Pariter ergo populus Dei & afficitur aduersis & reficitur manna, ut sit illud apostoli, Spe gaudentes, in tribulatione patientes. In qua figura & dominus noster X L diebus ante mortem carnis suæ ieiunauit, X L etiam epulabatur cum discipulis, post resurrectionem carnis suæ, apparet eis in multis argumentis, & loquens de regno Dei, & conuescens: ieiunando etenim ostendebat nostrum in se laborem: manducando autem cum discipulis, ostendebat in nobis suam consolationem. ieiunans uelut clamabat, Attendite ne grauentur corda uestra in crapula & ebrietate, & curis huius uitæ. Māducans autem & bibens, uelut clamabat, Ecce ego uobiscum sum omnibus diebus, usque ad consummationem sæculi. Et iterum autem uidebo nos, & gaudebit cor uestrum, & gaudium uestrum nō tolletur a uobis. simul enim cum uia domini carpiamus, & a uanitate presentis sæculi ieiunamus, & futura promissione reficimur, hic non apponentes, quia illic pascentes sursum est cor. Et cedra omnis domus intrinsecus uestiebatur, habens tornaturas suas & coniuncturas fabrefactas, & celaturas eminentes.) Diximus de cedro quod insuperabilem uirtutum uenustatem signaret, quo nimirum ligno omnis domus domini intrinsecus uestitur, cum corda iustorum solo bonorum operum amore nitescunt: habetque domus in tabulis cubitis tornaturas suas, & coniuncturas fabrefactas, cum iidem electi se adinuicem pulcherrima caritatis copula cōnectunt, ita ut cum innumera sit multitudo fidelium, unum tamen cor unam habere animam pro cōmuni fidei ac dilectionis societate merito dicantur. Namque tornaturæ quæ iuncturis tabularum apponebantur, ut unum ex omnibus fieret tabulatum, ipsa sunt officia caritatis, quibus adiunice fraternitatis sancta copulatur, atque in unam Christi domum toto tetraorbe componitur. Quæ etiam domus habet celaturas eminentes, cum opera uirtutum sancti nequaquam occulte tegunt, sed manifesta expressione omnibus foris, quales sint ipsi, quid agant in exemplum uiuendi, proferunt: quo modo fecit apostolus Paulus, qui non solum prædicando gentibus Christum, & patiendo ipse pro Christo quantum emineret ostendebat, uerum etiam in epistolis ad ecclesias destinatis quot pericula pro Christo toleraret, quantis reuelationibus a Christo sit sublimatus, felici glorificatione declarabat. Qui cum suis dicere auditoribus non dubicaret, Imitatores mei estote sicut & ego Christi: quid in domo domini, nisi celaturas eminentes ostendit, qui singulari culmine uirtutis cunctis sese imitabilem præbuit?

Omnia

*Quod domus
sit cedro uesti-
ta & auro.
XIII*

Omnia cedrinis tabulis uestiebantur, nec omnino lapis apparere poterat in pariete.) Et lapis parietis siue pavimenti & tabulæ & aurum, sanctorum in ecclesia uitam omnia designant: sed ea distinctione cum pariter ponuntur, ut lapides uiui sint sancti, fortitudine fidei in unam eandemq. regulam sibiimet adglutinati: tabulæ cedrinæ siue abiegnæ sint sancti, latitudine uariarum uirtutum, secundum donationes sancti spiritus, in una eademq. fide sibiimet alterutrum connexi: auri laminæ sint sancti supereminentem scientiæ caritatem habentes: hi sunt qui fulgore gratissimo adinuicem congaudent. Quæ tria beatus apostolus una sententia complexus est dicens. Nam in Christo Iesu neque circumcisio aliquid ualet, neque præputium, sed fides, quæ per dilectionem operatur. Fidei namque inuictæ lapis figuram tenuit, cedrus sanctionis odoriferæ, aurum transcendens omnia dilectionis: uestiturg. lapideus paries tabulis cedrinis, cum professio fidei bonis ornatur operibus, ne sine operibus otiosa iudicetur aut mortua. Verum quia lex in lapide scripta, doctrina uero euangelii per lignum est dominicæ passionis confirmata, unde & populus lapide circumcisus in præputio, nos signo crucis consecramur in fronte: possunt non incongrue parietes templi lapidei, siue pavimentum pretiosissimo marmore stratum, eorum qui in lege fideliter ac perfecte uiixerunt, typum gerere: tabulæ uero cedrinæ siue abiegnæ noui testamenti iustos iudicare, qui uolentes post dominum uenire abnegant semet ipsos, & sumpta cruce sua quotidie sequuntur illum. Et quoniam utriusque temporis iustos communis manet supernæ gloriæ retributionis, lapidibus ac lignis pretiosis tertia est species aurearum laminarum. Econtrario debet uideri quod supra diximus. Porticus quæ erat ante templum, antiquioris fidelium debet figuram gestare: ipsum uero templum, eorum qui post incarnationis dominicæ tempus, in mundum uenerunt. Porro domus interior regni cælestis gaudia, quæ utrique iustis dantur figurabat. Nunc autem dicamus parietes lapideos antiquum Dei populum, tabulas cedrinas noui, aureas laminas utriusque in cælis præmia designare, cum iidem parietes templi, & in porticu, & in ipso templo, & in sanctis sanctorum pari fuerint modo de lapidibus & lignis & auro compacti. Multiplex namque est in diuersis rebus earundem repetitio figurarum. Sed hoc dicendum, quod fuerunt in lege & ante scriptam legem plurimi, qui legaliter deducere desierunt, non occidentes, non fornicantes, non furtum facientes, non falsum testimonium loquentes, honorantes patrem & matrem, & diligentes proximos sicut se ipsos. Hi ad parietes porticus lapideos pertinebant. Fuerunt alii, qui maiori perfectione reliquis mundi negotiis, & assumpta cruce sua sequebantur dominum, qui, ut apostolus scribit, ludibria & uerbera experti, insuper & uincula & carceres, lapidati sunt, scissi sunt, tentati sunt, in occisione gladii mortui sunt. Circuierunt in melotis, in pellibus caprinis, egentes, angustii, afflicti, quibus dignus non erat mundus. Hi qui ante manifestata tempora euangelii uitam duxere euangelicam, quid nisi ante ingressum tabulata cedrina in porticu fulgebant? Quos utrosque quia idem regnum cælestis communiter in mansionibus discretis recepit, quasi porticus templi post lapidem & cedrum intrinsecus est auro cooperta. Sunt hoc tempore per plures, qui legalibus contenti præceptis, quæ supra commemorauimus, sufficere sibi credunt tantum, si ad uitam uenire mereantur. Sunt alii ad perfectionem nitentes, uenditis quæ habent omnibus, memores promissi illius, quo talibus in resurrectione non solum uitam sed & specialem prædixit honorem esse tribuendum, Amen dico uobis, quod uos qui secuti estis me, in regeneratione cum sederit filius hominis in sede maiestatis suæ, sedebitis & uos super sedes duodecim, iudicantes duodecim tribus Israël. Hi ad parietes templi albo de lapide factos, illi figuraliter ad cedrinas pertinent tabulas. Et quia utrique præmia a domino perpetuæ lucis, quasi auri laminas quibus decorentur,

decorentur, expectant, sunt in abditis templi lapides pretiosi, sunt tabule ligni aromatici, utraque auro cooperta: quia & illi, qui in lege domini immaculati ambulauerunt, & qui gratiam euangelii perfecte susceperant, pariter æterna uita perfruuntur. Oraculum autem in medio domus in interiori parte fecerat, ut poneret ibi arcam fœderis domini. Hoc superius præoccupando expositum est, quia uidelicet interior domus secreta patriæ cælestis, arca fœderis dominum saluatorem, in quo solo fœdus pacis apud patrem habemus, designaret: qui post resurrectionem suam ascendens in cælum, carnem, quam assumpsit ex uirgine, in patris dextram locauit.

Porro oraculum habebat uiginti cubitos in longitudine, & uiginti cubitos in latitudine, & uiginti cubitos in altitudine. Quod dicitur uiginti cubitos in altitudine, parietem significat cedrinum, qui oraculum, idest sancta sanctorum, ab æde exteriori segregaret, sicut & supra diximus. Oraculum ergo ubi erat arca, habebat uicenos cubitos in longitudine, & latitudine, & altitudine, idest per quadrum: quia in superna illa patria, ubi regem Christum in decore suo uident oculi sanctorum, sola caritatis diuinæ ac fraternæ gratia per omnia fulget. Quod sequentibus quoque uerbis abstruitur, cum dicitur, Et operuit illud atque uestiuit auro purissimo, Quod est aperte dicere: quia mœnia supernæ ciuitatis, gratia caritatis impleuit.

Sed & uestiuit altare cedro. Altare dicit thymiamatis, quod erat infra oraculum. De quo paulo post subinfertur, Et totum altare oraculi texit auro. Vnde intelligi datur, quia idem altare de lapide quidem fuerit factum, & cedro uestitum, ac deinde auro coopertum. Significat autem typice perfectiorum uitam iustorum, qui quasi in oraculo sunt positi, quia desertis inimis delectationibus, de solo regni cælestis ingressu curam omnem impendunt. Vnde bene in hoc altari, non carnes uideantur, sed sola incendebantur thymiamata: quia tales non adhuc peccata carnis & illecebras cogitationum in se maculare opus habent: sed tantum orationum spiritalium & cælestium desideriorum odora menta, per ignem æterni amoris in conspectu sui conditoris offerunt. Quid autem in huiusmodi altari lapis cedrus & aurum figurarent, ex his, quæ superius dicta sunt, facile potest intelligi. Domum quoque ante oraculum operuit auro purissimo, & fixit laminas clauis aureis. Domum ante oraculum præsentis ecclesiæ typum tenere diximus, ubi ita redemptoris nostri amore flagramus, ut nec dum ipsum uidere facie ad faciem ualeamus. Vnde apte domus hæc auro quidem purissimo cooperta, sed interpositus erat medius paries ob oraculi secreta. Oraculum namque uocatur, cum diuina hominibus uel angelica allocutio, uel secretorum quorumque reuelatio cõceditur. Vnde bene oraculum in abditis, hoc est in interiori domo factum est, quia in superna patria & angelorum nobis uisio atque allocutio, & ipsa Dei præsentia reuelabitur, iuxta hæc quæ ueritas ipsa diligentibus se pollicetur, dicens, Qui autem diligit me, diligitur a patre meo, & ego diligam eum, & manifestabo ei me ipsum. Et iterum, Venit hora cum iam non in prouerbis loquar uobis, sed palam de patre meo annuntiabo uobis. Domus ergo ante oraculum auro tecta est, quia perfecti quique iussi in hac uita, ubi nec dum de patre palam audire, idest nec dum palam uidere queunt, fidem & opus iustitiæ diuino ornant amore, per quem & plenam Dei cognitionem mereantur. Laminæ aureæ, quibus operata est domus, operationes sunt multifariæ pietatis, quas in obsequium sui creatoris, uel fraternæ necessitatis, amor castus exhibet. Clauis aureis quibus erant affixæ laminæ aureæ, sunt præcepta caritatis, siue promissa æternæ claritatis, per quæ in exercitio studioque uirtutum ne deficiamus donante Christi gratia continemur. Vnde bene de eisdem clauis in libro Paralipomenon scriptum est, Sed & clauos fecit aureos, ita ut singuli clauis ficos quinquagenos appenderet. Quin

Quod altare
cedro & auro
uestitum.
XIII

Joan. 16

tus sancti & uita æterna figurari, quoniam quinquagesimus psalmus est penitentiæ & remissionis: quinquagesimus annus iubilæus: quinquagesima die post pascha spiritus sanctus adueniens primitiuam ecclesiæ consecrauit: & quinquagenorum erant siclorum clauī singuli, quibus laminæ aureæ affigebantur parietibus domus domini, quia nimirum uerba cælestia, quibus in amore bonorū operum proficimus, & conseruamur, ueniam nobis promittunt peccatorum gratia sancti spiritus, & sabbatissimum in futuro pollicetur æternum. Et hi quidem sunt clauī dilectionis. Sunt uero alii clauī timoris, quibus incipientes quique & necdum ad perfectionem uenientes, illecebras uitiorum carnalium & uoluptatem mortificant, illo uidelicet sermone ueritatis, cuius institutione carnem nostram crucifigere cum uitiis & concupiscentiis edocemur. Quos habere desiderabat propheta, cum ait, Configo clauīs timoris tui carnes meas, a iudiciis enim tuis timui. Qui tursus ad perfectionem perueniens, dicit de clauīs dilectionis, Mihi autem adhaerere Deo bonum est. Nihilq. erat in templo, quod non auro tegetetur, sed & totum altare oraculi texit auro. 10

Psal. 118 pra de altari dictum est. Plenus uero in libro Paralipomenon hæc explicantur, ubi porticus quoque erat ante frontem templi deaurata intrinsecus, cænacula quoque auro tecta esse perhibentur. Vbi figura mysterii in promptu est, quia tota ecclesiā & in hoc sæculo & in futuro, præ ceteris uirtutibus Deo placitis dono caritatis abundat: & sola hæc quasi singulariter eminens, ceteras cælare uidetur. Deaurata est quippe porticus ante templum, quia patres ueteris testamenti Deo per caritatem placuerunt. Deaurata est templum, quia eadem ipsa caritas diffusa est in cordibus nostris per spiritum sanctum, qui datus est nobis. Deaurata est domus interior, quia in superna patria sola caritas regnat. Sed ibi eo uerius & securius, quo præsens ipse Deus, qui est caritas, uidetur: ibi eo certius, quo ipse mediator Dei & hominum, qui solus paternorum est conscius secretorum, uelut area testamenti semper aspici- 20

Psal. 30 tur. Quod autem cænacula quæque tecta sunt auro, ad eundem sensum respicit. sicut enim interior domus sancti sanctorum, ubi erat arca, æternam sanctorum uitam in conspectu sui conditoris & redemptoris significat, iuxta illud Psalmistæ, Abscondes eos in abscondito uultus tui, a conturbatione hominum: ita cænacula in alto, 30

Colof. 3 eandem uitam in cælis esse, & non in hoc mundo, dicente apostolo, Quæ sursum sunt, quærite, ubi Christus est in dextera Dei sedens, quæ sursum sunt sapite, non quæ sunt terrena. Et fecit in oraculo duo Cherubin de lignis oliuarum, decem cubitos altitudinis. Cherubin, sicut propheta Ezechiel aperte declarat, angelicæ dignitatis uocabulum est: numeroq. singulari Cherub dicitur, plurali Cherubin. Vnde apte in figuris Cherubin, quæ erant in oraculo facta, angelica ministeria, quæ conditori suo in cælis semper assistunt, possunt intelligi. Quæ recte de lignis oliuarum facta esse perhibentur, quia nimirum uirtutes angelicæ gratia spiritus sancti, ne umquam ab amore Dei arefiant, unæ sunt. Ipsæ etenim una nobiscum sunt participes 40

Psal. 44 illius, de quibus ait in laude Christi propheta, Vnxit te Deus tuus oleo lætitiæ, præ participibus tuis. Recte de lignis oliuarum figuraliter sunt facti, quos luce sapientiæ cælestis, mox ipse qui creauit, impleuit. Vnde Cherub appellare uoluit, quod Latine Multiplicata scientia, siue Scientiæ multitudo interpretatur. Decem autem sunt cubitorum altitudinis, quia denario uitæ æternæ fruuntur, habentes in uolam in se sui conditoris imaginem, seruata in perpetuum sanctitate & iustitia & ueritate, quæ prima conditione perceperunt. Denarius quippe obolis cõstat, & continere in se nomen regis & imaginem consuevit. Quapropter & figuræ regni cælestis aptissime congruit, ubi & angeli sancti in imagine sui conditoris, ad quam facti sunt, semper manent: & electi homines imaginem eius, quam peccando amiserant, recipiunt. Scimus enim, inquit, quia cum apparuerit, similes ei erimus, quoniam uidebimus eum 40

sicuti

*De saluata
Cherubin.*

XV

sicuti est. Quinque cubitorum ala Cherub una, & quinque cubitorum ala Cherub altera.) Id est, decem cubitos habentes a summitate alæ usque ad alæ alterius summitatem. Alæ cum in sanctorum hominum figura ponuntur, uirtutes significant eorum, quibus ad cælestia uolare semper, atque in his conuersationem delectantur habere. Cum uero in significatione angelorum ponuntur alæ, quid apertius quam gratiam demonstrant perpetuæ & indefectiuæ felicitatis eorum, qui semper in cælestibus in ministerio sui persistunt auctoris? Vel certe quia leuitate spiritalis naturæ sunt præditi, ita ut ubicumque uoluerint, statim quasi uolando perueniant: & hic cum alis figurati, & prophetis cum alis sunt ostensi. Bene autem dicitur, quia V cubitorum fuerit ala Cherub una, & V cubitorum ala Cherub altera: quia uirtutes angelicæ legem Dei quæ in quinque libris descripta est, indefessa deuotione custodiunt diligendo uidelicet Deum & dominum suum ex omnibus uiribus suis, diligendo & proximis tamquam se ipsos: plenitudo enim legis est caritas. Proximi autem eorum, & ipsi adinuicem sunt angelici spiritus, & homines electi, eorum æque conciuēs. Vnde utraque ala eiusdem esse mensuræ perhibetur: quia uidelicet eadem ipsa deuotione, qua se alterutrum in Deo diligunt, nostram quoque ad se ascendentium societatem desiderant: sicq. simul alæ X cubitos complent, cum in gēmina caritatis exhibitione, angeli de conditoris præsentia lætantur. Decem quoque cubitorum erat Cherub unum, mēsuræ parietis, & opus unum erat in duobus Cherubin.) Duo erant facti Cherubin propter consortium eiusdem, de qua loquimur, caritatis significandum, quia minus, quam inter duos, caritas stare non potest. Vnde & saluator LUC 10 nos ad prædicandum discipulos mittere curauit, ut tacite doceret eos, qui uerbum fidei prædicarent, uirtutum dilectionis ante omnia opera esse tenendam. Vniusq. mensuræ & operis duo Cherubin, quia disparilitas uoluntatum, siue cogitationum, in superna patria nulla est, ubi una omnes eademq. præsentis uisionē & gloria illustrantur. Posuitq. Cherubin in medio templi interioris, extendebant autem alas suas Cherubin, & tangebant ala una parietem, & ala Cherub secundi tangebant parietem alterum. Alæ autem alteræ in medio pariete templi se inuicem contingebant.) Manifestum est ex his, quæ prædicta sunt, quare Cherubin in medio templi interioris sint positi, quorum habitatio est in cælis. Extendebant autem alas Cherubin, quia si ad uolandum, quia spiritus angelici semper habent animum ad obsequium diuinæ uoluntatis præparatum. Quod uero ala una tangebant parietem, ad illam caritatis administrationem pertinere, quam nobis exhibent angeli. Quod alæ alteræ in medio templi se inuicem contingebant, eam dilectionis gratiam qua se alterutrum complectuntur, exprimit. Bene autem sequitur, Texti quoque Cherubin auro: quia & naturam eorum conditor immortalī claritate sublimauit, & mentem ueræ dilectionis atque humilitatis luce repleuit. Notandum sane quia Moyses domum tabernaculum faceret, fecit & duos Cherubin aureos, quos posuit in propitiatorio, quod erat super arcam. Salomō autem addidit alios duos multo maiores, quos in templo poneret, sub

40 quorum alis arcam in medio poneret, cum propitiatorio & Cherubin prioribus: sicq. factum est, ut in tabernaculo quidem essent Cherubin duo, in templo autem quattuor. Ad unam uero eandemq. significationem utriusque pertinet, sed repetitum est opus augustius factum per Salomōnem, ut typice doceretur, multiplicata post incarnationem domini sancta ecclesia, latius esse gentibus sublimitatem ciuium cæli pandendam, qui sic conditorem de collato sibi munere beatitudinis collaudant, ut de nostra quoque ereptione atque ad eandem beatitudinem introductione congrauentur. extendunt enim alas adinuicem super arcam, cum ad laudem domini saluatoris referunt bonum omne quod acceperunt: extendunt alas alteras ad parietes oraculi, cum sanctos etiam homines secum uidere lætantur, eosq. uelut alarum suarum

summitatibus tangunt, quos consortes atque imitatores fuisse in hac uita suæ puritatis exultant. Duos autem æque parietes alis suis tangunt: quia fideles utriusque populi, iudæi scilicet & gentilis, secum possessores habent aulæ cælestis. Namque in illa patria distinctio fit localis inter utrumque populum. Sed quia maior sit festiuitas internæ beatitudinis de consortio adunatæ fraternitatis, extendunt Cherubin ad utrumque parietem oraculi alas suas, quia latantes in cælesti patria iustos utriusque plebis, uisione quoque suæ gloriæ ad laudem creatoris excitant: nec solum de illorum, quos secum intus habent, hominum iustorum felicitate latantur agmina cælestia: uerum etiam nostri, qui foris adhuc positi de profundis ad dominum clamamus, curam gerunt sedulam. Vnde bene de eisdem Cherubin in libro Paralipomenon scriptum est, Ipsi autem stabant erectis pedibus, & facies eorum uersæ erant ad exteriorem domum. Stabant etenim erectis pedibus Cherubin, quia a uia ueritatis, in qua mox conditi positi sunt, numquam aberrauerunt angeli. Habent facies ad exteriorem domum, quia nos, ab huius ærumna peregrinationis ereptos, ad suum desiderant peruenire consortium. Sic ergo pedibus stant rectis, sic alas suas auro te-
 2 Paralip. 3
 ctas ad oraculi parietes extendunt, ut facies habeant ad domum uersas exteriorem, quia angeli sic suam perpetuo innocentiam conseruant, sic de animarum sanctarum in cælis beatitudine cõgaudent, ut eis quoque, quos in terris adhuc peregrinari cõspiciunt, electis opem ferre non desinant, donec & illos ad cælestem patriam introducant. omnes enim sunt administratorii spiritus in ministerium missi propter eos, qui hereditatem capiunt salutis. Possunt etiam per duo Cherubin duo testamenta figurari, qui nimirum Cherubin in oraculo sunt facti, quia in consilio diuinæ promissionis nobis utique inaccessibili, atque incomprehensibili ante sæcula dispositum est, quando, & qualiter, quibusue auctoribus sacra scriptura conderetur. De lignis oliuarum sunt facti, quia per uiros misericordiæ, quorum pietati non desuerunt uires, unctiõne sancti spiritus illustratos, diuini sunt libri conscripti. De lignis oliuarum sunt facti, quia lucem nobis scientiæ tribuunt, iuuante flamma caritatis Dei, quæ per spiritum sanctum diffunditur in cordibus nostris. Decem cubitis sunt alti, quia per obseruantiam decalogi legis, Deo seruiendum prædicant, & Deo fideliter seruientes denario remunerandos esse regni perpetui ostendunt. Geminas habent
 30
 alas, quia testamenta per aspera æque & prospera, indefesso proposito semper ad cælestia tendisse ac peruenisse declarant: & hoc idem suis auditoribus faciendum esse demonstrant. Quinque cubitorum erat ala Cherub una, & V cubitorum ala Cherub altera: quia in omni labentium rerum uarietate, sancti uniuersos corporis sui sensus in obsequium sui conditoris extendunt: oculos habentes semper ad dominum, audire desiderantes uocem laudis eius, & narrare uniuersa mirabilia eius, dulcia faucibus suis habentes eloquia illius, super mel & fauum ori suo, currentes in odore unguentorum eius: & donec superest halitus in eis, & spiritus Dei in naribus eorum, non loquentes labiis iniquitatem, nec in lingua sua stultitiam personantes: sicq. per arma iustitiæ a dextris & a sinistris incedentes, ad perceptionem cælestis de-
 40
 narii, quem summus paterfamilias cultoribus suæ uinæ repromisit, perueniunt. Et opus unum erat in duobus Cherubin, quia utriusque testamenti scriptores una eademq. castitate opetis & caritatis deuotione Deo seruiuerunt, unâ & consonâ uoce ac fide Deum prædicant: quia quæ nouum testamentum de dominica incarnatione, passione, resurrectione, ascensione, gentium uocatione, iudæorum expulsiõne, multimoda ecclesiæ tribulatione facta narrant: hæc eadem uetus testamentum, si recte intelligitur, ueraciter fienda prædicabat. Aduentum uero antichristi, finem, sæculi, extremi discrimen iudicii, & æternam bonorum gloriam, penamq. reproborum, concordia utrumque testamentum ueritate probat. Alæ ergo Cherubin in-
 teriores

teriores super arcam se inuicem contingebant: quia utraque testamenta pari de domino attestacione consentiunt. Item alis exterioribus, iste unum parietem, ille alterum contingebat: quia uetus testamentum proprie antiquo Dei populo scriptum est: nouum uero nobis, qui post incarnationem dominicam ad fidem uenimus. Et secundo parieti, hoc est septentrionali, recte comparatur: quibus post frigus ac tenebras idololatriæ, lucem ueritatis cognoscere datum est. nam & si primitiua ecclesia maxime de Iudæis effloruit, & omnis Israel circa finem sæculi saluandus esse creditur: plurimi fidelium huius corporis congregantur ad euangelii suscipiendi sacramenta, quibus etiam hoc diuinitus donatum est, ut reuelatis oculis cordis sui, manifeste cognoscant litteram ueteris testamenti, euangelicæ gratiæ plenam esse mysteriis. Versas habent facies Cherubin ad exteriorem domum: quia nobis qui adhuc foris stamus, nec re, sed spe salui facti sumus, diuini sunt libri conditi: quia scriptores eorum iam regnantes cum domino, illumque collaudantes in cælis, curam nostræ gerunt salutis, qui pro nostris erratibus apud eius pietatem interpellant. Circundati sunt auro Cherubin, quia præclaris scriptorum suorum operibus confirmatur auctoritas testamentorum, manifestata iam per orbem cognitione diuinarum scripturarum, siue interna gloria cælestium agminum: utrumque enim Cherub, ut diximus, & angelos uidelicet & testamenta designant, cum plures ad fidem conuertit, & bonis abundare cæperint operibus. Vnde & apte subditur, Et omnes parietes templi per circuitum sculpsit uariis cælaturis & torno. Omnes parietes templi per circuitum, omnes sanctæ ecclesiæ populi sunt, quibus super fundamentum Christi locatis, totius ambitum orbis repleuit, cæptumque fidei ædificium quotidie noua membrorum suorum progenie, quasi lapidum pretiosorum appositione supraaugmentare non desistit. Qui nimirum parietes uariis cælaturis sculpsuntur: cum alii datur per spiritum sermo sapientiæ, alii sermo scientiæ secundum eundem spiritum, alii fides in eodem spiritu, alii gratia sanitatum in uno spiritu, alii operatio uirtutum, alii prophetia, alii discretio spirituum, alii genera linguarum, alii interpretatio sermonum. Et ut ad illas ueniamus, quas omnes habere ualeamus uirtutes, caritas, gaudium, pax, longanimitas, patientia, benignitas, bonitas, modestia, continentia, & ceteri fructus spiritus, quid nisi cælaturæ parietum templi quæ ornatus sunt mentium populi Dei? Sculpsuntur & iidem parietes torno, cum prom pro pollent animo fideles ad faciendum cuncta, quæ dominus præcepit, ad patientiam cuncta, quæ permittit, dicentes ex animo per singula quæ occurrunt. Benedicam dominum in omni tempore. Et, Paratū cor meum Deus, paratum cor meum, cantabo & psalmum dicam domino. Sculpsuntur torno, cum intantum uirtutibus operam impendunt, ut ab harum tramite nullis circumstantium rerum contrarietatibus, nullis possint blandimentis auerti. quia enim tornatura ceteris artibus uelocitate præcellit, & ipsa sibi regulam, qua sine errore opus perficiat, seruat, apte per hanc pia sanctorum uita signatur: quia & parata est semper ad obsequium diuinæ uoluntatis, & hoc absque diuerticulo errandi complere longo uirtutum usu exercitata didicit. Vnde & sancta ecclesia in Canticis canticorum, sponsi ac redemptoris sui uirtutes admirata, dicebat, Manus eius tornatiles, aureæ plenæ hyacinthis, Tornatiles quippe sunt manus eius, quia apparens in carne sanitates & miracula quæcumque uoluit, absque omni morarum tarditate, absque ullis errorum ambagibus, Dei uirtus & sapientia perfecit. Aureæ sunt, quia ea quæ foris uerbo iussit, intus diuina plenus potentia dedit. Plenæ sunt hyacinthis, quia ad gloriam patris uniuersa quæ fecit, retulit: & per opera quæ fecit, nostros ad querendam cælestia sensus erigit. Omnes ergo parietes templi per gyrum uariis cælaturis & tornis sculpsuntur, cum tota per mundum ecclesia uirtutum spiritualium executioni absque ullo

Psal. 62

Psal. 107

Cant. 3

De sculptura
parietum.
XVI

proprus errore prompta deuotione insistit. Vbi bene subditur, Et fecit in eis Cherubin & palmas, & picturas varias, quasi prominentes de pariete, & egredientes.) Cherubin namque in parietibus templi facit Salomon, cum electos suos dominum ad regulam scripturarum sanctarum, in quibus est multitudo scientiæ, uitam suam dirigere donat. Cherubin facit, cum eos in hoc mundo castitatem angelicæ conuersionis pro modulo suo docet imitari, quæ maxime uigiliis, ac laudibus diuinis, dilectione sincera conditoris & proximi geritur. Palmas facit cum memoriam æternæ retributionis eorum mentibus insigit, ut eo minus ab arce iustitiæ labi queant, quo mercedem iustitiæ semper ante cordis oculos habent. Facit picturas varias prominentes de pariete, & egredientes, cum multifarias uirtutum operationes fidelibus tribuit: uerbi gratia, uiscera misericordiæ, benignitatem, humilitatem, patientiam, modestiam, sufferre inuicem, & donare sibi met ipsis, super omnia autem hæc caritatem habere, quod est uinculum perfectionis. Quæ uidelicet uirtutes cum in tantam electis consuetudinem uenerint, ut uelut naturaliter eis uideantur insitæ, quid aliud quam picturæ domus domini prominentes, quasi de pariete exeunt: quia uerba & opera ueritatis non adhuc ab aliis extrinsecus discunt, sed ut sibi met infixæ radicatus, parata semper ab intimis cordis quæ sunt agenda siue docenda proferunt? Sed & pauimentum domus, texit auro intrinsecus & extrinsecus, in oraculo & in ipso templo.) Significare autem diximus supra, quod pauimenti æqualitas humilem concordiam designaret sanctæ fraternitatis, ubi cū sint Iudæi & gentes, Barbari & Scythæ, liberi & serui, nobiles & ignobiles, cuncti se in Christo fratres esse, uniuersi eundem se habere patrem in cælis gloriantur. neque enim de cōcordissima humilitate supernorum cinium dubitare cuiquam fas est. Texit ergo Salomon pauimentum domus auro intrinsecus & extrinsecus, quia rex noster pacificus & angelos atque animas iustorum in cælis perfecte ac plenarie dono dilectionis impleuit, & peregrinantes in hoc sæculo ciues eiusdem patriæ cælestis signaculo dilectionis a ceterorum mortalium utilitate segregauit: In hoc cognoscent, inquires, omnes, quia discipuli mei cælis, si dilectionem habueritis adiunxerunt. Et in ingressu oraculi fecit ostiola de lignis oliuarum, postesq. angulorum quinque, & duo ostia de lignis oliuarum.) Quod primo dixerat, Fecit ostiola de lignis oliuarum: hoc ipsum uidetur apertius explicare uoluisse, cum adiunxit, Et duo ostia de lignis oliuarum. Vnus quippe erat ingressus oraculi, sed idem ingressus duobus ostiis claudebatur, rursumq. reueratis eisdem aperiebatur, sicut templum, & sicut porticus ante templum, unum non amplius habebant introitum, certi utique causa mysterii: quia unus dominus, una fides, unum baptisma, unus Deus, unus in ecclesiam præsentem per baptismum, unus in regnum cælestem per opera fidei est sperandus introitus. nam quod unus esset introitus oraculi, testatur hoc quod inferius de arca scriptum est. Cumq. eminent uestes, & apparent summitates eorum foris sanctuarium ante oraculum, non apparebant ultra extrinsecus. Vbi patenter ostenditur, ni fallor, quod unus erat ingressus oraculi, & hic e regione factus arcæ, quæ in medio eiusdem oraculi fuit. Cuius ingressus & ostiola per significationem multifarie possunt accipi: nam & angelicos spiritus, quorum ministerio in habitationem cælestis patriæ introducimur, aptissime designant, & apostolorum atque uirorum apostolicorum figuram tenent, quibus clauis regni cælorum sunt datæ, qui accepta a domino potestate ligandi atque soluendi, & dignos intra regni ianuam admittunt: & contumaces, impuros ac superbos excommunicando uel anathematizando, ab ingressu uitæ perennis eliminant. Sed & opera iustitiæ quorum merito ad regnum cælestem peruenitur, recte per ostia, per quæ in sancta sanctorum ingrediebatur, possunt typice designari, iuxta quod in libro Sapientiæ scriptum est, Custoditio autem legum, consummatio incorruptionis est, incorruptio autem facit

Ioan. 13
De ingressu
oraculi.
XVII

Ephef. 4

facit proximum Deo . Concupiscentia itaque sapientiz deducit ad regnum perpetuum . Quibus omnibus apte congruit, quia ipsa eadem ostiola de lignis fiunt oliuarum, quia nimirum & angeli & homines perfecti fructu misericordiz & operibus lucis sese in domo Dei gloriosos exhibent, immo omnes electi per arma lucis & pietatis aditum sibi patrie celestis aperiri . Duo sunt autem ostiola : siue quia dominum & proximos diligunt angeli & homines sancti, neque ianuam uitae, nisi per geminam hanc dilectionem poterit quis intrare : seu quia utriusque populi fidelibus, & iudaei uidelicet & gentilis, eadem uitae ianua referatur . Postes sunt angulorum quinque, quia non solum animas electorum aula caeli recipit, sed & corporibus immortalis gloria praeditis, in iudicio suas fores aperit. quinque enim sunt sensus corporis nostri, ut supra meminimus, uisus, auditus, gustus, olfactus, tactus . Certe uel postis uterque oraculi V factus est cubitorum, quia solis illis supernae patriae aditus panditur, qui omnibus sui corporis & cordis sensibus domino seruire studuerunt : corporis uidelicet, cum per eosdem sensus aliquid pro illo agunt : cordis uero cum sobrie & iuste & pie cogitant de eis, quae per ipsos corporis sensus agere decernunt . Sculptiq. in eis picturam Cherub & palmarum species, & anaglypha ualde prominentia, & texit ea auro, operuitq. tam Cherubin quam palmas & cetera auro.) Anaglypha Graece, dicuntur Latine Caetaturae . Caetata sunt autem uasa aurea uel argentea, signis eminentioribus extra intusq. expressa . Hae & alio nomine sculpta uocantur, anaglypha uasula dicta, quod superius sunt sculpta : Graeci enim Ana, Sursum, Glyphen, Sculpturam dicunt : idest, Sursum sculpta . Cuncta autem haec supra eadem Cherubin in ornatu parietum templi posita, pro captu nostro exposita sunt, nec laborandum in astruendo : quin uirtutum operibus quae per totum orbem ecclesia in suis sanctis ac perfectis exercet, illi praecipue, quibus fidelium cura commissa, & clauis regni caelorum sunt datae, omni debeant solertia insistere, ut quantum gradu praeminent ceteris, tantum & merito praecellant bonae actionis . Habent namque in se picturam Cherubin insculptam, cum angelica in terris uitam, quantum mortalibus possibile est, & mente imitantur & opere . Habent palmarum species, cum dona supernae retributionis fixa semper intentione meditantur . Palma namque, manus uictoris ornatus est . Habent anaglypha ualde prominentia, cum certissima bonorum operum documenta, & quae nemo in sinistra partem interpretari ualeat, cunctis se intuitibus ostendunt . Et haec omnia opera sunt aureis laminis cooperta, cum sicut saepe dictum est, & semper dicendum est, ceteris uirtutum floribus specialius in magnis ecclesiae membris fulgor supereminet amoris . His ostioliis etiam uelum fuisse additum, Verba dierum narrant . Fecit quoque uelum, inquit, ex hyacintho, purpura coccino & bysso, & intexuit ei Cherubin : quod decoris quidem gratia factum est, ut inter parietes deauratos & holosericum fulgeret, sed in eiusdem mysterii significatione, cuius & ostiola, ante arcam atque ingressum oraculi adpensum, ut sicut ostiola congruis horis aperiebantur, sic & uelum reuclaretur, quoties ad ueniret qui in sancta sanctorum esset ingressurus . Huius ergo ueli sedula reuelatio fedulam apertionem regni celestis significat, quae nobis per incarnationem domini & saluatoris nostri donata est . unde & baptizato eo, caeli aperti sunt, ut ostenderetur, quia per baptismum quod nobis ipse cosecrauit, ianuam patriae celestis deberemus ingredi : & moriente illo in cruce, idem uelum scissum est mediū a summo usque deorsum, ut aperte doceret, quia figurae legales iam tunc ad finem uenissent, ac ueritas euangelii arcanaq. caelestia, & ipse caeli ingressus, non adhuc prophetandus, ac figuraliter significandus, sed iam lamq. esset proxime omnibus aperiendus, qui ab initio mundi usque ad id temporis in fide ueritatis de mundo transierunt . nam die post resurrectionem domini quadagesimo uniuersi cum eo caelum petierunt, remotoq. omni uelamine multifarias in domo

domini

domini mansiones pro suis quique meritis acceperunt, sed & nobis qui adhuc futuri eramus, eadem hora reſeratus eſt ſupernæ illius ciuitatis ac domus patris ingreſſus. In quam profeſſo ciuitatem non niſi per interna æternorum bonorum deſideria, per fidem & ſacramenta dominicæ paſſionis, per uerba ſinceræ dilectionis, per mortificationem concupiſcentiæ carnalis, & per quotidiana angelorum auxilia tranſcenditur. Vnde bene idem uelum ſub quo in oraculum intrabatur ex hyacintho, purpura, coccino, & byſſo factum eſt, eiꝑ. Cherubin intexti eſſe memorantur. Hyacinthus quippe qui cæli colorem imitatur, purpura quæ ſanguine cõchiliorum conſicitur, & ſanguineam ipſam proferit ſpeciem, non immerito ſacramentum ſignat dominicæ paſſionis, quod nos imitari crucem noſtram portando debemus. Coccino qui rubeo colore ſtammefcit, congrue uirtus exprimitur amoris, de qua mirantes

Lucæ 24 dixerunt, qui cum domino ambulauerunt diſcipuli, Nonne cor noſtrũ ardens erat in nobis, dum loqueretur in uia, & aperiret nobis ſcripturas? Byſſus quæ de terra uirenti germine nalcitur, & longo artificum exercitio natiuum exuit uirorem, atque ad albam deducitur ſpeciem, congrue caſtitatem noſtræ carnis inſinuat, cuius

Col. 3 quaſi humorem ingenuum exicari iubet apoſtolus dicens, Mortificate membra ueſtra, quæ ſunt ſuper terram, fornicationem, immundiciam, libidinem, concupiſcentiam malam, & auaritiã, quæ eſt ſimulacrorum ſeruitus. Ad quantam uero cando

Rom. 12 ris gloriam hanc uelit perducì, oſtendit alias dicens: Obſecro uos fratres per miſericordiam Dei, ut exhibeatis corpora ueſtra hoſtiam uiuentem, ſancã, Deo placentem, rationabile obſequium ueſtrum. Intexit uelo Cherubin, eademq. quattuor coloribus eximiis conſciuntur, cum in uniuerſis quæ pie agimus, a uenenatis dæmonum telis per angelica præſidia domino donante protegemur. Item, texit uelo Cherubin, cum in bonis quæ agimus, multitudine ſcientiæ indefinenter utimur, reſpicientes ſemper ad eloquia diuina, & ne forte a uirtutum calle aberremus, horum intuitu continue ueſtigia noſtra regamus. Fecitq. in introitu templi poſtes quadrangulatos, & duo oſtia de lignis abiegnis intrinſecus, & utrumque oſtium duplex erat, & ſe inuicẽ tenens aperiebatur. Sicut ingreſſus oraculũ, quo ad arcam domini Cherubinq. perueniebatur, introitum regni cæleſtis ſignificat, quo ad conditoris uiſionem noſtri ſupernorumq. ciuium nos introduci ſperamus, ac deſideramus: ita introitus in templum primordia noſtræ conuerſionis ad Deum, quando in præſentem eccleſiam ingredimur, typice demonſtrat. Iſte ingreſſum noſtrum ad fidem, ille designat ad ſpeciẽ: unde apte poſtes huius introitus quadrangulati ſunt facti, propter quattuor ſancti euangelii libros, quorum doctrina in fide ueritatis erudimur: ſeu propter totidem quattuor uirtutes principales, prudentiam, fortitudinem, temperantiam, iuſtitiam, quarum ueluti fundamini quodã firmiſſimo omnis bonorum actuum ſtructura innititur. Prudentia namque eſt, qua diſcimus quid nos agere, qualiter uiuere deceat. Fortitudo, per quam ea quæ didicimus agenda implemus, quas uno uerſiculo uirtutes propheta breuiter compleſcitur dicens: Dominus illuminatio mea & ſalus mea. Illuminatio uidelicet ut quæ agere debeamus edoceat: ſalus uero ut nos ad agenda conſirmet. Temperantia, qua diſcernimus ne plus aut minus iuſto prudentiæ ſuæ fortitudini operam dare inueniamur. Et quiſquis prudentia, fortitudine, temperantia utitur, abſque ulla contradicitione iuſtus eſſe probabitur. Virtus quarta poſt prudentiam, fortitudinem, temperantiam, iuſtitia ſequitur. Duo oſtia, quæ in hunc ingreſſum facta ſunt, dilectio eſt Dei & proximi. Quæ bene altrinſecus facta eſſe dicuntur, quia ad inuicem reſpiciunt, adeo ut una ſine altera nequaquã poſſit haberi. omnis enim qui credit, quoniam Ieſus eſt Chriſtus, ex Deo natus eſt: & omnis qui diligit eum, qui genuit, diligit eũ qui natus eſt ex eo. Et ſicut iterũ dicitur: Qui non diligit fratrem ſuum quem uidet, Deum quem

non

- non uidet, quo modo potest diligere? Vnde recte ostium exterius dilectio fraternitatis, interius est dilectio intelligenda diuina: quia illa prior tempore, hæc dignitate sublimior: & per illam ad hanc intratur, quia in amore proximi discitur, qualiter amari conditor debeat. Vtrumque autem ostium duplex erat, & se inuicem tenens aperiebatur: quia in utraque dilectione duo sunt, quæ principaliter obseruare debemus. In dilectione etenim Dei fidem ueritatis, & puritatem necesse est ut habeamus bonæ operationis: sine fide enim impossibile est placere Deo: & fides sine operibus mortua est. in amore enim fraternitatis patientia est, & benignitas seruanda, dicente apostolo, Caritas patiens est, benigna est: patiens uidelicet ad tolerandas molestias iniuriarum proximorum: benigna, ad dimittendum ex corde, & beneficiendum eis, quorum iniurias sustinet: qualem nos caritatem habere dominus uoluit, cum ait, Dimittite & dimittet uobis. Dimittite iniurias lædentibus uos, date subsidia eis pietatis, quibus laxatis iniurias: qualem nobis impendere dilectionem desiderat, ipse qui nos in oratione dicere præcepit, Panem nostrum quotidianum da nobis hodie, & dimitte nobis debita nostra, sicut & nos dimittimus debitoribus nostris. Vtrumque ergo ostium duplex erat, quia dilectio utraque gemino ordine perficitur: utrumque se inuicem tenens aperiebatur, quia iunctæ sunt uirtutes, neque ab inuicem possunt diuidi. nam neque fides sine operibus, neque sine fide Deo possunt opera bona placere: neque item iniurias scire sufficit, qui ei quem tolerat, etiam ea quæ necesse habet, cum possit ministrare, contemnit: neque ei qui substantiam mundi habuerit, satis est de hac egenti proximo dare, si non etiam eas quas sibi forte irrogauerat iniurias, sincero ex corde dimittit. quod enim de utroque illo ostio dicitur, quia se inuicem tenens aperiebatur, non hæc apertio separationem ab inuicem spiritualium designat uirtutum, sed hoc potius indicat, quod post harum coniunctionem, ingressus nobis sanctæ ecclesiæ magis magisque pateat: ut quo his amplius abundemus, eo uerius sanctorum cælibus associemur: sicut etiam diuisio tubri maris, per quam populus Dei Aegyptum persequentem euasit, non diuisionem unici baptismatis, sed apertionem potius signauit, qua extinctis peccatis omnibus, ad litus ac solitudinem transeamus uirtutum. Vel certe ostium quod inuicem se tenet, aperitur, cum post ministerium prædicatoris discernitur, quid proprie ad cognitionem fidei, quid ad uiuendi castitatem pertineat. Quæ tamen utraque a sua nequeunt connexionem separari, quia non distat inter proximorum mala tolerare, & eis bona commodare, cum hæc certissime solcant in uno eodemque corde perfectorum indissolubilia permanere. Notandum sane quod in ingressu oraculi duo quidem ostia dicuntur, sed hæc duplicia fuisse non dicuntur: in templi uero, id est domus prioris, introitu ita erant duo ostia, ut duplex esset utrumque: quia nimirum in præsentem ecclesiam talem nos ingredi ac ducere uitam necesse est; in qua dilectionem Dei & proximi per fidem & operationem, per patientiam & benignitatem seruamus. In futura autem uita ubi dominum & proximos in luce internæ beatitudinis uidebimus, eadem utique gemina dilectione absque ullo prorsus labore, imo in magna multitudine diuinæ dulcedinis perfruemur. Vnde apte introitus interioris domus duo quidem ostia, sed hæc simplicia habebat. non enim fides ibi necessaria est, ubi ea quæ nunc credimus ac speramus, omnia manifesta luce uidebimus. Non est labor operum necessarius, ubi mercede perpetua eorum, quæ hic laboramus, donabimur. Non necessaria patientia, ubi nemo aduersus aliquid irrogat. Non munificentia benignitatis, ubi nemo indiget quod opus est. Hæc de posteriorum figura pro modulo nostro sequentes patrum uestigia, disseruimus. Verum iuxta formam operis, decoris gratia prouisum est, ut in uno eodemque templi ingressu duo essent ostia, necesse etenim erat parietes domus, qui centum & uiginti

uiginti cubitos habebant, nonnullas etiam crassitudines habere: in cuius nimirum crassitudinis extrema parte ostia erant affixa, ita ut æquali pariete esset ostium utrumque, & siue intus siue foris templum quisque positus ostium inspiceret, unus ei per omnia paries esse uideretur. similiter & cedrinus paries cum uicenorum in longitudine & altitudine esset cubitorum, non paruam & ipse debuit habere crassitudinem. Quapropter & in huius ingressu duo facta sunt ostia, ut uidelicet ab utroque latere, hoc est, intus & foris æquali pariete ostium pateret. Et quoniam easdem picturas æquas ostium & paries habebat, ut ueraciter unus per omnia continuationis extensus paries uideretur, unum decoris gratia prætendens, aliud mysterii dispensatione præfigurant. Quod uero descriptis templi ostiis sequitur: Et sculpsit Cherubin & palmas calaturas ualde eminentes, operuitq. omnia aureis laminis opere quadro ad regulam: iam supra expositum est: quia in parietibus domus & in ostiis interioribus eadem picturæ siue calaturæ sunt factæ: patetq. ratio figuræ, quare easdem ipsas picturas & calaturas, eisdemq. Cherubin prima templi ianua quos & interior recipiat: quia nimirum eadem arcana fidei, spei, & caritatis, quæ sublimis quique ac perfecti sublimiter capiunt, quæq. omnes electi in cælis plene in diuina uisione percipiunt, etiam catechizandis rudibus quibusque discenda & consuetudine traduntur, quatenus sacris initiati mysteriis, quandoque etiam ad capienda ea, quæ pie crediderunt, perueniant. Quod autem huius translatio habet, Operuitq. omnia laminis aureis opere quadro ad regulam: in LXX habet, Expandit per eas brachias, & deaurauit eas auro inducto per sculpturam. Aedificauit atrium interius tribus ordinibus lapidum politorum, & uno ordine lignorum cedri. De interiori atrio breuiter loquitur, de exteriori prorsus tacere uidetur. Verum in Verbis dierum utriusque fit mentio, ubi ita scriptum est: Fecit etiam atrium sacerdotum, & basilicam grandem, & ostia in basilica, quæ texit ære. Atrium ergo interius, quod uocatur sacerdotum, eo quod sacerdotes & leuitæ in eo ministrarent, ex omni parte erat templo circumdatum ab oriente: unde templi ingressus multo longius a templo, quam a ceteris tribus plagis positus erat: quia nimirum in ea, id est, in facie templi fiebant ministeria sanctorum: ibi altare æneum ad hostias domino offerendas, ibi decem luteræ ad lauandas easdem hostias, ibi mare æneum erat positum ad lauandas manus pedesq. sacerdotum, cum ad ministrandum intrarent. Habebat autem hoc atrium tres cubitos altitudinem, ut Iosephus narrat, quatenus ab ingressu templi ceteros prohiberet, & solum sacerdotibus hoc licere significaret: eratq. ianua ad orientalem plagam, ad quam usque populus hostias suas & sacrificia inferebat, inde suscipienda a sacerdotibus, atque ad altare perferenda. De exteriori uero atrio, quod Verba dierum basilicam grandem uocant, ita scripsit Iosephus. Extrinsecus autem huius templi aliam ædificauit aulam quadrangulo schemate factam, erigens maximas porticus, atque latas portas & excelsas & amplas, per quatuor mundi partes, in ea constituens: quarum singulæ ad unumquemque uentum, quatuor angulis attendebant, ubi æreas ianuas collocauit. Et paulo post: Hoc sacrarium omnes populi, quibus purgatio & obseruatio legitimorum inerant, introibant. Has uero porticus Cassiodorus senator in pictura templi quam in pariete posuit, ut ipse in psalmodum expositione commemorat, triplici ordine distinxit: primum uidelicet ordinem ponens extra atrium sacerdotum ex omni parte quadrum, secundum eodem modo extra intimas porticus, undique uero in gyrum extremum, similiter ex omni latere priorum porticu in circuitu: sicq. templum triformi ædificiorum presidio ab omni erat parte munitum, facto pavimento sub dio inter ædificia singula de marmore: & parietibus domorum interioribus, hoc est eis, qui ad templum respiciebant, factis in columnis: exterioribus uero solidis: sicq. fiebat, ut omnis structura templi

De atrijs domus domini.

XV III

2 Paralip. 4

Ioseph. lib. 8
cap. 3. Antiq.
Iud.

- templi per gradum esset uarietate rationabiliter distincta. Namque in sancta sancto-
rum ingrediebatur pontifex, in ipsum templum sacerdotes purificati, in atrium sacer-
dotum sacerdotes purificati & non purificati, una cum leuitis & cantoribus: in
interim atrium basilicæ maioris uiri ludæi stantes purificati, & orantes sub diuo si
serenum esset, si tempestas in porticus proximas sede recipientes, in exterius autem
mulieres ludææ purificatae, in extremum atrium gentiles & ludæi, qui nuper uene-
rant ex gentibus usque ad sextum purificationis diem. Hæc in pictura Cassiodori di-
stincta reperientes, breuiter adnotare curauimus, rati cum ab antiquis ludæis hæc
didicisse, neque uirum eruditum uoluisset in exemplum legendi proponere, quæ
10 non ipse prius ueraciter cognouisset. Hæc sunt loca, quorum meminit supremus gra-
dum psalmus, qui ita incipit: Ecce nunc benedicite dominum, omnes serui do-
mini, Qui statis in domo domini, in atriis domini Dei nostri. In his porticibus Hie-
remias & prophetae alii, in his dominus & apostoli uerbum populo prædicabant:
in harum aliqua dominus sedebat docens, quando a tentantibus pharisæis mul-
lier illi adultera iudicanda oblata est. In his inuenit uendentes & cementes oues &
& boues & columbas, hosq. cum suis mercimoniis eliminauit ex templo: in his Pe-
trus & iohannes claudum inuenientes sanauerunt, ac secum ingredientiæ interius
ad orandum duxerunt: in his orabat omnis multitudo populi, quandiu incensum
ponenti Zacharia angelus ad altare thymiamatis apparuit, eumq. de præcurso-
ris domini natiuitate perdocuit. nam hæc atria cum porticibus suis aspectum tem-
pli de longe aspectantibus abscondere potuerunt, quia locus, in quo templum erat
situm, multo sublimior erat, quam ubi fundata porticus fuerant. nam sicut Ioseph
scribit, extremae atriorum fabricæ, cum in CCC cubitis essent erectæ, tan-
tum usque ad uerticem montis, in quo templum ædificatum est, perueniunt. Hæc
quidem de structura templi studioso lectori credidimus intimanda. Verum in eis
quæcumque scriptura referte sacra commodum duxit, figuras mysteriorum quæra-
mus, ceteris pro historię cognitione simpliciter utamur. Aedificium ergo templi
intra atrium sacerdotum, perfectorum in sancta ecclesia & sublimium uitam expri-
mit uirorum, eorum uidelicet qui & excellentia uirtutum domino appropinquare,
30 & aliis uerbo atque opere ducatum solent impendere salutis. Sacerdos namque ab
eo latine nomen accipit, quod sacrum præbere ducatum minoribus debeat. Quo
nomine in scripturis mystice non soli altaris ministri, episcopi uidelicet & presbye-
ri, sed omnes uiuque censentur, qui altitudine rectæ conuersationis ac doctrinæ sa-
lutaris eminent, nec sibi met ipsi tantummodo, sed pluribus profunt, dum corpo-
ra sua hostiam uiuentem, sanctam, Deo placentem exhibent. neque enim episcopis
solis & presbyteris, uerum omni ecclesię Dei loquebatur apostolus Petrus, cum ait,
Vos autem genus electum, regale sacerdotium, gens sancta, populus acquisitionis.
Cuius honore dignitatis etiam antiquus Dei populus erat insignitus, dicente ipso
ad Moysen. Hæc dices domui Iacob, & annuntiabis filiis Israël. Et paulo post, Et
40 uos eritis mihi regnum sacerdotale, & gens sancta. Basilica uero grandis, quæ erat
extra atrium sacerdotum, in qua omnis populi multitudo adorare siue ad uerbum
audiendum consuevere solebat, carnalium in sancta ecclesia uitam moresq. figurali-
ter insinuat, quibus dicit apostolus: Et ego fratres non potui uobis loqui quasi spi-
ritalibus, sed quasi carnalibus: tamquam paruulis in Christo, Iac uobis potum dedi,
non escam. Qui bene per basilicam grandem designatur, quia absque ulla dubieta-
te multo maior est in sancta ecclesia talium, quam perfectorum numerus: sed quan-
tum numero præstant, tantum succumbunt merito. Vnde apte basilica hæc grandis,
& si plurimos capit, non eos tamen in interiora templi deaurati, non ad altaris offi-
cium, nõ ad ipsum saltem atrium sacerdotum intro mittit: quia carnales quique atque
infirmi

Tsal. 133

Mar. 11
Luca 19

1 Pet. 2

Exod. 19

Rom. 11
2 Timoth. 4

infirmi in ecclesia, & si ob meritum castæ fidei ac pietatis Deo deuoti ad electorum fortem pertinent, longe tamen abest ut illis æquantur, qui cum fiducia dicere possunt. Non enim audeo aliquid loqui eorum, quæ per me non efficit Christus in obediencia gentium, uerbo & factis. Et iterum. Bonum certamen certauimus, cursum consummaui, fidem seruauimus de cetero reposita est mihi corona. Accedebat quidem uulgus usque ad atrium sacerdotum, hostias suas usque ad huius ianuam deferrebat, susceptas a sacerdote, atque in altari oblatas oculis prosequabatur, in ipsum etiam templum cum aperiebatur, intuitum suum a longe dirigebat, nec tamen atrium sacerdotum intrandi facultatem habebat, uerum de inferioribus clamabat ad dominum.

ECCL. 1

quia nec carnalium in ecclesia simplicitas a domino despicitur, quando fideliter ea quæ ualent, uota pietatis offerunt: dirigunt enim uisum a longe in templum Dei, cum uitam sublimium discere, & admirari sedulo gaudent, & quos uirtutum imitatione sequi nequeunt, pie uenerationis amplectuntur affectu. Vident hostias sacerdotum in altari igne sacrosancto consumi, quia magna magnatorum opera cognoscunt a domino per spiritum sanctum dignanter accipi. Afferunt & suas hostias ad atrium sacerdotum offerendas domino per illos, dum bona quæ prævalent operantes, maiorum & doctiorum firmanentur exhortatione & intercessione commendantur. Offerunt etiam tunc hostias suas sacerdotibus per eos domino commendandas, cum sanctis quibusque egentibus necessaria mundi huius, quibus ipsi abundant, summa mercedis intuitu tribuunt, domino admonente ac dicente: Facite uobis amicos

LUC. 16

Mat. 9

de mammona iniquitatis, ut cum defeceritis, recipiant uos in æterna tabernacula: &c. Quicumque, inquit, potum dederit uni ex minimis istis calicem aquæ frigidæ in nomine discipuli, amen dico uobis non perdet mercedem suam. Ac sic utrumque hostias unus idemque in altare Dei assumit, cum dominus elemosynas diuitum, quibus ministrauerunt sanctis, una cum magnis eorundem sanctorum uirtutibus, suo intuitu ac retributione dignas iudicat. Multitudo ergo credentium, quæ relictis possessionibus uno corde & anima domino seruebat, ipsa est templum Dei, & locus intra atrium sacerdotum specialiter illi consecratus. Porro basilica grandis, & orantes in ea circa atrium sacerdotum in gyro, figuram gestant eorum, qui idem templum ingrediebantur ex gentibus in Syria & Antiochia, ceterisque prouinciis & ciuitatibus: quibus apostoli & seniores, qui erant in Hierosolymis nihil amplius imponebant oneris, quam ut abstinere se ab idolis, immolato & suffocato, sanguine & fornicatione. Quorum tamen oblationibus uolebant pauperes sanctorum, qui erant in Hierosolymis sustentari: quatenus eis carnalia sua ministrantes, spiritualium eorum possent fieri participes. Barnabas uero & Paulus cum sociis suis, qui oblationes horum accipientes Hierosolymam deferrebat, ipsi sunt sacerdotes, qui hostiam suscipientes ad altare domini consecrantes perducebant: quæ dona deuotionis eorum sanctis qui pro illis orare deberent, attulerunt. Atrium ergo quod positum inter locum uulgi & sacerdotum medium erat, diuisionem significat illam, quæ carnales in sancta ecclesia, non perque incipientes uiam iustitiæ, ab arce perfectorum, non quidem sorte electionis, sed meritum quantitate secernit. Namque carnales sufficere sibi credunt, si fidem, spem & caritatem, operum quoque mundiciam habeant. Perfecti autem hæc habent, & insuper uerbo prædicando laborant, pauperibus omnia sua tribuunt, uigiliis, ieiuniis, hymnis & canticis spiritualibus, sacris quoque lectionibus operam dant, persecutiones, pericula propter iustitiam tolerant: & cetera quæ fecisse cum sociis Paulus gloriatur, prompta deuotione mentis exequuntur. Vnde bene atrium sacerdotum, tribus ordinibus lapidum politorum, & uno ordine lignorum cædri, ædificatum esse memoratur. Tres quippe ordines sunt lapidum politorum, fides, spes & caritas. Et recte politorum, quia

quia certe necesse est discendi solertia, ut quisque quo modo credere, quid sperare, quid diligere debeat, dinoscatur. Vnus autem ordo lignorum cedri ipsa est bona operatio sine corruptione simulationis exhibita, sine cuius superadiectione fides, spes, & caritas uera esse non ualet. Dictum namque est sapius, quia ligna cedri propter odoris gratiam & impuribilem suae naturae potentiam, perscuerantiam famamque per designant actionis. Ad hoc usque atrium uniuersi condescendunt electi, qui fide, spe, dilectione, opere Deo placere appetunt: hoc alta meritum gratia transcendunt perfecti, cum in tanto uirtutum culmine proficiunt, ut dicere suis auditoribus possint, Imitatores nostri estote, sicut & nos Christi: glorianturq; & dicunt:

10 Nescitis quoniam angelos iudicabimus, quanto magis saecularia? Anno quarto fundata est domus domini in mense Zio, & in anno XI, mense Bul, ipse est mensis octauus, perfecta est domus domini in omni opere suo, & in uniuersis utensilibus: aedificauit autem eam annis VII. Patet allegoriz sensus, quare VII annis aedificata sit domus domini: quia nimirum sancta ecclesia toto hoc saeculo quod VII diebus circuitu peragitur, ex electis construitur animabus, & in fine saeculi suum quoque incrementum ad finem ipsum perducit. Vel certe VII annis aedificatur, ob significationem gratiae spiritalis, quam ecclesia sola, ut sit ecclesia, percipit. Septem quippe dona sancti spiritus enumerat Isaias, sine quibus nemo fidelis, uel fidem seruare, uel merito fidei ad coronam potest uenire iustitiae. Quod autem in VII anno, & in VIII eius mense perfecta est domus in omni opere suo, & in uniuersis utensilibus, ad futurum saeculum diemque iudicii pertinet, quando ad tantam iam perfectionem sancta ecclesia perueniet, ut quid ei amplius addi possit, inueniri non possit. habebit enim tunc quod pius ille desiderator supplex a domino quaerebat dicens. Domine ostende nobis patrem, & sufficit nobis. constat enim quia dies iudicii saepe in scripturis octonario numero typice exprimitur, eo quod hoc saeculum, quod VII diebus currit, sequatur: unde & propheta psalmi titulum pro octaua imposuit, quem ob meritum eiusdem districti iudicii cantauit, ita incipiens: Domine ne in furore tuo arguas me, neque in ira tua corripas me. Sed non contentenda nascitur quaestio, quo modo dicatur, domus domini in mense octauo perfecta in omni opere suo, & in uniuersis utensilibus, cum in sequentibus legatur, mense VII dedicationem eius esse completam. Neque autem credibile est, quia VII quidem, annis templum aedificans Salomon octauo mense anni octauum fecerit dedicationem, sed usque ad VII mensem anni octauum distulerit: unde potius mihi simile uidetur domum VII annis ac VII mensibus aedificata, ita ut eodem mense VII dedicationis sit celebrata sollemnitas, ac die XII ipsius mensis, ut Verba dierum narrant, populum Salomon ad tabernacula sua dimiserit: sicque post unam septimanam, adueniente mense VIII perfecta inuenta sit domus domini, in operibus uidelicet eius uniuersis & ipsa eius dedicatione prius completa. Nisi forte putandum est post dedicationem aliquid adhuc utensilium in ministerium eius additum fuisse usque ad ingressum VIII mensis: accelerante rege ut omnino mense VII, qui erat totus sollemnis, templum dedicaretur: atque ita uerum reperiatur utrumque, & templum uidelicet mense VIII in omni opere suo atque utensilibus perfectum, & ipsum VII mense dedicatum fuisse. Misit quoque rex Salomon, & tulit Hiram de Tyro, filium mulieris uiduae, de tribu Neptalim, patre Tyrio, artificem ararium, & plenum sapientia & intelligentia & doctrina, ad faciendum omne opus ex aere. Qui cum uenisset ad regem Salomonem, fecit omne opus eius. Et hoc mysterii gratia factum est. Artifex quippe Tyrinus, quem adiutorem Salomon sui assumpsit operis, electos de gentibus uerbi ministros significat. Qui uidelicet artifex pulchre dicitur, quia filius erat mulieris uiduae de Israel, in qua persona solet nonnumquam praesentis temporis

1 Cor. 6

Quarto anno
templum adificatum. XIX

100

100. 14

Tsal. 6

100. 14

poris ecclesia figurari, pro qua uir suus uidelicet Christus gustata morte resurrexit, atque in celos ascendens, eam interim a se prænantem reliquit in terris. Non autem laborandum in explanando, quo modo huius uiduz filii sancti sunt prædicatores, cum omnes electi uiri se filios esse fateantur ecclesie, cum etiam de eisdem

Tsal. 44 prædicatoribus noui testamenti specialiter promittatur, dicente propheta. Pro patribus tuis nati sunt tibi filii &c. Fecit autem Hiram omne opus Salomonis, quia nimirum doctores sancti, dum fideliter ministerio uerbi insunt, opus utique Dei operantur, quod illis loquendo foris uiam ueritatis aperiunt, quos intus illustrando ipse ad uitam præordinauit æternam. Ego, inquit, plantaui, Apollo rigauit, Deus autem incrementum dat. Fecit autem opus ex ære, quia illis committere uerbum querit doctor strenuus, qui aut pie suscipere, aut perseveranter custodire desiderant, qui, etiam aliis prædicando latius diffamare quæque ipsi didicerint, recte fatagunt. Aes namque ualde esse durabile constat, atque omnimodo sonorum.

Et finxit duas columnas æreas, XVIII cubitorum altitudinis columnam utramque. Ex sunt columnæ de quibus Paulus ait. Iacobus & Ioannes & Cephas, qui uidebantur columnæ esse, dextras dederunt mihi & Barnabæ societatis, ut nos in gentibus, illi autem in circumcisionem. Quibus uerbis quasi exponere uidetur mysterium columnarum materialium, & quid uidelicet figurauerint, & quare duæ sint factæ. Apostolus namque & doctores cunctos spirituales significant, fontes nimirum fide & opere & contemplatione ad superna erectos. Duæ sunt autem, ut & gentes & circumcisionem prædicando in ecclesiam introducunt. Stabant in porticu ante fores templi, & ingressum illius suo decore ac pulchritudine ex utraque parte mirabiliter ornabant. Ostium autem templi dominus est, quia nemo uenit ad patrem nisi per ipsum: & sicut alibi dicit, Ego sum ostium per me si quis introierit, saluabitur. Quod uidelicet ostium, columnæ ab utroque latere coram posite circumstant, cum minister sermonis utrique populo introitum regni celestis ostendit, ut si a luce scientiæ legalis quisque seu ex rigore gentilitatis, ad fidem euangelii uenerit, habeat paratos eos qui sibi iter salutis & uerbo demonstrent & exemplo. Vel certe quia de eis columnis in libro Paralipomenon ita scriptum est:

1 Paralip. 3 Ipsasque columnas posuit in uestibulo templi, unam a dextris & alteram a sinistris. Ideo factæ sunt duæ columnæ, atque ita dispositæ, ut nobis & in prosperis & in aduersis ingressum patriæ celestis ante oculos mentis habendum esse doceant. hinc enim Paulus, columna utique domus domini excellentissima, per arma iustitiæ nos a dextris & a sinistris comunendos esse suis suorumque sedulis hortatur exemplis: ut nec prosperis delectati, nec fracti aduersis, a regia uitæ uia, qua ad promissam nobis hereditatem patriæ celestis gradiendum est, ulla in parte declinemus. Notandum sane in hac sententia Paralipomenon quam posui, quod eadem porticus templi etiam uestibulum templi uocabatur: & quod in prophetis legimus, inter uestibulum & altare orabant sacerdotes, inter porticum & altare holocaustorum debemus intelligere. Bene autem utraque columna decem & octo cubitorum altitudinem habere memoratur: ter etenim seni XVIII faciunt, tria uero ad fidem pertinere propter sanctam trinitatem, VI ad operationem, quod in eo dierum numero mundus sit factus, luce clarius est. Et tria per VI multiplicantur, cum iustus ex fide uiuit, & cognitionem piæ credulitatis executione bonæ actionis accumulatur. Columna namque ante fores templi decem & octo cubitorum alta est, cum prædicator quisque egregius palam cunctis insinuat, non nisi per fidem & opera iustitiæ nos ad supernæ gaudia uitæ posse peruenire: quamuis possit & his altius intelligi, quod nomen Iesu apud Græcos ab hoc numero incipiat. Prima littera nominis Iesus apud eosdem X, secunda VIII significat. Et

- apte decem & octo cubitorum altæ sunt columnæ domus Dei, quia doctores sancti, imo omnes electi ad eum finem bene uiuendo intendunt, ut conditorem suum facie ad faciem uideri mereantur. neque enim ultra quid querant habebunt, cum ad eum, qui est super omnia, perueniunt. Et linea cubitorum duodecim ambit columnam utramque. Linea duodecim cubitorum norma est apostolicæ institutionis, quæ nimirum linea ambit columnam utramque, cum doctor siue ludæis seu gentibus prædicare missus, ea tantum facere curat ac docere, quæ sancta per apostolos accepit ac didicit ecclesia. nam si quis aliter uiuere siue prædicare uoluerit, & uel apostolica decreta spernere, uel pro suo libitu noua quælibet statuere maluerit, non est talis columna templo Dei apta, quæ dum apostolica statuta sequi contemnit, quasi uel exilitate inertæ suæ, uel elationis tumidæ crassitudine, duodecim cubitorum lineæ non conuenit. Has nimirum lineas domus columnis sui templi circumdedit, cum uisus ad docendas baptizandas q. omnes gentes discipulis ait, Docentes eos seruate omnia quæcumque mandauì uobis. Quisquis ergo seruat ac docet omnia quæcumque mandauit apostolis dominus, nec alia superaddiciens, neque horum quippiam præteriens, ipse profecto columna in domo Dei, quæ est ecclesia, & firmamentum est ueritatis, qualem fore Timotheum monuit apostolus Paulus. Verum quia absque scientia scripturarum non potest esse firma uel uita uel loquela doctorum, apte subditur: Duo quoque capitella fecit, quæ ponentur super capita columnarum fusilia ex ære, quinque cubitorum altitudinis capitellum unum, & quinque cubitorum altitudinis capitellum alterum. capita etenim columnarum, hoc est suprema pars earum, corda sunt fidelium doctorum: quorum Deo deuota cogitatione, sicut capite membra, ita ipsorum omnia & opera diriguntur & uerba. Duo autem capitella, quæ his capitibus erant superposita, duo sunt testamenta, quorum meditationi atque obseruantia doctores toto animo subduntur & corpore. Vnde bene utrumque capitellum quinque cubitos habebat altitudinis, quia nimirum quinque libris scriptura Moisaice legis comprehensa est, quinque etiam sæculi ætates tota ueteris instrumenti series complexa est. Nouum uero testamentum non alia nobis aliqua prædicat, quàm quæ Moyses prædicanda esse prædixerat, & propheta. Vnde dominus ludæis ueteris testamenti litteræ frustra adherentibus, & gratiam noui spernentibus ait: Si crederetis Moysi, crederetis forsitan & mihi, de me enim ille scripsit. scripsit enim de domino Moyses, & multa figuratiter, & illud apertissime, cum promissum narrat Abraham per dominum, quia in semine tuo benedicentur omnes familie terre: & cum per se ipse dicit filiis Israel, quia prophetam uobis suscitabit dominus Deus uester de fratribus uestris, tamquam me ipsum audietis, iuxta omnia quæcumque locutus fuerit uobis. Cuius prælagii discipulos uox patris de celo monuit, cum apparuit illis domino in gloria, inter ipsum Moysen & Heliam in monte sancto, ita in tonuit dicens: Hic est filius meus dilectus, in quo mihi bene complacui, ipsum audite. Cum admirabili diuinæ operationis concordia, primo noui gratia testamenti in uelamine erat ueteris abscondita, & nunc sacramenta ueteris testamenti sunt per lucem noui reuelata, quasi capitellum utriusque columnæ quinque est cubitus altum: quia uidelicet manifestum est, quod in testamento ueteri eius sacramenta, uel in quinque libris legis præsignata, uel in quinque ætatibus sunt omnia plenius comprehensa, euangelicæ quoque perfectionis est insita gratia: sicq. fit ut prædicator quisque egregius siue ad ludæos, seu mittendus ad gentes, consensu diuinorum eloquiorum testimonio confirmatis, certam fidei & operis rectitudinem absque errore conseruet, noueritq. docens proferre de thesauro suo noua & uetera. Non solum autem testamenta sibi inuicem diuinorum sacramentorum relatione con-

Math. 28

1 Timoth. 3

Ioan. 5

Math. 3

lentiunt, sed & omnes qui in eorundem testamentorum libris scripti continentur electi, una fide præditi, eademq. sunt adinuicem caritate cōnexi. Vnde apte de ipso rum capitellorum factura subinfertur: Et quasi in modum retis & catenarum sibi inuicem miro opere contextarum, utrumque capitellum columnarum fusile erat. *Paral. 3* Quod in libro Paralipomenon ita scriptum est: Nec non & quasi catenulas in oraculo, & superposuit eas capitibus columnarum. Species namque uirtutum & similitudo in capitellis, uarietas est uirtutum spiritalium in sanctis: de qua domino canitur in psalmo, *Psal. 44* Assit regina a dextris tuis in uestitu deaurato, usque uarietate: hoc est, in uestitu sēlgidæ dilectionis, circumamicta uarietate diuersorum carissimum. uel certe multiplex contextio catenarum & retis expansio multifaria electorum personas insinuat: quæ cum uerbis sanctorum prædicatorum fideliter auscultando atque obediendo adherent, quasi columnarum capitibus superpositæ retis & catenulæ, miraculum suæ connexionis cunctis aspectantibus præbent. Ex etenim catenarum miro sibi inuicem sunt opere contextæ, quia mirabili prorsus gratia sancti spiritus actum est, ut uita fidelium & locis & tempore & gradu & conditore & sexu & ætate multum secreta ab alterutrum, una eademq. fide ac dilectione sit coniuncta. nam quia hæc coniunctio fraterna iustorum, & locis & temporibus disiunctorum adunatione fiat doni spiritalis, sequentibus quoque uerbis ostenditur, cum de factura capitellorum adiungitur: Septena uersuum retiacula in capitello uno, & septena retiacula in capitello altero. Septenario namque numero spiritus sancti gratia solet designari, Ioanne attestante in Apocalypsi: qui cum uidisse se diceret agnum habentem cornua septem, & oculos septem, mox exponendo subiunxit, qui sunt septem spiritus Dei missi in uniuersam terram. Quod propheta Isaias apertius explicat, cū de nascituro in carne domino loquens, Et requiescet, inquit, super eum spiritus domini, spiritus sapientiæ & intellectus, spiritus consilii & fortitudinis, spiritus scientiæ & pietatis, & replebit eum spiritus timoris domini. Septena ergo uersuum retiacula erant in capitello utroque, quia patres utriusque testamenti per gratiam uisus eiusdemq. spiritus septiformis, ut essent electi, acceperunt. Et perfectæ columnas, & duos ordines per circuitum retiaculorum singularum, ut tegerent capitella. Duo quidem ordines erant retiaculorum in gyro capitelli, sed uterque ordo septemplici uersuum numero currebat, donec circumactio capitello, rursum in se ipsum quasi circulo facto rediret. Hæc figura testamenti in abdito est, quare duo sint ordines retiaculorum, cum constet geminæ dilectionis esse uirtutem, quando uidelicet Deum ex toto corde, & ex tota anima, tota uirtute, & proximū tamquam nos ipsos amare præcipimur. Sed uterque ordo VII habet uersuum retiacula, quia nec Deus absque gratia spiritus sancti potest amari, nec proximus: manet namque sententia ueridica, quia caritas Dei diffusa est in cordibus nostris, non ex merito nostro, sed per spiritum sanctū, qui datus est nobis. Vbi autem caritas, Dei ibi perfectio & proximi diffunditur in cordibus fidelium, quia nimirum una sine altera nequaquam ualet haberi. Facta sunt autem retiacula hæc ut tegerent capitella, hoc est undique in gyro circumdarent: quia omnis scripturæ sanctæ pagina, cum recte intelligitur, gratiam per omnia caritatis sonat, ac pacis. capitella etenim uolumina diuinorum eloquiorum, retiacula sunt uincula mutæ dilectionis. Et retiaculis teguntur capitella, cum sacra eloquia, ut ita dixerim, dono caritatis undique probantur esse uestita. nam & in eis quæ in scripturis non intelligimus, caritas late patet. Bene autem de eisdem retiaculis siue capitellis adiungitur. Quæ erant super summitatem malogranatorum. Malogranata nāque quorum natura est, uno foris cortice multa grana interiori circumdare, apte in figura sanctæ ponuntur ecclesiæ, quæ catholico unius fidei munimine, innumera electorū agmina solet includere. Potest autem

autem & uniuersuique iusti uitam moresq. designare, qui uelut plurima uno cortice grana circumplectens, multa cogitationum uirtutumq. spiritalium insignia, ne forte diffuant, firma fidei & humilitatis uallat custodia. Et apto prorsus mysterio, capita columnarum malogranatis erant in gyro circumdata: quia doctores sanctos necesse est uitam fidelium ad memoriam reuocare, eorumq. semper exemplis actus suos ac sermones omni ex parte communire: ne si aliter forte quam illorum habet regula, uixerint, aut docuerint, errent. Sicut ergo retiaculorum admiranda conexio, unitatem designat fidelium, quæ est in uinculo pacis: ita etiam malogranatum eandem ipsam typice insinuat unitatem: quæ & innumeros per orbem populos, in una fidei catholicæ regula cohibet. Vel certe mirabilis retiaculorum concatenatio, manifestat omnium fidelium concordiam demonstrat. Malogranatorum uero positis internas animi uirtutes, quæ ab aliis nequaquam uideri queunt, exprimit, patientiam uidelicet, humilitatem, benignitatem, modestiam, & cetera humiliscemodi. Et quasi pulcherrima foris pomorum superficies apparet, sed inclusa intus granorum copia non apparet: cum pia sanctorum operatio palam cunctis ostenditur, sed ea quæ intus est, fidei, spei, ac dilectionis, ceterorumq. animi bonorum gratia non cernitur. Cum uero dictum sit de retiaculis, ut tegerent capitella, quæ erant super summam malogranatorum, uidetur iuxta ordinem operis ipsius, quia malogranata fuerint facta in circuitu capitellorum a parte inferiori, atque ex eisdem malogranatis orirentur retiacula, quibus capitella ex parte aliqua tegerentur. Paterq. figura mysterii, quare facta sint retiacula, quibus capitella fuerint malogranatorum annexa: quæ ad unam pæne significationem, siue personarum, siue uirtutum pertinent spiritalium. scimus enim uirtutes de uirtutibus nasci, & sanctos ambulare de uirtute in uirtutem, donec uideatur Deus deorum in Sion, quæ uirtute nulla potest maior largiri. Vnde & apostolus, Sciens, inquit, quia tribulatio patientiam operatur, patientia uero probationem, probatio uero spem. Sed in ipso uniuersali electorum collegio uarie sibi met inuicem succedunt personæ iustorum, minoresq. maiorum ac prædecessorum suorum gaudent fideliter adherere uestigiis, eorumq. dictis siue scriptis, ne forte in errorem labi possint, inniti. Retiacula ergo super summam malogranatorum sunt posita, cum concordia caritatis perfectis fuerit superaddita operibus: & cum utroque uirtutis munere, & operatione uidelicet & caritate sanctorum uita clarescit, quasi circulum malogranatorum in capitellis columnæ concatenatio retiaculorum superaddita comitatur. Et quoniam omnia uirtutum dona præsentia ad æternæ gloriæ remunerationis, quæ per euangelium nobis est promissa ac ministrata, respiciunt, apte subiungitur, Capitella autem quæ erant super capita columnarum, quasi opera liliæ fabricata erant, in porticu quattuor cubitorum. Quid per lilia, nisi supernæ claritatis patria, atque immortalitatis floribus redolens, paradisi designatur amœnitas? Quid per quattuor cubitos, nisi euangelicus sermo, qui introitu nobis æternæ beatitudinis illius promittit, & iter, quo ad hanc perueniatur, ostendit? Cui ergo sancti doctores promissa nobis limina regni cælestis in quattuor sancti euangelii libris ostendunt, quasi capita columnarum opus in se liliæ quattuor cubitos exhibent. Vbi notandum iuxta litteram, quia cum opus liliæ in capitellis IIII cubitorum esse memoratur, neque additur latitudinis aut altitudinis, lectoris utique iudicio, utrum in altitudine, an in latitudine intelligi debeat, relatum est. Constat autem absque ulla prorsus dubietate, quia columna quam XII cubitorum restis ambebat, IIII cubitos habebat crassitudinis. omnis etenim circulus quantum habet spatii in diametro, tantum habet ter in gyro. Denique mare æneû, quod in diametro erat X cubitorum, ut in sequentibus legitur, eoque habebat XXX cubitos in gyro. Verum quia

dicitur opus lili IIII fuisse cubitorum, siue latitudinem, seu designet altitudinem; nihilominus ratio figuræ perspicua est: quia non nisi per euangelium exoptatissima illa vox mundo insonuit, Penitentiam agite, appropinquabit enim regnum celorum. Quod uero sequitur, Et rursum alia capitella in summitate columnarum desuper, iuxta mensuram columnæ eius. Retiaculum iuxta mensuram columnæ dicitur, tantæ altitudinis, quantæ erat & columna: cuius tamen altitudo quanta fuerit, minime narratur. Hæc autem capitella quallacumque & quâcumque fuerint, non enim mensuram eorum aperte scriptura designat, more liliorum uidentur appposita esse. De quorum factura si quid mysticum inquirere delectat, illam regni perennis sublimitatem potest non incogruè designare, quam nec oculus uidit: & cetera, usque Diligentibus se. Post lilia etenim IIII cubitorum, alia sunt appposita capitella, quorum altitudo quanta fuerit, non dicitur: quia multa quidem de celesti beatitudine in euangelio legimus: quod uidelicet ibi mundicordes Deum uidebunt: quod erunt æquales angelis Dei: quod non nubent, neque nubentur, quia nec mori ultra poterunt: quod ubicumque est Christus, ibi & ministri eius erunt quod manifestabit se ipsum illis: quod palam de patre annuntiabit eis: quod gaudium uisionis eius nemo tollet a nobis: sed ipse species horum quæ diximus, ipse status & obuersatio illius patriæ celestis, quo modo sese habeat, solis eis qui hanc intrare meruerint, eius ciuibus patet. Vnde bene factura siue altitudo horum capitellorum supra liliom erant, ut incôprehensibilis esse terrestribus qualitas celestis habitationis insinuetur. De qua tamen hoc minime latet, quod omnes ibi cômuni felicitate diuinæ uisionis fruuntur, tãto quisque sublimius, quanto mundiores ad uidendum eum oculos cordis habuerit. qui enim dixit, Omnes timentes dominum, pusilli cum maioribus: ipse dixit, Quia tu reddes unicuique secundum opera eius. Cômuni ergo ibi benedictio omnium erit electorum, attamen pro distincta qualitate operum, multæ sunt mansiones beatorum in una eademque domo patris æterna in celis. Quod in harum quoque factura columnarum mystice reor esse designatû, cum dicitur, Et rursum alia capitella in summitate columnarum desuper. Iuxta mensuram quippe columnæ sunt capitella desuper, cum sancti doctores, immo omnes electi eorumdè doctorem uestigia sequentes, præmia supernæ retributionis secundum merita piæ recipiunt operationis. Retiacula quoque sunt secundum capitella, quia iuxta modum dilectionis quia sibi adinuicè in hac uita fraternitatis sanctæ copulata est, supernorum quoque ciuium societati, in præsentia sui conditoris cômungitur in celis. Verum quod eadem supernorum societas ciuium, utriusque populi fidelibus tribuitur, recte subiungitur, Malo granatorum autè ducenti ordines erant in circuitu capitelli secundi. Diximus autem, malo granata torius sanctæ ecclesiæ typum tenere. Centenarius uero numerus qui ad dexterâ manum primus peruenit, nõnumquam in æternæ beatitudinis figura poni consueuit. Duplicatur autem hic numerus malo granatorum in circuitu capitelli secundi, ut insinuetur mystice, quod utriusque testamenti populus adunandus in Christo, ad æternæ uitæ sit introduendus coronam. Cui figuræ cõuenit hoc quod de apostolis post resurrectionem domini piscantibus scriptum est, cum ipsum in litore stantē uiderent. Non enim longe erant a terra, sed quasi cubitis ducentis, trahentes rete piscium. per CC etenim cubitos, rete plenum magnis piscibus discipuli ad dominum trahunt, effectum suæ resurrectionis in litore iam monstrantem: cum sancti predicatorum & ludæis & gentibus uerbis fidei cômittunt, atque utriusque populi electos a fluctibus sæculi præsentis extrahos, ad futuræ gloriæ pacis & immortalitatis perducunt. Circuitus ergo capitelli secundi CC habet ordines malo granatorum, cum sublimitas regni celestis utriusque populi electos, in una beatitudinis arce colligit. Et stantur duas columnas

lumnas in porticum templi. Cumq. statuisset columnam dexteram, uocauit eam nomine Iachim, Firmitas: similiter erexit columnam secundam, & uocauit nomen eius Booz, In robore.) Dextera columna, ut supra diximus, exprimit figuram doctorum, qui primitiui in Hierosolymis instituerunt ecclesiam: secunda eorum qui ad pradicandum gentibus destinati sunt. Vel certe dextera columna eos significat, qui uenturi in carne dominum prophendo pradicauerant, secunda illos qui hunc iam uenisse & mundum sanguine suo redemisse testantur. Et apte uocabulo simili ambæ censebantur columnæ, cum una Firmitas, altera In robore dicta est: ut una fidei & operis fortitudo cunctis inesse doctoribus monstraretur, nostrisq. temporibus inertia taciturnitatis notaretur. Vbi se nonnulli doctores, sacerdotes & columnas domus Dei uideri atque appellari uolunt, cum nihil in se prorsus firmæ fidei ad contemnenda sæculi pompas ac desideranda bona inuisibilia, nil habeant roboris ad corrigendum, nil in dustris saltem ad intelligendos eorum, quibus prelati sunt, errores. Fecit quoque mare fusile X cubitorum a labio usque ad labium, rotundum in circuitu.) Mare hoc fusile in figuram lauacri salutaris, quo in remissionem peccatorum emundamur, factum est. Namque sacerdotes in eo lauabantur, ut Verba dierum aperte testantur. Sacerdotes autem constat omnes electos typice in scripturis uocari, eo quod sint membra summi sacerdotis domini Iesu Christi. Et recte huic uasi scriptura maris nomen indidit, in memoriam uidelicet maris rubri, in quo prius per extinctionem Aegyptiorum, & populi Dei liberationem, baptismi forma præcessit: exponente apostolo, ac dicente, Quoniam patres nostri omnes sub nube fuerunt, & omnes mare transierunt, & omnes in Moysse baptizati sunt in nube & in mari. Sacramentum autem baptismi, & uitæ a nobis mundiciam quarrit in hoc sæculo, & uitæ nobis æternæ gloriam promittit in futuro. Quod ut uique in mari hoc æneo una sententia designatur, cum esse X cubitorum a labio usque ad labium perhibetur. Decem namque præceptis in lege dominus omnia, quæ facere debeamus, expressit, denario æque mercedem beneficiorum signauit, cum hunc in uinea laborantibus dandum esse prædixit. Erat ergo mare X cubitorum a labio usque ad labium: quia a primo baptizato usque ad ultimum, qui in nomine Iesu Christi in fine sæculi baptizandus est, & crediturus, omnis fidelium chorus unam eandemq. uiam ueritatis ingredi, & cõmunem a domino debet coronam sperare iustitiæ. Rotundū erat in circuitu, ut orbis uniuersus in gyro, laetæ uitæ a sordibus peccatorum designaretur esse mundandus. De quo bene subditur, Quinque cubitorum altitudo eius.) Quia nimirum quidquid uisu, quidquid auditu, quidquid olfactu, quidquid gustu, quidquid tactu delinquimus, totū hoc nobis gratia Dei per abluentionem uiuifici fontis relaxat. Sed non sufficit præteritorum remissionem peccatorum, si nō quisque bonis deinceps insistere studuerit operibus. Alioquin diabolus qui exierit ab homine, si hunc a bonis uacare actibus uiderit, multiplicius redit, facitq. nonissima hominis illius peiora prioribus. Vnde apte subditur, Et resticula XXX cubitorum cingebat illud per circuitum.) Per resticulam namque disciplina præceptorum cælestium, quæ a nostris uoluptatibus religamur, potest apte signari, scriptura dicente, Quia funiculus triplex difficile rumpitur: quia nimirum obseruatio mandatorū Dei, quæ in cordibus electorū, fide, spe, & dilectione supernæ retributionis firmata est, nullo temporalium rerum potest obstaculo dissolui. Et resticula mare ambit.) Cum sacramentum baptismi quod accipimus, piis cõmunire operibus studemus, Quæ nimirum restiacula apte XXX dicitur esse cubitorū, quia quies æterni feni XXX faciunt. Senario autē numero in quo dominus hominem & fecit, cum nō esset, & cum perisset, refecit, recte bona operatio etiam nostra figuratur. Et VI per V multiplicatur, ut ad XXX peruenias, cum omnes nostri corporis sen-

De mari æneo.

XXXI

1 Cor. 10

Eccl. 4

ris sensus, diuini humiliter subiugamus imperiis. Possumus autem & aliter hunc tricenarium mystice maris numerum, non inconuenienter accipere. ter enim domini faciunt XXX, & genus humanum post diluuium ex progenie trium filiorum Noe latitudinem totius orbis impleuit. Sem quippe profapia Aliam, Cham posterum Asiam, Iaphet soboles Europam & insulas maris obtinuit: quia & mysterium baptismi cum executione bonorum operum & spe celestium premiorum cunctis erat nationibus ministrandum, apte resticula XXX cubitorum mare illud in quo baptismatis unda figurabatur, cingebat. Sed hoc dicendum, quod dominus XXX habebat annos ætatis, cum uenit ad Iordanem baptizandus a Ioanne: qui quoniam suo baptismo quod tricenarius accepit, undam nobis lauacri salutaris cōsecrauit, recte mare, quod nostrum baptismum figurabat, XXX cubitorum restis circuibat: ut significaretur dono illius, qui baptismum sine peccato subiit, baptismum nobis omnibus in eum credentibus in remissionem peccatorum dedicari. Et sculptura subter labium circuibat illud X cubitis ambiens mare, & duo ordines sculpturarum istriatarum erant fusiles.) Cum prædictum sit supra, quod resticula XXX cubitorum mare circuebat: & nunc addatur, quia sculptura hæc subter labium posita, X cubitis ambiens: patet ex utraque relatione, quia uas erat in modum phialæ, repadum ac diffusum: quod a XXX cubitis circuebat, quos habebat in labio, usque ad X cubitos coaptatum. Sculptura autem istriata est, quæ historias rerum aliquas imitatur. Unde & recte per sculpturas istriatas, quibus mare circumdabatur, exempla sunt priorum temporum designata, quæ necesse est nos solerter intueri: ut uideamus quibus operibus sancti Deo placuerunt ab initio: quæ obstinatione in sceleribus perdurarunt, quantaue iniquitate ob scelera perierunt reprobi: quo modo in exordio nascentis sæculi, Cain ob maliciam inuidiæ damnatus: Abel sit ob iustitiæ merita coronatus: Lamech ob adulterium & homicidium maledictus: Enoch ob gratiæ pietatis ad paradisum deductus: quo modo post diluuium Cham ob impietatem a patre detestatus: Sem, & Iaphet ob obsequium reuerentiæ perpetua sint benedictione donati: Abraham ob meritum fidei hæres sit diuinæ promissionis effectus: & cetera gentium multitudo inaudita sit infidelitate relicta: qualiter adueniente in carne domino, Iudæa ob perfidiæ noxam repulsa, & gentilitas sit ob gratiam fidei ad salutem reducta: & cetera huiusmodi, quæ in utroque testamento solerter ac pie considerata, multum studiosis quibusque profunt. Et ideo forsitan duo sunt ordines sculpturarum istriatarum in mari æneo facti, ut hi qui in fonte baptismatis imbui sunt, utriusque testamenti diligenter auscultent historias. Ideo X cubitorum erant in gyro, ut quoscumque in eisdem historiis deditos iussis celestibus, ac tota intentione ad superna premia suspensos esse perspexerint, hos imitari contendant. Bene autem sequitur, Et stabat super XII boues, quorum tres respiciebant ad aquilonem, & tres ad occidentem, & tres ad meridiem, & tres ad orientem.) Per boues quippe, apostolos & euangelistas, immo omnes uerbi ministros debere intelligi, apostolo docente cognoscimus, qui exponens mandatum legis, quo dictum est, Non alligabis os boui trituranti: numquid de bubus, inquit, cura est Deo? an propter nos utique dicitur? nam propter nos scripta sunt, quoniam debet in spe, qui arat, arare, & qui triturat, spei suæ fructum percipere. Duodecim ergo boues, XII sunt apostoli, & omnes qui uice eorum regendam ecclesiam in Christo susceperunt. Qui nimirum boues mare sibi superimpositum portant, cum apostoli, apostolorumque successores iniunctum sibi euangelizandi officium, prompta implere deuotione satagunt. Tresq. ad aquilonem, tresq. ad occidentem, tres ad meridiem, & tres ad orientem respiciunt, cum in uniuersi quadrati orbis partibus fidem prædicant sanctæ trinitatis. nam & apostoli eo mysterio XII, hoc est quaterni sunt electi, ut fidem & confessionem sanctæ trinitatis

1 Cor. 9
Dent. 25

40

tatis

tatis per III mundi partes euangelizantes, baptizarent omnes gentes in nomine patris & filii & spiritus sancti: quorum apostolorum successorumq. eorum uerba, actus, & passionis per facile in presenti uidere uel legendo cognoscere possumus: quæ uero illos in futuro maneat gloria retributionis, nec dum uidere ualemus. Vnde apte subditur, Quorum posteriora uniuersa, intrinsecus latitabāt.) Intrinsecus namque latitant uniuersa boni posteriora, quia qua mercede sancti prædicatores in perpetuū dōentur in interni arbitri examine iam dispositū est: sed nobis qui adhuc foris sumus, manet omni modo occultum, quod tunc esse occultum nullatenus potest. Sed omnis, qui lauacrum baptismi accepit ad salutem & uitam, fidem, spem, & caritatē debet habere: nec sine his tribus uirtutibus quisque aliquid boni iam operari, uel intrare ad uitam ualet. Vnde recte subiungitur, Crassitudo autē lute-
d. 12
I. & alia
ris trium unciarum erat. crassitudo etenim luteris in mari, firmitas est uirtutis in baptismo. Et trium unciarum est hæc crassitudo, dum robore fidei, spei, & dilectionis perceptio baptismi cōmunitur. Neque aliter proficuum esse accipiētibz ostenditur, nisi harum firma certitudo uirtutum mentē accipientium simul & opera cō-
Gal. 3
firmet. Accipitur autē & celebratur baptismi lauacrum in exemplum dominicæ passionis & resurrectionis a mortuis, iuxta quod apostolus exponēs ait, Quia quicumque baptizati sumus in Christo Iesu, in morte ipsius baptizati sumus, consepulti enim sumus cum illo per baptismū in mortē, ut quemadmodū surrexit Christus a
Mar. 14
mortuis per gloriam patris, ita & nos in nouitate uitæ ambulemus. si enim cōplacitati facti sumus similitudini mortis eius, simul & resurrectionis erimus. Quod in figura quoque maris zenci typice signatū est, cum sequenter adiungitur. Labiumq. eius quasi labium calicis, & folium repandi lilii. Per labium namque calicis, gustus dominicæ passionis, per folium repandi lilii, patefacta claritas resurrectionis exprimitur. nam quod in calice poculum passionis designetur, testatur ipse dominus, qui ueniens ad passionē orauit patrem, dicens, Pater si uis, transfer calicem istum a me. Lilium uero quod comitēte odoris iucundissimi gratia, candidū foris calicem, intus aureolum ostendit, apte gloriā resurrectionis eius insinuat, qui & corporis immortalitatem foris ostendit discipulis, & animā diuina luce coruscantē sibi simul in se perdocuit. Potest etiā in lilio repando ipse mediator Dei & hominū propter passionē mortis gloria & honore coronatus nō in eo uenienter accipi: qui ante passionem quidem suam, quasi clausum adhuc lilium fuit, cum signis miraculorū quæ fecit, clarus homo refulsit: post resurrectionē uero & ascensionem suam repandum se lilium supernæ patris ciuibz exhibuit, quod in assumpta humanitate potentiā diuinæ claritatis, quā habuit apud patrē priusquam mundus esset, ostendit. Vnde in amoris cantico, lilii se uocabulo designare uoluit, dicens, Ego flos campi, & lilium
Cant. 2
cōuallium. Labium ergo maris in quo sacerdotes lauabantur, quasi labium cuius calicis, & folium repandi lilii: quia lauacrum salutare quo membra summi sacerdotis efficitur, in fide nos sacrosanctæ passionis eius a peccatorum omnium labe purificat, ac purificatos ad uisionē gloriæ ipsius perennis intro mittit. In quo nimirum lauacro uterque populus, & circumcisionis uidelicet, & præputii, per fidem, spem, & dilectionē unum in domino efficitur, ipso attestante, qui circumcisionē post prædicans ait inter alia, Et alias oues habeo quæ nō sunt ex hoc ouili, & illas oportet me
Ioan. 10
adducere, & uocem meam audient, & fiet unum ouile & unus pastor. quod in hoc quoque mari typice figurabatur. nā subditur. Duo millia batos capiebat.) Millenarius nāque numerus pro significatione perfectionis solet poni in scripturis, quia nimirū denarii numerus quadratum solidum facit. Decē quippe decies ducta, Circione, quæ uidelicet figurā iam quadrata, sed adhuc plana est. Verū ut in altitudine surgat, & solida efficiatur, multiplicata C per X, sunt mille: quo profecto numero
2.
stabilis

stabilis & insuperabilis, & uelut conquadrate iustorum cōscientia designatur. quocumque enim uerteris quadratū, stabit: sic & animus electōrū nullo tentationum occurſu nouit a statu suæ reſtitutionis inclinari. Batus autem Hebræorum mensura est, quam ipsi bath nominant, habens modios III. Ipsa & ephi, quam epha nuncupant. Sed ephi ad mensuram pertinet uariarum frugum, tritici, ordei, leguminū: batus uero est speciebus liquidis, uino, oleo, aqua. Itaque batus, qui certa norma mensuræ, opera designat æquitatis & iustitiæ, quibus hi qui in remissionem peccatorum baptizantur, necesse habent institui. Batos mille illud capiebat mare, cum aqua baptismatis plebem Iudæorum abluens, ad regnum cælestē trāsmisit. Recipiebat & alios mille, cum etiam turbas nationum eodem fonte renatas & operibus iu-

*De basibus de
cem, X X I I*

Matth. 3

stitiæ confirmatas, eiusdem regni perennis fecit esse participes. Et fecit bases X areas, IIII cubitorum longitudinis bases singulas, & IIII cubitorum latitudinis, & IIII cubitorum altitudinis. Multifariam multisq. modis una eademq. nostræ salutis sacramenta præfigurantur. Nam iidem apostoli uiriq. apostolici, qui per boves mare portantes designati sunt, designantur etiā per bases, quæ portandis erant luteribus præparatæ: quo modo ipsi luteri eiusdē lauacri spiritualis, cuius & mare, typum gerebant. siquidem ut Verba dierum narrat, omnia in eis quæ in holocaustum oblaturi erant, lauabant, Holocaustum autē domini generaliter omnis electorum multitudo potest intelligi, quæ iuxta uocem præcursoris baptizata est ab ipso in spiritu sancto & igne. Sicut ergo sacerdotes qui in mari lauabantur, formam exprimentur eorum qui per baptismā efficiuntur summi consortes sacerdotii, quod est in domino Iesu Christo: ita etiam holocausta eorundē figuram aptissime prætendunt, cum per ablutionē baptismi gratia spiritus sancti impletur. Lauatur namque in lutere hostia, cum quis fidelium aqua baptismi perfunditur: offertur uero in holocaustum cum per impositionē manus episcopi donum spiritus sancti accipit. Philippus euangelista cum prædicaret in Samaria, quid nisi in lutere templi hostias domini lauabat? Sed quia nec dum in quemquā eorum spiritus sanctus descenderat, sed baptizati tantum erant in nomine Iesu, uel ablutæ hostiæ nec dum ad sacrosancti altaris ignem peruenerant. At cum missi illuc Petrus & Ioannes, imponebāt baptizatis manus, & accipiebāt spiritum sanctū, loquebanturq. linguis, iam ad ignem altaris peruenerant hostiæ, ut fierent holocaustū, quod Latine Totum incensum dicitur: quia uidelicet cōscientiam illorum gratia sancti spiritus adimplens, diuino fecit amore feruescere. Quod uero ad portandos luteri, X sunt bases factæ, poterat ita mystice interpretari: quia ministri lauacri uitalis ad æternæ gaudia beatitudinis, quæ denario solet numero figurari, eos quos imbuunt uocet. Verū quia de eiusdem luteribus distincte in sequentibus scriptum est, quod uidelicet V ex his positi sunt ad dexterā partem templi, & V ad sinistrā, magis in eis quinarī numeri intuenta sunt mysteria. In utraque etenim parte tēpli sunt bases positæ luterū, ut utrique Dei populo sacri fontis gratia signaretur esse pādenda: & V sunt in utraque parte, ut sicut in expositione maris, quod V cubitis altum est, iam diximus, demonstraretur typice, uniuersa fidelibus, quæ per V sensus corporis deliquerant, per lauacrum baptismi esse remittenda. Sicut ergo in uno mari super XII boues posito, unitas exprimitur baptismatis, quæ per apostolos toto erat orbi prædicanda: ita & per duos ordines luterū mystice ostēditur, quia gētilitas cum Iudæa in unū fidei cōsortium post baptismatis erat undā colligenda. nā etsi in geminis luteribus hostiæ lauabantur, quædā quidē a dextris atrii, quædā uero a sinistris, uno tamen igne cōsumebantur altaris, ut holocaustū fieret: quia siue quis in parte circūcisionis, siue præputii lauacrum suscepit, uno omnes spiritu, ut filii Dei fieri possint, sanctificātur. hinc etenim apostolus, Sed accepistis, inquit, spiritū adoptionis filiorū, in quo clamamus, Abba,

Rom. 8

Abba,

Abba, pater. Vnum, inquit, spiritum accepistis, in quo omnes filii adoptionis efficiamini, in quo nimirum spiritu clamamus, Abba, pater. Abba uidelicet, qui ex Hebræis uenimus ad fidem: Pater, qui ex gentibus, uariis quidem linguis pro diuersitate nationum, sed unum eundemque Deum patrem, per unius donum spiritus inuocantes. Quod autem cubitorum quattuor longitudinis, & quattuor latitudinis, & quattuor altitudinis bases singulæ fuere, intelligendum est: longitudinem etenim ad patientiam longanimitatis, latitudo ad dilatationem dilectionis, altitudo pertinet ad spem supernæ retributionis. Quattuor autem sunt principales uirtutes, quibus tota uirtutum structura imminet, prudentia scilicet, fortitudo, temperantia, iustitia: & ideo quattuor cubitorum erat longitudo & latitudo basium: quia sancti prædicatores siue aduersa mundi, & longitudinem exilii, ac laborum præsentium mala tolerant: seu cor in dilectione sui conditoris, suorumque proximorum interna exultatione dilatent: sepe operam dant uirtutibus, cura prudēti uidelicet inter bona & mala discernentes, fortiter aduersa sustinentes, cor ab appetitu uoluptatum temperantes, iustitiam in operatione tenentes. Trium uero cubitorum fit altitudo basium, cum per exercitiū uirtutum, quas cum patientia malorum, & dilectione bonorum exercent, continua intentione ad uisionē sanctæ trinitatis peruenire satagunt. Et ipsum opus basium intrinsecum erat, & sculpturæ inter iuncturas. Iuncturas dicere uidetur eas, quibus ipsæ luterum tabulæ sibi inuicem connexæ sunt, ut scilicet

30 ex III sue V tabulis una fieret basis. Quales autem sculpturas inter has iuncturas, id est in ipsis suis lateribus ante & retro a dextra & sinistra, & supra quoque habuerunt, subdendo aperitur, cum dicitur, Inter coronas & plectas, leones & boues & Cherubin, & in iuncturis similiter desuper. Nō ergo plana erat ulla ex parte superficies basium, sed erat mysticis sculpta figuris, quæ sanctorum mentes, immo uniuersas eorum actiones uirtutum gratia in omnibus prætendunt, neque aliqua illas horum inanitas & uacua præterit, in qua piis uacare operibus uel sermonibus uel certe cogitationibus desistant: coronulas quippe in se sculptas habent, cum ad ingressum uitæ perennis insatigabili desiderio anhelant. Plectas habent, cum inter desidia uitæ cælestis, quæ sursum est, numquam fraternæ societatis, quæ iuxta est, uincula dissoluunt. Habēt inter coronulas & plectas, leones: cum ita ad speranda cælestia mentem erigunt, ita ad diligendos proximos dilatant, ut in peccātes quosque qui sibi commissi sunt, feruorē asperæ inuersionis exercere non tacent. Habent cum leonibus boues, quando ipsam inuersionem corripiendi cum spiritu mansuetudinis exhibent, quando in feruore arguendi nunquā fessam habere uigilantiam discretæ actionis ac loquelæ, numquam uerba diuinæ lectionis uelut ruminando in ore uoluere cessant. Denique beatus Stephanus basis uidelicet templi domini eximia, seu leonis dentes atque ungues ostendere uidebatur, cum suis persecutoribus aiebat. Dura ceruicæ & incircumcisi corde & auribus, uos semper spiritui sancto resististis, quem prophetarum patres uestri nō sunt persecuti: & cetera. Verum hæc lo-

40 quens quantum pietatis, ut ita dicam, bubulæ mansuetudinis intus in corde gestaret, ostendit, cum pro eisdem persecutoribus usque ad necem suam sauiens; genua flectens dicebat, Domine ne statuas illis hoc peccatum. Sed quia neque spēs æternorum in celis, neque amorem proximorum in terris, neque feruorem zeli mordentis, neque lenitatem modesti cōpatientis, absque scientia sanctorum scripturarum habere possumus, apte post coronulas & plectas, post leones & boues, Cherubin sculpti esse memoratur. Cherubin namque constat scripturæ sacræ typū tenere: siue quia duo Cherubin in propitiatorio arce in figuram duorum testamentorum concorditer de Christo canentis fabricati sunt: seu quod nō mē istud scientiæ multitudinē sonat. Quanto autē quisque studiosius legē diuinorum eloquiorum paginis insiterit, cōtō necesse

Ab. 7

Ibidem.

necesse est in omnibus amplius, quæ agit, aut iudicat, interni testis aut iudicis ex-
 men pertimescat: ne aut plus iuste in peccantes uindicans, aut rursum absque mo-
 deramine iuste discretionis ignoscens, iram iusti iudicis incurrat. qui enim addit
 scientiam, addit & dolorem. Vnde hic quoque propter sculpturas Cherubim conue-
 nienter adiungitur, Et super leones & boues quasi lora ex ære dependent. Super
 leones quippe & boues lora dependent, quando sancti doctores & in severitate dis-
 trictionis qua peccantes iudicant, & in mansuetudine lenitatis qua penitentibus
 remittunt, iudicii sui timent auctoris: ne forte iniuste ligando, ipsi ab eo cuius iu-
 dicium errare nequit, ligare mereantur. Et quattuor rotæ per bases singulas, axesq.
 ærei per quattuor partes, quasi humeruli subter luterem fusiles cõtra se inuicem re-
 spectantes. Quattuor rotæ, quattuor sunt euangeliorum libri, qui aptissime rotis
 comparantur: quia sicut volubilitas rotæ citissimo cursu quocumque ducitur currit,
 ita sermo euangelicus, iuuante domino, per apostolos in breui uniuersas mundi pla-
 gas impleuit. Sicut rota superimpositi sibi currim a terra subleuat, & subleuatim;
 quo atrigia dirigit, portat: ita euangelica prædicatione mentes electorum a terrenis
 cupiditatibus in cælestia desideria suspendit, ac suspensas ad profectum bonæ ope-
 rationis, siue ad ministerium prædicationis, quocumque adiuuans gratia spiritus
 uoluerit, ducit. Nam in sequentibus dicit, Quia tales erant rotæ, quales in curru fie-
 ri solent. Legimus autem de sanctis, Currus Dei decem millibus multa millia letan-
 tium. Quid est ergo quod rotæ basium rotis assimilantur curruum: nisi quia unus
 idemq. sermo euangelicus quosdam eorum quos instituit, currus Dei, quosdam
 bases templi Dei facit: quicumque enim ad euangelizandũ uerbum doctoris lon-
 ge lateq. mitteb̃tur in mundo, utique currus Dei, & quidem uelocissimi fuerunt:
 quia per cuncta discurrentes, Deum ad corda credentium inducebant. At uero il-
 li qui uno in loco cõmorantes uerbum salutis proximis annuntiabant, eosq. ad la-
 uacrum uitæ, quod uel in baptismo uel in compunctione lacrymarum celebra-
 tur, accendunt, quasi bases sunt templi, quæ portant luterem ad lauandas hostias:
 quia ita fidelibus quibus præstunt, ministeriũ salutis impendunt, ut longius excur-
 rentes ad acquirendos novos populos labores non subeant. Rotæ ergo basium ro-
 tis sunt curruum similes, quia iidem libri euangeliorum qui hos doctores ad præ-
 dicandam fidem ueritatis ignorantibus mittunt, illos ad confirmandam amplius fi-
 dem inter doctos iam ac sacramentis cælestibus imbutos manibus præcipiunt. Rotæ
 quattuor basium luteris sustentabant, eum euangelia iacobum fratrem domini ad con-
 seruandam in Hierosolymis ecclesiam residere iusserunt. Rotæ earum similes curri
 Dei suppositæ ad eurrendum parabāt, eum eadem euangelia Paulum & Barnabam
 ad prædicandum gentibus per omnia discurrere uoluerunt. Rotæ basibus supposi-
 tæ ad portandum luterem templi a terra sustollebāt, eum nostris nuper temporibus
 beatus Papa Gregorius euangelicis roboratus eloquiis Romanam rexit ecclesiam.
 Rotæ eadem curribus Dei subnixæ longe portabant, eum reuerendissimi patres Au-
 gustinus, Paulinus, & ceteri socii eorum, eisdem euangelicis confirmati eloquiis,
 iubente illo uenere Britanniam, & uerbum Dei incredulis dudum cõmiserunt gen-
 tibus. Si ergo bases luterum sancti doctores sunt, qui lauacrum nobis uitæ ministrāt,
 & rotæ quaternæ basium quattuor sunt euangeliorum libri, qui axes rotarum, quæ
 bases gestant, nisi ipsa eorundem corda sunt doctorum? Quæ dum præceptis euan-
 gelii sedulo intēta, eos ab infirmorum appetitu sustollunt, uelut immixtis rotis axes
 altius basem a terra subleuant. Porro humeruli qui rotis antepositi, ne ab axibus
 dilabi possent, obstitēbant, præconia sunt prophetarum, quibus euangelica & apo-
 stolica scriptura ne cui legentium in dubium ueniat, confirmatur: & apostolus Pe-
 trus de domino loquens, ait, Et habemus firmiter propheticum sermonē, cui bene-
 facitis

facitis attendentes. Sed & omnes euangelistæ atque apostoli, in eis quæ scribere, legis & prophetarum mentionem facere solebant. Denique Marcus ita incipit, Initium euangelii Iesu Christi filii Dei, sicut scriptum est in Isaia propheta. Et Matthæus, Hoc totum factum est, ut adimpleretur scriptura prophetarum: & cetera huiusmodi. Bene autem dicitur, quod humeruli per quattuor partes subter luterum erant positi, & contra se inuicem fuerunt respectantes, quia nimirum omnis scriptura prophetica sibi met cõsentanea est, utpote uno Dei spiritu condita. Quattuor autem fuerunt per bases singulas humeruli, uidelicet iuxta numerum rotarum: nou quia quattuor tantum sunt libri prophetici, sed quia in omnibus quæ locuti sunt propheta & Moyses, dictis quattuor euangelistarum testimonium præbuerunt: ut ex consensu utriusque, una fides & dilectio Christi nostra omnium corda confirmet. Os quoque luteris intrinsecus erat in capitis summitate, & quod forinsecus apparebat, unius cubiti erat totum rotundum, pariterque habebat unum cubitum & dimidium. Os luteris unius erat cubiti, propter unitatem confessionis & fidei: quia omnes in confessione patris & filii & spiritus sancti baptizamus, dicente apostolo, Vnus dominus, una fides, unum baptisma, unus Deus & pater omnium. Et ipsum os in capitis erat summitate, ut ad cælestia nobis regna, per baptisma iter esse patefactum doceret: ipse uero luter in amplitudine cubiti habebat unum & dimidium, propter operis nimirum perfectionem & initium contemplationis. integer etenim cubitus in luteræ perfectionem bonæ actionis designat, quam absque ulla dubitate habebat ille, de quo tentatori antiquo dominus aiebat, Numquid considerasti seruum meum Iob, quod non sit ei homo similis in terra, simplex, & rectus, ac timens Deum, ac recedens a malo? Est uero alter cubitus diuinæ uisionis, qui ex parte non nulla etiam in hac adhuc uita retentis fidelibus donari consuevit: ut idem Iob denotando aduersario cum domino loquens, ait, Auditu auris audiui te: ut Moyse dominus facie uisus est ad faciem: ut Isaia sedens in folio regni, circumstantibus cum lau de debita cæli ciuibus: ut ceteris sæpe uisus est propheta: ut beato Stephano in articulo passionis apertis cæli ianuis gloria Dei ostensa est: ut Paulus introitus paradisi, & tertii cæli sunt patefacta mysteria. Sed uniuersa hæc ex parte sunt permodica, in cõparatione eius, quæ in futuro reuelanda est gloriæ. Ideo post cubitum bonæ operationis, quæ in hac uita perfici potest in sanctis, incipit cubitus supernæ contemplationis, quæ in futuro in cunctis perficienda constat electis: quæ uidelicet mensura unius & dimidii cubiti, non luteribus tantum, sed & rotis eorum inerat ac basis. Scriptum namque est in sequentibus, Vna rota habebat altitudinis cubitum & semis. Et paulo post, In summitate autem basis erat quædam rotunditas unius & dimidii cubiti ita fabrefacta, ut luter desuper posset imponi. Luterum quippe mensura unius erat cubiti & dimidii: quia nimirum ea fide in fonte uitæ lauamur, ut per opera iustitiæ ad uitam intrare mereamur æternam: quam uis sine peccato, dum hic uiuimus, esse nequimus: ipsam uero uitæ cælestis dulcedinem gustare ex parte ac diligere in hac uita interim, perfecte autem uidere nulla ratione ualemus. Rotæ quippe uno & dimidio cubito mensurantur, quia scriptura lætionis euangelicæ, qualiter hi, qui perfecti esse uelint uiuere debeant, ostendit: spemque nobis æternæ retributionis in præsentis demonstrat: ipsam uero retributionis illius qualitatem, in futuro nobis pandendam simul & donandam esse promittit. Bases etiam ipsæ unum habebant cubitum ac semissem amplitudinis, in summitate sui ubi luteræ recipere: quia ipsi doctores ac ministri summi lauacri salutaris, opere quidem perfecti in hac uita fulserunt, sed luce cõtemplationis ex parte fuit. Unde & aiunt, Ex parte enim cognoscimus, & ex parte prophetamus, cum autem uenerit quod perfectum est, euacuabitur quod ex parte est. In hunc modum fecit decem bases, si-

Mar. 1

Matth. 1

Eph. 4

Job 1

Job 42

1 Cor. 13

ses, figura una, & mensura sculpturaq. consimili. Fecit quoque X luter es æreos.) Quare X sunt bases factæ, totidemq. eis superpositi luter es, supra iam dictum est. Quod uero una erat figura, mensuraq. & sculptura consimilis omnium basium siue luterum: non in ea significatione factum est, quod æqualia possint esse omnia merita doctorū: sed in ea potius, quia una fides euangelii quo instituuntur, unum baptisma quo abluuntur, unus idemq. spiritus est quo omnes consecramur electi: tametsi donationes habent diuersas in ipso spiritu, qui diuidit singulis prout uult.

Quadraginta batos, capiebat luter unus.) Quadragenarius numerus solet magis perfectionis typum tenere, quia nimirum quater deni faciunt quadraginta. Decem autē sunt præcepta, quibus omnium nostrum operatio in lege diuina præfixa est. Quattuor sunt autem euangeliorum libri, in quibus per dispensationem dominicæ incarnationis celestis patris nobis est patefactus introitus. Et quia omnes qui ad ministerium sacri baptismatis pertinent, cum fide & sacramentis euangelii fructum debent facere rectæ operationis: apte luter es singuli, in quibus holocausta lauabantur, XL batos capiebant. Quod uero sequitur, Eratq. quattuor cubitorū, siue in altitudine, siue in latitudine: significat intellectus mysteriorum in promptu esse. luter enim unus quattuor erat cubitorum, uel propter quattuor sancti euangelii libros, in quibus forma nobis baptismi præfixa est: uel propter quattuor cardines, uirtutesq., quibus quisque fidelis, si non frustra fidelis est, debet instrui: uel certe propter quattuor mundi plagas, quibus lauacrum salutis ministratur, dicentes psalmographo, Quos redemit de manu inimicorum, de regionibus cōgregauit eos. a solis ortu & occasu ab aquilone & meridie. Quod uero supra dixit, Pariterq. habebat unum cubitum & dimidium: & neque ibi altitudinē uel amplitudinem significauit, uidetur fundum ipsius luteris huius esse amplitudinis: quod ex mensura, ni fallor, basis, in qua positis erat luter, quisque facillime conicit: quod ita describitur, In summitate autem basis erat quadam rotunditas unius & dimidii cubiti ita fabricata, ut luter desuper possit imponi. Latitudo ergo fundi in luteribus unius erat cubiti ac dimidii: ipsa uero capacitas luterum quattuor habebat cubitos: sed utrum in altitudine, an in amplitudine, an in utroque dicat, quis nouerit? Et constituit X bases, & V ad dexteram partem templi, & V ad sinistram.) Dextram partem templi, & sinistram, non intus in ipso templo, sed ante templum dicit, ad orientalem plagam uidelicet, in atrio interiori, quod sacerdotum proprie uocabatur. Quinque autem posuit ad dextram partem templi, propter ludæos, qui Solstitio propter doctrinam legis uti solebant antiquitus: & V ad sinistram, propter nos, qui cæco diutius corde seruituti adhærebamus eius, qui ait, Ponam sedem meam ad aquilonem. Quod est aperte dicere: Illis in corde requiescere desiderio, quos a luce ueritatis, & flamma diuinæ caritatis, alienos esse considero. Mare autem posuit ad dextram partem templi, contra orientem ad meridiem.) Et hoc in eodem atrio positum est ad orientem. Quod autem ad dextram partem templi, hoc est quod repetit, dicens, Ad meridiem. ingredientibus enim atrium ab oriente, primo diuertendū erat ad meridiem, ubi mare in ipso angulo stabat ad lauandum sacerdotibus paratum: deinde progredientibus intro occurrerant luter es ad lauandas hostias ab utraque parte positi. Intra hos basis erat ænea V cubitorum longitudinis, & V cubitorum latitudinis, & trium cubitorum altitudinis, in qua stans Salomon dedicabat templum. Deinde ultra progredientibus occurrerant altare holocausti contra meridianum atrii: deinde porticus templi, siue uestibulum, in quo erant columnæ æreæ circa ostium templi. Quod ergo mare posuit ad dextram partem templi, significat nos per lausærum baptismi ad regnum cælestē, quod iure uocabulo dextera figuratur, debere peruenire. qui enim crediderit, & bapti-

zatus fuerit, saluus erit. Namque ubi dextera simul & sinistra in bono accipiuntur: uel ludzam & gentilitatem, ut in expositione basium supra diximus: uel presentem ecclesie uitam, & futuram: uel gaudium seculi, & tristitiam uel aliquid huiusmodi: ubi uero absolute dextera in bono ponitur, æterna gaudia sæpius demonstrat. Quod uero contra orientem posuit mare, ad eandem proprie significationem respicit, quod uidelicet per lauacrum sancti fontis, splendor nobis internæ claritatis aperitur. Quod ad meridianum latus atrii, significat fideles perceptionem sancti spiritus ad flagrantiam solere ueræ caritatis accendi: seruor etenim meridiani solis consuevit in scripturis ardorem dilectionis, & illustrationem significare sancti spiritus, per quem eadem dilectio diffunditur in cordibus electorum. Omnia uasa quæ fecit Hiram regi. Salomoni in domo domini, de auricalco erant: in regione Iordanis fudit ea rex in argillosa terra. Apte in regione Iordanis fusa sunt uasa domus domini, in quo uidelicet flumine dominus noster baptizari dignatus est: eiusque tinctus undis, aquarum nobis elementum in ablutionem peccatorum conuerterit: quia omne fidelium baptismum quo domino consecrantur, in exemplum celebratur baptismatis illius quo ipse aquas sanctificauit. Recte in Iordanis regione uasa sunt domus domini facta. neque enim aliter uasa electionis & misericordie fieri possumus: nisi ad baptismum illius, quod illo in flumine subiit, respicientes, & ipsi uitali flumine satagamus ablui. Notandum autem, quia non tantum in regione Iordanis, sed & in campestri regione illius facta dicit eadem uasa, significans multiplicationem fidelium, qui non solum in Iudæa, sed in omnium nationum erant futuri latitudine, expleta prophetia quæ dicit, Gaudebunt campi, & omnia quæ in eis sunt. Cui simile hoc quod idem psalmista de sacramentis dominicæ incarnationis loquens, ex persona eorum, qui post completa eius incarnationis arcana ad fidem uenerunt, ait, Ecce audiui mus ea in Ephrata, inuenimus ea in campis sylvæ. Audiui mus quippe in Ephrata, idest in Bethlehem, sacramenta dominica: quia promissum legimus David patriarchæ, qui erat ex eadem ciuitate, de fructu uentris eius Christum in carne uenturum. Inuenimus ea in campis syluæ, quia reuelata iam in latitudine gentium per orbem ipsi cognouimus, ipsi uidimus, ipsi participes facti sumus. Fudit ergo rex uasa domus domini in regione campestri Iordanis, quia dominus ut baptismum salutis uasa misericordie faceret, totam mundi latitudinem impleuit. Argillosa autem terra, de qua facta sunt formæ ad fundenda uasa domini, quid melius quam scriptura sacra, de qua regulam bene uiuendi accipimus, ualet intelligi? quasi enim argilla ignibus durata, formam uasis domini quanta & qualia fieri debeant, exhibet: cum nobis regulam iustitiæ, quam sequamur, ostendit: sanctorumque nobis exempla, qui in igne tribulationum inuincibiles perdurauerint, in omnibus sequenda præmonstrant, si uasa in domo domini electa esse ac præiosa concupiscimus. Aesque igne liquefactum argillæ formas ingreditur, quo uas possit aptum ministerii celestibus effici: cum ipsi salubriter humilitati, & flamma sue diuinæ caritatis, siue etiam humanæ aduersitatis emolliti, uiam patrum bene operando intramus, ut ad præmia patrum bene currendo perueniamus. neque enim semper nos regulis necesse est bonæ operationis aptari, sed completa operatione bona, palma est beatæ retributionis speranda: quia nec semper uasa in forma argillæ tenebantur inclusa: sed ubi ad perfectionem sui peruenierant, fractis formarum claustris perducebantur in lucem, & in templo domini pro suis quæque locis disponebantur. Hoc autem dicimus, non quod opera sanctorum usquam sint interitura: sed quia ubi coronam iustitiæ, quam bene operando meruerit, acceperint, laboriosæ operationis iam cuncta cessent officia. quis enim in illa uita pro fide Christi martyrium patitur, ubi expulsus aduersariis omnes electi in præsentia

Quod in regione Iordanis facta sunt uasa templi.

XIII

Psal. 95

Psal. 131

de eo in libro Paralipomenon. Fecit quoque altare aeneum XXX cubitorum longitudinis, & XX cubitorum latitudinis, & X cubitorum altitudinis. Equidem altare thymiamatis Moyses fecit in heremo, habes cubitorum longitudinis & latitudinis, & III cubitos in altitudine. Quante autem magnitudinis hoc Salomon fecerit, non dicit scriptura, sed tantum quia altare aureum fecerit, dicit. Constat autem quia tantum facere non potuit, quantum fecit holocausti, quia si XX cubitorum in longitudine & latitudine factum esset, totam templi latitudinem impleteret. Quantum igitur exterius erat positum altare holocausti quam incensi, & quantum genere oblationis, ac uilitate metalli ignobilis fuit, tantum quantitate mensuræ & hostiarum frequentia præstabat: quia nimirum plures sunt multo, quibus dicatur: Si uis ad uitam ingredi, serua mandata: quam quos audire delectat: Si uis perfectus esse, uade, uen-de, quæ habes, & relinque. Nec tamen huius mensura altaris, ratione mystica caret numeri. habet enim XX cubitos longitudinis, & totidem cubitos latitudinis, & X cubitos altitudinis. De quo quidem numero supra in expositione templi & uisibili eius diximus, sed & nunc dicendum breuiter, Quod si altare holocausti illorum in ecclesia typum tenet, qui suum corpus & animam Deo consecrare per ignem amoris illius querunt, perseverantia horum in bona operatione per longitudinem altaris: amplitudo in caritate Dei & proximi per latitudinem: spes in expectatione diuinæ uisionis per altitudinem figuratur. Quod autem longitudo & latitudo altaris uicenorum erat cubitorum, magnam utique perfectionem designat eiusdem indefesse longanimitatis ac sinceræ dilectionis, quæ per utriusque testamenti nobis obseruantiam tribuitur. Quater quini uicenarium numerum complent, Venim libi Mosæ leges, IIII euangelicæ libertatis: cum ad intelligentiam atque custodiam legis spiritualis illustrante euangelii gratia peruenimus, uicenarium profecto numerum perficimus. Fitq. idem numerus uicenarius in longitudine & latitudine altaris, cum corda electorum docente utroque testamento, & adiuuante ipso uno utriusque testamenti auctore, & perseverantiam boni operis etiam in persecutionibus seruant, & hilaritatem dilectionis in eos, qui persequuntur exhibent. Denario autem numero spes celestium præmiorum designari solet domino affirmante, cum eos, qui in uinea magni patrisfamilias laborabant, denario remunerandos esse constituit. Et merito per hunc numerum merces æterna figuratur, in qua nostra natura in æternum diuinæ uisioni coniungitur, quia in ipso numero mystice diuina simul & humana natura designatur. Deus quippe trinitas est, homo autem numero septenario comprehenditur, quaternario uidelicet propter corpus, quod ex quatuor elementis constat, ternario uero propter interioris hominis triplicem differentiam, quam scriptura nobis sancta ostendit, cum diligere nos iubet dominum ex toto corde, tota anima, tota uirtute. Vnde & in decalogo legis tria sunt mandata, quæ nos ad cultum diuini amoris excitant, septem quæ dilectionem commendant proximi. Qui ergo decalogum legis in Dei & proximi dilectione custodiunt, iure mercedis huius custodie in Dei simul & proximi uisione percipiunt: qui in hac uita & proximum quem uident, & Deum quem non uident, diligunt, hi in futura uita & Deum regem in decore suo, æque & proximum in Deo glorificatum ac decoratum uidebunt. Et ideo altare quod in figura factum est electorum, ob significandam eorum perpetuam uitam, X erat cubitis altum. Cum uero dictum esset, quia fecit Salomon altare aureum, additum est continuo, Et mensam super quam ponerentur panes propositionis auream. Mensa autem scriptura est facta, spiritualis intelligentie claritate secunda, de qua psalmista domino, Parasti, inquit, in conspectu meo mensam, aduersus eos qui tribulant me. ne enim aduersarii tribulantes ab esore insepellant, mensam nobis conditor noster scientiæ, per quam in fide uerita-

tis eum confitemur, parauit. Nāque panes propositionis sancti sunt doctores, quorum uel opera nobis uel uerba salutaria ad exemplum uitæ propoſita ſemper in diuinis paginis quiſquis querit, inuenit. Vnde apte iidem panes in Exodo, X II ſic præcepti ſunt: uidelicet propter apoſtolos X II, per quorum miniſterio noui ſcriptura teſtamenti condita eſt, & inſtrumenti ueteris donante domino reuelata myſteria. Quo nimirum non tantum iidem apoſtoli, ſed & omnes ſunt deſignati, qui prædicando uerbum pabulum uitæ fidelibus miniſtrant, quia omnes utique ipſam doctrinæ formam, quam apoſtoli a domino acceperunt, ſequuntur. Legimus autem de his panibus in Exodo, per ſingula ſabbata eos mutari debere, & novos pro ueteribus in menſa domini proponi, unius quoque menſuræ farine ſimile ſemper eos parari præceptoſ. De quibus omnibus myſticus de interna reſeſtione ſenſus luce clarior refulget: ablatis enim ueteribus noui reſtituuntur panes, cum aſſumptis de hac uita aliquibus doctorum fidelium alios loco eorum ſancta ordinat eccleſia, & hoc non niſi die ſabbati, quia quiſquis bonum certamen certauerit, curſum coſummauerit, fidem ſeruauerit, tempore ſuæ reſolutionis, requiem beate perſenſitatis intrabit. Vnius menſuræ & non diſpares ex ſimila ſemper ſiebant panes, quia nimirum una eademque forma ueritatis & fidelis, quam primo apoſtoli ſuis auditoribus oſtendebant: ac deinde ſucceſſores eorum, & omnes uſque ad ſinem ſæculi pii doctores eccleſiis Chriſti per orbem prædicare non deſiſtunt. Quod uero in Verbis dictum legimus, quia fecit Salomon menſas X, & poſuit eas in templo, V a dextris & V a ſiniſtris, phialas quoque aureas C: has menſas tã ad panes propoſitionis, quã ad uafa domini portanda, factas eſſe credibile eſt: phialas uidelicet quas pariter factas ſcriptura reſert, thymiſtaria, thuribula, mortariola, & cetera quæ in ſequentibus leguntur. nam quod paulo poſt in eodem uerborum uolumine ſubinfertur, Fecitque Salomon omnia uafa domus doſtitiui, & altare aureum, & menſas, & ſuper eas panes propoſitionis: uel plurali numero pro ſingulari poſuit, more ſcripturæ uſitatiſſimo; ut in Ieſu Nauel: Filii autem Iſrael præuariatũ ſunt mandata: de ana themate, cum Acham ſolus & non plures filii Iſrael hoc fecerint. Vel certe quia panes propoſitionis ſolebant ante ſabbatum coqui, ut in ſabbato mox poni potuiſſent in menſam propoſitionis, potuit fieri ut panes nouiter coſti, mox illis menſis imponerentur, ibidemque nocte illa ſeruauerunt operi, donec primo mane ablatis ueteribus ſuper menſam propoſitionis ponerentur calidi. Non autem hæc menſæ X a figura huius menſæ propoſitionis diſcrepant. nam ſicut una menſa X II panibus onuſta, unitatem totius ſcripturæ, & coördiam auctoritate apoſtolica unitam deſignat: ita non immerito X menſæ aureæ diuine legis & prophetarũ eloquia figurate denunciant, quæ uel reſeſtione nobis uerbi Dei, quaſi panes propoſitionis offerunt, uel in nobis exempla fidelium quaſi poſitorum in ſe uſaſorum domini claritatem & miracula proponunt. Recte autem bis quina ſunt menſæ, non ſolum quia legiſlator V uolumina ſcripſit: uerum etiam quia tota teſtamenti ueteris ſeries V ætates ſæculi complectitur. Geminatur uero numerus menſarum quinariuſ, & V a dextris & V a ſiniſtris ponuntur, cum poſt incarnationem dominicam eadem ſcriptura, ſiue utriusque Dei populo, ludæo ſcilicet & gentili cõmittitur, ſiue euãgelicis plena figuris oſtenditur, quæ quoniam dñi Dei populo antiquo iuxta litteram ſolam intelligenda putabatur, cum enim legentes in ſancta ſcriptura, uerbi gratia, Abel coronatum martyrio, Enoch tranſlatum de mundo, Noe pereunte mundo mirabiliter ſaluatum, hoſpitalitatem Loth exterminatis impiis ſublimiter remuneratũ, Abraham merito obedientie patris cuoſtarum gentium coſtitutum, Ioseph poſt uenditionem merito caſtitaris & innocentie exemplo ſublimatũ: hæc & huiusmodi innumera nobis exempla uitæ aſſumimus, quid niſi menſæ V aureæ, ſiue uafa domini, ſeu panes propoſitionis adhuc

De menſis decem. X X V

Iof. 7

Gen. 4

Gen. 13

manus

E Y

adhuc

adhuc in sinistris templi, diuina litteræ iuxta historicū sensum, ianuam nobis & eterni uiuendi æterna premia a domino speranda aperiantur: cum candem altius intelligentes uel dispensationem dominicæ incarnationis, uel alia quolibet sanctæ ecclesie sacramenta sonare uiderimus, quasi alias V mensas ad portanda uasa electionis & alimoniam uite spiritalis in dextris templi inuenimus: qui eadē ipsa uerba sanctæ historie noui omnino fulgorem nobis sapientiæ celestis, nouos aperire sensus de ueteribus agnoscimus, in qua profecto figura & candelabra sunt quina facta in templo, cum enim dixisset scriptura regem Salomonem fecisse mensam, in qua ponerentur panes propositionis, auream, adiunxit sequenter, & zir: Et candelabra aurea V ad dexterā, & V ad sinistram cōtra oraculum ex auro purissimo, & quæ si lilia flores, & lucernas desuper aureas. Sicut enim mensæ in typo sanctæ scripture recte ponuntur, quia & iustitiam esurientibus panem uerbi ministrant, & uasa ferunt ministerii celestis, idest iustorum nobis actus in exemplum ponunt: ita & aptissime per candelabra eadem diuina eloquia figurantur, uidelicet quia lucē sapientiæ errantibus proferunt, hinc etenim psalmista, Lucerna, inquit, pedibus meis, &c. Hinc etiam Salomon ait, Quia mandatum lucerna est, & lex, & lux. Quare autem V a dextris, & V a sinistris, cōuenienter addidit contra oraculum. Oraculum namque ubi erat arca, ut sæpe dictū est, aperte designat patriam celestē, ubi Christus est in dextera Dei sedens, paternorum utique cōscius arcanorum: & candelabra templi aurea cōtra oraculum sunt posita, cum diuina eloquia ad habitationem supernæ ciuitatis aspectant, ut huius agnitionem ac desiderium nostris cordibus infundant: & eos, qui originē carnis a terra habent, ad appetendam promerendamq. in celis perpetuam mansionem accendant. Sunt autem qui hoc quod de candelabris dicitur, V ad dexteram, & V ad sinistram, ita putant intelligendum, quod V fuerint a dextris illius candelabri quod fecit Moyses in deserto, & V a sinistris, utraque tamē ad meridiana plagam, in qua candelabrum unum quod fecit Moyses stare præceptum est: quod eodem ordine etiam de mensis X intelligant, quia omnes quidem ad septentrionalem plagam fuerint posite, sed V ad dexteram Moisaicæ illius mensæ, & V ad laeuam. Verum si cōsideres uerba sanctæ scripture, quibus dicitur, Et candelabra aurea V ad dexteram, & V ad sinistram cōtra oraculum. patet ni fallor, quod æque utraque V, oraculum respiciebant: utpote iuxta utroque latus templi in lōgum posita. nam si omnia candelabra ad australe latus templi in lōgum posita essent, non dicerentur cōtra oraculum posita, sed potius contra aquilonem, siue cōtra mensas; si etiam mensæ ibi stabāt: quod dictum est in Exodo de illo uno candelabro, quod absque ulla dubietate ad meridiem stabat: Posuit & candelabrum in tabernaculum testimonii eregione mensæ in parte australi. Itemq. in libro Numerorum, Cum posuerit VII lucernas cōtra eam partem, qua candelabrum lucem dabit. Ex utraque ergo parte tēpli candelabra ex utraque erant mensæ, quia scriptura diuina ad illustrationem ac refectionē utriusque Dei populo cōdita est, quæ nos in prosperis & aduersis, in tribuitus ac lætis euentibus reficere ne deficiamus, & ne cæci remaneamus, si lustrare cōsueuit. Vasa quoque misericordie sunt superposita: hoc est scriptura in se iustorum opera utrisque nobis, per quæ in actione iustitiæ & ipsi confortemur, proponit. Si autem queris quid inter candelabra & lucernas eorum typice distet, possimus recte intelligere, lucernas esse uiros sanctos, qui oleo sancti spiritus infusi, & ipsi igne diuisionis ardent in corde, & proximis lucem scientiæ proferunt linguæ. Candelabra autē quæ has lucernas in sublime tollūt, ut longe lateq. uideri possint in ecclesia, scripturam esse sacram, quæ sanctorum nobis uirtutes & exempla sua lectione demonstrant. Cui uidelicet interpretationi annuit sermo domini, quo dicitur de Ioanne, Ille erat lucerna ardens & lucens. Possimus etiā ita aptissime diuine quia

De decem candelabris.

XXVI

Psal. 118

Psalm. 6

Num. 8

Iom. 5

quia lucernæ diuina sunt eloquia, iuxta illud psalmistæ, quod & supra posuimus, Lucerna pedibus meis u. t. d. Candelabra autem lucernarum harum, sancti sunt omnes, qui sua corda, & corpora ferendis domini mandatis, humili semper intentione supponunt. Quisquis enim in nullo propriam sequi curat uoluntatem, sed in omnibus quæ scriptura sancta dicat, attendit, eiusque se se subiicere mandatis facit: quasi candelabrum domus Dei aureum, aureas eius gestat lucernas: quia casta corporis sui membra, castas mentis cogitationes, ad faciendam quæ Deus iubet, supponere cōtendit: & hoc tam fixa intentione, quā candelabrum necesse est firmiter ad superna erectū, impositas sibi lucernas non solū absque ruina, sed etiā absque ulla statui mutatione seruare. Cum uero dixisset, Et candelabra aurea Vad dexterā, & Vad sinistrā contra oraculum ex auro purissimo: addidit, Et quasi lilii flores & lucernas desuper aureas: uidetur iuxta litterā, quia suprema pars candelabrorum in modū sit lilii repandi formata: quod in candelabro tabernaculi factū esse legimus; cuius & stipes medius, & calami ex ipso procedentes cum scyphis & sphaerulis lilia scribuntur habuissent plurima. Flores autē lilii, ut saepe dictum est, amoenitatē semper uiuentis terræ uiuentium designant, de qua dicit beatus Petrus: Regeneratos nos a domino in spem uiuam, in hereditatē incorruptibilem & incontaminatā & immarcescibilem, conseruatā in cælis. Et bene lilii flores aurei in candelabro sunt facti domus Dei, quia scriptura diuina, spretis tēporalibus gaudiis, ad appetenda nos bona patriæ cælestis prouocare cōsuevit: & quo modo erectum in altitudine candelabrum lilii flores & lucernas habet aureas in capite, ita electi omnes qui in eadē scriptura sacra cōtinentur, erecto ad superna sensu, cælestia bona a domino quærissē & percepissē probātur. Fecitque forcipes aureos, hydrias quoque & fuscinulas, phialas, & mortariola & thuribula de auro purissimo. (Varia uasa quæ ad altitudinem libamina sunt facta, uariæ sunt distinctiones eloquii diuini pro dispari capacitate audiendi: non enim una eademque omnibus potest cōuenire doctrina, ac per hoc diuersis altaris uasa, uel diuersas fidelium personas, uel certe multifarias ipsorum actiones, sine cogitationes in famulatu sui cōditoris dispositas accipere debemus. Forcipes namque ad emendandū altaris ignē fieri debere credendū est. Vnde recte per eos sancti prædicatores designantur, qui ignē in nobis caritatis, quasi in altari Dei accendere suis exhortationibus solent. Namque hi uelut gemino dente forcipis ad hunc ignem accendendum titiones in altare cōponunt, quando cōsonis utriusque testamenti nos paginis instruit, & eloquia ueritatis in nostrō corde, quibus amplius ad aternorum desideria inflāmemur, collocāt. Fuscinule, quæ Græce uocantur *απιδύπαι*, ad hoc in ministerio altaris habebantur, ut carnes uictimæ per eas de caldariis coctæ proferrentur, atque ad esum eorum qui his erant reficiendi afferretur: quarū usus æque sanctis prædicatoribus figurate congruit quorū ministeriū est animas fidelium uerbo dei reficere, & iuxta regulā apostolicæ discretionis rudibus adhuc discipulis rationabile & sine dolo lac doctrinæ simplicis adhibere: perfectioribus autē solidum cibum doctrinæ sublimioris ministrare. quicūque enim sacramenta Christi ad eius imitationem suscipere norunt, hi quasi carnis hostiæ salutaris refecti satiantur, quia doctorum est spiritualium, quæ cuique personæ mysteria audienda cōmittant, solertissime discernere, recte fuscinulas intulit Salomon sacerdotibus in domo domini, quibus carnes hostiarum, prout oportuerit, cōponant: & alia quidem hominibus, sed mundis edenda offerant; alia uero altaris ignibus consumenda relinquunt: quia sunt in uerbis Dei nonnulla quæ nostræ humilitati reuelare, ac epulas nostræ refectiōni concedere dignatus est. Sunt item alia tantæ profunditatis, quæ sancti spiritus solummodo scientiæ pateant, nostræ uero capacitatis per omnia mensuram transcendant. quid enim per phialas, nisi mensura prædicationis accipitur,

- pitur, qua oportet ut exhortationis gratia singulis iuxta capacitatem ingenii conferratur. debet enim hic subtiliter qui docet perspicere, ne plus studeat, quam ab audiente, capitur prædicare, debet ad infirmitatem audientium semet ipsum contrahendo condescendere, ne dum paruis sublimia, & iccirco non pro futura loquitur, se magis curet ostendere, quàm auditoribus prodesse. Diximus plenius de mensa & candelabro, & utroque altari, ac vasibus domus domini, in libris quos de fabrica tabernaculi & habitu sacerdotali scripsimus. Si quis ergo capacitatem nostri sensus ex patrum traditione progenitam, de his scire desiderat, in opere illo requirat Sequitur, Et cardines ostiorum domus interioris sancti sanctorum, & ostiorum domus templi ex auro erant. Si ostia domus interioris sancti sanctorum, angelica sunt ministeria, quæ nobis de corpore egressis introitum uitæ celestis referant, & ostia domus templi doctores sunt sancti, ac sacerdotes, qui instruendo, baptizando, dominici corporis & sanguinis mysteria communicando, prima nobis ecclesiæ præsentis limina pandunt: quid cardines utrorumque ostiorum, nisi sensus & corda sunt eorundem angelorum, siue sanctorum, quibus immobiliter conplexationi ac dilectioni sui conditoris adherent: ut eo ministerium diuinitus sibi delegatum recte compleant, quia uoluntati illius cum ministrant, numquam oculos auertunt, aperiuntur enim & clauduntur ostia, tempore congruo, sed numquam cardinem templi deserunt: quia & angeli & homines sancti siue in hanc uitam fidei, siue in illam speciei fideles atque electos suscipiant, semper animum in radice dilectionis fixum tenent. Vnde bene idem cardines ex auro esse facti perhibentur, propter uidelicet meritum propriæ claritatis, uel illius quam habent in Deum caritatis. Et perfecit omne opus quod faciebat Salomon in domo domini. Cum rex pacificus noster in die nouissimo omnes electos resurrectionis immortalitate glorificat. Alioquin quamdiu status huius sæculi geritur, facit quidem opus domus domini Salomon, sed nondum perfecit: quia corda electorum dominus ut bona operentur, inspirat & adiuuat, nullum tamen in hac uita duntaxat cômémorantem absque peccato esse tribuit, namque hoc donum futuræ uitæ beatitudini re seruat. Perfecit uero omne opus templi sui, & hoc dedicationi aptum reddit, cum
- translatos de hac uita electos suos æternum perducit ad regnum. Quod bene significatur in eo quod templum VII annis ædificatum est, VIII autem perfectum ac dedicatum est. Septem namque diebus omne hoc opus uoluitur, VIII est dies iudicii & resurrectionis futuræ, de quo psal. VI & XI articuli sunt. Cui uidelicet temporari conuenit apte quod sequitur. Et intulit quæ sanctificauerat David pater eius argentum & aurum, & uasa reposuit in thesauris domus domini. Argentum namque ad nitorem eloquentiæ, aurum ad splendorem sapiëntiæ, uasa generaliter ad rationabilem pertinent creaturam. Sanctificatq. David pater Salomonis argentum, cum Deus pater eloquentes quosque gratia sancti spiritus ad loquendum uerbum euangelii confortat: sanctificat aurum, cum naturali ingenio præditos, suos repletens spiritu ad consideranda in lege sua mirabilia, illuminat. Sanctificat & uasa, cum omnibus generaliter ecclesiæ filiis eiusdem spiritus gratia largitur, & illos ad appetenda dona perpetuæ salutis infirmat. Hoc autem argentum, hoc aurum, hæc sanctificata uasa Salomon infert in templum, cum dominus noster peracto uniuersali iudicio, omnes electos, & doctorum uidelicet, & ceterorum fidelium cœtum in gaudium regni celestis introducit. Reponitq. uasa diuersi generis argentea siue aurea in thesauris domus domini, quâdo eos qui multitudine dulcedinis eius frui meruerint, abscondit in abditio uultus sui a conurbatione hominum. Apte multi sunt thesauri, in quibus uasa electionis recondantur: sed una domus domini, in qua iudæ sunt facti thesauri: quia & una est ecclesiæ, in qua omnes continentur electi, quantilibet

De cardinibus

XXVII

Iom. 14

De arca in ora-
culum illa q.
XXVII

1 Paralip. 11

De tabulis la-
pideis arca in-
clusis. XXIX

Hebr. 9

quantislibet meritis distent: & una, ac non diuersa est patria illa celestis, quæ promittitur omnibus: quamuis sicut stella a stella differt in claritate, ita & resurrectio mortuorum: quod utrumque iudex ipse, ac distributor præmiorum dominus, una sententia demonstrauit, cum ait, In domo patris mei multe sunt mansiones. Vnam ergo domum domini fecit Salomon, sed multos in ea thesauros ad recipienda uasa diuersi generis, una tamen benedictione sanctificata parauit: quia nimirum una est domus patris, non manufacta, æterna in cælis, sed multe in ea mansiones, ad recipiendos omnes timentes se ac diligentes: dominus benedicet pusillos cum maioribus. Veneruntq. cuncti senes ex Israel ad regem Salomonem in Hierusalem, ut deferrent arcam foederis domini de ciuitate Dauid, idest, de Sion, & tulerunt sacerdotes arcam foederis domini, intuleruntq. eam in locum suum in oraculum templi, in sanctum sanctorum, subter alas Cherubin: siquidem Cherubin expandebat alas super locum arcæ, protegebantq. arcam & uestes eius desuper. Cumq. emerent uestes, apparerentq. summitates eorum foris sanctuarium ante oraculum, non apparebant ultra extrinsecus. Qui & fuerunt ibi usque in præsentem diem.) Hoc manifestius in Paralipomenon uolumine scribitur. Vestium, inquit, quibus portabant arcam, quia paululum longiores erant, capita parebant ante oraculum: si uero quis paululum fuisset foris, eos videre non poterat. Vbi notandum quia & si capita uestium antecedentibus. porius ac diligentius intuentibus parebant ante oraculum, non tamen fieri poterat ut ipsa eorum capita ante oraculum emerent: quia nimirum necesse erat, ut clauso oraculo & appenso ante ostia uelo, ipsi quoque uestes toti cum arca & Cherubin abderentur interius: quod fieri non poterat, si prominentes ulterius uestes, producendis ad claudendum ostiis locum non darent: quorum positionem uestium scriptura non sine causa, sed magis intuitu sacramenti tam diligenter expedite curauit. constat enim quia domus templi exterior peregrinantem in terris ecclesiam, sancta autem sanctorum internam supernæ patriæ felicitatem designant. Item illata in sancta sanctorum arca, assumptam Christi humanitatem, & intro uelum regni celestis inductam: uestes uero quibus eadem arca portabatur, prædicatores uerbi quos ipse mundo innotuit, typice denunciant. apparebant enim summitates uestium foris ante oraculum, non semper, sed cum ostia eiusdē oraculi aperiri cōtingeret: neque hæc omnibus, sed eis solummodo, qui propius accedentes, attentius ea, quæ intrus erant, satagebāt intueri. Ipsa autē arca qualis & quō modo esset posita, solis eis qui oraculum intrassent, uidere licebat: quia nullus sanctorum in hac uita positus, tamen multū se in altitudine mentis attollens, sed soli illius patriæ ciues gloriam inibi sui redemptoris plane contuentur. Sunt & uestes cum arca in oraculo reconditi, quia absconditi sunt etiam nunc perfecti quique electi, qui nos præcesserunt de mundo, in abdito uultus Dei a cōturbatione hominum. Quorum tamen summitates uestium non numquam aperto oraculo his qui appropiant uisuntur, cum perfectioribus quibusque, atque oculum sui cordis tota intentione purificatibus, diuina gratia aliquid extremū de supernorum ciuium gaudio contemplandum donauerit: quæ nimirum contemplatio his, qui paulo longius recesserint, minime conceditur: quia quanto exterius mente uaga remanet, tanto minus quæ sint interna gaudia uidet. Deinde sequitur, In arca autem non est aliud nisi dux tabulæ lapideæ, quas posuerat in ea Moyses in Oreb, quando pepigit foedus dominus cū filiis Israel, cum egredierentur de terra Aegypti.) Quæri potest quo modo dicat hic, quod in arca non esset aliud nisi dux tabulæ testimonii, cum apostolus Paulus, magister gentium in fide & ueritate, Hebræis, idest filiis Israel scribat, dicens, Tabernaculum enim factum est primum, in quo erat urna aurea habens manna, & uirga Aaron quæ fronderat, & ta-

- bulæ testamenti. Ecce teste apostolo didicimus, quod & ista ibidem fuerint, Non enim ausus est aliud eis scribere, nisi quod certum tenebant illi omnia hæc in ipsa arca fuisse: sed non plenius apparet, quando in tromissa ibidem sint, excepto quod in libro Numeri scriptum est, Protulit Moyses omnes uirgas de conspectu domini ad cunctos filios Israel, uideruntq. & receperunt singuli uirgas suas. Dixitq. dominus ad Moysen, Refer uirgam: Aaron in tabernaculum testimonii, ut seruetur ibi in signum rebellium filiorum Israel, & quiescant querelæ eorum a me, ne moriantur. Denique & de manna in Exodo ita scriptum est, Dixitq. Moyses ad Aaron, Sume uas nnum, & mitte ibi man, quantum potest capere gomor, & repono coram domino, ad seruandum in generationes nestras, sicut præcepit dominus Moysi. Posuitq. illud Aaron in tabernaculo ad referuandum. Erat autem in arca urna aurea, habens manna: quia in homine Christo habitat omnis plenitudo diuinitatis corporaliter. Erat uirga Aaron, quæ excisa denuo floruerat: quia potestas omnis iudicandi penes eum est, cuius iudicium in humilitate passionis uidebatur esse sublatum. Erant & tabulæ testamenti, quia in illo sunt omnes thesauri sapientiæ absconditi. Adhærebant ei nequæ quibus portabatur, quia doctores qui quondam laborabant in uerbo Christi, nunc præsentii uisione gaudent gloriæ Christi, quod enim unus eorundem dixit, Capio distolas & esse cum Christo: de omnibus utique sui operis consortibus intelligendum reliquit. Factum est autem
- 20 tem cum existent sacerdotes de sanctuario, nebula impleuit domum domini, & non poterant sacerdotes stare propter nebulam. Impleuerat enim gloria domini domum domini. Gloria domini intelligitur Christus, cuius fide impletus est uniuersus mundus, de qua gloria cum pro adorato uitulo dominum precaretur Moyses, ut parceret populo peccatori, respondit dominus, Propitius ero illis, uerum tamen uiuo ego & uiuit nomen meum, quia implebitur gloria mea omnis terra. Et septuagesimus primus psalmus canit, implebitur gloria eius omnis terra. Vnde & angeli clamabant pastoribus, Gloria in excelsis Deo, & in terra pax hominibus bonæ uoluntatis. Quod autem nebula impleuit domum Dei, & non poterant sacerdotes ministrare propter nebulam: hæc sententia superbos iudeorum pœtices ac doctores insinuat, qui dum natiuitatis Christi sacramenta inuestigare despiciunt, de bitum fidei suæ ministerium per erroris nebulam perdidierunt. ita enim eorum mentes infidelitatis caligo repleuit, ut exigentibus propriis meritis, non agnoscant cultum credulitatis. Post perfectum omne opus domini, & longâ orationem. Salomoni & diuina ad eum oracula facta, inter cetera refert scriptura, quod classem nauium fecerit rex Salomon in Asion Gaber. Asion Gaber portus est maris rubri, & fuit tricesima prima mansio filiorum Israel, quando profecti sunt de Aegypto, ipso etiâ post loco classis Iosaphat, ut scriptura testatur, uir tempestatis attrita est. Classes sunt nauigia maris, classis etiam dicta nauium multitudo. Post hæc iterum refert scriptura, quod uenerint serui Hiram cum seruis Salomonis in eisdem nauibus in Ophir, sumptumq. inde aurum quadringentorum uiginti talentorum, detulerunt ad regem Salomonem in Hierusalem. Ophir unde, sicut iam diximus, aurum efferebatur Salomoni, fuit unus de posteris Heber nomine Ophir: ex cuius stirpe uenientes a fluuio Copbene usque ad regionem Indiz, quæ uocatur Hiera, eos habitasse refert Iosephus, a quo & regio ipsa tale uocabulum est consecuta. Vnde & Septuaginta interpretes, deriuato uocabulo, non Ophir, sed Opbiram transfulerunt. Sed & regina Saba audita fama Salomonis, in nomine domini uenit tentare eum in ænigmatibus. Sicut enim hæc regina uenita sinibus terræ, id est India, ut quidam dicunt, audire sapientiam Salomonis: ita uenit ecclesia post multa sæcula ad redemptorem & eruditorem suum, ut post stultitiam erroris, doctrinam perciperet

Num. 17

De nebula in
tēplo. XXXPsal. 71
Luca 3De classe Salo
monis.

XXXI

De regina Sa
ba. XXXII

ideſt, Viſionem pacis, & ingreſſa fuerit beatā requiem & gloriā celeſtium promiſſo-
rum, multo plura & magnificentiora perſpiciet, quam ei ſunt in hac uita per ſacra
eloquia, per prophetas atque apoſtolos nunciata: nunc enim tamquā in ſpeculo,
& in enigmate, tunc autē oculis uidebit, ideſt, facie ad faciem: cum inquam una
quæque anima fidelis, & ſancta in illo ſæculo plena bonorū operū fructibus, diuinis
fuerit præſentata cōſpectibus, exhibens in ſe, immo ſe iplam xenium Deo ſuo pro
ferens, digna cælo & ualitura cælum multiplicia munera, gemmas miſericordiæ,
iuſtitie margaritas, diuerſorū ornamenta meritorū, ideſt, aromata cōpunctionis,
& ſuauolentis balfama caſtitaſis, præterens, ſicut dixi, aurum infinitum nimis, id
eſt, integrum in ſe reconfignans pio inæſtimabile pretium redemptori, ſpiritibus
10 cordis & corporis oblationibus placitura, ut poſſit celeſtium mirabilibus inſerta,
uocem prophetice exultationis aſſumere, Introibo in domum tuā cum holocau-
ſtis: tunc beatā & illuſtris anima inter ſtupendas remuneratoris ſui conſtituta diui-
tias, ineffabilibus reginæ huius uerbis uti ad Deum poterit, dicens: Verus eſt ſer-
mo, quem audiui in terra mea ſuper ſermonibus tuis, maiora ſunt opera tua quam
rumor quē audiui. Hoc eſt dicere. O domine de tribulationibus meis magna quid-
em ſperare præſumpſi, ſed maiorem percepi ueniā maniſeſtam quam cerno, dul-
cedinis magnitudine cogitationis meæ ſenſum exuperat remunerationis præmiū,
Et reuera id quod parat Deus diligentibus ſe, fide non cōprehenditur, ſpe non at-
tingitur, caritate non capitur, deſideria & uota tranſgreditur, acquiri poteſt, aſti-
20 mari nō poteſt. Videbit homo merita ſua inſuſpicabili retributionū largitate ſuccre-
ſcere, habebit de perceptione fructum, nō habebit de ſatietaſe falſidum. Fecit
etiam rex Salomon thronum de ebore grandē, & ueſtiuit eum auro fuluo nimis,
qui habebat VI gradus, & ſummitas throni rotunda erat in parte poſteriori) Thro-
nus eburneus æterni iudicii poteſtatē, auro diuinitatis fulgentem, quam domini-
cus homo a patre accepit, figuram geſtaſſe nō dubium eſt. Sex gradus huius thro-
ni omnem creaturam uiſibilem & inuiſibilem, quæ ſex diebus facta eſt, & Chriſto
domino a patre ſubiecta, typice demonſtrabant. Quod autem ipſe tronus in poſte-
riore ſui parte rotundus eſſe deſcribitur, hoc proculdubio datur intelligi, quia præ
30 ſens mundus qui per metas temporum uoluitur, in ſua extremitate a domino ſit
iudicandus. At uero XII leuiculi per VI gradus bini ſtanſes, ſanctorū apoſtolorū
liniabant poteſtatem, quibus dictū eſt a domino: Sedebitis ſuper XII thronos iudi-
cantes XII tribus Iſrael. Poſt aliquanta iterum reſert ſcriptura, quod fecit Salo-
mon, quod tanta eſſet abundantia argenti in Hieruſalem, quanta lapidum) Hæc lo-
cutio tropica nō propria eſt. Tale eſt hoc quale in Geneſi legimus, ubi dixit Deus
ad Abraham, Faciam ſemen tuum quaſi puluerem terræ, quod ea locutione dictū
eſt, quā Græci uocant hyperbole, quæ utique tropica nō propria eſt, quo tamen
modo ut ceteris tropis uti ſolere ſcripturam, nullus qui eā didicit ambigit. Iſte au-
tem tropus, ideſt, modus locutionis ſit, quando id, quod dicitur, longe eſt minus
40 quam quod eo dicto ſignificatur. quis enim non uideat quam erat incōparabiliter
amplior lapidum numerus quam argenti pondus in ciuitate Hieruſalem. Rex au-
tem Salomon amauit mulieres alienigenas multas, filiā quoque Pharaonis & Moa-
bitidas, & Amaniſidas, Idumæas, & Sidonias, & Cethæas de gentibus, ſuper quibus
dixit dominus filiis Iſrael, Non ingrediamini ad eas, neque de illis ingredientur ad
uos. certiſſime enim auerterent corda ueſtra, ut ſequamini Deos earum. his ita-
que copulatus eſt Salomon ardentiffimo amore, fueruntq. ei uxores quaſi reginæ
ſeptingentæ & cōcubinæ CCC, & auerterunt mulieres cor eius) Admonendi ſunt
quibus hoc ſæculum proſperatur, qui nullis aduerſitatibus huius mundi feriuntur,
quod Salomon poſt acceptam ſapientiam uſque ad idololatriam cecidiſſe deſcribi

Pſal. 56

De throno Sa-
lomonis, &
auro copia.
XXXIII

Luca 22

Gen. 13

De caſu Salo-
monis,
XXXIII

cur, quia nihil in hoc mundo, priusquam caderet, aduersitatis habuisse memoratur: sed concessa sapientia eum funditus deseruit, eo quod eum nulla saltem minima tribulationis disciplina custodiuit, nisi postquam Deum deseruit, & se a Deo desertum esse cognouit. Iam uero de ceteris operibus eius quæ dicit, eum uehementer arguit scriptura sancta atque cõdemnat, & nihil de pœnitentia eius uel in eum indulgentia Dei omnino cõmemorat, nec prorsus occurrit quid posteriora eius male gesta, quid saltem in allegoria boni aliquid significet hæc stenda eius submersio, nisi forte quis dicat mulieres alienigenas, quarum amore deceptus est, significasse electas ecclesias de gentibus. posset enim fortasse hoc non absurde intelligi, si illæ propter Salomonem desererent Deos suos, & colerent Deum eius. cum uero ipse propter illas offendit Deum suum, & coluit Deos earum, nõ est quid inde boni conici possit, nec tamen nihil arbitrandum est boni aliquid significare potuisse, sed malum. apparet enim in persona huius Salomonis mira excellentia, & subuersio terribilis. Quod igitur in illo diuersis temporibus extitit prius bonum & posterius malum, hoc in ecclesia in isto adhuc sæculo simul & uno tempore ostenditur. nam bono illius bonos ecclesiæ, malo autem illius malos ecclesiæ significatos puto, tamquam in unitate areæ, sic in illo uno homine, bonos in granis, malos in paleis: aut certe in unitate unius segetis, bonos in tritico, malos in zizania. Factum est igitur in tempore illo, ut Ieroboam egrederetur Hierusalem, & inueniret eum Ahias Selonites propheta in uia, opertus pallio nouo. Erant autem duo tantum in agro. 20 Apprehendensq. Ahias pallium suum nouum, quo opertus erat, scidit in XII partes, & ait ad Ieroboam. Tolle tibi X scissuras. hæc enim dicit dominus Deus Israel. Ecce ego scindam regnũ de manu Salomonis, & dabo tibi X tribus: perito autem tribus remanebit ei propter seruum meũ Dauid, & alia tribus propter Hierusalẽ quã elegi ex omnibus tribubus Israel. Illud uero quod post mortẽ Salomonis X tribus a templo separatæ sunt, & duæ reliquæ, satis indicat, quod de tota ipsa gente apostolos ait: Reliquæ per electionẽ salutis factæ sunt. Quod uero unitas pallii prophetæ in XII partes scissa est, ex quibus scissuris Ieroboam X accepit, hoc figurasse uidetur, quod cõcordia ecclesiæ ab hæreticis conscissa, ipsi magistri erroris, a quibus unitas diuisa est, plebẽ deceptã quam suo errore a catholicis diuidunt, tyrannice sibi subditam detinent. Post multa alia refert scriptura, & dicit. Reliqua autem uerborum Salomonis, & omnia quæ fecit, & sapientia eius, ecce uniuersa scripta sunt in libro uerborum Salomonis. In libro uero Paralipomenon, quem græco uocabulo taliter nuncupamus, quem nos latine Præteritorum possumus dicere, ita de Salomone scriptum est. Reliqua uero operum Salomonis primorum & nouissimorum scripta sunt in uerbis Nathan prophetæ, & in libris Achiz Selonitis, in uisione quoque Addo uidentis cõtra Ieroboam. Hos libros hodie nusquam, neque apud ipsos Hebræos inueniri posse asseuerant, sicut nec librum Bellerum domini, cuius in libro Numerorum mentio est, neque librum Iustorum, neque carmina Salomonis, neque disputationes eius sapientissimas, de lignorum natura herbarumq. 40 omnium, itemq. iumentorum, uolucrum, reptilium, & piscium: uel quod iam ex libro Dierum protulimus, ubi dicit: Reliqua uero opera Salomonis priorum & nouissimorum scripta sunt in uerbis Nathan prophetæ, & in libris Achiz Selonitis, in uisione quoque Addo uidentis contra Ieroboam filium Nabath: & multa huiusmodi uolumina, quæ scriptura quidem probat, sed hodie constat non esse. uasta namque a Chaldæis Iudæa, etiam bibliotheca antiquitus congregata inter alias provinciarum opes hostili igne consumpta est, ex qua pauci qui nunc in sancta scriptura continentur libri, postmodum Eldræ pontificis, & prophetæ sunt industria restaurati.

D. EVCHERII,
LVGDVNENSIS EPISCOPI,
COMMENTARIOVM IN LIBROS
Regum, ad Verannium & Salonium
fratres, episcopos,
LIBER QVARTVS.



POST diuisionem regni Israel inter Roboam & Ieroboam, postquam recessit Israel a domo David, sequitur scriptura & dicit. Factum est autem cum audisset omnis Israel, quod reuersus esset Ieroboam, miserunt & uocauerunt eum, congregatoq. coetu constituerunt eum regē super Israel. Non est itaque dubitandum uoluntati Dei, qui in celo & in terra omnia, quacūque uoluit, fecit, & qui etiam illa, quæ futura sunt, fecit, humanas uoluntates non posse resistere, quo minus faciat ipse quod uult, quandoquidem etiā de ipsius hominum uoluntatibus, quod uult, & cum uult facit: nisi forte, ut ex multis ista de Ieroboam sufficiant, quando Deus uoluit ei propter peccatum Salomonis regnum dare, sic erat in potestate Israelitarum subdere se memorato regi, siue non subdere, quod utrique in eorum positum erat uoluntate, ut etiam Deo ualerent resistere: qui tamen hoc nisi per ipsorum hominum uoluntates facere noluit, sine dubio habens humanorum, quo placeret, animorum inclinandorum potestatem. Sic ergo cum uoluerit reges in terra Deus constituere, magis habet in potestate uoluntates hominum, quam ipsi suas uoluntates. Deinde refert scriptura, quod uenit propheta de Iuda in Bethel, ad Ieroboam regem sacrilegum, obiurgare eum propter sacrilegia idolorum, quæ fecerat, unde avertit filios Israel a domino Deo patrum suorum: iussusq. est ibi non manducare neque bibere: qui pro eo quod deceptus est a pseudopropheta, & inobediens fuit uerbo domini, a leone in uia interemptus est. Equidem homo cuiuslibet sit meriti, si conditoris sui protectione deferatur, quæ nimirum protectio minus necessaria creditur, si semper habeatur, sed utiliter plerumque subtrahitur, ut sibi met ipsi homo, quia sine illa nihil sit ostendatur. Manus ergo domini aliquando nos nobis per aduersa insinuat, quæ etiam nescientes nos in prosperis portat: qua destituti dū cadere incipimus, & tamen adiuti retinemur, & doctrina sit quod in lapsu trepidauimus, & custodia quod in statu permaneamus.

Nemo ergo se alicuius uirtutis æstimet, etiam cum quid fortiter poterit, quia si diuina protectio deserat, ibi repente eneruiter obruitur, ubi se ualenter stare gloriatur. quid est enim quod uir Dei contra altare Samarizæ ad prophetandum directus, præsentē regē auditoriatem libere uocis exercuit, eiusdemq. regis extensum brachiū in rigorem mirabiliter astrinxit, quod tamen mox misericorditer saluti restituit, cuius in domū inuitatus comedere noluit, quia, ne in uia comederet, prohibitionis dominicæ præcepta seruauit, qui tamen in eadē uia & seductus comedit, & passus interiit. Qua in re quid subtili cōsideratione colligimus, quid ut ita dixerim formidandū suspicamur, nisi quod forsitan apud semetipsum tacitus, & pro præceptis dominicis regē se contempsisse gloriatus, ab interna mox soliditate quassatus

*De propheta a
pseudoprophe
ta decepto. I*

est, & inde ei in opere culpa subripuit, unde gloria in corde subrepsit: unde propheta falsis verbis deceptus disceret, quia nequaquam propriæ fortitudinis fuerit, quod ad regis verba restitisset. Bene autem ex eius ore mortis sententiâ accepit, cuius seductione uitæ præcepto deuiauit, ut inde poenam ueraciter assumeret, unde culpâ negligenter admisisset. Sequitur, Hæc dicit dominus. Quia inobediens fuisti ori domini, & nō custodisti mandatum, quod præcepit tibi dominus Deus tuus, & reuersus es, & comedisti panem, & bibisti aquam in loco, in quo præcepi tibi ne comederes panem, neque biberes aquam, non inferretur cadaver tuum in sepulcro patrum tuorum. & reliqua.) Quamti hæc poena pendenda sit, ut secundum euangelium cogitemus, ubi post corpus occisum, nihil metuendum esse didicimus, ne membra exanimata pariantur, nec poena dicenda est. Si autem humanum erga suam carnem consideremus affectû, potuit inde terri uel contristari uiuus, quod sensurus non erat mortuus: & hæc erat poena, quoniam dolebat animus id de suo corpore futurum, quamuis cum fieret non doletet. hæc enim uoluit dominus seruum suum plectere, qui non sua contumacia spreuerat præceptum implere, sed aliena decipiente fallacia obedire se credidit, quando non obediuit. neque enim putandum est, ita fuisse interemptum morsu bestię, ut ad supplicium tartareum eius deinde anima raperetur, quandoquidem ipsum eius corpus idem leo, qui occiderat, custodiuit, iumento etiam, quo uehebatur, illaso, & simul cum illa immani fera intrepida præsentia ad domini sui funus astante: quo mirabili signo apparet hominem Dei coercitum potius temporaliter usque ad mortem, quam puniunt esse post mortem. De qua re apostolus cum propter quorundam offensas commemorasset infirmitates quoque multorum: Si enim, inquit, uos ipsos iudicemus, a Domino non iudicamur, cum iudicamur autem a domino, corripi-mur, ne cum hoc mundo damnemur. Eum sane ipse qui deceperat, in monumento proprio satis honorifice sepeliuit, seq. sepeliendum iuxta eius ossa curauit: ita sperans parci posse ossibus suis cum ueniret tempus, quando secundum illius hominis Dei prophetiam, Iosias rex Iuda in illa terra multorum eruit ossa mortuorum, eisdemq. ossibus tum sacrilega altaria, quæ sculptilibus constituta fuerant, funestauit: pepercit quippe illi monumento, ubi iacebat propheta, qui ante annos 30 amplius quam C C G ipsa prædixerat, & propter ipsum nec illius qui eum seduxerat, sepultura uiolata est. Affectu namque illo quo nemo umquam carnem suam odio habet, prouiderat cadaueri suo qui occiderat mendacio animam suam. ex hoc igitur quod quisque carnem suam naturaliter diligit, & illi poena fuit addiscere, non cum futurum in sepulcro patrum suorum: & huic cura prospice-re, ut parceretur ossibus suis, si iuxta eum iaceret, cuius sepulcrum nemo uiolaret. Hunc affectum Christi martyres certantes pro ueritate uicere: nec mirum quod contempserunt quod non fuerant peracta morte sensuri, qui non potuerunt eis, quos uiuentes sentiebant, cruciatibus uinci. poterat utique Deus, qui leonem prophete corpus, quod ipse occiderat, ulterius non permisit attingere, & fecit de peremptore custodem: poterat, inquam, a suorum interfectis corporibus canes quibus fuerant proiecta prohibere: poterat & ipsorum hominum innumerabilibus modis terrore fruitiam, ne cadauera incendere, nec in aera dispergere auderent: sed hoc quoque experimentum multiplici uarietati temptationum deesse non debuit, ne fortitudo confessionis, quæ immanitati persecutionis pro corporis salute non cederet, sepulcri honore trepidaret, postremo ne fides resurrectionis consumptionem corporum formidaret. Debuerunt ergo & ista permitti, ut etiam post hæc tanti horroris exempla martyres in Christi confessione feruentes, & huius quoque testes fierent ueritatis, in qua didicerant

eos, a quibus sua corpora interficerentur, postea nihil habere quod facerent, quam quidquid mortuis corporibus facerent, utique nihil facerent, quando in carne omni uita carente, nec aliquid sentire posset qui inde migravit, nec aliquid inde perdere qui creauit. Prætermissa multa libri Regum historia ad Achab scelerosissimi regis & sacrilegæ uxoris eius Iezabel tempora cursim tendimus, ut de uirtutibus sanctorum prophetarum Heliz atque Heliæ saltem tenuiter aliquid differamus. Interea refert scriptura quod Achab filius Zambri, mortuo patre, super Israël regnauerit in Samaria uiginti & duobus annis, feceritq. malum in conspectu domini super omnes qui fuerunt ante eum: nec satis fuit ei, ut ambularet in peccatis Ieroboam filii Nabath, insuper duxit uxorem filiam Etabahel regis Sidoniorum, abiitq. & seruiuit Baal in templo, quod ædificauerat in Samaria, & plantauit illic lucum, & addidit Achab in opere suo irritare dominum Deum Israël super omnes reges Israël, qui fuerunt ante eum. Lucus locus est siluestris spissus, dictus ab eo quod parum luceat, multis uestitus arboribus, locus amœnus, ubi multe arbores sunt: dictus lucus per antiphrasim, quia caret luce præ nimia nemorum umbra, densis arboribus septus, Solis lucem declinans. Potest & a colluendo crebris luminibus dici, quæ ibi propter religionem gentilium cultumq. fiebant. Solebant autem pagani in lucis demones consulere, & responsa ab illis non signis, sed uocibus accipiebant, unde & a fando fana sunt appellati. cum enim in diebus Heliz scisso iam in duas partes populo Iudzorum, Achab per successionem regni Israelitarum apicem obtineret, Iezabel externæ feminæ gentis & prophætiæ mentis duxit uxorem, cuius cura & instantia idolorum profecerat cultus, ut ad sacrilegum ritum rex pariter traduceretur & populus. Grassabatur in iniuriam Dei diabolus antiquæ artifex tyrannidis, multumq. Dei religionem destruere satagens: grassabatur in corde mulieris, cuius instinctu diuina lex & eius sacerdotium spernebatur, occidebantur prophetæ, & altaria tollebantur: stupebant omnia, & tantum commissum facinus perhorrebant: mundum dico in omnibus ta bescentem, quod membris speciebusq. suis nomen creatoris ascriberet error humanus. Sed quis forte ut tibi probetur, utrū peccantibus hominibus metuant elementa. Audi Hieremiam magnificum prophetarum, diuino ore clamantem. *Hier. 3*

Expauit, inquit, cælum in istum, & terra commota est, quia duo mala fecit populus meus: me dereliquerunt fontem aquæ uiuæ, & foderunt sibi lacus contritos, qui non possunt aquam continere. Turbata ergo erant elementa, turbata non officio sed affectu, quod unicum, ut dixi, nomen deitatis hominum eis error imponeret, simulatumq. debitum conditori cæca deuotione præberet. Erat hic Helias medius in tanto discrimine animarum, erat medius in ipso mundi naufragio: quod non aquarum inundatio, sed pœnalis & cæca diaboli æmulatio inuexerat orbiterrarum, solus enim hic, latentibus ceteris, uelut lucerna ardens offerebat se his, quos uidebat profundæ noctis merfos caligine, nunc monendo, nunc arguendo, nunc curando, nunc etiam comminando: sed nec lumen cæco, nec surdo prodest inferri sermonem. Crescebat in dies singulos error insauus, & omnem creaturam mortis umbra contexerat, ad omnem formam, omnemq. speciem inclinabatur miserum hominum genus. quid enim de Sole, Luna ac stellis, de terra ac mari, principalibus dicam & clarissimis elementis? cunctis animantibus, uolatilibus, quadrupedibus, & reptilibus, multis quoque & uermibus æterni & singularis Dei prosternebarur imago. Quemadmodum igitur ferret illa mens tota pietatis & fidei, Heliz dico prophetæ, & tantam ruinam: tantamq. perniciem animarum? iacebat populi illius corpus regio morbo confectum, & uelut exanime iam & sine sensu discerptis membris, &

- aitur pietate : non respicit ad ipsa iura naturæ, non paruulum sub sicco ubere matris exhalantem : senum ac luuenum profunda inedia nece defessa, non iam corpora sed cadauera, turbido præterit uultu : non exoranti colono, non supplicanti responderet agricola, sed crudelior feris, & belluis effectus immanior, omne humanum despicit genus. Et factum est uerbum domini ad Heliam dicens : Recede hinc, & uade contra orientem, & abscondere in torrente Charith, qui est contra Iordanem, & ibi de torrente bibes, coruisq. præcepi, ut pascant te ibi. Abiit ergo & fecit iuxta uerbum domini. Corui quoque deferebant ei panes & carnes mane, similiter panes & carnes uespere, & bibit de torrente, Post dies autem siccat⁹ est torrens, non enim pluerat super terram Helias igitur recte Dei filio assumptus est, cui & auctoritas & nomen ueridice cõgruit. Helias enim Deus meus interpretatur, quod nomen substantialiter Dei filio inest, auctoritatẽ uidelicet sibi faciendi, quod uelit, originaliter uindicans, quoniam omnia quæ sunt patris, sua quoque testatus esse. Tespites autem, Captiuans siue Cõuertens interpretatur. De domino enim psalmista ait, Ascendens in altum, captiuam duxit captiuitatẽ. Et iterum. Conuerte domine captiuitatem nostram, sicut torrens in austro. Ac ne forsan moueat quempiam, quod Heliam Dei comparauerim filio, legat epistolam ad Hebræos, & id apostolum protulisse reperiet, dicens quodam modo : Hic Melchisedech assimilatus filio Dei, permanet pontifex in æternum, sine patre, *Psal. 145*
Tsal. 67
Heb. 7
¹⁰ inquit, sine matre, sine genealogia, neque initium dierum habens, neque finem : quod utique nulli homini, nisi Dei filio, soli congruere poterit, qui ex quo uel unde originem trahat, scriptura nequaquam indicat. Id ipsum etiam & de Helia scriptura testatur, cum subito nomen illius introducit, & ex qua tribu uel familia ortus sit minime profertur. Torrens Charith, qui interpretatur Diuisio, siue Conciso, Iudaico populo congruere certissimum est. Qui populus torrenti merito comparatur, quia quod ad obseruandum per legem ei diuinitus fuerat traditum, opportuno tempore incarnationis dominicæ finiendum erat, quando umbra & imagines legis expletæ noscuntur. Pascitur deinde Helias tempore famis a coruis, mane afferentibus panem, & ad uesperam carnes : & Manichæi intelligunt ³⁰ in illis libris Christi, cui quodammodo salutem nostram esuriienti consentitur peccatores, sibi primitias nunc habentes, in fine autem uelut ad uesperam sæculi etiam carnis resurrectionem percipientes. Potest & per panem & carnem, quæ mane & uespere coruos Helias attulisse scriptura pronunciat, intelligi in panibus opera pietatis, quæ in peregrinis & indigentibus sibi testatus est dominus dari : in carnibus autem castigatio intelligenda est corporis siue cruciatus, quos pro diuino amore uel cultu omnes sancti sibi intulisse uel a persecutoribus pertulisse mane & uespere, idest, sub ueteri testamento & euangelica prædicatione leguntur.
- Postquam uero exsiccatus est torrens, dicitur Helix a domino : Surge & uade in Sareptam Sydoniorum, & manebis ibi. præcepi enim ibi mulieri, ut pascat te. Surrexit & abiit in Sareptam. cumq. uenisset ad portam ciuitatis, apparuit ei ⁴⁰ mulier uidua, colligans ligna, & uocauit eam, dixitq. ei. Da mihi pauxillum aque in uase, ut bibam. Cumq. illa pergeret ut afferret, clamauit post tergum eius dicens. Affer mihi & bucellam panis obsecro in manu tua. Quæ respondit. Viuit dominus & uiuit anima tua, quia non habeo panem, nisi quantum pugillus capere potest farinæ in hydria, & pauxillum olei in lecytho. En colligo duo ligna, ut ingrediar & faciam illud mihi & in filio meo ut comedamus & moriamur. Ad quam Helias ait. Noli timere, sed uade & fac sicut dixisti. Veruntamen mihi primum fac de ipsa farinula subcinericium panem paruulum, & affer ad me. tibi autem & filio tuo facies postea. Hæc autem dicit dominus Deus Israël. Hydria farinæ

farinæ non deficiet, nec lecythus olei minuetur, usque ad diem qua daturus est dominus pluuiam super faciem terræ. Quæ abiit & fecit iuxta uerbum Helix, & comedit ipse & illa & filius eius. Et ex illa die hydria farinæ non defecit, & lecythus olei non est imminutus, iuxta uerbum domini quod locutus fuerat in manu Helix. Vt interim omittam quid intrinsecus lateat sacramenti, quod de terra Israel ad Sidoniam mittitur regionem, unde caput omnium & causa malorum, lezabel orta fuit, illud breuiter perstringatur, quod pergit ad uiduam penuria laborantem, & in ipso uitæ, mortisq. confinio defecit, quæ exierat ut ligna colligeret, & tam sibi, quàm paruulis extremam victus substantiam procuraret. At Helias uidet mulierem inedia squalore confectam, non mouetur, non cunctatur, non reuocat pedem, sed ingerit se & immergit, sitq. ei ipse grauior fame, & dicit ad eam. Da mihi parum aquæ ut bibam. O si tibi, beate homo, uidua respondisset, & iuxta te uoce repellens diceret, Quid petis a me, quod omnibus abstulisti, quid queris a muliere, quod mundo negasti? hæc omnium necessitas & penuria, oris tui auctoritate prolata est: ego a te rescis, ut a te debeo satiari, tu uenis ad me? Sed nullo horum mulier, nec corde nec ore uisa sermone est, mox deuota mens & euangelicæ non indigna mercedis, frigidæ aquæ poculum prophetæ desert sitienti. Addit quoque Helias & dicit, Aster mihi etiam bucellam panis in manu. At illa, Viuit dominus Deus tuus si est mihi panis, nisi manus plena farinæ in hydria. Et colligo duo ligna, ut ingrediar, & faciam illud mihi & filio meo, manducabimus & moriemur. Sed quid ad hæc Helias? Confide, inquit, & intra, & fac secundum uerbum tuum: sed prius fac mihi in subcinericium, tibi autem & filio tuo facies postea. O magnificum mulieris animum, o immutabile mentis propositum, o uere uenerabile per sæcula factum: poculum petit, mox offert: & quod regibus iam forsitan deerat, quod diuites non habebant, hoc uidua ex abundantia erogabat. Pascit pane, quæ cum filio die postero erat moritura, nec habere se negat, sed fateur simpliciter, nec metuit prodere ueritatem: & non tam postulanti, quam quodam modo exigenti, omnem causam pandit in medium: quantitatē uictus, & numerū personarū, ut non tam hospitem uelit habere, quam iudicem. Nō dixit, Nō possum facere quod iubes: nec ait, Considera uiduam, non tam de se, quam de filio tabescentem: considera paruulorum chorū, nec me illis auferas, nec matrem patiaris tanta orbatam prole derelinqui. Non ait, Tu es utique qui orbem terræ famis sententiæ condemnasti, te omne hominum genus irascens deperit: deinde transfisti patriam, terram pene omnem gentis tuæ & prouinciam peragrasti, nusquam tibi diues occurrit, nusquam locuples obuiat, qui esurientem susciperet, & reficeret ieiunantem, ego tibi sola occurri, aut ego iam sola remansi, quæ præter penuriam egestatem etiam mole opprimor filiorum, quæ tantam natorum plebem plaga ipsa patior grauiorem, ex eo domum non ut spicas colligam, sed ligna: non ut alimoniam deferam, sed fomenta: & quos a fame liberare non possum, conor saltem a frigore defendere. Certe quia tam crudelis, ut non consideres quid iniungas, illasane contentus esse debueras, ut nobiscum ederes pariter, quod remansit: uel prius sineres paruulos satiari, tunc tibi quod remansit, offerri: sed singulariter tibi præcipis fieri cibos: & non solum singulariter, sed te uis primitus satiari: nulla te miserorum conuenit cura, nec te ipsa naturæ religio interpellat, paruulis & laentibus extremum de ipsis dentibus auferre uis cibum. Sed illa horum nihil aut egit aut dixit, quinimmo intrepida currit, & imperata consummat. Erat in illo tempore spectaculum angelis hominibusq. gratissimum, quod inter gentes terra prophana, uidua mulier iam tunc esset filia Abraham, multo hospitalior ipso parente

rente, multo humanior fidei genitore. Erat quidem Abraham hospitalis, & erga peregrinos magno deſectus affectu: ſed erat uere opulens, erat diues, aderat ei poſſe quod uellet, quia nec minor erat animus quam facultas, nec cenſus animus ſuperabat. Hæc uero quæ non ſolum marito, ſed & facultatibus uiduata, non ſolum natalibus tenuis, ſed & temporis malo conſtricta, ad tantam deuenerat paupertatem, ut in domo nihil, niſi quod augeret famem, poſſidere potuerit, ſcilicet par uulorum turbam, ipſa inedia grauiorem: ſed in his omnibus malis, liberalis animus deuotus perſiſtat: pergit, & ut præceperat homo Dei, fideliter complet, ſuſcipit prophetam & recipit. Quo ergo ore, quibus uocibus hanc ſeminam laudem nihil mihi dignum occurrit, quod tantæ uirtutis animum ualeat exæquare, conſidero enim quemadmodum ſtudio humanitatis omnem uim deſpexit naturalis affectus, non de ſe, non de paruulis: nihil eam a mentis propoſito reuocauerit, nec proprii ſexus infirmitas, nec materna erga paruulos uiſcera pietatis: occidit in ſe naturæ officia hospitalitatis intuitu, & effectus eſt deuotus erga hoſpitum matris animus, filiorum crudele ſepulcrum. quantum enim ſpectat ad illam, mortui ſunt paruuli, & genitricis quodam modo manibus ſtrangulati atque ſepulti: quantum autem ad Dei miſericordiam, non morti uere ſunt, nec fame uel inedia conſumpti, quia ſoli, ceteris pereuntibus, conualuerunt. Confeſſum ſiquidem & propheta fidem diuinam mercede remunerans ait, Viuit dominus, quia

30 hydria farinæ tuæ non deſiciet, & uas olei non imminuetur. Facta eſt igitur manus uiduæ perenne torcular, & mola iugiter fundens. Ecquid dico mulieris manum? In uerbo prophetæ tota domus uiduæ piorum cellarium facta eſt. non ibi ros, non pluuia, non ueris aura, non calidi Soles, non nimbus neceſſarius, non aratrum, non agricola, non colonus, ſed omnia & in omnibus ſermo prophetæ affatim uiduæ miniſtrabat. Sciendum tamen quod in ſeptuaginta interpretibus hæc uidua non unum tantum filium, ſed plures habuiſſe narratur. Mulier uero quæ fuiſſe ſcribitur in Sarepta, eccleſiæ typum geſtabat, quæ a ſuo diuitius conditore deſerta, populum rectæ fidei neſciuit: egena ſtipe nutrebat, ideſt uerbum fructus experite docebat, donec adueniret ſermo propheticus, qui exſiccato uel-

30 lere Iſraelis, utpote clauſa ianua cæli, fame periclitabatur in Iudæa: quæ ob hoc dicta eſt uidua, quia utpote gentilis necdum fuerat diuino cultui mancipata, nec ſacram legis habebat notitiam. Sarepta autem ciuitas, quæ interpretatur Incendium ſive Tribulatio panis uel Panis anguſtia, præſens accipiendus eſt mundus, in quo incendium peſſimæ conflagrat cupiditatis, ubi rebus ſuperuacuis acquirendis quaſi aucupandi cura impendebatur, ubi dire fatis incendium panisq. ſpiritualis antea fiebat anguſtia. Ergo ut de Helia ſcriptura pronunciat, dominus noſter ad nationū eccleſiam ueniens, & eam extra portam ciuitatis patrio uidelicet in errore reperiens, non eam ſignis & mirabilibus maximisq. portentis, ut Iſraeli fecerat, ad confeſſionem ſui nominis prouocauit, ſed uerbo eidem tantummodo imperauit, dicens, Da mihi pauillum aquæ in uaſe ut bibam, & buccellam panis in manu tua. aqua enim in uaſe fides accipienda eſt cordis, qua creditur ad iuſtitiam: buccella uero panis in manu, miſericordiæ intelligendum eſt opus: fides quoque & opera uinculo ſibi quodam indiſſolubili connectuntur. ubi enim una deſuerit, altera penitus non ſtat: quia ut Iacobus apoſtolus ait, Fides ſine operibus

40 mortua eſt: & opera ſine fidei inania redduntur & friuola. eccleſia ergo in typo illius mulieris uiduæ, iuxta domini præceptum ad afferendum eidem aquam per-gendo; quodam modo fidem ſui cordis præparatam oſtendit domino. Panem ſibi conſentitur necdum fuiſſe, condigna uidelicet opera diuinæ culturæ, ſed modicum ſe teſtatur habere farinæ in hydria, & paululum olei in lecytho. Pu-

gillum farina in hydria, naturalem indicat legem, quæ diuina largitione humanæ naturæ insita est, per quam discernitur bonum uel malum, & ut quod sibi quisquam fieri non uult, ipse non faciat. Paululum olei in lecytho, rationalibus accipiendus est intellectus, per quem creatura intelligit creatorem, & piis operibus eidem placere studet: quæ iccirco se dixit parum habere, quia necdum per baptismi sacramentum spiritualis gratiæ acceperat donum. Ibi tamen fatina oleumq. ore prophætico benedicitur, idest fructus & hilaritas caritatis, siue gratia corporis dominici, & christiatis unctio, in defectu uerbi cælestis munere fecundatur: cuius hæcenus in uasis oleum gaudii spiritualis & benedictionis farina non deficit, ceteris, quæ non credunt, gentibus inopiæ panis diuini, miseriæ & uenatui deditis inuiti. Quod autem ait, duo se ligna colligere, ex quibus modicum farine querent quod habebat, & cum filiis suis comedens, mortis iam exitum expectaret, ita accipiendum est. In duobus lignis, non solum ligni nomine, sed etiam numero lignorum crucis mysterium persignabat, per quam sibi & filiis suis, idest populo, qui Christo fuerat crediturus, panem uitæ perpetuæ dari credebatur, præteritis peccatis per lauacrum baptismi mori, illo uidelicet genere quo dominus in euangelio prædicaui. Beati qui non uiderunt & crediderunt. Per panem uero subcinericium, paruulum illud iam præfigurabat, quod in exordio fidei obseruare gentes per epistolam apostoli decreuisse leguntur: ut ab idololatriæ se tantummodo cultu, & a fornicatione ac suffocatis abstinerent. hæc enim quæ rudibus adhuc & feris hominibus, ab apostolis consilio sapienti indulta sunt, ad comparationem euangelicæ prædicationis, ad quam postmodum introducti sunt, ualde exigua & parua fuisse noscuntur. Quod autem ait, Mihi primitus facio, hoc uoluit ad omnes credentes ex gentibus, ut non suis meritis ascriberent, quod obdurato spretoq. Israele ipsi saluati sunt: sed sibi, qui ut crederent eisdem misericors extitit: quia, ut dictum est ad Cain, Non recte offert, qui non recte diuidit: hoc est, qui non Deo, sed sibi omne bonum quod habet, ascribit. Siue aliter: Panis subcinericius, historia accipienda est legis, quæ spiritalem intelligentiam operam continebat in littera. Per fermentatum uero panem, euangelii intelligenda est prædicationis: quia testamento ueteri, ramquam fermentum, inserta sunt testimonia: Quod autem pascentem se paui Helias, ita intelligendum est: uniuersi enim fideles licet sua fide & piis operibus Deum pascant: tamen ut hoc habeant, ab illo eisdem condonatur: Omne enim datum optimum, ut scriptum est, & omne donum perfectum, desursum est, a luminum patre descendens. diuina enim, metuentibus Deum, nequaquam penitus minuuntur. Rursum aliter: per panem subcinericium, quem sibi uerus Helias dominus noster, nationum ecclesiam præcipit exhibere: quid alibi accipiendum est, nisi pœnitentium satisfactio, id ipsum psalmographo sub persona pœnitentis canente cum dicit, Quia cinerem sicut panem manducabam, & potum meum cum fletu temperabam. his enim satisfactionibus dominus se pasci hortatur. Factum est autem post uerba hæc: ægrotauit filius mulieris matris familiæ, & erat languor fortissimus, ita ut non remaneret in eo halitus, Quæ dixit ad Heliam: Quid mihi & tibi uir Dei? Ingressus est ad me, ut rememorarentur iniquitates mæ, & interficeres filium meum. Cui ait Helias: Da mihi filium tuum. Quem tollehs de sinu eius portauit in cœnaculo quo manebat, & posuit eum super lectum suum, expanditq. se & mensus est super puerum tribus uicibus, & conuersa est anima pueri ad eum & reuixit, depositumq. de cœnaculo tradidit matri suæ & ait: Ecce filius tuus uiuit. Quæ respondit: In isto cognoui quoniam uir Dei es tu, & uerbum domini in ore tuo uerum est. Quod enim dicit filium mulieris nimio languore detentum & ad mortem

usque fuisse perductum, hanc intelligentiam habere dignoscitur. Post præceptum enim quis & diuina cognitionem seu euangelicam prædicationē percepto bononū operum gustu, pro commissis facinoribus & præteritis erroribus, ut grauissima lan- Ecl. 1 gueat afflictione necesse est: quia ut scriptū est, Qui addit scientiam addit etiam pæ-
nitentiæ salubrem dolorem, castigationeq. assidua uim facit perditioni suæ, ut eua-
dere ualeat perpetuum mortem, & uitam consequatur beatitudinis sempiternæ:
hoc ipsum Paulo apostolo confirmante cum dicit se non esse dignum uocari apo- 1. Cor. 15 stolum, eo quod persecutus fuerit ecclesiam Dei & expugnauerit ipsam. In descen-
su enim fontis, originali peccato ac pristinis uitiis per baptismum qui Christo cre-
10 diderit moritur. unde sublatu ad sacri altaris cænaculum per unctionem chris-
matis & inuocationem patris ac filii & spiritus sancti, communionemq. corporis
& sanguinis domini uiuificari manifestum est: & tunc ab omni ecclesia, cuius mater
pueri figuram gerebat, illa procedit confessio, quia dominus Iesus uerus Dei
filius est, & in gremio patris uel dextera sit constitutus, rursumq. depositus de al-
tari, coeui fidelium tamquam matri redditur uiuus. Siue aliter. postquam enim
fidelis quis pristinis uitiis per pænitiæ satisfactionem sua mortificauerit mem-
bra, sublatu a terrenis cupiditatibus & carnalibus desideriis per meditationem
legis ac prophetarum, euangelicæq. prædicatione uiuificari meruerit, templumq.
fuerit diuinum effectus: illuc intentionem animi contendit dirigere, ubi Christus
est ad patris dexteram sedens, & in carne ad huc habitans, conuersationem iam
nitiur habere in cælis. Sed quantumlibet homo quis ad Deum mentem contem-
30 dat erigere, & per excessum quandam theoriæ gaudeat in supernis Christo do-
mino adherere: corporis tamen compellente natura cui anima iuncta, ut de super-
nis ad inferiora rursum retrahatur, necesse est. Quod autem dixit Heliam se super
puerū expandisse, tribusq. uicibus mensum fuisse, hoc ipsum expleffe dominum
manifestum est, cum per legem & prophetarum uaticinia, seu propria prædicatione
salutem protulit gentium populo. Superiora iam figuratiter exposita uer-
ba Helix de uidua, multo aliter apud antiquas translationes reperiuntur, in qui-
bus Helias domino supplicat, dicens, O domine testis huius uiduæ, cum qua ego
inhabito apud ipsam, tu male fecisti ut occideres filium eius. Nihil in hoc dicto
moueret animum, si uera pronuntiatio seruaretur: uox est enim non credentis,
quod tam male faceret Deus cum ea uidua, quæ tam pie prophetam susceperat,
eo præsertim tempore quo ibi erat, cui protulerat illa totum uitium suum tam exi-
guum in tam magna & summa inopia. Ita ergo dictum est, ac si diceret: O domi-
ne testis huius uiduæ cum qua ego inhabito apud ipsam, tu ne male fecisti ut oc-
30 cideres filium eius: ut subintelligatur, quod utique dominus testis cordis illius
mulieris uidebat quanta esset pietas, unde etiam Heliam ipse ad eam miserit, nec
malefaciendi causa mortificauerat filium eius, sed exhibendi miraculi ad gloriam
nominis sui, qua tantum prophetam & tunc uiuentibus & posteris commendaret
sicut dicit dominus non ad mortem mortuum fuisse Lazarum, sed ut glorificetur:
40 Deus in filio suo. & hoc consequentia probant: ex ipsa enim fiducia quam habuit,
credidit Helias non ad hoc illud contigisse, ut acerbo luctu hospita eius affigere-
tur: sed potius ad hoc factum, ut Deus inagnificentius ostenderet uiduæ qualem
Dei famulum suscepisset. Sequitur scriptura, & dicit, Et insufflauit puero ter,
& inuocauit dominum & dixit, Domine Deus meus reueratur nunc anima pue-
ri huius in eum. Et factum est sic.) Hæc ergo deprecatio qua petiit Helias tam
breuiter & tam fideliter ut resurgat puer, satis indicat quo affectu dicta sint quod
Helias factum fuisse præsumperat, cum illa uerba non confirmando sed renuendo
renunciauerat.

renunciauerat . cum enim uiuum recepiſſet filium ſuum , ait : Ecce cognoui quoniam homo Dei es tu , & uerbum Dei in ore tuo certiffimum . Multa ſunt autem in ſcripturis , quæ niſi illo modo pronuncientur , in cōtrariam ſententiam recidunt , ſicuti eſt : Quis accuſabit aduerſus electos Dei . Deus qui iuſtificat . ſi quaſi confirmans reſpondeas , uides quanta peruerſitas oriatur . Sic ergo pronuncian-
 dum eſt ac ſi diceret : Deus ne qui iuſtificat ? ut ſubaudiatur , non utique . ac per hoc apertam puro eſſe illam ſententiam Helix , quam nō ſeruata pronuntiatio faciebat obſcuram . Factum eſt , inquit , uerbum domini ad Heliam : Vade & oſtende te Achab , ut dem pluuiam ſuper faciem terræ . Qui perrexit & occurrit ei in itinere Abdias diſpenſator regis Achab , & ait , Vade nuncia Achab , adeſt Helias . 10
 Qui abiit , & nunciauit ei . Venitq. in occurſum eius , & ait ad Heliam . Tu ne es qui conturbas Iſrael ? ad quem Helias : Non turbaui , inquit , Iſrael , ſed tu & domus patris tui , qui dereliquiſtis mandatum domini & ſecuti eſtis Baalim . ueruntamen mitte nunc & congrega ad me uniuerſum Iſrael in montem Carmeli , & prophetas Baal quadringentos quinquaginta , prophetasq. lucorum qui comedunt de menſa Iezabel . Miſit itaque Achab ad omnes filios Iſrael , & congregauit eos in montem Carmeli . Accedens autem Helias , ad omnem populum ait : Vſque quo claudicatis in duas partes . Si dominus eſt Deus , ſequimini eum : ſi autem Baal , ſequimini illum . Et non reſpondit ei populus uerbum . Ad quos rurfum ait Helias , Ego remaſi propheta domini ſolus : prophetæ autem Baalim quadringenti quinquaginta uiui ſunt . Dentur ergo nobis duo boues , & illi eligant bouem unum , & in fruſta cādentes ponant ſupra ligna , ignem quoque non ſupponant : ego quoque faciam bouem alterum & imponam ſupra ligna , ignemq. non ſupponam , inuocent illi nomina deorum ſuorum , & ego inuocabo nomen domini , & qui exaudierit per ignem ipſe ſit Deus . Reſponditq. omnis populus & ait , Optima propoſitio . Dixitq. Helias prophetis Baal , eligit bouem unum , & facite uos primum quia plures eſtis . Et fecerunt ita , inuocabantq. Baal de mane uſque ad meridiem , & non erat uox , nec qui reſponderit , incidebantq. ſe ritu ſuo cultis & lanceolis donec perfunderentur ſanguine . Cumq. tranſiſſet meridies & tempus adeſſet iam quo ſacrificium offerri deberet , dixit Helias ad populum : Accedite ad me . et accedente ad ſe populo , curauit altare domini , quod deſtrudum fuerat , & tulit duodecim lapides iuxta numerum tribuum filiorum Iacob , & ædificauit altare domino in nomine domini : ſecitq. aquæ ductum quaſi per duas ar-
 riunculas in circuiſu altaris , & impoſuit ligna , diuiſitq. bouem & poſuit ſupra ligna & ait , Implete quattuor hydrias aquæ , & effundite ſupra holocauſtum & ligna . Quod cum feciſſent , id ipſum etiam ſecundo & tertio fieri iuſſit , repletaq. eſt foſſa aquæ ductus aqua .) 30
 Vide cur etiam Helias hoc faciat , & diligenter aduerte . Habebat beatus Helias & pro gratia prophetice dignitatis & pro diuini cultus ſtudio ſcientiam omnium quæ in templis dæmonum agebantur . Nouerat inter cetera inepta potius quam commenta callidam etiam huiuſcemodi compoſitam fraudem , qua facilis irretirentur animæ miſerorum , ut aræ eorum non ſimpliciter ante delubri pedes ſtatuantur , ſed pendens crepido ſupra qua ſtrudæ ſunt , ro-
 gus ſubterranea fornice baiuletur : ad quas ex aduerſa parte concaui parietis , occulto aditu deſcendatur , ac per patulas cauernas præparatos ignes doli miniſter ſacrificii tempore clandeſtiniſ officiis ſubminiſtret : quo attonitus miſerorum animus , dum nullas de ſuper uidet adhibitas flammas , hoſtiamq. cernit ex improuiſo comburi , per inuiſibilem poteſtatem ignes cælo credat eſſe delatos . Ne ergo hoc incredulæ mentes de diuinis ſuſpicarentur altaribus , uallum , quod fieri præceperat , aqua iuſſit impleri , ut ſi qua eſſet ſub altario proderetur fouea , uel deſcendens deorum
40
ſum

sum aqua latentes utique ignes extingueret. Nec sufficit semel rigasse locum, tertio id agitur: sed nec hoc est contentus propheta: ipsa altaris ligna præcepit inundari, ut omnis fraudis suspicio ne submota, diuinæ potestatis esse uirtutem, nec rex nec populi, nec ipsi dubitarent sacerdotes. Cumq. iam tempus esset, ut holocaustum offerretur, accessit Helias ad altare & exclamauit dicens: Domine Deus exaudi me hodie in igne, sicut exaudisti me in aqua, ut cognoscat populus hic, quoniam tu es dominus Deus Israel, & ego seruus tuus, & propter te feci opera hæc. Exaudi me domine exaudi in igne, ut cognoscat populus hic, quia tu es domine Deus, & conuertisti cor populi huius retrorsum. Ecce, inquit, clamante eo, cecidit ignis de celo & deuorauit holocaustum ac ligna & lapides, puluerem quoque & aquam, quæ erat in fossa, aquæ ductus lambens. Quod cum uidisset omnis populus, cecidit in faciem suam & ait, Dominus, ipse est Deus. Dixitq. Helias ad eos: Apprehendite prophetas Baal, & ne unus quidem effugiat de illis. Quos apprehendentes, continuo duxit eos Helias ad torrentem Cyson, & ibi eos trucidari præcepit. Clementissimus enim Deus qui non obliuiscitur misereri, nec in ira continet miserationes suas, rursum ad Israel filium suum dignatus est mittere, ut eisdem pluuiam euangelicæ prædicationis tribueret. Tres anni famis, scientiam sanctæ trinitatis populo ludæorum uel in toto mundo defuisse præsignabat. Achab uero qui interpretatur Frater patris, a quo etiam Dei prophetas interfectos scriptura pronunciat, principum sacerdotum typum gerebat. Quod autem dicit Achab ad Heliam, Tu ne es ille qui conturbas Israel? hoc ipsum & de domino principum sacerdotum dixisse Pilato leguntur. Inuenimus hunc subuertentem siue conturbantem gentem nostram. ii enim, ut dominus legitur eis exprobasse, filii fuere patris sui diaboli, cuius opera facere studuerunt, ut uitæ suæ auctorem crucifigendum impie proclamarent. Vos enim, ait dominus, de diabolo patre estis, & opera patris uestri facere uultis. ille enim homicida est & ab initio inendax, & in ueritate numquam stetit. Abdias autem, cuius nomen interpretatur Seruus domini, qui etiam eo tempore quo Achab prophetas domini præceperat trucidari, centum prophetas in speluncis celauerat, uictum eisdem quotidie administrans, illos quodammodo præsignabat qui ex principibus ludæorum occulte discipuli domini erant, hoc est Nicodemus, & ceteri quos euangelista pronunciat. Prophetæ Baal & prophetæ lucorum, scribarum & pharisæorum typum gerebant, qui sacræ legis negligentes præcepta, populum propriis traditionibus peruerterant, quibus, Vx futuræ circumcisiõ accipienda sit, scire præcipimur. Per circumcisiõem enim præputii carnis libidinem atque luxuriã sciendum est abscindendam: per cordis uero circumcisiõem immundæ cogitationes intelligendæ sunt amputandæ. Bouem uero, quem Helias mactauit in holocaustum atque in frustra concidit, uetus intelligendum est testamentum, ex quo ad confutandas Iudaicas superstitiones, ea quæ de illo scripta fuerunt in multis locis excussisse euangelica prædicatione manifestatur; cum dixisse scribitur: Non legistis quod dictum est, Lapidem quem reprobauerunt ædificantes, hic factus est in caput anguli. Et intellexerunt, inquit, scribæ & pharisæi quod de illis diceret, & cetera quæ in euangelio reperiuntur. Bouem uero aliterum a falsis prophetis electum, populum significat reprobum per pharisæos atque scribas seu hæreticos non Deo, sed diabolo auctori eorum ab ipsis oblatum. transacti meridiei tempus urgentis mundi significabat cursum, in cuius uesperum dominus Iesus Christus in uerum sacrificium, quod ipse est, se ipsum patri ad deponenda humani generis delicta obtulit. Altare quod ab Helia curatum est & ex

Lucæ 23

Ioan. 8

Matth. 23

Lucæ 11

Matth. 21

Matth. 27

Matth. 5

De odio Iezabel in Heliam.
VII

duodecim lapidibus restauratum, sanctę trinitatis accipienda est confessio, quę in Iudęis olim uel in hæreticis destructa fuerat, a domino per apostolos in ecclesia reformata est. Ligna uero, quę super altare composita fuerant, crucis patibulum præsignabant, in qua dominicum affixum est corpus, quod uerum & acceptabile Deo patri fuit holocaustum. Quattuor hydrię repletę aqua, totidem numero signabant euangelia. In quibus baptismi sacramentum, quod in nomine sanctę trinitatis datur, habetur præceptum. Ignis quoque, qui lapides altaris & quę super eum fuerant, nequon & aquam uorauit, sanctum spiritum præsignabat, qui non solum apostolos sed cunctos credentes per lauacrum regenerationis in Dei sacrificium assumit & sanctificat. Falsi uero prophete qui ab Helia interfecti leguntur, 10 aduersarię accipiendę sunt potestates, de quibus dominum in cruce pronunciat apostolus triumphasse: siue illi accipiendi sunt, qui aduersus dominum impie proclamasse leguntur, Sanguis eius super nos & super filios nostros, quod utique temporibus Vespasiani & Titi expletum, qui legit Iosephum historiographum, nõ ambigit ambiguum. Deinde sequitur historia & dicit: Ascendit Helias in uertice Carmeli & pronus in terram posuit faciem suam inter genua, & exorabat dominũ, dixitq. ad puerum suum, Ascende & circumspecte contra mare, septem uicibus. Quod cum fecisset septima uice, apparuit nubecula parua quasi hominis uestigium ascendens de mare, & subito contenebrati sunt cęli, & facta est pluuia grandis. Quod enim Helias exorat ut pluuia tribuatur a Deo, hoc quoque dominum fecisse 20 pro suis discipulis, & qui per uerbum illorum credituri erant, euangelista pronunciat. Ministrum Helia, cui iussu est cõtemplari contra mare, omnium prophetarum, qui ante aduentũ Saluatoris fuerunt, typum gestasse nõ dubium est: quibus in gratia spiritus sancti per omne tempus, quod ante aduentum Saluatoris præcessit, incarnationem illius præstolare d.ũ est. Nubecula parua, quę uelut uestigium hominis ascendisse de mari describitur, dominus ac redemptor noster accipiendus est. sicut enim uestigium extremum corporis membrum est, ita quoque dominus Iesus humilis & paruus ac puer in mundo existere uoluit, qui nos a peccato mundaret. Cęli contenebrati sunt, quia sancti prædicatores diuini uerbi occultis sacramentis sunt repleti. Pluuia facta est magna, quia euangelicus hymber per apostolorum prædicationem totius mundi rigauit fines. Currus Achab, quem Helias accinctus lumbis præbāt, diaboli accipienda potestas est, cui a domino dicitur, 30 Vade retro satanas, non tentabis dominum Deum. in tantum enim diaboli potestas in aduentu domini inanis existit & infirma. ut nec in porcos intrandi haberet licentiam, nisi ei fuisset permissum. Nunciata sunt, inquit, Iezabel cuncta, quę gesserat Helias: & quemadmodum propheta occidisset Baal, quę statim nuncium misit ad eum dicens: Hęc mihi faciant dii & hęc addant, nisi hac hora cras ponam animam tuam sicut animam unius ex illis. Quod audiens Helias timuit ualde, & abiit quocumque eum ferebat uoluntas, uenitq. in Bersabee Iudę, & illic reliquit puerum suum: ipse autem perrexit in desertum uiam unius diei. Cumq. uenisset illuc & sedisset subter unam iuniperum ait, Sufficit mihi domine, tolle animam meam. Sancti uiri qui subleuante spiritu ad summa rapiuntur, quamdiu in hac uita sunt, ne aliqua elatione superbiant, quibusdam tentationibus reprimuntur, ut nequaquam tantum proficere ualeant quantum uolunt, sed ne extollantur superbia, sit in eis quedam mensura uirtutum. Hinc est quod Helias dum tor uirtutibus in alta profecisset, quadam mensura suspensus est, dum Iezabel postmodum, quamuis reginam, tamen mulierculam fugit. Perpendo quippe hunc mirę uirtutis uirum ignem de cęlo trahere, & duos quinquagenarios uiros cum suis omnibus petitione subita cõcremare, uerbo cęlos claudere, uerbo ad pluias aperire

aperire, fuscitantem mortuos, uentura quæque præudentem, ecce rursus animo occurrit quo pauore ante unam mulierculam fugit. Considera uirum timore percussum de manu domini mortem petere nec accipere, de manu mulieris mortem fugiendo uitare. quærebat enim mortem dum fugeret dicens, Sufficit mihi tolle animam meam, neque enim melior sum quam patres mei. Vnde ergo sic potens, ut tot illas uirtutes faciat: unde sic infirmus, ut ita feminâ pertimescat: nisi quia occultatoris superni nutu mensura occulti libraminis appenduntur, ut ipsi sancti homines Dei & multum ualeant per potentiam Dei: & rursus quadam mensura moderati sint per infirmitatem suam. In illis uirtutibus Helias quid de Deo acceperat, in istis infirmitatibus quid de se esse poterat, agnoscebat. Illa potentie uir-
 10 rus fuit, ista infirmitas custos uirtutis. In illis uirtutibus ostendebat quid acceperat, infirmitatibus hoc quod acceperat custodiebat. In miraculis monstrabatur Helias, in infirmitatibus seruabatur. Posthæc sequitur. Proiecitq. se, & dormiuit in umbra iuniperi. Et ecce angelus domini tetigit eum, dixitq. illi, Surge & comede. Respexitq. & uidit ad caput suum subcinericium panem, & uas aquæ. Comeditq. & bibit & rursus obdormiuit, tetigitq. eum secundo angelus & dixit, Surge & comede, grandis enim tibi restat uia. Consurgeusq. comedit & bibit, & ambulauit in fortitudine cibi illius XL diebus & XL noctibus usque ad montem Dei Oreb, Quid igitur Iezabel? Hæc faciant mihi dii, & hæc addant, nisi posuero animam tuam. Et audiuit Helias, & fugit uiam dierum XL. O uiolentiam uerbi, o formidinis eminentiâ. Audito mulieris uerbo fugit Helias: & fugit non una non duabus, non tribus diebus: sed ingressus est in eo sermo mulieris, & quid age ret nesciebat, tanti itineris spacio metu exagitante iactatus, uelut cum secundo statibus cursu impulsæ nauis arboræ uiolentus ex aduerso turbo corripuit, impetumq. reflexit: ita prophætæ animi uirtutum uelis nauigantem mulieris perculit sermo, totamq. eius nauem per omnes formidinum fluctus turbato rektore iactauit. Quid ergo tu Helia? tu enim es, qui uerbo clauseras cælum & fraudaueras imbres, qui mandaueras aeri & diuinos ignes eduxeras, qui falsos salubriter interfici iusseras sacerdotēs, qui constanter in faciem exprobaueras regi, quod ipse & domus sua
 30 populum euerteteret Israel: qui dixeras, Viuit dominus, si erit pluuia aut ros, nisi in uerbo oris mei: qui domum uiduæ spicarum aream & torcular feceras olei: qui omnibus imperaueras elementis, sermonem nunc audiens meretricis expauesci, & una muliercula profugum fecit timorisq. captiuum. O stupendam rem, uide duos istos, Petrum & Heliam, magnificos uiros & ceteris clariores, uelut duas ciuitatum arces in sublime porrectas, a mulieribus fatigari: Petrus timet puellam, Iezabel deterret Heliam. Et quia eiusdem culpæ uitio uterque subiaccit, amborum naturalis infirmitas unam sortita est proditorem. Fugit ergo Helias uiam quadraginta dierum. Vbi est zeli tui ardor incontinens, ubi constantiz flamma, ubi auctoritas libertatis cum dicebas, Viuit dominus, si erit pluuia super terram: uel
 40 cum regem cominus arguebas, & cum ultrices flammæ cælitus deponebas, talia tantaq. mirabilia faciens, unum adulteræ non tulisti sermonem? Sed considera quid in his ostendatur, quod scilicet homini, quamdiu domini gratia cooperatur, omnia secunda sunt, omnia fida: elementa seruiunt, & principes prosternuntur, reges adorant, populi uenerantur: si uero se semel perfectionis uel correptionis causa, spernum ab homine suspendat auxilium, confestim fragilitas nature monstratur: mox insurgant quæ uidebantur esse subiecta, quæ prius ut domum metuebant, incipiunt esse terrori. Iezabel quæ interpretatur Fluxus uanus, synagogæ gestauit typum, quæ uanis superstitionibus seruens, in euangelica predicatione credere noluit, & auctorem uite persequens, sicut & Iezabel

Matth. 21

De adulterio He-
lia ad Oreb.
VIII

Heliam extinguere magis, quam credere maluit. Puer Heliaz qui in Bethsabee, quæ interpretatur puteus iuramenti, dimissus est, sacerdotale accipiendum est ministrum, quod templo domini in Hierusalem cultui diuino exhibeatur. Desertum uero ad quod uia unius diei Helias legitur peruenisse, & sub arbore iuniperi quiescisse, uniuersus accipiendus est mundus, qui propter demonum culturam in maligno fuerat positus, ad quem dominus relicta Iudæa per prædicatores suos transire dignatus est: & ibi quasi dormit, dum per fidem in corde fidelium requiescit. Arbor uero iuniperi agrestis atque inculta ecclesiam præsignabat ex gentibus, quæ licet crarum scripturarum nequaquam fuerat exculta præceptis: ad quam Israeliticum regnum transiturum dominum prædixisse euangelista pronunciat: Aufertur a uobis regnum, inquit Iudæis, & dabitur genti facienti uoluntatem Dei. Via uero unius diei, quam Helias egisse legitur, unitas intelligenda est trinitatis, quæ euangelica prædicatio cunctis nationibus introduxit. Panis subcinericius & uas aque quid aliud indicant, nisi gentium penitentiam & lacrymarum effusionem, quibus dominus ualde reficitur? Posthæc peruenit, inquit, Helias ad montem Dei Oreb, & mansit in spelunca, & ecce sermo domini ad eum, dixitque illi. Quid hic agis Helia? At ille respondit, Zelo zelatus sum pro domino Deo exercituum, quia dereliquerunt pactum domini filii Israel. Altaria tua destruxerunt, & propheetas tuos occiderunt gladio, & derelictus sum ego solus, & querunt animam meam, ut auferant eam. Fugiens ergo Helias uenit ad quendam locum & obdormiuit ibi, & uenit ad eum dominus, dominus scilicet ad seruum, & ait. Quid tu hic Helia? Velut notans eum timoris & fugæ. Quid tu, inquit, Helia? Putasne fugisti, & furor te unius mulierculæ profugum fecit? Vbi est illa constantia ubi libertas? Discede cetero non tibi ipsi confidere, nec propriæ, cum res secundo cursu ferantur, imputare uirtuti. Verumtamen Helias respondet & dicit, aliud quidem mente retinens, aliud ore deprecans. Domine propheetas tuos occiderunt, altaria tua destruxerunt, & ego relictus sum solus, & querunt animam meam. Hoc est, hæc cogitatio quæ tantum prophetam de ipso deiecit fastigio meritorum, communem hominem demonstrauit. Denique, mox cum corripit sermo diuinus. Non ita, inquit, est Helia, falleris, & humana cogitationis laqueis iretiris: non iccirco fugisti, nec te ideo, quod solus esses, regina perterruit. nec enim tu es tantummodo qui non adraueris Baal: sunt mihi fideles famuli, sunt multi amici, & septem millium uitiorum celsissima uirtus, quam nec error humanus inclinare, nec inanis gloriæ cogitatio potuit eleuare. Hi omnes non curauerunt genua ante Baal, sed instabili poplite ad instar cælestis exercitus me semper adorant. Fugisti ergo non quod in te solo furor adulteræ desuiret, sed quod tibi hanc elationem genuerit magnitudo uirtutum, ut tam arrogantem ferres de genere humano sententiam: erasque paulisper mea gratia deferendus: & nisi tibi tantæ elationis frenum laxassem, lapsum incurres grauiorem, & disceres bona facta non tux uirtuti ascribere, sed diuinæ. Non igitur alia ex causa fugisti, nisi quod secedente mea gratia mulier te minaci sermone deterruit. Consideremus ergo quanta uis fuerit in adulteræ sermone, gratia recedente, quanta formidinis magnitudo, quod quadraginta diebus oberrabat fugiens Helias per inuia & deserta, tantique ieiunii metu consternatus non sentit esuriam. Quid agis Helia? Vbi est, ut sæpe iam memini, illa omnibus stupenda fiducia, ubi os illud metuendum, ubi lingua terribilis alternis imperans elementis? Sed hoc tibi, ut dixi, constabat gratia ministrante. Vide ergo quemadmodum leuitate culpæ permittitur iacere tantus propheta, ut emendatus elationis uizio atque correptus, integro uestiatur moderationis, & clementiæ indumento. Iam ergo eruditi sumus & docti in Petro, atque Helia, quemadmodum eos dominus nostri

nostri causa circumferri delicto, quemadmodum illos fidei pietatisq. signi-
 feros; & generis humani columnas permiserit metu dominante quassari: ut po-
 pulorum esset exemplum, a Deo sibi non peccandi gratiam minime condona-
 tam, ne tam ipsi a culpis essent ac uitii alieni, peccatoribus diri existerent &
 crudeliter: sed cum forte quis fuerit delicto praeventus, non statim abiiciant, non
 condemnent iacentis affectum, sed impartiantur viscera caritatis, porrigant ma-
 num, & erigant lapsum, spem ei diuinæ clementiæ promittentes, siq. se exemplo
 illorum commendent magistrorum. Hæc autem iccirco diximus, non iustos cul-
 pandos, sed peccatores ad spem erigendos protulimus: & primo quidem uirtutes
 10 eorum extulimus, nunc culpas intulimus, ut & iustis formam cautelæ, & peccato-
 ribus salutis portum fidelissimū monstraremus. Merito queritur quo modo licite
 sacrificauerit Helias extra templum Dei, quando & ignem de celo impetrauit, &
 prophetas dæmoniorum conuicit. Quod mihi non uidetur alia ratione defendi,
 quam illa qua defenditur & Abraham factum, quando filium Deo iussus uoluit im-
 molare. cum enim iubet ille qui legem constituit aliquid fieri quod in lege prohi-
 buit, iussio ipsa pro lege habetur, quoniam auctor est legis. non enim desse pos-
 sent miracula alia, præter sacrificium, quibus superarentur & conuincerentur pro-
 phetæ lucorum, sed spiritus Dei qui fuerat in Helia, quidquid in hac re fecit, con-
 tra legem esse nō potest, quia dator est legis. Alia adhuc insuper quaestio animū pul-
 20 sat, quare interpellauerit Helias Deum, quod Israel derelicto Deo prophetas occi-
 derit, & eius destruxerit altaria, cum in lege olim iussum fuisset, non eos posse am-
 plius habere altare quam unum, primum in tabernaculo, deinde in templo: nisi
 quod liquide datur intelligi, quod postquam decem tribus a domo David excisæ,
 & a templo & Hierusalem sunt separatæ, illi qui in decem tribubus, quæ uocaba-
 tur Ephraim, cultores diuini nominis erant: & ut putandum est, ad illa altaria re-
 currebant, quæ olim exegerant patriarchæ Abraham, Isaac, & Iacob, locis com-
 petentibus, ubi eis Deus apparuerat: ad hæc altaria cultores diuini nominis, & si
 non ad sacrificandum, tamen ad adorandum Deum patrum suorum recurrebant.
 Hæc uidentes Israelitæ sacrilegi, & idolorum cultores destruebant, ut nec ibi lo-
 30 cus esset, ubi ueri adoratores dominum precarentur: & hoc est, ut in superiori par-
 te iam præmissum est, quod instaurauerit Helias altare domini, quod destructum
 fuerat. Dixitq. dominus ad Heliam, Egredere, & sta in monte coram domino.
 Et ecce dominus transit, & spiritus grandis & fortis, subuertens montes, & con-
 terens petras ante dominum. Quod autem ait, ante dominum spiritum præces-
 sisse grandem, & cetera: eius aduentum significat ad corda credentium, quibus-
 dam occultis & ineffabilibus signis esse profuturum. nam quod ait, Subuertens
 montes, & conterens petras ante dominum: hoc est quod apostolus ait, Arma
 militiæ nostræ non carnalia, sed spiritualia, ad destructionem munitionum; & om-
 nem altitudinem extollentem se aduersus scientiam Dei. Non in spiritu domi-
 40 nus, & post spiritum commotio: non in commotione dominus, & post commo-
 tionem ignis: non in igne dominus, & post ignem sibilus auræ tenuis. Spiritus
 ante dominum euerit montes, & conterit petras: quia paup. qui ex aduentu eius
 ingruit, & altitudinem cordis nostri deiicit, & duriciam liquefacit. Sed spiritus
 commotionis & ignis, Deum non inesse dicit: in sibilu uero tennis auræ non ne-
 gat: quia nimirum mens cum in contemplationis sublimitate suspenditur, quid-
 quid perfecte perspicere ualet Deus non est. Cum uero subtiliter aliquid conspi-
 cit, hoc quod de incomprehensibili substantia æternitatis audit, quasi sibilum au-
 ræ tenuis percipit: sed sibilum auræ tenuis percipimus, cum saporem incircumscr-
 ptæ ueritatis contemplatione subita subtiliter degustamus. Tunc ergo uerū est quod

Deum cognoscimus, cum plene nos aliquid de illo cognoscere non posse sentimus. Unde bene illic subditur. Quod cum audisset Helias, operuit vultum suum pallo, & egressus stetit in ostio speluncæ. Quid est quod propheta cum uocem domini loquentis secum audit, in speluncæ suæ ostio stat & faciem uelat: nisi quia dum contemplationis gratia uox supernæ intelligentiæ fit in mente, totus homo iam intra speluncam non est, quia animum carnis cura non possidet: sed stat in ostio, quia mortalitatis angustias exire meditatur. Sed iam quia in ostio speluncæ consistit, & uerba Dei in aure cordis percipit, necesse est ut faciem uelat: quia dum per supernam gratiam ad altiora intelligentiæ ducimur, quanto sublimius leuamur, tanto semper per humilitatem nosmet ipsos intellectu nostro premere debemus, ne conemur plus sapere, sed sapere ad sobrietatem: ne, dum nimis inuisibilia discutimus, absteremus, ne in illa natura incorporea corporei luminis aliquid queramus, aurē enim intendere, & faciem operire, est uocē interioris substantiæ audire per mentē, & tamen ab omni specie corporea oculos cordis auertere, ne quid sibi in illa corporeale animus fingat, quæ ubique tota, & ubique incircumscrip̃ta est. Et dominus dixit ad Heliam. Vade reuerrere in uiam tuam per desertum in Damascum.

De reditu He-
lie Damasci.

IX

Cumq; perueneris, Azahel regem super Syriam, & Iehu filium Namsi unges regem super Israel: & Helisæum filium Saphat, qui est de Abelmaula, unges propheta pro te. et erit quicumque fugerit gladium Azahel, occidet eum Iehu. & qui fugerit gladium Iehu, interficiet eum Helisæus. Abelmaula urbs est una de precipuis urbibus Salomonis: est autem nunc uicus, ut in locorū libro legimus, in Aulone X ab Scythopoli miliaria distans cōtra australem plagam, & nunc dicitur Bethulia. Damascus enim qui interpretatur Sanguinem bibens siue propinans, totius mundi typū gerebat, in quo habitatores illius, immolando demonibus filios suos, sanguinem bibere ac propinare non est ambiguum: sanguis enim pro peccato ac morte ponitur in scripturis; quam non solum sibi infelices uidebantur inferre, sed & suis imitatoribus propinabant: Azahel uero, qui interpretatur Factura Dei, uniuersarum gentium continebat figuram, cui ualde congruit interpretatio, Dei factura. opus enim Dei fuit, ut obdurato Israele, & signis atque uirtutibus domini penitus nequaquam credente, nationum populi cum omni mentis alacritate credere in crucifixum. Siue aliter factura Dei, id est, inago Dei per fidem Christi gentibus reseruita; nulli poterit esse dubiū. Nam ut in Iacob & Esau figura præcesserat, maioris quondam filii primatus ac benedictio ad iuniorem fratrem translata: ita etiam in Iphis, Azahel uidelicet & Iehu, diuina dispensatione intelligimur geri, ut gentium populus, qui fuerat iunior, per Azahelē præponatur in persona Iehu primogenito, ut scriptum est, Israeli: & iuxta scripturæ testimonium, populus qui erat in capite, propter prauiticationes assiduas, de piculuum quod inuoluit domino, factus in cauda est: translatoq; ab eodem regno, ut dominus fuerat præstatu, datus est gentium populus Dei uoluntatem uidelicet exequenti. Sed quia diuinæ pietatis est omnes homines saluos fieri, sicut Esau, licet iunior fratri subiectus nequaquam benedictione priuaret, ita quoque & hic Helias a Deo predictus, Relinquam tibi septem millia uirorum, quorum genus non sunt curuata ante Baal. Relinquam enim ad futurum tempus pertinere uidelicet exequenti. Sed quia domini aduentu constat fuisse expletum, de illis pro certo extitisse intelligendum, qui ex omni Israele per apostolos Christi fidem susceperunt, & septiformi gratia spiritus sancti uncti sunt. Iehu uero cuius uocabulum interpretatur Ipse uel Es, filius uidelicet Namsi, qui interpretatur Antropeus uel Palpius, Apostolorum spiritualiter figurabat personam. Illis quippe horum nominum ualde congrua interpretatio. Beati enim apostoli semper pro certo sunt, qui pro trinitatis confessione &

scripsit 3. A. A.

ueridica

ueridica predicatione Deo & universo orbi perpetuo uiuunt. Ioannes quoque in epistola sua, cum de uerbo uitæ, hoc est Dei filio, qui carnem assumpsit scriberet, ita affatus est, Quem nostris oculis uidimus, & auribus nostris audiuius, & manus nostras tractauerunt. Quod autem dicitur Heliz, Helisum filium Saphat de Abelmaula unges prophetam pro te, ita intelligendum est, Helisus enim interpretatur Dei mei salus, Saphat autem Iudicans, Abelmaula uero Lucidus parturiciens Dei enim filius, qui est uera fidelium salus, cui omne iudicium tradidit pater, in quo iudicio impius & incredulus erit luctus parturiciens, gehennæ fidelicet cruciatus, quia in substantiæ suæ splendore atque uirtute nõ poterat ab hominibus contemplari ex deitate, ut apostolus ait, se exinanienti maiestate, in Helisei præfiguratione serui dignatus est suscipere formam, qui uerus homo ex uirgine utero procreatus, sanctoq. spiritu est unctus. Quod autem ait historia, Qui effugerit gladium Asahel, occidet eum Iehu, & qui effugerit gladium Iehu, interficiet eum Helisus, hoc modo intelligi potest. gladius enim Asahel Syri, illorum doctrina accipienda est, qui ex gentibus dominicæ incarnationis & passionis ac resurrectionis uates inspirati diuinitus extiterant, ad confutandos uidelicet Iudeorum doctores, qui hoc mysterium populis occultabant. Gladius uero Iehu, qui super Israel unctus est, prædicatione intelligenda est Ioannis domini præcursoris, qui saducteos & pharisæos uenientes ad baptismum suum increpans, dixisse scribitur: Genimina uiperarum, qui uobis ostendit fugere futuram iram? Gladius præterea Helisei, euangelica accipienda est prædicatione, de qua dixisse scribitur: Non ueni pacem mittere, sed gladium: quia fideles & iustos quodam modo diuidit & separat ab infidelibus & iniustis, & quia in cordibus credentium cupiditates interimit noxias, & uitia uniuersa atque peccata. Interea ait dominus ad Heliam. Reliqui mihi septem milia uirorum, qui non curauerunt genua ante Baal, & omnes os quod non adorauerit eum oculis manuum. Certum est quod cordis sui oculum per elationis tenebras exstinguit, qui cum recte agit, considerare meliorum merita negligit. Ac contra magno humilitatis exemplo semet ipsum illuminat, qui aliorum bona subtiliter perlat, quia dum ea quæ ipse fecerit, facta foris & ab aliis conspiciat, eum qui de singularitate intus erumpere nititur, superbie tumorem premit. Hinc est quod uoce domini ad Heliam solum se assumantem dicitur. Reliqui mihi septem milia uirorum, qui non curauerunt genua ante Baal: ut dum non solum se remansisse cognosceret, elationis gloria, quæ ei de singularitate surgebat, inclinaret. Prophetam namque erat, & sæpe mysteria superna cognouerat. Quid ergo difficile fuit agnoscere, in hoc mundo fideliter Dei famulos & alios remansisse? Sed hinc solerter inueniendum est, oculum elatio quam requirit claudat, quia qui humilis occultat Dei nouerit, clatus & aperta nesciat. Post hæc inquit reperit Helias Helisum filium Saphat amicum in XII iugis bouum, & ipse in XI arantibus unus erat: Cumq. uenisset, misit pallium suum super eum, qui relictis statim bobus, cucurrit ad Heliam, & ait. Osculetur oro te patrem meum & matrem meam, & sic sequar te. Cui dixit Helias: Reuertere, quod enim meum erat, feci tibi: Renatus itaque Helisus, tulit par bouum & mactauit illos, & in aratro bouum coxerat, nec eorum, deditq. populo ad comedendum. XII iuga bouum XXIIII ueteris testamenti figuratiter accipiendi sunt libri: XII aratores, XII sunt intelligendi apostoli, sed in omnibus illis dominus existere dignatus est operator, qui dixit, Sine me nihil potestis facere. Osculum patris, reconciliationis dignoscitur signum. In duobus enim bobus lex accipienda est & prophetia, quarum umbras & imagines dominus noster per incarnationis suæ ac passionis mysterium occidit in littera, & in crucis suæ coxit aratro, nec non ad comedendum fidelibus præbuit

Luca 3

Marc. 10

Iom. 15

boit, ut iam non uiuant secundum litteram, sed secundum spiritum. Posthæc refert scriptura, quod Benadab rex Syriæ obsidens, & impugnare incipiens Samariam, ait. Hæc faciant mihi dii, & hæc addant, si succerit pulvis Samariæ pugillis omnis populi qui sequitur me. Hunc habet sensum, Samaria iuxta morem ciuitatum, habebat terram interius prope muros pene ipsis muris æqualem, ne uidelicet eos sine subsidio terræ adiacentis erectos creber, insistente manu hostili, deliceret ictus arietis: extrinsecus autem murorum altitudo longe superficiem terræ transcendêrat, maxime cum in montis uertice, ut scriptura refert, fuerit urbs eadem. Ait ergo rex superbus obsessam terrenis ciuitatem, quod tantâ haberet exercitus multitudinem, ut etiam si quisque militum eius solummodo lapidem, uel cespitem, uel stipitem ad cõstruendum cõtra urbem aggerem apponeret, tam sublimis ex eo posset agger exurgere, qui superficiem ciuitatis ipsius, quæ erat intra muros esse uideretur æqualis, ita ut ex æquo pugnantes contra ciuitatem, tela uel faces mittere possent. Cuius temeritatem arrogantis modesto sermone compe-scens rex Israel ait. Dicit ei. Ne gloriatur accinctus, æque ut discinctus. Aliud est autem accinctus, aliud discinctus, aliud non accinctus: Accinctus namque est, qui cingulo circumdatus incedit: discinctus qui cingulum nuper deposuit, uerbi gratia, uel balneum intraturus, uel lectum ascensurus, uel alteram tunicam forte induiturus: non accinctus, qui nuper tunica indutus, necdum se ad addita zona circumpositione muniuit: Sic ergo & in expeditione castrensi qui positus est, recte accinctus nominatur, idest armis indutus, qui pugna confecta uictor domum rediit, iure discinctus uocatur, quia nimirum depositis armis optate pacis otium gerit. qui uero necdum pugnare, neque se ad certamen parare iam cõperat, merito non accinctus esse dicitur. Ait ergo rex Israel regi Syriæ gloriantis, quasi iam cepisset Samariam, quam obsidere cõperat, Ne gloriatur accinctus æque ut discinctus: ac si aperte dicat, Noli gloriari quasi iam uictor bellici discriminis, qui adhuc in acie positus, quem uictoria sequatur, ignoras. Et uerum profecto dicebat, nam mox inito certamine Benadab non uictis aduersariis triumpans, sed cæso suo exercitu fugiens, domum rediit. Benadab regem Syriæ typum habuisse diaboli, qui princeps est huius mundi, non dubium est; qui cum XXX & duobus regibus, hoc est, omnibus uiciis suis aduersus humanum genus pugnare non desistit. Achab uero qui interpretatur Frater patris, hoc in loco personam gestauit Iudæorum, cum quibus diabolus prius confictum habuit. Interea sequitur scriptura de uisione Michæ prophetæ, ubi ait ad Achab. Vidi dominum sedentem super solium suum, & exercitum cæli à dextris & à sinistris eius, & dictum est. Quis decipiet Achab, & ascendat & cadat in Ramoth Galaad. Et dixit unus uerba huiusmodi, & alius aliter, Et egressus unus dixit, Ego decipiam Achab. Et dictum est ei: In quo decipies? Qui respondit dicens. Egrediar, & ero mendax spiritus in ore omnium prophetarum eius. Quid per solium domini nisi angelicas potestates accipimus, quarum alis præsidens inferius cuncta disponit? Et quid exercitus cæli, nisi ministrantibus angelorum multitudo describitur? Quid est ergo quod exercitus cæli à dextris & à sinistris eius stare perhibetur? Deus enim qui ita est intra omnia, ut etiã sit extra omnia, & qui incircumscriptus est, ueritas illius æterna beatitudo, quæ dextera eius dicitur, sinistra non habet, quia nihil est quod displiceat, quia simul omnia cõtuetur, simul cuncta aspicit. ea autem in quibus & bonus spiritus uiuit & malus, exercitum cæli à dextris & à sinistris habere describitur: ut per dexteram intelligamus angelos electos, per sinistram uero spiritus reprobos. non enim ministrat Deo solummodo boni, qui adiuuant, sed etiam mali qui probant: non solum qui a culpa redeuntes subleuant, sed etiam qui redire nolentes

De uisione Michæ.
XI

21. 211

nolentes granant: Nec mouere debet quod exercitus cæli etiam repulsi angeli uo-
 cantur, quia & ipsi quamuis ab æthereo cælo expulsi sint, adhuc tamen in aereo
 cælo demorantur, aquas enim in aere suspendi nouimus, aues cæli nominamus,
 & de eisdem spiritalibus Paulus dicit, Con tra spiritalia nequitia in cælestibus. *Ephes. 6*
 Quorum caput enuncians ait, Secundum principem potestatem aeris huius. Ad
 dexteram ergo & sinistram exercitus stat, quia uoluntas electorum spirituum diui-
 nae pietatis concordat, & reproborum sensus suae malitiae seruienti, iudicio distri-
 ctionis eius obtemperat. Vnde & mox spiritus in medio profluisse describitur,
 per quem Achab rex exigentibus suis meritis diceretur. neque enim fas est cre-
 dere bonum spiritum fallaciae deseruire uoluisse, ut diceret, Egrediar & ero men-
 dax spiritus in ore omnium prophetarum eius: Sed quia Achab rex peccatis præ-
 cedentibus dignus erat, ut tali debuisset deceptione damnari, quatenus qui saepe
 uolens ceciderat in culpa, quandoque nolens caperetur ad poenam: occulta ius-
 titia, licentia malignis spiritibus datur, ut quos uolentes in peccati laqueo stran-
 gulant, in peccati poenam etiam nolentes trahant. Sed quo modo Deus hæc agat
 ubique præsens, & ubique totus, ac semper præsens, & quo modo eius simplicem
 & incommutabilem æternamque ueritatem consulant sancti angeli, omnesque ab eo-
 dem creati sublimes & mundissimi spiritus, atque id quod in eo semperiternæ iustitiæ
 uident, pro congruentia rerum inferendarum temporaliter peragant: quo modo
 etiam lapsi spiritus qui in ueritate non steterunt, propter immundiciam & infir-
 mitatem concupiscentiarum & poenarum suarum non uolentes præsentem intrin-
 secus contueri & consulere ueritatem, signa forissecus per creaturam expectent,
 eisque moueantur, siue ad faciendum aliquid, siue ad non faciendum: quoue mo-
 do cogantur æterna lege qua uniuersitas regitur, uincti atque constricti, uel sinen-
 te Deo operari, uel cedere iubenti: & complecti arduum, & explicare longissimum
 est. Post mortem Achab regnare coepit Ochozias filius eius pro eo: de quo re-
 fert scriptura, quod cecidit per cancellos cænaculi sui, quod habebat in Samaria:
 & agrotauit Ochozias rex Samariae, qui se a domo Dauid separauit, & per can-
 cellos decidit, hoc significare uidetur, quia hæretici siue schismatici, etsi aliquam
 bonæ actionis attem consendere uidentur, quia tamen compagem ecclesiae uni-
 tatis non habent, quasi patentibus & non solidis laterum præfidiis semper ad ui-
 ziorum infirma relabuntur, dum diuino destituti auxilio suae pertinaciae fastu in-
 tereunt. Deinde refert eadem scriptura quod idem Ochozias miserit duos prin-
 cipes quinquagenarios ad Heliam, quem quia procaciter hominem Dei uocau-
 runt, illo orante, cælesti igne consumpti sunt: tertius autem missus saluator est.
 Figurallter autem quinquagenarius numerus confessio penitentiae est, per quod
 declaratur remissio peccatorum. Iudæi enim nolentes Christum Deum esse uerum,
 nec principem indulgentiae largitorem, dicunt ei, Quinquaginta annos nondum
 habes, & Abraham uidisti? Hi tales futuro diuino ignis incendio extinguuntur.
 Tertius autem quinquagenarius, quia conuersus ad fidem trinitatis, demonstrat
 penitentiae sacramenta, iccirco ad indulgentiam meruit peruenire. Sciendum est
 quod scriptura sacra duobus modis maledictum memorat, aliud uidelicet quod
 approbat, aliud quod damnat. aliter enim maledictum profertur iudicio iustitiae,
 aliter liuore uindictae. Maledictum quippe iudicio iustitiae ipso primo homine pec-
 cante prolaturum est, cū audiuit: Maledicta terra in opere tuo. Maledictum iustitiae
 iudicio profertur, cū dicitur ad Abraham, Maledicta maledictis tibi. Rursum quia
 maledictum non iudicio iustitiae, sed liuore uindictae promitur, uoce Pauli prædi-
 cantis admonemur, qui ait, Benedicite, & nolite maledicere. et rursum idem: Ne-
 que maledici regnum Dei possidebunt. Deus ergo maledicere dicitur, & tamen
 maledicere

De morte A-
chab. XII

De militibus
combustis.
XIII

Ioan. 8

Gen. 2
Gen. 12

Rom. 12
1. Cor. 6

maledicere hominē prohibet, quia quod homo agit malitia uindictæ, Deus non facit, nisi examine & uirtute iustitiæ. nam & sancti uiri cum maledictionis sententiam proferunt, non ad hanc ex uoto ultionis, sed ex iustitiæ examine erumpunt. intus enim subtile Dei iudicium aspiciunt & mala foris exurguntia, quia maledictio debeat ferire cognoscunt, & eo in maledictio non peccant, quod ab interno iudicio non discordant. Hinc est quod Petrus in offerentem sibi pecunias Simonem sententiam maledictionis intorsit, dicens, Pecunia tua tecum sit in perditione. qui enim nō ait, Est, sed Sit, non indicatio sed optatio modo se hac dixisse significauit. Hinc Helias duobus quinquagenariis ad se uenientibus dixit: Si homo Dei sum, descendat ignis de celo, consumat uos. Quorum utique sententia quanta ueritatis ratione conualuit, terminus causæ monstrauit. nam & Simon æterna perditione interiit, & duos quinquagenarios desuper flamma ueniens consumpsit. Virtus ergo subsequens testificatur, qua mente maledictionis sententia cum maledicentis innocentia permanet, cum eum, qui maledicitor, usque ad interitum maledictio absorbet. Itaque ex utriusque sine partis colligitur, quia ab uno & intimo iudice in reo sententia sumpta iaculatur. quod enim abstrahendus Helias atque eleuandus ad cælum, iusserit Helisæo ut resideret in Bethel, aut Hiericho siue Iordane, & ille semper iurauerit per dominum, quod non relinqueret eum, hoc figurasse uidetur, quod apostoloni in se habuerit figuram, qui ab ipsa reuelatione fidei, hoc enim interpretatur Galgala, Christo domino in diuidue adherentes, usque in diem ascensionis eius in cælum, ab eius comitatu non recesserunt. Cumq; transisset Iordanem, dixit Helias ad Helisæum. Postula quid uis ut faciam tibi, antequam tollar a te. Dixitq; Helisæus, Obsecro ut fiat spiritus tuus duplex in me. Secundum historiz fidem duplex spiritus Helisæ collatus est, quia multo plures uirtutes Helisæus quam Helias operatus est: tropologice uero duplex spiritus Helisæo attributus est, quia post ascensionem domini per aduentum spiritus sancti duplex intelligentiæ donum, hoc est, noui ac ueteris testamenti apostolis est collatum. Cumq; pergerent & incedentes fermocinarentur, ecce currus igneus & equi ignei diuiserunt utrumque, & ascendit Helias per turbinem in cælum. Helisæus autem uidebat & clamabat. Pater mi, pater mi, currus Israel & auriga eius. Et non uidit eum amplius. Currus Israel, hoc est, Mente uidentium Deum, non incongrue dominus Iesus Christus accipitur, qui electos suos patienter tolerando uelut in curru portat, atque per prædicationem & disciplinam suam sicut auriga agit. Moraliter autem quid est quod Helias currus & auriga dicitur, nisi quia auriga agit, & currus portat? Doctor ergo qui mores populi & per patientiam sustinet & sacri eloquii uerbis docet, & auriga dicitur & currus: currus quia tolerando portat, auriga quia populos bonis admonitionibus exerceret. Quid est autem quod Helias ad cælum raptus esse dicitur? Numquidnam eum adhuc in hac carne corruptibili positi, ad illius summæ quietis requiem ante resurrectionem ascensionemq; domini credimus esse perductum? Sed aliud est cælum acreum, & aliud æthereum. Cælum quippe acreum, terræ est proximum. unde & aues cæli dicimus, quia eas uolitare in acre uidemus. In cælum quippe acreum Helias subleuatus est, ut in secreta quasdam terræ regione repente duceretur, ubi in magna iam carnis ac spiritus quiete uiucret, quousque ad finem mundi redeat & mortis debitum soluat. Subleuatus namque Helias ascensionem domini designauit. ille enim mortem distulit non euasit. Redemptor autem noster, quia non distulit superauit, eamq; resurgendo consumpsit, & resurrectionis suæ gloriam ascendendo declarauit. Notandum quoque est quod Helias in curru legitur ascendisse, ut uidelicet aperte monstraretur, quia purus homo adiutorio

adiutorio egebat alieno. Per angelos namque illa facta & ostensa sunt adiumenta, quia nec ad cælum quidem acreum per se ascendere poterat, quem naturæ suæ infirmitas grauari. Redemptor autem noster non curru, non angelis subleuatus legitur, quia is qui fecerat omnia, nimirum super omnia, sua uirtute ferebatur. illo etenim reuertebatur ubi erat, & inde redibat ubi remanebat, quia per humanitatem ascenderat in cælum, per diuinitatem suam, & terram pariter continebat & cælum. neque enim arbitrandum est Heliam uel sic esse sicut erunt sancti, quando peracto operis die, denarium pariter accepturi sunt: uel sic quemadmodum sunt homines, qui ex ista uita nondum emigrauerunt, de qua ille tamen non morte, sed translatione migrauit. Iam itaque aliquid melius habet, quam in hac uita posset, quamuis nondum habet quod ex hac uita recte gesta in sine habiturus est. pro nobis enim meliora prouiderunt, ne sine nobis perfecti perficerentur. Aut si quisquam putat hoc Heliam mereri non potuisse, si duxisset uxorem filiosque procreasset: creditur enim non habuisse, quia hoc scriptura non dicit, quamuis & de calibatu eius nihil dixerit: quid de Enoch respondet, qui filiis genitis Deo placens non mortuus, sed translatus est? Cur ergo & Adam & Eua si iuste uiuentes, caste filios procreassent, nonne eis possent translatione non morte succedentibus cedere? nam si Enoch & Helias in Adam mortui, mortisque propaginem in carne gestantes, quod debitum ut soluant, creduntur etiam redituri ad hanc uitam, & quod tamdiu dilatum est morituri, nunc tamen in alia uita sunt, ubi ante resurrectionem carnis antequam animale corpus in spiritale mutetur, nec morbo nec senectute deficiunt: quanto iustius ac probabilius primis hominibus illis præstaretur, sine ullo suo parentum peccato uiuentibus, ut in meliorem aliquem statum filii genitis cederent, unde sæculo finito cum omni prosperitate sanctorum in euangelicam formam, non per carnis mortem, sed per Dei uirtutem multo felicius mutarentur. Apprehenditque uestimenta sua, & scidit illa in duas partes, & leuauit Helisæus pallium Helix quod ceciderat ei) Helisæus enim domini ac redemptoris nostri figuram gestauit, uestimenta uero illius ueteris testamenti accipiendæ sunt scripturæ, quæ tunc scissæ, hoc est, reuelatæ hominibus sunt, quando per passionem & resurrectionem siue ascensionem ipsius in cælo expletæ sunt. Pallium uero Helix ab Helisæo collectum, uirtus accipienda est uerbi, quam ad glorificandam carnem suam mundo reliquit. Habitatio autem Helisæo in Hiericho, uenerunt ad eum uiri ciuitatis, & dixerunt ei: Ecce habitatio ciuitatis huius ualde optima est, ut ipse ut domine percipis, sed aquæ pessimæ sunt, & terra sterilis. At ille ait, Afferte mihi uas nouum, & mirtite in eo sal, Qui cum attulissent, egressus ad fontem aquarum, misit in eum sal, & ait. Hæc dicit dominus. Sanaui aquas has, & non erit in eis ultra mors neque sterilitas. Sanatæ ergo sunt aquæ usque ad diem hanc iuxta uerbum Helisæi quod locutus est) Ciuitas Hiericho mundi huius præsignabat figuram, cuius habitatio secundum conditoris creationem non simpliciter tantum, sed ualde ab omnibus ut cernitur, optima est. Aquæ uero illius pessimæ, doctrina accipienda est philosophorum & poetarum, uidelicet hominum mentes ad dæmonum cultum & libidinem atque luxuriam prouocans. Terra uero sterilis, omne indicat hominum genus, qui relicto creatore Deo obscuratis sensibus deseruiebant omnibus creaturis. Quem enim in hoc facto miraculo, nisi dominum Iesum Christum præfigurauit, qui postquam uerbum caro factum est, atque per ministrum in Iordane fluuii baptizari dignatus est, aquas Hiericho steriles, hoc est huius mundi conuerterit in lauacri fecunditatem, ut quidquid ex eis regeneratum fuisset, uitalem acciperet spiritum. In sale quippe sapientia, in uase uero rudi caro domini intelligitur. Ascendit, inquit,

Ab Helisæo facta
nata aqua.

XV

Isa. 1

*De pueris ab
eo maledictis.*
XVI

inquit, in Bethel. Cumq. ascenderet per uiam, pueri parui egressi sunt de ciuitate, illudebantq. ei dicentes. Ascende calue, ascende calue: Quibus maledicens in nomine domini, continuo egressi sunt duo urfi de saltu, & lacerauerunt ex eis XLII pueros, & abiit ex inde in montem Carmeli Helisæus, qui interpretatur Dei salus, personam saluatoris gestasse non dubium est: qui saluator ascendens in Bethel, hoc est, ad domum Dei cælestem, a ludæis quasi a pueris insipientibus subannatus est; clamantibus iisdem ludæis, Ascende calue, ascende calue, crucifige, crucifige in ciuitatis loco: ob cuius piaculi facinus plebs ludæorum, decursis XLII annis, post resurrectionem saluatoris, & ascensionem in cælos, a principibus Romanorum Vespasiano uidelicet & Tito quasi a duobus urfis consumpta est. Mons uero Carmelus ecclesia intelligenda est, ad quam, spreto Israele, suum dominus

*De filiis uiduæ
a seruitute nim
dicatis.* XVII

translulit regnum. Mulier quædam, inquit, de uxoribus prophetarum uenit ad Helisæum, & ait. Seruus tuus uir meus mortuus est, & tu nosti quia timens erat Deum, & ecce nunc ueniens creditor duos filios meos uult tollere in seruitutem sibi. Cui dixit Helisæus: Quid habes in domo tua? indica mihi: At illa, modicum, inquit, olei quo ungar. Ad quam Helisæus, Vade, ait, & pete tibi uasa non pauca, & ingressa cubiculum, tolle de ipso oleo, & mitte in uasis, tu infunde & filii tui offerant uasa: Cumq. impleta fuerint, uende & redde creditori tuo, tu autem & filii tui uiuite de reliquo. Quæ abiit, & fecit sicut ei uir Dei præceperat. Mulier hæc uidua antiquam sanctorum patrum, qui sub lege fuerunt, significat uir ecclesiam, quæ in aduentu saluatoris a legali præcepto quasi a legitimo uiro destituta, cum duobus superstitibus filiis, idest, gemino populo derelicta est. Creditor huius ecclesie diabolus intelligendus est, qui humanum genus ante aduentum saluatoris per originale delictum & quotidiana peccata obnoxium tenebat. Quæ ecclesia parum olei in uasculo tenebat, quia gratiam euangelicæ prædicationis intra litteram legis, & prophetiam ueteris testamenti non reuelatam apud se continebat. Postquam uero ad cognitionem ueri Helisæi, hoc est, saluatoris nostri peruenire promeruit, eius consultu a uicinis suis plurima uasa uacua petiit: quia per apostolorum prædicationem multitudinem credentium ex diuersis gentibus intra domum fidei ad se collegit. De oleo quoque, quod apud se habebat, in cetera uascula transfudit, quia gratiam spiritualem per ora prædicatorum in cunctis gentibus mutauit: de quo oleo, idest, diuina gratia filios suos redemit, quia per donum spiritus sancti atque caritatis unctionem a perpetua seruitute peccati semet ipsam cum cunctis fidelibus liberauit. Factum est autem ut Helisæus transfret, & erat ibi mulier magna quæ tenuit eum, ut comederet panem. Cumq. frequenter inde transfret, diuertebat ad eam, ut comederet panem. Quæ dixit ad uirum suum, Animaduerto quod uir Dei sanctus est iste, qui transit per nos frequenter. Faciamus ergo ei canaliculum paruum, & ponamus in eo lectum, & mensam, selam & candelabrum, ut cum uenerit ad nos, maneat ibi, & cetera. Mulier ista Sunamitis typum ecclesie retentabat, quæ priusquam uerum Helisæum, hoc est, saluatorem nostrum per fidem susciperet, sterilis fuit: postquam uero eundem domum in hospicio cordis sui suscipere promeruit, populum fidelem quasi unicum filium genuit. In canaliculo altitudo fidei, in lectulo uero quies spiritalis atque contemplationis otium præfiguratur. In mensa autem unitas fidei & concordia prædicationis innuitur: in sella uero docendi potestas: in candelabro illuminatio fidei, siue claritas uirtutum exprimitur. Post hæc refert scriptura de filio Sunamitis, quem puer Helisæi missus cum baculo non resuscitat: per semet ipsum uero ueniens, seq. super mortuum sternens, atque ad eius membra se colligens, huc illucq. decambulans, & in ore mortui sepius aspirans hunc ad rediuiuum lucem

*De hospitibus
Helisæi.*
XVIII

De puero resuscitato.
XIX

proinus

- protinus per mysterium compassionis animauit: quia uidelicet auctor humani generis Deus quasi mortuum puerum doluit, cum extinctos nos iniquitatis aculeo miseratus asperxit. Et quia per Moysen terrorem legis protulit, quasi per puerum uirgam misit: per legem, quippe uirgam, dominus tenuerat cum dicebat, Si quis hæc uel illa fecerit, morte moriatur. A peccati igitur morte timor nos suscitare non ualuit, sed ad statum uitæ aspirata mansuetudinis gratia crexit. Sed puer cum baculo mortuum suscitare non ualuit, quia Paulo attestante, nihil ad perfectum adduxit lex. Ipse autem per semet ipsum ueniens, & super cadauer se humiliter sternens, ad adæquanda mortui membra se collegit: quia cum in forma Dei esset, non rapinam arbitratus est esse se æqualem Deo, sed semet ipsum exinanuit, formam serui excipiens, in similitudinem hominum factus, & habitum inuentus ut homo. Huc illucq. deambulabat, quia & in dextrâ iuxta & longe positas gentes uocat. Super mortuum septies inspirat, quia per apertionem diuini numinis gratia septiformis spiritus in peccati morte iacentibus aspirat: moxq. uiuens agitatur, quia is, quem terroris uirga suscitare non potuit, per amoris spiritum puer ad uitam rediit. Iam nunc historia Naaman Syri prosequenda est: De Naaman a lepra munda to. XX
- Superius ostendimus Helisum typum habuisse domini lauatoris. Naaman uero princeps militiæ Syriæ qui leprosus fuerat, & suggerente ancilla, ad beatum Helisum sanandus aduenit, populum gentium figurauit. Puella uero paruula, quæ de terra Israël ab Assyriis capta, & in Syriam ducta, uxori Naaman seruitum exhibebat, & domini suæ suggererat, quod si ad beatum Helisum suus dominus pergeret, sanitatem consequeretur, legis accipienda est fama: iccirco uidelicet paruula nuncupata, quia, ut apostolus ait, nullum ad perfectum perducere ualuit: omnis enim perfectio in domino Iesu Christo est. fama quippe eorum, quæ in lege de castitate & sobrietate, patientia, iustitia, hospitalitate, pietate, ceterisque uirtutibus habebantur, ad uniuersas peruenerat nationes: quia licet in tempore illo in sola Iudæa prophetia floruerit, fieri tamen non poterat, nisi ut etiam ad illas uicinas gentes beata eius notitia perueniret: & quamquam eandem custodire contenderent, tamen uelut captiua eisdem seruiebat, quia idololatriæ cultui deditæ erant. tamen audiuit Naaman puellam, & uenit ad Helisum sanandus a lepra: & populus gentium audiuit famam legis & prophetiæ, & uenit ad Christum ab omnium peccatorum lepra sanandus. Quid tamen dixit beatus Helisus per nuncium ad Naaman, uideamus. Ait enim ei, Vade, inquit, la uare septies in Iordane. Quod cum audisset Naaman, tantum ut lauaretur septies in Iordane, indignatus est, & uolebat renuere: sed ab amicis suis consilio accepto, acquieuit ut lauaretur, & purgatus est: Hoc significauit, quia populus gentium, antequam Christus crucifigeretur, ipso per se Christo loquente non crediderunt, sed postea docentibus apostolis ad sacramentum baptismi fideliter uenit. Helisus namque in præfiguratione futurorum Naaman Syrum uidere noluit, & tamen minime depexit: sic nimirum dominus Iesus Christus populum gentium, qui cum carnalibus oculis minime uidit, exterum a sua salute non fecit. Dixit ergo Helisus ad Naaman, ut lauaretur septies in Iordane. Notandum quod Helisus mittit Naaman ad Iordanem fluuium, ita Christus populum gentium missurus erat ad baptismum. Quod autem Helisus non per se ipsum Naaman aut tetigit aut baptizauit, hoc significatum est, quod Christus non per se ipsum uenit ad populum gentium, sed per apostolos suos, quia illis dixit: Ite & baptizate omnes gentes in nomine patris & filii & spiritus sancti. Et hoc attendendum est, quia Naaman, qui populum gentium figurabat, in illo fluuio sanitatem receperit, quem postea Christus suo baptismate consecrauit. Audiens uero

- Naaman, ut lauaretur septies in Iordane, indignatus est dicens, Numquid non meliora sunt flumina regionis mez, flumina Damasci Abana, & Pharphar, ut in ipsis lauer & munder? Hæc illo dicente, consilium dederunt serui sui, ut acquiesceret prophæte consilio. Quid autem hoc significet, intuumdum est. Sanctus Helisæus, sicut diximus, typum habebat domini saluatoris, & Naaman figurabat populum gentium. Quod uero de suis fluminibus sanitatem se recepturum esse credebat, hoc indicabat, quod genus humanum de libero arbitrio & de propriis meritis præsumebat. Sed propria merita sine gratia Christi libertatem habere possunt, recipere sanitatem omnino non possunt. Vnde nisi ad exemplum Naaman, humanum genus consilium Helisæi audisset, id est, per Christi gratiam 19 donum baptismatis humiliter excepisset, ab originali & actuali lepra liberari non posset. Siue aliter flumina Damasci, quorum aquas Naaman Syrus meliores a quibus Iordanis esse opinabatur, huius mundi sapientiam significant, quam populus gentium priusquam fidem Christi perciperet, pro magno habens, euangelice præcepta negligens, contemnebat. Lauare septies, dixit, propter septiformem gratiam spiritus sancti, quæ in Christo domino requieuit. Denique quando in eo fluuio dominus baptizatus est, spiritus sanctus in columbæ specie super eum uenit.
4. Reg. 5 Cum ergo in figura baptismi Naaman in fluuium descendisset, Facta est, inquit, scriptura, caro eius tamquam pueri paruuli: Hanc similitudinem in populo Christiano completi uidentur, quia omnes qui baptizantur, siue senex sit siue iuuenis 20 omnes tamen infantes appellantur, quia per Adam & Euam ueteres nascuntur, per Christum & ecclesiam noui regenerantur. Prima generatio perducit ad mortem, secunda generatio perducit ad uitam. Prima generatio filio iræ, secunda generatio uasa misericordiæ, sicut apostolus dicit: In Adam omnes moriuntur, in Christo omnes uiuificantur. Quo modo Naaman senex leprosus lauando factus est uelut puer, sic populus gentium cum esset peccatis ueteribus senex, & multis iniquitatum maculis uelut lepra perfusus, per gratiam baptismi ita renouatur, ut in eo nec originalis nec actualis peccati lepra remaneat: & qui fuerat criminum ponderibus curuus, ad exemplum Naaman salutari lauacro renouatur, ut paruulus, & prima stola induitur, De qua apostolus ait: Quicumque in Christo baptizati 30 estis, Christum induistis. In emundatione Naaman Syri, decima uirtus ponitur Helisæi. Denarius enim numerus consummationem siue perfectionem demonstrat: quia in fine mundi dominus legitur aduenisse, in quo uniuersis lepra infidelitatis aspersis cognoscitur salus attributa. Quod uero posteaquam mundarus est Naaman, munera obrulit beato Helisæo, & ille accipere noluit, Christi in hoc gratia figuratur, quæ ideo gratia dicta est, quia gratis datur. sic enim ipse dominus in euangelio discipulis dixit: Infirmos curate, mortuos suscite, dæmones eiicite: gratis accepistis, gratis date. Dixitq. interea Naaman ad Helisæum: Obsecro concede mihi seruo tuo, ut tollam onus duorum burdonum de terra. non enim faciet ultra seruus holocaustum aut uictimas diis alienis, nisi domino soli 40 Onus terræ duorum burdonum, incarnationis Christi prætendebat sacramentum, cuius mysterium uterque populus ex circumscriptione uidelicet & præputio ob spem æternæ beatitudinis portare non renuit. Post hæc refert eadem scriptura, quod interrogauerit Helisæus lezi puerum suum. Vnde uenis lezi? Qui respondit, Non iuit seruus tuus quoquam. Et ille ait, Nonne cor meum in præsentem erat, quando reuersus est homo de curru suo in occursum tuum? Nunc igitur accepisti argentum & accepisti uestes, ut emas oliueta, & uineta & oues & boues & seruos & ancillas. Sed & lepra Naaman adhærebit tibi & femini tuo, usque in sempiternum) Si enim propheta Helisæus puerum suum

- suum Iezi absens corpore uidit accipientem muhera, quæ dedit illi Naaman Syrus, quem propheta memoratus a lepræ deformitate mundauerat, quod seruus nequam, domino suo non uidente, latenter se fecisse putauerat: quanto magis in illo corpore spiritali uidebunt sancti omnia, non solum si oculos claudant, uerum etiam unde sunt corpore absentes? tunc enim erit perfectum illud, de quo loquens apostolus ait: Ex parte, inquit, scimus, & ex parte prophetamus, cum autem uenerit quod perfectum est, euacuabitur quod ex parte est. Deinde ut quo modo posset aliqua similitudine ostendere, quantum ab illa, quæ futura est, distet hæc uita, non qualiumcumque hominum, uerum etiam qui præcipua hic sanctitate sunt præditi: Cum essem, inquit, paruulus, quasi paruulus sapiebam, quasi paruulus loquebar, quasi paruulus cogitabam: cum autem factus sum uir, euacuauit quæ paruuli erant: uidemus nunc per speculum in ænigmatæ, tunc autem facie ad faciem. nunc scio ex parte, tunc autem cognoscam, sicut & cognitus sum. Si ergo in hac uita ubi hominum mirabilium prophetia ita comparanda est illi uitæ, quasi paruuli ad iuuenem, uidit tamen Helisæus accipientem muhera seruum suum, ubi ipse non erat. Itane cum uenerit quod perfectum est, nec iam corpus corruptibile aggrauabit animam, sed incorruptibile nihil impedit, illis sancti ad ea, quæ uidenda sunt, oculis corporeis, quibus Helisæus absens ad seruum suum uidendum non indiguit, indigebunt? Namque secundum interpretes
- 10 LXX, ista sunt ad Iezi uerba prophetæ: Nonne cor meum erat tecum, quando conuersus est uir de curru in obuiam tibi, & accepisti pecuniam, & cetera. Sic autem ex Hebræo interpretatus est præbyter Hieronymus: Nonne cor meum, inquit, in præsentem erat, quando reuersus est homo de curru suo in occursum tui? Corde suo ergo dixit se hoc uidisse propheta, adiutus quidem mirabiliter, nullo dubitante, diuinitus: sed quanto amplius tunc omnes munere isto abundabunt, cum Deus erit omnia in omnibus: habebunt tamen etiam illi oculi corporei officium suum, & in loco suo uterque erit illis spiritus per spiritale corpus. neque enim ille propheta, quia eis non indiguit, ut uideret absentem, non eis usus est ad uidenda præsentia: quæ tamen uidere spiritu posset, etiam si illos clauderet, sicut
- 30 uidet absentia, ubi cum eis ipse non erat. Absit ergo ut dicamus illos sanctos in illa uita Deum clausis oculis non uisuros, quem spiritu semper uidebunt: sed utrum uidebunt & per oculos corporis cum eos apertos habebunt, inde quæstio est. si enim tantum poterunt in corpore spiritali, eo modo utique etiam ipsi oculi spirituales, quantum possunt isti, quales nunc habemus, proculdubio per eos Deus uideri non poterit. Longe itaque alterius erunt potentia, si per eos uidebitur incorporea illa natura, quæ non continetur loco, sed ubique tota est. Iezi minister Helisæi, qui cupiditate argenti deceptus, pecuniam a Naaman Syro accepit, & post paululum lepræ contagione est percussus, Iudæ proditoris typum gessisse non dubium est. sicut enim Iezi ideo seruiebat beato Helisæo, ut pecuniam posset acquirere: ita & Iudas propterea adhæserat domino saluatori, ut fraudem faceret: & terrenas diuitias congregaret. Denique sic de illo in euangelio scriptum est, Quia fur erat, & loculos habebat, & ea quæ mitrebantur exportabat. Nam Iezi qui gratiam magistri potuerat promereri, sicut dominus suus consecutus fuerat beati Helisæi, cupiditate uisus in æternum meruit crudeli lepra perfundi: Iudas uero per amorem pecuniæ, & apostolatus gratiam perdidit, & laqueo uitam finiuit. Ac si intelligimus omnes malos sacerdotum intra ecclesiam intus in anima peccati lepra esse perfusos, qui contra dominica præcepta ministerium, quod gratis acceperunt, gratis non administrant, & pro omni opere quod in ecclesia gerunt, non futuram mercedem,

1. Cor. 13

Ibidem

Ioa. 12

sed præsentem quarunt retributionem. potest enim Iezai etiam Iudzorum populum figurare, qui eo tempore peccati lepra percutitur, quo ab ea populus gentium liberatur. Denique sic infideles Iudæi in passione clamauerunt: Sanguis eius super nos, & super filios nostros. tunc enim peccati lepra perfundi meruerunt, quando super cælestem medicum ore sacrilego clamauerunt: Tolle, tolle, crucifige eum. Ergo eo tempore in illis remansit lepra, quo ad nos transiit gratia. Denique sic & apostolus Paulus ad eos locutus est dicens. Vobis, inquit, oportuit primum loqui uerbum Dei, sed quia uos indignos iudicasti æternæ uitæ, ecce conuertimur ad gentes. Quando doctrina apostolorum ad gentes transiit, tunc in miseris Iudæis peccati lepra permansit. Posthæc refert scriptura quod eunte beato Helisæo cum filiis prophetarum ad Iordanem fluium, dum sibi ligna cōciderent, ceciderit securis in aqua, & ille, de cuius manu corruit, clamauerit ad beatum Helisæum, heu heu & hoc ipsum mutuo acceperam. Posthæc in loco ubi securis illa ceciderat, beatus Helisæus misit lignum, & natauit ferrum) Dominus Iesus Christus, cuius figuram Helisæus gestauit, cum per præsentem corporis sui Iudzorum impietatem tamquam instructuosam arborem succidere uellet, quia de illo Ioannes ait: Ecce securis ad radicem arborum posita est: interueniente passione corpus ipsum uelut manubrium deferuit, & in inferni profunda descendit, quod in sepultura depositum, ad uitam tamquam ad manubrium suum spiritu redeunte surrexit. Siue aliter, Helisæum typum habuisse domini saluatoris frequententer iam supra diximus: sed & in puero illo filio prophetæ, cui securis de manu lapsa est; non incongrue Christus intelligitur: securis illa, quæ cecidit, Adam siue totum genus humanum significasse uidetur: Tenebat ergo filius prophetæ securim in manu sua, ac dominus ac saluator noster humanum genus quod creauerat in manu potentiæ suæ. Sed quo modo securis illa de manu prophetæ in profundum corruit, ita & genus humanum de manu omnipotentis Dei per superbiam se excussit, ceciditq. in fluuium luxuriæ; uel omnium peccatorum gurgite se submersit. Securis ergo illa in profundo iacebat, quia genus humanum in omnium criminum abyssu infelici ruina corruerat, sicut scriptum est, Infixus sum in limo profundi. Iterum: Deueni in altitudinem maris, & tempestas demersit me. fluuius enim ille ubi securis cecidit, significat præteruentem & fugitiuum & descendentem in uoluptatem uel luxuriam, sæculi huius cursum. fluuius enim a fluendo nomen accepit, & quia omnes peccatores transitoriis uoluptatibus inhaerentes fluere dicuntur, ideo securis illa in fluminis limo iacebat oppressa. Veniens ergo Helisæus misit lignum, & natauit ferrum, Quid est lignum mittere & ferrum in lucem producere, nisi patibulum crucis ascendere, & de profundum inferni humanum genus eripere, & de omnium peccatorum limo per crucis mysterium liberare? Postquam uero natauit ferrum, misit manum propheta, & recepit illud, & reddidit ad utilem usum domini. Ita & de nobis factum est, qui de manu domini superbiendo cecideramus, per crucis lignum ad manum uel potestatem domini redimus. Item moraliter. Ferrum in manubrio, donum intelligitur in corde. Ligna uero per hoc cadere, est prauæ agentis increpare, quod nonnumquam dum fluxe agitur, dum lapsus uanæ gloriæ in accepta eadem scientia non uitatur, ferrum in aqua perditur, quia ex dissoluto opere intelligentia fatiatur, quam profecto intelligentiam ad hoc nouimus dari, ut ante dantis oculos ex bona actione debeat resiliui. Vnde & recte is qui ferrum amiserat, clamabat, Heu, heu, heu domine mi, & hoc ipsum mutuum acceperam. habent enim hoc electi proprium, si quando in eis sua scientia furtiua uanæ gloriæ culpa subripitur, ad cor uelociter redeunt, & quidquid in se ante districti iudicis oculos dampnabile inue-

inueniunt, lacrymis insequuntur: qui flentes non solum caute inspicunt, quæ mala commiserunt, sed ex accepto munere quæ reddere etiam bona debuerunt; quia nimirum tanto se amplius peccatores sentiunt, quāto ex neglectis bonis quæ agere poterant, debitores tenentur. recte enim qui ferrū perdidit, clamabat, Heu heu, heu, & hoc ipsum mutuum acceperam. Ac si dicat, Illud per dissolutionem negligentiam perdidit, quod ut per bona opera redderem, ex gratia creditoris acceperam. Et numquam Dcus mentem deserit, quæ in peccatis se uiraciter agnoscit. Vnde & mox Helisæus ueniens, lignum deorsum mittit, & ferrum in superficiem attulit: quia uidelicet redemptor noster, pie nos respiciens, cor peccatoris humiliat, & ei quam amiserat intelligentiam reformat, lignum mergit, & ferrum leuat.

10 liat, & ei quam amiserat intelligentiam reformat, lignum mergit, & ferrum leuat, quia cor affligit, & scientiam reparat. Vnde bene in alia translatione dicitur, quod infregit lignum atque iactauit, & sic ferrum sustulit. lignum namque confringere est cor ab elatione conterere: lignum ad ima iactare, eleuatum cor in cognitionem, ut diximus, propriæ infirmitatis humiliare: atque illico ferrum in superficiem redit, quia ad usum exercitationis pristinum intelligentiæ recurrit. Igitur quoniā donum intellectus quod accipitur, uix cum tot difficultatibus custoditur, curandum ualde est ne otio torpear, curandum ne incitationes operis uitio elationis euanescent. Sancti namque uiri minime exultant, cum cognoscunt quæ faciunt, sed cum faciunt quæ cognouerunt: etsi intelligendo largiores congraudent

10 a munere largitoris, moerentes tamen considerant debitum operis, ut uidelicet actione persoluant, quod eis prorogatum est in cogitatione. Stultus namque est debitor, qui gaudens pecunias mutuas accepit, & tempus quo reddere debet, non attendit. Moderatur autem læticia accipiendi, quando solerti prouidentia etiam constitutum tempus reddendi cogitatur. Rex autem Syriæ pugnabat contra Israel, consiliūq. inuit cum seruis suis dicens. In loco illo & illo ponamus insidias, & reliqua) Rex Syriæ Samariam obsidens, diaboli gestabat typum, qui ante aduentum saluatoris Iudæorum populum sua obsidione concluderat, cuius fruitiæ atque occultæ insidiæ, quas humano prætendebat generi, ueri Helisæi, hoc est, domini saluatoris præscientia atque uirtute frustratæ sunt.

30 Exercitus regis Assyriorum, qui ad capiendum Helisæum ab ipso missus est, scribarum & pharisæorum habuerunt typum, qui instinctu diaboli ad persequendum Deum instigati sunt, & per uirtutem eiusdem domini & saluatoris nostri iusto iudicio obcecati sunt, & rursus per misericordiam illius pane uerbi Dei sunt pasciti, & aqua scientiæ tesciti. Merito mouet quo modo potuerunt Syri isti ire in Samariam, si tali erant cæcitate percussi, ut omnino nihil uiderent. Hac Aorasia etiam illi percussi sunt, qui quærebant ostium Loth. hoc enim modo sua calamitate turbati, amentes facti sunt, usque dum irent in Samariam, & ulterius prophetam tali modo comprehendere non quæsierunt. Factum est autem posthæc, congregauit Benadab rex Syriæ uniuersum exercitum suum, & ascendit & obsedit Samariam. Facta est autem fames magna in Samaria, & tamdiu obpressa est ciuitas donec uenundaretur caput asini L XXX argenteis, & quarta pars canistri stercoris columbarum quinque argenteis, & cetera) Fames Samariæ illata, inopiam significat uerbi Dei, siue egestatem fidei, & per quam diabolus ante aduentum saluatoris Dei populum concluderat. Caput asini L XXX argenteis uenundatum, significat superbiam, quæ initium est omnis peccati. per asinum enim quod immundum est animal, omnia uitia diaboli præfigurasse non dubium est, quorum, ut dictum est, caput est superbia. Hanc reprobi omnes neglecto decalogi legis atque ogdoada euangelii, in qua imago est Dei, in cibum maluerunt sumere quam panem uerbi Dei. Quarta uero pars canistri stercoris columba-

*De obsidione
Samariæ.*

XXII

rum, quod quinque argenteis emptum, in cibum sumere dicitur: hoc figurasse videtur, quod populus reprobis relicta cultura Dei, atque V corporis sensibus subditus per idolorum culturam & simulationem uelut quodam fectore peccatorum pastus, diabolo satisfaciebant. Dux mulieres quarum una famis inopia coacta filium suum comedit, reprobam plebem ex Iudæis significasse non dubium est, quæ omne bonum quod in se originaliter habuit inopia fidei consueta consumpsit. Alia uero quæ in tale facinus consensum præbere reuult, electam plebem proculdubio figurauit. Quattuor ergo uiri erant leprosi iuxta introitum portæ, qui dixerunt ad inuicem. Quid hic esse uolumus donec moriamur, & reliqua) Quattuor leprosi qui extra ciuitatem positi futuram Israël defensionem pronunciant, illos indicasse uidentur, qui ex populo Iudæorum immundiciam peccatorum suorum prius ceteris confessi sunt, & ad tantam peruenire meruerunt gratiam ut uictum atque fugatum diabolum per uictoriam crucis Christi ceteris annunciant. Quinque equi qui in Samaria præ inopia famis tantummodo remanuisse dicuntur carnalem Iudæorum populum sub quinque libris legis derelictum figurasse certum est. Dux ille qui futuram frumenti abundantiam, per Helisæum uenturam audiens, credere noluit, scribarum atque phariseorum gestauit figuram, qui fertilitatem in ecclesia diuinitus collatam uidit, & quia credere noluit, ab hac impietate sua mortuus, a fidelibus conculcatus est. Mulier Sunamitis quæ ob inopiam famis consulu Helisæi de Iudæa ad terram Philistiim transiuit, primitiuam ecclesiam quæ per apostolos ex circumcisione in Christo credidit, præsignauit.

Quæ ecclesia ob infidelitatem Iudæorum, atque inopiam uerbi Dei, quæ illos obtinuit, reuelante sibi diuino spiritu ad populum gentium transmigravit. hæc enim in fine mundi, postquam plenitudo gentium introierit, ad priorem populum reuertens, prædicante Helia, electos ex eadem plebe quasi pristinam paternorum suorum possessionem in proprio iure recipiet, & tunc omnis Israël saluus fiet.

De Ioa. miffa
in regem.
XXIII

Quod ait Ioiada pontifex sacerdotibus & leuitis in templo, proferens Ioaß filium Azariæ, quem sex annis, quibus regnauit Athalia, clam nutriebat in templo: tertia autem pars uestrum introeat sabbato, & obseruet excubitu domus regis, tertia autem pars sit ad portam Scyr, & tertia pars ad portam, quæ est post habitaculum scutatorum, custodietis excubitu domus Messæ: dux uero partes ex uobis omnes egredientes sabbato, custodiant excubitu domus domini circum regem, & uallabitis eum, habentes arma in manibus uestris: & cetera quæ ibidem dicta uel facta commemorantur, melius intelliguntur, si de locis templi in quibus actum est, latius aliqua replicentur. Templum quidem ipsum, exceptis porticibus, quibus omni ex parte sibi adhaerentibus circumdabatur, habebat intra parietes: hæc est enim mensura prima, quæ Verba dierum nominant: LX cubitos longitudinis, XX autem latitudinis: cuius omnis ambitus attrio tribus cubitis alto erat circumdatus, habente introitum a parte orientis, cuius introitus Regum ita meminit scriptura. Et ædificauit atrium interius tribus ordinibus lapidum politorum, & uno ordine lignorum cedri: interius uidelicet hoc appellans atrium, eo quod alia circa hoc exteriora sint facta, Porro in Verbis dierum ita: Fecit etiam atrium sacerdotum, & basilicam grandem, & ostia in basilica, quæ textit ære: atrium uidelicet sacerdotum hoc nominans, quia nimirum ad hoc erat factum, ut ab ingressu templi ceteros arceret, solisq. hoc sacerdotibus licere designaret. Erat autem hoc idem atrium ab australi, ab occidentali, & septentrionali parte uicinius muro templi. Porro ad portam Solis unde & introitum per gradus habebat, in magnam se prolixitatem a templo protendebat: utpote quod in illa sui parte altare holocausti, in illa luteræ bis quinos, in quibus hostiæ leuarentur

- uarentur, in illa mare aeneum, in quo intraturi ad ministerium sacerdotes leuarentur, in illa sacerdotum immolantium & psallentium habebat choros laitarum. Circumdabatur hoc atrium undique uersum a longa & permaxima in quadrum: cuius interior paries, idest, qui templum a quattuor mundi partibus respiciebat, inferius erat per totum in arcubus constructus, ulterior uero firma soliditate fundatus, & ianuas habens aereas, ut supra dictum memorauimus, & ostia in basilica, quæ texit ære: quæ etiam porticibus communita, maximis & opportunis erat discreta cœnaculis: & rursus extra hanc eadem in gyro altera simili schemate facta: sed & tertia nihilominus circa illam eodem ordine facta per gyrum, interiora omnia longe lateq. circuibat, in hoc tantum a prioribus distans ædibus, quod orientalis & septentrionalis eius paries ostia minime habebat, eo quod uterque eorum ad muros pertineret ciuitatis. Hæc autem sunt atria, de quibus canitur in Psalmis. Qui stas in domo domini, in atrii domus Dei nostri. Et quoniam ipsa domus domini medioeri loco constructa erat, fiebat ut atria quanto exteriora fuerint, tanto altiores haberent parietes, utpote inferius fundamenta habentes, adeo ut ultima CCCC in altitudine cubitos haberent, nec tamen æquandæ templi altitudini aliquantulum appropinquarent, quorum omnium in libro Paralipomenon ita generalis fit mentio. Dedit autem Dauid Salomoni filio suo descriptionem porticus, & templi & cellariorum, & cœnaculi & cubitorum in adytis, & domus propitiationis, nec non & omnia, quæ cogitauerat atriorum & exedrarum per circuitum in thesauros domus domini, & in thesauros sanctorum. Sed & Iosephi scriptura, uel pictura ab antiquis formata, plenius quo sint hæc ordine facta distinguit. His uero ita compositis, in sancta sanctorum summi tantum sacerdotis erat semel in anno ingredi, cum sanguine hostiarum, in sanctuario ante oraculum sacerdotes tantum purificati introibant: in atrio interiori sacerdotes omnes & leuitæ. circa hoc atrium sub diuo, uel si tempestas arcebat in ædibus circumpositis uiri Israelitæ ad adorandum siue audiendum uerbum Dei conueniebant. In tertio ordine atriorum stabant ad orandum mulieres Israeliticæ sub diuo, uel si tempestas non sinebat, proxima circumpositarum ædium tecta subibant. Porro in ultimo ordine atriorum gentiles, qui ad orandum forte conuenerant, intrabant, ubi etiam post tempora dispersionis ii qui de gentibus nuper aduenerant Israelitæ, VII diebus purificati, sic tandem in interiora sanctorum petebant. Quæ autem intra atria uel in atrii erant pauimenta, lapide uario sunt omnia strata. Ita uero ostia in ædibus contra inuicem posita erant, ut ii etiam, qui in ultimis consistebant, templum possent intrare. Erant autem sortes XXXIII, & sacerdotum, & leuitarum, & ianitorum, qui per totidem septimanas sibi ex ordine succederent, sabbato noua turma intrante ad officium, & post sabbatum ea, quæ proxima septimana ministrauerat, domum redeunte. Sed hic pontifex proponit necessitatem augendi circa nouum regem exercitus, & eos, qui intrandi septimanam habebant, suscepit in ordinem, & illos, qui iam suam septimanam ministrando impleuerant, ne abirent, retinuit, & alios quosque leuitas de cunctis urbibus Iuda simul & principes familiarum Israel, missis in hoc centurionibus Hierisolyam, congregauerat, ut Verba dierum narrant. quos educturus filius regis tali ratione distinxit, ut omnes qui impleuerunt sabbatum, & egressuri erant, in duas diuisi partes regem in interioribus atrii locis armati circumstarent: reliqua uero multitudo, idest, qui non erant de stirpe Leui, exteriores atriorum ianuas contra furem reginæ, si quid forte aduersi moliretur, custodirent. Porro qui nuper ad sabbatum uenerant sacerdotes & leuitæ & ianitores, in tres diuisi partes, domum regis, idest, palatium obseruarent: ne

Psal. 133

2. Paral. 38

Ioseph. lib. 8. c.

3. Antiq. Ind

uel

1. Paral. 13

2. Paral. 23

2. Paral. 23

Colof. 3

De Amasare

ge. XXIII.

uel hoc regina collectio exercitū contra regem defendere, seruarent & portam habitaculi scutariorum, per quam de templo ad palatium descendebarur, sicut infra dicitur. Duxeruntq. regem de domo domini, & uenerunt per uiam porte scutariorum in palatium, & sedit super thronum regum, ubi etiam porta Syref, & domus Mesa, quæ cum porta scutariorum nominantur, esse uidentur. Scutarios autem tutores regis appellat, testante libro Paralipomenon, qui, cum Roboam scuta arca pro aureis fecisse commemorasset, adiecit, Et tradidit illa principibus scutariorum, qui custodiebant uestibulum palatii. In quo uidelicet libro distinctius hæc cuncta replicantur. Tertia pars uestrum, qui ueniunt ad sabbatum, sacerdotum & leuitarum & ianitorum erit in portis: tertia uero pars ad domum regis, & tertia in porta, quæ appellatur fundamenti. omne uero reliquum uulgus sit in atrijs domus domini, ne quisquam alius ingrediatur domum domini, nisi sacerdotes, & qui ministrant de leuitis, ipsi tantummodo ingrediantur, quia sanctificati sunt, & omne reliquum uulgus obseruet custodias domini. Leuitæ autem circumdant regem, habentes singuli arma sua, & cetera) Quod sequitur de eodem, Produxitq. filium regis, & posuit super eum diadema, & testimonium in diademate insigne capitis regium: in testimonio designat decreta legis Dei, quibus quid agere rex debeat, qualiter uiuere, præcipitur. Denique in libro Verborum dierum aperit: Et imposuerunt, inquit, ei diadema, dederuntq. in manu eius tenendam legem. & magnæ utique erat salutarisq. prudentiæ, ut per tyrannicæ impiæq. reginæ necem succedente in regnum filio regis legitimi, cum ipso regni habitu simul disciplina legis Dei seruanda comitetur: & qui se prælatum regendo uideret, ipse se regendum diuinis legibus subdi debere meminisset. Quod insinuatū templum domini tempore præfati regis laus dicitur: & non fiebat ratio his hominibus, qui accipiebant pecuniam, ut distribuere eam aruificibus, sed in fide tractabant eam, deuotionem ostendit eorum, de quibus sermo est, qui tantum studii in religione habuerint, ut nullus dubitauerit, quin peccatum domini sine alicuius fraudis suspitione tractarent, & hanc de ærario sublatam fideliter artificibus ad muniendam domum, prout singulis opus esset offerrent.

Posthæc mortuus est, inquit, Helisæus, & sepelierunt eum. Latrunculi uero de Moab uenerunt in terram ipso uidelicet anno. Quidam autem sepelientes hominem, uiderunt latrunculos, & proiecerunt eum in sepulchro Helisæi: quod ambulauit, cum tetigit ossa Helisæi, continuoq. reuixit homo, & stetit super pedes suos) Latrunculi enim Moab figuraliter demones intelligendi sunt, qui ad infernum & omne opus execrabile uitiorum stimulis perurgent infelicium mentes. Qui uero mortuum sepeliebant, ii accipiendi sunt, qui, ut apostolus Iacobus ait, impios & peccatores ab errore uite sue assidua exhortatione conuertunt ad tramitem pietatis & castitatis, animas eorum saluantes a perpetua morte, cooperiunt multitudinem peccatorum. Siue aliter. Sepelientes mortuum ac latrunculos fugientes illi merito appellandi sunt, qui pie uiuere uolentes in Christo, fugiunt ac declinant uitia uniuersa atque peccata, quia mortem uidelicet operantur: cor poraq. in fontem proiciunt baptismi, in quo secundū apostolum credentes sepeliuntur cum Christo, ut per communionem corporis & sanguinis eius deinceps possint uiuere cum Christo. Quod dicitur de Amasia rege Iuda, Ipse percussit Edom in ualle Salinarum X millia, & apprehendit Petram in prælio, uocauitq. nomen eius Iethel. Vallis Salinarum erat, ubi sales faciebant, uel foeno uidelicet saluginis, ut multis in locis deciso, exsiccat & incenso: uel aquis puteorum salis seruatis, & usque ad salis firmitatem coquendo perductis, uel alio quolibet ordine, quo sal fieri consuevit: in quo etiam loco Iob XII millia Idumæorum percussit

cussisse legitur. Nec pretereundum quod pro ualle Salinarum uetus editio quasi nomen regionis Gemela posuit. Petra autē ciuitas est Arabiæ nobilis in eadē terra Edom, quæ in libro Numerorum Recem dicitur, & a Syris hodieq. sic appellatur. Iecethel uero, quod Amasias uictor ei nomen imposuit, interpretatur Cœtus Dei, uel Auxilium Dei agente eo fideliter, ut percnni inderetur memoriz, quod hanc uel cœtus populi Dei, uel Deo auxiliante ceperit. Quod dicitur de Ierobo-

*De Ieroboam
rege. XXV*

am rege Israhel, Ipse restituit terminos Israhel ab introitu Emath usque ad mare solitudinis, Emath quæ nunc Epiphania dicitur, septentrionalis erat terminus Israhel. Mare autē solitudinis, quod Hebraice dicitur Araba, mare mortuum designat, quod in longitudine per stadia D LXXX usque ad Zoaras Arabiæ, in latitudine per MCL usque ad uicina Sodomorum pertenditur. Quod dicitur de his, quæ in Samariam a rege Assyriorum adductæ sunt, nationibus, & unaquæque gens fabricata est Deum suū, posueruntq. eos in fanis excelsis, quæ fecerat Samaritana gens, & gens in urbibus suis, in quibus habitabant. uiri enim Babylonii fecerunt Isohot Benoth: uiri autem Chutani fecerunt Nergel, & uiri de Emetha fecerunt Asima, porro Euzi fecerunt Nebaaz & Thartha. In libro quidem Locorū legitur, quod Benoth & Nergel fuerūt ciuitates, quas construxerunt in regione Iudææ Samaritani, qui de Babylonia transferant. Asima quoque opidū, quod zdficauerunt qui ad eā uenerant de Emath. Nebaaz etiam & Thartha ciuitates, quas Euzi in eadē Iudææ terra condiderunt. Videtur autem iuxta consequentiā sermonis, etiā idolorū, quibus hæ gentes prius in terra sua seruierunt, hic posse intelligi uocabula: quia cum dictum esset, Et unaquæque gens fabricata est Deum suum, quasi ad expletionem sententiæ subiunctum est. Viri enim Babylonii fecerunt Isohot, idest tabernacula Benoth. & melius, ni fallor, faceret interpres, si Isohot latine in tabernacula uerteret, & nomen idoli Benoth absolute poneret. & sicut in sequentibus manifeste dicitur: Ii autem qui erant de Sepharuaim, comburebant filios suos igni Adreamelech & Anamelech diis Sepharuaim, ubi ostenditur Adreamelech & Anamelech idola fuisse urbis Sepharuaim: ita uidetur consequens, ut etiam Nergel Chuthanorum, Asima Emethanorum, Nebaaz & Thartha idola fuerint Euzorum. Anno XIII regis Ezechiz ascendit Sennacherib rex Assyrio-

*De colonis in
Samariam de
duclis ab As-
syriis. XXVI*

rum super omnes ciuitates Iudææ munitas, & cepit eas &c.) Historia manifesta est, & interpretatione non indiget. In uerbis autem Rabfacis arrogantia consideranda est, quæ uelut contraria quædam fortitudo imitatur consuetudinem prophetarū: ut quod illi solent in prologis ponere, Hæc dicit dominus, quo auctoritatem & magnitudinem loquentis ostendant, iste nunc dixerit, Hæc dicit rex magnus, rex Assyriorum. Consideremus uerba Rabfacis, ac primum quo dicit: Confidis super baculum arundineum contrafractum istum super Aegyptum, falsum est. nulla enim narrat historia, quod Ezechias ad Aegyptios miserit, & Pharaonis auxilium postularit. Quodq. insert, Si responderis mihi, In domino Deo nostro confidimus, uerum est: sed rursum iungit mendacium ueritati, quod abstulerit Ezechias excelsa illius & altaria: hoc enim non contra dominum, sed pro domino fecerat, ut idololatria & ueteri errore destructo, iuberet dominum adorare in Hierusalem, ubi erat templum eius. Quodq. paucitatem obsessorum uolens ostendere, equos duo millia pollicetur, quorum Ezechias ascensores præbere non posset, non de imbecillitate uenit Iudæorum, qui equitandi carebant scientia: sed de obseruatione mandatorum Dei, qui per Moysen super regem præceperat Israhel, Non multiplicabit sibi equos, & uxores plurimas non habebit. Ad id autem quod dixerat, Si responderis mihi, In domino Deo confidimus, callide prudenterq. respondit, se non sua uoluntate, sed domini uenisse præceptis. Et dixit Eliachim & ceteri ad Rabfa-

De Sennacherib. XXVII

Deut. 17

Rabfacen. Loquere ad seruos tuos Syra lingua, si quid intelligimus & cetera.) Ac-
 cusatio Rabfacis Ezechiae testimonium est, quod captis cunctis urbibus Iudae, in
 domino Deo confisus sit, dixeritque ad populum. Nolite timere, nec pauentis re-
 gem Assyriorum, & uniuersam multitudinem, quae est cum eo. multo enim plu-
 res nobiscum sunt, quam cum illo. Cum illo est brachium carneum, nobiscum do-
 minus Deus noster, qui auxiliator est nostri, pugnatque pro nobis, Et confortatus
 est, inquit, populus huiusmodi uerbis Ezechiae. Vnde Rabfaces destrueret uult
 quod ille construxerat, & loquitur ad populum: Non seducat uos Ezechias, &
 non uobis tribuat fiduciam super domino Deo. Rursumque adiiciens comminatio-
 nem & terrorem: Ut comedant, inquit, stercore sua, & bibant urinam pedum suo-
 rum uobiscum: per quae ostendit fame eos & penuria sitique esse capiendos: simulque
 illecebram iungit formidini, ut quos terrore non uicerat, repromissionibus & per-
 suasione decipiat dicens. Facite mecum quod est utile.) Ergo sensus est. Faci-
 te, inquit, quod uobis prosit, & in benedictionem uestram proficiat. Siue hoc
 dicit: Benedicite regi Assyriorum, & laudate eum ut dominum, confitemini, ut
 praemia consequamini. Et donec reuertar de Aegypto, siue capta Lomna redeam,
 habitate in urbe uestra, & rebus uestris fruimini, postea autem ueniam & transfe-
 ram uos in terram, quae similis est terrae uestrae.) Quidam putant terram eis Mediae
 repromitti, quae habebat terrae Iudae similitudinem tam in situ, quam in frugi-
 bus. Quodque infert, Vbi est Deus Emath & Arphath & Sepharuaim, numquid
 liberauerunt Samariam de manu mea, ostendit omnium ciuitatum siue gentium
 diis seruisse Samaritas: & quia non erant dii, sed idola, merito cultores uanitatis,
 ut decebat, esse submersos ostendit. Est autem urbs Coelestriae, quae nunc Epipha-
 nia dicitur, iuxta Emelan, ut supra monuimus. Arphath urbs Damasci, quam ex-
 pugnatam a rege Assyriorum etiam Hieremias scribit. Sepharuaim, quod numero
 plurali Libros uel Litteras sonat, nomen est locorum, de quibus Assyrii transmigra-
 tes habitauerunt in Samaria, ut in Locorum libris inuenimus. Verum in Isaiam
 hoc quoque uocabulum esse ciuitatis apparet, ubi aperte dicitur, Vbi est Deus ur-
 bis Sepharuaim. Tametsi pluraliter dictum, ut Thebarum, Athenarum. Pro Ana &
 Aua uetus editio quasi unius urbis nomen Ana & Aua posuit: & quidem in He-
 braeo ita scriptum est. Verum quia syllaba u, quae in medio nominis posita est,
 coniunctionem apud eos significat, potest etiam ita distingui ut dicatur Ante &
 Gawe, ut Aquila transtulit, siue Ana & Anua, ut noster uertit interpretes. Ta-
 cuitque omnis populus, & non respondit ei quidquam. Siquidem praeceptum regis ac-
 ceperant, ut non responderent. Vere iustus Ezechias agebat cuncta fideliter, uni-
 uersa cum consilio. ideo enim iusserat blasphemanti Assyrio non respondere, ne
 eum ad maiores blasphemias prouocaret. Et ingressus est Eliachim & ceteri cum
 eo ad Ezechiam scissis uestibus. Perspicua relinquentes, ea tantum, in quibus la-
 tens sensus est differamus. Scindit uestes, quia Rabfacen audierant blasphemian-
 tem. Scindit & ipse rex uestimenta sua, quia peccatorum suorum & populi esse
 credebat, quod Rabfaces usque ad portas Hierusalem uenerit, & contra dominum
 talia sit locutus. Pro regio ergo cultu obuolutus est sacco, & de palatio ad tem-
 plum gradienti, Heliachim pontificem, & Sobnam scribam, & seniores de sacer-
 dotibus misit ad Isaiam filium Amos prophetam. In quo regis considerata est
 humilitas, atque prudentia. Ipse pergit ad templum, principes populi & senes sa-
 cerdotum non stolis sacerdotalibus, sed ciliciis coopertos mittit ad Isaiam pro-
 phetam filium Amos. Dixerunt, inquit, ad eum. Haec dicit Ezechias. Dies
 tribulationis, & corruptionis, & blasphemiae, dies haec tribulationis nostrae, cor-
 ruptionis Dei, blasphemiae hostium. Ponitque similitudinem parturientis mulie-
 ris,

ris & dolentis, quod uenerunt filii usque ad partum, & uires non habet parturiens. Hæc iuxta litteram peccatis facientibus uidemus, quia cum hostes irruunt, defensores nostri præparantur, sed nullatenus ad præparata conualescunt. Scriptum namque est, Requiescet super eum spiritus consilii & fortitudinis. Quæ utraque necessario sibi iuncta sunt, quia neque uirtus sine consilio esse utilis ualet, neque consilium sine uirtute. Quid igitur profunt, qui per consilium præparantur, dum ad prælium per fortitudinem non procedunt? Afflictus igitur atque turbatus Ezechias rex loquitur dicens, Dies tribulationis & blasphemie dies iste, uenerunt filii usque ad partum, & uires non habet parturiens. Filii quippe usque ad partum ueniunt, quando apta consilia usque ad desiderium efficiendi operis procedunt: sed uirtutem non habet parturiens, dum infirmus quisque consilia hæc ad utilitatem aliquam per partum operis non perducit. Sequitur. Si forte audiat dominus Deus tuus uniuersa uerba Rabfacis, quem misit rex Assyriorum dominus suus) non enim audemus dominum omnium nostrum dominum dicere, quo irascente tanta patimur: sed tuum dicimus dominum, & hanc habemus ultionis fiduciam, quoniam uiuens Deus blasphematur a cultore idolorum mortuorum. Cumq. uenissent serui regis Ezechie ad Isaiam, præuenit eos Isaias, & reuertetur in terram audierat, & dicit quod respondere debere domino suo, humilitate mixta fiducia conscientie. Dicite, inquit, domino uestro, qui uester est dominus, meus enim hæc dicit dominus. Noli timere uerba, quibus non tu sed ego sum blasphematus. Ecce ego mittam ei spiritum, & audiet nuncium, & reuertetur in terram suam, & diuicam eum gladio in terra sua) Vt duo pariter Ezechias, quæ optabat, audiret, se de obsidione & periculo liberandum, & inimicum iratumq. regem in sua terra esse moriturum. Reuersus autem Rabfices, inuenit regem Assyriorum expugnantem Lobnam, & cetera. Pugnaſſe autem Sennacherib regem Assyriorum contra Aegyptios, & obſediſſe Peluſium, iamq. extructis aggeribus urbe capiendâ, ueniſſe Thracam regem Aethiopum in auxilium, & una nocte iuxta Hieruſalem C L X X V millia exercitus Aſſyrii peſtilentia corruiſſe narrat Herodotus, & pleniffime Beroſus Chaldaicæ ſcriptor hitoriz. Itaque cum accepiffet Ezechias litteras de manu nunciorum, & legiſſet eas, aſcendit in domum domini, & expandit eas coram domino, & cetera.) Contra Sennacherib regis blaſphemias ſolita Ezechias arma arripuit, rurfumq. pergit ad templum, & epistoſas expandit coram domino, audacter dominum deprecatus, & ſolum Deum aſſerit eſſe uiuentem, per quem idola intelligimus imaginem mortuorum. Miſit autem Isaias ad Ezechiam dicens. Hæc dicit dominus Deus Iſrael. Quæ deprecatus es me ſuper Sennacherib rege Aſſyriorum, audiui. Iſte eſt ſermo quem locutus eſt dominus de eo. Spreuit te & ſubſannauit uirgo filia Sion, poſt tergum tuum caput mouit filia Hieruſalem.) Quia tam audacter Ezechias dominum deprecatus eſt, nec miſit ad Isaiam, ut prius miſerat, non ipſe propheta pergit ad eum, ſed mittit nuncios qui ei dicerent uerbum Dei. Supra Sennacherib, contra quem rogas, domini iſta ſententia eſt. Virgo filia Sion & filia Hieruſalem, quæ ideo uirgo appellatur & filia, quia cunctis gentibus ſimulacra adorantibus, hæc ſola conſeruât caſtitaſtem religionis Dei, & unius diuinitatis cultum. Subſannauit te atque deſpexit, & quæ ne ad maiores te blaſphemias concitaret, præſenti non reſpondebat, poſt, te abeunte, mouebit caput ſuum, certa de ultione, ſecura de poena. & hæc locutus eſt. Non contra me, ſed contra dominum ſuperbiſti, nec ipſe per te, ſed per ſeruos tuos, ut maior eſſet arrogancia blaſphemantis. dixiſti enim quod in quadrigarum tuarum multitudine aſcenderis altitudinem montium, & iuga Libani ſuccideris, cedros atque abietes illius: quæ uel de cunctis gentibus meta-

phorice principibusq. earum debemus accipere : uel Hierusalem quæ interpreta-
tur Libanus , ut cedros eius atque abietes ad potentes quoque & optimates , alti-
tudinem uero summmitatis illius, saltumq. Carneli referamus ad templū . Quodq.
inferi, Ego fodi & bibi aquam , & exsiccaui uestigia pedis mei, omnes riuos agge-
rum : hoc intelligi potest iuxta historiam , quod pro multitudine exercitus omnia
fluenta siccauerit , ut puteos sibi fodere sit compulsus : iuxta translationem , quod
omnes populos , qui sub aquarum nomine interdum scribuntur , suo uastaret exer-
citu . Numquid non audisti quæ olim fecerim ex diebus antiquis ? Ego plasma-
ui illud , & nunc adduxi . Eruntq. in columnam , collium pugnantium ciuitates
munitæ , & qui sedent in eis humiles manu contremuerunt , & confusi sunt . Facti
sunt quasi foenum agri , & uirens herba testorum : quæ arefacta est antequam ue-
niret ad maturitatem . Habitaculum & egressum tuum , & uiam tuam ego præscui,
& furorem tuum contra me . Insanisti in me , & superbia tua ascendit in aures me-
as) Hæc ex persona domini contra uerba Assyrii sentienda sunt , quod ad blasphe-
miam eius sic responderit dominus . Num ignoras quod hæc , quæ fecisti , mea lee-
ris uoluntate , & ego hæc futura prædixerim , ac per te facienda mandauerim . Ita-
que quod olim decreueram , hoc expletum est tempore , ut colles , idest , princi-
pes , qui inter se pugnant , & ciuitates munitissimæ me contrahente manu meæ,
nec solitum præbente auxilium eradicarentur , & contremiscerent ac perirent , &
compararentur non oliuæ & uinæ fructuosisq. arboribus , sed foeno & gramine her-
bisq. domatum quæ frugibus impedita sunt , & ante marcescent quam ad
maturitatem perueniant . Itaque sessionem & egressum & introitum tuum ante co-
gnoui , insaniam qua contra me debacchaturus eras , prophetis uaticinantibus sum
locutus , per quos olim dicturum esse te noueram , In cælum ascendam , super side-
ra cæli ponam thronum meum , eroq. similis altissimo . Itaque furor tuus & super-
bia tua peruenit in aures meas , & nequaquam te ultra portabo , ut intelligas quod
potuisti , non tuis te potuisse uiribus , sed meo arbitrio . Merebantur enim impiæ
gentes & infuæuolæ arbores , ut per te quasi securim & ferram meam succideretur
& caderent . Ponam itaque circulum in naribus tuis , & chamum in labiis tuis , ut
blasphemantium ora constringam , & nequaquam ultra talia loqui audeas , fre-
numq. iniiciam labiis tuis , quod tuam ferocitatem domet , & te redeat in Assy-
rios . Tibi autem Ezechia hoc erit signum , Comede hoc annq. quæ reppereris , &
in anno secundo quæ sponte nascuntur , porro in anno tertio seminate & metite ,
plantate uineas , & comedite fructum earum) Omnia hæc propheta per nuncios ad
Ezechiam loquitur , quid Sennacherib dixerit , quid ei dominus responderit
non ad ipsum sermonem facit , ne forsitan dubitet futura quæ dicta sunt , & iccirco
uel maxime propheta apud populum sermonum suorum habebant fidem , quia
non solum de his , quæ multa post sæcula futura erant , sed etiam quæ in continentia ,
& post non grandis temporis spatium essent implenda , memorabant , & quod in-
tra biennium & rex Assyriorum interiret , & urbi Hierusalem securitas reddere-
tur . Hoc erit signum eorum , quæ futura pronuncio , quod hoc anno ea comedas
quæ reppereris , anno autem secundo quæ sponte nascuntur , in anno autem tertio ,
fugato iam Assyrio & obsidione laxata , seminate & metite , plantate uineas & co-
medite fructus earum : siquidem urbis huius reliquæ , quæ nunc hostili uallantur
exercitu , & euasuras esse non credunt , tantam recipient rerum omnium abun-
dantiam ac felicitatem , ut instar arboris , alta radice fundatæ , pomis densissimis im-
pleantur . Et quodcumque reliquum fuerit de domo Iuda , mittet radicem de or-
sum & faciet fructum sursum . Quid hoc loco radicum nomine nisi latentes cogi-
tationes accipimus , quæ in oculo prodeunt , sed in ostentatione operis per aper-
tum

tum surgunt. Radicem ergo deorsum mittere, est cogitationem bonam in abditis multiplicare. Fructum uero sursum facere, est efficacia operis recta quæ cogitauit ostendere. Mittit ergo radicem deorsum ut faciat fructum sursum, ac si aperte diceretur: in imis cogitatio nascitur, ut in summis retributio reddatur. De Hierusalem etenim & de monte Sion egredientur reliquæ, & implebunt terram Iudæam non suo merito, sed Dei misericordia, immo zelo quod aduersus impios zelatus est populum suum. Quod autem ad extremum infert, Propter me & propter Dauid seruum meum, illud significat, quod non merito suo sed Dei clemencia conferentur, immo patris eorum Dauid memoria, in quo admonentur & suæ negligentia & illius fidei atque iustitiæ, quod in tantum iustitiam diligit Deus, ut etiam posteros hominum sanctorum non suo merito, sed maiorum uirtute tueatur. Factum est igitur in nocte illa, uenit angelus domini & percussit castra Assyriorum CLXXXV millia.) De hoc quoque in Paralipomenon legitur, Et misit dominus angelum qui percussit omnem uirum robustum & bellatorem & principem exercitus regis Assyriorum, reuersusq. est cum ignominia in terram suam. CLXXXV milia fortissimorum uirorum ab uno angelo una nocte caduntur, & absque uulneribus occisorum mors sua discurret, excludens a corporibus animas domini uoluntate: & ipse rex Assyriorum secircò seruatus est, ut sciret potentiam Dei & blasphemantia ora comprimeret, fieretq. testis illius maiestatis quem paulo ante contempserat. De talibus autem rebus agit multa omnipotens Deus per angelos, non ut ipse ab eis discat, sed ut ab illo ipsi per uerbum eius agant aut nuncient sine corporali sono etiam quod uoluerit, ab eo missi ad quos uoluerit, totum ab illo per uerbum illud eius audientes, idest, in eius ueritate inuenientes, quid sibi facendum, quid, quibus, quando, nunciandum sit. Sed tamen non ex angelis homines, sed ex se ipso sicut angelos ita homines beatificat: nec aliqua ex aliquo tempore, aut ab angelis, aut ab omnibus cognouit ut nosset, sed futura omnia temporalia, atque in eis etiã quid & quando ab illo petitori fuermus, & quos & de quibus rebus uel exauditurus, uel nõ exauditurus esset, sine initio ante præsciuit. Vniuersas autem creaturas suas & spirituales & corporales nõ quia sunt, ideo nouit, sed ideo sunt, quia nouit. Cumq. diluculo surrexisset, uidit omnia corpora mortuorum & frendens abiit, & reuersus est Sennacherib rex Assyriorum & mansit in Ninie. Cumq. adoraret in templo Neefrach Deum suum, Adramelech & Sarafar filii eius percusserunt eum gladio, fugieruntq. in terram Armeniorum, & regnauit pro eo Asorathan filius eius.) Cum enim rex iste reuersus esset Ninie urbem sedem regni sui, & adoraret in templo Neefrach Deum suum, quasi uictoriam de hostibus reportaret, & delubrum idoli sui triumpho gratulabundus ingrederetur, contemptor ueri Dei in fano falsi numinis trucidatur, nec angeli perit gladio quod erat commune cum pluribus, sed parricidio filiorum qui fugerunt in terram Ararath, in qua scriptura Asorathan filium eius qui regnauit pro eo testatur misisse habitatores Samariæ, ne terra remaneret inculta. Ararath autem regio Armeniorum campestris, per quam Araxis fluuius fluit, incredibilis est ubertatis, ad radices Tauri montis, quæ usque illuc extenditur. Ergo & arca in qua liberatus est Noe cum liberis suis, cessante diluuio non ad montes generaliter Armeniæ delata est, quæ appellatur Ararath, sed ad montes Tauri altissimos, qui Ararath imminet campis. In diebus illis ægrotauit Ezechias usque ad mortem, & uenit ad eum Isaias filius Amos propheta, dixitq. ei: Hæc dicit dominus, Dispone domui tuæ, morieris enim tu & non uiues.)

Quem diligit dominus corripit, castigat omnem filium quem recipit. Ne eleuaretur cor Ezechia post incredibiles triumphos, & uictoriam de media captiui-

2 Paral. 32

tate, infirmitate corporis uisitur, & audit se esse moriturum, ut conuersus ad dominum flectat sententiam eius, sed nulla quæ in hoc mundo hominibus cerniunt, absque omnipotentis Dei occulto consilio sunt: nam cuncta Deus futura præsciens, ante sæcula decreuit qualiter per sæcula disponantur. Statutū quippe iam homini est uel quantum hunc mundi prosperitas sequatur, uel quantum unumquemque aduersitas feriat, ne electos eius aut immoderata prosperitas eleuet, aut nimia aduersitas grauet. Statutum quoque est in æterna ueritate quantum in ista uita mortali unusquisque temporaliter uiuat, quia & si annos XVEzechiz regi ad uitam addidit, omnipotens tamen Deus, cum eum mori permisit, tunc eum præsciuit esse moriturum. Quæ in re quæstio oritur, quo modo ei per prophetam dicatur: Dispone domui tuæ quia morieris tu & non uiues, cui mortis sententia dicta est, sed protinus ad eius lacrymas est addita uita. Sed per prophetam dominus dixit quo tempore mori ipse debebat, per largitatem uero misericordiæ illo eum tempore a morte distulit, quo ante sæcula ipse præsciuit. Nec propheta igitur fallax, quia tempus mortis innotuit, quo uir ille mori merebatur: nec dominica instituta conuulsa sunt, quia ut largitate Dei anni uitæ crescerent, hoc quoque ante sæcula præfixum fuit, atque spatium uitæ quod inopinatus foris est addidit, sine augmento præscientiæ fuit intus statutum. Conuertitur Ezechias faciem suam ad parietem.) Quia ad templum ire non poterat, ad parietem templi iuxta quod Salomon palatium extruxerat: uel absolute ad parietem, ne lacrymas suas assidentibus sibi ostentare uideretur. Et ait, Obsecro domine memento quæso quo modo ambulauerim corā te in ueritate & in corde perfecto, quod placium est corā te fecerim.) Perfectionē cordis nunc in eo dicit, quod idola destruxerit, templi ualuas aperuerit, serpentē ænei cōminuerit, & cetera fecerit, quæ scriptura libri Regū & Paralipomenon cōmemorat. Fleuitque supra magno.) Propter promissionē domini ad Dauid, quā uidebat in sua morte periturū. Eo enim tempore Ezechias filios nō habebat, post tertium enim annum cōcessit uitæ Manassen genuit. Ergo iste omnis est situs, quia desperauerat Christiū de suo semine nasciturū. plerumque enim iusti aliquibus necessitatibus afflictī suā opera coguntur fateri, sed cū eorum dicta iniusti audiunt, hæc per elationē potius quā per ueritatē existimant prolata: ex suis enim cordibus uerba iustorū pensant, & dici humiliter posse uera bona non existimant. sicut enim grauis culpa est, sibi hoc hominē arrogare quod nō est: sic plerūque culpa nulla est, si humiliter bonū dicat quod est. Vnde sæpe cōtingit ut iusti & iniusti habeant uerba similia, sed tamen cor semper lōge dissimile: & ex quibus dictis dominus ab iniustis offenditur, in eisdem quoque a iustis placatur, nam phariseus ingressus templū dicebat, Ieiuno bis in sabbato, decimas do omnium quæ possideo, sed iustificatus magis publicanus, quā ille exiit. Ezechias quoque rex cum molestia corporis afflictus ad extremam uenisset, in oratione compunctus dixit: Obsecro domine memento quo modo ambulauerim coram te in ueritate, & corde perfecto. Nec tamen dominus hanc confessionem perfectionis eius despexit, aut reuicit, quem mox in suis precibus exaudiuit. Ecce phariseus se iustificauit in opere, Ezechias iustum se asseruit etiam in cogitatione, atque unde ille offendit, inde iste domino placuit. Cur itaque hoc nisi quia omnipotens Deus singulorum uerba ac cogitationes pensat, & in eius auribus superba non sunt, quæ humili corde proferuntur.

Et factum est uerbum domini ad Isaiam dicens: Reuertere & dic Ezechiz duci populi mei. Audiui orationem tuam, uidi lacrymas tuas. Ecce ego sanaui te, die tertio ascendes templum domini.) Vocatur quoque Ezechias dux populi & filius Dauid, cuius opera sectabatur, fecerat enim rectum iuxta omnia quæ fecit

- cit David pater eius, & auditur eius oratio, uidenturq. lachrimæ quo modo ambulauerat coram domino in ueritate & corde perfectæ, & fleuerat fletu magno, & quod placitum est in oculis eius fecerat. Et addam diebus tuis X V annos, sed & de manu regis Assyriorum liberabo te & ciuitatem hanc, protegam urbem istam propter me & propter David seruum meum.) Secundum quidam causas futurorum moriturus erat Ezechias, cui Deus addidit X V annos ad uitam, id utique faciens quod ante constitutionem mundi se facturum esse præsciebat, & in sua uoluntate seruabat. Non ergo id fecit quod futurum nostrum erat, hoc enim magis erat futurum quod se facturum esse præsciebat: tamen illi anni additi non recte dicerentur, nisi ad aliquid adderentur, quod se aliter in aliis causis habuerat. Secundum aliquas igitur causas inferiores iam uitam finierat: secundum illas autem quæ sunt in uoluntate & præscientia Dei, qui ex æternitate nouerat quid illo tempore facturus erat, & hoc uere futurum erat, tunc erat finiturus uitam quando finiuit uitam: quia & sioranti concessum est, etiam sic eum oraturum ut tali orationi cõcedi oporteret ille utique præsciebat cuius præscientia falli non poterat, & ideo quod præsciebat, necessario futurum erat. XV anni Ezechiz regi miserante Deo protelati ad uitam sunt ei, mystice figurantès, quia quicumque utriusque testamenti plenitudinem custodiunt, æternæ salutis præmium consequuntur, ac per legis consummationem & euangelii plenitudinem ad uitæ æternæ transeunt beatitudinem. Dixitq. Isaias, Asserte mihi massam ficorum: quam cum attulissent & posuissent super ulcus eius sanatum est.) Ac per hoc non spernendam esse medicinam quæ usu constet & experimento, quia & hanc fecerit Deus. Post hæc ait Isaias: Hoc erit signum a domino, quod facturus sit dominus sermonem quem locutus est. Vis ut ascendat umbra decem lineis, an reuertatur totidem gradibus? Et ait Ezechias: Facile est umbram crescere decem lineis, nec hoc uolo ut fiat, sed ut reuertatur retrorsum decem gradibus. Inuocauit itaque Isaias propheta dominum, & reduxit umbram per lineam quibus iam descenderat in horologio Achaz decem gradibus. Idem nomen graduum quod & linearum significat, idest, distinctionem horarum, quas duodecim per diem in horologio notare solemus. Ita erant extructi gradus arte mechanica, ut per singulos umbra descendens, horarum spatia terminaret. Erat autem hora diei decima, quando hæc regi loquebatur. Vis ergo, inquit, ut ascendat umbra decem lineis procedente Sole super terram per boreales plagas usque ad orientem, quod subitus terram quotidiana consuetudine cursus sui erat facturus: an ut reuertatur umbra totidem gradibus conuersa retrorsum, Sole ipso quoque per australem plagam ad orientem regresso. At rex facile est, inquit, umbram crescere decem lineis, nec hoc uolo ut fiat, sed ut reuertatur retrorsum decem gradibus. Vidit namque quia maioris miraculi esse poterat, si Sol contrarium suo mori cursum ageret, quam si consueto processu incedens, tametsi multo altius, idest, supra terras elatus ad orientem, quasi secundi diei mane nulla interueniente nocte facturus aduolaret. Nam & hoc qui in insula Thyle, quæ ultra Britanniam est, in ultimis Scytharum finibus degunt, omni ætate diebus aliquot fieri uident: quia Sol cetero orbi in occasu & sub terra positus, nihilo minus tota nocte supra terram appareat, & quo modo aperte occidens ad orientem humilis redeat manifeste uideatur, donec tempore oportuno denuo toto orbi cõmuni exorta reddatur: sicut & ueterum historia & nostri homines xui, qui illis de partibus adueniunt abundantissime produnt. Nunquam autem ii qui interiora austri incolunt, uidere Solem per meridianas plagas eunt ad orientem ab occasu redire. Ut manifestiorem enim sensum legentibus faceret, quod signum & præsentis temporis & futuri typus erat, ut quo modo Sol reuertebatur ad exordium

luis, ita & Ezechiae uita addita annos redderet, nobis quoque in hebdomade & ogdoade uiuentibus, per resurrectionem Christi uitae spatia protelerentur. Vel certe decem gradus in descensu Solis temporum ordines sunt, per quos umbra figurarum Christi descenderat, & per quos iterum Sol iustitiae Christus per resurrectionem ascendit. Primus itaque gradus descensionis in angelis fuit, in quo antiquis patribus apparere dignatus est, quia magni consilii nuncius erat. Denique & ad Iacob sic loquitur: Et dixit, inquit, angelis Dei, Ego sum Deus cui unxisti titulum & uouisti uerbum, ut & angelum & Deum ostenderet. Secundus gradus descensionis in patriarchis fuit, quia in omnibus, ut apostolus ait, ipse est operatus. Tertius in legis datione, quia & in lege ipse locutus est. Quartus gradus in Iesu Naue, qui populum in terram repromissionis introduxit. Quintus in iudicibus, quia eundem populum per eos ipse regebat. Sextus in regibus Iudaeorum, quia in eis ipse regnabat. Septimus in prophetis, quia per eos est nunciatus. Octauus in pontificibus, quia ipse summus sacerdos est patris. Nonus in homine. Decimus in passione. per hos enim gradus decem, quos ipse per umbram legis Christus descendit, ac rursus post resurrectionem suam Sol iustitiae Christus per eosdem gradus ascendit in caelum, & omnem illam umbram legis ueritatis radiis illustrauit, obscura reuelans, clausa referans, & omnia tecta denudans. In tempore illo misit Marodachaladan rex Babylonis litteras & munera ad Ezechiam, audierat enim quod aegrotasset. In tempore illo, hoc est, in eodem anno quo haec gesta sunt quae superius narrantur, misit Marodachaladan rex Babylonis libros & munera ad Ezechiam, quia apud eos astrorum obseruantia est, stellarumq. cursus longo usu & exercitatione cognitus, quod & in Dei natiuitate monstratur. Intellexerunt Solem reuersum dici spatia duplicata, seruire ei quem solum Deum putabant. Cumq. causas huius miraculi rationemq. perquirent, fama per omnes gentes uolitante, didicerunt propter aegrotationem regis Iudae etiam cursum signi clarissimi commutatum. Quod etiam liber Paralipomenon plenissime testatur dicens. Ipse est Ezechias, qui fecit in omnibus suis prospere quae uoluit: attamen in legatione principum Babylonis qui missi fuerunt ad eum, ut interrogarent de portento, quod acciderat super terram, reliquit eum Deus, ut tentarentur, & nota fieret omnia quae erant in corde eius. Iecirco autem tentationi relictus est, quia post tantam uictoriam & Solis regressum & congratulationem regni potentissimi cor illius elatum est. Denique in eodem uolumine scribitur. Multi deferrebant hostias & sacrificia domino in Hierusalem, & munera Ezechiae regi Iudae, & exaltatus est coram cunctis gentibus. In diebus illis aegrotauit usque ad mortem, & orauit dominum & exaudiuit eum, & dedit ei signum, sed non iuxta beneficia, quae acceperat, retribuit, quia exaltatum est cor eius, & facta est contra eum ira & contra Iudam & Hierusalem. Rursumq. scriptura sancta elationem cordis eius dicit poenitentia mitigatam inferens: & humiliatus est postea, eo quod exaltatum esset cor eius, tam ipse quam habitatores Hierusalem: & iecirco non uenit super eos ira domini. In diebus illis Ezechias letatus est in aduentu legatorum Marodachaladan, quem patrem fuisse Nabuchodonosor Hebraei autumant, & in oblatione munerum & congratulatione sanitatis suae. Ostenditq. eis domum aromatum suorum, & thesauros argenti & auri & odoramentorum & unguenti optimi, & omnes thesauros uasorum suorum: non fuit res quam non ostenderit eis in domo sua, & in omni potestate sua. Unde ira Dei iustissime merebatur, quod non solum thesauros suos atque palatii, sed & templi ostenderet: quod certe fuit potestas eius de cuius ualuis aureas laminas ante iam tulerat. Introiuit autem Isaías propheta ad regem Ezechiam. Rursumq. post corporis sanitatem & signi magnitudinem offerri cernimus aliam occasionem superbiae, quam ut prudens

1. Paral. 33

De Ezechia
opibus per
lationem
sentatis.

XXIX

dens & Dei cultor uitare debuerat, nec monstrare alienigenis diuitias suas, quas Deo tribente possederat: ex quo iuxta legis tropologiam discimus non mittendas margaritas ante porcos, nec dandum sanctum canibus. qui enim fidelis est, spiritu abscondit negotia: & quicumque hoc non fecerit, omnis uirtus illius eneruatur, petiitq. posteritas: & amisso uirili robore, in muliebrem redigitur molli-
tudinem. Ingreditur ergo Isaias ad regem, & quasi nescius sciscitat, Quid dixerunt uiri isti? & unde uenerunt? Duo interrogat: quid locuti sunt, & unde uenerunt. Ille ad unum respondit, alterq. pratermisso. De terra longinqua uenerunt ad me, de Babylone. Quod quanto terra longior sit unde uenerunt, tanto iste rex gloriosior propter quem uenerunt. Et uenerunt, inquit, ad me quod de-
buerat dicere, Venerunt ad glorificandum Deum, pro signi magnitudine de Babylone, quæ urbs in toto orbe potentissima est. Rursumq. Isaias, Quid, inquit, uiderunt in domo tua? Et ille respondit ex parte uerum, quod omnia uiderint in domo illius: nec fuerit res quam non ostenderet eis in thesauris suis: sed alteru tacuit, de quo uerebatur offensam, quod ostenderit ei cuncta quæ haberet in potestate sua, haud dubium quin & templi suppellectilem. Propter quæ Isaias Dei sermone profert sententiam: Audi uerbum domini exercituum: Veniet tempus quando omnia hæc quæ in domo tua sunt, & non tuo, sed patrum tuorum labore quæsitæ, in Babylonem transferantur, & de semine tuo fiant cunuchi in aula regis. Ex quo Hebræi uolunt Daniele, Ananiam, Misahalem, & Azariam, qui fuerunt de regio semine, factos esse cunuchos: quos in ministerio fuisse Nabuchodonosor non dubium est. Eunuchos enim, idest absceissos, non negamus aliquos fuisse de semine regio in palatio regis Babylonis, iuxta prophetiam beati Isaiæ: Daniel & focios eius credendum nullo modo est: quod si essent, de pulchritudine corporis & aspectu illorum non timeret dux ille, qui eos adhuc pueros erudiebat: quia species faciei solet deperire in pueris absceissis. Fuit autem consuetudo & apud antiquos, eunuchos uocare cubicularios & custodes palatii, qui uxores habebant, & absceissi corpore non fuerunt. Dixitq. Ezechias, Bonum uerbum domini quod locutus est: fiat tantum pax in diebus meis. In quo ab Hebræis reprehenditur, cur non sit imitatus bonitatem Moysis, qui locutus est ad Deum, Aut dimitte eis hanc noxam, aut si non facies, dele me libro quem scripsisti. Quid hoc loco prophete sententia contra Ezechiam regem, nisi arrogantium hypocritarum cogitationes suas in exquirenda hominum admiratione significat? per omne enim quod hypocrite faciunt, occultis cogitationibus laudes hominum requirunt. Operaturi quippe laudes suas cogitant, laudati autem secum taciti in cogitationibus uersant, gaudent se precibus in humana ueste actione clariuisse. Cumq. inflati fauoribus apud semet ipsos intumescunt, sæpe mirantur taciti etiam ipsi quod sunt: uideri quotidie semet ipsis altiores cupiunt, ac miris inuentionibus in opere excrecunt: quia sicut uirtutes omne uitium eneruant, sic
arrogantia roborat. cogit namque mentem iuuenescere, & contra uires nalere: quia & quod negat uigor ualetudinis, imperat amor laudis. Vnde & factis suis, ut diximus, arbitros inquirunt: si uero operi testes deesse contingant, narrant ipsi quæ gesserint. Cumq. offerri fauoribus coeperint, sæpe eisdem operibus suis, quæ egisse se referunt, mentiundo aliquid adiungunt. Cum uero & uera dicunt, hæc dicendo aliena faciunt: quia quæ sitis remunerati fauoribus, a uera & intima retributione uacant. In eo enim quod bona sua patefaciunt, ostendunt malignis spiritibus, quasi insidiantibus hostibus, unde prædentur. Horum ergo uitam, illa cunctis nouissima Ezechia culpa figurauit. Qui postquam una prece, & sub unius noctis spatio, centum octogintaquinque, millia hostium, angelo feriente.

prostravit, postquam oceanus proximam ad altiora celi spacia Solem reduxit: postquam vitam propinquatam iam termino coarctatam in tempora longiora protelavit: susceptis Babylonici regis nunciis bona omnia quæ possidebat ostendit: sed prophetæ protinus uoce audiuit, Ecce dies ueniunt, & auferentur omnia, quæ in domo tua sunt, in Babylonem, & non relinquetur quidquam, dicit dominus. Sic nimirum hypocritæ, postquam magnis uirtutibus excreuerunt, quia cauere malignorum spirituum insidias negligunt, & cæli in eisdem uirtutibus nolunt, bona sua ostendendo hostium faciunt: & prodentes subito amittunt, quid

Psal. 77

quid diutius studentes operantur. Hinc per psalmistam dicitur, Tradidit in captiuitatem uirtutes eorum, & pulchritudines eorum in manus inimici. Virtus quippe & pulchritudo arrogantium, inimici manibus traditur: quia omne bonum, quod per concupiscentiam laudum ostenditur, occultis aduersarii uiri mancipatur. Hostes namque ad rapinam prouocant, quia suas eorum notitias diuitias denudant: quouique enim ab æternæ patrie securitate disungimur, in latronum insidiantium iter ambulamus. Qui ergo in itinere deprædari formidat, abscondat ne cense est bona quæ portat. O miseri, qui affectantes laudes hominum, in semet ipsis dissipant fructus laborum. Cumque se ostendere alienis oculis appetunt, damnant, quod agunt. Quos nimirum maligni spiritus, cum ad iactantiam prouocant, eorum, sicut diximus, opera captiuantes denudant. Hinc est enim quod

Math. 6

per euangelium ueritas dicit, Nesciat sinistra tua quid faciat dextera tua, ut sit elemosyna tua in abscondito, & pater tuus qui uidet in abscondito reddet tibi. Hinc

Tsal. 44

est quod de electorum ecclesia per psalmistam dicitur, Omnis gloria eius sicut regis ab intus. Hinc Paulus ait, Gloria nostra hæc est, testimonium conscientiarum nostrarum. Filia quippe regum ecclesia, quæ in bono est opere spiritualium principum prædicatione generata, gloriam intus habet, quia hoc quod agit in ostentationis iactantia non habet. Gloriam suam Paulus testimonium conscientiarum memorat, quia dum fauores oris alieni non appetit, uitæ suæ gaudia extra semet ipsum ponere ignorat. Occultanda sunt ergo quæ agimus, ne hæc in huius uitæ itinere incaute portantes latrocinantium spirituum incurusione perdamus. Duodecim an-

2. Cor. 1

De Manasse rege. XXX

norum erat Manasses cum tegnare coepisset, & L. Vannis regnauit in Hierusalem, fecitque malum in conspectu domini iuxta idola gentium, quas deleuit dominus a facie filiorum Israël: conuersusque est & ædificauit excelsa quæ dissipauerat Ezechias pater eius: & erexit aras Baal & fecit lucos, sicut fecerat Achab rex Israël, & adorauit omnem militiam cæli & coluit eam, & extruxit aras in domo domini, de qua dixit dominus: In Hierusalem ponam nomen meum, & extruxit altaria uniuersæ militiæ cæli in duobus atrijs templi, & transduxit filium suum per ignem & ariolatus est, & obseruauit auguria: & fecit Pythones & aruspices, multiplicauit ut faceret malum coram domino & irritaret eum.) Hæc ergo omnia, id est, siue auguratio, siue auspiciu, siue quælibet immolatio, siue etiam sortitio, aut quicumque motus auium, uel pecudum, & inspectio quæcumque fibrarum, aut aliquid quod de futuris uideatur ostendere, in operatione dæmonii fieri non dubito, diligentium uel auium uel pecudum, uel si fibrarum motus aut sortium secundum ea signa quæ docuerunt iidem dæmones obseruari ab his, quibus artis huius scientiæ tradiderunt: a quibus omnibus is qui homo Dei est, & in portione Dei numeratus, penitus debet esse alienus: nec aliquid in his habere commune, quæ occultis machinis dæmones operantur, ne forte rursus per hæc dæmonibus societur, atque eorum spiritu & uirtute repleatur, & ad idolorum cultum denuo reparetur. Post aliquanta dicitur, quod miserit Iosias nuncios ad Oldam prophetissam uxorem Sellum quæ habitabat in Hierusalem in secunda propter librum legis diuinæ, qui

De Iosia rege. XXXI

qui inuentus fuerat.) Quid sit hoc quod dicit, quod habitauerit in secunda, in superiori parte libri huius scribitur de rege Ezechia: Aedificauit quoque omnem murum qui fuerat dissipatus, & extruxit turres, & forinsecus alterum murum.

Meminit huius loci & Sophonias dicens: Vox clamoris ad portam piscium & ululatus a secunda, pro qua uetus editio quasi proprium nomen loci transtulit in Masana. Masana quippe interpretatur Secunda. Quod ergo dicitur hac prophetisa habitasse in secunda, in secundi muri parte intelligere debemus. Regi autem Iu-

Sophon. i

da qui misit uos, ut consuleretis dominum, sic dicetis: Hæc dixit dominus Deus Israel, Pro eo quod audisti uerba uoluminis huius, & perterritum est cor tuum &

humiliarus es coram domino auditis sermonibus contra locum istum & habitatores eius, quod uidelicet fierent in stupore & maledicti, & scidisti uestimenta tua & fleuisti coram me, & ego audiui dicit dominus: iccirco colligam te ad patres tuos, & colligeris in sepulcrum tuum in pace, ut non uideant oculi tui omnia mala, quæ adducurus sum super locum istum.) Territus iste Dei cõminationibus fleuerat, & sua uestimenta considerat, & sit omnium malorum futurorum de præparata morte securus, quod ita requieturus esset in pace, ut illa omnia non nideret. Ibi ergo sunt spiritus defunctorum, ubi non uident quæcumque aguntur aut eueniunt in ista uita hominum: Quo modo ergo uident tumulos suos aut corpora sua, utrum abiecta iaceant an sepulta? Quo modo interfunt miserix uiuorum, cum uel sua

ipsi mala patiantur si talia merita cõtraxerunt: uel in pace requiescant, sicut huic Iosæ promissum est, ubi mala ulla nec patiendo sustineant: liberati ab omnibus malis, quæ patiendo & compatiendo, cum hic uiuerent, sustinebant. Dixit aliquis: Si nulla est mortuis cura de uiuis, quo modo ille diues, qui apud inferos torquebatur, rogabat Abraham patrem, ut mittat Lazarum ad quinque fratres suos nondum mortuos, & agat cum eis, ne ueniant & ipsi in eundem tormentorum locum. Sed numquid quia hoc ille diues dixit, ideo quid fratres agerent uel quid paterentur illo tempore sciuit. Ita illi fuit cura de uiuis, quamuis quid agerent, omnino nesciret, quemadmodum est nobis cura de mortuis, quamuis quid agant utique nesciamus: nam si nihil de mortuis curaremus, non utique pro illis Deo supplicaremus. Denique Abraham nec Lazarum misit, & Moysen & prophetas

hic eos habere respondit quos audire deberent, ut ad illa supplicia non uenirent.

Ubi rursus occurrit, quo modo, quid ageretur, Abrahami pater ipse sciebat, ubi sciebat esse Moysen & prophetas, id est, libros eorum quibus homines obediendo tormenta infernalitè uitarent. Denique nouerat diuitem illum in deliciis, pauperem uero Lazarum in laboribus uixisse, nam & hoc illi ait: Memento filii, quia recepit bona in uita tua, Lazarus autè mala. Sciebat ergo hæc, quæ utique apud uiuos gesta fuerant: uerū nō cum agerentur in uiuis, sed cum eis mortuis potuit, Lazaro indicante, cognoscere, ne falsum sit quod ait propheta. Abraham nesciuit nos. Pro

Lucæ 16

inde fatendum est nescire quid mortuos quid hic agatur, sed dum agitur: postea uero audire ab eis qui hinc ad eos moriendo pergunt, non quid omnia, sed quæ sinuntur indicare, & illa tantum meminisse, quæ illos, quibus hæc indicant, oportet audire. Possunt & ab angelis, qui rebus, quæ aguntur hic, præsto sunt, audire aliquid mortui, quod unumquemque illorum audire debere iudicat, cui cuncta subiecta sunt. nisi enim essent angeli, qui possent interesse & uiuorum & mortuorum locis: non dixisset dominus Iesus, Contigit autem mori inopem illum & afferri ab angelis in sinum Abraham. Nunc ergo hic, nunc hic illi esse potuerunt, qui hinc illum, quem Deus uoluit, abstulerunt. Possunt etiam spiritus mortuorum aliqua quæ hic agantur, quæ necessarium est eos nosse, non solum præsentia uel præterita, uerum etiam futura, spiritu Dei reuelante, cognoscere: sicut non omnes homines sed

prophetæ

prophetæ dum hic uiuerent cognoscebant, nec ipsi omnia, sed quæ illis esse reuelanda Dei prouidentia iudicabat. Mitti quoque ad uiuos aliquos ex mortuis, sicut contrario Paulus ex uiuis in paradysum raptus est, diuina scriptura testatur, nam Samuel propheta defunctus uiuo regi Sauli etiam futurum prædixit: quam uis nonnulli non ipsum fuisse, qui potuisset magicis artibus euocari, sed aliquem spiritum tam malis operibus congruentem, illius existiment similitudinem figurasse. Hæc per excessum iccirco protulimus, ut nouerint homines æternam ueritatem quærere, qui uolunt saluari, a quo creati sumus, in quo uiuimus, per quem mouemur & sumus: animas autem sanctas, sanctas eas credamus esse, & non humanis miseriis interesse, sicut dicit Isaias ad Deum qui erat filius Abraham, Tu domine pater noster es, Abraham nesciuit nos: & Israel non cognouit nos. Post hæc sequitur historia de gestis Iosæ, ita dicens: Contaminauit quoque Tophet, quod est in conualle filii Ennom, ut nemo consecraret filium suum aut filiam per ignem Moloch. Frequens est in scripturis horum mentio locorum, maxime in libro Regum & Hieremiæ prophetæ. Est autem uallis Ennom siue filii Ennom iuxta murum Hierusalem contra orientem, in qua nemus pulcherrimum Syloæ fontibus irrigatur. Tophet autem erat locus in eadem conualle iuxta piscinam fullonis, cuius meminit scriptura, & iuxta agrum Acheldemach qui usque hodie monstratur ad australem plagam montis Sion. Solebant autem in Tophet, quia locus erat amoenissimus, unde hodieque hortorum præbet delicias, ara posita sacrificare demonibus, nefandoque rogo suos consecrare liberos siue holocaustum offerre, sicut in libro Verborum dierum de Achaz rege scriptum est. Ipse est qui adoleuit incensum in ualle Benennom, & lustrauit filios suos in igne Benennom, siquidem Filium Ennom significat. Vallis autem Ennom Hebraice dicitur gehennom, cuius nomine in nouo testamento poena inferorum gehenna cognominatur: quia nimirum sicut in conualle Ennom qui idolis seruierunt, in ea prophetis attestantibus perierunt, ita peccatores ex his quæ peccauerunt, æterna damnatione puniuntur. Denique Hieremias cum referret sibi præcepisse dominum, ac dixisse ad uallem filii Enno quæ est iuxta introitum porte scilicet, paulo post dicit, Et non uocabitur locus iste amplius Tophet & uallis filii Ennom, sed uallis occisionis: & dissipabo cõsiliu iudæ & Hierusalem in loco isto, & subuertam eos gladio. Isaias quoque manifestissime Tophet infernum appellat, qui cum perpetuum diaboli interitû sub nomine Assur describeret, dicens: A uoce enim domini pauebit Assur uirga percussus, & erit transitus uirgæ fundatus, quæ requiescere faciet dominus super eum: statim quomodo & ubi esset periturus subdidit dicens: Præparata est enim ab heri Tophet a rege, præparata profunda & dilatata: Pulchre ait & dilatata, quia Tophet dicitur Latitudo. Nutrimenta, inquit, eius ignis & ligna multa, status domini sicut torrens sulphuris succedens eam. Contaminauit autem Iosias Tophet, uel ossa mortuorum ibi, sicut in sequentibus de alijs idolorum locis secisse legitur, uel alia quolibet immunda dispergens, quatenus abominationi potius quàm delectationi aptus omnibus, qui aspiceret, locus appareret. Quod sequitur de eodẽ rege Iosia: Abstulit quoque equos quos dederant reges Iuda Soli in introitu templi domini, & paulo post: Currus autem Solis cõbussit igni, ostendit omnium gentium idolatrarum superstitutioni iudæos eo tempore fuisse mancipatos, ita ut in uenerationem Solis, quem more Gentilium Deum esse credebant, simulacro eius quod fecerant currus equosque subdiderint, & hoc in atrijs templi domini: sic enim solent Gentiles pingere uel facere simulacrum Solis, ut puerum imberbem in curru ponentes, equos eisdem quasi curru cælum petentes subiugent. Cui propterea pueri aptant imaginem, quia Sol uelut quotidie nouo ortu natus nullum per secula senium incidit.

- Vt autem eidem currus & equos tribuant, de miraculo sumptum Helix propheta, quia curru igneo & equis igneis est raptus ad celum, Ioannes Constantinopolitanus episcopus æstimat. quia enim græce helios dicitur Sol, sicut etiam Sedulius cum de Helix ascensu caneret, ostendit dicens: Quam bene fulminei præluens semita cæli Conuenit Helix, meritoq. & nomine fulgens, Hac ope dignus erat. nam si sermonis huius una per accentum mutaretur littera, Sol est: audientes græci ab Israelitis, quos diuinas litteras habere fama probebat, prædicari, quod Helias curru igneo & equis sit igneis ad cælestia translatus, uel certe hoc ipsum inter alia de pictum in pariete uidentes, crediderunt uicinia decepti nominis, Solis hic transitum per cælos esse designatum: & miraculum diuinitus factum, commutarunt in argumentum erroris humana stultitia commendatum: quos imitati ipsi Iudæi sategerunt ne in aliquo gentilium stultissimis minus parerent stulti. Quod paulo post de eodem rege dicitur: Excelsa quoque quæ erant in Hierusalem ad dextram partem montis offensionis, quæ ædificauerat rex Salomon Astaroth idolo Sidoniorum & Chamos offensioni Moab, & Melcho abominationi filiorum Ammon, possuit rex & contriuit statuas, & succidit lucos, repleuitq. loca eorū ossibus mortuorum.) Luce est clarius quod excelsa nominare solet scriptura loca in collibus posita frondentibus, in quibus uel demonibus immolabant, uel etiam domino, locorum amoenitate allecti, contra interdictum relicto altari, quod erat in templo, hostias offerebant. Vnde sæpius in hoc libro de Regibus, qui minus perfecte iusti fuere, dicitur, Veruntamen excelsa non abstulit. Montem autem offensionis montem idoli dicit, quia nimirum consuetudinis est scripturarum offensionem idola nuncupare: quia uel in illis offenditur Deus, uel offensionem & ruinam suis afferunt cultoribus: sicut in hac ipsa sententia subsequenter intimatur dum dicitur, quod ædificauerat Salomon rex Israel Astaroth idolo Sidoniorum, & Chamos offensioni Moab, & montem abominationi filiorum Ammon. Vbi quoque, ni fallor, palam ostenditur, quod uinam non ostenderetur, quia uidelicet Salomon de admissio idololatriæ scelere numquā perfecte penituit. Nam si fructus penitentia dignos faceret, sategeret ante omnia, ut idola quæ ædificauerat de ciuitate sancta tollerentur, & nō in scandalum stultorum, quæ ipse, cum fuisset sapientissimus, erronee fecerat, quasi sapienter ac recte facta reliquisset. Meminit supra & huius loci scriptura dicens, Tunc ædificauit Salomon finem Chamos idolo Moab in monte qui est contra Hierusalem, & Moloch idolo filiorum Ammon. Nec uideri debet contrarium quod ibi mons in quo facta sunt hæc idola contra Hierusalem: hic in Hierusalem esse positus asseritur, nimirum in tanta erat urbis uicinia positus, ut ad ipsam pertinere, & ad ipsam quoque sordibus, quæ in eo congeriebantur, attingere uideretur. Quod referens de Nabuchodonosor, quia transtulerit omnem Hierusalem, & uniuersos principes, & omnes fortes exercitus decem milia in captiuitatem, addidit scriptura dicens, Et omnem artificem & clusorem: hoc est quod supra eidem populo Israel Philistiim regnantes fecisse narratur cum dicitur: Porro faber ferrarius non inueniebatur in omni terra Israel. cauerant enim Philistiim, ne forte facerent Hebræi gladium aut lanceam. sicut enim tunc illi cauerunt ne haberent fabros ferrarios Hebræi qui arma ad repugnandum facerent: ita nunc Chaldæi destructa Hierusalem & uastata omni terra repositionis sategerunt, ut nullus in ea remaneret artifex, nullus clusor, qui uel foedata urbis moenia componere uel possit refarcire disrupta: quin potius quidquid apud gentem exterminatam artis inueniant, totum Babyloniam transferunt, ut uel ad nihilum ualeat ultra, uel illius ciuitatis utilitatibus proficiat: cuius tam descendæ historie, quæ multum negligentia nostri temporis congruit, non opinor allegoriam esse reticen-

De Nabucho
donosor.
XXXII

reticendam. Constat namque quia Hierusalem & terra Israel ciuitatem Christi, id est, ecclesiam sanctam: Babylon autem & Chaldaei siue Philistaei ciuitatem diaboli, id est, omnem malignorum spirituum siue hominum siue angelorum multitudinem designant. Seruivitq. Israel Philistaeis siue Chaldeis, cum fideles quique nominetenus in ecclesia consistentes, ab immundis uel spiritibus uel hominibus decepti, aut auaritiæ, aut luxuriæ, aut alteri cuiilibet peccato mētis tolla submittunt. Abducit autem Nabuchodonosor Hierusalem & uniuersos principes fortesq. exercitus decem milia in captiuitatem, cum eis & magistros populorum & eos qui in uicinabili animo domino seruire, ac decalogum legis fideliter in Dei ac proximi uidebantur amore conseruare, cum subito siue illecebris mundi seu aduersitatibus subacti, aut maioribus se polluant facinoribus, aut certe in hæresim declinando aperte apostasiæ notam incidunt. Arma uero quibus contra diabolum repugnantes, libertatem a Deo nobis donatam defendamus, quæ sunt alia nisi eloquia scripturarum, in quibus & ipsius domini, & sanctorum eius exemplis quo ordine bella uitiorum superari debeant, luce clarius discimus. Sed Philistaei filios Israel fabris armorum priuant, cum maligni spiritus animos fidelium a meditatione sacræ lectionis secularia illis negotia inferendo retardant: ne uel ipsi per huius exercitium resistendi fiduciam sumant, uel aliquos forte, qui legere nesciunt ad resistendum uitis exhortando aut corripicndo accendant. Tollerunt fabros armorum, cum eos, qui sacra eloquia norunt, in tantum sceleribus obruunt, ut dicere bona, quæ didicerant, prorsus erubescant. Transferunt omnem artificem & clusorem in Babyloniam de Hierusalem, cum eos qui multifaria uirtutum operatione pluribus prodesse, & ciuitatem Dei contra irruptiones temptationum munire solebant, a proposito desectunt, atque ingenium, quod tuitioni sanctæ ecclesiæ impendere debuerat, ad uoluntatem potius regis uitiorum dispensare compellunt. Quod si clusorem hoc loco non ostiorum siue murorum, sed auripotius gemmarumq. intelligere uoluimus, ad unum profecto eundemq. spiritalis expositio finem respicit. Didum quippe est de sapientia, quia aurum est, & multitudo gemmarum, atque ideo clusores horum non alios aptius, quam doctores intelligere ualeamus, qui quamdiu recte uiuunt ac docent, in ornatum sanctæ ciuitatis industriam suæ artis impendunt. At si forte errauerint, quid nisi a rege Chaldeorum captiui Babyloniam transferuntur? Artificem & clusorem ab Hierosolimis transmigrare Babyloniam, est talentum uerbi cælitus acceptum in terram defodiri, id est, sapientiam spiritalem ad peccatorum opera conuerti.

Post hæc infer scriptura quod fugientem regem Sedechiam ab exercitu Chaldeorum apprehensum, duxerunt ad regem Babylonis in Reblatha, qui locutus est cum eo iudicium: filios autem Sedechiæ occidit coram eo, & oculos eius effodit, uinxitq. eum catenis, & abduxit in Babylonem. Dum sacra scriptura Sedechiæ captiuitatem narrat, ordinem captiuitatis internæ denunciat. Rex quippe Babylonis est antiquus hostis, possessor intimæ confusionis, qui prius filios anteintuentis oculos trucidat, quia sæpe sic bona opera interficit, ut hæc se amittere ipse, qui capus est dolens cernat, nam gemit plerumque animus, & tamen carnis suæ delectationibus uictus, bona, quæ genuit, amans perdit, ea quæ patitur damna considerat, nec tamen uirtutis brachium contra regem Babylonis leuat. Sed dum uidens nequitie perpetrante percussit, ad hoc quandoque peccato superducitur, ut ipso quoque rationis lumine priuetur. Vnde Babylonis rex extinctis prius filiis, Sedechiæ oculos eruit, quia malignus spiritus subductis prius bonis operibus, postea intelligentiæ lumen tollit. Quod recte Sedechias in Reblatha patitur. Reblatha quippe, Multa hæc interpretatur. ei enim quandoque

- & lumen rationis claudetur, qui prauo usu ex iniquitatis suæ multitudi-
 ne grauat. sicut enim quarta die cælum in initio creaturarum luminaribus ornatum
 extitit, ita quarta ætate mundi Israeliticus populus cælesti fide inclutus, a prophetis
 quasi a Stellis illuminatus, regno Dauid & Salomonis gloriosus, templi etiã altitu-
 dine toto est nobilitatus in orbe. Sed accepit uesperam, quando crebrescentibus
 peccatis regnum illud a Chaldeis dissipatum, templum dirutum, & tota illa gens
 in Babyloniam est translata. Quæ quarta sæculi ætas a Dauid usque ad transmi-
 grationem Babylonis, habet annos iuxta Hebraicam ueritatẽ CCCCLXXXIII,
 iuxta LXX interpretes aliquot amplius, generationes iuxta utrorumq. codices
- 10 XVII, quas tamen euangelista Matthæus certi mysterii gratia XIII ponit, a
 qua uelut iuuenili ætate in populo Dei Regum tempora coeperunt. Hæc namque
 in hominibus ætas apta ad gubernandum solet existere. Sedechias autem suprascri-
 ptus filius Iosiah regnauit annis XI. Huius XI anno, regis autem Babylonis XVIII,
 secundum dies lunares mense III, V die mensis. iuxta solares uero dies, VIII
 Kalendas Iulias, Luna V, quem illi quintum diem computant, feria VII aperta est
 ciuitas, & ingressi sunt omnes principes regis Babylonis, possederuntq. ciuitatem,
 & transfuderunt populum captiuum in Babylonem: & inde postea Nabuzardan
 princeps militiæ exercitus Babylonis mense V, X die mensis lunaris, solaris uero
 V Kalendas Augusti, Luna X, quæ Hebræi decimum diem quinti mensis uocant,
- 20 destructi sunt muri ciuitatis, & templum pariter incensum atque uastatum est, an-
 no, ex quo fundari cœpit, CCCCLXXX. Si uero a me quærat per quid sciam
 hoc, aut quo modo potuit hoc fieri, ut talibus diebus uel comprehensa fuerit ci-
 uitas, uel incensa, respondeo quia ipso anno X kalen. Aprilis extitit secundum
 dies lunares anni principium, & primi mensis initium. Iam ipsa in Babyloniam
 transmigration, quo etiam spiritus Dei per Hieremiam prophetã iubet ut pergant,
 & orent pro eis ipsis, in quorum regno peregrinantur, quod in illorum pace etiã
 pax esset istorum, & ædificarent domos, & nouellarent uineas, & plantarent hor-
 tos: quis non agnoscat quid præfigurauerit, qui attenderit ueros Israelitas, in qui-
 bus dolus non est, per apostolicam dispensationem cum euangelico sacramento
- 30 ad regnum gentium transmigratione? Vnde nobis apostolus tamquam Hieremias re-
 plicans ait, Volo ergo primum omnium fieri deprecationes, orationes, inter-
 cessiones, gratiarum actiones pro omnibus hominibus, pro regibus, & his qui
 in sublimitate sunt, ut quietam & tranquillam uitam agamus in omni pietate & ca-
 stitate. hoc enim bonum & acceptum est coram saluatore nostro Deo, qui omnes
 homines uult saluos fieri, & in agnitionem ueritatis uenire. Ex hoc quippe etiam
 illis credentibus domicilia sunt constructa pacis, basilicæ Christianarum congrega-
 tionum, & nouellata uineæ populorum fidelium, & plantati horti, ubi etiam in-
 ter omnia holera grana illud sinapis regnat, sub cuius umbraculis longe lateq.
- 40 porrectis, etiam alipetax superbia gentium tamquam in cæli uolatilibus confu-
 giendo requiescit. Nam quod etiam post LXX annos secundum eiusdem Hiere-
 miæ prophetiam reditur ex captiuitate, & templum renouatur, quis fidelis Chri-
 sti non intelligat, post euoluta tempora quæ septenarii dierum numeri repetitione
 transcurrunt, etiam nobis, idest, ecclesiæ Dei ad illam cælestem Hierusalem ex
 huius sæculi peregrinatione redeundum? Per quem nisi per Iesum Christum uere
 sacerdotem magnum, cuius figuram gerebat ille Iesus sacerdos magnus illius tem-
 poris, quo templum ædificatum est post captiuitatem, quem propheta Zacharias
 uidit in sordido habitu, deuictioq. diabolo, qui ad eius accusationem stabat, abla-
 tam illi sordidam uestem & datum indumentum honoris & gloriæ: sicut corpus
 Iesu Christi, quod est ecclesia aduersario in fine temporum per iudicium superato,

313
Psal. 39 a luctu peregrinationis in gloriam sempiternæ salutis assumetur? Quod etiam in psalmo dedicationis domus apertissime canitur. Conuertisti planctum meum in gaudium mihi & cetera. Quis potest ex occasione alterius operis omnia quæ in illis ueteribus legis & prophetarum libris Christum annunciant, quantalibet breuitate perstringere, ne forte quis putet ingenio fieri, ut ea quæ rerum ordine sua tem-
1. Cor. 10 pora cucererunt, ad Christi significationes interpretando uertantur? Hoc forte Iudæi possunt dicere siue pagani, eis autem qui se Christianos putari uolunt, premit ceruicem Apostolica auctoritas dicens, Omnia hæc in figura continebantur illis, & hæc omnia figuræ nostræ fuerunt.

10

D. EVCHERII,
 EPISCOPI LVGDVNENSIS.
 IN LIBRVM FORMVLARVM
 spiritualis intelligentiæ, præfatio ad Verannium

Scriptura allegorice intelligenda



Psal. 77
Mat. 4

Matth. 7

FORMVLAS spiritualis intelligentiæ latinorum
 nominum cõponendas, tibi quæ mittendas pro studio
 paternæ erga te sollicitudinis existimaui, quibus
 perceptis, in omnia scripta diuina facillime ac intel-
 lectum reliquorum sensus intenderetur. nam
 cum littera occidat, spiritus autem uiuificet, necesse
 est ad illa spiritualium interiora sermonem spiritu ui-
 uificante penetrari. Vniuersam porro scripturam
 tam ueteris instrumenti quam noui ad intellectum
 allegoricum esse sumendum, admonet nos uel il-
 lud, quod in ueteri testamento legimus. Aperiam
 in parabolis os meum, loquar in enigmate antiqua. Vel illud quod item in nouo
 testamento scribitur. Hæc omnia locutus est Iesus in parabolis ad turbas, & si-
 ne parabolis non loquebatur eis. Nec mirandum, quod sermo diuinus, prophe-
 tarum, apostolorumque ore prolatus, ab usitato illo hominibus scribendi modo
 multum recesserit, facilia in promptu habens, magna in interioribus suis conti-
 nens: quia & reuera fuit congruum, ut sacra Deo dicta a ceteris scripturis, sicut
 merito, ita & specie discernerentur, ne illa cælestium arcanorum dignitas pas-
 sim atque indiscrete cunctis patefceret, sanctumque canibus, & margaritas por-
 cis exponeret: & consecrata uasa templi inuoluta promiscuus populus ferret
 nec uideret, & ut uere ad illius columbæ deargentatæ modum, cuius posteriora
 in specie auri splendentis irradiant, scripturæ diuinæ prima quæque argento ful-
 gerent, & auro occultiora rutilarent. Recte itaque procuratum est, ut eloquio-
 rum illa castitas a promiscuis cunctorum oculis abditio suo quasi quodam uelami-
 ne pudicitie contegeretur: ac diuina optime dispensatione prouisum est, ut scri-
 pta ipsa ita contegerentur, cælestibus obumbrata mysteriis, sicut secreto ipsa suo
 diuinitas operiebatur. Igitur cum in libris sanctis oculi domini, os domini, u-
 terus domini, manus pedes domini, arma etiam domini scripta reperiantur, lon-
 geque ab ita catholica ecclesiarum fide Deum corpore determinari, qui sit inuisi-
 bilis, incomprehensibilis, incommutabilis & infinitus, requirendum est qualiter
 ista

20

30

40

ista per spiritum sanctum figurali expositione referentur. hic enim inueniuntur illa dominici interiora templi, hic illa sancta sanctorum mysteria enigmantibus re-
tectis. Corpus ergo scripturæ sacræ, sicut traditur, in littera siue historia est: ani-
ma in morali sensu, qui tropicus dicitur: spiritus in superiore intellectu, qui ana-
goge appellatur. Quam triplicem scripturarum regulam conuenienter obseruat
confessio sanctæ trinitatis, sanctificans nos per omnia, ut integer spiritus noster,
& anima, & corpus siue querela in aduentum domini nostri Iesu Christi, iudi-
ciumq. seruetur. Sapientia autem mundi huius philosophiam suam in tres partes
diuisit, physicam, ethicam, logicam, idest, naturalem, moralem, rationalem.

- 10 Sed naturalem illam pertinentem ad causas naturæ, quæ uniuersa continet: mo-
ralem, quæ respiciat ad mores: rationalem uero, quæ de sublimioribus disputans,
Deum omnium patrem esse cōfirmet. Quam tripartitam doctrinæ disputationem
non adeo abhorret illa nostrorum in disputatione distinctio, qua docti quique
hanc cælestem scripturarum philosophiam secundum historiam, secundum tropo-
logiam, secundum anagogen differendam putarunt. Quapropter historia uerita-
tem nobis factorum, ac fidem relationis inculcat. Tropologia ad uitæ emendatio-
nem mysticos intellectus refert, Anagoge ad sacratiora cælestium figurarum secre-
ta perducit. Sunt etiam qui Allegoriam in hoc scientiæ genere quarto in loco ad-
iiciendam putent, quam gestorum narrationem, futurorum umbram prætulisse
confirmant. Hæc uero ipsa ut subiectis plenius manifestentur exemplis: Cælum
est secundum historiam hoc quod intuemur, secundum tropologiam uita cæle-
stis: aquæ secundum allegoriam baptismus, secundum anagogen angeli, unde est
illud. Et aquæ quæ super cælos sunt laudent nomen domini. Omnis autem disci-
pulus nostræ religionis, ex illo duplicis scientiæ fonte manauit: cuius primam præ-
dicem, secundam theoreticam uocauerunt, idest actiualem, & contemplatiuam.
Vnam, quæ actiualem uitam morum emendatione consummet: aliam, quæ in cō-
templatione cælestium & diuinarum scripturarum disputatione uersetur. Ergo ac-
tualis scientia in diuersa studia diffunditur, contemplatiua in duas derivatur par-
tes, idest in historica disputatione, & spiritalis intelligentiæ interpretatione consi-
stit. Sed his nunc remotis, formulas intelligentiæ spiritalis quas spondimus
proponamus, currentes per singulorum nominum figuras, quibus ista in illo di-
uinx lectionis inserta textu accipi solent. Oremus itaque dominum, ut reuelat ab-
scondita scripturarum suarum, & proferamus quo modo secretiora intellectu sen-
tiendum sit.

- I De diuinis nominibus
II De his, quæ appellantur membra domini, uel quæ de eo significantur.
III De supernis creaturis.
III De terrenis
V De animantibus
40 VI De uariis nominum & rerum appellationibus
VII De interiori homine
VIII De his, quæ in usu atque in medio habentur
IX De uariis uerborum uel nominum significationibus
X De Hierusalem, uel aduersus eius
XI De numeris, quorum significationes in allegoriam trahuntur

Ergo ipsas iam nunc nominum atque uerborum significantias, secundum quas
uel maxime in allegoriâ trahuntur, prout donum Dei suggesserit, explicemus.

Caput primum de diuinis nominibus.

INIPOTENS Deus pater & filius & spiritus sanctus unus atque trinus. Vnus uidelicet extat in natura, trinus in personis. Solus inuisibilis, immensus atque incomprehensibilis. Solus incircumscriptus, immutabilis, incorporeus, & immortalis: ubique præsens & latens: ubique totus & immensus.

1. Ioan. 4. Inuisibilis est, quia in essentia sua omnino uideri non potest, apostolo testante, qui ait, Quem nullus hominum uidit, sed nec uideri potest. Et in euangelio, *10*
Deum nemo uidit umquam.

Ioan. 4. Incorporeus est, quia nullis membrorum liniamentis compositus siue compactus exsistit, Sic ueritas in euangelio dicit: Spiritus est Deus, & eos qui adorant, eum in spiritu & ueritate oportet adorare.

3. Reg. 8. Immensus est, quia quantitas eius uel qualitas a nullo ex creaturis metiri potest. Cui Salomon in suis orationibus supplicans ait, Si cælum & cæli cælorum non te capiunt, quanto magis domus ista, quam ædificauit.

Incircumscribitur est, quia circumscribi non potest.

Isa. 66. In localis est, quia de loco ad locum nequaquã transit, sed neque in loco quolibet retinetur, ipso de se per Isaiam testimonium perhibente ac dicente, Cælum *20*
mihi sedes est, terra autem scabellum pedum meorum. Et per Hieremiam. Nonne cælum & terram ego impleo? Cuius immensitatem propheta in psalmo confitens
Psalm. 138 ad ipsum dominum ait, Si ascendero in cælum, tu illic es, si descendero ad infernum ades. De eius immensitate in libro Iob scriptum est, Excelsior cælo est &

quid facies? profundior abyssus & unde cognoscis? longior est terra mensura eius, & latior mari. qui enim cælum & terram implet, proculdubio nullus est locus abs eius assentia absens. Super omnia quippe est regendo atque imperando: subtus omnia est sustinendo atque portando, non pondere laboris, sed infatigabili uirtute: quoniam nulla creatura ab eo condita per se subsistere ualet, nisi ab eo sustentetur, qui eam creauit. Extra omnia, sed non exclusus. *30*

Mal. 3. Immutabilis est, quia ab eo quod est mutari omnino non potest, ipso dicente per Malachiam prophetam, Ego dominus & non mutor. Ideo Deus immutabilis dicitur, quia animæ eius, ira, furor, penitentia, obliuio, recordatio, & alia iis similia non accidunt. simplex enim natura est, & immutabilis & imperturbata, Neque aliud est ipse & aliud quod habet, sed ipsum est, quod habet & quod est.

1. Timoth. 6. Immortalis quia moti nullo modo potest, apostolo testante ac dicente: Qui solus habet immortalitatem, lucem habitans inaccessibilem, quæ nullus hominum uidit, nec uideri potest. Vbicumque autem sacra scriptura sparsim per diuinolibros in Deo motus animæ, seu humana membra describit, idest, caput, capillos, oculos, palpebras, aures, & cetera membra siue motus animæ, idest, iram, furorem, obliuionem, penitentiam, recordationem, & alia iis similia, non carnaliter iuxta historiam a recte intelligentibus scienda sunt, sicut a Iudæis & plerisque hæreticis carnaliter sapientibus, qui Deum corporeum atque localem opinantur, sed spiritalia omnia de eo intelligenda & confitenda sunt. Si quis Deo humana membra seu motus animæ more humano inesse credit, proculdubio idola fabricat in corde suo.

Igitur, ut dictum est, figuratiter in Deo caput esse legimus, ipsam essentiam diuinitatis eius, quæ præcedit, & cui omnia sunt subiecta intelligere debemus.

31. Capillos uero capitis eius sanctos angelos, seu uirtuosos electos typice accipi oportet

oportet: de quo in sacramento libri Danielis scriptum est, Aspiciebam donec throni positi sunt, & antiquus dierum sedit. Vestimenti eius, quasi nix, candidum, & capilli capitis eius quasi lana munda. hoc enim significat per uestimenta candida Dei, quod & per capillos capitis eius, sanctos uidelicet angelos, & multitudinem sanctorum dealbatorum. Vel certe ideo capilli lanæ mundæ comparantur, ut per hoc antiquus dierum credatur esse.

Oculos dicitur Deus habere, pro eo quod omnia uidet, & nihil eum latet, in cuius conspectu, ut ait apostolus, nulla creatura inuisibilis est: omnia enim nuda & aperta sunt oculis eius. Aliter uero respectus gratiæ eius intelliguntur: ut est illud in psalmo. Oculi domini super iustos. Item aliter, Oculi domini præcepta eius, per quæ nobis lumē scientiæ subministratur, accipiuntur: ut est illud in psalmo, Præceptum domini lucidum illuminans oculos.

Palpebræ domini occulta & incomprehensibilia iudicia eius, siue spiritualis in diuinis libris eius locutio innuitur. De quibus occultis & incomprehensibilibus sacramentis atque iudiciis in psalmo, Palpebræ eius interrogant filios hominum, idest, probant.

Aures habere dicitur Deus, propterea quod omnia audit, & nihil eum in silentio latet: de quo in libro Sapientiæ scriptum, Auris cæli audit omnia, & tumultus murmurationum non abscondetur.

Nares Dei est inspiratio eius in corda fidelium: ut illud in libro Regum, Ascendit fumus de naribus eius, idest, lacrymosa compunctio penitentium inspiratio eius.

Facies Dei cognitio est diuinitatis eius ad omnes: de qua cognitione in psalmis scriptum est, Ostende nobis faciem tuam, & salui erimus, hoc est, dona nobis cognitionem tuam, quam cognitionem per filium hominis hominibus innotuit: ipso dicente in euangelio, Nemo nouit patrem nisi filius, & cui uoluerit filius reuelare. Aliter uero facies Dei significat inuisibilem essentiam diuinitatis filii Dei: de qua ipse dominus ad Moysen per angelum respondens ait, Posteriora mea uidebis, faciem autem meam uidere non poteris, ac si diceret, diuinitatem autem meam uidere non poteris.

Os Dei filius patris, idest Christus dominus: pro quo Isaias propheta ex persona Iudzorum effatus est, Quia os eius ad iracundiam prouocauimus. Aliter uero os eius sermo eius siue iussio accipitur: de quo sermone domini prædictus propheta ait, Os domini locutum est hoc.

Verbum Dei patris, filius Dei, per quem omnia facta sunt: de quo in Psalmo, Verbo domini cæli firmati sunt. Et alibi. Misit uerbum suum & sanauit eos. Et in euangelio secundum Ioannem, in principio erat uerbum, & uerbum erat apud Deum, & Deus erat uerbum.

Lingua Dei mystice significat spiritum sanctum, per quem Deus pater secretum suum manifestauit hominibus: unde in Psalmo, Lingua mea calamus scribentis.

Labia Dei mystice utriusque testamenti consonantia intelliguntur: de quibus duobus testamentis in Proverbiis scriptum est, In iudicio non errauit os eius.

Brachia Dei patris filius eius & spiritus sanctus intelliguntur. Sicut est illud in Isaiâ, Ex brachia mea populos iudicabunt. Brachium Dei singulariter filius accipitur: de quo Hieremias ad ipsum ait, Et nunc dominus Deus qui eduxisti populum tuum de terra Aegypti in brachio extenso. Iccirco autem filius Dei patris brachium dicitur, quia creatura electa ab ipso continetur.

Dexterâ Dei patris unigenitus filius accipitur: de quo in Psalmo ex persona hominis

- Psal. 117* hominis assumpti. Dextera, inquit, domini fecit uirtutem. Aliter uero domini dextera gloriam signat patris & æternam beatitudinem: de quo in Psalmo ex persona patris ad filium. Sede a dextris meis. Dicitur autem & dextera Dei omnis electa creatura in celo & in terra: sicut per sinistram eius intelligitur reproba creatura, idest, dæmones & impii omnes, qui ad læuam positi æterna supplicia sustinebunt.
- 12 Manus*
Isa. 66 Manus Dei patris, filius eius accipitur, pro eo quod per ipsum facta sunt omnia: sicut est illud in Naia. Omnia hæc manus mea fecit, & facta sunt omnia. Aliter uero manus Dei eius potestas intelligitur: de qua potestate in Hieremæ libro prophetæ. Sicut lutum in manu figuli, sic uos in manu mea domus Israel. Item manus domini flagellum accipitur: de cuius percussione in Sophonia propheta scriptum est. Extendam manum meam super Iudam & super habitantes Israel, & disperdam de loco hoc reliquias Baal &c. pro qua domini percussione beatus Iob de semetipso ait. Manus domini tetigit me.
- 13 Dignus*
Luca 11 Dignus Dei singulariter spiritus sanctus accipitur, a quo spiritu sancto lex duabus in tabulis lapideis in monte Sinai scripta narratur. Ipse scripsit qui scribenda distulit, idest spiritus sanctus. De quo dominus in euangelio. Si ego, inquit, in digito Dei eiicio dæmonia. sicut enim digitus cum manu uel brachio, manus uero uel brachium cum corpore unum sunt in natura: ita pater & filius & spiritus sanctus tres quidem persone sunt, una autem substantia diuinitatis.
- 24 Digni*
Psal. 8 Digni Dei pluraliter sancti intelliguntur prophetæ, per quos spiritus sanctus libros legis ac prophetarum sua inspiratione describit: de quibus in Psalmo scriptum est. Videbo celos opera digitorum tuorum: per celos enim libros legis ac prophetarum, per digitos uero sanctos, ut dictum est, prophetas mystice insinuari certum est.
- 25 Imago*
Dei
Col. 1 Imago Dei patris inuisibilis, unigenitus filius eius est: de quo apostolus. Imago Dei inuisibilis. Aliter namque est imago Dei patris in filio suo, quem non aliunde, sed ex semetipso, hoc est, ex substantia sua per omnia sibi similem genuit & æqualem. Aliter uero anima hominis, quam non ex se, idest, de sua substantia, sicut plerique hæretici opinati sunt genuit, sed ex nihilo creauit. Sicut aliter imago est cuiuslibet regis in filio eius quem ex semetipso sibi similem genuit, idest, homo hominem. Aliter uero in anulo eius, sicut in cera imago eius impressa, quæ non est, quod & ipsa, sicut filius quod naturaliter, hoc est quod & pater.
- 26 Cor*
Psal. 44 Cor Dei patris arcanum sapientiæ eius mystice innuit, ex quo uerbum, idest, filium suum impassibiliter genuit sine initio. Ipso dicente per prophetam. Eructauit cor meum uerbum bonum.
- 27 Ala*
Psal. 16 Alas habere dicitur Deus, pro eo quod more auis electos suos tamquam pullos sub se colligit & fouet, & ab insidiis diaboli & malorum hominum protegit. Vnde propheta ait, Sub umbra alarum protege me.
- 28 Scapula*
Psal. 90 Scapulas habere dicitur Deus, quia infirma membra ecclesiæ, quasi in scapulis suis portat. De quo in Psalmo. Scapulis suis obumbrabit tibi.
- 29 Vterus*
Psal. 109 Venter secretæ origo substantiæ eius accipitur. Vnde in Psalmo, Ex utero ante lucem genui te. Aliter. Vterus eius incomprehensibilia iudicia eius, quæ rimari nequeunt, mystice insinuantur: de quo occulto iudicio eius in libro beati Iob scriptum est. De cuius utero egressa est glacies, & gelu de celo quis genuit.
- 30 Posteriora*
Exod. 33 Posteriora filii Dei incarnatio accipitur: de qua posteriori parte filius in monte Sinai ad Moysen, per angelum loquens ait, Posteriora mea uidebis, faciem autem meam uidere non potes.

Pedes Dei stabilitamentum uirtutis eius, eo quod ubique præsens, & uniuersa illi sunt subiecta: ipso dicente per Isaiam. Cælum mihi sedes est, terra autem scabellum pedum meorum. Aliter pedes filii Dei incarnatio intelligitur, quæ diuinitati subiecta est, tamquam capiti pedes. Sicut per caput diuinitas, ita per pedes humanitas eius exprimitur: de qua humanitate in Exodo scriptum est, Videre dominum Iesum, hic est Moses & Aaron, Nadab & Abihu & LXX de senioribus sub pedibus quasi lapides saphiri, & quasi cælum cum serenum est. Sicut autem per lapidem saphirum cælestes creaturas, uel sanctos angelos: ita per cælum serenum, sanctam ecclesiam electorum ex hominibus assumptam signaliter demonstrare uoluit, super quas duas creaturas homo assumptus filius Dei in perpetuum regnat: de quo in Psalmo, Omnia, inquit, subiecisti sub pedibus eorum. Aliter autem pedes domini, idest, Iesu Christi significant sanctos prædicatores: de quibus in Deuteronomio scriptum est. Qui appropinquant pedibus eius, accipient de doctrina eius.

31 Pedes
Isa. 66

Psal. 6

Deut. 33

Vestimentum filii Dei aliquando caro eius, quæ a diuinitate assumpta est, a diuinis libris figuratiter accipitur, de quo indumento carnis Isaias uaticinans ait, Quis est iste, qui uenit de Edom, tinctis uestibus de Bosra? Rursus uestimentum eiusdem domini sancta accipitur ecclesia, quæ per fidem & dilectionem ei coniuncta est: de quo in Psalmo scriptum est, Dominus regnauit, decorem induit. Et in alio Psalmo ad ipsum dominum, Confessionem & decorem induisti, amictus lumine sicut uestimento.

32
Vestimentum
Isa. 63

Psal. 103

Pallium Christi iam dicta ecclesia intelligitur: de quo in libro Genesi scriptum est, Lauit in uino stolam suam, hoc est, in sanguine passionis carnem suam, & in sanguine uix pallium suum, idest, ecclesiam suam.

33 Pallium

Calciamenta domini Iesu Christi mystice significant incarnationem eius, quam ex mortalitate humani generis assumere dignatus est. De qua incarnatione sua ipse per prophetam in psalmo ait, Idumæam extendam calcem meam, idest, in plebem gentium manifestabo incarnationem meam.

34
Calciamenta
Psal. 107

Gressus aduentus filii Dei in mundum, & regressio eius ad patrem: de quibus Psalmus ait, Visi sunt gressus tui Deus, gressus Dei mei regis mei, qui est in sancto. De cælo uenit in uterum uirginis, de utero uero nascendo positus in præsepio. Postquam omnia impleuit, pro quibus a patre missus uenerat, appensus est in ligno crucis: de cruce autem depositus, secundum corpus sepultus est, secundum uero animam ad inferna descendit: tertia autem die per potentiam suæ diuinitatis carnem suam de sepulchro suscitauit, post diem resurrectionis suæ XL die uidentibus apostolis ascendit in cælum, & sedet ad dexteram patris, idest, in gloria sua, ii sunt enim gressus filii Dei, iste est descensus & ascensus eius, qui frequenter in scripturis sacris legitur.

35 Gressus
Psal. 67

Ascendere dicitur Deus, cum filius carnem ex nobis assumptam in cælum, ueluti captiuam duxit captiuitatem, quia naturam humani generis, quæ diabolo in mundo captiuo retinebatur, assumens secum in cælum, ubi numquam antea fuerat, tamquam captiuam deportauit.

36 Ascendere

Abscondere Deus faciem legitur, cum quibusdam eorum exigentibus culpis, cognitionem suam abscondit, sicut in populo Iudæorum nunc impletum esse uidemus, quia negantes filium Dei, scientiam ueri Dei ita perdiderunt, ut similes forent gentibus, quæ dominum non nouerunt.

37 Abscondere

Ostendere dicitur Deus faciem suam, cum respectu gratiæ suæ, quibus uult, scilicet electis suis se ipsum in corda eorum occulta inspiratione insinuat, & ad diligendum se amorem suum infundit.

38 Ostendere

- 39 *Sedere* Sedere dicitur non corporaliter humano more, sed potentialiter super omnem creaturam rationabiliter præsidere: ut est illud in psalmo. Regnavit dominus super omnes gentes, Deus sedet super super sedem sanctam. Sedere etiam Deus dicitur super Cherubin, qui interpretatur Multitudo seu Plenitudo scientiæ, per quod significantur sancti angeli siue mentes spiritalium viutorum, in quibus Deus inuisibiliter præsidet & regnat, in illis enim sedet, qui scientia eius & dilectione pleni sunt. In proverbiis quippe Salomonis scriptum est, Anima eius sedes sapientiæ: sapientia vero Dei patris Christus est, qui in animis sanctorum dicitur sedere.
- 40 *Descendere* Descendere Deus in mundum dicitur, quando aliquid novum, quod antea non fuerat, in creatura humana operatur, sicut filius Dei descendisse narratur, quando veram carnem ex Maria uirgine propter redemptionem nostram suscepit, & uerus homo fieri dignatus est, non amittendo quod erat, sed assumendo quod non erat. De cuius descensione, idest, incarnatione in psalmo scriptum est. Et inclinavit celos & descendit, & caligo sub pedibus eius. Carlos inclinavit, qui ante aduentum suum prænuncios angelos siue prophetas misit, quod eius aduentum hominibus annuntiarent. Caligo sub pedibus eius fuit, quia impii homines ob suam malitiam incarnationem eius agnoscere non potuerunt, sed neque adhuc possunt.
- 41 *Stare* Stare dicitur Deus cum nos infirmos, idest, suam creaturam ad penitentiam & conuersionem patienter sustinet, ut est illud in Abachuc propheta. Stetit & mensus est terram, & dissoluit: idest, stetit ad superueniendum, & dissoluit credentes in se a uinculis peccatorum.
- 42 *Transire* Transire dicitur Deus, cum de cordibus quorundam hominum, in quibus ante per fidem credebatur, postea subrepente perfidia, uel quolibet delicto ab eis recedit, & ad alios transit, quemadmodum, de Iudæis ad gentes, de hæreticis ad catholicos, seu de quibuslibet irreligiosis ad religiosos.
- 43 *Recedere* Recedere dicitur Deus, & ad alios transire quod non localiter aut uisibiliter sed inuisibiliter occultoq. iudicio ac iusto facere aliquid consuevit.
- 44 *Ambulare* Ambulare dicitur Deus, non de loco ad locum transeundo, quia impius est ita credere, sed ambulatio eius in cordibus sanctorum delectatio: sicut scriptum est. Et inhabitabo in eis, & ambulabo, & ero illorum Deus. Vel certe ambulare Dei est in sanctis prædicatoribus suis de loco ad locum transire.
- 45 *Loqui* Loqui Dei inuisibiliter sine sono uocis uel quolibet strepitu occulte mentibus sanctorum uoluntatem suam atque rectum intellectum inspirare, seu futura, sicut in sanctis prophetis reuelare. Quæ locutio Dei, ut quidam uolunt, tribus modis accipitur. Primo namque modo per subiectam creaturam, sicut ad Moysen in rubo apparuit. Vel sicut ad Abraham atque Iacob, & ceteris sanctis, quibus in angelis apparere dignatus est. Secundo uero modo in somnis, sicut Iacob & Zachariæ propheta & Ioseph sponso Mariæ, & sanctis aliis, quibus secretum suum reuelare uoluit. Tercio autem modo neque per creaturam uisibilem, neque per hominem, sed occulta tantum inspiratione inuisibiliter corda suorum tangendo loquentes efficit, quemadmodum in libris prophetarum scriptum est, cum ipsi propheta subito afflati spiritu diuino exclamabant, Hæc dicit dominus.
- 46 *Uidere* Uidere Dei est acta bona approbare, sicut est illud in Genesi. Vidit Deus cuncta quæ fecerat & erant ualde bona, idest, intelligentibus bona demonstrauit. Aliter, Uidere Dei est mala hominum sciendo reprobare, sicut est illud in Isaiâ propheta, Et uidit Deus, & malum apparuit in oculis eius. Item aliter uidere Dei est, nos uidentes facere, ut est illud in psalmo, Proba me Deus & scito cor meum: & cetera: & uide si uia iniquitatis in me est. Modus iste locutionis etiam in libro beati Iob similiter reperitur, ubi de sapientia Dei patris per quamplurima insignia

gnia locutus est, de patre adiecit, Tunc uidit illam & enarrauit, & inuestigauit, & pręparauit: idest, uidentes fecit, & prędicantes, & inuestigantes, arque aliis annunciantes.

Cognoscere Dei, est cognoscentes facere: sicut ait ad Abraham, Nunc cognoui quod timeas dominum. neque enim in tempore nouit, qui omnia scit, antequam fiant. Sed cognoscere dicitur Deus cognoscentes facere: ut quod prius de se quales essent, incogniti erant: per eius interrogationem probatione sibi met ipsi manifesti fierent. Tale est illud in lege Moyſi de populo Israhelico, Vt tentem, inquit, eos, utrum custodiant mandata mea, an non.

47 Cognoscere
Gen. 22

10 Nescire Dei, est quosdam reprobos reprobare: sicut est illud in euangelio, Nescio uos unde sitis, recedite a me qui operatis iniquitatem.

48 Nescire
Luca 13

Zelare dicitur Deus, cum creaturam suam quam non uult perire, sæpe castigat, corripit, atque flagellat, & flagellando ad se reducit. Verzelare dicitur Deus, cum nullum peccatum impunitum uult relinquere. Iustus est enim, & ideo omnis iniustitia execrabilis est illi: quam, ut dictum est, nullo modo impunitam patitur.

49 Zelare

Israhel dicitur Deus, non animi motu, uel qualibet perturbatiōe, quę illi omnino accidere non potest: sed creaturę delinquenti, idest, hominibus impiis, & peccatoribus, iustam dicitur inferre ultionem, hoc est, reddere illis quod merentur: & hæc ultio diuina, furor eius dicitur.

50 Israhel

30 Pænitere dicitur Deus, non quod more hominum pro transactis operibus scilicet pæniteat: qui enim nouit antequam fiant, pro perpetratis actibus pænitere non potest: sed pænitentia Dei, statuta mutare: & quod prius aliter fuerat, in aliud mutare. idest, aut de bonis exigentibus culpis in malum, sicut de Saul legitur pænituisset dominum, quod constituisset eum regem: uel sicut nunc uidemus in populo ludæorum actum, qui cum esset populus Dei, ob impietatem suam facti sunt synagoga Satanę. De malo uero in bonum, sicut accidit in populo gentium, qui ante non populus Dei, nunc autem per Christi gratiam, populus Dei factus est. Hoc quippe modo occulto Dei iudicio, Iudas proditor de apostolatus gradu lapsus, inferni baratro demersus est. Latro uero prius crimen rapacitatis operans, de cruce ad paradysum translatus est. Hanc quoque mutationem de bono ad melius, ut dictum est, siue de bono ad malum, seu de malo ad bonum, quę occulto Dei iudicio, ac iusto, per seueritatem iustitię suę siue per misericordiam eius fiat, pænitentiam Dei dicimus: quod expressius in libro Hieremię scriptum est.

50 Pænitere

Non pænitere Dei, statuta nullo modo mutare, ut est illud in psalmo, Iurauit Deus, & non pænituit eum: idest, pater ad filium: Tu es sacerdos in æternum, secundum ordinem Melchisedech. Sacerdos tamen patris dictus est filius Dei, non secundum diuinitatem, sed secundum humanitatem, in qua se pro nobis per passionem & mortem suam, acceptabile sacrificium Deo patri obtulit, ut ipse esset sacrificium, qui sacerdos.

52 Non pænitere
Tere
Psal. 109

40 Obliuisci Deus dicitur, cum quibusdam impiis & peccatoribus non miseretur. Quod utique non facit per crudelitatem quę in Deo non est, sed per occultum iustumque iudicium suum.

53 Obliuisci

Indurare Deus dicitur quorundam malorum corda, sicut de Pharaone rege Aegypti scriptum est: non quod omnipotens Deus per potentiam suam eorū corda induret, quod impium est ita credere, sed exigentibus eorum culpis, cum duritiam cordis quę ipsi omnia mala perpetrando inuertunt, non aufert: quasi illos induret, quos iusto iudicio indurari sinit.

54 Indurare
Exod. 14

Dormire Dei est, cum unigenitus filius patris in assumpta carne mori pro nobis

55 Dormire
bis

Hier. 31 bis dignatus est: cui mors recte dulcis prædictus est somnus, ipso dicente per Hie
remiam prophetam, Ideo quasi de somno excitatus sum, & uidi, & somnus meus
dulcis est mihi. Aliter dormire dicitur Deus, cum fides eius inter prosperitates hu
ius mundi & inter quorundam corda fidelium non uigilat, sed dormit. Hanc dor
mitionem ipse Iesus significauit, cum in mari inter fluctus maris dormiuit. Vel cer
te, dormire Dei, est anxiis tardius subuenire: sicut est illud in Psalmo, Exurge,
Psal. 43 quare obdormis domine: & cetera.

56 Vigilare Vigilare Dei, est in defensione electorum suorum se manifestum demonstrare.

*De ijs, quæ appellantur membra domini, uel quæ de eo
significantur.* II

Psal. 33 CVLI domini, intelliguntur inspectio diuina. In Psalmo, Oculi domi
ni super iustos. Palpebræ Dei, sunt iudicia eius quæ probant filios ho
minum: qui neque fatigantur rerum obscuritatibus, sed exercentur: ne
que instantur cognitione, sed confirmantur. Aures domini, cum exaudire di
gnatur. In Psalmo, Et aures eius in preces eorum. Os domini, sermo ad homi
nes. In propheta: Os domini locutum est. Verbum domini, filius. In psalmo,
Ibidem Eructauit cor meum uerbum bonum. Brachium domini, uel manus, filius, per
Isa. 25 quem omnia operatus est. In propheta: Et brachium domini cui reuelatum est. 20
Isa. 53 Dextera domini, idem quod supra. In psalmo: Dextera domini fecit uirtu
tem. Digitus Dei, dicitur spiritus sanctus, propter partitionem bonorum quæ
Psal. 117 ab eo dantur unicuique propria, siue hominum, siue angelorum. In nullis enim
membris nostris sic apparet partitio, quam in digitis. Nec te scandalizet membro
rum diuersitas, cum ædificet corporis unitas. Vterus domini, secretum, ex
quo filium protulit. In psalmo, Ex utero anteluciferum genui te. Pedes domi
Psal. 109 ni, stabilitas æternitatis. In psalmo: Et caligo sub pedibus eius. Vestigia domi
ni, operum secretorum signa. In psalmo: Et uestigia tua non cognoscent. Gressus
domini, aduentus, uel uisitatio domini. In psalmo: Visi sunt ingressus tui Deus. 26
67 *hæ* Arma domini, adiutorium eius in sanctos. In Psalmo: Apprehende arma & 30
34 scutum. Scutum, protectio domini. In Psalmo: Domine ut scuto bonæ volun
tatis tuæ coronasti nos. Framea, ultio diuina in impios. In Psalmo: Effunde
34 frameam, & conclude. Arcus, intentio comminationis diuinæ. In Psalmo:
7 Arcum suum tetendit, & parauit illum. Sagittæ, præcepta diuina, apostoli uel
17 prophetæ. In Psalmo: Misit sagittas suas, & dissipauit eos. Item, Sagittæ in manu
Hebr. 4 potentis. Gladius, uindicta, uel sermo domini. In Apostolo: Viuus est enim
sermo Dei, & efficax, & penetrabilior omni gladio ancipiti. Rhompæa, idem
quod supra. Tuba domini, uox manifesta domini. In apostolo: In iussu, & in
1. *Thef.* 4 uoce archangeli, & tuba Dei. Currus Dei, uel quadriformitas euan
geliorum. In Psalmo: Currus Dei decem milibus multiplex. Virga domini, re
Psal. 47 gni significatio, uel correctio disciplinæ. In Psalmo: Virga æquitatis, uirga regni
44 tui. Manus domini, minæ uel uindictæ eius. Baculus domini, sustentatio con
23 solationis domini. In Psalmo: Virga tua, & baculus tuus, ipsa me consolata sunt.
Alias, baculus domini, sanctam crucem, uel disciplinam sanctæ ecclesiæ designat.
Tab. 5 Item baculus, sustentaculum est quodlibet: ut in libro Thobiz: Baculum sen
ectutis nostræ.

De supernis creaturis

III

ARBONES, ignis caritatis, aut exemplorum, aut penitentiz. In Psal-

C mo: Cum carbonibus desolatoris. Fumus, initia compunctionis fu- Psal. 119
turæ, uel ipsius comminationis Dei. In Psal. Ascendit fumus. in iracius. Psal. 17

Item in aliâ partē, Sicut fumus oculis noxiis, idest uanitas. Ignis, spiritus san- Prou. 10
ctus. In Actibus apostolorū: Et apparuerunt illis dispartitæ linguæ, tamquā ignis Act. 2

seditq. supra singulos eorum, & repleti sunt omnes spiritu sancto? Cælum, apo- Psal. 18
stoli, siue sancti, ideo quod dominus inhabitet in eis. In psalmo: Cæli enarrant

10 gloriam Dei. Cæli in sancta scriptura designant aliquando superiora mundi corpo-
ra, ignota nobis quibus modis distincta sint, & de quæis satis difficile est disputa-
re, sed non impossibile, cui dat Deus intelligere: ut dedit apostolo, rapto usque
ad tertium cælum: exceptis illis materialibus cælis. Dicuntur cæli, sancti apostoli
predicatores uerbi ueritatis: per quos cælos tanquam pluuiâ irrigari fumus, ut per
totum mundum seges ecclesiæ pullularet. Sunt etiam cæli, omnes animæ sanctæ &
iustæ, in quibus Deus habitat in templo fidei & operationis. Item cælum, sancta
scriptura: de qua nobis & Sol sapientiz, & Luna scientiz, & ex antiquis patribus
Stellæ exemplorum & uirtutum lucent: quod cælum sicut pellis extenditur, quia
per scriptores suos carnis lingua formatum ante oculos nostros per uerba doctorū

10 exponendo disputatur. Nubes, prophetæ, siue sancti, qui pluant uerbum do-
mini. In Isaiâ: Mandabo nubibus desuper ne pluant. Nubes etiam in malam par- Isa. 5
tem, tempora iniquorum significat: ut, Velut nubes pertransiuit salus mea. To Job. 30

nitrua, uoces euangelii: eo quod de cælo ex dictis Dei intonent. In psalmo, Vox Psal. 76
tonitru tui in rota: hoc est, in toto. Coruscationes, splendores euangelii. In

psalmo. Illuxerunt coruscationes tuæ orbi terræ. Fulgura, uirtutes, uel uerba le- Ibidem
su Christi. In psalmo, Et fulgura multiplicauit: & conturbauit eos: idest, inimi- Ibidem

cos, uel Iudæos. Angelorum nomine in sancta scriptura dominus designatur, ut Isa. 9
Isaias testatur: Et uocabitur nomen eius magni consilii angelus. Aliquando ipse

angelicus chorus, ut Petro Christus, An putas quia non possum rogare patrem Matth. 26
meum, & exhibebit mihi plusquam duodecim legiones angelorum. Aliquando

30 ciues celestis Hierusalem ex hominibus assumpti: ut dominus in euangelio, In re- Matth. 22
surrectione enim neque nubent neque nubentur, sed sunt sicut angeli Dei in cæ-
lo. Aliquando fidelium populus: ut est illud, Statuit terminos gentium, secun- Marc. 1

dum numerum filiorum Israël, uel angelorum Dei. Hoc nomine quilibet etiam

iustus designatur: ut de Ioanne Baptista dominus, Ecce ego mitto angelum meum

ante faciem tuam. Aliquando predicatorum, uel sacerdotum: ut scriptum est, La-

bia sacerdotis custodiunt scientiam, & legem requirunt ex ore eius, quia angelus

domini exercituum est. Et apostolus: Mulier debet uelare caput in ecclesia, pro-

pter angelos: idest episcopos. et nūquidque fidelis, quod bona annunciat, an-

40 geli nomen sibi uendicat, si bene uiuat. Ad ultimū, diabolus, & coadjutor eius, + 30
angeli mali nuncupantur: quod licet angelicam dignitatem amiserint, subtilita-

tem tamen angelicæ naturæ non amiserunt: per quos angelos malos, immisiones

aduersitatum uel agnitionum, promissione Dei fiunt, quando, & ubi uoluerit,

Throni, angeli, uel sancti, uel ipsa regnandi potestas. In psalmo, Thronus tuus

Deus in sæculum sæculi. Item in aliam partem de diabolo: Ponam thronum meū

ad aquilonem. Sedes, idem quod supra, angeli uel sancti, eo quod in iis domi- Sap. 3
nus sedeat, & per eos sua iudicia decernat. In psalmo, Deus sedet super sedem tio:
sanctam suam. Sol, dominus Iesus Christus, qui fulgeat terris. In Salomone,

- tio: ut illud, Orto sole aruerunt. Luna, ecclesia: eo quod in hac mundi nocte
Psal. 103 resplendeat. In *Psal.* Fecit lunam in tempore. Pro defectu etiā nostræ carnis ponitur.
 103 Stella, sancti, siue docti, uel qui ad iustitiam erudiunt. in *Daniele*: Docti tamquā
Dan. 12 stellæ fulgebunt: Nebulæ, uelamentum mysteriorū Dei interdum & angeli Dei:
 12 in propheta: Et nebula pulvis pedum eius. Alias abolitio peccatorum: ut *Isaias*:
Isa. 44 Deleui ut nubem iniquitatem tuam, & quasi nebulam peccata tua. Caligo, diui
Psal. 11 norum secretorum operimentum, in *Psal.* Caligo sub pedibus eius. Abyssus, pro-
 11 funditas scripturarum, in *Psal.* Abyssus abyssum inuocat. Item abyssus nomine
 21 profunditas ueteris & noui testamenti intelligitur: unde, Abyssus abyssum inuo- 19
Abac. 3 quæ semet ipsam non potest comprehendere: unde propheta, Dedit abyssus uo-
 cem suam ab altitudine phantasiæ suæ: quia dum semet ipsam mens humana non
 penetrat, ex comparatione sui, diuinæ naturæ potentiam quam comprehendere
 non sufficit, humiliter laudat; Vel certe, Abyssus iudicia Dei sunt. & Abyssus abys-
 sum inuocat, quando occulto Dei iudicio, de præsentibus malis transiit pecca-
 tor ad æterna mala, & de ardore cupiditatum in flammis gehennarum. Ros, uer-
 bum domini: ideo quod madefaciatur hominum corda: ut, *Rorate celi de super.*
Isa. 45 Et in *Psal.* Sicut ros Hermon, qui descendit in montem Sion. Pluuia, præce-
Psal. 133 pta, uel mandata domini: uel uerba sanctorum apostolorum: eo quo terram, id- 20
 67 est, homines irriget. in *Psal.* Pluiam uoluntariam segregabit Deus hereditati
 30 tuæ. Niuēs, pro candore iustitiæ, & pro baptismo: in *Psal.* Lauabis me, & su-
 17 per niuem dealbabor. Grando, comminationes domini, quibus contumaces
 77 euerberat. in *Psal.* Grando & carbones ignis. Item in aliam partem: Et occidit
 in grandine uineas eorum. in frigore uero niuis & in duritia grandinis uia accipit
 prauorum, quæ & torpore frigesceat, & per duritiæ malitiam perit. Pruiua,
 abstinentia: eo quod per hanc frigescat calor corporis. in *Psal.* Factus sum sicut
 118 uer in pruina. Tempestas, persecutionum uel tribulationum impetus. in *Psal.*
 32 Qui saluum me fecit a pusillanimitate spiritus & tæpeflare. Glacies, durities pec-
 32 catorum, in *Salomone*: Sicut in sereno glacies, ita soluentur peccata tua. Ven
Psal. 27 ti, animæ sanctorum, in *psal.* Volauit super pinnas uentorum. Item in malam par-
 tem, in *Matthæo*: Flauerunt uenti: Aquilo, diabolus, uel homines infideles,
 aut mali, uel frigus peccatorum: in propheta: Ab aquilone exardescunt mala su-
 per terram. Et alibi: Ab aquilone pandetur malum. Et alibi: Surge aquilo: id-
 est, recede. Dexter, idem quod supra, in *Salomone*: Aquilo durus uentus.
 Nomine autem dexter uocatur, eo quod diabolus nomen sibi dextri præsumat,
 tamquam boni, siue quod occidentem, idest, peccatum, respicientibus dexter
Psal. 12 fiat. Auster, calor fidei. in *Psal.* Sicut torrens in austro. Est & spiritus sanctus:
 4 ueni tibi, Surge aquilo, & ueni auster: idest, Recede diabole, & ueni spiritus alme.
 Aer, inanitatis enunciarior. in apostolo, Sic pugno, non quasi aerem uerberans:
 idest, non inania confectans. Tempora, opportuna distributio uolunta-
Psal. 103 tis diuinæ: in *Psal.* Fecit lunam in tempora. Ver, uitæ renouatio, uel per ba-
 73 ptismum, uel per resurrectionem, in *psal.* Aestatem & uet tu fecisti ea. Aestas,
 uentura iuconditatis præfiguratio, in *Psal.* ut supra. Hyems, præsens uita, per
Math. 24 secutio, uel tribulatio, in euāgē. Vt non fiat uestra fuga hyeme, uel sabbato.
Psal. 104 anni aliquando pro æternitate accipiuntur: ut tibi, Et anni tui non deficient. In-
 terdum & pro breuitate huius uitæ: ut hic, Anni nostri tamquam araneæ medita-
 buntur. Mensium nomine qui diebus coadunantur, collectiones animarum de-
 signantur, uel perfectio sanctorum rutibi, Erit mensis ex mense: uidelicet eis in
 requie,

reque, quibus nunc perfectio fuerit in operatione. Dies & nox, iustitia & iniquitas, fides & infidelitas, prospera & aduersa. in psal. In die mandauit dominus. *Psal. 41*
 misericordiam suam, & in nocte declarauit. Dierum nomine intelligitur etiam
 illuminatio diuinæ gratiæ per diuersa dona uirtutum. Item dies designat angelum
 apostatam: dum Iob ita loquitur, Maledicant ei qui maledicunt diei. Noctis au- *Iob 3*
 tem nomine, error uel ignorantie cæcitas, uel etiam mortis acerbitas accipitur.
 Lumen & tenebræ, ita maxime accipiuntur ut dies & nox. in epistola Ioan. Qui
 diligit fratrem suum, in tenebris est. Per lumen etiam intentio cordis declaratur.

Umbra, protectio diuina. in psal. Sub umbra alarum tuarum protege me. *Psal. 56*

30 Alias obliuio, uel peccata: ut ibi, Sedentes in tenebris & in umbra mortis. Um- *87*
 bra est aliquando delectatio peccatorum: ut in Iob, Sub umbra dormit in secreto.
 Rursus umbra obliuionem mentis, uel mortem carnis, uel imitationem diaboli
 significat. Lucis nomine, dominus, uel quilibet iustus intelligitur: ut in euā. Erat
 lux uera quæ illuminat omnem hominem uenientem in hunc mundum. & apo-
 stolus, Fuiſtis aliquando tenebræ, nunc autem lux in domino. Ponitur etiam pro
 illuminatione fidei, & pro uita. Hora quingenti (ut putant quidam) anni: si
 quando dies pro toto mundi istius sæculo accipitur: in epistola Io. Filioli mei no- *1. Ioan. 3*
 uissima hora est. Oriens, quia ab illa parte lux oritur, saluator: maxime in Lu-
 ca, Visitauit nos oriens ex alto. Et in Zacha. Ecce uir oriens nomen eius.

Occidens, uitæ melioris defectus. in propheta, Occidet uobis Sol in meridie. A-
 quilonaris pars semper in aduerso ponitur: ut propheta de diabolo, Ponam sedem
 meam ad aquilonem. & alibi, Ab aquilone pandetur malum. Mane, lux adu- *Psal. 3*
 um bonorum, uel baptisum, uel resurrectio dominica. in psal. Mane astabo
 tibi, & uidebo. & alibi, A custodia matutina usque ad noctem speret Israel in do-
 mino, idest, a resurrectione domini spes nostra, usque in finem sæculi, idest, di-
 em iudicii. Per mane etiam uel matutinum, præsentis uitæ prosperitas significatur
 ut illud, Væ tibi terra, cuius rex iuuenis est, & cuius principes mane comedunt.
 mane autem comedunt, qui de huius mundi prosperitatibus extolluntur, dum in
 extremo eius deberent præstolari, frui æternis felicitatibus. Meridies, plana do- *Gen. 1*
 ctinarum factorumque claritas. in Salom. Vbi cubas in meridie. Et in malam par- *Psal. 90*
 tem. in psal. A dæmonio meridiano, idest, manifesto. Vespere, finis uitæ, uel
 sæculi, uel poena. in psal. Ad uesperum demorabitur status, & ad matutinum læ- *29*
 titia. Auroræ nomine mens iustorum accipitur, quæ peccati sui tenebras reliquens,
 ad lucem erumpit, Sole iustitiæ illuminata. Arcturi nomine, qui in cæli axe con-
 stitutus VII stellarum radiis fulget, ecclesia uniuersalis exprimitur, quæ in apoca- *Apoc. 1*
 lo. per VII ecclesias, & VII candelabra figuratur. Oriones in pondere hyemis
 orientes, sanctos designant martyres, quod pondus persequentium & hanc uitā
 amantium pertulerunt, & ad cæli faciem quasi in hyeme uenerunt. Hyades, a græ-
 ca littera nuncupatæ, a cuius forma non discrepant uisione, & ortæ pluuias affe-
 runt: sanctos prædicatores, quod uerbis pluunt, & corda hominum salubriter ir-
 rigant, significant. *Umenamque græce, Imber latine dicitur.*

De terrenis.

IIII

ERRA, homo ipse. in euangelio, Aliud cecidit in terram bonā, Item,

T Terra es, & in terram ibis. Item in malam partem: de peccatore, Terram *Gen. 2*
 edes omnibus diebus uitæ tuæ. Aliter, terra intelliguntur, qui terrenis a-
 ctibus occupati, per eleemosinas & lacrymas ad uitam æternam perueniunt: unde *Psal. 49*
 psalmo, Aduocauit cælum defusum, & terram discernere populum suum.

Arida,

& Iohel, Mittite falces, & uindemiare uineam terræ, quia maturæ sunt uux eius.

Torcular altare, ab eo quod ibi oblationes tamquā fructus conferantur: ut in Isaia: Et torcular fodi in ea. Et aliter, torcular, tribulationum pressura in ecclesia

sancta in qua fideles probantur. in titulo psalmi, In finem pro torcularibus: Foenum, populus, caro, uel uana gloria. in Isaia, Omnis caro fœnum, & omnis gloria eius sicut flos fœni. Herba, iucunditas, uel quædam rudimenta proficientis animæ. in Gen. Producat terra herbam uiuentem. Item in malā partem: Mane sicut herba transeat. Flores, Christus, uel specimen iustitiæ, aut inchoatio bene operantium: ut in Canticum cant. Sponsus, Fulcite me floribus: Lilium, Christus,

uel angeli candore iustitiæ. in Salom. Ego flos campi & lilium cōuallium. Ros, martyres, a rubore sanguinis. in Salomone, Sicut rosa germinat super humida fluuenta. Violæ, confectores, ob similitudinem liuidorum corporum. in Canticum cant. Flores in terra uisi sunt. Siluæ, gentes. in psal. Inuenimus eam in campis siluæ. De his siluis egressi sunt duo uirī, Vespasianus scilicet, & Titus, reges Romanorum, ad præceptum figurati Helisai, & post XLII annos ascensionis eius ad caelos Iudaicos pueros comederunt. Condensa, opaca, uel contecta scripturæ diuinæ. in psal. Et reuelauit condensa. Ligna, peccatores igni deputandi. in ecclesiaste: Qui scindit ligna, periclitabitur in eis. Item in bonam partē: Et erit tamquam lignū quod plantatū est. Alias ligni nomine sancta crux designatur: ut propheta: Mittamus lignum in pane eius: id est, in carne Christū cruce suspendamus.

Item, En coligo duo ligna. Item lignum significat iustos ac peccatores: ut Salom. Si ceciderit lignum ad austrū aut ad aquilonem, ubicumque conciderit, ibi erit; quia in die mortis, iustus ad austrum cadit, peccator ad aquilonem. qui iustus per feruorē spiritus ad gaudium ducitur: peccator cum apostata angelo in frigidō corde reprobatur. Radix, origo. in apostolo: Quod si radix sancta & rami. Et in malam partem: in psal. Euellet radicem tuā de terra uiuentium. Arbor, homo a fructu operum. in euang. Aut facite arborem bonam, & fructum eius bonum. Et in malam partem: Aut facite arborem malam, & fructum eius malum. Quidam in hoc testimonio, arborem hanc, uoluntatem hominis magis, quam ipsum hominem accipiendum putant. Arbor etiam fuit Christus cum resurrexit, qui cum moreretur granum fuit. Ramus, successio. in apostolo: Quod si radix sancta, & rami. Item in aliam partem. in Daniele. Præcidite ramos eius. Item rami sunt sententiæ sanctorum patrum. in euangelio, Alii cadebant ramos de arboribus. Folium, sermo doctrinæ. in psal. Et folium eius non detruet. Et aliter, folium, uestitus & decor cum protectione diuinæ gratiæ. Et in malam partem: Non inuenit in ea fructum propter folia: id est, uerba sine fructu: unde monet apostolus, ut di ligamus nō uerbo neque lingua, sed opere & ueritate. Comparatur etiā homo folio, qui arbore cecidit in paradiso. Poma, sanctorum in uirtutibus fructus. in Cant. Et manducet fructū pomorum suorum. Palma, perfectio uel uictoria. in psal. Iustus ut palma florebit. palma enim tarde proficit, sed diu in uiriditate persistit: ita sancta ecclesia cum multis difficultatibus ad fidei statum uenit, & pro collectione plurimorum in eiusdem fidei gloria diutius stare concupiscit. Palma inferius corticem suarum inuolutionibus angustatur, sed superius amplitudine pulchre uiriditatis expāditur: sic electorum uita inferius est despecta, sed superius pulchra. Habet quiddam & aliud palma, quo a cunctis arborum generibus differt. omnis enim arbor quæ in suo robore iuxta terram uaste subsistit, crescendo superius angustatur: & quantum paulisper sublimior, tantum in altum redditur subtilior: palma uero ab imis inchoat, & iuxta ramos ac fructus ampliori robore exurgit: & quæ tenuis ab imis proficit, uastior ad summam succrescit. Quibus itaque alia

arbuta, nisi terrenis mentibus inueniuntur esse similia, inferius uasta, superius angusta: quia nimirum omnes huius sæculi dilectiones, in terrenis rebus sunt fortes, in cælestibus debiles: pro temporali gloria usque ad mortem defudare appetunt, & prospe perpetua ne parum quidem in labore subsistunt: pro terrenis lucris quaslibet iniurias tolerant, & pro cælesti mercede uel tenuissimas unius uerbi contumelias ferre recusant. Nam ut terreno iudici totos dies assistant, fortes sunt: in oratione uero coram domino, uel unius horæ momento lassantur. Sæpe nuditatem, uigilias, famem pro acquirendis diuitiis & honoribus tolerant, & multa se abstinencia cruciant. At contra ex æqualitate palmarum designatur proficiens uita iustorum, qui nequaquam in terrenis studiis sunt fortes, & in cælestibus debiles: sed longius atque distantius studiosos se Deo exhibent, quam sæculo fuisse meminerunt. Scriptum est itaque recte, ut admonui: Iustus ut palma florebit: & cetera Cedri, excelsioris potentiz uiri. in psalmo, Ut cedrus Libani multiplicabitur. Et in malam partem, superbi, elati: ut in psalmo, Et confringet dominus cedros Libani. Olea, sanctus misericordiz abundans fructibus. in psal. Ego autem sicut oliua fructifera in domo domini. Oleaster, homo sine fructu, uel gentilis. in apostolo: Si autem tu ex naturali excisus es oleastro. Ficus, synagoga interdum. in euan. Et arefacta est continuo ficulnea. Et in Abacuc: Ficus non afferet fructum. Ficus, & in bono & in malo accipitur: ut Isaias, Et ostendit mihi ficus bonas ualde, & malas ualde. Et dominus Nathanael: Cum esses sub ficu (idest, sub peccato originali.) uidi te redempturus. Ficus etiam intelligitur humana natura, uel incredula synagoga: quæ bene cõdita propria sponte est lapsa, & fructu præcepti Dei, uel bonæ operationis non protulit: unde in ea fructu dominus tribus annis exquisiuit, nec inuenit: quia eã sub tribus temporibus, idest, ante legem, sub lege, sub gratia admonendo, uisitando requisit: ante legem parcendo sustinuit: sub gratia, quia incarnationis suæ præsentiam exhibendo monstrauit: in lege, quia præcipiendo docuit: quibus tamen tribus temporibus infructuosa remansit, & a radicibus aruit. Sycomorus, ficus farua dicitur: quã pusillus Zachæus subiit, & dominus uidit: quia qui mundi sapientiam humiliter eligit, ipsi Dei sapientiã subtiliter aspiciunt. Prudenter Sycomorum ascendimus, si provide eam quæ diuinitus præcipitur, laudabilem & sapientem fatuitatem tenemus. quid enim in hoc mundo insipientius, quam amissa nõ quærere, possessa largiri, rapientibus relaxare, nullam pro acceptis iniuriis iniuriã reddere: sed iuxta præceptũ dominicũ, in omnibus patientiã præbere? Hysopos, herba humilis, & lapidi in quo nascitur astricta, cuius radices saxum pene trare dicuntur: ipsa uero præcipue pulmones curat. In pulmone notatur superbia: illic insatiatio, illic anhelitus. in Hysopo igitur designatur humilitas & patientia. Rhamnus, urtica, cardui, sentes, paliuri, herbæ aculeis refertæ significant immites, dolosos, superbos, & omnes improbos, quos nullus bonorum uel mæfue torum potest contingere, uel castigare sine doloris cõpunctione. Item significant uitia, & tentationũ insidias: ut in Genesi: Spinæ & tribulos germinabit tibi. Malagranata, ecclesia de multiis geniibus, siue diuersas gratias habens. in Canticis cantic. Emissiones tuæ paradisi malagranatorum cum fructu pomorum. Alias mala intelliguntur fructus bonæ operationis cum bono odore, idest, gratia bonæ famæ, & morum fructibus. Arundo, peccator, uel fragilis in fide, uel in aliqua tentatione. in euang. Arundinem quassatam non confringet. Item arundo, infirmum auxilium. in Isaiã: Quid confidis in baculo isto arundineo Aegypcio? cui si quis incubuerit, conuulsabitur, & perforabit manum eius. Rubus, ut quidam opinantur, Mariæ uirginis præfiguratio: eo quod quasi de humani corporis

- corporis rubo, saluatorem tamquam rosam emisit: aut quod uim diuini fulgoris sine uiri assumptione pertulerit. in Exodo: Apparuit. ei dominus in flamma ignis de medio rubi, & uidebat quod rubus arderet, & non combureretur. Alias rubus ardens nec consumptus Iudaicum populum signauit, quod & legis Dei flammam praecepit, & tamen peccati poenam nequaquam uitauit. Spinæ, interdum noxiæ diuitiarum curæ, & animum suffocantes, & huius mundi sollicitudines. in euan. Aliud cecidit in spinas, Et iterū: Qui a sollicitudinibus & diuitiis & uoluptatibus suffocantur. Tribuli, aculei uitiorum uel tentationum. in Genesi: Spinæ & tribulos germinabit tibi. Fontes, baptisum. in psal. Sicut ceruus desiderat ad fontes aquarum. Fons etiam est Christus: ut psal. Sitiuit anima mea ad Deum fontem uiuum. Et Isaias, In die illa erit fons patens domus Dauid: &c. Item in malam partem: ut apostolus: Fontes sine aqua. Aquæ, tentationes. in psal. Forſitan ut aqua absorbiſſet nos. Item: Intrauerunt aquæ uſque ad animam meam. Item in bonam partem. in Hieremia: Me dereliquerunt fontem aquæ uiuæ. Et in Isaiā: Qui ſitit, ite ad aquam, ideſt, ad doctrinam. Aquæ nomine in ſcriptura ſancta aliquando ſpiritus ſanctus ſignificatur. ſic enim ſpiritus ſancti inſuſio deſignatur: ut in euang. Qui credit in me, flumina de uentre eius fluent aquæ uiuæ. Item per aquam angelicus chorus exprimitur: ut in psal. Et aquæ, quæ ſuper cælos ſunt, laudent nomen domini. Itē ſcientia ſacra: ut in libro Sapientię. Aqua ſapientię potabit eos. Et iterū, Aqua profunda uerba ex ore uiri: Præua quoque ſcientia per aquā appellatur. Sicut per Salomonem, mulier. quæ typum hæreſeos tenet, callidis perſuaſionibus blanditur dicens, Aquæ furtiue dulciores ſunt. Aqua etiam huius mundi proſperitatem ſignificat: ut in psal. Tranſuiuius per ignē & aquam, & eduxiſti nos in refrigerium. Ignis & aqua utrumque periculofum: ut in euangelio: Frequenter cum & in ignem & in aquam miſit, ut eum perderet. Quādo res ſunt anguſtæ, & alique infelicitates ſunt in hoc mundo, quaſi ignis eſt. Quādo res ſunt proſperæ, & abundantia ſæculi circumfluunt, quaſi iam aqua eſt. Per aquam etiam populi deſignantur, ut in Apocalypſi, Aquæ multæ, populi ſunt multi. Per aquam quoque non ſolum curſus diſcurrentium populorum, ſed etiā bonorum mentes, fidei prædicamenta ſequentes oſtenduntur: ſicut apud Isaiam eſt: Beati qui ſeminatis ſuper omnes aquas. Aqua etiam baptiſmum indicat: ut ait Ioannes euangelista: Tres ſunt, qui teſtimonium dant in terra, ſpiritus, aqua, & ſanguis. ſpiritus enim nos per adoptionem filios Dei fecit. Sacri fontis unda nos abluit. Sanguis domini nos redemit. Torrens, perſecutionis incurſus, uel mortis dilapſus: in psalmo: De torrente in uia bibit. Item: Torrentem pertranſiuit anima mea. Et in bonam partem: Et torrente uoluntatis tuæ potabis eos. Torrens etiam, ſancti appellantur prædicatores, qui dum in præſenti uita diuinis nobis eloquiis inſuunt, aquarum multitudine, quaſi in hyeme colliguntur: quia & æſtuo Sole adueniente ſe ſubtrahunt, quia cum æternæ patriæ lux emicuerit, prædicare ceſſabunt. Flumina, infidelium populi. in psalmo: Super flumina Babylonis. Item in bonam partem: Flumina de uentre eius fluent aquæ uiuæ, ideſt, diuerſæ gratiæ ſpiritus. Sic in psalmo: Fluminis impetus lætificat ciuitatem Dei. Lacus, infernum. in psalmo: Poſuerunt me in lacu inferiore, ideſt, illo inferni loco, in quo peccatores ſoli poenali cuſtodia detinentur. Mare, ſæculum, ſiue populi. in psalmo: Hoc mare magnum, & ſpatioſum. Per mare etiam intelliguntur ſacræ ſcripturæ: ut in Ezechiele: Aſpectus rotarum, & opus earum, quaſi uiſio maris. Recte itaque ſacræ eloquia uiſione maris conferuntur, quia ſentenitiæ locutionis ſacramento baptiſmaus confirmantur. Piſces, ſancti. Interdum peccatores. in euang. Et traxerunt plenum rete piſcibus magnis.

- pocrita quamuis recte prædicet, tamen per exemplum bonæ uitæ nullos filios generat, ut in libro Iob, Struthio in terra relinquit oua sua, & obliuiscitur, quod pes conculeret ea. Pelicanus, dominus Christus in passione, aut uir sanctus solitudini deditus. in psalmo: Similis factus sum pelicano solitudinis. Coruus, nigredo peccatorum, uel dæmones. in Salomone: Effodiant eum corui de torrente uel de rupibus. Item in bonam partem. in Canticis canticorum de sponso: Cries eius ut abietes, nigri sicut corui. Perdix, diabolus. in propheta: Clamauit perdix, congregauit quæ non peperit. Columba, spiritus sanctus. in euang. Et uidit spiritum Dei descendentem, sicut columbam. Item in malam partem, ut in propheta: Et factus est Ephraim quasi columba sine sensu, non habens cor. Tur tur, spiritus sanctus, aut uir sanctus, aut intelligentia spiritalis. in Canticis canticorum: Vox turturis audita est in terra nostra. Sed tunc columba spiritus sanctus dicitur, quando scripturæ sacræ manifesta differtio est. Tunc uero turtur spiritus sanctus intelligitur, cum scripturæ altis atque obscuris mysteriis eleuantur. Columba etiam simplicitatem, turtur indicat castitatem, quia amisso primo coniuge, ultra socium non requirit. Miluus significat, ut puto, rapacem, uel elatum. in psalmo, secundum Hebræos: Milui abies domus est. Acipiter, interdum sanctus, ut puto, rapiens regnum Dei: qui mutata ueteri penna renouatur, & proiciens inueterata studia dolosæ actionis, simplices actus assumit bene uiuendi. in Iob: Numquid in sapientia tua plumescit acipiter? Nycticorax Christus, uel uir sanctus infidelibus despiciabilis. in psalmo: Factus sum sicut nycticorax in domicilio. Passer, nonnumquam dominus, aut uir sanctus. in psalmo, Etenim passer inuenit sibi domum. Et alibi, Quilibet Christianus, cui ab hæreticis dicitur, qui Christum, qui in scripturis mons nominatur, sese solummodo putant habere, Transmigra in montem sicut passer. Gallus, dominus, ut puto, aut sanctus. in Salomone: Et gallus ambulans inter gallinas lætus. Et in Iob: Quis dedit gallo intelligentiam? Et in alteram partem: Et asportari te faciam sicut asportatur gallus gallinaceus. Galli nomine designantur prædicatores sancti, qui inter tenebras uitæ præsentis, student uenturam lucem prædicando quasi cantando nunciare. dicunt enim: Nox præcessit, dies autem appropinquabit. Gallus etiam succinctis lumbis incedere scribitur, quia ipsi prædicatores sancti inter huius noctis tenebras uerum mane nunciantes, in membris suis luxuriz fluxa restringunt: quibus a domino dicitur, Sint lumbi uestri præcincti. Gallo etiam intelligentia desuper tribuitur, quia doctori ueritatis discretionis uirtus, ut aperit, quibus, quid, quando, uel quo modo inferat, diuinitus ministratur. Non enim una eademque cunctis exhortatio conuenit, quia nec cunctos par morum qualitas constringit. Gallina, sapientia, siue ecclesia, siue anima. in euangelio: Sicut gallina congregat pullos suos sub alis suis. Vespertilio, idolorum monstra tenebris deduxit. in propheta: Ut adoret istalpas & uespertilioes. Sunt etiam cogitationes immundæ, quæ per dæmones intrant. Scarabæus, propheta: Et Scarabæus de ligno clamabit. ut putant quidam, de domino. Locustæ, populi. in euangelio: Ecce autem eius erat locusta. Locustarum nomine aliquando ludæorum populus, aliquando conuersa gentilitas, aliquando adulantium lingua, aliquando per comparisonem resurrectionis dominica designatur, aliquando uita prædicatorum significatur. Apis, forma uirginitatis, siue sapientię, in Salomone: Vade ad apem & discite quam operatrix sit. Et in malam partem, in propheta: Et apis, quæ est in Assur. Et circumdederunt me sicut apes, idest maligni & iracundi. Apes etiam quæ mel in ore habent, & in occulto caudæ uulnus, suo nomine significant omnes qui lingua blandiuntur,

- sed latenter ex malitia feriunt . quia loquendo dulcedinem mellis proponant , sed feriendo uulnus inferunt . Possunt etiam hoc nomine prudentum dicta signari , ut est illud : Faus mellis sermones boni . Musca , diabolus , uel minister eius , uel spurcitia idololatriæ . in Salomone : Muscæ morituræ exterminant olei suauitatem . Bestiæ , diabolus , uel homines feri . in psalmo : Ne tradas bestiis animas contitentes tibi . Leo , dominus , ut apostolus : Vicit leo de tribu Iuda . Item in malam partem : Nequando rapiat ut leo animam meam . Item , Adversarius noster diabolus quasi leo circumcui . Lexna significat superbos uel præcipites . Pardus , diabolus , uel peccator moribus uariis , in propheta . Sicut Aethiops non mutabit pellem , & pardus uarietatem . Elephas peccator immanis . in Regum : Et adducebant ad Salomonem simias & elephantos . Vrsus , diabolus , aut duces sæui , uel insidiatores . In Regnorum : Et egressi sunt duo ursi , & comederunt eos . quia Vespasianus & Titus Romani imperatores ludæos deleuerunt . Ceruus , Christus , uel sancti . In Psalmo : Sicut ceruus desiderat ad fontes aquarum . Et rursus in Psalmo : Montes excelli ceruis , petra refugium erinaceis : nam hic uitæ contemplatiuæ dediti significantur . Lupus , diabolus uel hæreticus . in euangelio : Intrinsecus autem sunt lupi rapaces . Item in bonam partem : Benjamin lupus rapax , apostolum Paulum significans . Aper diabolus . in psalmo : Exterminabit eam aper de sylua . Tigris , femineat interdum arrogantia . In libro Iob secundum Hebræum : Tigris perit , quod non habuerit prædam . Monoceron , hoc est Unicornis . in psalmo : Et dilectus quemadmodum filius unicornium , idest , singularis potentie uel sanctorum qui teneant unicum Dei uerbum . Et in aliam partem : Et cornibus unicornium humilitatem meam . In malam partem ponitur pro quolibet superbo uiolento , uel utrum testamentum tenente , ut psalmista in persona passuri domini : Libera me domine a cornibus unicornium . Rhinoceron , fortis quique : uel in bonam uel in malam partem In libro Iob , secundum Hebræum : Numquid uolet rhinoceros seruire tibi ? Onager , heremita , uel qui remoti a turbis popularibus uersantur . in Iob : Quis dimittet onagram liberum ? Potest & populus ille ludæorum onager dici : quia sequitur in eodem libro : Et uincula eius quis soluit ? uincula utique præceptorum . Hinnulus , Christus , aut sancti , pro gratiarum uarietate , in Salomone : Similis es tu patri uelis meus damulæ , aut hinnulo ceruorum . Dama , idem quod supra . Lepus , timens Deum . in Psalmo : Petra refugium Ieporibus & erinaciis . Erinacius , idem quod supra : & erinacii gens inualida , qui fecerunt in petris domo sibi . Vulpes , hæreticus , uel diabolus , uel peccator callidus : in euangelio : Ite dicite uulpi illi . Animal , homo carnalis . in apostolo : Animalis autem homo non percipit ea , quæ sunt spiritus Dei . Iumentum , intellectus uel eloquio carens , interdum obediens , in Psalmo : Vt iumentum factus sum apud te . interdum luxuriosi , ut illud : Computruerunt iumenta in stercore suo . Equus , uir sanctus . in Abacuc : Qui ascendens super equos tuos . Et in malam partem : Fallax equus ad salutem . irrationalis quisque . in Psalmo : Nolite fieri sicut equus & mulus , quibus non est intellectus . Asinus , corpus humanum , uel populus gentiliū . in euangelio : Et adduxerunt ad Iesum asinam & pullum eius , & cum desuper sedere fecerunt . Asinorum nomine stultorum pigritia significatur , dum Moyses testatur : Non arabis in boue simul & asino , hoc est , in prædicatione non coniungas prudentem cum fatuo : simplicitas enim fidelium hoc nomine exprimitur , quam Christus regendo & prædico ad Hierusalem , idest Visionem pacis deducit . unde dicitur : Agnouit & asinus præsepe domini sui . rursus asino designatur immoderata petulantium luxuria , ut propheta : Quorum carnes sunt ut carnes asinorum . Asina , caro uel plebs carens Dei notitia . in euangelio ,

- gelio, idem quod supra. Camelus, diuites rebus sæculi onusti, uel moribus distorti. in euangelio: Facilius est camelum per foramen acus transire, quam diuitem intrare in regna cælorum. Cameli nomine etiam ipse dominus significatur, ut: Liquantes culicem, camelum autem deglutientes. hoc in loco dominus aperte designatur, qui sponte humiliatus, infirmitatis nostræ onera sustulit, & acum punctiōis, angustiasq. foraminis in dolore suæ passionis. Culex susurrando uulnerat, camelus autem sponte se ad suscipienda onera inclinat. Liquauerunt ergo Iudæi culicem, quia seditiosum latronem dimitti peticunt. camelum autem glutierunt, quia eum qui ad suscipienda nostræ mortalitatis onera sponte descenderrat, extinguere clamando conati sunt. Tauri, principes populorum. in Psalmo: Tauri pingues obsederunt me. Boues, apostoli, qui suscepto iugo Christi, euangelii uocem mundum exarauerunt. in Psalmo, Offeram tibi boues cum hircis. Boues etiam stultorum uerborum significat, ut recte per Salomonem dicitur: Statimq. eam sequitur, quasi bos ductus ad uictimam: bouum nomine etiam uita uniuscuiusque operantis exprimitur, ut per Moysen. Non alligabis os boui trituranti. & dominus: Dignus est operarius cibo suo. Vaccæ, carnalibus uitiis pleni. in psalmo, Inter uaccas populorum. Vaccæ etiam fideles omnes in ecclesia designant, qui dum sacri eloquii præcepta considerant, quasi superimpositam sibi domini arcam portant: quorum plerique foris carnalibus affectibus ligantur, sed non declinant a recto itinere: quia arcam domini portant in mente. Vitulus, Christus, siue sancti. in psalmo, Tunc imponent super altare tuum uitulos. Et in aliam partem: Circumdederunt me uituli multi, hoc est, lasciuientes. Sues, peccatores immundi. in epistola Petri: Et sus lota in uolutabro luti. Arietes, apostoli, uel ecclesiarum principes. in psalmo, Afferre domino filios arietum.
- Oues, populi fideles: in euangelio, Oues meæ uocem meam audiunt. Pecora, simplices quique, minus præditi ratiocinandi subtilitate. in Salomone: Pasce animas pecorum tuorum. Hirci, peccatores, siue gentiles. in Daniele: Ecce autem hircus caprarum ueniebat ab occidente super faciem totius terræ. Itē in bonam partem: Offeram tibi boues cum hircis. Capræ, iusti, interdum ex gentibus uenientes. in Salomone, Capillatura tua sicut grex caprarum, quæ reuelatæ sunt de Galaad. quemadmodum autem capræ præcipue pastum in alto querunt: sic & sancti mundi baptismo & penitentia in supernis pastum desiderant, unde apostolus, Nostra conuersatio in cælis est. Capræ sunt animæ asseratiores factæ per uanam doctrinam philosophorum, sed iam intra ecclesiam sanctam per sanctum euangelium. Agni, Christus, uel apostoli, aut sancti. in euangelio: Pasce agnos meos. Hædi, peccatores, uel motus carnis. in euangelio, Hædos autem a sinistris. Talpæ, idola uel hæretici, qui non uident ueritatem. in Isaia: Ut adoretis talpas & uespertilioes. Canis, diabolus, uel Iudæus, uel gentilis. in psalmo, Et de manu canis unicum meam, Et in aliam partem, in ecclesiaste: Melior est canis uiuus leone mortuo. Hic leonem diabolum, canem uero gentilem, uel hominem peccatorem accipiendum putant: quod ille ad fidem uel penitentiam possit uenire, ille autem non ueniat: Canis item segnes prædicatores designat; ut ibi: Canes muti non ualentes latrare. Ranæ, dæmones. in Apocalypsi. Et uidi de ore draconis spiritus tres immundos in modum ranarum. Sunt autem spiritus dæmoniorum. Item ranæ, hæretici, qui in cœno uilissimorum sensuum commorantes, uana garrulitate oblatrare non desinant.
- Formica, prouidus, uel operarius. in Salomone, Vade ad formicam o piger. Vermis, Christus pro humilitate assumpti hominis. in psalmo, Ego autem sum uermis & non homo. Item in aliam partem. in Isaia: Vermis eorum non morietur,

Matth. 23

Psal. 21

65

Prou. 7

Dent. 25

1. Timoth. 5

Psal. 67

Psal. 50

21

2. Petr. 2

Psal. 28

Ioa. 10

Dan. 8

Psal. 65

Cant. 7

Phil. 3

Ioa. 21

Matth. 25

Isa. 2

Psal. 21

Eccl. 9

Isa. 56

Apoc. 16

Prou. 6

Psal. 21

Isa. 66

tur,

- tur, idest, siue ipse uermis, siue peccati conscientia, uel inquietudo prauæ cogitationis. *Psal.* 38 Aranea, humana fragilitas. in psalmo, Et tabescere fecisti uelut araneam, animam meam. Tela aranearum sunt opera temporalis concupiscentiæ, quæ nulla solidantur subtilitate, quæ uentus rapit mortalis. Serpens, diabolus, uel maligni homines. in euangelio: Serpentes, genimina uiperarum. item in aliam partem, in euangelio: Sicut Moyses exaltauit serpentem in deserto. Serpens significat etiam prudentes, ut ibi: Estote prudentes sicut serpentes. Draco, diabolus, uel apertus persecutor. in Psalmo, Tu confregisti caput draconis, dedisti eum in escam populo Aethiopum. Scorpio, diabolus, uel ministri eius. *Lucæ* 10 in euangelio: Dedi uobis potestatem calcandi super serpentes & scorpiones. *Matth.* 23 Vipera, idem quod supra. in euangelio: Genimina uiperarum.

De uarijs nominum appellationibus.

VI

- Gen.* 1 OMO, aut homo totus, aut mens. in Genesi: Fecit Deus hominem ad
Psal. 9 H imaginem & similitudinem suam. Et in malam partem. in Psalmo, Exurge domine, non confortetur homo, hoc est caro, uel diabolus. Nominè hominis etiam reprehensio designatur, ut in hoc apostoli, Cum enim sint inter uos zelus & contentio, nonne carnales estis, nonne homines estis. & alibi: Inimicus homo hoc fecit, idest, diabolus. Item ab apostolo dicitur homo peccati & filius perditionis, idest antichristus: sed & carnis nomine homines significantur, inde est: Et uidebit omnis caro salutare Dei. Anima tam hominum quam iumentorum dicitur, ita in Iob: Anima omnis uiuens & spiritus uniuersæ carnis in potestate est omnipotentis. animam rationalium hominum usque ad spiritalem intellectum subleuat, animam autem irrationabilium usque ad corporeos sensus uiuificat. *Ephr.* 5 Vir, spiritus, idest mens, in apostolo: Caput mulieris uir. Item uir in malam partem. in Genesi: Bona facie ualde uirgo, quam uir non cognouerat, idest diabolus, qui plerumque mentem cogitatione corrumpit. Mulier, anima, *Ephr.* 5 siue caro humana. in Apostolo: Caput mulieris uir. Mulier pro sexu, ut: Misit Deus filium suum natum ex muliere, factum sub lege: Pro infirmitate ut apud Sa-
Ecl. 43 pientem: Melior est iniquitas uiri quam mulier beneficiens. Virgo, ecclesia, uel sanctæ animæ. in apostolo: Disponi enim uos uni uiro uirginem castam exhibere Christo. Et in malam partem: Descende sede in puluere uirgo filia Babylonis, idest anima bonitate sterilis, quæ hypocrisis uel malitiæ sit confusionis filia.
1 Tim. 6 Rex, dominus. in apostolo: Rex regum, & dominus dominatum. Et in malam partem, ut de diabolo: Ipse est rex super uniuersos filios superbix. Regina, ecclesia. in psalmo, Astitit regina a dextris tuis. Et item regina, anima imperans corpori. Pater, dominus. in propheta: Et ero uobis in patrem, & uos eritis mihi in filios & filias, dicit dominus omnipotens: Et in euangelio: Vnus est enim pater uester, qui in celis est. Item de diabolo: Quia mendax est, & pater eius, pater mendacii, & omnium qui in ueritate non permanferint. Mater, ecclesia, uel
Gal. 4 Hierusalem celestis. in apostolo: Illa autem, quæ sursum est Hierusalem, libera est, quæ est mater nostra. Item qui bene loquendo fideles Christo generant & educant matres in utroque sexu, ipso Christo teste, existunt. Frater, Christus, uel proximus. in psalmo: Narrabo nomen tuum fratribus meis. & ipse ait: Ite nunciate fratribus meis. Soror, ecclesia, synagoga, uel Christi anima. in Canticis canticorum: Soror mea sponsa. Vir & uxor, Christus, ecclesia, intellectus spiritalis & historia scripturarum. in apostolo, Viri diligite uxores uestras, sicut & Christus dilexit ecclesiam. Sponsus, Christus, ideo quod a patre ab initio sit promissus

- missus. in psal. Et ipse tamquam sponsus procedens de thalamo suo. & in euan. Qui habet sponsam, sponsus est. Sponsa, ecclesia, quæ utique diuinis sponsonibus sit promissa. in Canticis canticorū: Veni a Libano sponsa, ueni a Libano. Filius, populus credentiū. in apostolo: Iam non est seruus, sed si filius, & hæres per Deum: filius, idest, dominus. ut ibi: Quod si filius uos liberauerit. Filia, anima fidelis, siue ecclesia. in psal. Audi filia & uide. & in malam partem: Super filiam uagam dispone custodiam, idest animæ leuitatem. Proximi, fide propinqui, & qui misericordiam impendunt inopi. in Salomone: Venite manducate, & bibite, & inebriamini proximi. Amici, concordes in Deum. in euangelio: Vos amici mei estis. Senes, consummatæ iustitiæ. in Genesi: Et mortuus est Abraham senex & plenus dierum. in Salomone: Cani sunt homines sensus, & ætas senectutis uita immaculata. Et in sinistram partem, de Salomone: Cumq. iam senex esset deprauatum est cor eius. Iuuenes, alacres in Deum. in epistola iohannis: Scribo uobis iuuenes, quia fortes estis, & uerbum Dei in uobis manet, & uicisti malignum. Et in malam partem, in Regnorum libro de Roboam: Derelicto consilio seniorum, locutus est secundum consilium iuuenum. Item ibi: Væ tibi terra, cuius rex iuuenis est. Paruulus, mente humilis & simplex. in Euangelio: Abscondisti hæc a sapientibus & prudentibus, & reuelasti ea paruulis. Et in euangelio: Nisi efficiamini sicut paruuli, non intrabitis in regnum celorum. & apostolus:
- 30 Malitia paruuli estote, sensibus autem perfecti estote. Item in alteram partem, in apostolo: Cum essem paruulus, loquebar ut paruulus etiam Christus intelligitur, qui se humiliauit usque ad mortem. Meretrix, anima peccatrix, quæ relicto caelesti uiro suo, idest Christo, adulterinos de diabolo iniquitatis fructus concepit. in Hieremia: Facies mulieris meretricis facta est tibi. Operarii apostoli uel prædicatores. in euangelio: Messis quidem multa, operarii autem pauci. Pastor, dominus: Ego sum pastor bonus. Item pastor, apostolus. in euangelio: Pasce oues meas. & in malam partem: Et abiit ut pasceret porcos, idest qui sunt immundis cogitationibus. Mercenarii, seruientes domino non pro amore tantum diuino, sed pro temporali retributione. in euangelio: Quanti mercenarii patris mei abundant panibus. Piscatores, apostoli, uel doctores. in euangelio: Et faciam uos fieri piscatores hominum. Medicus, Christus, uel doctus. in Salomone: Mansuetus uir cordis est medicus. Item Non egent sani medico, sed male habentes. Diues, fidelis abundans spiritualibus bonis. in apostolo: Quia diuites facti estis in illo in omni scientia & in omni uerbo. diues etiam Christus, ut illud: Diues in omnibus qui inuocant illum. Et in aliam partem. in Euangelio: Væ uobis diuitibus. Pauper, humilis, in euangelio: Et erat quidam Lazarus pauper. Et iterum. Beati pauperes spiritu. Pauper etiam est Christus, ut apostolus Christus egenus pro nobis factus est, cum esset diues: Et in malam partem. in psalmo: Quia pauperes facti sumus nimis. Vestitus, habens baptismi uel fidei integritatem, aut iustitiæ indumentum. in euangelio: Et uidit ibi hominem non uestitum ueste nupciali, & apostolus. Omnes qui in Christo baptizati estis, Christum induistis. Nudus carens baptismi sacramento uel diuini adiutorio, uel bonis operibus. in Apocalypsi: Tu autem nudus & miser. Et in bonam partem. in eua. Et reiecta, inquit, sindone unus profugit ab eis, idest, nudus terrena facultate.
- 40 Viui, iusti. in psal. Placebo domino in regione uiuorum. Et in altera partem, in Salomone: Et laudauit magis mortuos quam uiuentes. Mortui, peccatores, uel infideles. in euan. Sine mortuos sepelire suos mortuos. Et in bonam partem: Beati mortui qui in domino moriuntur. Item: Mortui estis, & uita uestra abscondita est cum Christo in Deo. Cadavera, infidelium corpora. in propheta: Et impleam

Psal. 18

Ioh. 3

Cant. 3

Gal. 4

Ecl. 4

Ioh. 15

Gen. 24

3. Reg. 11

1. Ioh. 2

Matth. 10

1. Cor. 74

1. Cor. 13

Hier. 3

Luc. 16

Ioh. 16

Ioh. 21

Luc. 15

Matth. 4

Marc. 2

1. Cor. 4

Luc. 16

1. Cor. 8

Psal. 70

Matth. 2

Gal. 3

Apo. 3

Psal. 114

Luc. 9

impleam uallem Iosaphat cadaueribus mortuorum. Item in aliam partem: Posuerunt cadauera seruorum tuorum: item illud: Videbunt cadauera uirorum, qui increduli fuerunt, proiecta. Sepulcrum, corpus peccatoris, mortuam uitam, animam intrinsecus retinens. in euangelio: Similes estis sepulcris dealbatis, quæ a foris parent hominibus speciosa, intus uero plena sunt ossibus mortuorum. & diuerso dicit propheta de sepulcro domini: Et erit sepulcrum eius gloriosum.

De interiori homine.

VII

INTERIOR homo, anima rationalis. In apostolo: in interiori homine, **I** habitare Christum per fidem in cordibus uestris. Caput eius, Christus. in apostolo: Caput uiri Christus. Vertex, summitas iustitiæ. in Salomone: Coronam enim gratiarum accipiet tuus uertex. Item in aliam partem. Verticem capilli perambulantium in deliciis suis, idest summa nequitia. Capilli, ornatus iustitiæ, uel sensus. in euangelio: Vestri autem & capilli capitis omnes numerati sunt. Collum. sancta scriptura, ut in Canticis: Collum tuum sicut turris Libani, ex quo pendent mille clypei omnis armatura fortium, idest testimonia sanctarum scripturarum. alias superbia: Ut filia Sion ambulauerunt extento collo. Ceruix, superbia, ut: Dura ceruice. Oculi, intellectus fidelis & simplex. in euangelio: Vestri autem beati oculi qui uident. & alibi, Oculi sapientis in capite eius, idest intellectus in corde prudentis. Et in malam partem. in euangelio: Si oculus tuus nequam fuerit. Aures, obedientia fidelis. in euangelio Et aures uestre quæ audiunt. Nares, spiraculum fidei, bonarumque uirtutum. in Iob: Et spiritus diuinus in naribus meis. Item: Nafus tuus sicut turris, quæ est in Libano. Et in malam partem: De naribus eius procedit fumus, idest diaboli. Fauces, iudicium intellectus. in libro Iob: Et fauces meæ nonne sapientiam meditantur? Et in malam partem: Rauæ factæ sunt fauces meæ. Os, sermo ipse. in psalmo. Os iusti meditabitur sapientiam. Lingua, idem quod supra. in psalmo. Et lingua eius loquetur iudicium, uel scriptura, ut: Lingua mea calamus scribæ. Dentes, sancti predicatorum, qui recte præcipiunt, & quemadmodum præcipiunt, ita uiuunt, ut hoc sponsæ dictum: Dentes tui sicut greges tonsarum ouium, quæ ascenderunt de lauacro, quæ omnes pariunt geminos, & steriles non est in eis. Item interiores sensus, ut per Hieremiam: Fregit ad numerum dentes meos. dentes enim singula quæ cogitant quasi manducant, & comminuunt, & ad uentrem memoriæ transmittunt. Axillæ quæ sunt initia brachiorum, significant bonorum operum exordium, quas non mouisse, pigro sic imputat scriptura: Abscondit piger manum suam sub axilla. Humeri, fortitudo portantis, propheta de domino crucem portaturo: Potestas super humerum eius. Manus, opus. in psalmo: Et laui inter innocentes manus meas. & potestas: ut, Manus tua fecerunt me. Dextera, opera bona. in euangelio: Nesciat sinistra tua quid faciat dextera tua. Sinistra, opera non bona, ut supra. Dextera etiam uita æterna, sinistra autem præfens, ut illud: Læua eius sub capite meo, & dextera illius amplexabitur me. Pectus, arcanum intelligentiæ. in euangelio: Discumbebat autem super pectus domini discipulus, quem Iesus amabat plurimum. Venter, capacitas rationis. in Abacuc. Venter meus turbatus est in me. Venter etiam mens, ut Hieremias: Ventrem meum doleo. quod quia de spiritali & non corporeo uentre dixit, adiungit: Sensus cordis mei conturbati sunt. & dominus in euangelio: Qui credit in me, flumina de uentre eius fluunt aquæ uiuæ. Renes, interiora sensus. in psalmo: Insuper & usque ad noctem increpauerunt me renes mei.

- mei. Nihil occultius in homine quam cor & renes, unde scriptura: Scrutans corda & renes Deus. Lumbi, fortitudo animi. in apostolo: Accingite lumbos mentis uestre. & luxuria, ut in euangelio: Sint lumbi uestri præcincti, & in Iob: Accinge sicut uir lumbos tuos. Umbilicus, appetitus concupiscentiæ. in Iob: Et uirtus eius sub umbilico uetris: idest quod femina genitalia per hoc significet, sicut in lumbis uirorum. Adeps, pinguedo gratiæ diuinæ, uel saturitas supernæ sapientiæ. in psalmo: Sicut adipe & pinguedine repleatur anima. Item in malam partem, Adeps crassitudo malitiæ. in psalmo: Adipem suum concluserunt. Ossa, firmitas animi. in psalmo. Omnia ossa mea dicent, domine quis similis tibi?
- 10 Et in malam partem, in Iob: Ossa eius uelut fistula æris. Item fraudulenta consilia ministrorum antichristi, ut in psalmo: Deus dissipauit ossa illorum, qui hominibus placent. Medullæ infusio caritatis, & aliarum uirtutum. ut in psalmo: Holocausta medullarum offerat tibi. Viscera, affectus pietatis & misericordie. in apostolo: Si qua uiscera miserationis. Et in alteram partem, in Actibus apostolorum de Iuda: Et diffusa sunt omnia uiscera eius. Pellis, signum mortalitatis. in Genesi: Et fecit eis tunicas pelliceas. Cutis, illi qui solis exterioribus intenti, interioris marcescunt. Pili, uitæ ueteris cogitationes, qui sunt incidendi, unde per Moysen præcipitur: Leuitæ radant omnes pilos carnis suæ. Sanguis, operatio carnalis. in psalmo: Libera me de sanguinibus Deus Deus salutis meæ. Et item: Caro & sanguis regnum Dei nō possidebunt. Et Isaias: Sanguis sanguinem tetigit. Item in bonam partem, ut apostolus: Et sanguis Iesu Christi emundat nos ab omni peccato. Caro, homo exterior. in apostolo: Caro enim concupiscit aduersus spiritum, spiritus autem aduersus carnem. Caro iuxta naturam, ut: Hoc nunc os offensus meis, & caro de carne mea. & ibi: Verbum caro factum est. unde apostolus: Vos autem in carne non estis, sed in spiritu. Item caro iuxta culpam, ut: Non permanebit spiritus meus in hominibus istis, quia caro sunt. Genua confessio humilitatis. in Cantico: Et nunc flecto genua cordis meis. & in psalmo: Genua mea infirmata sunt a ieiunio. Aliquando uirtus fidei, in propheta: Reliqui mihi septem millia uirorum, qui non curauerunt genua ante Baal. Pedes, cursus uitæ, uel stabilitas mentis, uel fidei. in psalmo: Stantes erant pedes nostri. Et in malam partem, in propheta: Cur claudicatis utroque pede? Et, ueloces pedes eorum ad effundendum sanguinem. Calcaneum, supplantatio uitiorum. in Genesi: Ipse tuum obseruabit caput, & tui illius calcaneum. Item, terminus actionis, ut in psalmo: Ipsi calcaneum meum obseruabunt. Gressus, profectus operum, in psalmo. Perfice gressus meos in semitis tuis. Vestigia, signa uirtutum. in psalmo: Vt non moveantur uestigia mea. Et in alteram partem, in Salomone: Et transiet uita (impiorum) tamquam uestigium maris. Stola, indumentum baptismi uel fidei. in euangelio: Cito proferre stolam primam. Cilicium, penitentia testimonium. in euangelio: Olim in cinere & cilicio penitentiam egissent. Cingulum, spiritalis operis accinctus. in psalmo: Et præcinxisti me læticia. Zona, cordis munditia, apostolus: Præcincti circa lumbos zonis anreis. Calciamenta, præparatio pacis. in apostolo: Calciati pedes in præparationem euangelii pacis. Arma interioris hominis, in apostolo: Induti lorica iustitiæ, & scutum fidei, & galeam salutis, & gladium spiritus, quod est uerbum Dei.

Psalm. 7
Eph. 6
Luc. 12
Iob 4

Psalm. 62

Psalm. 34
Iob 40

Psalm. 32
63

Philipp. 2
Act. 1

Psalm. 50
1. Cor. 14
1. Ioh. 1

Gen. 2
Ioh. 1

Gen. 6

Psalm. 108

Psalm. 13

Gen. 2
Psalm. 55

Psalm. 16
Ibidem

Sap. 2

Matth. 11

Eph. 6
Ibidem

De his quæ in usu atque in medio habentur. VIII

- Ioan. 6* ANIS, Christus, uel sermo Dei. in euangelio: Ego sum panis uiuus.
- Hier. 31* P & alibi: Mittamus lignum in panem eius, idest crucem in corpus eius, & panis quemadmodum doctrinam, ita & malam significat, ut ibi, Panis
- Prou. 9* absconditus suauior. Vinum idem quod supra. in Salomone, Et bibite uinum
- Lucæ 10* quod miscui uobis. Vinum etiam securitatem rectitudinis significat, ut: Infundens oleum & uinum: ut per uinū mordeantur, ut uulnera per oleum foueantur.
- Psal. 88* Oleum misericordia, uel spiritus sanctus. in psalmo, In olco sancto meo liniui
- 140* eum, in aliam partem: Oleum autem peccatoris non impinguet caput meum, idest, adulatio. Porcina, peccata. in psalmo. Saturatus sum porcina. Azy-
- 1. Cor. 5* mum, sinceritas cordis, sine fermento malitiæ. in apostolo, In azymis sinceritatis & ueritatis. Ouum, spes certa fidelium. Item in malam partem. Qui comederit de ouis eorum morietur, de improbis & male doctis. Similago, puritas mentis, & fortitudo caritatis. in Leuitico: Si autem anima offert munus sacrificiū
- Leuit. 2* Deo, similago sit munus eius. Subcinericius, humilitatis oblatio. in Genesi: Festinanter conperge tres mensuras similaginis, & fac subcinericios. Et in malam partem: Factus est Ephraim subcinericius. Lac, mentis sinceritas. in epistola Petri: Rationabiles sine dolo lac concupiscite. Item in aliam partem, de rudibus in ecclesia: Lac uobis potum dedi, non escam. nondum enim poteratis. Hic lac exi
- 2. Petr. 2* 90
- 1. Cor. 3* gitas sensus. Lac coagulum, uitii concretum, in psalmo: Coagulum est sicut lac cor eorum. Sal, condimentum sapientie, in euangelio: Vos estis sal terræ, & habete sal in uobis. Mel, dulcedo preceptorum Dei. in psalmo: Quam
- Psal. 118* dulcia faucibus meis eloquia tua domine super mel & fauum ori meo. Item aliter,
- Prou. 25* in Salomone: Inueniens mel, manduca quod satis est, ne forte fatiatur euomas, idest altiora te ne quaesieris. Fel amaritudo malitiæ. in psalmo: Dederunt in escam meam fel. Acerum, asperitas corruptæ mentis. in psalmo: Et in siti mea potauerunt me aceto. Item acetum, correctio doctorum, unde Salomon: Acetum in nitro, qui cantat carmina corde pessimo. Pix, inquinamentum & nigredo delictorum. in Salomone: Qui tangit picem, inquinabitur ab ea. Si-
- Ecl. 13* 30
- Lucæ 1* cera, confectio quædam malitiæ & nequitie. in euangelio: Vinum & siceram non bibet. Calix, domini passio. in psalmo: Calicem salutaris accipiam. & ipse dominus: Pater transfer calicem hunc a me. Et in malam partem: Calix aureus Babylonis. Merum, sinceritas iudicii aut ueritatis, uel calor fidei. in psalmo: Vini meri plenus mixto. Fax ultimum iudicii. in psalmo: Veruntamen fax eius non est exinanita. Item illi qui secure in peccatis quiescunt. unde propheta: Requieuit in fœcibus suis. Cibus, sermo uel uoluntas domini. in euangelio: Meus cibus est, ut faciam uoluntatem eius qui me misit patris. Potus, idem quod supra. in psalmo: Et torrente uoluntatis tuæ potabis eos, idest spiritu sancto.
- Mar. 14*
- Hier. 51*
- Psal. 63*
- Isaïem*
- Hier. 48*
- Ioan. 4*
- Psal. 70*
- Rom. 14* Et Psalmista: In compungendo potum meum cum fletu temperabam. Item in aliam partem: Non est regnū Dei esca & potus. Promptuarii, cordis receptacula. in Cantico Deuteronomii: In promptuariis eorum timor. Pera, uictus solitudo, & impedimenta seculi. in euangelio: Non peram in uia. Sacculus, thesaurizatio in Deo. in euangelio: Facite uobis sacculos qui non uetrescant. Et in aliam partem: Sacculum communem possideamus, idest auaritiam. Pecunia, uerba diuina. in euangelio: Oportuit ergo te mittere pecuniam meam numulariis. Et sapientia, unde Salomon: Sapientia occulta & thesaurus inuisibilis, quæ utilitas in utrisque. Vellus, populus. in psalmo: Et descendit tamquam pluuia in uellus. Linum, spiritalis fortitudo, uel candor, uel subtilitas scripturarum.

rarum. in Exodo: Porro filiis Aaron tunicas lineas parabis. Item in malam partem: In indues uestem ex lana linoq. contextam. Vtres, uasa humani corporis. in euang. Vinum nouum in utres nouos mitti debet. Farina, opus bonum, uel scientia. in euang. Abscondit mulier in farina sata tria. Itē in malam partem: uanas cogitationes, ut propheta: Tolle molam & mole farinam. Mola, uitz cōuersatio. in euangelio: Dux molentes in mola. Possunt & duo testamenta lapides molz significare, per quos labore differentium triticum ueteris instrumenti in farinam euangelii conuertatur. Hæc igitur nomina cum in textu sacrz lectionis occurrunt, ita uel maxime, ut exprimuntur, apertioribus accipienda traduntur, licet in diuersas plerumque significationes pro persona, uel tempore, uel loco exeant atque in figuras locis congruas pro ratione allegoricæ interpretationis erumpant. Nam & abyssus intelligitur, sicut supra diximus, profunditas scripturarum, & itē abyssus aquæ immensitas: Et rupti sunt fontes abyssi magnæ. Item abyssus, inefabilia iudicia Dei. in psalmo: Iudicia tua abyssus multa. Item abyssus, infernus: Aut quis descendit in abyssum? idest Christum de mortuis reuocat. Item abyssus, corda hominum facinoribus tenebrosa: Abyssus dixit, non est mecum, idest, sapientia. Ignis, sicut superius memorauimus, accipitur spiritus sanctus. ut Paulus: Deus noster ignis consumens est: & iterum, ignis caritas circumsepta eius, cūcumsepta ignis flammæ eius. Ignis, tribulatio. in psalterio: Igne nos examinasti, sicut igne examinatur argentum. Item transuimus per ignem & aquam. Ignis, ira: Et consumam eos in igne iræ meæ, ait dominus. Ignis, uoluptas: Omnes adulterrantur sicut clibanus corda eorum. Item ignis, mentis malitia, ut: Tunc ignis aduersarios consumit. Item uirtus caritatis, ut: Currus Dei flamma ignis, rote eius ignis accensus. Umbra, ut indicauimus, significatur protectio diuina. Item umbra aliquando peccata: Sedentes in tenebris, & in umbra mortis. Umbra aliquando poena, in Iob: Umbra mortis, & nullus ordo. Et quia umbra non longe est ab ea re, cuius est umbra. ita & mors non longe est a poena, quæ infert mortem. Umbra aliquando est deletatio peccatorum, in Iob de diabolo: Sub umbra dormit in secreto calami in locis humentibus. Et rursus species aliquæ specie una res multa significant. Duo testamenta, eo quod hic duo illi lapides molares possint significare, memorauimus. Et item duo testamenta duq. Cherubin, in Exodo: duo animalia in Abacuc duæ petrz in Exodo, & in Canticis canticorum, quarum uelamento sponfa & Moses protegentur: duo montes ænei in Zacharia, de quorum frutetis myrtinis & obscura opacitate egrediuntur quadrigæ cum equis rufis, nigris, albis, & uariis. Sed has tam multimodas significationes in singulis prosequi nominibus, non solum laboris immensi, uerum etiam impossibile arbitratus sum. Nunc ergo ad eum interpretationis modum atque ordinem, quem paululum pro necessitate disputandi interrupimus, reuertamur. Cophini, apostoli. in euangelio, Et tulerunt reliquias duodecim cophinos fragmentorum plenos. Item in aliam partem. Manus eius in cophino seruierunt, idest, in seruitute, uel tribulatione, quam Aegyptii intulerunt. Cathedra, doctrina, in psalmo. Et in cathedra seniorum laudens eum. Item in aliam partem: Et in cathedra pestilentie non sedit, idest in doctrina hæreticorum. Scabellum, humiliatorum subiectio. in psalmo. Donec ponam inimicos tuos scabellum pedum tuorum: Item humanitas Christi, ut in psalmo. Adorate scabellum pedum eius. Statera, æquitas, uel diuinæ gubernationis potentia. in Isaia: Et librauit in pondere montes, & colles in statera. Cinis, humanæ fragilitatis inanitas. in Salomone: Quid superbis terra & cinis? Olla, profapia. in psalmo, Moab olla spei meæ, idest, quod de Ruth Moabitide Christi secundum carnem profapia descendit. Item

Exod. 28

Math. 9

Luca 11

Ista. 47.

Matth. 24

Psal. 35

Iob 28

Hebr. 12

Psal. 16

Psal. 87

Iob. 10

Iob 40

Luca 9

Psal. 109

Ista. 40

Ecc. 10

Psal. 59

FF in

- Hier.* 1 in aliam partem, olla tribulationis excoctio, in propheta: Et uidi ollam succensam a facie aquilonis. Lampades, animæ iustitiae fulgentes. in euangelio: Et parauerunt lampadas suas. Item claritas miraculorum, uel uerba prædicatorum, quæ stulti contemnunt, ut lob. Lampas contempta apud cogitationes stulti.
- Matth.* 25 *Iob.* 12 Tenebræ delectationes uel doctrinæ prauæ, ut in psalmo: In tenebris ambulans. Item occulta iudicia Dei, ut in psalmo, Posuit tenebras latibulum suum.
- Psal.* 81 *Isa.* 45 Item castigatio uel aduersitas, ut Isaias: Ego dominus formans lucem & creans tenebras. Lucerna, ecclesia, uel anima. in euangelio. Sint lumbi uestri accendi, & lucernæ ardentes. Aliquoties lucernæ, opera bona: Sic luceat lumen uestrum, ut uideant opera uestra bona. Modius, corpus humanum, uel legis littera, uel populus iudeorum. in euangelio: Nemo accendit lucernam, & ponit eam sub modio. Item iustum iudicium uel mentis libratio in Dei & proximi qua libratione. Vnde Moyses: Iustus sit tibi modius. Candelabrum, ecclesia, uel corpus domini, aut sancta scriptura. in propheta: Et uidi a dextris altaris candelabra tuorum ardentia. Mensa, altare, uel refectio spiritalis. in psalmo: Parasti in conspectu meo mensam. Clauis, adaperitio scientiæ spiritalis. in Luca: Væ uobis legis peritis, quia tollitis clauem scientiæ: ipsi non introistis, & eos qui introibant, prohibuistis. Item clauis, iustitiæ, misericordiæ, pietatisque uirtutes. in euangelio: Tibi dabo clauem regni celorum. Clauis, timor Dei, ut in psalmo: Confige timore tuo carnes meas. Item clauis, scientiæ fortis doctores, ut Salomon: Verba sapientum ut stimuli & clauis in altum defixi. Seræ, repagula aduersus impios diuinorum præceptorum. in psalmo: Quoniam confortauit seras portarum tuarum. Ascia uel dolabrum, prauorum persecutio. in psalmo: In bipenne & ascia deiecerunt eam. Bipennis, geminata afflictio, in psalmo: ut supra. Framea, anima iusti. ut, Abundant ergo iusti, & effundetur framea. Item mors, ut in psalmo: Erue a framea Deus animam meam. Gladius, uerbum Dei. apostolus enim, Gladius spiritus, quod est uerbum Dei. Item lingua falsi testis, ut in psalmo: Dentes eorum arma & sagittæ, & lingua eorum gladius acutus. Nauis, ecclesia. in euang. Nauicula multis in medio mari iactabatur fluctibus. Solet & homo nauicula dici, ut nauis cogitationes hominum gubernantes aduertantur. Retia, prædicatio. in euang. Et mitte retia in captiuam. Trabes, peccatum grauius. in euangelio: Eiece primam trabem de oculo tuo. Festuca, peccatum leuius. in euangelio: Et tunc uidebis eicere festucam de oculo fratris tui. Laqueus, dolus. in psalmo: Laqueum parauerunt pedibus meis. Funes, fors, uel hereditas. in psalmo: Funes ceciderunt mihi præclaris. Item funes, peccata: Væ qui trahitis peccata uelut funem longum. Et iterum: Funes peccatorum circumplexi sunt me.
- Psal.* 76 Rota, orbis, aut uita humana. in psalmo: Vox tonitru tui in rota. Item: Deus meus pone illos ut rotam. idest, uolubiles, uel instabiles effice in malitia sua. Item utrumque testamentum, ut est apud Ezechielem. Spongia, caua infidelitas iudeorum. in euang. Illi autem spongiam plenam aceto, hyssopo circumponentes obtulerunt ori eius. Scala, sanctorum profectus. in Genesi: Viditque in somnis scalam stantem super terram, & cacumen illius tangens celos, angelos quoque Dei ascendentes & descendentes super eam. Scopæ, cura superstitionis per uanam gloriam. in euangelio: Et ueniens inuenit uacantem scopis mundatam & ornatam. Stupæ, coetus malignantium per uida & peccata: ut propheta: Stupæ collectæ synagoga peccantium. Margarita, doctrina euangelica, uel spes regni celorum. in euangelio: Inuenta autem una pretiosa margarita, abiit, & uendidit omnia quæ habuit, & emit eam. Anulus, signaculum fidei. in euang. Et date anulum in manum eius. Item de hoc in psal. Signatum est super nos lumen uultus

- uultus tui domine. Chlamys, laudis ornatus. in Salom. Clamydes fecit uiro suo. idest, uestimentum, quod de duobus coloribus, tamquam de duobus testamen-
 tis confectum sit. Aurum, interior scripturarum intellectus. in psalmo: Et pos-
 teriora dorsi eius in specie auri. Item Christi diuinitas: ut in Canticis sponso di-
 citur, Caput eius aurum optimum. Item splendor supernæ ciuitatis Hierusalem.
 quam Ioannes se uidisse testatur: Ipsa uero ciuitas, aurum mundum. Item sapien-
 tia. ut Salomon: Thesaurus desiderabilis requiescit in ore sapientis. Item splen-
 dor sanctitatis, quem subito commutatum Hieremias deplorat? Quo modo ob-
 scuratum est aurum, mutatus est color optimus. Argentum, eloquia diuina,
 siue intellectus litteræ, uel historiz. in psalmo: Eloquia domini, eloquia casta,
 argentum igne examinatum. Item in malam partem: Aurum & argentum eorum
 eruginauit. Scoria, spuma, uel rubigo, quam in fornace deponit argentum. ta-
 les erunt peccatores, cum eos gehennæ caminus acceperit. Lapides pretiosi,
 apostoli, uel sancti, siue opera ipsa uirtutum. in Apocalypsi: Fundamenta muri
 ciuitatis omnia lapide pretioso ornata. Aes, uanitas, uel inanitas fidei. in apo-
 stolo: Factus sum uelut æs fonans. Item in aliam partem: Posuisti ut arcu æreum
 brachia mea. Hic æreum, fortem, uel firmum. Ferrum, tribulatio, uel homo
 ipse. in psalmo: Ferrum pertransit animam eius. Plumbum, pondera peccato-
 rum. in propheta: Et uidi iniquitatem super talentum plumbi. Fictile, fragili-
 tas carnis. in apost. Habemus thesaurum hunc in uasis fictilibus.

*De uariis uerborum significationibus, quæ per infiniti-
 num dicuntur.*

I X

EDIFICARE, bona opera facere, uel bene docere. in apost. Si quis

- A** autem ædificat supra fundamentum hoc, aurum, argentum, lapides pre-
 tiosos. idest, opera diuersarum uirtutum. Destruere, mala opera exer-
 cere, uel male docere. in Salom. Vnus ædificans, & unus destruens. Mundare,
 uitis expurgare. in euang. Tetigit eum Iesus, dicens, Volo, mundare: & confe-
 ssim mundata est lepra eius. Stare, fide consistere. in apost. State in fide. Am-
 bulare, ad Deum tendere. in psal. Et ambulabam in latitudine. Sedere, in Deo
 humiliter quiescere. in euang. Vos autem sedete in ciuitate. Iacere, aut uitis,
 aut tentationibus succumbere. in euang. Et inuenit eam iacentem in lecto. Cur-
 rere, in operibus bonis properare. in apost. Sic currite ut comprehendatis. Vi-
 gilare, custodiam cordis adhibere, uel in Deum resurgere. in psal. A uigilia ma-
 rutina usque ad noctem. Et apostolus, Euigilate iuste & nolite peccare. Item ali-
 bi: Vigilate, state in fide, uiriliter agite. Dormire, post transitum apud Deum
 requiescere. in psal. Numquid qui dormit, non adiiciet ut resurgat? Et aliter:
 dormire, peccatorum sopore torpescere. in apost. Surge qui dormis. Erubescere,
 in malo optimum, in bono pessimum: unde dicitur, Est confusio adducens pec-
 catum, & est confusio adducens gloriâ. Ascensus, profectus in Deum. in psal.
 Ascensus in corde eius. Descensus, defectus a Deo. in euan. Homo quidam de-
 scendebat ab Hierusalem in Hiericho. Via, Christus. in euan. Ego sum uia, ue-
 ritas, & uita. Et aliter: uia, uita hominis. in psal. Vias meas enunciaui, & exaudi-
 sti me. Et Salomon, Comedent fructum uiarum suarum. Spatiofa, uitorum
 illecebris dilatata. in euangelio: Lata porta & spatiosa uia, quæ ducit ad perditio-
 nem. Arta, districta, uel tribulationibus pressa, quæ ducit ad uitam. in euan-
 gelio, Quam angusta porta, & arta uia quæ ducit ad uitam. Directa, præcep-
 tis Dei ordinata. in Isaia: Rectas facite semitas eius. Præua, a Dei præceptis
 deuia.

- 340
Iſa. 40 deuia. in Iſaia: Et erunt praua in directa, & aspera in uias planas. Plana, obedientia præceptorum exæquata. in Iſaia, ut supra. Aspera, inobedientiæ asperitatis horrida: ut supra. A dextris, a parte iustitiæ. in euang. Statuet quidem oues a dextris, hœdos autem a sinistris. A sinistris, a parte iniustitiæ. in euang. ut supra. Fouea, dolus, uel lapsus in mortem. in psal. Foderunt ante faciem meam foueam. Puteus, diabolus, uel infernum. in psalmo. Neque urgeat super me puteus os suum. Et in bonam partem: in Genesi. Ad puteum iuramenti. idest, ad aquam fidei. Item, initium fidei: ut in Canticis, Fons horrorum, fons aquarum uiuentium. Fons, Christus: ut in psalmo, Sitiuit anima mea ad dominum fontem uiuum. Item, dona Dei: ut in psalmo, Et apparuerunt fontes a-
Psalm. 41 17 quarum. Item in malam partem, peruerforum dogmatum doctores, & iniqua agentes: ut Petrus, Hi sunt fontes sine aqua. Torrens, tentationum uis mentem impellens: ut in psalmo, Torrentem pertransiuit anima nostra. Item frigus peccatorum, a quo Dauid liberari desiderans ait, Conuerte domine captiuitatem nostram, sicut torrens in austro. Sanitas, mentis integritas. in psal. Clamaui ad te, & sanasti me. Languor, uitiorum morbus. in psal. Qui sanat omnes languores tuos, Et in euangelio, Ipse languores nostros tulit. Lepra, peccatorum contamination. in euangelio, Et confectum mundata est lepra eius.

De Hierusalem, uel aduersus eius.

X

20

IERUSALEM, ecclesia uel anima. in psalmo: Lauda Hierusalem.

- H Et notandum, quod quæcumque in ecclesia generaliter conueniunt, hæc & ad animam referri possunt. Sion, idem quod supra. in psalmo: Laudam Deum tuum Sion. Filii Sion, filii ecclesiæ. in psalmo: Et filii Sion exultauerunt super regem suum. Filiz Hierusalem, idem ut supra: idest, animæ cælesti uirtz deditæ. Alias filiz sunt infernæ animæ: ut in libro Sapientiz, Filiz tibi sunt, serua corpus illarum. Tabernaculum, corpus domini, uel ecclesia. in psalmo:
Psalm. 147 49 In sole posuit tabernaculum suum. Item cælestis patria: ut in psalmo, Ingrediar in locum tabernaculi. Arca, caro dominica, uel corda sanctorum Deo plena. in
 131 psalmo: Tu & arca sanctificationis tuæ. Item arca, ecclesia, intra quam saluanda
Gen. 7 clauduntur. in Genesi: Remansit autem solus Noe, & qui cum eo erant in arca. Tabulæ lapideæ duæ, ut puto, propter testamenta duo: uel propter duo præcepta dilectionis, Dei, & proximi. in exodo: Et dixit dominus ad Moysen, Excide tibi duas tabulas. Lex, præcepta diuina. in psal. Lex domini immaculata. Chi-
Exod. 34 rographum, conscriptio hominis peccatoris cum diabolo per manum iniquitatis. in apost. Chirographum peccati, quod erat contrarium nobis. Pactum, confederatio gratiæ diuinæ cum homine. in psalmo: Vidi non seruantes pactum. Testamentum, confirmatio uoluntatis diuinæ. In propheta: Et confirmabo testamentum meum super domum Iuda. Stylus ferreus, fortis sententia diuini uerbi.
Col. 3 Præputium, uita gentilis. in apost. In præputio aliquis uocatus est, non circumcitur. idest, etiam qui ex gentibus ad fidem Christi ueniunt, corpore non circumciscuntur. Circūcisio, expoliatio uitiorum. in apost. Circumcisi estis circumcisione non manu facta, in expoliatione corporis carnis. Cornu, fortitudo, uel regnū. in Regnorum: Et exaltauit cornu Christi sui. Purpura, martyrii species per cruorem. in Exodo: Omnis qui percipit corde, afferet initia domino, aurum, argentum, aramentum, hyacinthum, purpuram, coccum netum, & byssum.
Psalm. 44 Fimbriz, uerba fidei diligenter retinenda: ut in psal. Omnis gloria eius filiz regis ab intus in fimbria. Coccus, idem quod supra, uel caritatis ardor, uel crucis mentio.

- mento. in Exodo, sicut supra. Byssus, castitatis, uel continentie candor. in Exodo, ut supra. Hyacinthus, confessorum liuores. in Exodo, ut supra. Superhumale, opus ab humeris significatio. in Exodo: Et fecerunt superhumale de auro & hyacintho, & purpura, & cocconeto, & bysso torta. Rationale, doctrine, uel rationis a pectore declaratio. in Exodo; Et fecerunt rationale opere textili secundum opus superhumeralis. Poderis, doctrina secretior atque perfectior. in Exodo: Et fecerunt uestimentum poderem sub umbone opus textile totum hyacinthinum. Lamina aurea in fronte, crucis figuratio. in Exodo: Et fecerunt laminam auream, & inscripserunt in ea litteras deformatas signaculum sanctitatis domini: idest, nomen tetragrammaton domini. Templum, corpus domini, uel sancti. in apost. Vos enim estis templum Dei uiui. Et ipse ait: Soluite templum hoc. Altare, fidei altitudo, in psalmo: Tunc imponent super altare tuum uitulos. Sacrificium, oblatio iustitie. in psal. Sacrificate sacrificium iustitie. Item laus Dei: ut in psalmo, Sacrificium laudis honorificabit me. Holocaustum, totus fide accensus. in psal. Holocausta medullata offeram tibi. Hostia, Christus, uel anima dicata Deo. in apost. Oblationem & hostiam Deo. Myrrha, mortalitatis indicium. in psalmo: Myrrha & gutta & casia a uestimentis tuis. Thus, uirtus orationis: ut in psalmo, Dirigatur oratio mea sicut incensum in conspectu tuo. Vnguentum, diffusa nominis Christi gratia. in Salomone: Vnguentum diffusum nomen tuum. Sancta sanctorum, interiora quaque mysteria domini, uel regna celorum. in epistola ad Hebræos: Non enim in manu factis sanctis Iesus introiuit exemplaria uerorum, sed in ipsum celum; ut appareat nunc uobis. Sanctum, requies spiritalis. in Genesi: Et requieuit dominus ab omnibus operibus suis. Item Isaia: Si auerteris a sabbato pedem tuum. Item in malam partem: Viderunt eam hostes, & deriserunt sabbata eius: & cetera. Quadragesima, figura presentis uitæ ac laboris. in euangelio: Et cum ieiunasset quadragesima diebus & quadraginta noctibus, Pascha, prænuntiatio domini ci transitus. in euang. Ante diem autem festum paschæ sciens Iesus quia uenit eius hora, ut transeat ex hoc mundo ad patrem. Quinquagesima, manifestatio futuræ beatitudinis, uel remissionis. in Leuiti. Numerabitis ergo septem hebdomadas plenæ usque ad alteram diem, & infra. idest, quinquaginta dies. Iubilæus, uenturæ quietis significatio. in Leuiti. Annus remissionis signum sanctum erit uobis. Ciuitas Dei, ecclesia, uel anima. in psalmo: In ciuitate Dei nostri. Ciues, fideles. in apost. Sed estis ciues sanctorum & domestici Dei. Muri, munimenta scripturæ diuinæ, uel prophetæ, aut sancti. in psalmo: Aedificentur muri Hierusalem. Item in aliam partem: In Deo meo transgrediar murum. Turres, apostoli, uel perfecti quique. in psal. Et abundantia in turribus tuis. Portæ, scripturæ sanctæ, uel iustitiæ, uel apostoli, aut angeli. in psal. Et eleuamini portæ æternales. Item in aliam partem: Quia lata porta, & spatiosa uia quæ ducit ad mortem. 40 Placæ, latitudo dilatata sanctorum. in Apocalypsi: Et placæ ciuitatis aurum mundum, tamquam uitrum perlucidum. Fundamentum, Christus, uel fides. in apostolo: Fundamentum aliud nemo potest ponere, quam id quod positum est, Christus Iesus. Maceria, lex, uel angelorum custodia. in cantico Isaia: Et maceria circumdedi, & calamos affixi, & plantaui uineam. Domus, anima in qua Christus habitat, uel ecclesia. in psalmo: in domum domini ibimus. Cænaculum, altitudo meritum, uel scientiæ. in euang. Et ipse uobis ostendet cænaculum magnum. Ostium, adaperio fidei. in apost. Ostium enim mihi apertum est magnum & euidens. Ostiarius, Christus, qui dicit, Per me si quis introierit, saluabitur. Columna, firmamentum, uel stabilitas spiritalis. in apost.

- iacobus & Ioannes & Cephas, qui uidebantur columnæ esse. Paries, interdum
Cant. 2 structura bonorum operum. in Cantico cant. Ecce hic retro post parietē nostrum
 prospiciens per fenestras. Fenestræ, uisus & auditus, uel ceteri sensus: ut supra,
Hier. 9 Prospiciens per fenestras. Itē in malam partē: Mors introiuit per fenestras. Gra-
 dus, spiritalis ascensus. in psalmodum titulo: Canticum graduum. Ibunt sancti de
 uirtute in uirtutem. Pauimentum, humiliatio, uel afflictio animæ, siue in terrena
Psal. 118 declinatio. in psal. Adhæsit pauimento anima mea. Psalteriū, opera bona. in psal.
 Psalterium lucundum cum cythara. Cythara, pectus deuorum, in quo tamquā
 56 nerui sunt uirtutes, hoc est, spiritalia bona. in psal. Exurge psalterium cum cy-
 thara, id est, opera cum fide: uel de ipso domino, resurrectio carnis cum diuina
 uirtute. Decachordum, præcepta decem, uel geminati quinque sensus homi-
 91 nis exterioris cum interiore. in psalmo: In decachordo psalterio, cum cantico &
 cythara. Organum, homo, uel ille qui est assumptus a domino. in psalmo: Lau-
 150 date eum in chordis & organo. Tympanum, attenuatum corpus ieiunio. in
Ibidem psalmo, Laudate eum in tympano & choro. Chorus, concordia. in psalmo: ut
 supra. Tuba, uocis exaltatio in prædicatione diuina. in propheta: Exalta uo-
 150 bam uocem tuam. Cymbala, labia dominum consentientia, uel dilectio Dei &
Ibidem proximi. in psal. Laudate eum in cymbalis bene sonantibus. Iubilatio, clamor
 spiritali seruiore expressior. in psalmo, Laudate eum in cymbalis iubilationis.
 Aegyptus, mundus hic, uel gentiliū populus. in psalmo: Venient legati ex Ae-
 150 gypto. Aethiopia, ecclesia ex gentibus. in psalmo: Aethiopia præueniet ma-
Psal. 73 nus eius Deo. Item in aliam partem: in psalmo, Dediti eum escam populo Aethi-
A. oc. 36 opum. Babylon, aut mundus, aut Roma. in Apocalypsi: Et Babylon magna
 uenit in memoriam ante Deum dare ei calicem uini indignationis trax eius. In
 150 mici, diabolus uel uitia. in psalmo, Nō confundetur cum loquetur inimicis suis
Ioan. 10 in porta. Fures, hæretici, & pseudoprophete. in euangelio: Omnes quotquot
 uenerunt ante me, fures fuerunt & latrones. Gentes uitia. in pentateucho: Cū
 introduxerit te dominus Deus in terram quam possessurus ingredieris, & deleue-
Psal. 46 rit gentes multas coram te. Item in aliam partem: Omnes gentes plaudite mani-
 bus. Pugna, certamen aduersus nequitias spirituales, uel aduersus uitia consi-
 150 1. Cor. 9 ctus. in apostolo: Sic pugno non quasi aerem uerberans. Pax, carnis in bonum
 & spiritus concordia. in psal. Rogate quæ pacis sunt Hierusalem. item pax, Chri-
 150 2. Cor. 13 stus. in apostolo: Ipse enim est pax nostra. Victoria, de diabolo, uel de aduer-
 sis triumphus. in apostolo. Deo autem gratia, qui dedit nobis uictoriam per do-
 150 minum nostrum Iesum Christum. Brauium, consummatorum præmium meri-
Phil. 3 torum. in apostolo, Ad destinarum persequor, ad brauium supernæ uocationis
 Dei. Corona, æternæ gloriæ pro iustitia merces. in apostolo. De reliquo repo-
 150 1. Tim. 4 sita est mihi corona iustitiæ. Quoniam spiritualium profectuum consummatio pro-
 uehit ad coronam, recte horum quoque spiritalem nominum interpretationem
 150 corona consummat. Quæ ramen nomina uniuersa complecti arduum duximus, ut
 150 sicut etiam illud, ut depromerentur cuncta, quæ se in utramque partem gemina
 150 significatione diffundunt.

De numeris

XI

ANE tandem his nominibus absolutis, numeros quoque breuiter dige-
 ramus, quos mystica exemplorum ratio inter sacratos celebriores fecit.

I. Hic numerus ad unitatem deiatis refertur: in pentateucho, Audi Israel;

Eph. 4 dominus Deus tuus unus est. Et apostolus, Unus Deus, una fides, unum baptis-
 ma. Et arca Noe, quæ sancta ecclesia designatur, in uno cubito consummatur;
 quia

- quæ in unius Dei contemplatione requies æterna perficitur. II. Ad duo testamentum diuinæ legis referuntur: in Regnorum, Et fecit in Dabir duo Cherubin de eem cubitorum magnitudine. Duo præcepta caritatis, amoris uidelicet Dei, & proximi. Duo in agro, duo in molendino, duo in lecto leguntur in sancto euangelio. III. Ad trinitatem: in Ioannis epistola, Tres sunt qui testimonium dant in celo, pater, uerbum, & spiritus sanctus: & tres sunt, qui testimonium dant in terra, spiritus, aqua, & sanguis. Et in Gen. Tres propagines. IIIL. Ad quattuor euangelia: in Ezechiele, Et ex medio eorum, similitudo quattuor animalium. Ezech. I. Sicut & quattuor flumina paradisi. Nomen tetragrammaton quattuor litteris Hebraicis scribitur. Quattuor cornibus sancta crux insignitur: ut Abacuc, Cor. 3. V. Ad quinque libros Moyſi, ad quinque porticus, ad quinque panes, ad quinque plagas in corpore dominico. apostolus: In ecclesia uolo quinque uerba sensu meo loqui. VI. Ad diem sextum, quo dominus hominem cum uniuersis terræ animalibus fecit. in Genesi: Faciamus hominem ad imaginem & similitudinem nostram. Item paulopost: Et factum est uespere, & factum est mane dies sextus. Senario numero perfectio comprehenditur: propterea Deus sex diebus mundum perfecisse describitur, & ipsis quinque unus adiicitur, ut lex per euangelium impleatur. Sex sunt ætates sæculi: quinque transierunt, sexta a Ioanne Baptista & inhumanato Christo decurrit ad finem sæculi: unde & sexta die fecit Deus hominem ad imaginem suam, quia sexta ista ætate manifestatur per euangelium reformatio mentis nostræ, secundum imaginem eius qui creauit nos. Sex has ætates illæ sex hydriz significant, quas dominus impleri iussit aqua: & in iis aqua conuersa est in uinum, ut iam manifestatur Christum in lege & prophetis intelligamus. Illa ergo tempora sex, quasi per articulos distributa, atque distincta, quasi uasa essent inania, nisi a Christo impleterentur. Tempora utique inaniter præterirent, nisi in eis dominus Iesus Christus prædicaretur. impletæ sunt igitur hydriz, idest, adimpletæ sunt prophetiæ. VII. Ad diem septimum, in quo perfectis omnibus dominus requieuit. in Gen. Et requieuit Deus die septimo ab omni opere quod patrarat. Gen. 2. Numerus is humanæ rationis causa summam perfectionem significat: quia ex primo pari & ex prima impari constat: ex primo siquidem qui diuidi potest, & ex primo qui diuidi non potest. Hinc iubilæus, qui perfectæ requies exprimitur, septem hebdomadis constat. Hinc septem spiritus, qui sunt ante thronum Dei. Et sepeformem gratiam spiritus sancti significauerunt septem panes, quibus Christus quattuor hominum milia satiauit. VIII. Ad diem dominicum resurrectionis, idest, octauum. in titulo psalmi, in finem pro octaua. IX. Ad sacramentum horæ, nonæ, quæ dominus spiritum emisit. in euangelio: Et circa horam nonam clamauit Iesus uoce magna. Sunt & nouem nomina pretiosorum lapidum, & nouem sunt ordines angelorum. X. Ad decalogum, idest, decem uerba quæ in tabulis duabus scripta sunt. in psalmo. Decachordo psallam tibi. XI. Ad apostolos. in euang. Vndecim autem discipuli abierunt in Galilæam. Vndenarius etiam numerus, quando denarium monade excedit, pro transgressionem & reprehensione ponitur: unde & Petrus apostolus non passus est numerum apostolorum in uнденario consistere, sed elegit Mathiam duodecimum in ordine. Hinc undecim saga cilicina in ueteri lege fieri præcipiuntur, quæ significant penitentium actus pro commissis peccatis. Ad undecimam tandem horam gentiles & ætas decrepita uocatur. XII. in euangelio, Duodecim autem nomina sunt hæc. Hoc numero significatur uniuersa iudicantium multitudo, propter duas septenariis, quæ plerumque significatur uniuersitas: quæ duæ partes, idest, tria, & quattuor, altera

- altera per alteram partem multiplicatæ, duodecim faciunt. XIII. Ad sacramentum dominicæ generationis. in euange. ab Abraham usque ad David, generationes sunt quattuordecim. XV. Ad quindecim gradus templi, quos fecit Salomon: ad quorum numerum, quindecim psalmi, qui inscribuntur Canticum graduum, compositi sunt: idest, a psalmo, Ad dominum cum tribularer: usque ad, Laudate nomen domini. XVI. Ad numerum prophetarum. XVII. Ad sacramentum diuinorum uoluminum, secundum litteras Hebræorum. XVIII.
- Apoc. 4* Ad mysterium numeri seniorum. in Apoc. Et super thronos uiginti & quatuor seniores. Et uiginti quattuor sortibus in ministerio templi distributi fuerunt sacerdotibus a rege David. XXX. Ad fructus fidelium coniugiorum. in euangelio: Et dabunt fructum aliud centesimum, aliud sexagesimum, aliud trigessimum: quod ad coniuges, sexagesimum ad uiduas, centesimum ad uirgines pertinet. XXXIII. Ad mysterium ætatis, qua dominus in carne uersatus est, in apostolo, sicut quibusdam ex hoc uidetur, Donec occuramus in unitate fidei, & agnitionis filii Dei, in uirum perfectum, in mensuram ætatis plenitudinis Christi. XL. Ad quadagesimæ sacramentum: in euangelio, Et agebatur a spiritu in deserto diebus quadraginta. Et uirtus decalogi, per quattuor libros euangelii impletur, decalogi autem mandata perficimus, si quattuor sancti euangelii libros perfecte custodimus: sic per continentiam, uigilias, & orationes, & cetera quæ apostolus commemorat, arma iustitiæ ad immortalis uitæ præmia peruenimus. XLI. Ad numerum in heremo mansionum, uel ad numerum generationum, quæ ab Abraham sunt usque ad dominum Iesum Christum. XLVI. Quadraginta & sex annis ædificatum est templum, a transmigratione redeuntibus Iudæis: secunda ædificatione post Salomonem. Hic annorum numerus perfectioni dominici corporis aptissime conuenit. L. Ad pentecostem in Actibus apostolorum, Et cum complerentur dies pentecostes. LX. Ad fructum uiduis, siue continentibus debitum: in euangelio, Et dabunt fructum, aliud, sexagesimum. LXXII. Ad numerum presbyterorum Moysi, uel discipulorum quos dominus elegit in euangelio: Posthæc autem designauit dominus & alios septuagintaduos, & misit illos binos. C. Ad martyrum fructum, siue uirginum: in euangelio, Dabunt fructum, aliud centesimum. Numerus ille absolutam perfectionem significat: sicut de electis dicitur: Qui reliquerit domum, aut fratres, aut sorores: & cetera quæ sequuntur: centuplum accipiet, & uitam æternam possidebit. Centum etiam quantitatem temporis indicant: ut Isaias, Centum annorum puer motietur: & cetera. Est in euangelio centesima ouis, quam Christus sacris suis humeris imponens ad cælestem patriam detulit. M. Mille-narius numerus pro perfectione omnium numerorum ponitur, & pro perfecta bonorum omnium actione. Sic Petrus in epistola: Vnum uero hoc non lateat uos carissimi, quia unus dies apud Deum, sicut mille anni. nam in cognitione Dei, præterita, præsentia, & futura, sunt æqualiter præsentia: & quæ longa, siue breuia nobis uidentur temporum curricula, æqualis spatii sunt apud Deum. Hos igitur certos sacrosque numeros exempli tantum causa protulimus. Sunt uero præter eos plurimi, uel pene omnes sacriati, qui quo modo fiant, ipse diuinæ lectionis scrutator inuenies.

D. EVCHERII,
EPISCOPI LVGDVNENSIS.
IN PRIMVM LIBRVM

Instructionum, Præfatio ad Salonium.



- 10 **S**AEPE a me requiris multarum rerum absolutio-
nem, quæ in diuinis uoluminibus interpretem pos-
tulant, colligam, prout redierint in memoriam,
quæ a te, mi Saloni, studio cognoscendi sedulo, co-
pioseque prolata sunt: atque eis non ex meo ingenio,
sed ex illustrium doctorum iudicio, neque ex
propria temeritate, sed ex aliorum auctoritate respo-
deam, consecretans non tam eloquii exultantis am-
bitum, quam necessariz breuitatis modum. sic enim
& innumeris satisfieri inquisitionibus tuis poterit,
& mihi insuper liberum erit aliqua extrinsecus quæ
cognitioni tuæ utilia arbitror, inserere: ut est illud, Quid significet Alleluia,
30 Diapsalma, Amen: quid sit Cideris, Ephod, Siclus, & cetera: quæ uel in sacris
libris frequentata, uel maxime in ecclesie usu posita, interpretationem requirunt.
Hæc cum se legentibus per totum scripturarum corpus crebro offerant, non ab re
existimaui ea tibi cum significationibus suis in opere hoc, quasi coarctata ostend-
dere. Dignum namque est quacumque cura mea ingenium tuum reparari, qui
uix dum decem natus annos heremum ingressus, inter illas sanctorum manus non
solum imbutus, uerumetiam enutritus sis ab Honorato patre, illo inquam pri-
mum insularum, postea etiam ecclesiarum magistro. cum te illic beatissimi Hi-
larii tunc insulani tyrionis, sed iam nunc summi Pontificis doctrina formaret, per
omnes spiritualium rerum disciplinas, ad hoc etiam te postea consummantibus san-
ctis uiris, Saluiano, atque Vincentio, eloquentia pariter sapientiaque præminen-
30 tibus. His igitur tot ac talibus usus magistris, ex me quoque minimo omnium
audies, quæ sciscitatus es. in quibus iam nunc & interrogantem te, & me respon-
dentem recognosce. Vale in Christo.

DE QVAESTIONIBVS DIFFICILIORIBVS
Veteris, & Noui Testamenti.

IN GENESI INTERROGATIO

- 49 **Q**VIBVS scripturarum testimoniis, trinitas approbatur? **RESPON-**
SIO, Multitariam, & multis id quidem significationibus per omnia
fere sacra uolumina declaratum manifestatumque diffunditur: sed nos bre-
uiter hoc in ipso statim diuinarum scripturarum demonstremus exordio. In
principio, inquit, fecit Deus cælum & terram. Et infra: Et spiritus Dei ferebatur
super aquas. In principio: hoc est, in filio: quia per filium fecit Deus pater, cælum,
& terram. Cui & illud a patre dicitur, Faciamus hominem ad imaginem, & simi-
litudinem nostram. omnia enim per filium operatus est: quia omnia per ipsum
facta sunt, & sine ipso factum est nihil. Ferebatur autem super aquas spiritus Dei:
utique sanctus. Ecce habes & Deum patrem, & filium, & spiritum sanctum. Item
aliud

Gen. 1

Trinitas.

Psal. 32 aliud: Verbo domini cæli firmati sunt; & spiritu oris eius omnis uirtus eorum.
Math. ult. Ecce Deum, & uerbum quod est filius, & spiritum eius sanctum. Item in euan-

geliis: Ite, baptizate omnes gentes in nomine patris, & filii, & spiritus sancti. Sed pater ingenitus, filius genitus, spiritus sanctus nec genitus nec ingenitus. Ne si ingenitum dixerimus, duos patres dicere uideamur: & si genitum, duos filios: sed potius qui ex patre & filio procedat, uelut quædam patris filiiq. concordia. Neque apud nos potest sine spiritu sancto iusta esse concordia. Idem spiritus & caritas, & donum Dei dicitur. Idem & diuisor est gratiarum. Ergo pater, ex quo omnia, filius per quem omnia, spiritus sanctus in quo omnia: sicut & apostolus di-

Rom. 11 cit, Quoniam ex ipso & per ipsum & in ipso sunt omnia, ipsi gloria in sæcula seculorum. INTER. Spiritus Dei, quo modo ferebatur super aquas? RESP.

Non per uagatione, sed potestate, dum creaturæ suæ supereminet, regentis imperio. INT. Aquas ubi legimus a Deo factas? R. Et si factas eas in exordio creaturarum non euidenter, diuinæ lectionis textus expressit, a Deo tamen factæ sunt. nam & aliquanta alia, quæ non scribuntur, quo modo de ceteris intelligantur, ostenditur. Sicut & apostoli baptizati intelligendi sunt, cum baptizatos eos non penitus manifestet apertior scripturarum significancia. Licet quidam hoc intelligi

Iocn. 13 illo uolunt testimonio, quod saluator dicit, Qui lotus est, non indiget ut lauet. Et tamen de aquis a Deo factis, illud nos aliquatenus instruere testimonium potest quod dicitur, Separentur aquæ in congregationem unam, & appareat arida: quia scilicet non præciperet, ut aquæ a terra quam fecerat, secernerentur: nisi & aquas ipse fecisset. nec enim consequentes in creaturarum ordine postea distingui iuberet, quod ipse antea non creasset. Et hoc quidem ob id colligimus, quia creationis eius manifeste Genesim non intulit mentionem. Manifestus autem creaturæ huius Deum designat auctorem psalmus ille, qui dicit: Quoniam ipsius est mare, & ipse fecit illud. INT. Quid est quod dicitur: Et uidit Deus quia bona sunt ualde? R. Vidit, hoc est, approbavit, id est, non ignoratione, sed manifestatione. INT. Quæ consequentia nominis est ut scribatur: Hæc uocabitur mulier, quoniam ex uiro sumpta est? R. Etymologia quæ hic in Latino non sonat, in Hebræo sermone seruat. uir enim uocatur *איש*, & mulier *אשה*. Quod animadu-

Psal. 94 uertitur pulcherrime recens custodisse translatione diuina, dicens: Hæc uocabitur uirago, quia ex uiro sumpta est. INT. In quo Dei similitudinem tetinemus? R. In mente. INT. Paradisus ubi esse definitur? R. Diuersa super hac re sententia plurimorum est. Aliqui tamen hic in terra esse definiunt, ut non potuerit nisi in terra habitare terrenus: quem tamen homini inaccessibilem effici diuinæ uirtute confirmant. INT. Heden in Genesi quid accipiemus? R. Sacratissimum ipsum ad orientem paradisi locum. INT. Quid intelligendum est de arbore illa scientiæ, boni, & mali? R. In primis ne, ut quidam hæretici interpretantur, malorum, ita ut bonorum putetur ex hoc conditor Deus. in arbore quippe illa quæcumque erat, præceptum Dei intelligendum est: sed in custodia præcepti scientia erat boni, in transgressionem præcepti scientia erat mali. Ergo degustata arbore, id est præcepti lege uiolata, scientia erat mali: quia præcepti legisq. transgressum consequebatur & poena. INTER. Si Deus hominem immortalem fecerit, quemadmodum potuit mori? RESP. Non quod penitus immortalis homo factus a Deo fuerit, sed aut seruando mandatum cresceret ad æternum, aut præuicando caderent in infernum. Et ne propria lege uiuentes similes Deo putarentur, aut nullis extrantibus meritis sempiternum paradysum possiderent, tamdiu enim uel angelus uel homo diuino fauore protegitur, donec iniunctum sibi officium impleuerit. INT. Quomodo accipiendum est illud

illud, quod nobis scriptura deambulanti in paradiso Deum retulit? R. Deum eodem loco præsencia hac deambulandi appellatione manifestatur. Scripturæ enim mos est, quo facilius hominibus ad intelligentiam clareat, per humanas significationes diuinos motus, affectusque ostendere. Sicut cum Dei brachium dicitur, potentiam eius uirtutemque significat: cum aures, eo quod cuncta indubitanter audiat: cum oculos, eo quod indiscrete uniuersa prospiciat: cum animam, eo quod perpetuum semperque uiuat, aut quod auctore ipso omnia uiuificentur.

INT. Cum omnia bona Deus fecerit, nihilque non ab illo factum sit, unde malum?

R. De priuatione boni: dum id quod in bonum auctor bonus protulit, in malum

10 a male utentibus deprauatur, in ipsa autem creaturæ substantia nihil est quod recte appellari malum possit. Porro ea quæ putantur mala, id est serpentum & cetera bestiarum animantia, per inconuenientem naturæ modum efficiuntur, ut noxia sint. Venenum quippe quod mortem infert homini, uita serpentis est. si enim homo perpetuo immortalis mansisset, ueneni perniciem incurere non timeret. Hoc modo & alia in aquis uiuunt, quæ terræ exposita moriuntur. Atque contrario, ui-

uuit alia in terra, quæ aquis immerfa depereunt. INT. Quia totius substantia creaturæ a Deo auctore processit, requiro quid de tenebris sentiendum sit? R.

Quidam ex hoc ita disputant: Silentium dicitur ubi sonus nullus est, cum tamen nullam silentii nouerimus esse substantiam. Sic & quia lucis præsencia nullæ sunt

20 tenebræ, merito tenebræ deputantur lucis absentia. Cui opinioni parum congrue reputant alii testimonium illud quod scribitur: Tuus est dies, & tua est nox.

INT. Cum nulla esse ignorantia apud Deum possit, quo modo ipse in libro Gen. nescios in exordiis dicit dominus: Adam ubi es? R. Hoc est dicere: Adam quo

recidisti: Non ergo uox ista quasi pro ambigui sciscitatione querentis est, sed cum increpatione interrogantis est. Et aliter: sermo hic, non Deum ueri inscium, uel

ubi esset Adam, Deum ostendit ignarum: sed illud potius ostendit, quod omnis ille qui peccat, uelut iam erroribus suis deuius, & per delictum recedens a conspectu Dei, notitia eius efficiatur indignus. Et aliter: interrogat, ut suis quisque

responsionibus conuincatur: quia licet non ignoret quod sibi uult indicari, uult

30 tamen delinquentem etiam responsionis testimonio reum statui. dum enim interrogat, iudicat. INT. Quid est quod ait: Maledicta terra in operibus suis? R. Hic opera non tam excolendi, atque exercendi agri quam peccata intelligenda esse, quidam arbitrantur. INT. Quo modo intelligendum est quod dicit: Et habi-

tauit in terra Naid: uel sicut in Hebræo habet, Nod? R. Naid instabilis dicitur, ergo terræ nomen est: sed iuxta poenam sententiamque diuinam, Cain fuisse uagum

profugumque declarat. INT. Dum superius uirum & mulierem nominibus suis utrumque designasset, quid est quod in consequentibus adiecit, & dicit: Virum & mulierem fecit eos, & benedixit eis, & uocauit nomen eorum Adam? R. Adam in-

terpretatur homo: hominis uero nomine manifestum est tam uirum appellari posse, quam feminam. INT. Quid est quod in annis Mathusalem quatuordec-

40 im annis per diligentem supputationem ultra diluuium deprehenduntur, cum octo tantum animæ in arca fuisse referantur? R. Error in numero est, quippe cum in Hebræorum libris ita legatur, ut intra diluuii tempus hic quatuordecim annorum numerus expleatur. INT. Cum dominus dicat: Erunt dies eorum centum uiginti anni, quo modo postea Abraham, aliorumque multorum uitæ tempora ultra hæc spatia tenduntur? R. Quia ibi hic annorum numerus agendæ potius penitentia,

quam uitæ fuerat attributus humanæ: intra quem præscriptum numerum confessioni uacarent, ut diluuium non petirent. Aut si numerum illum ad humanam potius referri uitam placet: quia neque nunc amplius quemquam, quam centum ui-

ginti annos uiuere liceat: illud quod dictum est: Erunt dies eorum centum uiginti anni: non in eos qui tunc contiguo tempore subsecuti sunt, sed in posteros promulgauit: quia non dixit: Sunt: sed, Erunt. INT. Quid est quod ait: Dilatet Deus Iapheth, & habitet in tabernaculis Sem? R. De Iapheth, qui in lingua nostra Latitudinem sonat, gentium nascitur multitudo, de Sem Hebraei. Hoc ergo significatum est, Dei scripturarumq. notitiam, eiccto Israele, a nostris uindicandam. Notandum uero est, tres Noe filios, tres post diluuium terræ partes occupasse: Sem namq. posteritas in Asiam uel orientem, Cham in Africam uel meridiem, Iapheth cum parte Asiæ in Europam occidentemq. perrexerunt. INT. Quid est quod dicitur in Genesi: De terra exiit illa Assur, & ædificauit Niniuen & Rooboth ciuitatem? R. Non duas significat ciuitates. Rooboth namque plateas dicit. Est ergo sensus hic: Aedificauit Niniuen, & plateas ciuitatis. INT. Quo modo occurrendum est arguentibus, quod Abraham fratris sui Saram filiam sibi in matrimonium sumpserit? R. Quod quæ a domino tunc non fuerant lege interdicta, adhuc non putabantur illicita. INT. Quid fuit ut Iudæis, quod ne que nos absque uercundia sciscitamus, signum in illa uercundiore corporis parte poneretur? R. Poscebat quidem, mi Saloni, tantarum profunditas quæstionum ordinata ac spatiosa disputatione nos propositis satisfacere, & pro meritis reddere singulis uelut quandam immorandi dignitatem: sed quid agimus? quibus festinata opus est, ad tam multa properantibus: exhibenda plateatis a te rebus est nuda & circumcisa responsio. Itaque ad hoc quod nunc requiris agnosce, quod nihil turpe in ipsa creatione conditi hominis uideri potest: quippe cum omni compage membrorum, totumq. hominem Deus finxerit. Deinde nec incongruum fuerit, ut generatio illa signum in parte meembri genitalis acceperit, per quod generationis ipsius promebantur exordia. Ceterum secundum interiorē intelligentiæ sensum, per hanc circumcissionem secretioris partis corporis illud præfiguratum est, quod secretior circumcisio, idest cordis, oporteret adhiberi. INT. Scribitur in Genesi: Tentauit Deus Abraham, quasi ignorabat dominus, an fidelis Abraham foret, nisi manifestandæ rei probatione tentasset. R. Non quia fidem eius Deus ignoraret, tentauit Abraham ueri exploratione, sed iccirco tentatus est, ut tentatus iustificaretur: & aliis imitandus proponeretur. INT. Quo modo Iacob dicit: Vidi dominum facie ad faciem, & salua facta est anima mea. cum in euangelio legatur: Deum nemo uidit unquam? Aut quo modo Moyses cum Deo facie ad faciem tamquam cum amico locutus scribitur. & rursus idem dicit ad dominum, Ostende mihi gloriam tuam? R. Quia Iacob, uel Moyses non in ipsa maiestatis suæ gloria Deum uiderant, sed per subiectam diuino potestati speciem uisibilis creaturæ quæ humanis poterat apparere conspectibus. in ea autem substantia maiestatis in qua est, quo modo Deus a mortali adhuc homine uideretur, cum ipse ad Moysen dicit: Non poteris uidere faciem meam: non enim uidebit me homo, & uiuet. Hac ergo ratione utrumque testimonium uerum est. INT. Quid est quod ait: Ipse est Ana qui inuenit lamin in deserto, cum pasceret asinos Sebeon patris sui? R. lamin Latine Maria interpretatur, idest aquarum congregatio: eo quod stagnum rem in heremo haud dubie difficile ipse repererit. Indicat lamin & asinos qui de onagris eius institutione nascuntur: Sunt qui æstimant, quod per mixturem diuersorum inter se animalium ipse primus, ut muli, uel mulæ nascerentur, inuenit. INT. Quæ sunt illa primogenita, quæ Esau uendidit Iacob fratri suo? R. Prior & maior pars primogenitis debebatur uel in honore, uel in hereditaria successione, uel in gratia paternæ benedictionis. Sicut ipse Iacob, Ruben, inquit, primogenitus meus, prior in donis, maior imperio. Et in libro

Deuteronomii de primogenito scribitur: Dabitq. ei, idest pater, de his quæ habuerit cuncta duplicia. iste est enim principium liberorum eius, & huic debentur primogenita. Vnde & Isaac benedictionem suam ad Esau putauerat primogeniti iure deferendum. INT. Quid his respondendum est qui ob uxores multas incontinentiâ patribus vel patriarchis nostris obiiciendam putant? R. Primum, quod tunc nondum lege prohibitum, quia consuetudo erat, crimen esse non poterat. Deinde, quod illa tunc vel pro loco, vel pro tempore non improbabiliâ apud Deum fuerint. Pro loco, sicut & in una domo in altero angulo aliquid fieri a quolibet domino præcipitur, quod in alio nequaquam fieri permittitur. Pro tempore vero, quod rudi adhuc sæculo præceptum fuerat: Crescite & multiplicamini. Nunc

Gen. I
10 uero iubetur, ut qui habent uxores, tamquam non habentes sint. Non quod iustitia uaria sit, sed tempora mutabilia, quæ pariter ire non possunt, & diuersis quibusque temporibus vel diuersis locis diuersa congruant. Necessè est postremo, quod in his ex uoluntate domini sub specie gestorum præsentium fieret quædam prænuntiatio futurorum. INT. Quid est quod dicit: Et ecce uitis in conspectu meo, & ecce in uite tres fundi? R. Tria flagella uel tres propagines indicantur sub hac trium enunciatione fundorum.

IN EXODO.

INT. Loquitur ad Abraham Deus, quod quarta progenie de terra Aegypti
20 teuerfuri essent filii Israel, & quo modo postea Moyses scribit: Quinta autem progenie ascenderunt filii Israel de terra Aegypti? R. Si genealogiam secundum Leui tribum requiras, quattuor progenies pro filiorum successione numerabis: si tribus ludæ ordo replicetur, quinque generationum successiones inuenies: quamquam in Hebræo, ut indicat Aquilæ studiosissimi translatoris æditio, non habeat, Quinta generatione ascenderunt: sed, armati ascenderunt filii Israel de terra Aegypti. INT. In scripturis frequenter legimus, Et dixit dominus: istud dicere domini quo modo accipiendū est? R. Dicere dominus uel loqui scribitur, si quando ad sanctorum aures expressum, qui sæpe ab aliis non auditur, facit sonum peruenire uerborum: aut cum per adsumpti cuiuslibet corporis speciem Deus loquitur: aut cum aliquis admonitione, siue reuelatione nocturnæ uisionis instruitur: uel certe cum ea quæ agi uult dominus, sanctorum cordibus ut agantur, inspirat, secundum illud: Audiam quid loquatur in me dominus Deus. INT. Dicit dominus ad Moysen: Posteriora mea uidebis: quid hic intelligendum est? R. Quod posteriora diuinorum operum in Christo postremis manifestanda temporibus, uel in spiritu uisurus esset, uel in posteris suis. INT. Quæ referenda sunt inquerentibus, quam ob causam Deus uni tantum genti per Moysen legem dedit: atque hanc ipsam multa iam sæculi ætate transcursum? R. Quod non ludæis tantum lex illa prolata sit, quæ omnibus gentibus constitutione naturalis legis innascitur, apostolo hoc etiam confirmante, atque dicente: Cum enim gentes, quæ legem non habent, naturaliter quæ legis sunt faciunt, eiusmodi legem non habentes, sibi ipsi sunt lex, qui ostendunt opus legis scriptum in cordibus suis: atque iccirco non sero dominus legem innocentiz in decem uerba collegit, cuius iam insitæ in peccatoribus humanis origo præcesserat, nec tarde eam saxeis tabulis rursus inscripsit, quam iam antea paginis cordis insculpserat. etenim ante hanc Moysi legem habebat natura legem suam, per quam & Deum mundi uitæq. auctore agnoscere, & per hoc diligere in præcepto erat, & iustitiâ erga proximum dilectionemque seruare. In quibus mandatis duobus omnis lex penderet & prophetæ. Igitur & illud ante iam nouerant: Omnia quæcumque uultis ut faciant uobis homines, & uos facite eis: in quo est & lex & prophetæ. Et ut hoc etiam exemplis probemus: ante

hanc legem litteræ per illam naturæ legem Abel iustus agnoscitur, Enoch rapitur, Noc eligitur, Abraham pater gentium nuncupatur. Quam ob rem hanc Moyſi legem non ſero eſſe prolatam, præcedens effecit lex naturæ, per quam multi Deo probabiles exiſterunt. INT. Quis eſt ille digitus Dei, quo duz legis tabulæ leguntur ſcriptæ? R. Digitus Dei hic accipiendus eſt ſpiritus ſanctus.

IN LEVITICO.

INT. Quam ob rem in ſacrificiis mel prohibetur offerri? R. Quia ſecundum interiorem ſenſum reſoluti blandimentis deliciarum, aut dulcedine uoluptatum, non poſſunt myſteriorum Dei eſſe participes. Hinc eſt igitur, quod etiam Paſcha domini comedi cum amaritudine iubetur: quia ſit ſemper aſtera diſtrictio ueritatis. Oportet ergo abſque ullo adulationis ac uoluptatis melle noxio ſalutares nos Deo hoſtias ſemper offerre, & dicere: Ergo inimicus factus ſum uerum dicens uobis? Econtrario admiſceri in omnibus ſacrificiis ſal iubetur, ſcilicet ut omnia quæ ad Chriſti honorem cultumq. offerimus, ſalem rationis ac diſcretionis ſemper accipiant. INT. Quid proprie ad uſum pertinebat ſacerdotum, quidue ad leuitarum ex his quæ populus offerebat? R. Primitiæ frugum ceterarumq. rerum ſacerdotibus, decimæ uero leuitis deputabantur. De quibus tamen decimis decima ſacerdotibus debebatur. INT. Vniuerſa quæ Deus condidit, bona ual de ſunt: & quo modo in lege quædam animalia uocantur immunda? R. Vt reliqua taceam, quæ ex hoc dici poſſunt, immunda appellata ſunt eſui, non creaturi. horum enim in cibum uſus pro quibuſdam figuris diuina interdictus lege cognoscitur. INT. Cum munda immunda animalia diuina per Moyſem lege diſcreta ſint, quo modo etiam ante diluuium de his quæ in arcam recipienda erant, immunda appellantur animalia? R. Moyſes inſpirante, ſancto ſpiritu, Pentateuchi ſcriptor & conditor eſt: & quia in Leuitico de mundis immundisq. animalibus erat proferenda diſcretio, etiam in Geſeſi, quia utriuſque libri idem auctor eſt, eadem animalia appellauit immunda. INT. Quæ de ueteri teſtamento relinquere uel quæ obſeruare debemus? R. Debemus obſeruare mandata, quæ ad corrigendam uitam moresq. pertinent: relinquere autem cerimonias, ritusq. ſacrificiorum, quæ figuras atque umbræ futuris tunc rebus prætulerunt. INT. Quid reſpondebimus obiciētibus, quam ob cauſam Deus ſacrificiis ueteribus repudiatis, nouis deſectatus ſit? Nihil enim corrigi affirmant, niſi quod non recte factum putetur. R. Spatiola quæſtio, ſed nos pro neceſſitate breuiter reſpondebimus, quod non ideo Deus uideri poſſit mutabilis, quia hæc pro temporum opportunitate mutata ſint. nam & annus temporibus, & uite ſpaciū uariatur ætatibus. Nec ie circo quæ iſta inſtituit, diuinæ prouidentię ratio uariatur. Nec agricola ſi æſtate aliud, hyeme aliud in exercendo agro iuſſerit, agriculturæ ratio mutatur. Nō quod iſi uideatur eſſe diſſimilis qui facit, ſed tempus quo facit. Præcipit ergo Deus quæ apta ſunt ſuis quibuſque temporibus. Sicut etiam hic de ſacrificiis præcepit, non cauſa ſuæ delectationis, ſed humanæ, ut cetera, utilitatis. Et ideo uerus eſt dominus, quia bonorum noſtrorum non indiget. Sed hæc ipſa ſacramentorum commutatio ne noua, & ſubito putetur aſſumpta, prædicta iam dudum propheticis atque diuinis uocibus fuerat, quibus dicitur. Non accipiam de domo tua uitulos, neque de gregibus tuis hircos. Poſtremo, ut breuiter concludamus, cur diuerſa ſibi ſacrificia Deus uoluerit offerri, quia aliis ſacramentis Chriſtum prænunciari oportuit, cum uenturus eſſet, aliis annunciare oportuit, cum ueniſſet.

IN NUMERIS.

INT. Balaam ille gentilis quid eſt quod prophetaſſe ſecundū fidem ſacræ comprobatur hiſtorię? R. Vt multis innotefceret modis ueritas, dum uſquequaque prolata

prolata, etiam per infideles annunciatur. Et ut hoc ex gentibus prophetate signum esset gentibus credituris. nam & Helu in Iob libro de futuris haud dubie multa prædixit. Et Caiphas de domino ac saluatore nostro in euangelio prophetauit.

IN DEUTERONOMIO.

- INT. Cnm in Deuteronomio LXX tantum animæ cum Iacob Aegyptum scribantur ingressæ, quo modo postea in actibus Apostolorum introisse Aegyptum quinque & septuaginta animas refertur? R. Constat quidem eo tempore, quo Iacob ingressus est Aegyptum cum Ioseph filiisq. eius Ephraim & Manasse, LXX animas tantum fuisse. Ibi uero ubi LXXV animarum numerus refertur, quasi per
 10 anticipationem etiam filios nepotesq. Ephraim & Manasse numerandos putauit, quos postea in Aegypto natos diuinæ relatio lectionis ostendit. INT. Quid respondendum est Iudæis obiiicientibus testimonium illud: Maledictus omnis qui pendet in ligno. R. Maledictum esse hominem qui in ligno pendeat, sed noxium, non innocentem, neque enim innocentæ potest esse maledictum pœna peccati. etenim si Mardocheus præparato ligno appensus sententiam regis crudelitatis explesset, numquid cum hi nunc dignum hac maledictione iudicaretur? Aut Machabæi atque alii, quos scriptura morte simili indignissime testatur afflicto, numquid apud eos pro maledictis habentur? Quapropter saluator noster a morte redempturus hominem, ita crucem non refugit, ut mortem. Igitur in minoribus
 20 non calumnientur, cnm pro patientia domini nos etiam in maioribus gloriemur nec mirum si dicatur patibulum subiisse, quem nos etiam ad inferna descendisse fatemur: qui cum proprium ipse peccatum non habuerit, suscepit tamen mortem de peccati maledictione uenientem. Atque iccirco pendit in ligno, ut nos a delicto quod in ligno fuerat perditionis admissum, in ligno appensus absolueret.
- INT. Quo modo in Deuteronomio Deus ælarus fuisse dicitur, cum in Deum nulla perturbatio cadat? R. Deus perturbari, ut ipse ais, non potest, sed tranquilla bonitate zelat: ne uni Deo debens anima castitatem, per multos falsos corrupta & prostituta turpetur.

IN IOB.

- 30 INT. In Iob qualiter accipiendum est, quod scriptura commemorat, Aurum Ophir. R. Regio est Ophir in India tendens: itaque aurum huius indicat regionis. Alii aurum Ophir ualde præciosum esse confirmant, quod obryzon apud Latinos appellatur. INT. Quid sibi uult, quod illic auctorum sæcularium consuetudine legimus Pleiadas, Oriona, uel Arcturum? R. Non quod his apud Hebræos nominibus censeantur, sed ut apud nos horum siderum significancia posset esse manifestior, ita hæc translator appellare uoluit, ut usus gentilitatis inuenerat. Illud quoque generaliter obseruandum est, quod etiam apostoli uel apostolici uiri in epistolis suis scribentes ad populos, abutuntur interdum his testimoniis quæ uidebantur diuulgata per populos. INT. In eodem libro quid est quod de dracone illo scribitur: Omnes naues si conueniant, non sustinent corinam caudæ eius? R. Naues ecclesias dicit, quæ temptationibus, tribulationibusq. uexatæ, nix anti-
 40 christum in fine mundi tolerabunt. Recte autem draconis illius, id est diaboli caudam antichristum appellat, a quo persecutio ueniet extrema.

IN REGVM LIBRIS.

INT. Quid est quod Saulem dominus postea reprobat regem, quem prius in regnum eligendum putauit? R. Quia Deus suum illud iustum incorruptumq. iudicium ex æquitate depromit, non ex præscientia eligit: quempiam, cum meretur, reprobat, cum electione indignus efficitur. Ceterum nequaquam conuenire sacrosanctæ ueritati iustitiæq. eius uidebatur, ut peccatum offensa præcederet.

INT. Quo modo intelligendum est, quod in scripturis pœnitere dominus sæpe memoratur? Sicut etiam de Saule dicit: Pœnitet me quod constituerim Saul regem. R. Pœnitentia domini dicitur rerum ab eo constitutarum mutatio, quæ pro rerum uicissitudine, uel pro recti dispositione succedit. necesse est enim, ut diuinæ dispositiones, quo manifestiores audientibus fiant, per significationes humanæ mentis indicentur.

INT. Legimus quod suffocabat Saul spiritus malus domini, quo modo domini, si malus? R. Quia cuncta, domino auctore, prolata diuinæ sunt subdita potestati. Ergo & ipse diabolus, licet non qualis nunc est, sed bonus a domino quondam creatus, & Deo semper pro omnipotentis ditione subiectus, domini erat. INT. Quid est quod cum aliquanta hic dominus uindictæ, non uindictæ omnia? R. Vindictæ aliquanta, ut intelligatur humanarum rerum agere curam. Non uindictæ omnia, ut agnoscat terribile cunctis adhuc futurum esse iudicium. INT. Vmbra Samuelis pythoniſſa quemadmodum poruit euocare? R. Aut falsam tunc umbram uidentibus diabolus ostendit: aut si fuit uera, tantum ei licuisse credendum est, quantum a domino permittente concessum est. nec mirum pro quibusdam reconditis arcanisq. causis, uel pro manifestatione probationum diabolo ista permitti: cum & saluatorem cōstituerit in pinnam templi, & Iob petierit, acceperitq. tentandum. INT. Cum factum non sit, quo modo oranti Ezechiaz quindecim anni quasi ad præfinitum uitæ suæ tempus adduntur? R. Quia utique urgebatur Ezechias in extremis non sati decreto, sed Dei euocatione atque iudicio. In tantum autem uitæ anni prius non fuerant constituti, ut per supplicationem intelligantur adiecti.

IN MICHAË A.

INT. Quo modo accipiendum est, quod Michæas propheta ait: Ecce dominus exit de loco sancto suo, & descendit & incedit super excelsa terræ? R. Descendere dominus dicitur, quando habere curam fragilitatis humanæ euidenter indicium dignantissimæ pietatis ostenditur. Sic & angeli per illam Iacob scalam ascendentes descendentesq. terrenorum uisitationem, non ruinam descendendum indicant angelorum. Sic & excelsiores iustitia uiri descendere putantur, si quando condescendunt inferioribus sanctæ caritatis instinctu.

IN ISAIA.

INT. Quid intelligendum est in cantico Isaïæ prophætæ, cum dicit: Cantabo dilecto meo canticum patruelis mei uinæ suæ: Vineæ facta est dilecto meo in cornu filio olei? R. Alii hoc canticum a spiritu sancto cantari putant: alii a prophetâ, qui æque sancto spiritu uacuus non erat. Cantat autem in planctum uinæ suæ, quæ est domus Israel. Dilectus autem Iesus Christus est: ipsi enim dictum est: Tu es filius meus dilectus. Ipsum & patruelem appellat, quod ex eadem sit stirpe progenitus. Hæc ergo uinea ipsi plantata est in cornu, quod est in sublimitate atque uirtute: qui dilectus & filius olei, quia unctus sit, unde & Christus uocatur: uel quia omni mundo tamquam splendidum lumen illuxerit. In hoc cantico uiam iusticiam appellat, & spinas iniquitatem. INT. In Isaïæ uisione cum uidit dominum sedentem super solum, quid intelligendum est quod ait: Seraphin stabant super illud, sed alæ uni, & sex alæ alteri. Duabus nelabant faciem eius, & duabus pedes eius, & duabus uolabant: & clamabant alter ad alterum, & dicebant, Sanctus, sanctus, sanctus dominus exercituum. R. In hac uisione Ioannes euangelista dominum Iesum Christum ab Isaïa uisum esse testatur dicens: Hæc dixit Isaïas, quando uidit gloriam eius, & locutus est de eo. Primum ergo hic queritur, quo modo Seraphin circa domini thronum stantes pariter & uolare dicuntur? Bene hoc sermone mystico propheta depromit: quia Deo stare idem est, quod uolare, &

- lare, & in sublime exaltare: sedebit qui festinat obrutibus apparere diuinis. Quod uero Seraphin alis suis faciem operire indicantur, hoc iccirco, quia neque hominum quilibet, neque ulla creatura diuinæ maiestatis lumen contemplari, ut est, potest. Faciem ergo & pedes uelant, eo quod nobis & ante mundum præterita, & post mundum futura celerentur. Alæ quoque Seraphin indicat diuini ministerii uelocitatem. Quæ ideo singulis sensæ sunt, quia ea tantum in mundo quæ sex diebus sunt facta, conspiciamus. Quod uero alter ad alterum clamant, & dicunt, sanctus, sanctus, sanctus dominus exercituum, unam ostendunt diuinitatem in mysterio trinitatis. INT. Quid respondendum est eis qui dicunt nobis: quid fecerunt Iudæi, si credere non potuerunt? quia necesse fuit ut sermo Iſaiæ prophetæ impleretur dicentis: Excæcauit oculos eorum, & indurauit cor eorum, ut nō uideant oculis, & intelligant corde, & cōuertantur, & sanem illos. R. Propheta hoc prædixit, quia Deus hoc futurum esse præsciuit. neque enim potest ad peccatum compellere Deus, cui nō potest placere peccatum. In his ergo non prædestinatio diuina intelligenda est, sed præscientia. De hoc in Euangelio scribitur: Propterea non poterant credere, quia iterum dicit Iſaias: Excæcauit oculos eorum, & indurauit cor eorum, & reliqua. Non poterant credere, ita dicitur, sicut & nos sæpe aliqua dicimus non posse, quia nolumus. Et de Pharaone scribitur: In hoc ipsum excitauit te, ut ostendam in te uirtutem meam. neque enim dixit, in hoc te feci ut talis esses: sed in hoc te elegi & fuscitauit, cum iam te talem ipse fecisses. Ergo & hic excæcati eorum oculi, & induratum esse cor dicitur, quia iam se ipsi hac cæcitate dignos effectuerant. Excæcat autem & indurat dominus peccatorem deserendo & non adiuuando. Si cui autem sensus hic profundissimæ quæstionis minus fecerit, contremiscat mecum, & dicat: Iudicia domini abyssus multa, quia iudicia Dei semper iusta sunt, sed frequenter occulta. INT. Quid est illud quod scribitur: Sicut sponso imposuit mihi mitram, & sicut sponfam ornauit me ornamento? Quo modo idem sponus & sponſa? R. A capite ad corpus transitum fecit: caput enim Christus est, corpus ecclesia: sed tamen utrumque esse constat in Christo. Notanda uero & tenenda regula hæc, quæ in prophetis frequenter incurrit, generans ignorantibus obscuritatem, cum de capite ad corpus, aut de corpore ad caput se prophetæ ordo conuertit. INT. Cælum mihi thronus est, terra autem scabellum pedum meorum: quo modo hoc intelligi potest, cum utique Deum incorporeum esse credamus? R. Secundum consuetudinem elocutionis nostræ uidetur habitum designare regnantis, ut intelligatur Deus uel habitare cælestia, uel subiecta habere terrena.

IN EZECHIELE.

- INT. Qua causa scribitur: In die illa magna tribulationis nemo liberabitur, nisi Noe, Daniel & Iob: cum utique quando ista Ezechiel propheta dicebat, solus forsitan Daniel in corpore fuerit, duobus aliis iam tunc in pace dormientibus, uel carnis nexibus absolutis? R. In his tribus sanctis tria hominum genera significari uidentur, quæ liberanda in die illa magna tribulationis a periculis promittuntur. in Noe enim gubernatores ecclesiæ præfigurantur, in Daniele sancti continentiamque sectantes, in Iob coniugati & iustitiam diligentes. INT. Quid significat illud quod dicitur in propheta: Auferam cor lapideum de carne uestra, & dabo uobis cor carneum? R. Durum cor & inobediens lapidei testificatione demonstrat: carni uero significatione cordis molle ostendit, ac docile, & quod insinuatam possit recipere compunctionem.

IN PARALIPOMENON.

- INT. Quid est quod scribitur in Paralipomenon: Quæ habitabat in Hierusalem in secunda? R. In secunda scilicet parte. Ezechias enim secundū Hierusalem

murum fecit, filiusq. eius Manasses tertium. Habitabat ergo hæc de qua scribitur in secunda parte ciuitatis. INT. Arcam domini, in qua erant duæ tabulæ testamenti, quo ablatam esse credendum est? R. Legimus in Paralipomenon Iosiam regem Iuda cum Hierusalem faceret Pascha domino, ad leuitas ita locutum esse: Ponite arci in sanctuario templi, quod ædificauit Salomon, filius Dauid, rex Israel, nequaquam enim eam ultra portabitis. Hoc loco ita intelligere quidam uolunt, quod Iosias præuidens captiuitatem, arcam domini in certum tamen locum curauit abscondi. INT. Quid inter holocaustum & hostiam interest? R. Quod hostiæ partem sacerdotes edebant: Holocaustum uero erat hostia integra atque perfecta, quia tota in oblatione sacrificii igni dabatur. Hostiæ quoque pacificæ appellabantur, quibus uesci populus solebat.

IN PSALMORVM LIBRO.

INT. Cum primus psalmus primis illis uersiculis impius, peccatorem, hæreticumq. discreuerit, quid sibi uult illa sub ipso psalmi fine conclusio, in qua ait: Ideo non resurgunt impii in iudicio? R. Psalmi huius initium de discretionis meriti, & finis de discretionis iudicii. In quo ostendit, quod homo absque dubio omnis resurgat, id est iustus ut iudicetur, peccator ut iudicetur, impius ut punitur. neque enim tunc iudicabitur iam iudicatus, secundum quod scriptum est: Qui autem non credit, iam iudicatus est. INT. Cum passio in Deum non cadat, quid est quod sæpe in scripturis ira Dei & furor dicitur? R. Scripturæ consuetudo est, ut ira pro ultione ponatur. est enim ira secundum hominem, uindicta secundum Deum: & furor secundum animum patientis, non secundum iustitiam iudicantis. Hinc & illud est quod ponitur in propheta: Dominus creas mala. Mala ergo sunt iuxta affectum eius qui sustinet, non iuxta æquitatem eius qui decernit. INT. Quid sibi uult illud quod frequenter in psalmorum titulis inscribitur, In finem psalmus Dauid? R. Quod psalmi in fine mundi bonorum repromissionem respiciant: uel quod ea quæ Iudæi obtinere se posse in principio crediderunt, nos consequamur in Christo, quem uenisse confitemur in fine. INT. Quo modo intelligendum est quod scribitur: Eloquia domini eloquia casta, argentum eloquia domini ideo, quod nullo sint adulterata mendacio, & ad uicem argenti quod examinatur igni septemplici, spiritus igni mundentur. INT. Non congregabo, inquit, conuenticula eorum de sanguinibus: cum utique de sanguine magis latinum sonasset, quam ob causam sanguinibus contra regulam latinæ scribitur? R. In Græco αἱμάτων legitur, plurali numero, sanguinem significans. Cuius proprietatis fidem etiam in latinum plurali numero translator expresse. INT. Cum in psalmo scriptum sit: Non dabis semen tuum uidere corruptionem: quo modo iterum in alio psalmo scribitur: Quæ utilitas in sanguine meo, dum descendo in corruptionem? R. Descendere se in corruptionem saluator prophetæ uoce pronunciat, dum clauorum configentium irruptione penetratur. Rursus non dedit dominus sanctum suum uidere corruptionem: quia corruptionem carnis Christus celeri resurrectione præuenit. INT. Quid est quod dicit propheta de inimicis suis: Adipem suum concluderunt? R. Adeps concluditur impiorum, cum impingnati sensu & incrassati iniquitate recedunt uel a iustitia, uel a præceptis Dei. & ideo dicit alio loco: Egredietur ex adipi iniquitas eorum. Manna uero, id est cælestis cibus tenuis est, & eorum aptus alimoniz, qui subtilitate sensum uigent. INT. Quid sentiendum est de hoc quod scribitur: De absconditis tuis adimpletus est uenter eorum: saturati sunt porcina, & reliquerunt quæ superfluerunt paruulis suis. R. Supra petiit ut Iudæi a paucis diuiderentur, id est a iustis:

- a iustis: quia multi uocati, pauci autem electi. Nunc autem hos ipsos prius abconditis diuinæ legis instructos, porcina sua, idest dogmatum postea immunditia saturatos, dum negant Christum, eandem impietatem dicit etiam ad suos posteros transmississe. INT. Qualiter intelligendum est: Dies diei cruciat uerbum, & nox nocti indicat scientiam? R. Dies diei cruciat uerbum, dum apostoli credentibus annunciant saluatorem. Nox nocti indicat scientiam, dum Iudas Iudeis doctrinam prauis sensibus infundit. Aut certe dies diei cruciat uerbum, & nox nocti indicat scientiam: dum omni utique die & nocte annunciatione fidelium uerbum & scientia propagatur. INT. Virga tua & baculus ipsa me consolata sunt; quæ hic intelligenda discretio est? R. In uirga correctio declaratur: in baculo consolatio. INT. Cum animalia non absque sensu sint, quo modo in psalmo dicitur: Nolite fieri sicut equus & mulus, in quibus non est intellectus? R. Quia in animalibus sensus est, in hominibus intellectus. INT. Cum de iumentis sicut de bubus cura non est Deo, quo modo psalmus ait: Homines & iumenta saluabis domine? R. Homines appellat rationis capaces, iumenta rationis expertes. Saluandos uero confirmat illos per præsentem conuersionem, hos per futuram conuersionem. INT. Qualiter accipiendum est quod scribitur: Remitte mihi ut refrigerer priusquam abeam, & amplius non ero? R. Sensus hic de superioribus uerbis manifestatur. supra enim dixerat: Quia aduena ego sum apud te, & peregrinus, sicut omnes patres mei: remitte mihi ut refrigerer priusquam abeam, & amplius non ero, subauditur illud quod superius dixit, peregrinus. Ceterum manifestum est quod erit, qui se supra peregrinum appellando, patriam in qua futurus sit, habere declarat. INT. Quid indicat illud, quod legitur in psalmo: In capite libri scriptum est de me? R. Ex persona hoc dicitur saluatoris, de quo scribitur: In principio creauit Deus cælum & terram, idest, in filio. Aut certe illud: In principio erat uerbum, & uerbum erat apud Deum, & Deus erat uerbum.
- INT. Abyssus abyssum inuocat, inquit, in uoce cataraçarum tuarum: quo modo istud intelligendum est? R. Non immerito abyssus appellatur diuinarum scripturarum profundum, & ideo in uoce cataraçarum abyssus abyssum inuocat, cum uetus testamentum nouum annunciat, uel nouum testamentum uetus in testimonium uocat in uocibus prophetarum. INT. Quid intelligendum est ex hoc, quod scribitur: Pro patribus tuis nati sunt tibi filii? R. Idest, quod temporum successione sint redditæ pro patriarchis uel prophetis apostoli siue euangelizæ. INT. Frater non redimit, redimet homo: quid de hoc loco sentiendum est? R. Quod non redemerit Moyses, redimet Christus. INT. Quo modo accipiendum est illud quod Dauid clamat ad dominum dicens: Tibi soli peccaui? R. Soli peccatur Deo, quia utique ipse solus sit absque peccato, & ita iustificatus uincit etiam dum iudicatur, idest uel Christus in passione, uel secundum illud quod in propheta dicit: Et uenite iudicemur, dicit dominus. INT. Viri, inquit, sanguinem & dolosi non dimidiabunt dies suos: quid hic sentiendum est? R. Non dimidiant dies suos hi, qui immatura morte rapiuntur. Hac ratione etiam illud intelligere possumus: Ne rapias me in medio dierum meorum. Et aliter: Non dimidiant dies suos qui ad Dei satisfactionem non conferunt uel uitæ suæ partem. INT. Quid interior sensus eloquitur de hoc quod scribitur: Priusquam producant spinæ uestre thammum? R. Idest, priusquam se peccata uestra confument. INT. Iustus quo modo lauat manus suas in sanguine peccatorum? R. Cum tribuitur uindicta de impiis, non hoc procurantibus sanctis; & post delicta atque exitum peccatorum, iustorum clarius uita atque opera resplendent. INT. Quo modo accipiendum est illud quod in psalmo legitur: Non

miseraris

misereris omnibus qui operantur iniquitatem? R. Non tam maledicentis animo istud dicitur, quam correptionem emendationemque peccantium desiderantis: id est, ut in presenti potius uita correpti, non abutantur diuina patientia usque ad futuram pœnarum acerbitatem. INT. Semel locutus est Deus, duo hæc audiui: quid hic intelligendum est? R. Semel hic nō ad numerum referendum est, sed ad firmitatem. Quæ autem sunt illa duo, quæ domino adiacent? & posse omnia, & uelle misereri. Et aliter: Semel locutus est Deus, id est in lege. nam in euangelio non alia præcepit: quia non uenit legem soluere, sed adimplere. INT.

Quid est quod scribitur: Transiuimus per ignem & aquam, & induxisti nos in refrigerium? R. Ignem & aquam persecutionem indicat atque martyrium. Aliqui hic aquam baptismum intelligendum putant, & ignem sanctum spiritum, qui infusus peccata tamquam ignis exurat: & hinc est quod scribitur: Dominus Deus uester ignis urens est. INT. Quid dicit illud quod legitur: Iter facite ei qui ascendit super occasum, dominus nomen illi? R. Viam bonorum actuum præparate illi, qui supergressus est occasum morte deuietæ. INT. Pluiam, inquit, uoluntariam segregabis Deus hereditati tuæ, & infirmata est, tu uero perfecisti eam: animalia tua inhabitabunt in ea: quis huius loci sensus est? R. Pluuia hic secundum litteram manna est: secundum anagogen mandata intelligenda sunt: quæ mandata uel lex, licet infirmata uideatur transgressionibus ludæorum, gratia tamen euangelii ostenditur esse completa. In qua nunc animalia, id est gentes habi-

tant atque constituent. INT. Quæ intelligentia est in hoc quod legitur: Si dormiatis inter medios cleros, pennæ columbæ deargentatæ, & posteriora dorsus eius in specie auri. R. In hoc loco de apostolis optat propheta, ut usque ad transitum perseverent credentes in testamentis duobus. In columba autem spiritus sanctus, in posterioribus occultior intellectus: in argento splendens historia scripturarum, in auro interior, uel prætiosior sensus ostenditur. INT. Dixit dominus ex Babel: Conuertam, conuertam in profundum maris, ut intingatur pes tuus in sanguine, lingua canum tuorum ex inimicis ab ipso: quid hic sequemur? R.

Babel in latino Confusio sonat. Ergo dominus nosmet de confusione conuertit, quæ est in cruce eius: in qua cruce sanguine pedes suos tinxit, clamantibus ludæis ut crucifigeretur instigantibus inimicorum, id est, dæmonum. Ab ipso autem saluatore hoc totū uenit: quia omnia hæc propria uoluntate sustinuit. INT. Quos illos accipiemus principes Zabulon, uel principes Neptalim? R. Petrum apostolum, uel Andream, qui ex iisdem tribubus sunt uocati, sicut & supra Benjamin nomine apostolum Paulum oportet intelligi. INT. Quid indicat quod legitur: Posuerunt signa sua signa, & non cognouerunt sicut in uia supra summum? R. Quod Babylonii uictoria insolentes effecti: ita exposuerunt signa in Dei templo sicut constitui in trophæo solent super fornice introitusque portarum. INT. Quid est quod scribitur: Deus autem rex noster ante sæcula operatus est salutem in medio terræ? R. Iudæam dixit, in qua Christus liberauit per crucem mundum: quam aliqui umbilicum terræ appellandum arbitrantur. Et aliter: Operatus est salutem in medio terræ, id est in utero uirginali.

INT. Quid est hoc quod legitur: Quia calix in manu domini uini meri plenus est mixto, & inclinauit ex hoc in hoc: ueruntamen fax eius non est exinanita? R. Calix domini mixtus, misericordia & iudicium: inclinatur ex hoc in illud, cum de misericordia in iudicium diuina seueritate transitur. Fax autem eius non exinanitur, quia adhuc ultimum iudicii reservatur. INT. Quæ significantia est quod scribitur: Et reliquæ cogitationis diem festum agent tibi? R. Pulchre hic ostenditur, quod Deus puritate mentis uelut quadam festiuitate letatur.

INT. Vox, inquit, tonitruus tui in rota:

in rota: quid hic sentendum est? R. Rotam hic ipsum dixit orbem terræ, quod intra eiusdem orbis rotam circumferant tonitrua mugitum. INT. Quod intelligendum est de hoc quod scribitur: Et percussit inimicos suos in posteriora?

R. Secundum litteram ulcerum illorum sit commemoratio, quibus sunt Allophyli in posteriora percussii. Secundum interiorem uero sensum percussitum inimici Dei in posteriora, cum in domini iudicio puniuntur extremo. INT. Quem significat dicens: Exterminauit eam aper de sylua, & singularis ferus depastus est eam? R. Aprum hic Vespasianum, ut quidam dicunt, uult intelligi, qui ludæos bello uastauit. Singularem ferum, Titum Vespasiani filium, qui Hierusalem oppugnatione consumpsit. INT. Legimus in Psalmo: Israel si audias me, non erit in te Deus recens: quo modo istud accipiemus? R. Idola uel antichristum resutandum esse pronunciat. Christus autem Deus recens non erat, licet mundo per carnem nostris temporibus illuxerit, nam in principio erat apud Deum deus uerbum, ipse creans hominem ad similitudinem Dei, qui, diuersis uicibus atque temporibus Abraham uel patribus nostris semper apparuit. INT. Qualiter accipiendum est quod Psalmus ait. Deus stetit in synagoga decorum? R. Id est, in congregatione sanctorum. Dominus autem noster sanctos suos ut regni sui, ita etiam nominis sui participatione donauit. Vnde & ad Moysen dicit: Dedi te Pharaoni in Deum. Compellantur ergo nomine Dei, quia appellantur & filii Dei.

30 Nec mirum pro illa ineffabili diuinæ benignitatis indulgentia, si uoluerit ut homo appellaretur Deus, cum Deus appellatus sit homo. INT. Quid hic sentendum est iustitia & pax osculatz sunt se? R. Quod selex & gratia coniunxerint per mediatorem dominum nostrum Iesum Christum, qui fecit utraque unum. INT. Qualiter accipiendum est quod legimus: Diligit dominus portas Sion, super omnia tabernacula Iacob? R. Quod dominus umbraculis synagogæ ecclesiarum munimenta prætulit. INT. Mater Sion dicit homo, & homo factus est in ea, & ipse fundauit eam altissimus, quid hic sequemur? R. Mater Sion, ut quidam uolunt, Maria significatur, in qua natus est homo Christus, ipse quoque materis creator. Sciendum est tamen, melius & secundum Hebræum uerius dici Num quid Sion dicit homo, & homo natus est in ea, & ipse fundauit eam altissimus? Et est sensus hic: Quis hoc hominum nunciare possit? Sicut & illud: Aut brachium domini cui reuelatum est? Ergo hoc dicit, quod nullus hominum ei nunciare possit, quia saluetur Sion in homine qui natus sit in ea. Ipse autem est homo altissimus qui fundauit eam. Et notandum quod etiam filius altissimus appellatur. INT. Quid hic intelligendum est, ubi scribitur: Factus sum sicut homo sine adiutorio inter mortuos liber? R. Christus utique inter mortuos liber: quia absque peccato inter peccatores apparuit. INT. Quæ est terra illa obliuionis, de qua dicitur: Num, quid cognoscentur in tenebris mirabilia tua, & iustitia tua in terra obliuionis?

R. Rectissime appellatur obliuionis terra impiorum caro a domino derelicta. Et aliter: terra obliuionis etiam in illo accipi potest quod dicit: Quoniam non est in morte qui memor sit tui, in inferno autem quis cōstebit tibi. INT. Quo modo iuuentus aquilæ renouatur, secundum illud quod legimus: Renouabitur sicut aquilæ iuuentus tua? R. Aquilæ dicuntur uel nimis senectæ implumes fieri, & nido relatz uicissim pullis suis ministrantibus pasci, donec deterso senii ueterno recipiant cum pennis usum uolandi. Secundum Anagogen autem iuuentus nostra uel baptismo, uel resurrectione renouatur. INT. Abyssus, inquit, sicut pallium amicus eius: quid hic sequemur? R. Non bene plerique arbitrantur abyssum hic amicum Dei appellari, cum potius amicum terræ dici ipse superiorum uersuum ordo declarat, eo quod terra ipsa abyssu quasi quodam pallio circumfusa uelatur.

INT.

INT. Quo modo stant super montes aquae? quia scriptum est: Super montes stabunt aquae? R. Vtique cum aut plenae aquis nubes super montes dependent, aut cum in mari undae ad montium instar excitantur. INT. Quid sentiendum est in hoc quod legimus: Draco iste quem formasti ad illudendum eis? R. Draco iste diabolus est, sed ante formatus a domino, quam in nomen diaboli voluntaria nequitia transierit instinctu. Hunc propheta Isaias a parvulis describit illud.

INT. Qua ratione intelligendum est quod scribitur: Ferrum pertransiuit animam eius? R. Christus hic manifestissime designatur, eo quod resurgendo assigendum clauorum dolorem cruciarumq. superauit. Potest hic ferrum & tribulatio durae necessitatis intelligi, quia anima dixit: aliquando tamen anima in scripturis pro praesenti uita appellatur, ut in euangelio: Nonne anima plus est quam escam?

INT. Quid inter Psalmum & Canticum interest? R. Quod Psalmi ex Psalterio appellantur, at uero Canticum ex uoce profertur: & quod Canticum pro scientia, pro opere uero Psalmus accipitur. Psalmus ergo ad actiualem, id est ad praeticam: Canticum uero ad theoriam, id est contemplatiuum refertur. INT. Iurauit dominus, nec pœnitebit eum: quo modo iurauit dominus? R. Iurare domini est immutabiliter promittere. Recte igitur istud commutatio sermonis usurpat, eo quod promissio eius sacramenti obtineat firmitatem. INT. Quid indicat illud quod scribitur: De torrente in uia bibit, propterea exaltauit caput? R. Ad personam Christi ista referenda sunt, quia de torrente, id est passione: in uia, id est in saeculo bibit: propterea Deus exaltans caput eius, donauit illi nomen, quod est super omne nomen.

INT. Quindecim illi Psalmi quam ob causam Canticum graduum praenotantur? R. Quindecim quondam gradibus, sicut ostendit hieronymus, ascendebatur in templum: atque ideo hi Psalmi quindecim cantici graduum inscriptione signantur, quod nos per quosdam profectus ad sublimia spiritalium rerum prouectione perducant. INT. Sagittae, inquit, potentis acutae cum carbonibus desolatoris. quae huius uersus intelligentia est? R. Sagittae potentis, uerba domini sunt, quae caritate eius corda nostra configunt. Carbones uero desolatorii sunt, qui peccata dissoluunt, secundum illum carbonem Isaias prophetae, qui ad labia eius defertur, ut purget uitia, quae contraxerat, uel loquendo uel ob timorem tacendo.

INT. Quid sibi uult quod scribitur: Ecce non dormitabit, neque dormiet qui custodit Israel? R. Dormire interdum in scripturis dominus dicitur, eum in nobis potius fides dormit, & dormitantem infidelem relinquit. Nescit uero ille decesse querentibus se, non nouit dormire uigilantibus. INT. Legimus in Psalmo de Hierusalem: Cuius participatio eius in idipsum, quid hic sequemur?

R. Quod diuersae partes unam constituent ciuitatem, uel diuersa membra unum domini corpus efficiant.

INT. Quid sentiendum est de eo quod scribitur: Foras transtulisset anima nostra aquam immensam? R. Foras, in Graeco scriptum est *ex*, quod latine manifestius interpretatur, Putas, ut sit sensus iste: Putas transtulisset anima nostra aquam immensam, nisi dominus fuisset in nobis? INT. Quid est quod scribitur: Conuerte domine captiuitatem nostram, sicut torrens in Austro?

R. Exultantis animae uox est, & ex uiciorum uinculis in libertatem conuersionemq. redeuntis, qua postulat, ut ita diuinæ miserationis aspiratione ex peccatorum captiuitate soluat, sicut constricti glacie torrentes Austri tempore soluantur. INT. Qualiter intelligendum est illud: Ecce hereditas domini filii merces fructus uentris: sicut sagittae in manu potentis, ita filii excussorum? R. De futuris se ibi loqui propheta significat, qui post illam sessionem surgendi tempus declarat. Idem postea quam dederit dilectis suis somnum, ostendit quae futura sit resurrectio illa sanctorum, dum dicit: Ecce hereditas domini filii merces fructus uentris. Ipsa

itaque

itaque domini est hereditas in filiis, quam pro mercede fructus ventris indeptus est: quia saluator fructus est ventris, cuius utique merces est, ut ei gentes hereditas sint, quas per fidem generat in filios. Sagittæ autem apostoli recte appellantur, qui orbem terræ quasi volatu peragrantes, doctrina sua infidelium corda penetrarunt: quos filios excussorum, idest prophetarum, optime propheta designat. nam utique cum in prophetia sua excutiuntur prophætæ, quid aliud in illis, nisi inuienti apostoli manifestantur? Excussis itaque prophetis, quia apostoli generati sunt, recte appellantur filii excussorum. INT. Quid est quod legimus: Sicut ablactatum super matre sua, ita retribuisti in anima mea? R. Animæ nostræ ablactatio est, cum ab ignorantia infantie ad perfectum cibum vitæ consummatione sensus erigitur. Igitur supra dixerat: Si non humiliter sentiebam, idest humilia & terrena cogitabam: sed exaltaui animam meam, hoc est, sed ad cælestia mente contendi: hæc mihi fiat retributio, ut animam meam intellectus consummatio consequatur. INT. Beatus, inquit, qui restituet tibi, quod tu restituiſti nobis: quis hic intelligendus est. R. Psalmus hic & de captiuitate ludæorum cum in Babylonem ducti sunt, & de peccatoribus, qui expulsi ab ecclesia confuſioni traduntur, intelligi potest. Hic ergo secundum historiam, ut quidam opinantur, significatur Cyrus rex, qui hanc restitutionem subuersa Babylone restituit, & usque ad paruulos eius illic omni internicione defauit. Interiore uero sensu, Babyloni uicem ille restituit, qui eam captiuam ducit, quæ se prius habuerat peccati lege captiuum, & exordia uitiorum ad petram, quæ est Christus, elidit. INT. Sæpe in scripturis dicitur: Confitebor tibi domine: qualiter hoc intelligendum est? R. Non semper pœnitentiam uidetur significare confessio. nam confitebor interdum ponitur pro laudabo, uel pro gratias agam, uel pro glorificabo dominum. INT. Imperfectum meum, inquit, uiderunt oculi tui: & in libro tuo omnes scribentur. quæ hic significantia est? R. Oculi domini imperfectum nostrum uident, quia Deus hominem etiam priusquam formetur, agnoscit. Et aliter: Imperfectum nostrum uident oculi Dei, quia cogitationes nostras etiam antequam perficiantur, introspicit. In libro autem eius scribentur omnes, quia omnes homines non absque eius uoluntate nascuntur, uel omnes uoluntates nostræ apud eum plenissime describuntur. Sequitur autem: Die replebuntur, & nemo in eis. Die, idest, Christo replebuntur, ac præter Christum nemo in eis erit, qui Deo pleni ea quæ Dei nõ sunt, recipere non possunt. INT. Qui sunt pulli coruorum de quibus scribitur: Et pullis coruorum inuocantibus eum? R. Fideles filios significat de infidelibus procreatos. INT. Quid indicatur in hoc quod legimus: Ante faciem frigoris eius qui subsisteret? R. Tentationem per hoc frigus ostendit. INT. Qua ratione appellantur ancipites illi sanctorum gladii, de quibus scribitur: Et gladii ancipites in manibus eorum? R. Gladii ancipites dicuntur, quod in iudicio corpus atque animam punire simul possunt. Et aliter: quod puniant & supplicio presentis pœnæ, & metu futuræ. Et hinc est illud quod in eodem Psalmo canitur: Cantate domino canticum nouum. quod qui mundi purgamenta creduntur, de nationibus ac regibus iudicabunt.

IN PROVERBIIS SALOMONIS.

INT. Ceruus amicitie & pullus gratiarum fabulenter tecum: quid hic sequimur? R. Ceruum amicitie accipiendum hic quidam putant Christum, totius dilectionis & caritatis magistrum. Pullum gratiarum spiritum sanctum, qui sit omnium gratiarum, idest charismatum distributor. Admonemur ergo ex hoc, ut semper Christi uel spiritus sancti solatia requiramus. INT. Quid est quod scribitur: Septies cadet iustus, & resurget? R. In sermone utique aut in cogitatione, cum la-

cum labitur: aut certe intra septiformis spiritus gratiam, cum delinquit. Quidam propter septem dies, per quos uitæ humanæ cursus reuoluitur, septies hic dictum esse confirmant: eo quod absque peccato uitæ istius cursus esse non possit.

IN ECCLESIASTE.

Eccl. 13 INT. Quid est quod in Ecclesiaste legimus: Florebit amygdalum, & impinguabitur locusta, & dissipabitur capparitis: quoniam ibit homo in domum æternitatis suæ? R. Tradunt per hæc humanorum membrorum fieri significantiam. nam in flore amygdali canos capillos, in impinguatione locustæ tumorem pedum, in dissipatione capparitis concupiscentiæ frigus ostendit. Quæ cum sen in postremæ uitæ tempore accesserint, tunc necesse est in terram, idest quasi in æternitatis suæ domum redeat. Bene tamen hæc æternitatis domus etiam illa futura terra accipitur, de qua scriptum est: Placebo domino in regione uiuorum.

Psal. 114

IN CANTICIS CANTICORVM.

Cant. 1 INT. Quid est illud quod de Ecclesia scribitur: Fusca sum & speciosa filia Hie rusalem? Si fusca, quo modo speciosa? R. Quia ante examinationem sui ecclesia pro diuersitate in se consistentium bipartita est: in sanctis speciosa est, in peccatoribus fusca. Sicut & Hierusalem modo sanctam ciuitatem scriptura commemorat, modo peccatricem. INT. Nomen fratruelis quid sibi uult in Canticis canticorum? R. Ecclesia, cuius nomine illic ad saluatorem ista dicuntur, fratrualem uocat Christum, qui sit filius synagoga. Et quia ecclesiæ synagoga forem in sanctis nostri interdum sentire uoluerunt, iccirco secundum quandam scripturæ elocutionem Christus ecclesiæ fratruelis appellatur & sponsus.

IN EVANGELIO MATTHAEL INTERRO.

VAM ob causam in propheta euangelistæ quattuor diuersa animalium specie designantur? R. Matthæus hominis retinet formam, quia a naturitate hominis orditur dicens: Liber generationis Iesu Christi filii Dauid, filii Abraham. Marcus leonis specie præfiguratur, eo quod ut leo ingenti intulit uoce: Vox clamantis in deserto: Parate uiam domino. Lucas annunciat in uitulo, quod a sacrificiis uel a sacerdotio sumat exordium, dicens: Fuit in diebus Herodis regis Iudææ sacerdos quidam nomine Zacharias. Ioannes aquila prænotatur: quia spiritu euolans ad superna tamquam de sublimi profert dicens: In principio erat uerbum, & uerbum erat apud Deum, & Deus erat uerbum. INT. Quo modo accipiendum est, quod dominus Iesus Christus Dauid filius dicitur, cum utique natus non sit ex Ioseph, qui ex Dauid stirpe descendit? R. In coniugium tunc Iudæi secundum legem de consanguinitate proximas assumebant. Nec dubitandum est, quod hac ratione etiam Maria ex eadem tribu ueniens, sicut Ioseph ex Dauid stirpe descenderit, imo processerit. Ideo autem per generationem Ioseph origo Mariæ significatur: quia consuetudo scripturarum est, uirorum potius quam seminarum seriem in generatione contexere. Cuius Mariæ quia cognata, sicut legitur, fuit Elizabeth, quæ fuisse scribitur de filiabus Aaron, manifestissimum est, quod in Christo secundum carnem ex utroque genere conuenerit, regum scilicet sacerdotumque successio. INT. Euangelista Matthæus Ioseph genitum ex Iacob dicit: & quo modo Lucas eum ex Heli fuisse commemorat? R. Ideo quod alter secundum naturam, alter ei secundum legem pater fuerit. Consuetudo namque apud Iudæos ex lege erat, ut defuncti fratris uxorem ad suscitandum semen superstes frater acciperet. Iacob ergo atque Heli uterini fratres fuerunt: quorum superiore defuncto, posterior usus est ex lege coniugio. In eorum commemoratione Matthæus Ioseph profapiam per regiam originem texuit, Lucas generationem eius sacerdotali successione deduxit. Pater tamen Ioseph secundum

- secundum naturam haud dubie Iacob fuit. INT. Quare in euangelio Maria Ioseph coniux dicitur? R. Consuetudo est scripturæ, ut etiam sponfas appeller uxores. INT. Quid est quod legimus: Ipse nos baptizabit spiritu sancto, & igni? R. Quia per spiritum sanctum uel peccata exuruntur in nobis, uel sanctificatio tribuitur, uel caritas in passionibus tolerandis seruo accenditur. Aut certe quia spiritu baptizati diuino iudicio examinabimur. Sunt qui dicant apostolos spiritu sancto baptizatos esse, cum super eos ignis apparuit. INT. Qualiter accipiendum est de columbæ illius corpore, in qua ad saluatorem spiritus sancti paruit manifesta descensio: utrum ante iam fuerit, an ad tempus factum subiro apparuerit? R. Vtique ad tempus ostensum. nam ut signum uisibile spiritus sancti, qui erat inuisibilis, monstraretur, uerum quidem corpus columbæ illius per diuinam potentiam, sed in tempore factum, ad horam apparuisse, ac deinceps destitisse credendum est. Angeli uero cum se humanis offerunt oculis, creduntur, ut quorundam opinio est, ex isto crassiore aere, idest, uicino terris ad præsens corpus assumere. Porro autem pocem aliquam ita putantur exprimere, cum illis huic aeri idus tamquam palato uerborum sonum reddit. INT. Iustis promittitur regnum cælorum, & quo modo etiam hoc dicitur: Quoniam ipsi possidebunt terram? R. Quia nouum cælum & noua terra in futuro repromittitur iustis, ut tunc cum Deo sicut angeli utrumque possideant. INT. Cum dicat saluator, Tyrum & Sydonem penitentiam agere potuisse, si in eis diuinarum apparuissent signa uirtutum: quapropter illic facta non sunt, quæ salutem fuissent credentibus allatura? R. Quia dominus ac saluator pro diuina dispensatione non uenerat, nisi ad oues quæ perierant domus Israel. Ecquid est quod non uenerat nisi ad oues domus Israel? Quia inter reliquas usquequaque nationes specialius unum Israel Deum coluit: atque, ut iā dixerim, peculiaris Dei quondam populus fuit, ob merita Abrahæ ac patriarcharum, uel Dauid: quibus Christus proprie repromissus, atque ex eorum stirpe descendens, inde ipsam carnem, in qua terris apparuit, assumpsit. Sed tamen quia uirtutes postea & in gentibus factæ sunt, ita testimonium hoc intelligi potest, ut ubi dicit, Non ueni nisi, subaudiatur, Prius: ut sic & testimonii ueritas & misericordia Dei in uniuersos prompta magis clareat. INT. In euangelio dicit dominus & saluator noster, Iugum meum leue, & onus meum leue est. & quo modo legitur in psalmo, Propter uerba labiorum tuorum ego custodiui uias duras? R. Equidem manifestum est quod omnes qui uolunt in Christo pie uiuere, persecutionem patiuntur: sed tamen diligentibus Deum quæ sunt dura in re præsentium, efficiuntur leuia in spe futurorum. INT. Quid intelligendum est loco illo, in quo scribitur: Orate ne fiat fuga uestra hyeme, uel sabbato? R. Secundum historiam, ita intelligendum est, ne fiat fuga uestra hyeme, idest, ne in tribulatione fugæ temporis accumuletur iniuria. Ne fiat fuga uestra sabbato: ne eo utique die quo habere requiem uocationemq. consueitis. At uero secundum intellectum superiorem, Ne fiat fuga uestra hyeme uel sabbato, ita accipi potest: ne uos fuga illa deprehendat, aut in peccatis algentes, aut bonis operibus otiantes. INT. In eodem Marthæo scribitur: Dico autem uobis, Non bibam amodo de hoc genimine uitæ, usque in diem illum quo illud bibam uobiscum nouum in regno patris mei. quid hic sequemur? R. Regnum Dei, ut docti interpretantur, ecclesia est: in qua quotidie bibit sanguinem suum Christus per sanctos suos, tamquam caput in membris suis. INT. Quid causæ est quod dicitur: Amodo uidebitis filium hominis sedentem ad dexteram uirtutis, & uenientem in nubibus cæli. Et alio loco dicitur, non uisus uenientem in nubibus cæli, nisi in nouissimo tantum die plangentes omnes

tribus terrar, & tunc uidebunt filium hominis in nubibus celi? R. Quia in hoc primo corporis, idest ecclesie aduentu annunciat per manifestationem claritatemq. signotum: ille uero alius aduentus capitis est, idest ipsius Christi. In illo aduentu per membra sua Christus uenit, in hoc per se ipsum.

IN MARCO

INT. Quid significat in euangelio quod dicit: Qui enim habet, dabitur illi: & qui non habet, etiam quod habet, auferetur ab illo? R. Verbi gratia, ut si fidem habens, caritatem non habeat, etiam ipsa fide careat, quam forte habere uidebatur. Sicut iudei per scripturam diuinam non intelligentes Christum, etiam ipsam quam se putabant tenere, Dei notitiam perdidierunt, & filium non recipientes, etiam patrem non habent. INT. Marcus euangelista horam sextam, qua crucifixus sit, fuisse commemorat? R. Quia hic illam pene horam in scriptis suis retulit, qua uere crucifixus est. At uero ille horar anterioris tempus commemorandum putauit, quo de eo iudeis adclamantibus iudicatum est, quasi per anticipationem relationis ea hora crucifixus sit, qua iussus est crucifigi. Sed tamen in ipsa hac passione eius sic tenere debemus, quod ira homo ille qui assumptus sit, pro eiusdem uoluntate pertulerit, ut uerbum illud quod in principio apud Deum patrem erat, inuiolatum intemeratumq. permanserit: ergo illud iniuriz obnoxium fuit, quod pro humana infirmitate suscepit: illud uero incorruptum mansit, quod diuina eternitas possidebat.

IN LUCA

INT. Quid est quod scribitur in Luca de Zacharia sacerdote, quod esset de uice Abia? R. Viginiquatuor sortibus in ministerium templi distributi fuerant sacerdotes, ut in ordine uicis sue quisque sacerdotali fungeretur officio: in hoc ergo ordine octauam sortem Abia habuit, de qua uice Zacharias sacerdos fuit.

INT. Qui illi sunt qui in scripturis sacris nomina, antequam nascerentur, acceperunt? R. In nouo testamento, praeter saluatorem, solum legimus baptistam Ioannem: in ueteri quatuor sunt, Isaac, Ismael, Salomon, uel Iosias, qui ortu uideantur iuniores esse, quam nomine. INT. Ad aduentum matris domini quo modo Ioannes adhuc sensu carens in utero potuit exultare materno? R. Hoc matris magis sensu uel gaudio a quibusdam factum aestimatur, quod diem interioribus potuerit exultare uisceribus. Aut certe si hoc ad Ioannem potius referre placeat, inter miracula diuina reputandum est, sicut & illud, cum uox asinæ in sonum sermonis erupit. INT. In eodem euangelio quid sibi uult illud quod legitur: Factum est autem in sabbato secundo primo, cum transiret per saia, uelabant discipuli eius spicas, & manducabant contritantes manibus? R. Quiddam hoc loco diem dominicum ita appellatum existimant, eo quod uideatur secundus ab illa legali obseruatione sabbati, & primus sit euangelicæ gratiæ celebritate. Si cui autem hoc minus satisfacere uidetur, quod diem ipsum magis sabbati fuisse contendat, quia scriptum sit de eo: Quid facitis quod non licet in sabbatis? potest forsitan & ipse nihilominus dies sabbati ita ex hoc intelligi, ut nunc obseruatione nostra secundus sit, qui primus quondam fuerit obseruatione iudaica. Rectissime enim dies primus dies dominicus deputatur.

INT. Quo modo uisionem illam in qua dominus assumptis tribus discipulis glorificatus est, Lucas post octo, alii uero euangelistæ post sex dies sublecutam esse commemorant? R. Lucas, qui habito domini apud discipulos sermone post octo dies scribit uisionem hanc discipulis ostensam, & eum diem quo

- quo dominus locutus est, comprehendit, & cum, quo Iesus glorificatus apparuit. Hi uero qui sex dies indicandos putauerunt, mediis tantum atque integris diebus adnumeratis, quasi semiplenum primum illum diem postremumque ta-
- 10 ac perinde & in subsequenti quinque uideri potest numerus personarum. INT. In parabola Lazari & diuitis aliquantæ quæstiones incurrunt. Aut quo modo diues in tormentis sit ante iudicium: aut quo modo digitus Lazari dicatur, numquid corpora apud inferos sint: aut ipse aquam desideret, numquid sitim corporis sentiebat? R. Hæc omnia secundum eos affectus loquitur, quos aliquando pro necessitate corporis gesserat. Ceterum ille ante iudicium tormentorum sensus quasi pro loco custodiæ, in quo erat, accipiendus est: reis quippe ipsa custodia etiam ante iudicium non est absque tormentis. In hoc quoque quod apud infernum Abraham uidit hæc subesse, a quibusdam ratio putatur, quod etiã omnes sancti ante aduentum domini nostri Iesu Christi ad inferna, licet in refrigerii loco-
- 20 cum, descendisse dicuntur. Alii opinantur locum illum in quo Abraham erat, ab illis inferni locis in superioribus constitutum, propter quod dicat dominus de illo diuite: Eleuans oculos suos cum esset in tormentis, uidit Abraham de longe: finemque ipsius Abraham designari illius regionis quietem. INT. Quo modo accipiendum est quod legimus: Regnum Dei intra uos est? R. In unoquoque pro bonorum malorumque actuum discrepantia, aut Deus regnat, aut diabolus: quia necesse est, ut cuius uoluntatem opere procurat, eius imperio uideatur esse subiectus. Itaque si iusti sunt quidam, Deus in his regnare dicendus est: diabolus, si in iusti. Potest & fides regnum Dei dici, qua itur ad regnum: quia utique iustus ex fide uiuit: & per quam Christus habitat in cordibus sanctorum suorum. INT.
- 30 Quo modo in Luca latroni saluator dicit: Hodie mecum eris in paradiso: cum utique die illo secundum hominem corpore in terra, anima apud inferos fuerit? R. Potest forte hic pro paradiso accipi ille attributæ quietis locus, ubi Abraham esse cum Lazaro in euangelio saluator ostendit. Aut certe ita intelligendum est, quod hanc promissionem dominus secundum effectum diuinæ potestatis impleuerit: quia ubique Deum esse noscendum est.

Luca 17

Luca 23

IN IOANNE

- INT. Quadraginta & sex anni, affirmantibus Iudæis, secundum euangelium Ioannis in ædificatione templi quo modo ostenduntur impleti? R. Salomoneum quidem septem tantum annis domum domini ædificasse satis constat, scriptura ex hoc dicente: Aedificauitque eam in annis septem. Quadraginta uero sex anni in tem-
- 40 pli restauratione ponuntur, quæ habita est in diebus Esdræ, post subuersionem Hierosolymæ, captiuitatemque Iudæorum. Porro ipsa reparatio ædificandi templi diu tracta est, uicinis in circuitu nationibus opus assidua infestatione prohibentibus. INT. Quo modo saluator assumptum hominem duxit in cælum? aut quo modo cælum promittitur sanctis, cum dicat: Nemo ascendit in cælum, nisi qui descendit de cælo filius hominis qui est in cælo? Aut quo modo in cælo erat, cum adhuc esset in terra? R. Secundum carnem in terra erat, secundum deitatem cælo non deerat. Ideo & ipse ascendit qui descendit: quia licet assumpserit hominem, tamen homo & Deus, hoc est Christus, una persona est: & utique cum ille sit ca-

HH 2 put,

- put, sancti autē membra sint, necesse est ut sequantur membra quo caput præcessit, ut sit in cælo Ch. risū corporis plenitudo. INT. Qualiter illud accipiendum
- Ioh. 3* est quod scribitur: Non enim ad mensuram dat Deus spiritum? R. Hoc quidam de filio proprie intelligendum esse confirmant: quia homines dom alii aliis plus minusue capiant, utique ad mensuram spiritum accipere videntur, iuxta illud apostoli: Habentes autem donationes secundum gratiam, quæ data est nobis; differentes, siue prophetiam secundum mensuram fidei, & cetera Christo uero unigenito suo, qui etiam dat, non est spiritus ad mensuram datus, quia in eo est omnis plenitudo diuinitatis. INT. Saluator dicit: Vos ascendite ad diem hunc, ego non ascendam ad diem festum istum: et quo modo postea scribitur de eo: Ut autem ascenderunt fratres eius, tunc & ipse ascendit ad diem festum? R. Veritas mendacium loqui non potest. Atque ideo non aliter a Iesu factum est; quam quod se pronunciauerat esse facturum. Scenopegia sollemnitas Iudeorum non unum diem, sed plures dies sollemnitate complectitur, sicut & Paschæ festiuitas. Ergo quia dixerat, Non ascendo ad diem festum hunc, utique ad diem festum ipsum, sicut prædixerat, non ascendit. Nam & sequitur in euangelio: Hæc cum dixisset ipse, hoc est saluator, mansit in Galilæa. Ut intelligamus in ea quidem sollemnitate, sed non eundem diem fuisse, de qua postea scribitur: Ut autem ascenderunt fratres eius, tunc & ipse ascendit ad diem festum. Potest & figurate intelligi hic dies festus, ad quem saluator se non ascensurum esse professus est, ut in se mutandam festiuitatem doceret. INT. Qualiter sentiendum est de loco illo, in quo de Iesu Christo saluatore nostro scribitur: Nemo misit in eum manus, quia nondum uenerat hora eius? R. Hora hæc non secundum mathematicos intelligenda est, sed potius hominū illa qua ipse crucifigi, qua ipse pati uellet; & ideo nondum uenerat hora eius, quia nondum uniuersa perfecerat, quia nondum cuncta propositorum operationis impleuerat, propter quæ homines terramq. uisitauerat. INT. Quo modo intelligendū est quod saluator dicit: Cum loquitur mendacium, ex propriis loquitur, quia mendax est & pater eius? R. Snpra dixerat dominus ad Iudæos: Si Deus pater uester esset, diligeretis utique me: & postea: Vos ex diabolo patte estis, & desideria patris uestri nultis facere. Ille hominida erat ab initio, & in ueritate non stetit, quia non est ueritas in eo. Cum loquitur mendacium, hic subaudiendum est, unusquisque uestrum: ex propriis loquitur, quia mendax est & pater eius, idest diabolus. Sunt qui ita disputant: Cum loquitur mendacium, idest diabolus: de propriis loquitur, quia mendax est, & pater eius, hoc est mendacii ipsius pater est: quia ab ipso uideatur ortum esse mendacium: ut sicut Deus filium ueritatem genuit, ita & diabolus filium genuerit falsitatem. INT. Quo modo accipiendum est illud quo dicitur: Abraham pater uester exultauit ut uideret diem meum, & uidit, & gaudens est? R. Prophetæ uidentes appellabantur ideo, quod sancti spiritus munere ea quæ ceteris erant clausa, quasi conscii futurorum uidebant: inter quos & Abraham Christum uidit in spiritu. INT. Dicitur in euangelio: Scimus quia peccatores Deus non exaudit. & quo modo saluator in alio loco dicit: Omnis qui petit, accipit. R. Sunt qui ex hoc loco ita sentiunt: Ille, inquiunt, qui dixit peccatores non exaudiri, cæcus fuerat, & plenam adhuc quasi infuso collyrio uidere non poterat ueritatem. Certum est autem diuinæ misericordie aurem patere pulsantibus. Potest & hac ratione intelligi, quo modo Deus non exaudiat peccatores, ut etiā si exaudiantur ad impetrandam propriam salutem, nō exaudiantur in signis. INT. Deus & saluator quid est quod in euangelio Ioannis dicit: In iudicium ego in hunc mundum ueni, ut qui non uident, uideant, & qui uident, cæci fiant? R. Non

R. Non minima quæstio, sed nos breuiter pro necessitate quid hic doctorum opinio habeat, proferemus. Vt qui non vident, uideant, & qui vident, cæci fiant: idest, ut hi qui se non uidere consentunt, & medicum querunt, uideant: hi uero qui se putant uidere, & medicum non requirunt, in sua cæcitate permanent. Itaque in hoc iudicium uenisse se dixit, quo discerneret causam credentium & incredulorum. Ergo, Vt qui nō vident, uideant, potest intelligi de gentibus, quæ uisuræ erant per fidem: & qui vident, cæci fiant, accipi de Iudæis potest, qui cæcaiebantur per propriam infidelitatem. INT. Quo modo saluator loquitur? Pater maior me est: & alio loco dicit: Ego & pater unum sumus? R. Dominus Iesus ira uerus homo, uerus Deus, de patre Deo Deus, de matre homine homo, illud secundum hominem, hoc secundum Deum locutus creditur. Iuxta quam rationem diuinitatis atque humanitatis; etiam in reliquis quæ aut æqualitatem cum patre, aut humilitatem eius sonant, facile intellectus patebit. INT. Quid mysterii continet locus ille, ubi dominus pedes discipulorum lauit? R. In loco illo maledictum calcanti diluitur, quod diabolo in cunctis animarum nostrarum gressibus incurrerebat. primo enim moribus eius nostram patebat calcaneum. Porro cum dictum est: Ecce dedi uobis potestatem calcandi super serpentes & scorpiones, maledictum illud aboluitur est.

Iom. 14

Iom. 10

IN EPISTOLA AD ROMANOS INTER.

30 V A E intelligentia est capituli illius quo apostolus proponit dicens: Si autem iniquitas nostra iustitiam Dei commendat, quid dicemus? Numquid iniquus Deus qui infert iram? secundum hominem dico. Absit! Alioquin quo modo iudicabit Deus hunc mundum? si enim ueritas Dei in commendacio abundauit in gloriam ipsius, quid adhuc & ego tamquam peccator iudicor: & nō sicut blasphemamur, & sicut aiunt nos quidam dicere: Faciamus mala, ut eueniant bona? quorum damnatio iusta est. R. Obscurissimus atque perplexus in apostolo locus, & multis ad discutiendum proferendumq. sensum uerbis indigens: nobis tamen pro festinatione sermonis artandus. Dixerat supra: Est autem Deus uerax, omnis autem homo mendax, sicut scriptum est: Vrius-
 30 ficeris in sermonibus tuis, & uincas cum iudiceris. Iam etiam adiicit: Si autem iniquitas nostra iustitiam Dei commendat, quid dicemus? Hic de testimoniis quæ supra posuerat, nascentem euenit quæstionem, & adiungit: Numquid iniquus Deus qui fert iram, idest uindictam? Secundum hominem dico, hoc est secundum humanam elocutionem, quod quasi iniquum Deum appellauerat. Vel quod iram eius dixerat, cuius passio in Deum non cadat. Absit: hoc est, absit ita credi, ut iniquum Deum esse dicamus: qui, si hæc ita sunt, iram infert delinquenti. Alioquin quo modo iudicabit Deus mundum, nisi summa æquitate atque iustitia? Deinde sequitur: Si enim ueritas Dei in commendacio abundauit in gloriam ipsius. Et hoc ita proponit, ut resellens sit, non approbans: quia si ueritas Dei mendacio hominis indiguit, nec peccator tamquam peccator iudicabitur, & quæ blasphemabant in apostolos, uera uidebuntur. Ergo quid est quod dicit? Et si ex comparatione iniustitiæ iustitiæ clarescat, non ideo tamen homo iniustus esse debet, ut Deus iustus appareat. Dñatio eorū iusta est, qui nos hæc affirmant dicere: Quid dicere? faciamus mala, ut ueniant bona. Putabantur autē apostoli istud dicere apud eos, qui male interpretabantur dictū apostolicū, illud utique: Vbi abundauit peccatum, superabundauit gratia. INT. Quid illud est quod legimus: Vt quid enim Christus, cum adhuc infirmi essemus, secundum tempus pro impiis mortuus est? Vix enim pro iusto quis moritur. Nam pro bono forsitan quis audeat mori. R. Hoc est quod uult intelligi: Ille pro impiis mortuus est, cum iux-

Rom. 3

Psal. 50

Rom. 5

Ibidem

quisquam reperiatur mori uelle pro iusto. Nam pro bono, idest Christo, forsitan aliquis mori audeat. Hic etiam de se uerecunde indicans quod pro Christo mori possit. Et aliter: Vix enim pro iusto quis moritur: In ueteri lege, in qua est pro mandatorum seueritate iustitia, uix pauci martyres sunt reperi: in nouo autem instrumento, in quo est pro pietate preceptorum bonitas, innumerabiles marty-
 res existerunt. INT. Apostolus dicit de Deo patre: Sed pro omnibus nobis tradidit illum, idest, filium, quid in hoc significat? R. Traditioni acquieuit. In sacris namque libris facere interdum Deus dicitur, in quibus faciendis uidetur prestare patientiam. Alia quippe sunt quae fieri Deus uult, alia quae fieri sinit. Vult ergo fieri quod facta appareant esse meliora. At uero deteriora permittit, ut libertas humani constet arbitrii: in qua arbitrii libertate bonorum malorum uel sceleratoribus diuino iudicio exhibeatur retributio iusta meritorum. INT. In hac eadem epistola quid intelligendum est de hoc quod legimus: Quis accusabit electos Dei? Deus qui iustificat. Quis est qui condemnet? Christus Iesus qui mortuus est; immo qui resurrexit, qui est ad dexteram Dei, qui etiam interpellat pro nobis. R. Hæc in quibus sibi ipse respondit, quasi *significans* legenda. Et est sensus iste: Nisi forte electos suos aut Deus qui iustificat, aut Christus qui pro his est mortuus, condemnabit. Minime utique, qui etiam interpellat pro nobis. Hoc est quod dicit: Nemo condemnabit electos. INT. Quid sentiendum est in hoc loco in quo apostolus loquitur: Optabam enim ego ipse anathema esse a Christo pro fratribus meis, qui sunt cognati mei secundum carnem, & reliqua. R. Anathema interdum, ut & hic, occasionem interfectionemque significat. Ergo hic apostolus perire optat in carne, ut alii saluentur in spiritu. Et aliter: Ita hic apostolus uim nimis caritatis expressit, exoptans si fieri possit, a Christo anathema esse pro fratribus, sicut & Moyses, qui cum pro populo suo Deum peteret, ait: Et nunc domine, si qui dem dimittes illis peccata illorum, dimitte: sin autem, dele me de libro tuo quem scripsisti. INT. Idem loquitur de Deo: Ergo cui uult miseretur, & quem uult indurat: quid hic sequimur? R. Induratur cor a Deo, dum criminum poena differtur. INT. Rursum ipse affirmat dicens: Quod quærebat Israel non est consecutus: electio autem consecuta est, ceteri uero exacerati sunt: quis huius rei sensus est? R. Non quia Deus ullum uolentem aspicere cæcitate percutiat: quia omnes, sicut scribitur, uult saluos fieri: sed illos qui se ipsos exacerauerant, pro retributione malitiæ dicitur tradidisse, dum deserit. Tradere enim domini est relinquere. INT. Qualiter accipiendum est illud quod scribitur: Si esurierit inimicus tuus, ciba illum: si sitit, potum da illi: hoc enim faciens, carbonem ignis congeris super caput eius? R. Hoc est, ignem compunctionis congeras, cum bona pro mala reddes. Et aliter: Non quod hoc animo inimicus pasci debeat, ut carbonem ignis super caput eius, dum pascitur, congregentur: sed quod inimicus ille cum bona pro malis recipit, si nulla malitiæ suæ penitentia commouetur, ipse sibi potius carbonem ignis super caput suum congerat. INT. Cum potestas non sit nisi a Deo, sicut apostolus dicit, cur non omnes bene accipi eam administrantes reperiuntur? R. Quia & uitam hanc omnes æqualiter a Deo capiunt, nec tamen omnes æqualiter uiuunt.

I. AD CORINTHIOS.

1. Cor. 6 INTER. Omne, inquit, peccatum quodcumque fecerit homo, extra corpus est: qui autem fornicatur, in corpus suum peccat: quid hic sentiendum est? R. Quod cetera peccata per corpus extrinsecus admittantur, fornicatio sola in corporis passionibus administratur. INT. Qualiter locus ille accipitur in quo scribitur: Numquid domos non habetis ad manducandum & bibendum?

aut ecclesiam Dei contemnitis, & confunditis eos qui non habent? R. Apud Corinthios quondam, sicut aliqui asserunt, praua inualerat consuetudo, ecclesias passim dehonestare cōuiuiis, in quibus uescerantur ante dominicā oblationē, quam post cœnam noctibus inferebant: cumq. diuites ebrii ad Eucharistiam uenirent, uexabantur inopes fame. Mos uero iste, ut refertur, de gentium adhuc superstitione neniebat. Vnde etiam quibusdam locis per Aegypti rura, uel Syriæ, die sabbati nocte post cœnam dicitur ad ecclesiam conuenire. INT. Cuiusmodi prophetia est de qua scribitur: Si autem omnes prophetent, intret autem quis infidelis, uel idiota, conuincitur ab omnibus, diiudicatur ab omnibus, occulta enim cordis eius manifesta sunt. R. Prophetiæ genus duplex est: doctrinæ unius, aliud diuinationis. Sed diuinatio præteritis temporibus magis uiguit, doctrina præsentibus. Occulta autem cordis eius manifesta sunt, dum in ecclesia prophete-
 10 tante Doctore conscientia cōpungitur audientis. INT. Quid est quod scribitur: Traditurus filius regnum Deo patri? R. Traditurus quidem, sed tamen non ita traditurus, ut careat. Traditio autem regni nostra prouectio est tunc, cum esse ex integro filii meruerimus in patris regno. INT. Quid sibi uult illud quod scribitur: Omnes quidem resurgemus, sed non omnes immutabimur? R. Id est, non omnes in gloriam immutabimur: quia resurrectio & incorruptio communis est omnium, immutatio autem ad gloriam proprie iustorum.

II. AD CORINTHIOS

INT. apostolus dicit: Obsecramus pro Christo, reconciliamini Deo: eum qui non nouerat peccatum, pro nobis peccatum fecit, ut nos efficeremur iustitia Dei in ipso. quid hic sequimur? R. Reconciliamini, inquit, Deo, qui Christum fecit hostiam pro peccato. Peccatum nesci appellari ipsam hostiam, si in ueteri testamento requiras, inuenies. Potest istud & ita intelligi, factum hostiam pro peccato Christum, quia filium suum misit in similitudine carnis peccati. INT. Datus, est, inquit, mihi stimulus carnis meæ angelus satanæ, qui me colaphizat. quo modo istud accipiendum est? R. Dicunt quidam apostolum sæpe dolore capitis esse nexatum. Melius autem puto ita accipi, ut colaphizatus in illis passio-
 30 nibus intelligatur, quas enumerauit ipse, dicens: Ter uirgis cæsus sum, semel lapidatus sum, &c. Stimulum ergo carnis appellat tribulationem carnis: & angelū satanæ illum, quo quasi immisso tanta illa pateretur, ostendit.

AD EPHESIOS.

INT. Quo modo intelligendum est hoc quod apostolus scribit. Quod proposuerit dominus in dispensationem plenitudinis temporum instaurare omnia in Christo, quæ in cælis, & quæ in terra sunt in ipsum? R. Vere mirum est quid nunc reparetur in cælo. Reparatur ergo secundum opinionem quorundam illa, quæ cum principe suo cecidit, angelorum portio, per augmentum societatemq. sanctorum, de quibus scribitur: Sed sunt sicut angeli in cælo. Reparantur quoque
 40 omnia in terra, cum etiam in locum deficientium Iudeorum admittuntur credentes ex gentibus. Et aliter: Instaurantur quæ sunt in terra: dum nos per mediatoris nostri sanguinem conciliationemq. reparamur. Reparantur cælestia, cum de salute nostra gaudium nascitur angelorum. INT. Quid est quod apostolus loquitur de Deo patre: Ex quo omnis paternitas in cælis & in terra nominatur? R. Quia cum ille nobis pater primus & uerus sit, ab illius nomine deriuatur quando alii patres appellantur. INT. Quo modo apostolus dicit: Honora patrem & matrem. Eph. 6
 quod est mandatum primum: cum in mandatis, ut quidam ordinat, superio sit loco? R. Aliqui de hoc ita disserunt dicentes: Tria illa mandata, quæ superiora sunt omnia ad Deū pertinent, septem sequentia ad hominem: & tria illa ad Deū perti-

pertinentia in una legis tabula tenebantur, in alia uero tabula praecepta illa erant quae ad hominem pertinebant. Hoc itaque mandatum in septem mandatis quae ad proximum pertinent, primum est. Alii uero qui hoc mandatum non quar-
to, sed quinto loco, quod & nos probamus, esse confirmant, ita de hoc disputant: Decalogum ipsum totum, quia in illa prima lege conscriptum est, recte primum mandatum appellare, quod utique primum faciat ordo, postea aliorum in lege consequens praeceptorum. Item ex hoc aliter: Honora patrem & matrem, quod est mandatum primum, & subiungit, In promissione, in qua promissione? Vebe-
ne sit tibi, & sis longaeuus super terram. Igitur in mandatis hoc est primum manda-
tum, quod habeat, quam supra diximus, promissionem. INT. Quid sibi uult
illud quod scribitur: Spiritum nolite extinguere? R. Extinguere, id est fugare
per opera iniquitatis. David inquit: Spiritum sanctum tuum ne auferas a me.
INT. Sequitur paulo post in eodem: Ut integer spiritus uester, & anima, & cor-
pus sine querela in aduentum domini nostri Iesu Christi seruetur. quid hic intelli-
gendum est? R. Spiritum hic dicit utique illum sanctum, de quo supra dixerat:
Spiritum nolite extinguere. Qui quidem cum in substantia sua non possit extin-
gui, extinguitur in nobis, cum auferatur a nobis. Donum namque eius uel gratia
in hominibus sicut eorum uirtutibus accenditur, ita eorum uitis extinguitur.
Alii asserunt spiritum hic accipiendum esse animae ipsius intellectum atque sapien-
tiam. De quo alio loco idem apostolus dicit: Et ipse spiritus testimonium reddit
spiritui nostro, quod sumus filii Dei. Hoc est, quod ille spiritus sanctus huic intel-
lectuali spiritui nostro testimonium reddat, quod sumus filii Dei. Alio quoque
loco apostolus loquitur: psallam spiritu, psallam & mente, Hic spiritum pro uoce
ponens, & uoce dicit pariter & mente psallendum.

AD COLOSSENES

INT. Quid intelligendum est in capitulo illo, in quo ad Colossenses scribitur:
Si mortui estis cum Christo ab elementis mundi, quid adhuc tamquam uiuentes
in mundo decernitis? Et reliqua. R. Perstringamus ut possumus, locum sum-
mis obscuratibus inuolutum. Disputat contra eos, qui ex Iudaeis Christiani pro-
priis contendebant caerimoniis inhaerere, supra enim dixerat de improbabili eorum
obscurantia in cibo & potu: & quod Neomeniae eorum & sabbata umbram futuro-
rum praeuiderent. Rursum in consequentibus dicit: Si mortui estis cum Christo ab
elementis mundi, quid adhuc tamquam uiuentes in mundo decernitis? id est di-
iudicatis dicendo: Ne tetigeritis, neque gustaueritis, neque contrectaueritis,
quae sunt omnia in interitu ipso usu suo (id est, dum assumuntur intereunt) secundum
praecepta & doctrinas hominum: quae sunt rationem quidem habentia sapientiae
in superstitione & humilitate, & non ad parcendum corpori. Doctrinas hominum
dicit, quia praecepta ipsa carnaliter intelligant, praecipientes in lege prohibita non
manducari: sed hoc, sicut ipse subiungit, in superstitione & humilitate superua-
cua, & in corporis afflictione, cui utique corpori non parcat, uel per eiusmodi
abstinentiam uel per circumcisionem. Sequitur autem: Non in honore aliquo ad fa-
turitatem carnis, ergo hoc est quod uult intelligi: Omnes illae observationes, licet
in obseruantia aliquam sapientiae praeferte uideantur figuram, quia putentur le-
gem praeceptorum tenere, tamen in superstitione sunt non in aliquo honore Dei,
sed ad explendam uoluntatem obseruantiae carnalis.

AD TIMOTHEVM

INT. Quae singularum rerum est accipienda discretio in his quas apostolus pro-
fert dicens: Obsecro igitur primo omnium fieri obsecrationes, orationes, postu-
lationes, gratiarum actiones. R. Obsecrationes sunt pro peccatis praeteritis &
praesentibus

presentibus: orationes pro adipiscendis quæ speramus: postulationes cum pro aliis interuenimus: gratiarum actiones cum ea quæ poscimus impetramus, uel certe cum pro immensis Dei beneficiis gratias laudesque referimus. INT. Locus ille quo modo accipiendus est in quo scribitur: Quorundam hominum peccata manifesta sunt præcedentia ad iudicium, quosdam autem & subsequuntur? R. dixerat, aduersus presbyterum accusationem non recipiendam, nisi sub duobus & tribus testibus. & paulo post addidit: Quorundam hominum peccata sunt præcedentia ad iudiciū, utique dum omnibus nota sunt: quosdam autē & subsequuntur, utique dum postea in iudicio comprobantur. Quod si istud aliqui in iudicio Dei magis accipiendum putant, potest ita intelligi: Præcedere ad iudicium illa peccata, quæ ante hic unusquisque commiserit: subsequi uero illa, quibus nos quidem causas dedimus, sed iam post transitum nostrum consummata intelliguntur: ergo subsequuntur nos ad iudicium huiusmodi peccata: si uerbi gratia, cui inopie nos causas attulimus, fame post obitum nostrum atque egestate consumpsit sit.

II AD TIMOTHEVM.

INT. Alexander ærius multa, inquit, mala mihi ostendit: reddet ei dominus secundum opera eius. Et item, Percutiet te dominus paries dealbare. quo modo hæc intelligenda sunt? R. Percutiet, inquit, non percutiat: & rursum, Reddet, non reddat. Vnde fit, ut non tam maledicentis animo dicta esse uideantur, quam iudicium Dei atque uindictam denunciantis. Item aliter: Et si per administratio nem prophetæ immoto animo maledicat propheta, ut illud: Obscurentur oculi eorum ne uideant: dicit quid eorum meritis debebatur. Quia omnis præuicatio & inobedientia accipit iustam operis atque mercedis retributionem.

AD HEBRÆOS

INT. Quid in hoc sequimur quod apostolus dicit: Fide Iacob moriens singulis filiorum Ioseph benedixit, & adorauit fastigium uirgæ eius. R. Sceptri significatio est accipienda per uirgam, & per hoc regni potestatis, fastigium: in quo Christus intelligitur adoratus, qui uidelicet futurus erat regni Hebræorum caput.

IN ACTIBVS APOSTOLORVM.

INT. Quid indicat illud quod legimus: Sabbati habens iter, idest mille passus? R. sabbato enim usque ad montem oliueti ire Iudeis licitum erat: uel certe siubi fuissent, tanto spatio deambulandi licentiam præsumebant. INT. Spiritus sanctus quomodo ante ascensionem a saluatore secundum euangelistam loantem apostolis insufflatur, cum secundum Actus apostolorum post decimum ascensionis diem in apostolos missus sit? R. Multæ sancti spiritus gratiarum donationes sunt, secundum illud quod apostolus dicit: Alii quidem datur per spiritum sermo sapientie, alii sermo scientie secundum eundem spiritum, alii gratia sanitarum in uno spiritu, &c. Igitur ante ascensionem gratiam sancti spiritus acceperunt, qua possint peccata dimittere, & baptizare, & credentibus spiritum adoptionis infundere: secundum quod tunc cum eis a saluatore spiritus insufflaretur, dictum fuerat: Quorum remisistis peccata remittentur eis: & quorum retinueritis, retenta erunt. At uero post ascensionem multo maiorem sancti spiritus gratiam perceperunt in operatione uirtutum, & gratia sanitarum, & diuersarum perceptione linguarum: iuxta illud quod eisdem eodem promissum fuerat die, ut baptizarentur spiritu sancto, & induerentur uirtute, qua euangelium Christi uniuersis gentibus possint prædicare. In hac ergo perceptione sancti spiritus secundum dominicæ gratiæ distributionem, apostolorum demonstratur profectus, non eorum pugnantium diuersitas scripturarum. Et aliter, quare bis datus sit spiritus sanctus, egregio

egregie quidam doctor exposuit dicens de eo quem primum hic saluator per se ipsum dedit, & de cælis postea misit, ut significaretur dilectio proximi & dilectio Dei, quæ in cordibus sanctorum per spiritum sanctum diffunditur, qui datus est ad euangelizandum Dei uerbum. Per quod apostoli sese in orbis partes intulerunt, quantum narrat historia, Bartolomæus in Indos, Thomas retendit in Parthos, Matthæus Aethiopes, Andreas Scythas prædicatione molliuit, Ioannes Asiam diuino sermone correxit, Petrus Cappadociam atque Galatiam, Bithyniam pariter & Pontum, prouinciasque confines, dum Iudæis prædicat, circuit: postremo Romam illustraturus accessit. Paulus ab Hierusalem usque Illyricum cum euangelio repleuisset, tant innumeras ac dispares nationes præceptis tamquam armis uictor edomuit. **INTER.** Cum in Actibus apostolorum primum legatur: Viri autem qui comitabantur cum eo, hoc est cum apostolo, stabant stupentes, audientes quidem uocem, neminem autem uidentes, quo modo postea apostolus dicit: Et qui mecum erant, lumen quidem uiderunt, uocem autem non audierunt eius qui loquebatur mecum? **R.** Superius ubi audisse uocem referuntur a Deo, non uocem, sed inconditum sonum uocis acceperunt, ut eos postea dicat uocem non audisse, id est expressam uerborum significantiam, qua possint intelligere quod sonabat. Ac perinde iccirco diuersa uice & audisse referuntur: quia quantum ad sonum pertinet, audierunt: quantum ad uerba, non audierunt. **INT.** Quare prius communis cibus uocabatur, qui putaretur immundus? **R.** Quod contra interdictum tunc Dei in commune ceteris pateret hominibus, qui in ciborum discretione legis obseruantiam non tenebant, per quam Iudæi partem Dei se esse iactabant. Purificatus est autem etiam, domino dicente ad Petrum: Quia Deus purificauit, ne tu communis dixeris. **INT.** Quid illud est quod in Actibus apostolorum duodecim illi, qui Ioannis baptismo baptizati fuerant, baptizantur a Paulo? **R.** Hoc iccirco, quia non in nomine trinitatis baptizati erant. baptisum enim Ioannis licet in eum qui uenturus est, baptizaret, tamen proprie Ioannis baptisum dicebatur. Vnde & ab hæreticis uenientes non rebaptizantur a nobis, si baptizatos constat in nomine trinitatis: nisi impositio tantum manus ad fidem rectam conuersis adhibetur, ut per hanc sancti spiritus suscipiatur infusio.

IN EPISTOLA IACOBI.

Iacob 1. **INT.** Quo modo dicitur: Deus intentator malorum est, & ipse neminem tentat: cum nihilominus scriptum sit: Tentat uos dominus Deus uester? **R.** Tentatio domini probatio appellatur. neque enim ille quemquam tentat in passionibus, sed a concupiscentiis nostris illa tentatio est, cum humilitati deiicimur. A domino est tentatio, cum probat & glorificatur, & ideo dominus intentator malorum est.

IN EPISTOLA IOANNIS.

1. Ioan. 4. **INT.** Quo modo perfecta caritas foras mittit timorem, cum rursus scribatur: Timor domini castus permanet in sæculum sæculi? **R.** Quisquis Deum diligit, utique absque Deo esse formidat. Hic est timor Dei, qui permanet in sæculum sæculi. Igitur timor hic de perfecta domini caritate descendit. At uero alius timor ille de temporariis rebus nascitur: quarum læpe amissionem ueremur. Hunc timorem foras mittit diuinæ perfectio caritatis. **INT.** Item in epistola sua Ioannes ponit: Tria sunt quæ testimonium perhibent, aqua, sanguis, & spiritus: quid in hoc indicatur? **R.** Simile huic loco etiam illud mihi uidetur, quod ipse in euangelio suo de passione Christi loquitur dicens: Vnus militum lancea latus eius aperuit, & continuo exiuit sanguis & aqua: & qui uidit, testimonium perhibuit. in eodem ipse de Iesu supra dixerat: Inclinato capite tradidit spiritum. Quidam

Quidam ergo ex hoc ita disputant: Aqua baptismum, sanguis uidetur indicare martirium, Spiritus uero ipse est qui per martirium transit ad dominum. Plures tamen hic ipsam interpretatione mystica intelligunt trinitatem, eo quod perfecta ipsa perhibeat testimonium Christo: Aqua patrem indicans, quia ipse de se dicit: Me dereliquerunt fontem aquarum uiuorum: Sanguine Christum demonstrans, utique per passionis cruorem: Spiritu uero sanctum spiritum manifestans. Hæc autem tria de Christo testimonium ita perhibent, ipso in euangelio loquente: Ego sum qui testimonium perhibeo de me ipso: & testimonium perhibet de me qui misit me pater. Et item: Cum autem uenerit paracletus, quem ego mittam uobis spiritum ueritatis, qui a patre procedit, ille testimonium perhibebit de me. Perhibebit ergo testimonium pater, cum dicit: Hic est filius meus dilectus: Filius, cum dicit: Ego & pater unum sumus: Spiritus sanctus, cum de eo dicitur: Et uidit spiritum Dei descendentem sicut columbam uenientem super se. INT. Quid est quod rursum in epistola sua profert esse, pro quo non debeat orari, peccatum usque ad mortem? R. Vtique usque ad mortem peccat ille peccator, qui in huius temporis uitæ cursu penitentiam non agit. Hac ratione illud quoque oportet intelligi: Qui autem blasphemauerit in sanctum spiritum, non remittetur ei, neque hic, neque in futurum. blasphematur enim qui diuinis promissis, spirituique sancto minime credens, in quo est remissio peccatorum, reconciliari Deo in hac uita per satisfactionis opera detrectat. INT. Quid significat quod in eodem legimus, Mundum in maligno esse positum? R. Non quod a Deo mundus in maligno sit positus, sed quod uitia hominum in mundo uiuentium sint maligna. Hoc modo etiam illud patebit quod scriptum est: Quia dies mali sunt.

IN APOCALYPSI.

INT. Qui sunt illi septem spiritus Dei, qui in Apocalypsi commemorantur?

R. Hi sunt quos & propheta Isaias enumerat: Spiritus sapientie & intellectus, spiritus consilii & pietatis, spiritus scientie & ueritatis spiritus timoris Dei. in quibus tamen spiritalia opera significantur. Omnia autem illa operatus unus atque idem spiritus.

30 Et quidem hæc de opinionibus doctissimorum uirorum exigenti tibi a me prolata sunt. Si quis tamen in prædictarum questionum disputationibus attulerit quæ magis probentur, reprehendens pertinaciam, quæ in plerisque esse solet, non abnuo me secuturum esse meliora.

CAPITA LIBRI SECUNDI.

I Hebræorum nominum interpretatio

II De uariis uocabulis

III De expositione diuersarum rerum

III De gentibus

V De locis

40 VI De fluminibus

VII De mensibus

VIII De sollempnitatibus

IX De idolis

X De ueste sacerdotali

XI De auiibus uel uolatilibus

XII De bestiis & serpentibus

XIII De ponderibus

XIII De mensuris

XV De Græcis nominibus

D. EVCHERII,
EPISCOPI LVGDVNENSIS,
IN SECVNDVM LIBRVM

Instruccionum, Præfatio ad Salonium.

VONIAM, fili carissime, superiore libro propositionibus tuis se retulit crebra responsio, & uereor, ne assidua interrogaciones, ut sit plerumque, legenti generent ex satietate fastidium: meo nunc nomine ea, quæ sponderam opus uariaturus, adnectam: singula quæque, ut ordine ipso magis clareant, per species suas diuidens, ac titulis suis subdens. Et primo ueniam ad Hebræorum nominum interpretationem, e quibus certa quæque & celebriora breuitatis causa ponam.

HEBRÆORVM NOMINVM
INTERPRETATIO.



A DONAL, in Latinum sonat dominus. Sabaoth, exercituum siue uirtutum: aut, ut aliqui uolunt, omnipotens. Iesus, saluator. Nazarenus, sanctus, siue mundus. Messias, unctus, idest Christus. Michael, qui sicut Deus. Gabriel, fortitudo Dei. Raphael, medicina Dei. Adam, homo, siue terrigena. Eua, uita siue calamitas. Miror unde apud Hebræos interpretatio huius nominis tam diuersa sit: nisi forte ideo, quod eadem & edendo homini uitam attulerit, & transgrediendo calamitatem. Aut quod mulier aliis interdum uita, aliis est calamitas. Abel, lucus, uel miserabilis. Cain, possessio, uel lamentatio. Enoch, dedicatio. Mathusalem, mortem suam misit. Noe, requies Sem, nominatus. Cham, callidus. Iapheth, latitudo. Loth, declinans, siue unctus. Melchisedech, rex iustus. Abram, pater excelsus. Abraham, pater uidens populum, uel pater multarum, scilicet gentium. Sarai, princeps mea. Sara, princeps. Notandum quod utrisque nominibus, scilicet Abrahæ & Saræ tantum a littera dominus addiderit, quæ tamen apud Hebræos per se legitur: Agar, aduena, uel conuersa. Ismael, auditio Dei. Isaac, risus: non tamen, ut quidam putant, ideo sic appellatus, quia Sara riserit, sed quod Abraham, qui tunc utique prior risisse indicatur. Rebecca, patientia, siue quæ multum acceperit. Iacob, supplantator. Israel, uir uidens Deum, sed melius princeps cum Deo. Lia, laboriosa. Rachel, ouis, uel uidens Deum. Ruben, uidens filios, siue uidens in medio. Simeon, audiens tristitias. Leui, appositus, siue additus. Iuda, confitens, siue glorificans. Zabulon, habitaculum pulchritudinis. Isachar, est merces. Dan, iudicium, aut iudicans. Gad tentatio. Aser, latitudo siue beatus. Neptalim, conuersantes. Benjamin, filius dexteræ. Ephraim, frugifer, siue ubertas uel actus Latine. Manasse, oblitus. Esau, rubens, siue aceruus lapidum. Cedar, tenebræ, uel mazor.

- Iob magus, uel dolens. Amalech, populus lambens, siue refinguens. Moy
 ses, assumptio, uel liniens. Aaron, mons fortitudinis. Pharaó, denudans
 eum, siue dissipator eius. Sed Pharaó nomen est non hominis, sed dignitatis fi-
 gur & apud nos Augusti appellantur reges, cum propriis nominibus censeantur.
 Pharaó tamen ille, submersus in mari rubro, proprio uocabulo Centres uocitatus
 est. Iosue, saluator. Athoniel, tempus eius Dei, uel responsio Dei. Aod,
 gloriosus. Semegar, nomen adueniens, siue ibi colonus. Barach, fulgurans.
 Delbora, apis uel loquax. Gedeon, tentatio iniquitatis eorum. Abime-
 lech, pater meus rex. Thola, uermiculus ad tincturam, uel coccinum. Iair,
 26 illuminans. Iepte, aperiens, uel apertus. Efebon, cogitatio, siue cingulum
 mitoris. Achilon, uiuens Deo, uel uidens Deum. Abdo, seruus eius.
 Sampson, Sol eorum, uel Solis fortitudo. Dalila, paupercula, uel situla. Eli,
 Deus meus. Samuel, nomen eius Deus. Saul, expeditus, siue petitio. Iassai,
 insulæ holocaustum, uel sacrificiũ. Daid, desiderabilis, siue fortis manu. Iona-
 han, columbæ donũ, uel domini donũ. Abesalom, pater pacis. Salomon, pa-
 cificus. Idẽ Ecclesiastes, idest cõcionator. Idem & Idida, idest dilectus domini.
 Roboam, latitudo populi. Abia, pater dominus. Asa, tollens, siue sustollens,
 Iosaphat, domini iudiciũ. Iorã, qui est excelsus, sed melius, sublimatus. Ocho-
 zias, apprehendens dominũ. Athalia, tempus domini. Ioas, sperans, siue tem-
 30 poralis. Amasias, populum tollens. Azias, fortitudo domini. Azarias, auxi-
 lium domini. Iotham, perfectus. Ahas, apprehendens. Ezechias, fortitudo
 domini. Manasses, obliuiosus, uel quia oblitus est, Amon, fidelis, uel nu-
 tritius. Iosias, ubi est incensum, uel domini salus. Ioachaz, robustus. Ioa-
 chim, cuius est præparatio. Eliachim, Dei resurrectio. Iechonias, præparatio
 domini. Sedechias, iustus domini. Ieroboam, diiudicans populum, uel dii-
 udicans supernos. Naue, latratus. Baasa, plinguedo. Helam, sæculi, uel orbis.
 Zambri, psalmus, uel canticũ meum. Omri, crispans meus. Achab, frater pa-
 tris. Iezabel, fluens sanguine, uel sterquilinum. Iehu, ipse uel est. Ioatha, ro-
 bustus. Zacharias, timor domini. Sella, umbra eius, uel petitio. Manæm,
 30 consolans. Facee, aperiens. Helias, Deus dominus. Helisæus, Dei mei sa-
 lus. Ofsee, saluator. Iohel, incipiente Deo, siue est Deus. Amos, potens,
 uel fortis, aut populum debellans. Abdias, seruus domini. Iona, columba,
 uel dolens. Micha, quis iste? Naum; germen, siue consolatio. Abacuc,
 amplexans. Sophonias, abscondens eam. Aggxus, festus, siue sollempnis.
 Malachias, angelus meus. Isaias, salus domini. Hieremias, excelsus domini.
 Ezechiel, fortitudo domini. Daniel, iudicium domini. Iudith, laudans, uel
 ludza. Ioseph, auctus. Maria, illuminata siue stella maris: sed sermone Syro,
 domina. Simon, pone mærorem, uel obediens. Petrus, agnoscens. Ba-
 riona, filius columbæ, Syrum pariter & Hebræum. Cephas, Petrus, Syrum est.
 40 Paulus, mirabilis. Saulus, tentatio respicientis, uel tentationis securitas.
 Andreas, uirilís, Græcum est. Iacobus, supplantator. Ioannes, domini
 gratia. Philippus, os lampadarum. Bartolomæus, filius suspendentis a-
 quas. Thomas, abyssus, uel geminus: unde & Didymus græce dicitur.
 Mattheus, donatio. Idem appellatus est Leui. Lebbaeus, corculum, idest a
 corde, ipse est & Taddæus, ipse est Iudas Iacobi. Chananæus, possidens, siue
 possessio. Ita autem dictus Simon, a uico Chana, ipse est & Zelotes. Scarioth,
 memoriale domini, uel memoria mortis. Hoc uero nomine appellatus est Iu-
 das a uico in quo natus est. Marcus, excelsus mandato. - Lucas, ipse con-
 surgens, siue ipse leuans. Stephanus, norma uestra: Græco autem sermone

coronatus. Augusti, follemniter stantes. Cæsar, possessio principalis, Cirenæi, heredes. Bethsaida, domus frugum. Bethphage, Syrum, domus uallis. Bethania, domus afflictionis. Genesar, ortus principis, Amaus, populus abiectus. Capharnaum, ager consolationis. Sarepta, incensa, siue angustia panis. Gethsemani, uallis pinguedinum. Golgatha, caluaria. Nazareth: flos munditiæ, uel uirgultus. Niniuitæ, nati speciosi. Sidon, uenatio, Zachæus, iustificatus. Idumæa, rosa. Lifama, natiuitas tentationis. Iordanis, descensus. Martha, prouocans Deum. Magdalena, turris. Susanna, liliū. Saba, captiuitas. Caiphas, inuestigator, siue uomens ore. Pontius, declinans consilium. Pilatus, os malleatoris. Herodes, pellicius. Barabab, filius patris, uel magistri eorum, absque dubio Iudæorum magistri, qui est diabolus. Heden in Genesi, delicia. Iudæa, confessio. Hierosolyma, uisio pacis. Sion, specula, & recte: nam hæc ciuitas Dauid in monte constructa est. Babylon, confusio, siue translatio. Aethiopia, tenebræ. Aegyptus, tribulatio, siue tenebræ. Tyrus, angustia. Romani, sublimis, uel tonantes. Sinaï, mensura, siue mandatum, siue tentatio, uel amphora mea. Gehenna, uallis gratuita. Quidam æstimant appellatam hanc a ualle Gehennon, quæ est iuxta murum Hierusalem. Hebræi, transitores. Sadducæi, iustificati. Pharisei, diuisi. Gallilæi, uolubiles. Samaritæ, custodes, eo quod a Babylonis illic ad custodiam collocati sint Iudæorum. Cum in ceteris, tum & in hoc abundanter liquet, scriptura omnis sacra quam uere diuina sit, ac plena mysteriis: quando ita congruant rebus nomina, affectibusque respondeant. Sicut Dauid, qui exprimitur in Latinum fortis manu: utique fortissimus omnibus fere bellis extitit. Salomon, pacificus: utique in pace regnum administrauit. Daniel, iudicium Dei: utique in presbyterorum iudicio sententiam diuinæ disceptionis exhibuit. Vnde quid mirum si hi futura prædicauerint, quorum etiam nomina, sicut res edocent, prophetiam sonant? Sed iam de uariis uocabulis interpretationem ponamus.

DE VARIIS VOCABVLIS II

Alleluia, in Latinum sonat, laudate dominum. ita enim unum est de decem nominibus Dei, quæ apud Hebræos habentur. Amen, uere, siue fideliter.

Diapalma, semper: eo quod illa quibus hoc adnectitur, sempiterna esse confirmet a Deo: non commutationem metri significat, ut quidam existimant, uel spiritus prophetici refectionem. Sunt etiam quia diapalma ideo inscribi putent, ut ex hoc sibi personatum, siue sensuum intelligatur esse conuersio. Osanna, saluifica, siue saluum me fac. Osi enim saluifica interpretatur, anna intercessio: est deprecantis. Ergo integre dicitur, Osianna. Sed dum corripitur, aut corrumpitur, sonat Osanna. Est autem sensus, Saluum fac, subaudiatur, uel populum Israel uel totum mundum. Rhama, excelsa. In euangelio: Vox in rhama audita est, idest in excelsis. Est tamen & ciuitas, quæ Rhama appellatur: Racha, uanus, aut inanis. Rabbi, magister, Syrum est. Mân, quid. Manna, quid est hoc? Abba, pater: & hoc Syrum est. Anathema, perditio. Maranatha, dominus noster uenit, Syrum est. Anathema autem maranatha, sicut quidam dicunt, perditio in aduentu domini. Mammona, diuitiæ. Theraphim, figuræ, uel imagines, melius quam incensia. Seraphin uel seraphim, ardentes, uel incendentes, iuxta illud: Qui facit angelos suos spiritus, & ministros suos ignem urentem. Ergo seraphin uirtutes in cælis esse confirmant, quæ Deum laudent, & in ministeria diuersa mittantur. Cherubin, scientiæ multitudo. Ceterum Cherubia ipsum

ipsum in Sanctaſanctorum duo tantum ſignificantur animalia. Aliis uero locis ubi hoc nomen legitur, aut picturam aliquam indicat, aut uarietatem.

DE EXPOSITIONE DIVERSARVM RERVM III

- Mandragora in Geſeſi, genus pomi ſimillimum paruo peponiſpecie, uel odore. Mazaroſth zodiacon, quæ duodecim ſigna mathematici aſſerunt. Fath, clima, ideſt plaga meridiana, uel occidentalis. Rhamnus, in pſalterio, non rubus eſt, ſed ſpinarum genus, ſentibus permoleſtum? Romphæa, gladium in Latinum ſonat. Nam, ubi in Geſeſi dicitur, Gladius flammeus atque uerſatilis, in Græco romphæa ponitur. Frameæ, haſtæ longiſſimæ. Sunt qui iis etiam nunc armorum uice utentes hoc nomen tribuunt. Quidam etiam ita gladios ſignificari putant. Capparis, in Salomone fruteti genus in Oriente, ſimile lentifco. Palathæ, in Regnorum, maſſæ quæ de recentibus ficis compingi ſolent. Palathæ Græcum eſt. Debelaim, in Oſea propheta, palathas dicunt. Dabir, in Regnorum, oraculum quod erat factum in media interiori parte templi, in quo & arca domini erat, hoc appellabatur Sancta ſanctorum. Byſſus, genus ſerici groſſioris, pariter & fortioris. Sunt quidam qui & genus lini eſſe byſſum putent. Phoenicum, in Iſaia, coccinum. Luteræ, in Regnorum, conchæ, uel canthari aquarii. Sed & cantharus Græcum nomen eſt. Latomi, in Regnorum, lapidum caſores: & hoc Græcum eſt. Creagræ, in Paralipomenon, fuſcinæ, ad carnes de caldariis proferendas, græcum eſt. Sambuca, in muſicis genus ſymphoniarum. Nablum quod græce appellatur Pſalterium, quodq; a pſallendo dictum eſt. Ad ſimilitudinem eſt citharæ barbaricæ in modum litteræ Δ. Tympanum, quod extenta pelle uel corio efficitur. Cinari, ut quidam putant, acetabula, quæ percuſſa in modulos concitantur. Thyina, ligna. De his Salomon gradus fecit in domo domini, incognita ligna etiam peritioribus ludzorum. Sethim, ſpinarum in heremo genus eſt, e quibus lignum imputribile. Sabeth, uirgulti apud Hebræos nomen eſt, in Geſeſi: Ecce, inquit, aries poſt tergum eius tenebatur in uirgulto Sabeth. Lebetæ, ænei minores in uſum coquendi parati. In Paralipomenon: Pacificas uero hoſtias coxerunt in lebetis: & cacabis, & ollis. Gophinus, corbis. Hydria, uas aquarium. Condi, in Geſeſi, poculum uel ſcyphus. Lecythus, in Regnorum, ampulla olearia. Lenticula, in libro Regnorum, uasculum ex ære, habens oleum quo ungebantur in regnum. Paropoiſis, acetabulum maius. Aliqui & catinum ita appellari putant. Epifylia, in Regum, quæ ſuper capitella columnarum ponuntur: græcum eſt. Mechonoſth, in Regum, fulturæ, quas baſes appellamus. Topazion, lapis pretioſus, in quo, ſicut aliqui affirmant, omnium lapidum colores reſulgent. Corbana, gazophylacium. Corbona autem interpretatur oblatio. Chalma, in Luca, hiatus: græcum eſt. Eryſibe, in propheta, erugo, ideſt rubigo meſſium: Græcum eſt. Zizania, lolium. Sicera, ſuccus ex dactylis: & omnis præter uinum liquor, qui ad bibendum, aut e pomis, aut quolibet genere conficitur, ſicera nuncupatur. Nardū piſticum, nardum fidele, ideſt ſine in poſtura, Græcum eſt. Nardum ſpicatum, ab eo quod ſpecies ipſa nardi in modum ſpicæ ſit, quæ inſuſa conficitur. Alabaſtrum genus marmoris pretioſi, ex quo Euangelici illius unguenti uasculum erat. Stadium, in euangelio ſpatii certa dimenſio. Octo ſtadia mille paſſus efficiunt.

Hæc nomina quæ ſubſequentur, in Exodo, uel in Regum libris his reperiuntur locis, quæ arcæ uel tabernaculi, aut templi domini relationem continent. Quorum nominum uocabula, ad hæc quæ obſcuriora ſunt, in translatione ueteri habentur. Hæc uero, quæ lucidiora apparent, nouæ translationis

textu continentur. Vetus ergo translatio habet, Sperantes: noua, ferulas. Calamifcos, calamos. Troifcos, uel carifcos, quafi in uncis modum deformatos.

Anconifcos, incastraturas. Afpidifcas, uncinos. Fimbrias, catenas. Scitalas, uectes. Lapidibus acrotomis, dedolaris. Degrapidem, celaturam.

Petalis, laminis. Perimetrum, lineam. Spiras, capitella columnarum, uel ficut puto, facturam earum. Elam, porticum: fed melius interpretatur ante fores, fiue ueftibulum. Ergo Elam Hebraicum eft. Cetera quæ fuperius funt, Græca funt maxime. Item in Ezechielis extrema parte in uifione ciuitatis, in ueteri translatione habet Pafthophoria, in noua Gazophilacia, id eft, cellulas paruas. Thee. thalamos. Aileu, frontem, Aelaucooth, ueftibulum. Polyandron, 10 multitudines. Spiramis, palmus. Giffus, definitio. Manaa, facrificium. In Regum, Cenotaphia, fimulacra, quæ Græce *μνηματια*. Sed hæc hæftenus. Nunc etiam illud accipe, ut quædam nomina prius fcriptura appellauerit, & ut nunc uocentur.

DE GENTIBVS

III

Gomor, in Genefi Galatz, ipeft Galli, qui a candore corporis primum Galatz appellati funt, e quibus populi quondam in orientis longinqua migrantis primum Gallogræci, nunc antiquo Gallorum nomine Galatz uocantur. Magog, Scythæ, Quidam Gog & Magog, Gothos putant. Iubal, Iberi, qui & Hifpani.

Thiras Thraces. Thogorma, Phryges. Madai, Medi. Iauan, Iones, 20 qui & Græci. Vnde & mare Ionium. Cethei, Citii, idem Cyprii, apud quos & urbs Cittium uocitatur. Donanim, Rhodii. Ex his Græcorum nationibus extitere, qui a Tauro monte ufque ad occidentalem oceanum maritimam oram occupauerunt. Hæ omnes gentes de Iaphet ftirpe defcendunt. Chus, Aethiopia. Mifraim, Aegyptus. Casloim, qui poftea Philiftini, nunc Palæftini. Iidem tamen & Allophyli. iidem, & alienigenæ appellati funt. Horum ciuitas Afcalon. Saba, Arabia. Saba uocitatur & regio, in qua nunc Sabæ. Euila, Gerulli. Labain, nunc Libyes, quondam Phuthæi appellabantur. Tharfis, fiue Carchedon, Carthago eft: quidam Tharfis Ciliciam arbitrantur: quia & ciuitas Tharfis illic fita eft. Africa, appellata ab uno ex pofteris Abrahæ de Cethura, qui 30 uocatus eft Apher, Ifmahelitæ, uocati ab Ifmaele filio Abrahæ. iidem & Saraceni, a Sara. iidem & Agareni, ab Agar. Nabatheï, a Nabeth filio Ifmaelis appellati, qui ab Euphrate ad mare rubrum porriguntur. Chananzi appellati de Chanaan filio Cham. Horum terram Iudæi expulſis incolis poſſederunt. Hi omnes de origine Cham ueniunt. Affur, Affyrii, ab Affur filio Sem. Hi urbem Ninum ex nomine Nini regis condiderunt, quæ nunc Ninue uocatur. Syros appellatos quidam aſſerunt ab Aſurim filio Abrahæ ex Cethura. Vs, quæ & Auxitidis regio circa Cœleſyriam, ita ab Vs Sem pronepote appellata. Elamitæ, Perfæ, ab Elam filio Sem. Hebræi cognominati funt ab Heber, qui pronepos fuit Sem. Cafdei, nunc Chaldæi uocantur, & Cafdei a Cafed filio Nachor fratris Abrahæ. 40 Hi omnes de Sem poſteritate procedunt.

DE LOCIS

V

Iebus, ipſa eft Hieruſalem, ipſa eft & Salem, in qua regnauit Melchifedech. Hæc nunc ab Helio Adriano uocatur Helia. Babel in Genefi, nunc Babylon uocatur. In hoc loco cum turrem quondam homines ædificare aduerſus cælum aggreſſi eſſent, diſperſi funt, immiſſa diuinitus confuſione linguarum. Achar, nunc Nifibis uocatur. Reblatha, nunc Antiochia appellatur. eadem eft Epi phania. Siccm. hæc eft & Sicema, nunc Neapolis ciuitas Samaritanorum. Olibama, in propheta, ciuitas in qua Edom principes habitauerunt. Ariel, 10 in

in Isaia, hanc quidam esse putant Ariopolim, ab idolo Martis Ariel, quod illic situm est. Interpretatur autem Ariel leo Dei, Hierusalem figuratiter significans. Ararath, Armenia, in cuius montibus post diluuium arca conleuit, adeo ut illic aliqua indicia nunc usque permaneant. Arbez, quæ Arbos in nostris codicibus corrupte legitur, in qua tres patriarchæ sepulti sunt, Abraham, Isaac, & Iacob, & præterea Adam ipse. Hæc etiam Hebron, in qua Dauid regnauit. Lod, ipsa est Lydda, ipsa est Diospolis. Decapolis, in euangelio, regio est habens ciuitates decem. Accaron, urbs Palaestina. Antilibanus, loca appellantur quæ supra Libanum montem orientalem plagam respiciunt. Ephrata, ciuitas Bethlehem. Euphrates uero fluius de paradiso. Mesopotamia iccirco dicitur, quod Tigride & Euphrate fluminibus ambiatur. Samaria, ipsa nunc Sebaste appellatur. Emaus, in euangelio, nomen quondam castelli: nunc ciuitas, quæ Nicopolis dicitur. Caluaria, locus ob hanc causam dictus, quod de consuetudine in eodem loco damnati capite truncarentur. Ariopagus; curia apud Athenienses nomen est, quæ a Marte nomen accepit.

DE FLVMINIBVS VEL AQVIS

VI

Geon, fluius est Aethiopiz, de paradiso emergens, quem Nilum usitato nomine appellant. Phison, fluius Indiz: idem quoque a paradiso fluens hunc alii Gangem uocant. Siloe, fons est in Hierusalem, de radice montis Sion bulliens, qui non semper, sed in certis horis diebusq. emanat per antra saxaq. decurrentes. Iordanis, ideo dictus est, quod duo fontes in unum confluant, quorum alter dicitur Ior, alter Dan appellatur. Mare Galilee, idem & mare Tiberiadis, idem & stagnum Genesar, idem & lacus Genesareth. Mare Salinarum, hoc uocatur & mare mortuum uel Asphalti, idest bituminis, ab Hiericho haud longe abest. Bethsaida, piscina in Hierusalem, in qua & agri deseruebantur: ideo & Probatica, idest Pecualis appellatur, quod hostias in ea quondam sacerdotes lauabant.

DE MENSIBVS

VII

Nisan, in libro Esdræ, mensis quem dicunt Martium, qui in scripturis appellatur mensis primus. Elul, in Machabæorum libro, Augustus, qui apud nos mensis sextus uocatur. Casleu, in Zacharia propheta, Nouember, qui est nonus. Tebeth, in libro Hester, December, qui est decimus. Sabbath, in Zacharia propheta, Ianuarius, qui apud nos undecimus. Adar, in libro Esdræ, Februarius, qui apud nos duodecimus. Quod si etiam reliqua Hebræa mensium uocabula, quæ in canone non reperi, scire uoles: Iar uocatur mensis secundus: Si uan tertius: Thamus quartus: Alo quintus: Tisri sextus: Marefon septimus.

DE SOLLEMNITATIBVS

VIII

Annus iubilæus, annus quinquagesimus, qui erat annus remissionis, quo in Israel unusquisque rei suæ uenditor ad ius eius etiam absque prelo reuertebatur. Pascha, transcensus, Hebræum est, non Græcum. Transcensus uero iccirco dictus est, quod Hebræi ab Aegypto in terrâ repromissionis transcenderunt. Certe pascha nostrum est, quod saluator ab inferis resurgens calorû regna transcenderit: Phasæ, itidem pascha est transcensus, uel transitus. Sunt qui magis transcensum, uel transitum ex hoc appellatum affirmant, quod eadem nocte dominus per Aegyptum transierit, cum Aegyptiorum primogenita cuncta percussit. Pentecoste, quinquagesima, Græcum est. Huius quinquagesimæ figuram annus iubilæus gessit, qui, nunc iterum futuræ repromissionis æternam requiem præfiguratur.

Scenopegia, cum tabernacula a Iudæis figuntur ob memoriam tabernaculorum. Zelum enim Græce tabernaculum dicitur. Hæc Iudæorum sollempnitas Septembri mense celebratur. Encænia, nouæ ædificationis observatio uel dedi-

catio. Καὶ ὅν namque in Græca lingua nouum significat. Ergo in hac solemnitate, Iudæi Octobri mense dedicationis templi colebant diem. Epiphania, Græcum est, quod significat apparitio, uel ostensio: siue quod eadem die dominus & saluator noster in baptismo suo populis fuerit ostensus: siue quod stella Magis: siue quod primo signo domini aqua in uinum uersa tunc apparuerit. Neomenia, hoc est quod apud nos Kalendæ. Sed quia apud Hebræos secundum lunæ cursus menses supputantur, & μῆνιν Græce luna appellatur, iccirco neomenia noua luna accipi potest. Parasceue, preparatio, Græcum est. Parasceue enim sexta sabbati appellatur. Hinc uero preparatio dicitur, quod a Iudæis eadem die quæ in sabbato sunt necessaria, præparentur, Sabbatum, requies, Hebræum est. iccirco autem requies, quod in eadem die dominus ab opere perfectis omnibus abfolutisq. requieuerit.

DE IDOLIS

IX

Idola, simulacra, Græcum est. Beelphegor, quod interpretatur simulacrum ignominie, idolum est Moab. Hunc Latini Priapus appellant. Beel, quod interpretatur uetustas, idolum est Babylonium. Fuit uero hic idem Belus pater Nini regis Assyriorum. Adramalech, idolum Assyriorum, quod etiam Samaritæ coluerunt. Astarten, quod in Latinum sonat factura superflua, idolum Sydoniorum dicunt. Beelzebul, interpretatur uir muscarum. Diabolus, deorsum fluens, Græce uero criminator dicitur. Satan, in Latinum sonat aduersarius, siue transgressor. Syrenæ, in Isaiâ, dæmones, aut dracones magni, cristati pariter ac uolantes, ut a quibusdam putatur. Vlux in Isaiâ, ab omni translatione nomine ipso Hebræo lim appellantur. Septuaginta tantum interpretes pro his onocentauros in translatione posuerunt. Sunt qui ululas putent aues esse nocturnas, ab ululatu uocis quem efferunt, quas uulgo cauannos dicunt. Lamia, genus monstri, ut quidam affirmant. Pilosi, in Isaiâ, genera demonum. Hos nonnulli etiam doctissimorum incubones, uel satyros, aut quosdam siluestres homines putauerunt.

DE VESTIBVS

X

Ephod, uestis sacerdotalis, quæ superindumentum uel superhumale appellatur. Est autem uelut in caracellæ modum, sed sine cucullo. Cuius uestimenti duo sunt genera, unum lineum & simplex, quod sacerdotes habebant: aliud diuersis coloribus de auro, purpura; & bysso, hyacintho, gemmisq. contextum, quo soli pontifices utebantur. Poderis, sacerdotalis linea corpori penitus adstricta: eademq. talaris, unde & poderis appellata: hæc & subucula dicitur. Logion, quod & rationale, pannus exiguus, ex gemmis, auro, coloribusq. uariis, qui super humerali contra pectus pontificis adnectebatur. Cidaris, pileus sacerdotalis ex bysso. Hunc Græci & nostri tiaram: quidam etiam mitram uocant. Petalum, aurea lamina in fronte pontificis, quæ Dei nomen illud ineffabile tetragrammaton, quattuor litteris Hebræis gerebat scriptum. Penula, in apostolo, Latium est. Est autem quasi lacerna descendentibus clauis. Baddim, in Daniele, uestes lineæ, quibus feminalia, ut arbitror, significantur. Bad enim apud Hebræos linum dicitur: unde & in quibusdam locis legitur, Ephod bad: hoc est, ephod lineum: non autem Ephod barud, ut quidam corrupte legunt. Diplois, in Regum libris, sagum, uel chlamys, ἡνὶ τε διπλῶν, quod duplicetur: & omne indumentum quo dupliciter ambimur, diplois appellari potest. Melotz, in Regum libro, pellis simplex, qua monachi Aegyptii etiam nunc utuntur, ex uno latere dependens. Theristrum, in Genesi, apud Arabes, genus pallii muliebris. Periscelides, in Isaiâ, ut quidam dicunt, apud feminas crurum ornamenta.

NOVI TESTAMENTI.
DE AVIBVS VEL VOLATILIBVS

379
XI

Pelicanus, avis parua, quæ solitudine delectatur. Est & aliud pelicanorum genus in Nilo, pæne cygnis simile, nisi quod paulo maiores sunt. Quidam ita & ono crotalos uocant. Nycticorax, noctua: multi bubonem esse contendunt. Sunt etiam qui adserunt esse orientalem auem, quæ nocturnus coruus appelletur. Ibis, in Pentateucho, avis Aegyptia obscenitate oris immunda, quo alium purgare confuevit. Herodius in psalmo, ardea a quibusdam putatur. Larus, in Pentateucho, gaudium significat. Coenomia, non musca canina, ut quidam putant, in psalmo accipienda est, sed musca omnimoda: & ideo non per y Græcam litteram, sed per diphthongum describi debet. Ciniphes, culicum genus est aculeis permolestum.

DE BESTIIS VEL REPTILIBVS XII

Rhinoceron, fera terribilis, gemina in naribus gestans cornua. Monoceron, in psalmo, unicornis appellatur. Tragelaphus, in Deuteronomio platoceros, idest cornibus latis. Erinacii, chirogilli nuncupantur, prope magnitudine me diocrium cuniculorum, de cauernis petrarum procedentes gregatim: in heremo quæ est contra mare mortuum, depascuntur. Hericii, qui & echini dicuntur: ita spinoso defenduntur tegmine, ut nec contingi quidem possint. Bruchus in psalmo, locustæ, quæ nondum uolant, quam uulgo olbam uocant.

DE PONDERIBVS XIII

Talentum, est pondo LXII, quod faciunt LXXX libræ Atticæ. Mina, est libra una, & semuncia. Talentum habet minas LX. Mina Græce, Latine mina dicitur. Drachma habet scrupula tria. Didrachma, drachmæ duæ sunt. Vnde miror quo modo in libro Hebraicarum quæstionum semuncia scribatur. Stater, est nummus habens (ut quidam affirmant) unciam unam: idest, aureos sex: ut alii putant, tres. in euangelio enim pro duobus didrachmis stater datur. Sicel, qui in Latina lingua corrupte sicles dicitur, in quæstionibus superscriptis indicatur: uncie pondus habet: ut alibi scriptum reperi, scrupula decem: quod & ipse arbitror. nam sicles ipse, uel sicel, de propinquitate ponderis quasi sicles sonat. 30 Obolus, est scrupulum dimidium, quod facit siliquas tres: in Ezechiele. Sicles autem XX obolos habet.

DE MENSVRIS XIII

Corus est modii XXX. Batus, amphora una: idest, modii tres. Cadus Græca amphora est, habet urnas tres. Ephi, siue opha modii tres. Ephi idem mensuræ habet in aridis, quod in liquidis batus. Metreta una, ut quidam dicunt, habet sextarios centum. Mensura autem Græce μέτρον dicitur, unde metreta appellatur. Notandum uero, quod mensura Hebræum nomen est. Artabæ in Isaiâ, Aegyptiorum mensura, quæ tres faciunt modios X. Sata, idem sunt quod ephi, idest modii tres. Gomor mensura est Attica, habens (ut quidam opinantur) 40 cheenices tres, idest sextarios XII. Alii, gomor dicunt paulo minus a sextariis quinque: quod etiam ipse sequor, eo quod gomor sit decima pars ephi. Nebel, quidam putant modios tres. Sextarius, est dimidium corylæ in liquidi specie.

Coryla, hemina est, in Ezechiele Decem, inquit, corylæ sunt gomor.

DE GRÆCIS NOMINIBVS XV

Accipe nunc ceterorum nominum significationes, quæ ecclesiæ ore celebrata in sermonem nostrum conuertuntur ex Græco. Theos Deus. Theos autem, ut quorundam opinio habet, Θεὸς τὸ θεῖον, idest, a spectando, idest omnia prospiciendo. Homouosion, unius substantiæ. Homoeosion, similis substantiæ. Christus, unctus. Paracletus, consolator, siue aduocatus. Hagios, sanctus. Ange-

Angelus, nuncius. Thronus, sedes uel solium. Apostolus, missus: ideo quod a domino ad euangelizandum missi sunt. Propheta, prædicator. Martyres, testes. Episcopus, superinspector: & ideo propheta ait, Speculatorem te posui domus Israel. Presbyter, senior. Diaconus, minister. Clerus, fors. Ecclesia, uocatio uel collectio. Catholica, uniuersalis: ὁπὸ τοῦ ὅλου, quod est secundum totum. Synagoga, conuentus, uel congregatio. Ethnicus, gentilis. Hypocrita, simulator. Hæresis, secta. Monachus, solitarius. Heremus, desertum. Parœcia, adiacens domus scilicet Dei. Diœcesis, gubernatio: & hoc non secundum proprietatem & potestatem uerbi, sed secundum effectum. Laicus, popularis: ὁπὸ τοῦ λαοῦ, hoc est, a populo. Catechuminus, instruendus, siue audiens. Neophytus, nouella plantatio. Baptisterium, tinctorium. Holocaustum, totum combustum: ideo quia integra hostia igni tradita consumebatur. Chrisma, unctio. Eucharistia, gratia. Symbolum, collatio, aut pactum, uel complacitum quod sit homini cum Deo. Hymnus, carmen in laudē Dei. Antiphona, uox reciproca. Pentateuchus, quinque uolumina: id est, Moysi libri quinque: de quibus dicit apostolus, quinque uerbis uelle se in ecclesia loqui. Exodus, exitus, uel egressus: scilicet populi Israel. Deuteronomium, secunda lex: in quo est euangelicæ legis præfiguratio. Paralipomenon, prætermisorum, uel reliquorum: id est, quod historiz inibi contineantur, quæ in Regum libris prætermisæ sunt. Euangelium, bona annuatio, siue bonum nuncium. Apocalypsis, reuelatio. Gazophylacium, diuitiarum custodia, compositum de lingua Persica & Græca. Synodus, comitia, uel coetus. Canon, regula. Teuchos, uolumen. Apocrypha, recondita, uel occulta. Hexapla, sexcuplicia. Apologia, excusatio: unde apologeticus appellatur: uel sicut quibusdam uidetur, purgatio, seu defensio. Anagoge, superior sensus. Tropologia, moralis intelligentia. Parabola, similitudo. Anacephaleosis, recapitulatio.

Habes opusculum fili mi charissime, in omne fere scripturarum corpus, quasi quoddam intelligentiæ seminarium, quæ in duobus uoluminibus non parum, ut arbitror, instructionis ad edocendum te, ex rebus uariis necessariisq. congeffi. 38

D. EVCHERII,
EPISCOPI LVGDVNENSIS.

AD VALERIANVM EPISTOLA,

De contemptione rerum humanarum, &
ueræ pietatis sapientiæq. studio.



20 **B**ENE alligantur uinculo sanguinis, qui uinculo
confociantur amoris. Sic & nobis quoque admo-
dum gloriari pro hoc ipso Dei munere licet, quos
perinde caritas, ut propinquitas necit, coarctantq.
in unum affectum duæ necessitudines, quarum al-
teram a parentibus carnis nostræ accepimus, alterâ
a nobis sumpsimus. Geminum hoc uinculum, quo
(confœderantibus nos hinc genere, hinc dilectio-
ne) connectimur, hæc me paulo latius ad te exarare
compulit, ut commendarem animo tuo causam
animæ tuæ, utramq. illam beatitudinem, & æterna
30 rum rerum capacem, opus nostræ professionis assererem. nam cum te æque, ac me
diligam, necesse est ut summum bonum assequi te, tamquam me alterum, cupiam.
Et quidem a professione uitæ sanctæ pio etiâ nō abhorres ingenio, qui ea quæ sacræ
institutiones docent, præuenisti in plurimis præcoqua morum felicitate, ut mihi
uidearis quædam religionis officia, quasi per prouidam occupasse naturam, domi-
ni ac Dei nostri iam in hoc erga te indulgentia: cuius gratia est, quod diuina in
te doctrina bona sua pro parte inuenire potest, pro parte conferre. Quamuis au-
tem in maximis sæculi apices patre soceroq. elatus, illustribus ex utroque titulis
ambiaris, ego tamen longe superioris in te honoris fastigia concupisco: teq. non
ad terrenarum, sed ad cælestium, nec ad sæculi, sed ad sæculorum dignitatem uo-
40 co. Certa quippe & inoblitterabilis hæc gloria est, æternitate gloriari. Loquar er-
go apud te non sapientiam huius sæculi, sed illam sapientiam arcanam, abscon-
ditam, quam prædestinauit Deus ante sæcula in gloriam nostram. Loquar te-
cum multo studio tui, mei admodum parum prouidus, qui plus in te quid ue-
lim, quam in me quid possim, consideraui. Primum instituti atque in lucem
editi hominis officium est, mi Valeriane carissime, proprium cognoscere au-
ctorem, cogniturumq. suscipere: uitamq. idest diuinum donum, in diuinum offi-
cium cultumq. conferre: ut quod Dei munere sumpsit, Dei deuotione con-
summetur: atque id quod ab eodem indignus cepit, eidem subiectus impen-
dat. Sani quippe opinione agimur, ut eductos nos sicut ab ipso, ita ipsi arbi-
50 tremur. Vnde ille plane magnificeq. perspicit creatoris nostri in effingendo homi-
ne sententiam, quisquis ita intelligit, quod nos & ipse, & sibi fecit. Optimum
deinde est curam principalem animæ impendere, ut quæ utilitate prior est, non
sit consideratione posterior. Primas apud nos curas, quæ prima habentur, obri-
neant, summasq. sibi sollicitudinis partes salus, quæ summa est, uindictet. Hæc
nos occupet in præsidium ac tutelam sui, iam non plane prima, sed sola. Omnia
uincat eo studio, quo præcedit omnia. Summam debemus obseruantiam Deo,
animæ deinde maximam: atque ita tamen istud est, cum ut utrumque præcipuū
sit, obseruari alterum sine altero nequaquam posse uideatur. Ita quisquis Deo sa-
tisfecerit, animæ necesse est iam consuluerit: & rursus, qui animæ consuluerit,
necesse

neceſſe eſt Deo iam ſatiſfecerit. Sic de ſummo apud nos utroque res tranſigitur utili coacta compendio, ut ſi quis unum ſedulo impleuerit, utrumque conſulerit: quia ineffabili benignitate diuina, ipſa utilitas ſit Dei ſacrificium. Multus corpori curationum uſus impenditur: multum huic operæ in ſpem medelæ datur. Numquid medicinam anima non meretur? Et ſi uaria corpori auxilia ſtudio tuendæ ſanitatis adhibentur, fas nos eſt tamen, animam uelut excluſam iacere, & quaſi neglectam morbis ſuis intaſcere, atque unam a propriis remediis exulare, imo uere plura animæ conferenda ſunt, ſi corpori tanta præſtantur. nam ſi recte quidam carnem hanc famulam, animam uero dominam eſſe dixerunt, non oportet poſte-
10 riore loco nos dominam ponere, ac famulam iniquo iure præferre. Merito poſcit ſtudia maiora pars melior: quia omni nobis cura illuc reſpiciendum eſt, ubi ſubſtantix noſtræ abundantior dignitas conſtitit. Congruum non eſt in hoc honore noſtræ ſollicitudinis eam nos ſubiicere peiori. Caro ſiquidem procliuſ in uiciâ, ad terram nos tamquam in originem ſuam reuocat: hæc uero ueniens a patre luminum, ſicut ferri ignibus mos eſt, in ſuperiora nititur. Hæc in nobis imago Dei, hoc pretioſum eſt diuini muneris pignus, Hanc omni ope, hanc ſummis uiribus tueamur: hanc ſi regimus & conſeruamus, Dei depoſitum tuemur. Quis eſtruendi, niſi cum fundamenta ieceris, locus eſt? Superædificare ceteras utilitates deſtinanti ſalus fundamentum eſt. Ceterum quo modo quiſpiam ſequē-
10 tia addat, ſi nec prima poſſederit? Vnde ſuccedentium augebitur incrementis, ſi anteriorum deficiatur exordiis? Quo modo intereſſe putet beatitudini, cum deſit etiam ſaluti? Indigens uitæ, unde abundare felici uita poteſt? Aut quid prodeſt, ſi adiciat cibis, non habens unde conſulendum eſt animæ? de qua & dominus noſter Ieſus Chriſtus ait: Quid enim prodeſt homini, ſi mundum uniuerſum lucretur, animæ uero ſux detrimentum patiatur? Proinde non poteſt ulla compendii cauſa conſiſtere, ſi conſtet animæ interuenire diſpendium. Vbi ſalutis damnum eſt, illi cuique iam lucrum nullum eſt. quo enim lucrum capiatur, niſi capiendi ſedes inconcuſſa ſeruetur? Atque iccirco ad illud lucrum uerum, ad illud ſanctum expetendumque commercium, dum tempus eſt, properemus. Parere poſſunt æternam uitam pauci dies, qui tamen dies etiam ſi illæſam atque incontaminatam uitæ beatitudinem poſſiderent, tamen quia pauci eſſent, paruo æſtimandi
30 erant. nihil enim eſt magnum re, quod paruum tempore: nec longis dilatatur gaudiis quidquid arto ſine concluditur. Breuem utilitatem ſæculi iſtius breuia habent commoda. Recte ergo etiam bono breuis uitæ, perpetuæ uitæ commodum præponendum uideretur: quia illa eſſet temporalis, hæc æterna felicitas: quia fragile eſſet breuibus bonis perfrui, tutum gaudere perpetuis. Nunc uero æterna uita beatiffima eſt. nam quid felicius æterna uita dici poteſt? Hæc uero breuis ita breuiſſima, ut ærumnoſiſſima, quæ undique circumſtantium dolorum urgetur incommodis, & deficientibus fatigatur malis, dum accidentium iactatur iniuriis. Quid enim tam inſidum, tam uarium, tam calamitoſum, quam uitæ iſtius curſus eſt? quæ plena laboris eſt, plena ſollicitudinis, plena curarum, ipſorum quoque
40 plena diſcriminum, & per ancipites diſtracta caſus: ſit corporis uexationibus inquieta animi angoribus anxia, periculorum turbinibus incerta. Quæ utique utilitas, quæ ratio, non expeti bona æterna, ſequi temporaria, etiam mala? Non ne uides, ut etiâ in hac uita quiſque prouidus, locū aut agrum in quo diutius ſe cōmoraturū putat, copioſis in uſum ſarciat impendiis: & ubi paruo quis erit tēpore, parua prouidet: ubi maiore, maiora procurat. Nobis quoque, quia in præſentiarū breuiſſimū anguſtiis coartantibus tempus eſt, in futuro ſæcula erunt, cōpetentibus copiis uitæ exaugeamus æternam, cōpetentibus inſtruamus exiguâ ne prouiſione
peruerſa

peruersa impendamus breui tempori curā maximā, & maximo tempori curam breuiem. Atque haud scio ad hanc beatissimam uitā quod cōpellere nos ocyus, aut efficius debeat, an ipsa futuræ uitæ cōmoda, quæ promittuntur, an præsentis uitæ incōmoda, quæ uideantur. Inde nos illa blandissime prouocāt, hinc illa uehementer exturbant. Proinde cum in meliorem partem etiam pessima suffragentur, si bonis non illicimur, malis extrudamur. Ad incitamentum meliorum optima deterigibus concinunt, & in eādem utilitatem diuersa concurrunt. nam dum alia nos inuitant, alia fugant, in melius utraque nos sollicitant. nam si hominum quispian clarus ac locuples in locum liberorum te adoptaturus acciret, ires per oppositas

10 rerum difficultates, & per quamuis longi recessus iter uectatus accurreres. Deus uniuersitatis rerumq. dominus te in adoptionem uocat, illud, si uelis, tibi blandum filii nomen impartiens, quo Deum nostrum, unicum suum nuncupat, & non accensus raperis? non properus urgeris, ne condicionem tantam celeri occur su mors festina præripiat? Atque ad hanc obtinendā tu non inuias terræ solitudines nec longinqui maris incerta penetrabis. Cum uolueris, hæc adoptio tui tecum est. Numquid nam segnes ac desides nos res ista habebit, iccirco, quia tam prompta quam maxima? quo durius condicionem hanc dissimulatores experientur. tanto enim nolentibus perniciosior, quanto est uolentibus promptior. Certe cupiditas

uitæ est istud, quod nos delectatione rei præsentis innexuit. Ergo amantes uitam,

20 hortamur ad uitam. Vera ratio est persuadendi, cum id poscitur, ut impetremus a uobis quod concupiscitis. Pro uita quam diligitis, legatione apud uos fungimur: & hanc omnes exiguam amatis, insinuamus, ut ametis æternam. Quam quo pacto amemus nescio, si non hanc quam amamus, esse quam speciosissimam cupimus. Itaque istud quod & cum artum sit placet, placet magis si potest esse perpetuum: & quod apud nos pretium habet, cum finem habeat, si nobis supra peritum si potest esse sine fine. Rectum sit proinde minorem uitam prospexisse maiori, ut ad alteram nobis, sed per hanc transitus construatur: quam utique non conuenit sociæ commodis obliquis interuenire cōsiliis. Non se opponat ut obstit, ut noceat. Absurdum quippe atque contrarium est, ut uitæ detrimentum adferat amor uitæ. Igitur siue uitam hanc contemnendam putas, siue complectendam, in utroque facilis negotii mea causa est. nam si spernitur, una est spernendi ratio, ut melior appetatur. Et si diligitur, tanto magis est diligenda, quæ maior est. Ego tamen desiderauerim, ut hanc pro experientis sui habeas, ut molestissimam atque incertis fatigationibus inquietam, sicut est, iudices, eamq. cum occupationibus spernas ac respuas. Abrumpatur illa interminabilis sæcularium negotiorū catena, & ille de necessitatibus multis unus per totam uitā labor. Dirumpamus inaniū curarū uincula, quorum succedentibus sibi nexibus implicatis, in quibus semper occupatio nostra quasi incipit. Remoueantur illæ tam uacue, quam coherentes sibi causæ, in quibus quoad uiuitur, studium mortalium, dum subinde

30 negotiis inchoatur, numquam finitur. Quarum rerum insatigabilis intentio iam breuem & artam per se uitam, hanc etiam artissimam reddidit. Per quæ etiā nunc uana gaudia, nunc acerbi mœrores, nunc anxia uota, nunc suspecti metus ueniunt. Abiiciantur postremo illa omnia, quæ præsentem hanc uitam faciunt breuem occupationi, longam dolori. Repudiemus mundi parum fidi uitam utrobique suspectam, apud quam perinde alta atque humilia parum tuta sunt. Obtruntur humilitate depressa, nutant celsa fastigio. Pene quem uolueris statum, non apud infima istic, non apud summa requiescit: grauem turbinis sortem utraque condicio non effugit. Subiacet contumeliaz minor, maior inuidiæ. Dux res præcipue sunt, ut arbitror, quæ maxime homines in negotiis sæculi uinctos

teneant,

tenent, & eblanditis sensibus captos, illecebroso amore constringunt opum uoluptas, & honorum dignitas: quarum prior non uoluptas, sed egestas: sequens, non dignitas, sed uanitas nuncupanda est. Hæc utraque alternis nodis irretitis gressum impedit, fallax complexa collegium: hæc peltifere pectoribus humanis blanda desiderii uitia inspirant, defatigatasque mentes mortalium facili iucunditate sollicitant. nam quid istis opibus, ut de his primum dicam, perniciosius, quæ raro, nisi cum iniustitia congeruntur? Tali administratore res ista capitur, tali custode seruatur. Radix enim, inquit, omnium malorum cupiditas. Adeo quædam societas est pæne etiam nominis, duabus his rebus, uitiiis, & diuitiis. Numquidnam non opes istæ quædam materia contumeliarum sunt? Vnde etiam quidam nostrorum ait: Quid enim aliud sunt diuitiæ, nisi pignora iniuriæ? Numquid non uelut exposita improbis præmia, fastiosorum oculos animosque prouocant, proscriptionesque ipsas quodammodo ostentant & inuitant? Sed fac ut ista non accedant, numquid quo post nos errantes, fugientesque commigrent, certi esse possumus? Thesaurizat, inquit, & ignorat cui congreget ea. Sed fac ut ueniat heres ex uoto, numquid non sæpe census heres intercipit, opesque congestas aut filius male educatus, aut gener male electus absumat? Quid diuitiæ istæ in se uoluptatis habent, quarum est & misera possessio, & incerta transmissio? Quo deuus ac præceps hominum amor raperis? Scis ea quæ tibi obueniunt diligere, & ipsum te diligere nescis? Foris est quod amas, extra te est quod concupiscis. Reuertere potius in te, ut sis tibi tu carior, quàm tua. Certe si ad te quispiam rerum haud ignarus accedat, malis ipsum te amet, quam ista quæ tecum sunt: idque eliges, ut illæ uitæ tuæ potius, quam opibus tuis affectum suum conferat. Vis hunc homini fidem seruare, non rebus. Quod tibi tribuere uelis alium, ipse hoc tibi fidissimus tribue. Nos nos potius amemus, quam nostra. Et hæc quidem aduersus facultates dicta sunt. In honoribus uero huius mundi, ut cetera taceam, quæ æstimari dignitas potest rerum, cum ad hanc promiscue cum bonis mali ambitione conscendant, & non unus meriti uiros unus honor ambiat, dignosque & indignos nō iam discernat dignitas, sed confundat? Ita quæ meliores deterioribus præferre debebar, æquare cœpit: nouoque optimi ac pessimi uiri nusquam fere minus discrimen est, quam in honore. Nonne honor maior est, huiusmodi honore inhonorum esse malle, ac suis magis moribus, quam promiscuis honoribus æstimari? Atque hæc ipsa, utcumque se habent, quam transuolantia, quam caduca sunt? Vidimus nuper uiros honore conspicuos, celsarum dignitatum insedisse fastigiis, & diffuso usquequaque censu per orbem patrimonia tetendisse. Cupiditates successibus uicerant, rebus uota transcendebant. Sed priuatas tantum felicitates reuoluo. Reges ipsi magno sublimes imperio, gemmisque fulserunt horum tegmina, mirum dictu, textis irradiabant metallis, diadema distinctis intermicabat arboribus, splen debat instructa palatinis aula cultibus, auratisque trabibus tecta rutilabant: eorum uoluntates iura hominum, eorum uerba leges appellabantur. Quis supra hominū uerticem potest temporaria felicitate confugere? Ecce eorum ille ambitus nusquam est, affluentissimæ quoque opes abierunt, transferunt ipsi tantarum opum domini. Recentium inclytorumque regnorum apud nos iam quædam fabula est. Omnia illa quæ hic erant magna, modo iam nulla sunt. Nihil, ut puto, imo, ut certo scio, ex illis opibus, honoribus, regnis secum abstulerunt, nisi, siqua in his fuit, fidei pietatisque substantiam. Sola hæc illos, ceterarum rerum egenos, sola prosequitur: hæc abeuntes inseparabilis, & quasi fida comitatur. Illa nunc ope aluntur, in illis nunc diuitiis, in illis tantum honoribus acquiescunt. Hæc bona nunc in beneficiis habent. Quapropter si honoribus opibusque capimur, ueris opibus

1. Timoth. 6

Psalm. 38

opibus, ueris honoribus excitemur. Optimus quisque in caelestes honores, in caelestes opes, terrenos honores, terrenas opes transfert: illuc utique, ubi bonorum ac malorum summa & inconfusa discretio est: ubi quod semel adipiscimur, semper tenemus: ubi si locus obtinendi ullus fuerit, amittendi nullus erit. Sed quando de fragili temporalium bonorum possessione diximus, aliquid etiam nobis de ipsius brevis uitae cōdicionē dicendum est. Quid istud quæro, quid istuc est? Nihil ita quotidie homines, ut mortē, vident: nihil ita obliuiscuntur, ut mortem. Agitur humanum genus rapida in occasum mortalitate, omnisque posteritas succedentium seculorum lege decurrit. Patres nostri præterierunt, nos a bibimus, posterique sequentur: uelut

10 ex alto undarum iactus, aliis atque aliis superuenientibus in litoris extrema franguntur, ita in terminum mortis succiduntur aliduntur ætates. Hæc nos consideratione diebus ac noctibus, hæc nos conditionis nostræ memoria circumstrepit: Debitum uitæ finem idem iamque affuturum putemus, qui nobis tanto magis appropinquabit, quanto magis distulit. Vicinum speremus diem, longinquum esse nescimus. Præparemus, ut scriptum est, ad exitum uias nostras. Si cogitamus ista, si ista meditamus, non timebimus mortem timendo. Beati qui uos iam reconcilia stis Christo. Non magnus mortis istos timor infestat, qui iam dissolui optant, & esse cum Christo, qui summum uitæ istius diem iam parari, iam quieti in silentio expectant. non enim multum refert quando finiant temporariam, qui transeunt

20 in æternam. Ad negligentiam uitæ non nos negligentium turba perluadeat; nec ad damnum propriæ salutis alienis ducamur erroribus. Quid nobis in illo Dei iudicio proderit multitudo, ubi singuli iudicabuntur, ubi sola examinatio meritorum, actus quemque, non populus absoluent? Cessent cessent solaria malefudadi discriminis. Nimirum præstat uitam propogasse cum paucioribus, quam perdidisse cum pluribus. Atque adeo non nos ad incuriam peccatorum sola peccantium numerositas pertrahat, neque hoc quod sibi alii parum consulunt, quædam nobis efficiatur auctoritas. Obsecro te, delictum alienum semper ut opprobrium respice, nunquam ut exemplum. Quod si libet oculos ad exempla conferre, in illam potius intende partem, qua licet pauciores sint, tamen sunt in sua

30 parte copiosi: illam, inquam, respice in qua sunt qui sapienter intelligunt, quapropter nati sint, & utique dumad uiuunt, uitæ suæ causam agunt, qui utili opere insignes, atque egregia uirtute præstantes, præsentem uitam excolunt, futuram se runt. Nec solum copiosa horum exempla, uerumetiam magna non desunt. nam quæ mundi nobilitas, qui honores, quæ dignitas, quæ sapientia, quæ facundia, quæ litteræ non se iam ad hanc caelestis regni militiam contulerunt? Quæ sublimitas non iam se ad istud leue caeleste iugum cum deditiōe summittit? Et sane supra omnem errorem atque ignorantiam est dissimulare quemque negotium salutis suæ. Possem etiam, nisi longum esset, multos ex innumeris nominatim retexere, quanti in sæculo illustrium uirorum hanc arctiorem diuini cultus obseruantiam;

40 uitamque, sectati sunt: quorum tamen exempla, ne cuncta penitus omittam, cursum pauca subnectam. Clemens uetusta prosapia senatorum, atque etiam ex stirpe Cæsarum, omni scientia refertus, omniumque liberalium artium peritissimus, ad hanc iustorum uiam transiit, itaque etiam in ea excellenter effloruit, ut principi quoque apostolorum successor extiterit. Gregorius e Ponto sacerdos, philosophia primus apud mundum & eloquentia præstans, sed postea maior præstantiorque uirtutibus, adeo ut, sicut de hoc historiæ nostræ fides loquitur, inter reliqua admirabilium signa meritorum, precibus huius atque orationibus mons referatur secessisse, lacus exaruisse. Alius item sanctus, atque eiusdem nominis Gregorius, atque litteris ac philosophiæ deditus, caelestem hanc philosophiam concupiuit.

Cuius etiam, quod ad rem pertinet, nequaquam silendum uidetur, quod Basilium studiis prius secularibus familiarem sibi, & rhetorices adhuc professioni uacantem, auditorium eius ingressus, manu hunc apprehensum schola abduxit, dicens: Omitte ista, & da salutis operam. Et postea uterque memorabilis sacerdos, reliquit uterque in ecclesiæ nostræ libris ingenii sui præclara monimenta. Paulinus quoque Nolanus episcopus, peculiare & beatum Gallix nostræ exemplum, ingenti quondam diuitiarum censu, uberrimo eloquentiæ fonte, ita in sententiam nostrā propositumq. migravit, ut etiam cunctas admodum mundi partes eloquio, operibusq. resperlerit. Hilarius nuper, & in Italia nunc antistes Petronius, ambo ex illa plenissima, ut aiunt, mundanæ potestatis sede, unus in religionis, alius in sacerdotii nomen ascendit. Et quando clarissimos facundia, Firmianum, Minutium, Cyprianum, Hilarium, Ioannem, Ambrosium, ex illo lumine numerositatis euoluam? Dixerant, credo, & hi sibi, quod quidam nostrorum ait, cū se a sæculo in hanc beatiorē uitā hoc uelut stimulo concitaret: dixerant credo, Quid hoc est? Surgunt indocti, & cælum rapiunt, & nos cum doctrinis nostris ecce ubi in carne uolutamur & sanguine? Dixerant istud, & iccirco ipsi postea uim intulerunt regno. Prolati ex parte quos maior fidei nostræ seruos habuit, sæculi philosophia, eloquentia, honoribusq. perfunctos, ad ipsos iam reges, & illud caput mundi ueniam. Neque nunc commemorandos putabo omnes superiores illos religioni deuotos, & regis dignitatis uiros: solum mihi insi-
gues, David pietate, Iosias fide, Ezechias humilitate, ex memoria uenerandorum promentur annaliū. Nonnulli quoque ex recentioribus extiterunt, atque hac nostrā tempestate principes, qui ad agnitionē ueri regis propius accesserunt, summumq. illum dominum dominorū summa cordis contritione confessi sunt, at-
tentam diuinæ maiestati reuerentiam, etiam uterque sexus ex aula exhibuit. Hi potius idonei, ut arbitror, ad æmulandum proponantur, quorum exempla cum habeant de futuris salutem, habent de præsentibus auctoritatem. Cernis ut etiam dies æque anni, & cuncta hæc ornamenta cæli, Dei uerbum mandatumq. in-
fatigabili obseruatione conseruent, præceptorumq. eius custodiant irremissa lege famularum. Numquid nos, quorum ista usus fabricata sunt, quosum lumi-
nibus ingesta sunt, cælestium mandatorum non nesciū, nec diuinæ uoluntatis ignari, præceptum Dei surda aure transibimus? Et his quidem prædictis mundi adminiculis, quid in sæcula obseruarent, semel iussu est: nobis uero tot uo-
luminibus diuinæ legis iterantur imperia. ad hæc saltem, quod homini ipsi as-
tributum est, uoluntati auctoris parere, præceptisq. eius uacare discat: quia om-
nino istud cum præbet ministerium, præstat exemplum. Et tamen si qui ad au-
dorem suum redire nolunt, unum iccirco dominum suum uiuere possint? Aut
quo suppetit ut fugiant, qui a Deo se auertunt? Audiant sancte David, au-
diant te dicentem: Quo ibo a spiritu tuo, & a facie tua quo fugiam? Si ascen-
dero in cælum, tu illis es: si descendero ad infernum, ades. Si symphero pen-
nas meas diluculo, & habitauero in extremis maris, etiam ibi manus tua deducet
me, & tenebit me dextera tua. Ergo illi uelint nolint se domino uniuersita-
tis, & si uoluntate auferunt, iure non subtrahunt. Illi quidem affectu absumt,
sed illo dominatu adest: ita quod improvidum & inconsultissimum est, etantes
clausi, uiuunt extra considerationem domini, & intra potestatem. Et si unus-
quisque de fuga famulum minaci iudagine testatur, eumq. declinantem se iuris
sui assertor inlequitur, cur non de semet ipso cælesti domino ius suum reddit,
seruiturq. quamprimum se in famulatum eius uoluntaria oblatione dedit, a-
quous utique tam sibi, quam in se arbitet? Cor in præsentium rerum oblectabili
deſi

- desigimur aspectu? Cur iis tantum libet incubare quæ cernimus? Numquid luminibus istis tantum uiuimus, aut solos in usum gestamus oculos? Viuimus quoque & auribus, ut possimus inhiare promissis. Magni nos per hanc quoque corporis partem affectus trahunt. Quæ spondentur, quæ prædicantur, feruentibus uotis, instantibus desideriis expectemus. Fidem promissorum fidelis ille, ille auctor inculcat. Ambiamus ad optima quæ pollicentur. Quamquam si ipsis quoque oculis bene & utiliter uti uolumus, per istos etiam in futurum cupiditate magna ex parte raptamur: si admirationem quæ ex mundi contemplatione capimus, retorqueamus in ipsum tantæ machinæ auctorem: aut si cogitemus quantus in posterum
- 10 splendor lucis possit luminibus occurrere, cum se nunc tantus insinuet: quam magna fulgebit perpetuis forma rebus, cum sit nunc tam speciosa perituris. Non ergo oportet in deteriores nos partes officia sollicitare membrorum, commode potius in utramque temperentur uitam, sicque custodiant temporariæ usum, ut æternæ non abiciant ministerium. Quod si nos ista auocatio atque amor iuuat, & ipsum sensum oblectatio sollicitat, est plane hic amor summæ uoluptatis, est non solum quod amari effusissime possit, sed & quod maxime debeat, iucundum, præclarum; unicum, æternum bonum. Deus, inquam, noster, cui possis tam magno, quam pio igne flagrare, si in locum anteriorum cupiditatum pretiosa rursum desideria succedunt. Si te in aliquo capiebat tam magnificæ rei dignitas, nihil illo magnificenti: si te aliquid uelut aptum gloriæ, accommodarumque rapiebat, nihil illo gloriosius: ad splendida fulgentium rerum ducebaris uisu, illo nihil clari-
20 rior: si ad speciosa trahebaris intuitu, illo nihil pulchrius: si in aliquo te amplecti putabas ueritatem, illo nihil uerius: si in quoquam suspiciendam largitatem credebis, illo nihil magnificenti. Miraris quod purum est atque simplex? nihil illa bonitate sincerius. Sollicitaris affluentium rerum copia? nihil illa abundantia copiosius. Aligis aliquid tamquam fidum? nihil huius firmius est fide. Amas aliquid ut commodum? nihil commodius est huius ipsius amore. Est aliquid quod te uel seueritatis, uel iucunditatis specie trahat? non est magnitudine illa, dignatione illa quidquam aut terribilius, aut blandius. Requiritur in aduersis benignitas, in prosperis suauitas: unicum est ex illo, aut in lætis gaudium, aut in mæstis solamen. Itaque ratione plenissimum est, te illum, in quo habeas omnia, amare
30 præ omnibus. Diuitiæ, & quæcumque illa sunt quæ te nunc amoenitatibus suis obtinent, non solum intra ipsum, sed etiam ab ipso habentur. Male hæcenus amor spatius, diuinis deinceps reddatur excubiis: uaga adhuc affectibus suis, in sacros reducat usus iam casta caritas: dilectionemque opinionibus deniam, cohibito errore, castigans dirige, atque in Deum amorem conuertere tuum: quia & quid quid nunc amas, suum, inquam, suum est. Est enim tantus ille, ut qui non amant eum, inique quidem, sed tamen non nisi eius quidquam amare possint. Sed tamen consideret uelim arbiter iustus, æquumne sit diligere opus opifice neglecto,
40 derelicto. omnium creatore rerum, in rem huius, cupiditatibus suis passim atque indifferenter incurere: cum utique Deum oportuisset illucere ad amorem sui; uel per hunc ipsum affectum suorum operum. Et nunc homo aduersus in indignorum tantum figmentorum desideria atque officia conuertitur, animisque incongrue dissidentibus appetitor artis, desertor artificis, complectitur speciem, cuius non miratur auctorem. Ecquid de illa tam magna multitudine dulcedinis suæ diximus? Aut quid de tanta & tam ineffabilis boni suauitate, sancto ac profundo caritatis eius thesauro elocuti sumus? aut quando in quoquam de illo quisquam ualeret rei ipsius fando consequi dignitatem? Amare ergo eum, iam non uoluptarium tantum, sed etiam necessarium esse ducamus. Impium quippe est hunc non dili-

gere, cui rependere non queas, etiam cum dilexeris. Iniustissimum est, ut ei quæ possis tribuere nolis, cui etiam si uelis repensare non possis. quid enim retribuemus domino pro omnibus quæ retribuit nobis? Quid retribuemus uel pro hoc tantum, quod per fidem homini salutem dedit, statuitque ut quam facillimum factum esset, per quod spem orbi terræ ac uitam mortalibus propagaret. Et ut ad ista descendam, illa aliquando externa omnia, idest nationes & regna, putasne ob aliud in dinonem ac ius cessisse Romanum, & ob aliud magnam partem generis humani in unum transisse populum, nisi ut facilius tamquam medicamentum per corpus unum, ita per unam gentem fides infusa penetraret, & ut capiti ingesta uelociter se per membra diffunderet? Alioqui non ita cucurrisset inter crebras & 10 discrepantes ritibus linguisque gentes, nec tam longe per nouorum semper graduum obiecta transisset. Denique beatus Paulus per hunc eundem populum disteminans fidem, scribit se ab Hierosolymis usque ad Illyricum euangelio Christi cuncta repleisse. Quando autem istud inter nationes, aut multitudinem innumeras, aut immanitate barbaras extitisset? Inde est quod nunc terra a solis ortu & occasu, ab aquilone & mari Christum resonat, quod ad uiram omnia mundi latera concurrunt, dum fidem Thrax, fidem Libys, fidem Syrus, fidem receperat Hispanus. Magnum ergo ex hoc diuinæ pietatis argumentum est; quod sub Cæsare Octauio, cū utique Romana possessio uerticem tenuit, tunc se Deus terris dedit. Itaque ut tua apud te proferam, cum ab ortu regni huius centesimus & octogesi- 20 mus quintus fere supra millecimum uertatur annus, quidquid uel sub illa dominatione regum uerusta, uel sub illa deinde gemina administratione consulum Romano accessit Imperio, omnia Christi aduentui præparata, & diffundendæ fidei promissa potest, si quis idoneus est assertor, ostendere. Nos ad propositum reuertemur. Nolite, inquit, diligere mundum, neque ea quæ in mundo sunt, quia omnia hæc conspectui nostro insidiosos coloribus lenocinantur. Vis illa oculorum attributa lumini, non applicetur errori: & cum uitæ usus pateat, non admittat causas mortis. Carnis desideria, ut egregie apostolus ait, militant aduersus animam, 30 omnisque illis in perniciem nostram clademque procinctus est, peruigilem cum insurgunt aduersus nos, stationem tenent externorum plane hostium more, dum sibi tantum uirium acquirunt, quantum nobis subtrahunt. Ita ego hætenus de inextricabilibus sæculi insidiantis illecebris, de honoribus opibusque sermocinatus sum, tamquam si iucundus blandimentis suis mundus uigeret. Quidquid est illarum rerum facies, adumbratis quondam nitoribus expolita, iam obsoleuit, omnisque fucatus splendor intercidit. Vix iam hoc habet mundus, ut fallat. Perijt imago illa rerum ad decipiendum usque decora. Prius nos seducere uero cogitabat fulgore, non poterat, prope iam non ualet & ipsa nos falsa ostentatione corrumpere. Solidis bonis carebat, ecce deficit etiam caducis. Non hunc aut ad rem pus spectiosa ornant, aut in posterum mansura confirmant: nisi nosmet ipsi decipimus, pene mundus decipere nos non potest. Sed quid dissimulamus exptomere, quæ fortiora sunt? Dissipatas loquimur opes mundi, cum iam ipse mundus in finem suum uergens, spatii agatur extremis. Quanto istud maius & grauius est, quod iam ipse non in longum erit? Quid commemoramus attritam eius rem ac suppellestem? Nec immerito in defectum uiribus uero consumptis urgetur, ad- 40 miniculisque suis destituitur, cum iam in senium nutant onere succumbat. Postrema mundi ætas referta est malis, tamquam morbis senectus. Visa sunt uidenturque iam dudum ista cano sæculo, famēs, pestilentia, uastitas, bella, terrores. Hi sunt in ultimis iam annis languores sui. Hinc sæpe illa cali cernuntur signa, motusque terrarum, permutatæ temporum uices, monstrofa animantium fecunditates:

- ditates: quæ omnia adhuc procedentis prodigia sunt temporis, sed iam deficientis. Atque hoc non infirmitatis nostræ uerbis, sed etiam apostolicæ auctoritatis confirmatur eloquiis. Illic enim legitur: In nos fines sæculorū deueniunt. Quod cum iamdudum dictū sit, quid cunctamur, quid expectamus? Vrget nos dies ille iam non noster tantum, sed & sæculi. Omnis hora illud debet resolutionis admodum neret tempus instare, cum ancipiti periculo finis alternus, & discriminis geminum, unam omnibus mortem minatur. Incumbit mihi misero iam mundi mortalitas, tamquam mihi non sufficiat ad terrorem mea. Quid palpare metus nostros? Securitati locus non est, quando terminus in nos impendit indifferenter singulorum hinc omnium. Quo magis est in hoc, non iam dicam sæculi exitus, sed uel in hoc rerum eius defectu hominum misera condicio, qui sibi nec futurorum spem gaudiorum reponunt, cum iucunditate præsentium non fruuntur. Voluptatem uitæ breuioris non capiunt, perpetuæ sperare non possunt. Bonis temporalibus non utuntur, non utentur æternis. Hic rei parum, illic spei nihil. Dolendus prorsus, atque miserandus hominis status iste est, nisi forte faciat de acerbissima condicione congruam necessitatem, nisi ob hoc ipsum ad potiora utilitatis suæ remedia se corrigat, contendatque ad illa salubrioris uota consilii: præsertim cum ita dilacerata præsentis temporis res sit, ut qui unius futuri sæculi commodum perdit, utriusque perdiderit. Dirigenda est omnis animi intentio in spem futuri: quam spem ut plenius ac manifestius consequaris, aperire eam etiam sub alicuius exempli condicione non abnuam. Si cui aliquis quinque hodie ex ære denarios offerat, quingentos uero aureos in crastinum spondeat, optionemque offerat, utrum æs ad præsens sumere, an aurum mallet in posterum: dubiumne est, quin præoptet grandia illa munera cum parua mora? Tu quoque brevis huius atque æternæ uitæ condicione perspecta, non eligas capere uilla, cum sperare possis pretiosa. Non est tanti sumpsisse parua, quanti est expectare quæ magna sunt. Quod si omne hoc fragile, quod in mundo est & uidemus & capimus, spei uero æ sperando inditum nomen est, manifestum est, nequaquam in hoc sæculo spem possideri, in quo his, quæ inueniuntur, fruimur. Spes enim quæ uidetur, non est spes: nam quis quid uidet quod sperat? Ergo quæcumque illa spes rebus miscetur humanis, quærenda est in futurum: alioquin nec spes appellari potest, si non speratur. Itaque manifestiorem in futurum rem spei sequimur, quam spem rei in præsentibus experimur. Ecce ea quæ nobis in ipsos oculorum admouentur obtutus, non absolute quasi oppressis uisibus inueniuntur: multo uero certius in ea quæ eminus offeruntur, uelut expeditis luminibus intendimus: ita fere euenisse de præsentibus futurisq. non est ambigendum. Nam præsentia tamquam in oculis ingesta, non recte cernuntur: futura tamquam ab oculis reducta manifestissime præspiciuntur. Neque hanc fiduciam futurorum incerto auctore præsumimus, sed domino nostro Iesu Christo uerissimo sponsore ueritatis, qui iustis interminabile regnum, & ampla beatissimæ æternitatis præmia pollicetur: qui etiam per ineffabile sacramentum assumptæ carnis idem homo & Deus reconciliauit hominem Deo, ac magno absconditoque mysterio passionis mundum crimine absoluit. Itaque manifestatus est in carne, iustificatus est spiritu, apparuit angelis, prædicatus est gentibus, creditus est in mundo, assumptus est in gloria, propter quod Deus cum exaltauit, ut omnia constanter nunc in cælo, & in terra, in mari, & in abyssis, quia dominus Iesus in gloria est, rex & Deus ante sæcula. Quin tu repudiatis illis philosophorum præceptis, quorum lectioni operam ac ingenium accommodas, ad imbibenda Christiani dogmatis studia animum adiacis. Illic quoque quo sacundia tua arque ingenium exerceatur inuenies

inuenies, breuiq. tibi liquebit, quanto hæc nostra, idest pietatis, ueritatisq. præcepta, illis philosophorum præceptis debeant. in illis namque eorum præceptis uel adumbrata uirtus, uel falsa sapientia: in his uero consummata iustitia, solida ueritas continetur. Vnde licet dicere, philosophiæ alios nomen usurpasse, nos uitam. Etenim qualia ab his dari possunt præcepta uiuendi? Causam nesciunt, ignorantes enim Deum, & statim ab exordio iustitiæ declinantes, consequenti in cetera feruntur errore. Sic fit postea, ut studiorum talium finis fit uanitas. Si qui apud illos honestiora definiunt, huic iactantiæ deseruiunt, huic laborant: ita apud eos non est uacua uitæ abstinentia uitiorum. Hi itaque sunt, sicut scriptum est, qui terrena sapiunt. Vnde manifeste ostenditur, ueram eos iustitiam, ueram sapientiam non uidere. An ne aliquis ex illa Aristippi schola ueritatem uidebit, qui ingenio suo a suis aut pecore nihil differt, cum beatitudinem in corporis uoluptate constituat, cui Deus uenter est, & gloria in pudendis eius? Hic honestum iustumq. præcipiet, apud quem prodigus, impudicus, adulter philosophatur? Sed alius aduersus philosophos dicendi locus reueruetur, ego ad hæc ueniam, propter quæ tecum loquor. Omitte iam illas, quibus oblectaris, maxime generales eorum sententias, breuiter ex omni disputationis genere collectas, atque ad studia te nostrorum & scripta conuerte. Ibi tu optime pectus tuum multifaria instructione sariabis: ibi ad inculcandam fidem, non his quidem uerbis, sed tamen ista dicentur tibi: Verbum Dei qui non intelligit. Ibi tu admonebre: dominum, quia dominum uocas, metue: quia patrem, dilige. Ibi tu ueras hostias discas audiendo: acceptissima Deo sacrificia sunt iustitia & misericordia. Ibi tibi istud insinabitur: Si amas te, proximum dilige: quia nihil magis commodis tuis dabis, quam quod contuleris alienis. Ibi tibi præcipietur, nullam esse causam tam dignam patres, qua tibi iusta fiat mors hominis. Illic aduersus illicita moneberis: Libidini resiste tamquam hosti acerbissimo, qui insultare uictis etiam contumelia corporis gaudeat. Illic, ne concupiscas, istud edoceberis: Melius est nolle quæ non habeas, quam habere quæ uelis. Illic, ne irasceris, hoc ingeretur: Qui prouocatus irascitur, tunc solum non irascitur, cum non prouocatur. Ibi etiam de inimicis audies: Amato non amantem, quia amantem uix ullus non amat. Illic sapius id tibi iterabitur: Thesaurum is bene recondit, qui indigentibus diuidit. Perdere enim iam non poterit quod largiendo collocauit. Illic etiam feliciora suadeberis, cum dicitur: Fidelium coniugiorum fructus est continentia. Ibi tu discernenda cognosces, cum audies: Mala sæculi huius iustis iniustisq. communia sunt. Ibi tibi istud audiendum offeretur: Maior ægrotudo est languere animam uitæ, quam corpus morbis. Ibi tibi ad commendandam pacem istud pronuntiabitur: Impatientibus similitudo morum causa discordiæ. Ibi, ne sequaris malos, istud audies: Prudentem & sapiens informat, & stultus: ille quid imitandum sit docet, iste quid uitandum. Illic & ista proferentur: Multa potest nescientibus: ideo non minor est Dei in aperto, quam in aperto benignitas. illic admoneberis: Gratias Deo non magis in prosperis agas quam in aduersis: & cum prospera sint, te non meruisse fatearis. Illic tibi etiam remotiora patefient, cum ista prædicabuntur. Fatum non esse, interrogent gentes uel leges, suas, quæ uique non puniunt, nisi factorum uoluntatem. Illic audies, ad custodiendam puritatem & ista præcipi: Si uis esse uerax, suspicax non eris. non enim suspicamur, nisi quod nescimus. Ibi de sublimioribus quoque istud audies: Deo mente defixus, a passionibus cum titillatur, a cælo in terram deuoluitur. Ibi tibi & hæc memorabuntur: Cum hic mali interdum bona capiant, boni malis afflicentur, qui futurum Dei iudicium non credunt, iniquum (quod absit) Deum iudicant. Illic tibi suggeretur: Etiam in secretis tuis, quod

quod uelis homines nescire, ne feceris: quod Deum, ne cogitaueris. Ibi tibi contra omnem fraudem dicitur: Infelicius est decipere, quam decipi. Illic & aduersus iactantiam consummantia tibi hæc præcipiunt: Vanitatem tanto magis fuge, quanto melior efficieris. cetera enim uitia crescunt uitis, uanitas uirtutibus. Et ista quidem pauca de studiis carptim ac breuiter prælibata sunt. Quod si ad fontes ipsos sacri eloquii scrutator accesseris, ibi tu non exteriora magis quàm interiora mirabere. Ita scriptura dum intrinsecus radiat, uelut pretiosissima quæque gemma in profundum fulgorem considerantium demittit oculos. Hoc tu caligantem mentis aciem nequaquam refugus insuesce, hoc interno ac salubri cibo

10 discere animæ famem pascere. Per opus miserantis domini id fore non diffidimus, ut nostrorum apperens & dissimulator tuorum, iania fastidias, & solida concupiscas. Imprudentissimum est, cum pro nobis fere tam multa Deus fecerit, nihil nosmet ipsos fecisse pro nobis: cumq. ille in operibus suis ad commoda humana respexerit, hominem nolle sibi consulere. Conlulimus uero, si nos in Dei cultum affectumq. reddimus. Vera quippe beatitudo est, sæculi beauitudinem spernere, neglectisq. terrenis in diuina flagrare. Proinde iam nunc omnia dicta factaq. tua ad Deum, uel propter Deum dirige. Obtine, ut tibi comes semper sit illa, & tibi custos erit. Tam fida est innocentia. Magnum est uirtutem sequi, nosq. ei aliquid pro uirili portione conferre. Nec pauendum est, ne se ab his quæ usu ino-

20 leuerunt, animus per meliorem uitam non ualeat absolueret. Idem ille, cui sanandos nos tuendosq. offerimus, uires præstat affectui. Vnde autem ut uel æstimatio ne comprehendere ualeat quisquam futurorum remunerationem bonorum? Ecce hic diuina, ut cernimus, munificentia cunctis promiscuum usum carissimæ lucis indulsit. Datur pio & impio communem spectare solem, omnibus creatura famularum suum benignis seruat officiis, bonorum malorumq. totius mundi indiscreta possessio est. Cum hic igitur tam præclara Deus iustis pariter & iniustis tribuat, qualia sunt putanda quæ iustis reseruat? Consideremus qui tanta dedit, quanta restituet: qui tam magnus est in donis, quam magnus erit in præmiis. Si tam inæstimabilis est munerantis benignitas, quæ illa remunerantis? Ineffabilia sunt quæ

30 præparauit Deus his qui diligunt eum, recte plane, atque manifeste: quia uere immensum est, quam magna rependet bonis, qui tam magna largitur ingratis. Circumfer oculos, & de pelago negotiorum tuorum uelut in quemdam portum nostræ portum prospice, proramq. conuerte. Vnus hic portus est, in quem nos ab omni fluctuantis sæculi iactatione referamur, quem inter irruentes mundi turbines sessi petamus: huc cunctis confugiendum est, qui frementis sæculi tempestate uexantur: hic statio fidissima, & quies certa hic late recessus exclusi fluctibus silet: hic blanda tranquillitas serenum renidet. Huc cum fueris delatus, tuto nauis tua post inanes labores, hic ad crucis ancoram fundata retinebitur. Sed iam prolixior scriptorum pagina modum poscit. Vim cælestium præceptorum arte breuiterq. collectam in summam accipe ad Dei honorem. Hæc sunt mandata omnia, ignosce, meq. agnosce.

40

EXPIRATION

[Faint, illegible handwritten text, likely bleed-through from the reverse side of the page.]













